

且園近詩五卷且園近集四卷

〔清〕王岱撰

中國科學院圖書館藏清康熙刻本

附《四庫全書總目·且園近集

四卷且園近詩五卷》提要

柴桑文德異撰

唐人重選體而宋人薄之元以下亦薄宋體宋之詩不及唐固也而其人與其論詩蓋亦有負乎唐以上者焉石守道慶曆盛德詩卽韓柳雅何以過之而其人品之高真與泰山比矣梅聖俞之論詩曰狀難寫之景如在目前含不盡之意見於言外信斯言也微杜少陵不足以及當之而其風流蘊藉人亦不以爲宋人乃一僅爲學博一僅爲都官不得與韓歐以文章符於事業作名公卿豈非命哉熊湘王子山長三十年才名久長安問孝廉船者皆鉅公偉人繹繹不絕著書等身而溪上草堂詩集尤奔走人士一日遍天下乃布湖州之教於劉長卿之州其骯髒之骨固有踰於守道而倡和之雅則無遜於聖俞知山長之詩者什九而知山長之人者什無一也良可悼者此耳予誦其詩不位置其格於天寶乾元之間而下况宋人卑卑無甚高論豈有所靳哉蓋溪竊慨於其遇也已楚無詩楚人而盡能詩也故曰無詩也屈宋不悲憤偃蹇不能成屈宋是上官子蘭適爲知己何足憾哉山長之爲人酷如見守道之再生而其爲詩又甚有味乎聖俞之持論也嗚呼楚之詩之於近時也一闕於公安而盛於竟陵今不敢不以此事推湘潭矣

河東武全文換

人之言曰今日宇內之大學士大夫之衆有不知王子山長者誰余則曰王子固不易知知王子亦未易也今日宇內之大學士大夫之衆知王子之所以爲王子者伊誰哉有知王子之詩者曰筆無常理墨無安瀾此王子之詩之奇莫與敵也余曰是則然而不足以盡王子有知王子之文者曰博而核肆而隱奧而多風此王子之文之奇莫與敵也余則曰是則然而不足以盡王子有知王子之書與畫者曰巧不一法法不一家變幻莫可端倪此王子之書畫之奇莫與敵也余曰是則然而不足以盡王子王子志大履高不隨流俗爲俯仰固

九國定時式序

曠然自命天下士也昔陶石簣袁中郎兩先生推服會稽徐文長謂文長之字之詩之文與其人爲奇通勝無往而不以奇著余亦云王子之人之奇出乎詩之奇文之奇書畫之奇之外幾幾與文長等獨王子早歲驚鳴聲藉賢書令有目者竊窺一斑所遇較文長似過之而屢困公車不得與伊唔拈帖者流通籍稱快冥冥中又若有以抑王子者然然烏知非天之所以抑之實有以揚之也使王子而歷金門上玉堂剖石渠天祿之秘視草鸞坡未必克摠其懷抱道與時宜而不以迂疎見詘不則使王子冠柱後惠文執法殿庭之側爭論天下是非得失如列眉未必不如立仗馬一鳴輒斥去又不則

使王子親民社綰銅符殫其利害興除教養規畫之能未必不以毀言日至催科政拙註下考不如使之抱璞屢躓兀兀窮年肆力千秋大業出其胸中拔天倚地抱海包山號風掣電之奇畢見於詩文卷帙間如左語屈騷遷史揚言麟麟炳炳與日星河漢並垂於天壤而較然不可磨是則天之所以抑之實大有以揚之也王子不苟爲吏一璫仕隱猶若將有招謗取忌難與俗偕之意余進而謂之曰神龍之爲物也能潛能躍能屈能伸能大能小故變化不測而凡物莫能與之狎王子誠能神而明之深藏若虛識進退顯晦方圓常變之宜而勿違厥初若蒙莊之漆園方朔之金馬呼馬呼牛爲諸爲諸總不出乎神龍之用又何至有亢悔之疑乎

九國定時式序

二



武陵陳祚明撰

山長詩工於自言其情哀傷憤懣不能自己而有言多  
識博聞才雄白恣不能名爲何代何家然固離騷之遺  
意也古人畏富貴而逃之若巢許務成之流尚已若恒  
人之情得志則仕宦失職則隱遯各因時以成其行今  
山長以三十餘年前孝廉屢上公車不第勉就一廛薄  
祿不足以代耕馬隊非講肆非仕非隱之身山處語默  
一不遂其意悲夫杜工部深傷鄭廣文然當日之廣文  
不過貧耳未始不慨然自得也居名山水間吟詩作畫  
輕世而肆志閉門坐大無一事營其心故人時時乞與  
酒錢兀然一醉不知有天地萬物何不泰之有山長才  
遠過鄭虔而官同所遇之時獨有不同者安得不哀傷  
悲懣以斯人有斯遇而惡能自己於其言夫尚友古人  
者誦其詩讀其書而見其志是以貴論世之識也山長  
之詩傳千秋而下必有深傷之者且如祚明放廢物外  
之日久客燕山幾二十年蹙蹙公卿之門趨走風塵之  
內頭須如雪來日短而還山無期其不成隱與山長無  
以異同聲者相感慕類者以悲對山長終日泫然不知  
涕之何從乃爲之序以明作者之志倘祚明得附山長  
以傳祚之情將於是乎並可見

且園近詩序

余兒時薄制舉業以爲斷梗不足永世獨銳志詩歌古  
文其後雖列計偕仍浮沉公車至乙未迫炎冷乃亟亟  
棘闈且就冷瑄支離潦倒不暇作詩乃十回不第於是  
志意衰謝仍取故業而緝之客有嘆余者曰子不嘗刻  
溪上詩了菴集乎余曰然客曰毋自苦業故難傳余曰  
何謂也客曰請試觀近選家之採擇夫位不首揆名不  
弁載爵不九列第不二三又從而斟酌其權之輕重位  
之去留爲推移焉逮及玉署臺垣部寺秘博外自藩臬  
監守下至州縣止矣不然選不載也或科名有制執不  
必詩竟以詩名無制執無詩竟以詩名廢鼎坭刀咄嗟  
可辨外是斷須太瘦無與也間有布衣隱士列名附驥  
非選家之締結卽標榜之互推不然詩將無錄名且不  
附並贈答篇什之名皆削之矣余曰固也是貧賤足憎  
而屏之惡其名而妬之恐其才形其陋而抑之客曰皆  
非也夫貧賤足憎尚知其詩也惡其名而妬之尚知  
有其人也恐其才形其陋尚未其其真好真惡也今選  
家皆不遑及此夫林禽朝啼水鳥夜啼者趨時者也類  
當設網蠅螻荷重者營食者也禍斗糞火馳啼食炭者  
附熱者也樗雞翅赤蜺青羽綠者習染者也濕生發氣  
物生甘穢者各順其固然者也今天下來熙熙而往攘  
攘皆非無爲其紛紜校錄讚諛欣賞剽剽不休皆皆有

求於平原君者也故位愈尊而名愈首祿愈厚而選愈  
多有熏炙震傾之勢熱客累足有與咻脂膏之潤羶徒  
濡首方脚踏四顧目營心畫之不暇遑及夫窮愁支離  
之子不急之務乎彼區區宴賤何資殺青而能不脛而  
走不翼而飛乎世卽讓且謂之彼且栩栩然曰史遷有  
言附驥千里尼山榮素王之號苦縣附柱下之名春秋  
博瞻類皆世卿漢魏詞場尤多胃廕尚白猶然天祿凌  
雲必賦上林大風非亭長不傳洛神必東阿而著六朝  
五代迄夫三唐詞人不官亦復無幾名高子美工部垂  
聲逸才青蓮供奉顯迹矧夫提刀有力呂覽金懸廣鼎  
可移化書名竊位之所在名卽隨之吾子不能戮力於  
制科官爵之途以成熏炙震傾之勢與咻脂膏之潤而  
區區欲於斷須太瘦中以求名於時不亦過乎余謹謝  
客曰詩是吾家事不以讓人自吟詩送老不以問世吾  
尚有吾之名山在客姑且退

楚潭州王 岱山長題於漢東且園之愚庭

且園近詩目錄

楚湘潭王 岱山長著 男 禹書大夏編

姪 馮孟穀 全較

楚書孝思

虞書允執

甥王 蘇更生 全圖 孫 昌祖 全錄

甥 會士瑾延昭 全圖 孫 振祖 全錄

甥 謝 融方中

卷之一 計一百一十三首

雪後過寶華老人菴 登濟寧太白樓

報國寺看海棠並松 桐城浮山歌爲無可賦

螺川壽施愚山兼以志別四十五韻

題枯木怪石贈車孝思二十四韻

邗江遇杜于皇二首 別陳徵君祚明

贈石谿和尚二十四韻

寄程青溪先生 詠懷次夏振叔韻四首

贈孫魯山先生 贈夏人淑十一首

答雲外和尚二首 贈陳華頂徵君

和徐子星先生坐潏水準提菴松樹古藤韻四首

酬郭幼隗見懷二首 丁未過邗江再晤程穆倩

因留寓齋中二首 題周樸園讀書樓四首

文王鼎歌 登白兆山信宿五首

贈葉友蓀

坐寶華菴二首

贈孝昌黃澹山

鄂渚逢白大孟辛

登黃鶴樓三首

丙午登黃鶴樓二首

登晴川樓

題友誼卷

湖亭雅集五首

送白孟辛南還

訪龍隱和尚二首

登智門寺二首

雪中訪龍泉和尚

訪雙泉雲外和尚

遊羅什寺贈同里衲子法隱

訪龍峰和尚

贈蔣虎臣二首

集萬亦凡齋二首

口占贈夏芝三

晤家阮亭三首

都門楊鄂洲署中度歲

長句詩目錄

二

上元集嚴司農方公署三首

上龔大司馬芝麓四首

贈紀伯子二首

上魏栢鄉相公四首

丙申別單拙菴司成丁未再晤二首

顧西巘侍御以詩見贈賦答二首

口占柬喻春山李龍孫二十二韻

別嚴顯亭十三韻

邗江晤家西樵

贈張杞園

贈李渭青

寓承恩寺慧可僧舍

壽亦世兄伯母八表二十

三韻

楊晦菴將往都門三首

秋暮寓寶華菴和隱公韻二首

卷之二

計一百一十一首

施愚山有詩寄懷卽韻以答六首

遊吉州青原用施愚山韻呈方無可和尚四首

同方無可和尚胡伯聘登釣魚臺

步無可和尚見贈詩

于慧男招飲白鷺書院因觀施愚山詩

送趙國子遊粵東寄懷吳錦文司李二首

贈廬陵賴吹萬二首 劉嘿菴晚章十三韻

送石語和尚還曹溪 李龍孫兄訪螺川二首

過向上寺訪采商和尚三十二韻

六月山見贈長句依韻以答

長句詩目錄

三

冬至後三日夜雪復用方月山韻卽東月山

前雪 再用前韻

後雪 重用前韻

贈武石菴先生

武石菴過且園

贈胡山公先生

寄壽周峙鉉同譜

鄒心水齋看菊

過陳華頂徵君墓

京山觀音巖二首

壽鄒心水

甯市宿閭秘宮宅

過竟陵訪胡君信夜集

再贈君信

寓竟陵丹臺觀

又和君信贈詩

竟陵西湖水西菴兼贈別

雲衲

竟陵西塔寺內有陸羽井

訪旣閒湖居春及園

邗中晤莫大岸



登毛子霞聽雪樓 集金會公署

耶子四皇樓陪同里道階和尚二首

赴道階和尚齋 題楊立旃壁

送道階和尚入府君山

陳珏菴朔日設齋 過道階方丈卽事

竟陵昌壑叟工鐵筆因作短歌以贈

九日李逖過訪因同胡伯聘遊金牛泉大覺菴

二首 九日東于慧男

鄒秋山訪余螺川 次毛大可韻二首

過金牛泉 蕭孟昉索題春浮園

壽郭徵士 送融公還武夷二首

步會旅菴韻兼東于慧男

贈張簪山 哀楊武陵 有小引

贈隆慶寺衲子無畏 贈陸子璧

別蔡遐宣 張荀仲初度

寓吉州祥符寺二首 贈施愚山兩郎

次丁景呂別韻四首 和張鹿床見懷韻二首

張鹿床泊潭晤於舟中并有句贈依韻以報

壽白仲訓 贈魏子存督學四首

贈謝自芳二首 贈魏冰叔處士四首

送南雲和尚六首 別施匪我

送瞿天門還朗州 寄譚灌湘

贈張讀霍 寄懷巫巒程

壬子暮春雨後新晴雲外和尚過訪

同程青溪司空坐湖亭五首

東吳仲勉

卷之三 計一百一十四首

開嵇淑子甌樂行田錄四首 有小序

櫻桃四首 秋柳四首

韋簾四首 斑竹簾二首

叫車二首 和吳孟舉菜花詩四十四

韻 十二無答友題十二首

雨中芙蓉 答高處厚蟲字韻四首

湖亭歌 燕將樓

和杜一淑女郎韻 豐樂鎮弔魏武

銅雀臺懷古 過真定府因雨未及瞻大

佛像 真定次壁間韻

禮真定天寧閣大悲像十韻

謁漢徐元直祠二首 汝寧城東大士閣遇雪石

和尚 許州城外塔

郭店驛阻風 洪水道中二首

泥溝驛端木先賢祠 湯陰遇風

湯陰道中疑塚有建昌祖祠其上者

子瞻喫粥作詩處 過魏家營



鄴中懷古

信陵湯沐地

麥秀地

邯鄲懷古

邯鄲道中口占

黃梁夢

沙河贈友二首

沙河有感

大石橋阻雨贈居停

宿清風店

旅次偶成題壁

亢村驛夏貴溪碑二首

瑞木行

飲高甓菴署同徐艾水首四

涿州桓侯祠

光武祠

周吳昉蕭樹白同昌黎叟過署小集

和程蒼其集且園韻二首

酬石谿贈畫十二韻 訪顧華峰過許青嶼小樹

其間詩錄

六

齊戲爲作圖四首 次趙孟遷別詩韻四首

次吳旣開別韻二首 河北道中口占

次李吉三別韻

頭陀寺

過大悲林贈圓公卽次其韻

再過大悲林同車孝思

大悲林看芍藥二首 自五臺菴至北塔同車孝

思二首

登北塔贈淨公

卽事和韻二首

次穉潛來韻

再步前韻答次訊也 顏君信八表三十六韻

壽許玉衡

邵陵別江南傅飛黃

仁義宗人太夫人八表詩

卽事書唐欽子扇 贈車孝思二首

卷之四 計一百三十二首

詠懷用車孝思韻 旅懷和友韻二首

重陽先一日唐質生小村過訪因留小集二首

和孝思韻次答二首 挽石浪秋二首

夏日過唐魏子宅 過郭幼隗宅

送謝鳴玉秦遊二首 和楊系雲韻

吳長庚使日南歸尋有內艱詩以贈之

和孝思來韻二首 酬南海曾豫良

送蕭樹白還里三首 送許琴公還鄉

和施偉長贈韻 江夏晤劉石帆

其間詩錄

七

武昌晤方素伯送之歸白門

送語松上人赴法雲社二首

丘曙介招集卽事 贈攝菴上人二首

贈萬心常 贈徐東萊三首

弔楊海門司馬二十六韻

喜謝鳴玉滇歸四首 周中丞重新岳麓書院十

四韻

上任司寇二首

七夕立秋

壽孫作庭少司馬

題樊念菴卷二首

楊晦菴歸談雞足之勝因

和其扇頭韻

贈梅杓司

呈魏栢鄉十六韻

送陽晉侯官秦蜀

招陽晉侯道階齋 和彭海翼見寄韻

乙卯重午日陽晉侯吳仲勉集且園

初秋陽晉侯池象九集且園

贈余佺廬 和彭扶上見寄韻

和朱喬三遊九巖圓明諸勝

電市訪毛槐湄 寄趙白水二首

集高篋菴署 贈饒型萬監司

胡母七十節壽十二韻

和夏無易來韻 贈馮泚鑒二首

又像贊爲泚鑒 壽山和尚見訪寄懷

和脉和尚韻 晤白兆和尚於道階丈室

立春過法雲方丈看梅

贈師非石 贈朱友

贈張心水監司 謝鳴玉滇歸卽遊秦中晤

於都門 口占贈程湟榛

漢東過友人山庄二首

和周叔子集且園韻二首

丙辰冬戲送黑孟樸還武昌七首

和周叔子雪詩二首

卜居過雲罩寺訪道階遇霽峰衲子

于常訪余漢東步來韻

顧季貞公車至都門喜而有贈

和樊海連韻集石長宅

送石長南還九首 荅周計百贈韻

彭旦今太母壽四首 次車孝思來韻二首

酬張我錫 贈智月上人

和左九一韻二首 雨後徐浴咸招同諸子登

黃鶴樓分得鹽字二首

赴真如和尚齋二首 送王素卿還浙

野外看梅 宿寶華僧舍

雲外和尚送余北行和韻志別

荅鄒心水贈余北行韻

別道階 和詹陟園白燕詩

赴黃龍寺齋 病起柬仲勉

贈汪醫士 送周叔子還里二首

戲贈徐義侯書賈 戲應劉星士索贈二首

卷之五 計一百三十九首

有以魏克水仙竹石見壽者偶爲之贊

題汪無方人物画册十二首

題行脚圖 題畫贈夏振叔

題畫贈高處厚 題淵明圖贈譚灌洲

題扇頭贈樊念菴 題畫贈秦和羅泰亨處士

大雪過洪山走郢上遇蔣虎臣有哦唱之行因回

圖以贈 題畫贈吳仲勉

程青溪先生索画爲寫二幅

題風雪驢背圖贈喬益其

題淵明醉圖寄謝叔孚

題画贈朱亮工  
題附目獨坐圖

題倒挂梅  
題烟水圖

題扁舟圖  
偶寫桃源圖寄友並題二

首  
題拄杖圖

題漁舟圖  
題画贈陳虛白

題画贈李兆嶽二首  
題画寄李潛石

題画贈安鄉張同伯  
題画贈程文載

題醫人画  
題聽雪樓圖贈毛子霞

題風雪圖  
題画戲贈劉杜三

題袁安臥雪圖贈呂生

題画贈徐生  
題春山放艇圖

題毛女圖  
題画戲贈錢飲光

題陸子璧芙蓉  
題海棠

題觀泉圖  
題孤松怪石贈姚歷升

題扇頭贈白仲調  
題画贈李容齋少詹

題画贈蘇亮工先生  
題画贈李嵩岑先生

題画贈張安仲  
題画贈家北山

題画贈余佺廬  
題画贈周竹瀨

題画贈葉慕廬  
題画贈沈西來

題雪景贈蕭緝破  
題雪景贈僧量帆

題画贈電鋒和尚  
題呂純陽像

題博古圖画  
題萱草画

題牡丹画  
題富春釣魚圖贈程湜榛

題雲松圖贈羅直卿  
題採芝圖

題撫琴圖  
題米南宮拜石圖

題画壽白仲調二首  
松下坐禪圖

題画寄友  
題雪朗僧画

題雪景贈龍泉和尚二首

題画贈菊隱  
題画贈林公弼相士

題扇頭画贈家阮亭  
又題家阮亭扇頭画

題五月江深圖贈徐東萊

題雪景  
題画

題画  
關中王文含圖六首

題雪景冊貽家吳廬十首

題風雪圖贈郭幼隗二首

雪夜卽事  
灾菊

殘菊  
題画

題滿湘圖贈友  
題画三首

題竹木寒石圖  
大士出山像贊

送趙輜退先生官河內

題画贈薛衛公  
毛女採藥圖

戲題曹文度七一居士像

題画贈曹禹濤

題房慎菴画冊三首

贈房慎菴司馬

南城外看荷同家北山集

賀天士諸子二首

中頂觀荷北山再索古詩

却賦

孟穀姪留試北閣詩以勉之

楚書姪編較且園集竣感而有作

且園近詩目錄終

且園近詩目錄

上

且園近詩卷之一

楚湘潭王岱山長著

雪後過寶華老人菴

香臺亘浪水東流遶西郭上有巉巖洞洞係昔人避黃巢者下有

溪幽壑市荒井窻稀沙明江岸擴積雪散寒煙林巒迤

隱約清磬時一擊聲響遍寥廓隱公寒入定香積噪山

雀客來叩幽寂龕啓警猿鶴別峰在何處彈指彌勒開

撥火出殘芋傾瓶煮薤藿卽事得三昧解却五宗縛衣

未本未失不用叩巖鑰林中春意淡叢篁吐新籜

登濟寧太白樓

萬古騷人地登樓倍惘然難逢鑑湖老誰識夜郎仙白

髮談天寶青衫滯客船因思醉中意獨醒爲君傳

報國寺看海棠並松同吳既開夏振叔

典闢猶赴看花期冷蕊幽姿春盡時偶供佛前松作隊

不留香處蜨難知百年開落渾無主幾日風霜莫謾吹

此去再來人健否爲余記取舊南枝

桐城浮山歌爲無和尚賦

金笏之山生海東五金通變光能熊剴然柱立無所倚

燭龍之始若木終又聞渤海五山根極虛無底縹緲六

合之條穹帝繫熬足地不實隨潮下上吹天風今之浮

山母乃是嶰响幻怪波濤中山頭峰巒七十二三十六

巖俱闕空三面而湖一面石雕琢鬼斧非人工石梁跨



洞五千丈雙垂下飲長川虹洞房杳冥既不一玲瓏宛  
窈蜂巢同一石一木良嶽異千門萬戶阿房通細泉珠  
璣作刻漏飛瀑匹練懸簾櫳獻華吐夢呈衆色煙青霧  
白朝霞紅樓臺展市不足擬元氣膠膠藏鴻蒙女媧之  
石餘巖嶽五丁之斧開蠶叢地脉靈迥異人出藥地老  
人生降嵩我聞極九談勝槩中有馬鬣封巘巘摩耶仙  
悅亦藏此玉棺端正演漠宮有時展墓別苔蘚齊諧志  
怪箋魚蟲三一老人爲外祖全真息機觀我公談莊說  
易極理數條忽難繫混沌翁了菴聽罷食指動日驚耳  
亂心鬱忽自從足繭歷大塊不得浮山靈怪經磨礱乘  
雲御虛既不得葛陂短杖歸郵筒

乙巳客螺川壽施愚山初度兼以志別

結交遍海宇白首難心知都門多締納相者惟主皮斯  
風旣已靡古道難重持置身百人會聲響慙追隨自遇  
施宣城真氣照等夷論交三代前作詩黃初時邂逅訂  
生平言笑無間期余適飄零人君官白雲司歲月兩多  
暇篇什動盈筭有句必共賞有酒斟酌之分帛御客寒  
分餐餽客饑及君觀海岱望嶽梁父祠八月發天津十  
月到臨淄梅花照驛路冰雪含幽姿值君初度晨折梅  
同獻卮鄙人多放誕脫略寡猜疑君懷獨容與綴緒意  
不衰別去西陵遊各在天一涯臨風苦相憶萍梗多路  
岐再登歷下亭爲覓甘棠遺明湖怪石銘鈞突名泉碑

十步九吟咏一咏三致辭聞君官湖西豈不長相思自  
慚臣馬白耻言車載脂臨叩謬相許垂暮還驅馳重逢  
適偶然氣誼永不移軒車過里巷高節臨荒陂握手傾  
芳潤驚喜察須眉感此金石誼媿彼陌路兒君才具天  
人絕學繼前規春陵春草青洛水清漪漪頑冥感膏澤  
賢哲歸型儀講席固不忝與頌誠無欺一陽幸初復泰  
道應斯須兼此嶽降辰重獻畏壘詞松栢茂晚節芝玉  
森塔鼎青螺峰蜿蜒白鷺江逶迤名泉幾疏鑿佳樹生  
參差靈氣開運會斯文當在茲余才實固陋所學初無  
師蚤歲負志節晚年徒支離瞻山懷仰止望海空心悲  
成連已相遇惠子寧無寃願從白鹿遊風月常相追行  
矣難重陳白首當皋比

題枯木怪石贈邵陵車孝思

孝思某年納少姬故  
用子瞻贈賈荅老付  
雙荷葉添丁守之之語初未知孝思晚生兒也  
及閱報詩恰與古今因復有此贈

肅木不附枝肅石不附土絕世抱遠思非法子瞻語忽  
憶添丁言戲翁子更乳豈意提攜中真有石鱗豎幽人  
迹每同韻事若師古人種不可失多男亦貧窶古來遺  
世上林逋梅鶴伍彭澤五男兒弱女並收乳厲夜求火  
心遂忘折腰苦鄙人寡俗嗜少與世味拒中年罹兵革  
骨肉半泉府兄亡遺諸孤婚嫁日仰俯一子纔數齡失  
母幼無撫及茲始成人倔強踰乃父愧余久飄泊兒解  
持門戶余不附人熱貼兒受鄉侮榮辱有天命躍冶實

羞觀年添倦行役老景逼衰腐何當空谷逃謝絕俱偃  
樓百年會且暮深謀覺無補多翁氣不衰婉轉媚乳姥  
聚栗分餘甘率挽隨杖柱也復禪寂人廣平成媚嫵以  
知才倍余長袖真能舞

邗江遇杜于皇口占有詩即用于皇焦山詩韻

別來三十載尚復滯三山身老詩能穩名高氣愈閒借  
杯澆礪硯是日同得句當躋攀焦山詩開口堪同笑斜  
陽醉不還

別棕如許在及晤語無多于皇贈余詩有一別三十年詩成幾萬字翻是語言難立  
波獨有名山業年來幾揣摩

別陳徵君詩前明

十回下第故人憐古道如君十九年壯髮定交今白首  
黑貂敝盡舊青瑣詩書但種他生慧辛苦應酬夙世愆  
爲惜臨歧思握手風沙隔斷漫淒然

贈石谿和尚

大師明州彥解脫寄禪悅自覺卽覺他不自徒了徹隨  
機施法乳方便解羈縻筆墨入三昧妙義總高潔昔時  
親公作寤寐不能輟同里成契濶烽火生隔絕展轉二  
十年間關經歷閱辛苦倦行役一瓊養窮拙豈意誤徵  
名垂老茹茶葉于役到鄂渚瓶鉢忽親切相見眼俱青  
相憐頭並雪執手念疇昔縑綵中內熱慙余鈍根人百

鍊反成鐵師言二親逝旅觀未營穴俗諦既未了聖諦  
亦空說崎嶇念故人石谿交數載惟郭天門程青溪兩公最密乘興理舟楫  
忘情及槁木聞言心惘咽血性卽佛性真空無斷滅讚  
嘆善知識慈忍與衆別洞庭波濤潤木落寒凜冽龍象  
中夜號乞法聚藪澤隨機示正眼拄杖可時掣

寄程青溪先生

風流文采舊香山健步林泉芝朮顏塵尾松間塵自遠  
基聲花外畫長閒機鋒三昧偕高衲點染千峰付小蠻  
近日山陰欲乘興雪中無棹漫空還

詠懷次夏振叔韻

孟夏四月終寒氣何凌森幽燕白日孤委巷多沉陰起  
視四壁荒雲霾沒遙岑撫景不自適羈縻感客心

朔墊無芳晨春色多淒草空有玄賞心何方恣幽討天  
地變寒暄陰晴不自休側身甕牖中蕭條類巖島

剝啄復剝啄音聲聞故鄉下客畏奔趨啓戶生徬徨開  
緘得素心遊目覽大荒嘉言移我情海水飛蒼茫機杆

自河漢織素非流黃斯風旣已墜高詠何皇唐溫厚多  
諷寓和平還感愴歌罷起三嘆和者難宮商

夷光無媚顏顰眉亦自好低頭尹婕妤好顏色忽淒稿抱  
憤採青泥神山握瑤草沆瀣氣慘惻沐浴生百寶堪嘆

明光人讀書若不蚤

贈孫魯山先生

四十八年餘碩果幾朝元老數晨星白知角里衣冠作  
不比江撻鬢髮青閱盡滄桑雙屐杖譜來山海幾圖經  
相逢不用談天寶已幸中原有典型

贈夏人淑

用彭韻

倦去微官贊早班清泉何事擅離山逢場有技工繩鼠  
靈藥無方煉大還世路正艱機蚤息詩篇垂老句宜刪  
壺鹽閉戶原堪味耻作干人免厚顏

白髮愁來若箇長故園虛負幾重陽

時值重陽

能貧黃菊肯

無價善病茱萸亦滿囊隱几漸忘輸我懶登高無意學  
人忙淒風冷雨真蕭瑟却羨南歸雁幾行

無當徒勞說玉卮瓦缶真不媿吾師貫休得得難添句

六

六

鄭五紛紛歇後詩往日朱門堅聚足近來白社也攢眉

柴桑省事尤宜學半畝山庄水一池

有客乘驢自古潯秋濤風雨度洪山聲詩子尚鳴金石

貧病余方罷往還晤後虛名堪掩耳過時遺恨懶開顏

多愁新舊俱難紀欲向寒花次第刪

空齋閒日小年長數畝呼兒三兩行蕭索一官如客宴

風塵半世爲誰忙吳門暫許同梅福關尹何因識伯陽

莫笑侏儒唯一飽卽今官粟未充囊

時發粟作官俸

魯酒如澠祇一卮不堪傾倒擬南池

南池有李白詩

老去仍多恨匡鼎來時始說詩山鳥往還忘聚散寒花

開放有參差相逢不用添猜忌各抱孤懷未展眉

竹峰巖壑漲雲湍更有奚囊拄杖看下筆已知窮鼠技  
進賢無意着南冠臨卽自是千秋俠安邑空誇一片肝

第五名頭原自好不須驃騎更稱官

人叔集皆病僂粘

尺書丹碧起風湍

人叔病風痺

子來任運鼠爲肝峰尖石隙嘗

穿屐髮短心長懶着冠歸去華陽問消息

人叔方山中談內養

宰相不須官

骨重神寒自島郊宜將此子置三茅鶴孤耻向雞爭食

鳩懶會無鵲讓巢有恨江淹成底事傷心朱穆絕新交

話淡渴病秋生肺苜蓿無盤乏濁醪

逍遙祇合息天池何事隨雞入醋卮半世支離枝十指

七

七

一官懸臂列雙眉才人老病悲淹蹇知己消亡嘆索離

慙媿春來舊楊柳向人猶自折腰肢

嶽坐何人獨向隅斜陽慟哭立荒途飲河久已同鼯鼠

集苑終難學鳥鳥悲似包胥成蘭足慙如子羽責頭顱

秋風縱也堪懷思何處薤露可餽鱸

苔雲外和尚贈言

壁有無絃太古琴朝來天籟自成音龍中出定雙泉落

師隱雙泉峰

床下煨芋積雪淡老去火蛾空撲紙倦飛孤鳥

欲投林自慙多識都成障虛負頻徵七處心

彈罷龍門霹靂琴聽絃聽指總非音山爐宿火泉常活

枯木寒巖春自淡雲水偶遭原不競雪鴻留爪木無心

拈來黃葉號難止揮塵空勞支道林

贈陳華頂徵君

百尺蒼松芝木顏偶傳鸞鶴下塵寰道存虞夏神農際  
人在壺丘列子間池有鳳毛呈五色名藏金簡寄三山  
清時人瑞真難逢欲誦仙兩賦大還

和徐子星先生坐溪水準提菴松樹古藤下韻應

同坐

樸直無枝樹宛窈多姿藤根盤固金石脂結成寒冰  
礪其爲命神物若有憑青陰滿梵閣元氣蒼然凝  
古佛亦低眉微示拈花意托根自淨土得離剪伐累不  
辭俯仰勞不露徑直異有枝不干霄有葉不覆地

八

八

涼風蕭蕭來清籟時生鳴豈無群鳥喧物性含幽貞解  
衣聽蕭蕭衆慮遂無營嗟彼蔓草榮卑棲附榛荆  
黑甜譜混沌獨醒媿群醉攀緣倚喬木強附非我志百  
折殊未挫一生遂如寄霜雪歷歲淡未改此蒼翠

酬郭幼隗見懷

隱山茅屋足林泉惆悵衰年繫故璫桑海局更寧避地  
升沉命在敢尤天前身寂悟消摩詰著作春秋媿服虔  
本欲持竿問漁父湘江難繫釣魚船

秋光渺渺正愁余珍重相思尺素書獨許眼青招卜宅  
欲以城西似憐頭白尚驅車籬邊松菊荒無徑讓水東  
別業見舊園也  
西美有居莫訝淵源更晚節時將咄咄盡空虛

丁未過邗江再晤程穆倩因留寓齋中穆倩三載

前週甲子各有贈章步襲合肥韻二首

六十年來老客星邗江局戶草黃庭松芝健食頭猶黑  
桑海頻更眼倍青註就禽蟲聊紀歲公六十自賦回來禽蟲言詞  
木石屢添丁公于鼎彝丹碧供杯酌不數陶家老瓦瓶  
空堂蕭曠帶春星夜氣雲煙冷戶庭炊去松濤鳴石鼎  
酌來金液瀉銀瓶一溝邗水千門綠夾岬隋楊萬古青  
別後郵書倘相憶揚州應有鶴稱丁

題周櫟園讀書樓

一樓高寄大江東建業山川在眼中花草六朝歸謝眺  
雲嵐百尺護元龍時因動操來清響便欲高歌起大風

九

九

拄杖不須兼勝具捲簾如已歷鴻濛

拄笏朝來爽氣浮虎頭遺筆滿滄洲全圖松菊栽陶徑  
盡掃峰巒入米舟見說庾公猶逸興慙非王粲未登樓  
石頭高踞秦淮水便擬乘槎泛海流

聞道樓居好學仙天然五嶽有真傳青蓮擱筆臨黃鶴  
郭恕含毫寫放蕪山嶂似題無字碣湖光如誦莫愁篇  
不知桑海頻更變自有嘗存甲子年

何人作賦能懷古有客登臨思惘然魚鳥不知新歲月  
雲霞未改舊山川嘗將酈註平泉列口有與圖鄴架懸  
不似張家巢燕子徒將心力載歌絃

文王鼎歌爲徐州嚴試



伏羲画卦為鼎名象取火風相配成文王演易周孔繫  
享帝養賢從此生主鼎器者為長子玉鉉黃耳皆休明  
禹鑄大鼎為不朽萬物一鼎鼎凡九使民耳目見不驚  
奇禽怪獸無不有代傳商周永不遷楚子欲問終拊口  
祖龍舉鼎沉洛水神物至今無處取小者周製充飲食  
子孫饉粥為世守半銘功德為古箴一命再命循牆走  
秦漢追琢多繁費後人玩物徒珍貴此鼎制名文王鼎  
班駁離奇含寶氣不數宜廟施甘家不知有漢况晉魏  
峭巖翩翩博雅流婆娑米袖歐陽舟嶧山之篆蝌蚪跡  
真與此鼎相匹儔元氣淋漓滿案浮岩巖工

登白兆山信宿

同鄧水心別吳  
助班又五絃

且園詩集卷之十

十

客况春晴好名山許一登地留供奉跡寺少惠休僧碧  
嶂橫雙檻珠泉吐百層欲窮真洞壑真色與猶乘  
路經巉石下立馬萬峰巔白兆重開面青蓮再謫僊人  
煙迷遠郭堊燒遍山田莫厭崎嶇步逢幽屐更前  
不識躋攀舊山荒人跡迷空思餐石髓無術度丹梯幽  
洞門誰鑰洞中桃花澗絕蹊豈無靈運在殘照已沉西  
興倦同休榻歡然得暫閒飯香忘脫粟睡穩即名山杖  
倚孤烟外樓橫絕巘間夜來風撼壑不動獨禪關  
取徑快歸目懸崖下百尋不因樵路險那試道人心峰  
翠散初日春青破舊林人生難與會莫計暫升沉

贈葉友蓀

新安人賦以茗  
墨索余詩画

無事荒齋日論文南州獨許榻懸君攜分雀舌青蘿雨  
與灑松煙白岳雲寢食好龍徒見似去來看鍛負前聞  
秋冬之際難為客且共寒花對夕曛

坐寶華港

同錢飲光焚  
念菴萬心常

一月勞生苦須臾世外閒解衣聊倚樹隱几即看山客  
好能無忌僧高不閉關共憐良晤少相對鬢毛斑  
不意江城外閒巷向此深亂山浮水碧新柳抱門陰酌  
茗開塵夢聞香悟夙心荀蔬齋既罷清磬出幽林

贈孝昌黃澹山

荒庭草色與簷齊苦棟花殘徑滑泥客到正逢乾鵲喜  
官寒真似鷓鴣啼瓦盆旋注牆頭釀立夏先分秋後題

時以秋柳題索和

且園詩集卷之十一

十一

地有文房舊蹤跡推敲莫厭旅栖栖

鄂渚逢白大孟

辛記於來同盟白下有孟辛仲調  
仲調屢應都門而孟辛則別三

十餘年矣

三十年前二白四依稀猶記石頭城話來天寶人無恙  
未卸青衫世已更費祿有樓邀客詠崔嵬無酒為君傾  
還慚束縛寒瘦子畏說當時舊姓名

登黃鶴樓

辛亥重五朔三日同白  
孟辛李仲牧尋又平

梅花五月浪如雷人上黃初湧月臺萬井周遭當檻伏  
百川回合抱城來司助去後餘殘碣丁令歸時歷劫灰  
獨有多情磯畔石年年邀客共叩杯

丹青重煥與雲齊

鶴樓仙棗枯根吐嫩稔有恨鸚鵡悲

草綠多情明月感烏棲登樓興在添新賦問筆人來續  
舊題望風煙吳楚接不堪回首夕陽西

飄飄有客欲凌雲借川遙檻風生列寇身雲夢盪胸不

八九天門排闥俯星辰傾杯誰是懸壺客西橋真同刻

鶴人為覓黃梁高枕訣不愁頻見海揚塵是日白鶴與  
修練事鶴與

鶴同故郭清名黃鶴磯然黃  
鶴費文律事今人誤為純陽

丙午登黃鶴樓同劉石帆  
蔡伯玉

層樓縹緲氣繽紛下有蒼茫萬古雲曳杖振衣千仞外

倚欄長嘯四天開鳶魚飛躍觀無盡天水蔚藍望不分

白蜺塵勞機未息鵲磯磯畔美鷗群

江漢秋驕灌百川觀濤八月浩無邊數峰雲樹朝光裏

萬點帆檣落照前閱盡滄桑難紀歲坐來風物不知年

鶴黃雲白如常在誰是重來舊費仙

登晴川樓

門擁山根大別青鶴樓雄峙氣凌嶒峰從衝霍來江夏

水自巴渝接洞庭氣象萬千開霽色人烟縹緲入鴻冥

搔頭幾度因懷古擊楫磯頭舟屢停

題友畫卷

飛來玉井碧芙蓉橫作幽巖側作峰雲氣四時常欲雨

松濤六月已如冬似疑秦石碑無字為問桃源洞久封

獨有吹簫仙子至夜渡明月鶴留踪

湖亭雅集同家吳廬  
沈茶菴

咫尺城隅地平湖四望舒不緣看竹興那識浣花居  
石山橫砌交軒柳覆除潭無邊幅限真意果蕭疎

一泓開曠遠三面俯平莊不復加疏鑿因之得泥茫

蔣青入所蒔莒葉浮霜卽此成幽賞無須問辟疆

佳興應成偶因人得眺登入門忘肅客接杖喜逢僧垂

實柑千顆殘香菊幾層會心非在遠隨意檻頻凭

道廣賓從集門喧冠蓋通相逢無問姓入坐偶然同吟

蛭能啖推敲晚更工周旋吾與我醉醒各從容

牢騷生滿目笑口暫能開善謔齊諧隱繁絃北調來歡

場聊復爾酒政幸無催興盡留餘詠殘陽照水隈

送白孟辛南還

共將遲暮惜飄零又向消魂折柳亭客路易窮雲黯黯

南天多滯雨冥冥高才豈盡甘淪落古道安能遽逕庭

為語江州多感客琵琶曲調不堪聽

訪龍隱和尚同周吳昉  
鄒水心

天童示寂後心印隱公傳應器六時飯松巢百丈泉西

來巖下意南嶽雪中禪自覺裴休鈍當機亦豁然

欲絕機鋒路來參不語禪法垂頑石地定起百花天白

兆看嘗在潁江去杳然棒頭無着處清磬若為傳

登智門寺同劉鼎夫師非石  
周吳昉蕭樹白

偶然乘興踏山椒渡水穿林不計遙寒步懶隨沙苑馬

倒屣聊共習池邀數峰松籟依龍象萬壑鐘聲破寂寥

獨有香臺方外跡置身容易在雲霄

弓刀小隊靜無譁緩步能容老孟嘉作賦已慙非羽獵  
登高空復感年華人煙飄渺含青靄江水參差走白沙  
典到會須傾倒盡不妨歸路口西斜

雪中訪龍泉和尚

驀地漫天雨雪來峰巒萬疊亂雲堆人從絕壁尋樵路  
馬踏寒冰滑石苔豈有因緣如法器恰逢殘芋出爐灰  
掀簾入室俱微笑爲看天花滿徑開

訪雙泉雲外和尚

棒喝師承已九年此來親得見雙泉庭前柏樹千枝翠  
殿角峰巒萬疊煙枹火邊鐺折脚藤蘿單畔衲無絢

古詩卷之二

燒松夜半都忘倦澗水穿厨落屋椽

遊羅什寺贈同里衲子法隱

錐立高崖俯萬峰嗟峨宮殿半雲封僧依蒼翠忘來路  
鳥入煙嵐覓去蹤逼近諸天問梵語驚回下界聽霜鐘  
重來落石從誰問傳臨濟祖師登山記取前林西向松

訪電鋒和尚

蘭若上青冥燈傳濟祖庭到門藤倚樹入耳塔吹鈴鳥  
道孤誰上江流迅不停欲知三棒意天外數峰青

贈蔣虎臣

時公往峨嵋  
遇于南郡

芸閣觀書廿載香奇文字字挾風霜豈同避世依金馬  
却爲憂時效洛陽江撙還朝頭尚黑向平采隱典猶長

自慙束縛醴雞隊一見移情幾望洋

收將湖嶽入奚囊賀老遺榮水一方救世低眉菩薩願  
尋山行腳道人裝飽餐石髓雙瞳碧禮罷旃檀竟體香  
自是再來身不偶豈因朝野異行藏

集萬亦凡齋

同高處厚  
楊文啓

客病臥難起人扶赴宿邀叩門來二仲快語遂終朝杯  
綠浮新蟻春青破舊條幾年牢落恨對此坐能消  
一丈幽人室圖書展百回得閒時亦少不速客能來巢  
燕依人語庭花作意栽便成真率會醉醒各無猜

口占贈夏芝三

客衣寒薄積冰霜千里擔簦未裹糧雪片草封山蹇步  
梅花擔重隴頭裝青衫俛首風塵苦白眼逢人岐路傷

慙愧冷瓊無割贈短歌無闕不能長

晤家阮亭

春明書七上慙負舊時盟才盡都成拙名增耻過情入  
群驚僂蹇漸老廢將迎何意憐同調村歌入倚聲公選詞  
聲聞前赤幟譜系舊烏衣自顧阿癡似難辭天壤非牢  
騷時忤俗奔走日驅僂暫得殘杯底論詩到極微  
琅邪老宗子達識並通才愛士無名噉評詩有獨裁論  
衡新枕秘博雅舊齊諧此日千秋業中原應共推

都門楊鄂洲署中度歲

敝裘初解拂風沙有客乘軒入巷斜此日共推揚德祖

何人急難魯朱家眼青但覺杯浮白耳熱安知鬢已華  
莫向他鄉感離索椒盤今夜總天涯

和鄂洲贈韻

上書大息老長沙前席無由入禁衙馬首幾推三節地  
殘鮐空客五侯家前身尚憶披香史此日誰媒夢綠華  
聞道伯牙聽海水望洋千里正無涯

上龔大司馬芝麓

重理春明夢來登司馬堂時過增索莫才盡覺倉皇詭  
遇情終拙懷知意未忘何當勤愛惜接引日相望  
海內留元老天心一綫機斯文應不墜後學有依歸大  
冶都成器清言總入微飲醇真欲醉玉塵見輕揮

皇朝詩卷之六

去

鑒朗無遺矚懷虛有並容細流爭學海拳石許成峰識  
量空群解文章立大宗歷朝俱不礙真覺道猶龍

道大才相副隨時慰衆情低眉陰解網會官憲運籌暗銷

兵鎖鑰關畿甸猷謀用老成欲將霖雨潤通瀝起蒼生

上元集嚴司農方公署

同家懷人式九劉杜三程文載諸子

泛愛容高會憐才獨故鄉不緣嚴武恕那許杜陵狂淺

酌觴無算清言夜未央太丘真道廣拘忌渾相忘

宴客春燈夜高歌醉白堂草花呈火樹綠竹隘平康賓

從門無雜詠詣道愈莊白慚蕭索者偶亦爲逢場

推敲會馬首曲巷下高軒自顧山癡技頻煩國士恩虛

懷時吐握道廣自淵源何幸歐蘇老同時許及門

贈紀伯子時君在大司馬幕

文人餘碩果斯道已晨星何意新朝市猶逢舊典型浮  
沉聊入幕冠蓋設過庭應爲憐同病逢場有獨醒  
風塵瀕洞後尚有伴衣冠鷗狎機先息鴻冥路已寬著  
書名戰克養晦現川安頗似陶徵士山中現宰官

上魏相郡相公

再謁中書省因借計吏車時吟賈島句慙上退之書秘  
閣英才聚文園藻而儲欲將真樸意茅拔得連茹  
私淑非浮慕門牆豈衆同小才當巨鑒大冶許兼容敘  
賦名儉父刪詩入楚風何當轅下困樂頤已群空  
位極心能下名高道愈謙立朝看正色絕學有真傳訓

皇朝詩卷之七

去

焚回元會經綸陋簡編尋常章句者謾欲測天淵

御升非郭泰挾策魏王通自顧違時士頻煩當代公移

情滄海上尋樂孔顏中賴有師資力攸攸道未窮

丙申別單拙菴司成丁未再晤

十年成濶絕惆悵惜離群豈意蘇司業猶憐鄭廣文滄  
溟歸百谷青嶽幻奇雲重晤欣無恙高言擴見聞  
名敘煩皇甫無才媿項斯空將雙鬢白祇就十年詩負  
笈文中子移情海上師古人應未遠端不謂阿私

顧西巖侍御以詩見贈賦答

時君外補杭監司

懷刺時偏晚離羣豈我勤度臘最冷司業誼能長嘉  
會如投轄新詩過辟疆江才慙欲盡擬報未成章



鳴鳳推烏府寒蟬耻臥同露章驚禁鑰天語煥深宮民社煩蘇老湖山待白公肯容乘興客雪艇剡溪中

口占柬徐春山李龍孫

我有素心人天涯苦難見每於春明時握手為縈縈及茲三十年升沉凡幾變晨星三五在衰白驅馳倦此來更寂寞消息總無善回首存沒交淚下目為眩憶昔初驅車樹幟皆名彥共期千秋業不為微名戀滄桑局既更有願已難踐歲月付蹉跎一身空百鍊出處兩無據流光已馳電青雲誤壯心白首埋黃卷江淹才未盡馬周誰知薦斯文厄運會豈為數人轉為語諸素心努力茲文戰勝負自此分聚散淚無濺人生非百年去日苦如箭何為終驅逐叢棘自拘纏故山有隙地取樂從吾便木落隨本根潛藏有餘衍三氏存要道不用君苗硯別嚴顯亭先生

束髮事章句白首無所成始念吾道窮胡為勞此生生當始復會欲隱無其名駕言為驅車挾策來春明宣室既不召太息空柴荆區區新美詞欲學魏不情五斗乖初意垂老悲趨迎感此故人誼慰我皆至誠為報故人言努力無遺榮碩果既得與天心賴力爭百揆朗金鑑七政齊玉衡拭目看秉軸紛雜此廓清庶幾庇草野安穩躬嚴耕

邗江晤家西樵

落魄歸帆夜帶星停橈端上故人庭時寓移詩傳摩詰真禪寂座有中郎舊典型微雨共浮湘水白疎雲時露海峰青自慙才盡生歸思不為知交酒罄瓶時西樵索酒

贈張杞園

傲居僧舍一樓分看銀依然間所間避客耻同張馬監憐才頻憶孟嘗君杞園南遊客懷建業城頭水詩思青齊海上雲逆旅相依免惆悵籌燈淡夜好論文時同寓承恩寺

贈李渭青

石頭芳草六朝青有客班荆若聚萍道喪長沙慚記室詩亾歷下有滄溟文餘封禪垂青嶽樂奏鈞天自洞庭此去山川儘名勝莫將留滯怨飄零渭青欲作楚遊

丁未寓承恩寺慧可僧舍

十日平分僧半樓倦遊嘗臥最高頭石城有客思袁粲酒畔何人識馬周百折一身經萬里七哀多難動深愁世情平等唯方外尚欲臨岐挽去舟

壽亦世兄伯母八袞

歲次辛卯臘余始事北征假道九真下偕我仲氏行信宿楊山莊備至文與情傾觴出旨蓄餽核具濯精秣馬飯僮僕中庭寂無聲太母家政肅童稚皆稊誠以茲念世澤英哲繇挺生迄今二十載又復覲仲兄登堂問典居松柏晚愈榮素髮照冰雪人瑞當休明仲氏抱經濟大器已晚成捧檄卮百里盤錯勵潔清豈不慕列鼎養

志遺今名板與奉歸里救水如孩嬰五十全孺慕此事  
鴻涵並七月八表期畏壘宜褒旌仲氏擅文舉執耳會  
主盟扁舟走吳越錫類多賢英奉觴各致辭珠玉篋何  
傾余分實猶千才盡慙言俗仰觀大別峰下視江漢津  
南紀實具瞻浩渺何呼嶸橋鶴不足美母範垂方城

楊晦菴將往都門枉道漢東詩以送之

如焚赤地旱縱橫時都門旱何事驅車又北征白髮不  
堪床下詠黃金無復築臺名交遊歷後應知倦意氣年  
添盡欲平祇爲相憐同病在欲招逋客故山耕  
破瓊誤墮葛藤窠元亮其如束帶何五畝未荒耕儘足  
百年過半日無多憂天杞老空長恨拔劍王郎漫有歌

消盡客塵惟白業數聲清磬出烟蘿

枉道相過慰鄭虔老來淹蹇故人憐豈無北闕書堪上  
爲少南州榻可懸聯華北言桑落酒沽鄰媪釀彫胡飯  
當上賓筵莫嫌況味淒酸甚名士收場此故瓊

秋暮寓寶華菴和隱公韻

雲海茫茫去日長息機江上閉茅堂夕陽西下秋風起  
閒看歸鴉作陣忙  
月上鐘鳴喚夢回爐心宿火陷寒灰蛩聲欲斷多零露  
片片流螢墮砌堆

且園近詩卷之一終

且園近詩卷之二

楚湘潭王 岱山長著

施愚山有詩寄懷卽韻以答時訪愚山吉州先余設鐸安鄉在洞庭中  
別來飄泊甚又上計借書老至才先盡貧添術轉疎渡  
江慙父老歸隱媿樵漁搖落湘潭宅遲回未定居  
幾年頻戰伐全楚未安居遂有秦坑慮空成越絕書傾  
巢無復卵竭澤總爲漁一倍憂天老淒涼鬢白疎  
一瓊懸澤國塵市雜蛟居林漲樓無雀城湮網聚漁赭  
山秦有火探穴禹無書頗似鄭虔謫台州音信疎是年大水  
入山心未了涉世事全疎興至臨邛客愁成孤憤書因  
人看勝蹟無街卜山居未勘乘除破滄浪負老漁

且園近詩卷之三

丑秋君有句已歲始開書自顧無聊賴猶煩念起居客  
亭惟網雀官舍總懸魚何幸憐才意高情久不疎  
講堂開白鷺醉客解金魚理學仍風雅官衙似隱居品  
泉除瓦礫植木得扶疎他日甘棠事羊碑我爲書

遊吉州青原用施愚山韻呈方無可和尚

路轉松迴合峰環寺隱門橋亭懸石骨山徑鑿雲根古  
碣藤蘿蔽奇書釵股痕有顏塔燈青焰吐祖意宛然存  
法幢龍象護金碧雁堂開溪水穿廊山峰巒入殿來池  
清塵自洗石古潤無苔繞佛時三匝山鐘扣幾回  
笠亭緣石隙仄徑傍山斜荆吐無根葉有刺泉生不謝  
花歲淡雲化石地迴氣成霞齋罷施禽飯香厨散亂鴉

境幽寒暑變秋老尚芳菲花隱香非一林寒葉未飛魚  
忘朝餌絕虎嘯暮行稀賴有遠公法機投語不違

同方無可和尚胡伯聘登釣魚臺

掃盡殘煙仄徑開依然清絕釣魚臺臨淵不羨空留石  
欲渡無人謾泛杯水確自春機事息候蟲能語暮秋來  
夕陽沉影下山去爲惜松聲聽幾回

步無可和尚見贈詩

長劒倚空冠陸離爲浣半騷向藥池接杖過溪忘虎嘯  
觀濠尋樂有魚知亂堆蟬噪蘭若盡擁開雲入樞籬  
饑飯倦眠原了了不須拍背動溪疑

于慧男招飲白鷺書院因觀施愚山詩

何人作賦仍懷古有客登樓思惘然寥廓秋光新黯澹  
蒼茫雲樹舊山川鴉喧鷗汎孤煙外蓼赤楓丹落照前  
獨是醉翁清興遠不妨歌舞對鳴絃

送趙國子遊粵東寄懷吳錦雯司李

遊子擔簦向廣州西風蕭颯嶺江頭煙花百粵難爲客  
陰雨南天總是秋此去好將琴碎市何人解贈麥盈舟  
自古番州寶玉鄉千金陸賈莫愁裝珊瑚網去嘗盈尺  
茉莉西來不變香採藥應尋鮑靚女觀風須避夜郎王  
故人舊有投香節爲乞羅梅作報章

贈廬陵賴吹萬

君著明倫典則

行年六十餘日讀古人書典則千秋業明倫三代儒爭  
天回日月斫地戒衣袂頗似伏生老傳經里巷居

伯道無傳業蒼蒼難具論榮名如泡影著作卽兒孫

無身隱文終顯窮奇道自尊香城靈絕地山色映衡門

劉嘿菴晚章

公靖節中州

殺氣起廊廟傾危連國步門戶水火爭資格膠漆固一  
朝斬竿起拱手歸氣數寇氛數十年戰守兩無具兵潰  
盡談虎吏竄俱脫兔屈指殉難人寥寥復誰屬劉公吾  
楚彥經術飽積愷大義炳日星皎節照霜露一木支半  
壁石戰無反顧武穆鏤精忠嵇紹血濺路耻爲褚淵生  
寧傷要離墓嵩峰出出青黃流湯湯注千載汗青名庶

幾旦暮遇

是園近詩卷之三

三

送石語和尚還曹溪

次會旅菴韻

撒手曹溪路衣傳在故鄉草鞋應不惜拄杖好攜將浪  
急呼船子鑪寒喝石霜海潮摧粵畔定爲架津梁

李龍孫見訪螺川

吳楚接風煙名家忠孝全龍門無雜士柱下有家傳書  
聽齊丘竊謙菴諱陳玉龍孫父也騷仍屈子編自慚俗  
父其敢謂淵玄龍孫命作離騷註序

吳楚接風煙重逢又隔年詩傳供奉筆人間孝簾船楓  
葉霜花候青螺白鷺前開襟俱曠達聊爲酌清泉

過向上寺訪采商和尚

同李霞裳明府

數月滯鄂城抑鬱塞戶牖筆墨爲人役心手非我有志  
失神不王醢雞入瓦缶忽逢李嘉魚高興發林藪肩輿  
衝暑出一灑振衣垢淫雨漲閣閣取道循牆走遂登楚  
王臺悵望山川久荒草沒龜螭楚王今在否洪流幾懷  
襄漂沒萬戶口禾麥正及期青苗化苻莠秋成定無獲  
賦稅何所取彼蒼夢夢中河伯失職守空有佛津梁招  
提壞河溜側足取山徑得達雁堂右雖攢陶令眉不畏  
子胡狗嗜嗜善知識慈顏爲善誘開軒設蔬茗揮塵解  
塵桎李侯至性人熱血時一剖方寸起五岳軒冕揮溺  
漫蟻視熙壤徒腥穢堪吐嘔聽罷相視笑捫心爲搖手  
爲語李嘉魚處身宜自厚生時既不辰坎圻復誰咎世

且聞延壽卷之三

四

事盡涓涓難吸西江口氣運當垢復吾道厄陽九顛倒  
固自然逆施惟順受余本同病人比年禪寂更諸漏既  
已盡不復計妍醜天地惟瞬息萬物皆速朽獨有出世  
法不落彼窠臼蟲臂與鼠肝任天能自壽坐淡忘去來  
肘後忽生柳

方月山見贈長句依韻以荅

月山能詩善篆隸  
鐵筆精入毫髮

我家湘水濱湘流日蕩漾久垂桐江絲耻入幕府帳荷  
橈聽湘瑟散網追漁唱瓦全雖自愧玉卮已無當時更  
事則非齒暮志難壯驅車豈宿心浮沉避強行十上書  
不收一羶縛閒曠狗監羞作緣子虛應被放熱釜不可  
因寒隅甘獨向何意逃祿人反戀田綿上彭澤饒扣門

杜陵餒江漲多君島中客不願田橫王學道師墨守問  
宇阿白向爲余堅壁壘重施鐵步障看鍛因所問題鳳  
勞虛訪探奇出蝌蚪食古飽豚望瑯琊金石錄光怪南  
宮勅衙官斯筆韻頤倉義抗道兩煉神虛釋諦滅四  
相精義口入神運斤同郢匠一芥覩須彌滴水窺海濱  
如君補天手魁偉良平狀摩厲包丁刀莫挫李廣使臂  
掩西施救刻西無鹽樣捧心更益美提筆有佳況

冬至後三日夜雪復用方月山韻即東月山

天風中夜號同雲昏蕩漾寒侵透故氈濕重低頽帳漏  
殘天欲白雞鳴聲難唱滴瀝間敗簾折裂折花當擁衾  
力不展神歸氣莫壯披衣望原野水霰擁成行反使神

且聞延壽卷之三

五

明清心目爲遠曠灞橋興既衰虛負梅花放撥火山殘  
芋地鎚煖堪向豈無山陰舟楫凍打不上淮蔡事則已  
鵝沼空兵杖嗟彼蘆中士踉蹌苦江漲時有感時懷堅  
冰朔氣中夏王運會當始復孤陽苦陰抗時無北上翁  
且復尋向尚胡爲自鬱鬱嗟此雲霧障蘇節持夙心哀  
僞避俗訪冥鴻久高飛泥爪空悵望不如羊裘客穩坐  
富春舫天工不可奪安剪瓊花樣作賦擬梁園終露貧  
兒相玉宇懸瑤池結構推大匠河伯見管窺夜郎心益  
浪譬如六出花幻化莫能狀蘇公白戰句未免廉纖况

前雪

中途遇黃州韓因留旅舍是  
夜大雪兼別唱韓再用前韻

朝來欲驅車山色雲晴漾一肩聊襍被無力備行帳行



行逢故交遠道懷酬唱停驂傍酒壚解裘作酒當天風  
忽吹裂寒氣中夜壯擁爐理殘句冰雪灑成行多君抱  
素心胸次肯開曠画取勁節松老幹爲直放不韓西松  
忘情到主客無言兩相向夢不必華胥人已義皇上天  
明望曙色雪湧雲濤漲各自苦行役衝寒情倍王乞食  
媿嗟來折腰負高尚瓊瑤萬谷花縞素千營幃豈無潮  
橋興負爾山陰訪少焉昏暮色悽慘迷四望河水不可  
渡欲濟無堅舫足假直欲裂僕瘁寒難抗呵凍就旅舍  
踟躕備窮相天漏不可補雲掛無蒼匠雞棲起夢驚馬  
羸生寒浪寒暗瞬息更幻變殊萬狀中道既艱辛前途  
誰倚仗君有寫生手留取林樾樣滿路梅花香足以慰  
旅况

後雪

大雪後稍霽至中途忽雪是夜大雪雷電交迅有感而作仍用前韻

積雪東兼旬寒氣生清漾萬戶垂銀戈四山立縞帳勞  
人苦行役佳景總無當阮途悲欲窮羊藩愁用壯天風  
殊糾糾同雲亦行行陰霾蔽日光冰霰驟翻放望門思  
托足昏黑迷所向杳冥既莫測薄擊空濛上咫尺神靈  
過江海欲傾漲大寒蟄未起雷電何由王水旱歲許臻  
灾侵無以尚曷來爲天問苦被浮雲障舉國訝不狂其  
醉亦莫訪日中期既失備髮誰萎望豈無羊裘星塞黑  
空魚舫靈均騷倦讀賈傳疏難抗塗抹諸少年猶作寒  
乞相大反思共支無那段瓦匠堅冰透河腹神龍絕波

浪蕭殺起郊原山鬼騁窮狀猿鶴喚幽獨草木列兵仗  
窮簷燮不與鶴面蒼鳩樣杞人代天泣憂來失清况

贈武石菴先生

公服帆即水多方設法活民數萬所遺歡聲動地不塊理學經濟

東山爲強起屬望繫蒼生鎖鑰須型典謀猷藉老成寇  
恂民欲借汲黯世知名款卻風會運盤根氣愈精平刑  
昨定國撫字舊陽城息盜先開網蠲租正足兵澤惟期  
下究隱必悉與情紅朽無中飽青黃在遍盈雁噉哀漸  
止祥餒困皆平雨露回枯槁哇噓散絲榮灾弭應遂復  
本固自休明國可爲封事思仍達在廷開雲衡岳近底  
定漢江清遺澤碑存口問閭感至誠

武石菴過且園

東園述詩卷之三

七

蓬蒿一徑盡成荒謾擬成都舊草堂駐節恰逢嚴僕射  
解魚重見賀知章風前聲款珠璣滿庭畔經過草木香  
爲愛論詩到幽細推敲禮數許相忘

贈胡山公先生

中原頽洞幾風塵尚有嘉隆典故人皓比商山猶佐漢  
避非桃洞豈如秦須眉九尺三朝古氣節千秋百煉新  
爲憶黃門舊諫草蒼生繫望正頻頻公前居諫垣直聲最著

寄壽周時鉉同譜

九峰山色半天青萬頃煙嵐向戶扃谷口耕桑依白石  
淮南雞犬入蒼冥已占星聚太丘里不數玄傳西蜀亭  
爲祝故人添算異鵲磯仙棗似瓜形

鄒水心齋看菊公齊安人  
安陸廣文

白髮簪花久自哀偶因三徑許徘徊空歌栗里歸來賦

虛負東籬竹葉杯五色醉霜秋爛熳衆香承露蝶潛洄

齊安近日皆幽侶不羨黃金滿地堆齊安產菊  
花謝落地

過陳華頂徵君墓公漢東人知內養年八十  
餘面如車齒全鬚髮皆黑

驅車不復避羊腸下拜佳城愈感怡挂劍人來空破涕

知音琴廢日望洋梅花香繞孤山角柳色青垂栗里傍

自是高風無繼起雲山江水兩蒼茫

觀音巖在京山巖乳成佛石空處大樹補  
入無隙奇絕上有泉直下洞口

靈鷲飛何日青蒼向此曉佛身依洞長僧舍傍山嵌石

亂泉成雨年深樹補巖我來尋往跡蝠燕語呢喃

凡園詩卷之三

人

怪石女媧煉靈巖羅漢開杪樛非有種優鉢豈能栽客

挽蒼藤上溪流黃葉來獨憐名勝地車馬潤香臺崖近  
孔道

壽鄒水心

素心落落古人風八載瓊寒懶慢同但喜年添猶健飯

莫驚霜鬢便成翁雲程不礙千齡鶴雪爪何妨偶跡鴻

正欲遠沽玄石酒媿無長滿爲君空長滿仙人  
玉杯名

甌市宿開秘宮宅

老年道路此頻頻宿眠餐累友貧有僕尚如蕭穎士

無家真似杜陵人不辭霜鬢蹉跎白却喜天機爛熳真

開甌剪蔬勤向客故交重聚愈情親

過竟陵訪胡君信因留夜集

垂老無家累破甌故交重聚倍悽然風華損後惟真率  
嗜好除將戲宿愆若爲推敲詩愈少偶成雞黍約如前  
殘山剩水佳遊在留作他時寄憶篇

再贈君信

幽人門巷傍西城嫩草鮮花繞砌生懸榻不教常客下  
清尊端爲故交傾年添契濶忘機事話舊燈殘失漏聲

讀罷新詩應擲筆斯風依舊竟陵名

寓竟陵丹臺觀來君信既開  
兼寄譚淮湘

湖水流繞郭灣丹臺咫尺近能攀草堂韋曲東西瀼

觀傷即君桂樹淮南大小山未有鄭虔稱技絕不須司

業財錢還淮湘時  
笑囊曠背皆詩料賸有靈砂可駐顏

凡園詩卷之三

九

又和君信贈詩

握手蒼然拜指溪非同乘興在山陰應門稚子歡迎客  
剪燭寒宵細論心榴火爲秋添艷色候蟲入座助幽吟

如斯勝會情兼具不必躋攀拄杖尋

竟陵西湖水西巷兼贈別雲衲同君信既  
開嘉言

一灣垂柳護堤陰吸盡西江丈室溪客到開堂思息靜

鐘間遠寺欲徵心山花丹翠呈秋色野鳥呬唔送梵音

拈向雲公無語句蒼藤倚樹謾沉吟菴前有  
西江

竟陵西塔寺內有陸羽井同君信既  
開嘉言

歸然龍象尚威儀草沒鐘幢未改移菡萏秋淺因帶果

枯楊臥久絮粘泥子瞻詩云禪心已是枯泉烹陸羽猶  
泥絮不逐東風上下狂

存井酒釀陶潛更有詩時將欲舉一機誰轉語西來大意有湖知

訪既閒湖居春及園

春及園林水一方盈盈衣帶歎望洋翻因蹇步延幽賞園在湖中若為窮源歷渺茫青簪浮家攜伴侶白雲留

客有耕桑笑君提鼻知難隱不待徵書到水鄉

蕭疎庭戶便機忘懶慢稽生復遇莊滿載圖書歐六一

亂堆怪石米襄陽烏衣子弟揮談塵梵閣閑人禮法王

既閒元配便欲買鄰為卜宅無功家隔在湖湘

郢中晤莫大岸記別二十年矣

拳蹙短策步踟躕布帽臨風鬢盡斑久歷名場無氣岸

會經宦游有其閒三乘入室空諸相大岸通宗五白呼床破

衆慳大岸困握手廿年成一笑豐干應識舊寒山

登毛子霞聽雪樓

暮年多難此登樓淚灑新亭動杞憂漢水天懸千折浪

故陵楓落萬山秋樓臨西漢水聲傳空籟看虛白影踏

鴻泥任去留不待同雲到蕭槭此間宋玉白生愁鄧中雪

宋玉語聽雪意取此

集金會公署會公設鐸鄧中署內有宋玉井

倉忙握手辨須眉已是神交數載期苦憶紫芝驚識而

舊傳白雪和留詩粲樓空有千秋賦蔣徑惟應二仲知

伯仲與此會不虛真率意霜花爛熳正斯時

子霞友

郎子四皇樓晤同里道階和尚

偶然飛錫鶴翔翔官殿隨身擁法王郡公供養建刹龍象聽經

成四果天人說戒授三皇四皇中帝釋曾聽佛點頭頽法惟三皇在泥洹前

石呈真偈微笑秋花散妙香已是無家尋解脫莫將鄉

國問滄桑

八百南湖得得來剎竿郎水爲重開九年巖下真無聖

七日峰頭應善財七歲避出家成壞剎那心不動冤親平等

佛何猜話淡茗碗忘賓主一縷香烟歷劫灰

赴道階和尚齋

尋閒不待赴齋期未午聞鐘拄杖隨竹筇遠留南嶽味

菊花秋放故園枝坦懷人我原無相緩步林塘恰有詩

便欲與師行脚去羽書門外正紛馳時大兵至

題楊立旃壁

關盡蓬蒿一徑開依然懸榻絕塵埃莫驚空館何人掃

宿處曾經有道來

送道階和尚入府君山

飄然烟水興悠哉一衲千峰自往回直路不教婆子勘

草鞋唯許趙州猜沿溪流葉尋源入分榻停雲撲而來

欲訪梅花嚴雪後好煨半芋撥寒灰

陳珏菴朔口設齋招龍隱和尚並大化衲子時胡

山公後至因戲柬珏菴

略有顛毛亦是僧齋鹽脫粟幸無憎勝心消盡修羅劫

道眼誰傳正法燈但使鐘聲過惠遠不須春杵問盧能  
麗公近日應全會女嫁男婚得未曾

過道階方丈印事

一切皆平多難身每聽鐘梵即移神嬰兒啼笑無非道  
鴉鳥呖語亦是真飽飯粗蔬消往業熟聞呵請免心真  
偶然來去原無着為恐緇衣染客塵

竟陵昌黎叟工鐵筆因作短歌以贈

國朝鐵筆各誰擅何氏文氏足文憲凡夫草篆急就文  
不事雕蟲炫淫蔓臨鐫捉刀如捉筆蒼樸渾老舍奇健  
此後竟陵叟叟甫派接文何邁厥祖七鑿混沌條忽功  
倉頡鬼泣天栗雨五丁之斧鑿盡開女媧之石天缺補

小園遊詩卷之三

主

丈夫卓犖耻巾幗快馬弓刀會射策武復臂將軍

數既奇燕領書生終鍛翻投憤遊遨遍八垓六十老翁  
猶作客百二山河雙屐屨中三百周官一囊石典來那復  
龍犀驚酒酣但覺天地窄即今皓首猶捉刀小篆繩頭  
精點畫疾揮盤礴迎刃解而面呈奇無假借更能潑墨  
寫質管渭濱千畝留真迹一筭與可半南宮不用人間  
黃與白

九日廬陵李遜渭同譜過訪因同伯聘遊金牛泉

大覺菴

遜渭云十年未至泉上

十年不到舊泉亭應為携筇問獨醒握手花開霜未落  
相看頭白眼初青登樓余恨非王粲割席君無媿管寧

風物不殊仍涕淚為傷同調半晨星是口念及康小范也  
恰是秋高九日晴相隨東郭路歌行忘機不復新亭感  
得句還同歷下吟籬落荒殘花自發江風蕭颯雁無聲  
籃輿儘有陶潛在釀酒難逢惠遠迎

九日東于慧男

恰逢九日又天涯賴有風流晉孟嘉愛客許過浮竹葉  
松間隨地藝秋花青螺翠擁門如水白鹿祥生頌繞車  
最是茱萸芳仙藥絲衣嘗見赤城霞慧男有太夫人

鄒秋山訪余螺川詩以贈之自癸未別至已巳復晤

邂逅江干二十年中間頻見海成田空歌五噫關前句  
難話三生石上緣桂嶺峰高雲慘澹漓江灘急浪潺湲

小園遊詩卷之三

主

秋山時有平心自古多名論出處都忘即葛天

次毛大可韻大可同客螺川訪施愚山

客舍連山嶂僧廊接水雲半句穿郭履盡日灑羊牯不  
速三人至同追六一文曠懷知與共豈藉信陵君  
偶然浮竹葉遂值菊花秋佳詠空人壘村沽散客愁逢  
場俱画意時看余像入座總清流他日柳州記螺川定勝遊

過金牛泉同蕭孟防

山兜乘薄暮才到金牛山遶青螺秀江環白鷺秋荒  
塗橫岬仄沙磔礙泉幽酌罷清冷去勤公不可求  
倚徙蒼煙外凄清草樹秋詩驚謝朓在山似敬亭幽落  
日閒青眼新愁轉白頭前期無定侶狎盡海邊鷗



蕭孟昉索題春浮園

百畝春浮天柱雲幽人日狎鷺鷥群樓餘風史仙郎曲  
榻擁昭明帝子文金谷唱酬名下集銅臺歌舞夜中分  
此來作客誰傾倒十日平原尚憶君

壽郭徵士

人倫推有道大隱卽商山藜杖扶鳩穩芝田伴鶴閒放  
歌村社裏養老上庠間不羨希夷子長年煉九還

送融公還武夷

用會石屋韻

去來行脚未能休消息其中得也否縱使山川尋漫遍  
此間全讓武夷遊

孤舟閒逐海邊鷗說法聊因點石頭一笠一瓢無箇事

此心安穩便宜休

步會旅菴韻兼柬于慧男

時慧男令廬陵

愴盡清流白馬津花源何處避秦人吟成綺語難超劫  
画取青山不救貧度世空存菩薩願濟時須現宰官身  
欲知化俗文翁異尚有無懷以上民

贈張簣山

公讀禮家兄

治安策罷賦長楊第一名垂顙水鄉耿介俗猶傳萬里  
文章何處得歐陽掄才已見燃犀浦講席重登首善堂  
聞道永思廬墓側門人盡廢蓼莪章

哀楊武陵

襄陽袁與會著楚人大功三不幸論謂江陵芝崗武陵也武陵長公忍于與著

辭謫書雪先人之受誣命于爲序因綴以詩

老臣心事九原存青史何人有定論辯草千言空孺泣  
陳情萬里遠君門終留諸葛山師恨難返靈均見放魂  
不獨岷山餘淚在遺忠野老尚吞聲

贈隆慶寺衲子無畏

補楚王孫也爲僧菴首座係臨濟宗

斷碑存突兀古寺寄荒園殿角半新排秋花吐舊根人  
皆歸濟祖我獨念王孫茗罷見歸路西風葉正繁

贈陸子璧

子璧自門名家子流寓吉州工詩西華墨多贈名流非此者不輕與也

筆墨誰幽賞螺川獨見君詩思溯橋雪画意輞川雲換  
米懸留跡逢僧喜飯芹古人今不遠日狎鷺鷥群

別蔡遐宣

遐宣荆南人流寓吉州不得意故弟之歸

荆門蒼翠控巴丘三峡西流江漲浮秋色尚餘宋玉宅  
春風嘗滿仲宣樓飯香魚子炊新粟綠遍龍沙護荻洲

爲憶故鄉風味好莫將留滯日生愁

張荀仲初度

作金牛泉小景并題

伊人如宛在白露始爲霜菊剩金沙色泉含玉液香煙  
雲看澹遠山水入官商

荀仲善詞

濠上蒙莊意懷君愈不忘

寓吉州祥符寺

客寓逢蘭若江阜接墊橋開僧分永日好月共秋宵省  
事門常掩辭喧友倦招見山情復切不惜杖藜遙  
日汲金泉水齊厨不厭清一團方石鼎千里澹蕩煮老  
失驚人句貧增倦客情寒花開幾遍應外尚聞鷓

贈施愚山兩郎

憶昔歷城遊官衙半載寓乃公敦古法子弟亦歡聚長  
公凡九齡頭角呼然露揖讓賓朋中秩序諸禮數次公  
凡二齡啼笑見天趣有時繞公膝牽挽成人步一別遂  
九年重逢皆偉度理學有家傳聲華藏朴素于公立厚  
德前揚後更裕太丘德星聚羔雁成群赴余忝兩世交  
歡然爲道故敢爲寧馨謔聊作石麟句

次丁景昌別韻

燕山何處是金臺滿目荆榛花亂開紫燕久逃春社過  
青蠅又集閣中來漆園有夢應高枕酒雖甘莫舉杯  
幾向慈仁松下臥雪霜猶剩拂雲材

囚人無術益仍寒五噫波慙古伯鸞頭責已看蒼化白

不聞延壽卷之三

去

目瞋真見碧成丹夢回始悟拋仙枕思熟方知避熱官  
寄語還山休倦客磻谿終未老漁竿

桃花自恨別漁津久負桑麻洞口春玩世遂同牛馬走  
救時難現宰官身已傷頭白談天寶未有錢賁賈人  
此去不須占太史少微剛處聚星晨

君去鄱陽我洞庭滄浪歌好莫嫌聽門多五柳人非令  
舟有孤竿客是星匡瀑千尋天半白衡轡九面望中青  
祇愁好事探奇輩猶向垂簾乞授經

和張鹿床明府見懷韻

茫茫四海友聲求吳楚煙雲夾袋收嶽寺機從殘芋得  
春陵詩借一官留素交豈爲山川間真氣山來乳水投

懷望使君誰得似依然張緒舊風流

湖湘區奧勢峻嶒下有雲英寶氣騰博雅直探蒼水使  
機鋒堪續讓禪燈三年清宦歸無業千里懷人客負簪  
莫以行藏終不礙山林廊廟獨君能鹿床方罷官

張鹿床泊潭晤於舟中再有句贈依韻以報

漠漠風煙秋夜冥行吟江畔眼難青掀髯忽掉山陰興  
笑口全忘濠上形兩岬蓼紅催雁語數峰空翠鼓湘靈  
此間莫厭留題遍有客提床徹曉聽

壽白仲調

四十年來友纔知初度晨共談天寶事便是上皇人氣  
誼青雲舊交情白髮新香山君故物耆社約重申

不聞延壽卷之三

七

贈魏子存督學

余時設  
銓漢東

有士悲南楚公車三十年舊懷空赤幟故節僅青瑣出  
處兩無着升沉總用天漆園餘傲吏鬢髮已蒼然  
無才因熱釜留滯葛藤山囊粟休儒伴低眉傀儡間四  
愁連七澤五噫度重關却媿葛洪子吟嘯煉大還  
何意文章伯猶然重友聲推敲容賈島詩法得匡衡楚  
珩從茲寶隋珠可夜明不愁頻按劍自有鑑持平  
無競懷嘗下能容道愈尊狂猶推鳳德士盡擬龍門江  
漢滄茫遠衡嶺氣存豈徒誇博奧辭賦比文園

贈謝自芳

新城令與自芳皆余同講時  
訪令而自芳適廣文其地

偶作戴生訪因成阮子愁猪肝惟一片綈贈已千秋石

鼎吟能共金魚醉許謀烏衣原舊侶契濶久淡投

錢無司業贈興愛杜陵人淡酌延清夜高歌動鬼神木

天懸榻舊絳席舞筵新始媿臨邛令相如客共貧

贈魏水叔處士

萬卷擁專城斯風屬召平通才尤讀史大隱不藏名下

榻高徐俾垂簾老伏生厭看塵土士鳩暇盡鷹橫

憑弔虎林城麻衣泣六陵中原成画虎往事盡鞞鷹悲

憤藏心史牢騷繼雪僧最憐湖水上歌舞吹還興

差戾古石城龍蛻漢陵瑩落日悲風起斜陽涕淚生館

留孝本跡市有伯休名近快談鋒助笥中得論衡

賣賦慚封禪琴心托指鳴誰能開閣放一慰鎖齋情洛

東園詩卷之一

六

水曹阿植梅花宋廣平金精君故宅為訪紫雲英

送南雲和尚

南雲楚牧水人因父孝廉遇寇難即出家適求海內表揚時北遊南歸

銅瓶玉塵滿柴車纔向山巔又水涯欲問行蹤何日定

此心安處便為家

南去孤雲片影閒偶將名字落人間疑見尚說煨芋事

猶記當時舊懶殘

南雲原號拾殘

自挑破衲指天津北道誰堪作主人一路春風墊花發

榆錢滿地莫愁貧

隋堤楊柳正青春色牽人舟應停我有巨卿無限淚

寄彈一滴秘書靈

時越了友沂新出維揚

虎丘莫便學生公頑石塔前色是空欲與回頭稚子語

為余歌板覓漁童

南雲失侍者余戲托覓侍童

兩峰南北幾攀登中有追隨文字僧見說涅槃今解脫

好將枯杖叩絨蓆

謂西谷心而也心雨湖上詩僧問已圖寂

別施匪我

匪我與余房師誠菴同譜

燕臺此別倍潸然挾策幾經四十年師友未償今世願

科名應結再生緣花香滿路催行騎鵬鳥啼歸送客還

後會未期難卜日不堪揮手白頭前

送瞿天門還朗州

風雨山兜向朗州對君無術為遲留窮途陸賈裴誰贈

才盡江淹詩倦投鹿穴好探桑百斛木奴堪伴橘千頭

知公善卷逃名客不用人間萬戶侯

東園詩卷之三

七

寄譚灌湘

詩清玉井碧芙蓉人在金堂第幾峰白竹近添庭北柿

寒河未改灤西松久推雲杜登樓賦屢見長楊羽獵從

幾欲相過問奇字故璚空繫懶持筇

贈張讀霍

會昭於鹽官

隔江幾度採芙蓉遠道相思海上峰別後鹽官誰作客

到來雲杜孰過從避人張馬千竿竹仕隱陶潛三徑松

十日華鹽頗同采難將首緒比臨邛

寄懷巫巒穉

時君令孝昌

公車倦後罷將迎尚有潯江重友聲腰折北牕聊免俗

頭低東野豈徇名兩詩驛使梅前信訪戴千峰雪後晴

爲憶使君朝拄笏開簾人對藐姑清

壬子暮春雨後新晴雲外和尚過訪

春晴雨後百花開拄杖重携破絲苔莫訝烟雲生冷席  
老僧新自萬山來

同程青溪司空坐湖亭

和公江行詩韻

橫開綺閣俱臨水小隊青衣解讀書更有黃冠揮塵尾  
隔牕緇衲學鐘魚

花間細霧香吹幕柳外斜陽人倚樓不必江山圖更寫  
無邊風景在湖頭

青溪自西江山覽圖自卷

新蒲細草水融融寺人烟處處通無數流鶯歌宛轉  
同將乳燕掠迴風

且園近詩卷之二

手

客來高閣擁明霞一瞬消閒便當家滿耳清音山水內  
不須更唱後庭花

譜就名花五色旗編來疎竹百重籬飛飛蛺蝶穿花慢  
故故紅英上裊絲

東吳仲勉

君新安人善岐黃古道正性以術隱世者

一官如旅寄窮荒慨嘆天涯兩鬢蒼老去已知身是客  
病中全與夢爲鄉菜根嚼盡齋器雪靈藥春殘玉白霜  
一自飲君池上水不須却老偃佺方

且園近詩卷之二終

且園近詩卷之三

楚湘潭王 岱山長著

閱嵇叔子阮樂行田錄中有樵者傭者丐者坐斃  
者不願墾田答詩四絕謂四種人雖窮民無告

猶勝佃田追呼苦耳不減鄭俠圖意誠善矣予  
謂四種人正恐不免追呼夫羅吉輩何嘗擇人

哉更擬代答並寄叔子一嘆

稅山稅水稅荒蕪肯許樵蘇執斧無縱拾遺薪官竈取  
何曾得免吏追呼

右樵者

傷人衣食自拘率爲少官差與稅錢豈料逋亡追捕  
急傭工猶代主人鞭

右傭者

不商不士不闌田爲討安閒一着先何事卑田官標下  
門單每月派差錢

右丐者

不念溝壑赤貧身酷吏天高更怒嗔要識誅求羅織下  
何嘗俱是佃田人

右坐斃者

櫻桃

四月公車南歸道中見櫻桃偶有此賦

寢園春薦已無期御苑啣殘小鳥知並是分甘希寵日  
空懷投赤報瓊思夜光按劍無因至惹惹添裝有識疑  
何似園丁傾橐出飽餐隨意各相貽

一朶明霞的可餐珊瑚光映赤瑛盤櫻龍領下驪珠摘  
彈鵲林中鶴頂殘透出牟尼三昧火煉成金液九還丹

南人不解春光異誤作榴花五月看



隔牆紫紫一枝橫萬顆珠圓盡夜明火來似同來赤縣

瓊漿應白出雲英居然樊素唇初點縱使燕支染不成

漢軍子姬疑是啼紅春去候北來時有杜鵑鳴

浪傳烝食有哀梨鑽李無端費朵頤入手芳香幾染指

走盤鮮滑渾凝脂但令司馬消春渴不使楊妃憶荔枝

已分上方無賜食野人聊自種疎籬

秋柳和彭扶上韻

颯颯西風落日渾不堪攀折黯消魂幾家漁火憐衰影

數點淒鴉繞暮村遷客傷心悲老大離人極目立黃昏

惟餘寂寞柴桑子三徑寒花耐閉門

依依霜落變蒼黃無復垂絲惹衆芳殘月堤邊風慘澹

且園詩卷之三

疎星枝外露微茫豈緣走馬攀條盡自是章臺舊恨長

見說小蠻悲白傅青衫不但濕潯陽

綠汁曾將染客衣江潭回首事全非佳人樓上思無盡

蕩子天涯望不歸千縷曉風吹落月一行蟬咽泣斜暉

不緣搖落難堪後猶爲漁郎拂釣磯

空思張緒憶當年瀟灑風流總棄捐道韞詩成疑落絮

朝雲歌散慟無綿月明有恨啼殘露風起多情舞暮烟

漫說徐娘今老去婀娜猶自露餘妍

葦簾次周櫟園壁間韻

道人只作遊蓬戶割取蒹葭席半方東撲雪花冰箸白

暖搖山翠綬文蒼傳經早識燈前字舞袖全吹戶外香

莫訝垂堂太疎散衰安高臥興能長

略加編織素絲長暑掩風沙冷雪霜未許解圍吟柳絮

只宜揮塵對繩床月明乍灑千鰈淚水影頻搖九轉湘

捲罷重門飛燕子只愁泥落濕空梁

無多組織仍文彩落落疎疎匹練長一望黃茅爭露白

半鈎落日點春蒼密粘玉版桃花影細斷玻璃漏乳香

獅子乳川坡瑞齋樸略恰宜沙漠裏不傳規制到南方

花飛絮亂曉疑霜隔院鞦韆影許長儘有光分鄰暗室

不教塵瑣獨眠床高僧西去朝乘筏貧士吳奔夜度湘

最是故人顏色遠難移月落照高梁

斑竹簾

北店既多葦簾忽有斑竹者復爲口號

且園詩卷之三

勁節硜硜迥出塵清風肅肅逗疎筠登堂便可逃行客

下榻無勞問主人織就龍孫綃樣密啼殘帝子淚痕新

當門淇水宜居右衛武遺蹤好細論

卷舒蒼白自成雲旅舍高風賴此君隔戶淙淙葦葉雨

映堦點點鷓鴣文風斜月暗疎篁影霧壓煙啼嫩籜分

更有清音異絲肉山泉落澗不時聞

叫車

叫車二人一推一挽葦簾可坐可載

隻輪片席任西東世路推移人力通巧似田文營免穴

幻如陽羨寄鵝籠指南不事能衝霧執轡無勞更御風

獨媿藍輿醉歸客門生兒子侍從容

短轅塵柄太踟躕油碧松茵亦汗漫蝸角觸時頭帶屋

曉辟轉處脚推九指揮如意輪巾亮瀟灑無羈擲某安  
緩步却輪雙轂穩更無鶴請到乘驂古帝師堯卿製車

和吳孟舉菜花詩

生無食肉相矢志飽蕪穡機驅爲五斗意味轉蕭索生  
芻日一束安邑肝已却齋禁類太常雨剪有佳約省煩  
吻減爽腹園羊免搜時方龍易牙口腹肆屠虐怪牛吸  
乳酥割羊取羔絡豚子完列俎生肩手親烙盤炮牛未  
死雀腦全活燂民社付饕餮脂膏恣溪壑飛噉競誇相  
鄙視譚澹泊見我首宿盤群起生唾譚薑桂老愈辣開  
言付一噉思返於陵園老圃加年學豈期翳桑夫竟爲  
簞豆縛未許甘蔬水仍令屠門嚼鬱陶方未休忽捧高

不蘭詩卷之三

四

人縻惠我黃葉集首陽如可作芒鞋事春賞幽興有淡  
託置身萬花叢菜瓏獨斟酌豈少群芳菲此物最玄著  
野畝不分哇撒子不溪鑿苗芽緣地長滋蔓亦不惡春  
溪萬綠齊金鋪吐嫩萼花開迷遠望清香散郊郭風信  
廿四番候與苦棟若融和素蝶來春泥不沾脚黃雲覆  
踈籬素浪翻遠慕正色看不厭端莊有餘綽蠅夢苦枯  
稿素馨嫌靡弱瀟灑秋菊英底幾可耐酢興至情已移  
懷新眼愈擴遇賞耻含笑踈散自開落始知幽人殊令  
心亦廣漠嚼根味已長把玩皆敬恪一聞園丁語垂戒  
起怍愕憂樂各有關物我非外膜征稅到蔬茹青苗非  
舛錯豈無菜征人竟陸擁高爵干戈賤腐儒廊廟茨治

雖何意蓬蒿中隱憂在民瘼我亦抱杞憂膏盲隔日癰  
空有葵藿心時人等秋籜掩卷致三嘆此意付高閣

十二無答友題和韻

未諳炙石蒸沙術不解餐芝與採薇贏得范塵生甑底  
非關臣朔苦長饑右無米

伯鷺久耻因人熱炊桂難將冷竈燃不是晉文綿上意  
一時禁火斷厨煙右無薪

水晶滋味不妨貧右無飯飯飯詎謂竟是真一自傳巖無帝夢  
訓梅不上墊人唇右無鹽

欲學於陵抱瓊難先生首宿並無盤不愁踏破驚羊夢  
枵腹須知夢也安右無菜

不蘭詩卷之三

五

不是權沽私釀禁近來司業贈錢無哺糟正好思從叔

江水如澠不可沽右無酒

彈缺無人似孟嘗非關月暈失鯨光不因緣木求難得  
竭澤於今水族藏右無魚

戴笠相逢誰肯下乘軒有鶴漫疑猜自知緩步能安穩  
負乘慚他致寇來右無車

莊子據梧磻磻遠鄭度坐客少寒瓊須知席地幕天好  
不與人爭座位先右無席

促衿肘見貧非病裾曳侯門耻乞哀縱使如鴉成百結  
羸他妖服爲身灾右無衣

石多人少柳詠諧巖壑都無更可哀瓦礫一庭頭不點

持鋤只好開蒔菜 右無景

看鍛依然聞所聞 蛭然空谷惜離群 披衣晨夕誰能數

羅雀門空燕掠芹 右無信

一錢留得杜陵奇 樸滿嘗將古道期 豈少蜻蛚營什一

恐招鬼笑夜淡知 右無錢

雨中芙蓉 和周吳助

數枝潦倒傍闌干 朱碧支離不耐看 同輩菊英餐已盡

過時蜂蝶興俱闌 空憐神女千重障 見妬風姨十八盤

頗似津頭尋渡婦 改粧終日怯江灘

荅高處厚蟲字韻

錯將鏤錡琢雕蟲 盡日推敲送五窮 疲蹙慣衝迷望雪

八園集詩卷之三

破瓊專敵不周風 漸無泛宅玄真子 空負浮槎河上公

一自淘河能竭澤 磯頭長飯信天翁

如繩難解積憂蟲 秦獄有蟲為積憂所成得酒即消

夢轉莊周猶作蝶 神遊列寇御皆風 天全自愛支離子

烏有偏逢無是公 一自感時衰颯甚 頭顱未白已成翁

震電嚴冬起螫蟲 天人之際變當窮 賤臣既感飛寒雪

大麓何辭遇烈風 已識鈞絃無兩是 那能彈啞到三公

不疑聞娶皆孤女 猶有人言撻婦翁 感時事也

韋編三絕類蟬蟲 幾度臨河嘆路窮 異術不逢黃石子

畸人誰復白猿公 鷓鴣有恨懷南翫 代馬無聊向北風

已是九原難可作 天門空顧彼蒼翁

### 湖亭歌

我聞華山之頂玉女盆 泓清絕秋無痕 又聞仇池成

巨浸 中有百道之泉源 冥搜豈不貴幽渺 足目未歷難

具論 誰似鄂城湖 一片瞬息中 邊遊目 遍風濤 久息波

淵 沙石雖堆明若練 春蛙秋蛤聲時聞 潛虬老蛟宅

已變人煙錯繡散 郡郭群動紛紜見 寥廓夜深燈火曉

煙霜闌闌都忘入 溟漠車馬塵中人 不知付與知章展

戲謔鑑湖一曲誰能同志和 家宅煙波重臨流 架築綺

應闌 一亭山北湖流東 山色湖光連明滅 詩思慘澹經

管中 百花潭北杜陵詠 南樓明月元規風 我友滄浪簑

笠長閉戶著書多 異想披衣晨夕覓素心 策杖時聞向

八園集詩卷之三

湖上吟 成長句動驚人 眼底詞人獨余賞 北海杜陵滕

下亭岱宗一望如親往 永和山水偶然成 惟有逸少文

無兩

燕將樓 應沈茶菴索樓賦姬兼修棟

湖州山翠一樓分 鄉在溫柔與白雲 捫虱肯容王景略

賦詩無讓沈休文 金銅夜飲瓊華露 石鼎年深蒼蘚紋

不比張家名燕子 徒聞歌舞日紛紛

和杜一淑女郎韻 應樊念

堪餐秀色與明霞 薄命傷心張麗華 巷陌草深悲石馬

昭陽日影美寒鴉 飄零豈似章臺柳 替欸還如廣和花

寄語樊川舊詞客 莫將紅粉比儂家

豐樂鎮弔魏武

雀臺何處是疑塚尚縱橫撈果英物分香亦至情暮  
年悲志士霸氣笑書生獨有千秋恨難容一福衡

銅雀臺懷古

霸業詩魂已盡消獨餘漳水紀前朝不知有漢吳安數  
銅雀何心鎖二喬

丙午過真定因雨未及瞻禮大佛像

問道維摩百丈高寶珠光焰燭脣宵莊嚴自是經多劫  
父老依然話六朝寺像創於隋咫尺未瞻無上法風塵淩塊  
此生勞他年八十猶行脚應與聞鐘度虎橋

真定次壁間韻是日遇大風雨

客路栖遲老未休關河百二迥生愁饑驅幾見渾沱渡  
沙漠真同陸海遊繭重千層仍別足寒淩六月尚披裘  
蒼茫旅夢渾無着鼓角聲悲起戍樓

禮真定天寧閣大悲像庚戌同李龍孫

象教入東土巨麗過川陸茲像踰百尺範金窮九牧摩  
尼浮空虛金碧散朝昱傑閣于層雲至頂辯眉目天眼  
顰重幽悲憫此萬族神臂隨示現多寶各滿握提婆禮  
足泣修羅亦潛伏側聞寶相義蘊空棄枯憫一真充法  
界色相皆朽速堪笑隋梁人白業遺土木

謁漢徐元直祠

堪扶漢鼎稱龍鳳元直居然與雁行縱使三分未借箸

仍同五虎並流芳風標竚望猶如見俎豆無慙永不荒  
獨有母輪陵母智知興蚤定漢能王

自古忠從孝子求徐君心事足千秋依劉方寸因親亂  
歸許終身不操謀九錫諫遲文若死三摠憤切正平休  
何如養晦風塵際遺廟歸然立相州

汝寧城東大士閣遇雪石和尚

慈雲閣建汝城東萬頃湖光蒨茗中閣四週皆湖種荷今湖爲麥田往  
日秋香環淨域只今禾黍遍離宮荒欄伊洛山川盡俯  
首風塵念慮空獨羨道人行脚遍東西南北任飛鴻

許州城外塔

塔勢嶙峋湧碧空捫來間闔步能通行山西嶂塔堦近

河水東洞衣帶中拔地影留時礙日垂天雲起自生風  
不須阿育尋真跡自有奇光舍利紅

郭店驛阻風壁間有彭禹峰過光武祠因步其韻

柴車偃蹇傷衰楊渺渺荒寒古道長河近風高無白晝  
天當北極盡烟霜名場歷後心先冷世路行來意自傷  
鄧禹笑人徒寂寞悲歌應憶舊南陽

洪水道中

洪水東流逝不窮行山西望夕陽中當時遺跡無從問  
惆悵橋頭憶武公洪武

疲驢偃蹇道途窮滿目平疇茂草中獨有泥溝州火接

依然貨殖舊時風泥溝驛子貢故里



泥溝驛端木先賢祠

蒼蒼翠柏亂垂絲下有先賢端木祠一出魯存寧伯術  
千秋貨殖果吾師書疑吳越春秋譎道並參回俎豆宜  
達識至今誰得似任山潞水不勝思

湯陰遇風

義馭塵迷白晝昏茫茫陸海覺傾翻碧翁何事龍鐘夢  
風伯無端野馬奔大塊豈真成氣噫青萍直欲撼天閭  
雲飛壯士歌千古擊筑重招赤帝魂

湯陰道中疑塚有建昌祖祠其上者

秦皇與漢武求仙空渺茫一爲茂陵土一爲沙丘叢  
魏武鑒此失銅臺爲分香更築西陵墳松柏鬱且蒼胡爲

全園詩卷之三

十

豎儒輩置仙青墟傍見笑塚中人英氣時奮揚銅雀諸

女兒時出惑老僮

時有崇托呂祖名或人土人因毀其祠

區區鉛汞流中

夜起踉蹌

子瞻喫麥粥作詩處

昔人偶作詩好事遂傳記子瞻在世時還謫無不至空  
有奇才嘆不使安其位悠悠明主心何如野老意不泛  
人中龍眼前却捐棄葉公今古同真龍翻不識

過魏家營

野店荒涼屋半傾遺踪猶記魏家營當年免役謀三窟  
此口孤丘首亂塋滿耳風聲疑振旅千行細柳代懸旌  
可憐霸業飛灰盡獨有烏鴉繞樹鳴

鄴中懷古

一椎朱亥真千古三弄漁陽亦可兒豈子成名無足道  
書生窺管更堪悲山河浩渺典王地風物殷繁戰國遺  
壯髮經過今白首每因觀覽不勝思

信陵湯沐地

朱亥雖當十萬兵不須小信學書生子房有智終疎略  
博浪沙中浪得名

麥秀地

麥秀城邊麥正秋故宮蕭颯不勝愁短歌千載猶堪涕  
卻恨他年抱九疇

邯鄲懷古

全園詩卷之三

士

竊符雖近譎急難古人風戰國四公子城門一老翁肝  
腸能不假慷慨更念功學步誰能似經思不窮

邯鄲道中口占

學步邯鄲中廿年無識者借問居停翁誰是平原也

黃梁夢

九過黃梁夢未成醒中翻自美盧生雖知浮世都成夢  
欲向邯鄲再問程

沙河贈友

迷望風沙白日昏與人指點舊河源一行作吏愁中散  
百里荒城屈士元捫虱自傷人已老解牛今見道猶存  
漸看前路無堪語爲覓平原十日尊

頭顱白盡尚驅車三十四年九上書垂老無家同梗泛  
寄愁何地卜安居鄭虔種冷狂猶在彭澤饑驅與未踈  
爲愛論文嗜昔好風塵倦後扣君廬

沙河有感

是夕立春

聞道青陽將近夕此間冰雪尚欺人須知不是河陽令  
那有春風到四鄰

大石橋阻雨贈居停

小草無端去路遙青瑣白髮對蕭蕭偶因升斗爲時役  
遂使風華逐歲消鄧禹笑人徒寂寞楊雄尚白愈蕭條  
前林風雨淒其甚鷄黍逢君幸見招

宿清風店

不置園遊詩卷之三

主

春明門外四百里往反驅車四九年豈定紅紗曉老眼  
只應皂帽戀霜顛腥厨薺食饑難飽赤日烘沙步不前  
最是碧翁無問處浮雲蔽盡薊門天

旅次偶成題壁

二十已成名五十未通籍空有茹蘗性無術點金石鄉  
里小兒據要津黃口乳子皆前席夜光徒按劍瓦石翻  
成碧造化顛倒氣數然顧我鬚髯尚如戟伏生九十猶  
傳經姜尚八十方能獲欲使斯文一廓清吾道未墜是  
吾責

亢村驛夏貴溪碑

貴溪隨世廟南巡渡黃河川子  
賡大江東去詞作詞進御立碑

會聞世廟見河清正德末年孺慕南巡豈浪行龍伯前

驅桑弩勁風師後擁錦帆輕燃犀不川溫嶠智沉璧尤  
卑漢武名自有鈞天來萬舞纖纖曲調未堪聽

謨典諮詢未易同宸歌應效古臣風陳詩自恫問問隱

獻替仍關變理功不有頌聲稱一德豈宜曲予號三公

龜螭百尺空雄峙黃絹荒涼草萊中貴溪元補獻頌不  
宜川宋元詩餘而

大江東去詞子瞻所以弔孫吳豈可  
鋪張南楚盛事霍光之譏不能免矣

瑞木行

爲高覽卷  
明府賦

四座且莫喧聽我歌瑞木此木天年非散材梗楠壽考  
藏山谷蒼翠垂雲鸞鳳栖枝節干霄日月沐芳菲麗樞  
徒朝榮靡腫癭枿設溝瀆一開一落更運會梁棟雖堪  
終作惡遺枝落向空山空雨洗沙沉霜日暴化作蛟龍

不置園遊詩卷之三

主

或虎兕孤高不受人羈束金玉之質窮窈窕元氣蒼茫  
全太樸千谿萬壑生峰巒方寸之中五嶽足過賞知音  
細討求位置高齋曠心目誰是摩挲葛駱馳移根遂得  
成樸椒盆盂沙石同作供忽吐槎枒發靈簇枯幹生梯  
本無蒂蒼鬱扶疎具佳致八尺珊瑚不足論一枝玉樹  
臨風擬

飲高覽巷署同徐艾水

何處開青眼因君結構幽花香迎戶入山色傷簷浮脫  
帽驅繁暑披襟散客愁與忘官署冷狎盡海邊鷗  
真氣存吾道相逢乳水投柴桑彭澤遠桂樹小山幽深  
酌留三盞傳鱗薄五侯名香延靜夜此外更何求

只作遊蓬戶全忘車馬場假山能致雨野草亦生香玩  
石懷顛米問蛙笑子陽剪燈留細語不爲屢持觴  
吏隱陶元亮詩工高遠夫杯湖懷漫叟囊粟厭休儒木  
石俱堪語溪山欲盡愚素心真不讓吾道未全孤

涿州桓侯祠

偶前勤王志名成第一流布衣來國士桓侯諱亭帝裔  
得豫州重義輕王業同仇薄列侯中興雖鼎足孫魏等  
浮淮

光武祠

祠前有三石  
人身首異處

白水中原蹟居然亭長如破尋星畫見斬石怪潛袞麥  
飯人追策津沱冰渡車豈同新室假符瑞總成虛

周吳昉蕭樹白同昌望叟過署小集

冬寒雪後四山蒼有客乘軒問草堂傾葢半生同慨慷  
剪燈中夜說滄桑門無松菊腰難折跡有求羊徑不荒  
莫厭瓦盆粗糲甚濁醪頻醉百花莊

和程若其集且園韻

別來潦倒不堪論傲吏非同學漆園未免俗時聊復爾  
向無人處媿稱尊啼殘百舌方高枕開遍山花正閉門  
祇爲芳蹤如二仲蓬蒿纔許開前軒

感遇年年自恰神葛藤山下幾經春足音忽喜聞空谷  
笑口能開有故人穀雨正過宜剪韭提壺恰與好延賓  
詩腸塞鼎難酬和若爲君來發興新

刪石谿和尚贈畫

石公筆墨真離奇一石一木匪所思大者山河撐法界  
小者芥粟藏須彌胸中本具千丘壑不與粉本爭起落  
畫家開口稱宋唐了菴大笑連呼錯我觀法界初立時  
本有神人自開拓中有巨山海四隅四部州分四郭廓  
百千萬億風氣殊世眼少見生驚愕石公學道任牛首  
數十年來閉關久偶然遊戲翰墨場豈與兒曹論好醜  
三昧之趣定慧力斷絕時蹊出胸臆徒使見者生嘆嗟  
比似烝沙不可食若將筆墨求石公而壁那是西來意

訪顧華峰過許青嶼小樹齋戲爲作圖

並大其題

拂拭前人蹟蕭疎墨數行間立據梧磴磴遠隱几臥遊

長玉鹿連繩拂銅瓶問石床片閒消塊壘塵土並相忘

詩韻

主

儿玩無多設隨心與會逢大材方就晚小樹亦成叢偶  
步金門朔羞稱閣上雄素心真似我混俗耻雷同  
署幽堪慨息官散任優游綠竹僮皆韻階庭夏亦秋友  
堪披鶴氅座不厭羊裘遂有海陽意因君覺世浮  
香飯粘米箸品鹽著素盤辭榮消物累味澹得心安即  
事成佳句揮毫染素統想先吾竊比西意放翁看

次趙孟遷別詩韻

燕邸重逢又四年驚心此別倍凄然求知空買胡梨碎  
不遇誰憐寶劍篇幾處柳榆供鬼笑有時趨走作人緣  
名場頭白君猶戀日爲僕驅便執鞭

足爾踟躕髮鬢長年落魄奈愁何腸中日見車輪轉  
眼底無如傀儡多已分悲歌燕市盡那堪畏路孟門過

山陰故里林巒好鳩杖持歸訪薜蘿

孟遷將往晉中

七旬過二髮垂絲歷盡中原海嶽奇怒罵笑啼真我法

醉醒誰識豈思維王生結襪非無謂趙壹孤懷別有詩

乞相後生應不識阿婆三五少年時

孟遷一字我法

短褐蕭然京洛塵不辭潦倒醉殘春那知南楚接興後

猶有東方玩世人青眼高歌能似舊白頭締直豈如新

憐余寂寞栖遲甚盡日從過擊筑頻

次吳既閑別韻

還山初服莫深嗟甲子頻更幾歲華策媿王通來闕下

六八補遺詩卷之三

七

才非賈傳屈長沙羊裘祇合安漁艇皂帽何由着絳紗

此去北牕有松桂側身天地任槎枒

簪去峨冠舊皂紗蒼苔斑髮染霜華折腰未解裾當叟

蒙袂羞聞食有嗟幾處鳳麟傷縛束前途荆棘避槎枒

家臨澤畔行吟慣爲廣離騷賦屈沙

河北道中口占

記程凡半月客况愈悲涼午飯遲殘月征車破曉霜王

孫惟一飽國士孰無雙匣劍時鳴吼中霄吐夜光

次李吉三別韻

一松五柳舊柴門歸去桑麻可細論別後揮毫倘相憶

爲余西取朔川村

吉三工西

頭陀寺

即郭清觀音閣

齊宋頭陀寺清明大士宮飛樓黃鶴上砥柱大江東歷

歷晴川勝沼滔滔南國風披襟時極目湧月急流中

過大悲林贈圓公即次其韻

山城百里見纖毫問渡携筇不待招村市峰環雲繞屋

澄江水落石生濤偶留蹤跡同鴻爪爲有機鋒落布毛

莫向六亭詢去住重來張鷹竹中逃

再過大悲林同車孝思

仍川前韻

晴日名山屢見招塵中車馬若相迷虎溪有客還三笑

洛社無人不二毛芳杜藥欄含舊草石泉槐火滾新濤

紫芝齋罷應重徙賸有眉邊長尺毫

六八補遺詩卷之三

七

大悲林看芍藥

步車孝思韻

春去啼鶯喚幾回無端紅藥報花開拈來微笑渾難語

贈答何心久費猜牆角風生枝爛熳津頭香過蝶淙洄

一從羯鼓無聲後不復清平獻調來

踟躕花向草萊開遲暮看花首重回客裏風光渾無賴

眼前蜂蝶漫相猜千峰翠嶺含青萼一水寒流結玉胎

莫訝過江無採意平山簪後少人來

自五臺巷至北塔同孝思

嶙峋石壁亘澄江水遶峰迴勢未降孤塔半空浮淨几

雲嵐萬疊俯晴瞻聲聞未斷傳清梵龍象無邊護法幢

自是攢眉陶令在午鐘齋罷不聞撞



諸公寂後五臺荒雲水依栖選佛場第一義今誰薦取  
最初機已落微茫江翻急浪悲船子枯木寒灰冷石霜  
獨有春風渾無意山頭依舊百花香

登北塔贈淨公

突兀倚江岍勢接空中巒青蒼礙白日風色颯已寒對  
峙五臺石特角生洞淵四級嵌空虛心日已壯觀惜哉  
拙工倖不造雲峰端淨公無礙體應掉百尺竿天眼周  
八極十地無虧殘願聞第一義重發香旃檀

卽事和韻六亭在邵陵城

六亭山色護層岍隱几看山處處登耻作梅花朝換米  
更無鄰女夜分燈天南天北同如客雲去雲歸總讓僧

▲卽事和韻卷之三

六

典盡一裝風日好不須更覓剡溪藤

客亭高類鳥巢俯新月峰頭遠報燈石髓不逢仙叔夜  
鷺聲空學懶孫登蜩蟬技盡竿千尺脈望才窮紙百層  
不有漢庭如許大何人猶作夜郎稱

次穉潛來韻

乘興看山不計程馬頭峰色逐人生囊琴誰辨焦桐尾  
伏劍時懷碎壁聲望裏元規塵漫熾坐中夷甫語猶清  
相逢莫作升沉感日月勞勞燭火明

再步前韻答次訊也

出岫孤雲豈限程倦飛歸鳥客愁生不聞獅子空中吼  
時聽蒼蠅大笑聲海市千層寧有着黃河九折不言清

訝君猶執人間字石鼎雖邊叩彌明

顏君信入裴詩

君信邵陵司李三揚父會官學博有德而隱

香城峰蛇拔鑑水瀼蒼苔翼軫輝奎壁梗楠產豫章理  
研沫泗脈氣聚德星鄉茂實由天授名家得義方清標  
如萬里力學並歐陽菽水歡堂白班衣却組黃簾垂開  
絕學鐸振不羨牆多士榮桃李斯風炳鳳凰才高偏遇  
晚道大欲潛藏勇退非微祿歸與樂簡狂孤松彭澤屋  
五嶽尚平裝白鹿隨揮塵青泥貯藥囊有時吟石鼎無  
事據繩床獨往雲煙渺清言水石蒼里遊乘款段晨夕  
數柴桑挂角書全漢提鉛註亦莊學寧章句小人與日  
星光慕義知無倦求仁永不忘別賢聊射圃禦寇或登

▲卽事和韻卷之三

九

揚荀氏龍凡幾烏衣雁數行洛英蒼鬢髮商皓偉衣裳  
姜被今重見旧荆適再芳竹林空放誕萬石盡周詳世  
共驚人瑞時同慶國祥紫芝原有種玉樹豈尋常蘇軾  
文能繼純仁業愈揚奪標懸赤幟射獵賦長揚舊訓三  
平反新矧百煉鋼繡衣應有待驄馬日相望民上瞻衣  
頌天褒景福章受茲南極老寵錫北山堂鳥爪呈麟脯  
雲英搗兔霜醴泉金化液銅掌露含香介壽江連楚擒  
辭左並匡登堂思啓欵望海實汪洋短句聊三祝仙源  
歲月長

壽許玉衡

其子長庚丁酉魁陳司李令廣江

大隱人間八十年不須更問美門仙圖傳五嶽來青島

海有三山散紫烟共道于公平反德更傳柱下養生篇  
幸聞里社歌眉壽老蚌珠仍掌上聞其長公早八

邵陵別江南傅飛黃

海鷗玩盡各西東悵別臨岐慨慨同傾蓋話淡如舊雨  
高歌醉後亦新豐弟兄肝膈窮途裏吳楚風煙衣帶中  
此後好音知不惜秋來湘畔有歸鴻

仁義宗人太夫人八袞詩

承淵真見嶽真圖青鳥時將彩鳳雛十丈蓮開香玉井  
五莖芝秀瑞方壺甘泉影画餘芳躅史冊名傳屬大家  
宅相已知多世澤邨家原有驪龍珠夫人係劉晉卿女

卽事書唐欽子扇

峻嶒石磴斷枯筇遲日山川老大逢客路幾經三折坂  
居停偶上六亭峰閉門風雨春寒盡入暮烟雲怪石供  
齋罷筇蔬無箇事月明閒數四天鐘

贈車孝思

江水遙城東伊人宛在中浣花工部宅瓜圃邵侯風歌  
鳳狂仍在猶龍道未窮相懷三十載拜手各成翁  
座上留型典斯風屬邵陵傳經誰伏老得法盡盧能花  
信風頻報春山翠幾層願隨鳩杖往選勝作攀登

且園近詩 卷之三終

且園近詩 卷之四

楚湘潭王 岱山長著

詠懷用車孝思韻

瀟湘有狂客顏放老孟嘉僂僂厭幕府跼促悲浣花旅  
視六合場栖泊如喪家游戲奉哀貽刻畫成若耶豈爲  
腐鼠嚇聊散空中華生公聚頑石鹿女生蓮葩山鬼爾  
何物吐舌含嗟呀須彌自有程香海自有涯吾將窮河  
源泛此支機槎

旅懷和友韻時將北上

泣庭誰爲賦無衣十月霜寒未擬歸絕調豈真應和寡  
不才寧敢嘆知希天長霧白迷哀雁山遠楓紅醉落暉

獨美故人能解綬江頭萬卷擁荆扉

改絃終自愛餘桐屬和何人許調同豈有驪黃空冀北  
獨慚父老尚江東囊餘雪後驅驢句裴散霜前落雁風  
肯許相如容膝地上林無患賦難工

重陽先一日唐質生小村橋梓過訪因留小集

客倦初歸穩閉門故人何事屢相存同悲熟路嘗貧賤  
差喜年添長子孫近市盤餐仍脫粟庭空雞犬亦爭喧  
此中往來非無友眼底如君可共言

提携笑解橐中裝文竹歐書滿客牀蟬食飽來忘晉魏  
菜根嚼去有官商杜陵興在樽仍綠彭澤籬荒菊未黃  
珍重茲晨共言笑來朝風雨又重陽

和孝思韻次答

蚊睫蟲爭事不無微茫蟻穴悔驅車莊生偶夢應成蝶  
列子乘風欲御虛東郭獵殘仍捷足西江吸盡已無餘  
何人仍取拈花意一義全聞十地初

金笏山頭事有無義和影礙不容車行藏由興悲三折  
變動無拘可六虛世盡劉黃誰李卻人非張耳卽陳餘  
蒙頭耻作觀場兒蟄睡龍眠覓泥初

挽石浪秋

君守樂州以清節著

渺渺重湖水雲煙暗朗州無由驂脫館誰解麥盈舟廉  
吏同孤竹文人赴玉樓曠懷應不礙知已謾傷憂

高潔陶彭澤憂時元道州之官琴載鶴歸去石沉舟異

蹟傳青史新詩播翠樓從漢現逃志起舞夜深憂

夏日過唐魏子宅

同詩次白山兩稱及楊系雲次白山韻

山煙江霧照城蒼避暑閒登醉白堂蕉綠半天書已遍  
蘭薰四座榻餘香曉霞晴閣歸圖書暮景風帆帶夕陽

更有烏公添勝事鑑湖欲轉乞知章

白山欲卓茅城西池中

過幼隗宅

同謝鳴玉唐次黃楊系雲分得楊字

藥欄花徑亂吹香墊色蕭森虛白堂池面風生涼入座  
樓頭綠遍影垂楊閒揮玉塵驅繁暑倦倚繩床到夕陽  
爲愛驚人多好句漢溪時訪杜陵莊

送謝鳴玉秦遊

和郭幼隗韻

中原往恨嘆無臣坐見滄溟屢化塵島客心傷愁入漢

楚人足繭泣奔秦前籌久借隨松子後乘終當屬渭濱  
莫惜風塵倦車轍簪纓容易縛麒麟

戎馬閒關豈戀官聞雞有恨夜漫漫鎬京池畔堪纓濯  
華嶽峰頭好正冠竹裏白猿當劍試枕中黃石背人看  
行山六月方餘雪莫畏征鞍暑氣繁

和楊系雲韻

匣間劍氣日摩娑起舞難消礪硯何漆女室中聞嘆少  
杞人天上寄憂多應劉才大聊居幕房杜功高不列科  
寄語閉門草玄客無將白日老藤蘿

吳長庚使日南歸尋有內艱詩以贈之

使星臨處日南暉椎髻交頭識紫微文教盡移三郡習  
綸音真令百蠻歸仍將銅柱名重勒不數珊瑚貢合圍  
歌罷皇華尋綵舞王尊馭卽老萊衣

和孝思來韻

茫茫知己一人無悔不還湘賦遂初薄食豈真虧側景  
浮雲未免滯空虛斯風已墜徒車轍古道無存聽毀譽  
多謝垂簾伏生老焚書此後不留餘

綈袍須賈亦云無逐客爭搜廣柳車秦在儀終難致喙  
鍾山牙敢復求舉披裘幾處無遺拾金馬何人不子虛  
歷盡淹留風雨惡菜根甕底尚存餘

酬南海曾豫良

卽用其韻

一揖機忘處蒼然語嘿幽巖山靈氣集浦水異香流孟

老懸泉句區生海上舟項斯人共美願效寄書郵

送蕭樹白農部還中州

梅花幾路雪霜中歸騎衝寒歲事終青髓飯香朝裂石  
黃河水凍夜來風裝無陸賈千金累家有陶潛五畝宮  
別後相懷應不減天中時望最高嵩

積雪漢東城瓊瑤擁去旌是日大雪楊留看竹跡人比踏梅

清貯篋收名勝題詩紀驛程側聞今穎士博雅見先生

一月追隨久臨岐恰別心冷輒來上客薄技感知音道

古交能恕情高念獨淡爲於分手地聊作短長吟

送許太守琴公還鄉

夢莪讀罷正傷神更值驪歌折柳新京兆吏人懷五日

且園近詩卷之四

四

于庭桃李感三春風清歸棹舟無載祥滿苦廬鹿自馴

最是冷瑣門下客望雲猶復作逡巡

和施偉長贈韻

客咏槌床幾廢眠更殘寒月夜霜天詩傳叩竹靈威杖

偉長有詩草名叩竹杖香染瀟湘杜若荃舉世工竿徒鼓瑟何人

膠柱許安絃自慙遲暮還爲客不是山陰欲返船

江夏晤劉石帆

春明同汝夢握手便凄然上策無官錦懸車有敝簪杯

傾看湧月棹返入晴川不盡心搖落霜花滿目前

武昌晤方素伯送之歸白門

風煙吳楚各蒼蒼有客歸帆帶曉霜寒月冷煙千里夢

歐書文竹薄遊裝王孫賦就餘樓畔洗馬人看歷路傷  
莫向南歸感蕭索名家忠孝異尋常謂尊公大師也

送語松上人赴法雲社

社在尚道場

十笏維摩室平湖入望深自然蓮戶意如玩海鷗心滿

灑支公韻推敲賈島吟欲知功行處空有梵魚音

慙赴法雲會重開三昧緣一舟船子法半芋懶殘禪雪

跡鴻無爪因生果帶蓮此中賓主在草履不須穿

丘曙介招集即事

曙介會同公車尊翁亦已卯

十四年前一面知敢將車笠妥相期故人戀戀猶憐叔

屬吏卑卑懶獻詩秉燭夜闌疑夢寐忘形醉後感栖遲

如斯枳棘應傳舍自有君家舊鳳池太翁舊漢陽太守君復官同馬

且園近詩卷之四

五

贈攝菴上人

攝菴江南人家潭州兵大家被誅後起和尚出家後見母齊安終養

家破三湘裏親逢五祖鄉止啼非用藥法乳自聞香拾

得原空果麗家盡梵王即今孤塔處花雨灑千行

得法無生忍重來亦善才繞峰山徑別彈指開門開得

度先摩邪傳衣即老萊袂雲溪雪夜好撲芋爐灰

贈萬心常

心常明末官廣文精天文通甲出入幕府老歸隱鄧子教讀理中

別來三十載相見髮蒼然扶術今黃石能詩老鄭虔已

無冠可挂幸有硯爲田握手能欣慰兒孫滿目前

贈徐東萊

時官武昌司獄

局促園扉地幽人此抱關佛香成淨土吏隱卽溪山祝

網心嘗苦開籠報有環更於枯苑外古道照人顏



仲舉誰懸楊林宗有素心看山頻拄杖抱膝幾長吟  
畫藏身穩風塵玩世深門前冠蓋者熏赫謾相侵

興來乘款段開裏看人忙坐老談無算奚童詩貯囊  
開尋孟寒雪後訪裴僊常日一往皆佳致無愁客况涼

弔楊海門司馬應揚晦

南唐虞部後吉水出忠義數葉芳踪繼千秋正氣揚靈  
鍾湖嶽秀文炳鳳麟章秘奧探金匱丘墳滿石倉信然  
惟下董不讓解頤匡瑞映藜頭火祥生吉羽光楚書推  
國寶甲子春王巨闕陶歐治乘黃相九方足刑誰下  
氏遇晚亦馮唐白鹿龍門峻青廂馬帳藏犀然珠盡海  
鑑藻藥歸囊器大成偏晚才高舉必芳成均多士式司

具圖卷之四

木

馬國威張運值天艱步憂淡杞內傷握拳雙透爪飲恨  
九迴腸移孝忠非偽求仁義不忘家書朝泣血諫草夜  
飛霜信國從容意真卿慷慨長枕戈無慮顧蹈刃亦尋  
嘗溝壑差同蟻封疆實憤卿舟傾崖山畔詩感零丁洋  
門下田橫客蒼頭豫讓行汗青垂絳紫血碧結玄黃祖  
豆湯陰北丘墟龐博旁家乘今不朽卹謚後難忘願作  
九招賦留騷湘水鄉

喜謝鳴玉滇歸

屈指踰踰別溪悲巷亂中入秦名遂變戀楚夢應同燕  
雀遷新壘滄桑失故宮歸來尋舊好門巷異西東  
我北君南詔蹉跎總異鄉半生全作客一別十經霜撫

惻悲難已問雞志未忘重逢相拜手風景看蒼涼  
握手語難盡悲歡念略同故交傷不貴乳子幸成翁世  
路行逾促窮愁老益工喜留知已在歸遠許開衷  
臨卽傳大令萬里得文翁燕肅官無擾相如客不窮山  
禁香勝雪印竹杖如銅別後空相憶南天少去鴻

周中丞重新嶽麓書院

朱陵起巖嶂迢遞生群峰其峰七十二茲山當湖衡鬱  
匆江郭蒼翠來城廂上有岫嶢碑下有白鹿蹤昔賢  
傳絕學息靜時過從講堂備精傑林木多橘松歲深跡  
已泯數澤盤蛇龍斯文應不墜興復欣再逢三韓有畸  
人經緯羅心胸既深象教秘復究河洛宗春陵道再展  
絕構開蒙茸輪奐益軒爽氣象生肅雍斯道如日星後  
起資陶鎔岫嶢倉頡書宜欲摹禹功

上任司寇時公祀海

軒車猶代省方行為念崔符尚阻兵自是皇仁思下究  
非同封禪侈虛名衡轡南望雲開潯海若東觀波自平  
此去封章應奏績可能宣室及蒼生  
愚生匏繫類封人司寇門牆挾刺頻為有監門圖欲獻  
遂同賈傳涕無因懷裏自定神人聽平反寧憂水旱臻  
矧日梅鹽與舟楫定回枯槁到陽春

七夕立秋和友

流火纔傳鵲架通雙星慘澹五雲中銀河水落支機石

玉珮涼生墜葉桐夜浴化生看露掌月含珠網怯西風  
人間有客悲搖落無意珠樓乞巧同

壽孫作庭少司馬

蒼生望繫舊東山百尺喬松霄漢間道岍後先推繼啓  
直聲中外絕跡攀鳳麟已是稱人瑞芝木無須煉大還  
一自移情滄海岍望洋猶復聽潏潏

題樊念菴卷

爛熟思來厭熱官冥鴻天地自然寬翻疑彭澤歸來晚  
不及平鄉蚤挂冠念菴令平鄉數月卽歸

卸卻綈纓自在身尚平丘壑最精神鑑湖乞就頭猶黑  
始媿名場頭白人

全園近詩卷之四

八

楊晦菴自滇歸談雞足之勝因和其扇頭韻

雞足山頭華首門嶙峋萬疊劍鋒痕燭龍啣火愁雲黑  
靈曜驅車畏日翻佛土東來誰與並名山南詔此稱尊  
如君孤杖曾經地尚有煙嵐繞客魂

贈梅杓司

重逢廿載幾滄桑鬚髮年深並若霜百尺漸消湖海氣  
一囊唯見朮芝香孤雲出岫心無礙鷗鳥能馴機盡忘  
豈必玄亭終寂寞燕臺原有築金鄉

呈魏栢鄉時官家宰

南楚老經生烽煙淪草澤末技喪精志風華日頽落園  
廬委荆榛息遠猿鶴春明夢久斷忽復來京洛風塵

廿五年所向意蕭索蒙袂免摧辱豈不懷耻作觸物生  
悲吟紙墨動盈案寒號啼春羽候蟲警秋籜涉筆多瑣  
曲汗漫或有托何意憐才人滄海不遺勺栢鄉魏夫子  
正氣亘寥廓經濟邁韓范人倫並李郭庶幾吐握風公  
其如可作採風及巴童古道救時薄賞余計偕篇延譽  
到山壑芒屨許登堂真氣散雲閣

送陽晉侯官秦蜀和韻

舞鷄中夜望時清結束售知事遠征百二秦關當隴會  
千峰劍閣傷雲生莫愁遲暮官車騎自是恩威著長卿  
此去山川題詠遍好將磨盾馬頭成

招陽晉侯道陪齋二公皆同里

全園近詩卷之四

九

天涯聚首並同鄉爾汝形骸覺盡忘世外晤言清晝永  
澹交滋味菜根香無家榻似維摩室不繫園同輞水莊  
緩步荒涼三徑窄庭前花鳥正芬芳

和彭海翼見寄韻

雞壇誰復擅千秋新野推君第一流幾爲唱酬頻閣筆  
每逢懷想動生愁無才空學長卿步得句時登太白樓  
漢東有一白浮沉曾挾策虛聲久矣媿南州

乙卯重午日陽晉侯吳仲勉集且園

並是天涯客逢時憶故鄉續騷誰九辯競渡憶三湘蒲  
艾盈尊綠葵榴繞檻香何因陽長會五月尚飛霜

初秋陽晉侯池象九集且園

烽烟警後思無端喜見求羊興未闌  
旅有滁州分鶴料來非安邑累猪  
肝垂簷細竹延清賞就手籩蔬進  
野盤欲採秋情共吟嘯空慙首霜  
滿鬢干

贈余仝廬

屈指聯連十二年中問魚雁兩茫  
然定交猶記歷亭下惜別時懷  
杳突泉詩定扶輪金石響公刻扶輪五集  
誼高急難鶴鶴篇公曾急家懷人難  
風塵逐隊慚寒席咫尺比鄰仍各天

和彭扶上見寄韻

書到嚴寒薄暮天開緘如見刻溪  
船詩思不媿青蓮舌慧業如參黃  
葉禪已是望洋同涸鮒那堪向北  
聽啼鴉時將北行數行遙寄才俱盡惜別因思握手年

和朱商三遊外岷回明諸勝

未追靈運尋山屐遙得昌黎絕壁  
書萬嶂雲開呈面目千章松合擁  
奔車摩崖石畔留元頌鉅鉏潭邊  
記柳居他日躋攀步公跡定將短  
句寄雙魚

電市訪毛槐湄

山色河聲遠到門居廬能免市爭  
喧鑑湖乞罷惟願老栗里歸來日  
涉園清興剪蔬真率會論心中夜  
故交言美君芝玉盈階次巷比烏  
衣道愈尊

寄趙白水

寄書前歲盡耿耿夢魂秋何意延  
陵劍翻成股美郵金日水詩文為  
璧歸應趙氏懷美豈齊丘魚雁胡  
相負交郵者清沉

衰動我愁

子瞻傳已死有傳曰水死者訪戴竟廻舟余過口水嘆息廣陵  
散悽愴白玉樓伊人思曰水慟哭漫西州瞬息成今古  
方知世是浮接白水札方知無意驚喜而嘆也

集高雙巷署

余昔聯有習氏池頭千日酒平山堂上四時花句四續成詩

每來即共酌流霞燭刻詩成興未涯  
習氏池頭千日酒平山堂上四時花  
徜徉濠濮悟頻據慷慨漁陽鼓再  
撾不有使君傾倒甚月明愁看繞枝  
鴉

贈饒聖萬監司

方城雄峙俯江流歷歷晴川烟樹浮  
鶴舞仍邀供奉筆月明還上庾公樓  
偶移鎖鑰開南甸為借鹽梅足國謀

此去公餘肯乘興扁舟尚有舊羊裘

胡母七十節壽詩

應樞淑子敬

烈士欲殉名鄉里知慕義及臨大節  
時往往垂初意何況中輟人能抱金  
石志卓哉胡夫人從一永不二弱年  
龍鸞舞匣鏡塵封蔽及茲五十年髮  
繩猶結記上奉三世姑下撫十月嗣  
玉樹既已成雲初亦廣庇勁節礪冰  
霜松柏留晚翠古來神仙入總此一  
誠至髦鬢固等閒介福亦容易不必  
誇承淵甘泉影垂世

和夏無易來韻

珠老難圓仍走璵推移端的讓前賢  
釜如梁子慙因熱竈似之推久禁烟  
空有五車陳白蠹何如萬選得青錢

煩君寂寞來相慰猶念經筵老服虔

贈馮泚鑒

北地誰幽賞比鄰有素心  
烟嵐生客袂几視閉門深  
觴泛陶潛詠茶香陸羽吟  
與君消永日喧雜免相侵  
耐久高人侶常開處士家  
簾垂塵不染庭靜畫無譁  
石鼎松濤水清磁澁雨茶  
北牕真未遠門外任風沙

又像贊爲泚鑒

一丘一壑悠悠自適一樽一觴  
陶陶永夕耻長樂之久  
官卑彈鋏之旅客浩浩瀚瀚  
一筆耕烟水雲嵐生几席  
西取梅花換米歸門外車馬  
空轍迹

壽山和尚見訪寄懷

公是何年隱壽山頭顱蒼艾  
衲衣斑一鋤手種千人飯  
半偈心空萬境間無數機鋒  
消不語有名宗錄盡堪刪  
颯然拄杖尋歸路天外峰巒  
望莫攀

和脉和尚韻

和尚蜀人

六對山中衲雙泉濯客塵如  
如心自在得得道誰倫樹  
底梅全熟春頭米又新北宗  
熟徧日風物是三春

云欲北遊

晤白兆和尚於道階丈室

公觀余西冊有詩見贈依韻答之

丈室何期三獻人逢場游戲  
莫疑真豈因故紙留諸相  
遂認生前有幻身歷劫山河  
空裏結無窮花鳥斬然新  
聞公白兆開生面欲向青蓮  
問舊津

青蓮會贊白兆許紹宅

立春日過法雲方丈看梅

同寶華老人

爲探梅花消息來此中春色半含開  
當年微笑原如是寄語諸方莫更猜

贈師非石

南州懸榻士興至偶相尋  
旅館花爭發春城客感深  
群空應北驥價重豈南金  
何日逢燕市狂歌酒再斟

贈朱友

百花開盡思紛紜杜宇啼殘爲送君  
客思嶙峋歸路石人情蒼白暮春雲  
囊無陸賈千金累面有南宮半粟分  
他日尚平遊已訂明湖泉畔寄殷勤

贈張心水監司

會官長沙太守

軒車肯爲素交停古道猶然舊典刑  
湘浦日懷秋水潔

行山時望曉峰青推敲曾許過三節  
偃蹇仍慙老一經祇欲酬知聊愛羽  
還將鍛翮自修翎

謝鳴玉滇歸即遊秦中晤於都門

丁未

滇歸未久復京華歷走燕秦萬里沙  
疋馬關河誰是主隻身天地總無家  
伏波舊勒燕然石博望新乘星宿槎  
握手驚心唯老友黑貂敝盡尚公車

口占贈程滄樸

別來相憶甚忽枉故人車  
冰雪梅花句波瀾海外書  
清標能不減佳句近何如  
肯許余分韻應無嘆索居

漢東過友人山庄

苦雨度山崗雲深山路藏  
寒疲泥沒脊擔重濕添裝  
救



足誰爲主分餐却有莊夜闌燒燭語逆旅遂相忘

真率山中意茅堂竹樹橫好花隨地發野鳥向人鳴蔬  
剪春前韭甌香穀雨茗檢書拋枕後簾溜細泉生

周叔子明府集上園投詩和荅

青衫淹棘屋白首事無成官類吳門卒心慙魯兩生旅  
愁消麴蘖秋思動尊羹何意來公瑾風流滿座清

勇退真陶令君非百里才行藏原有道福慧自難該落  
落逢場偶栖栖任世猜但長杯在手無事慕雲臺

丙辰冬戲送黑孟樸還武昌

郭恕面爲憤酒肉微明寫景換餽糕君來此地原摹古  
莫謂含毫半月勞

不負詩卷之四

寒天十指若懸椎潑墨中宵視漉漓何似癡奴無箇事

羊羔酒醉臥深帷

自知作孽錢難受畫個青山去賣錢祇恐買人仍作孽

不如空面更安然

描畫面稿倒青廂

孟樸畫廂  
余藏面

南北無須問宋唐欲得世

稱好好葫蘆依樣故當行

寶山空手不須嗟妙技從來不養家豈有虛言負黑子

鄭虔饑倒在天涯

我亦終年償筆債半錢不值爲人忙祇因別趣些些許

猶勝車塵馬足場

獨携老僕去匆匆一葉扁舟下水風不爲無錢多內顧

遠山若箇少人烘

孟樸詩  
新婚

和周叔子雪詩

冬早欣逢雪寒生亦散愁絮花隨意舞鴻爪偶然留地  
與苔青潤風翻竹翠浮茗香爐火活不用五鯖侯

忽捧梁園賦言愁我亦愁袁廬僮畏藥郭履跡慙留剡  
上懷同調青門憶故侯何時尊酒畔重與話沉浮

卜居過雲單寺訪道階遇上海霽峰衲子

欲作歸來賦先尋白社盟鐘鳴當午飯虎嘯過溪聲寢  
食忘賓主躋攀代送迎座中有能者半偈未曾成

于常訪余漢東見投以詩因步來韻

携李壽  
陵北至

春明已倦治安書種冷窮荒久索居徑滿蓬蒿羅苦雀

不負詩卷之四

客來江漢剖雙魚草玄已媿揚雄誤看銀猶慙中散疎

珍重加餐前路意霸橋詩思在寒驢

丁未碩季貞公車至都喜而有贈兼傷舊事

一別經心又九年相逢不語倍悽然頻經家難悲相似

屢遇燕山夙有緣苦志天哀應食報名家世德自多賢

如余自媿江才盡國士徒勞屬望堅

和樊海通韻集石長宅

霜柑斗酒鱸鮮鱗草閣如舫近水濱共憶雲中黃鶴客  
坐談天寶白頭人惠莊莫逆觀濠上沮溺無言荅楚津

風景不殊仍悵望峰青大別舊嶙峋

送石長南還

握手記何日方城七月秋鶴黃新橋候露白舊鸚洲偶

集人皆異詩韻得閣幾因栖泊便佳興爲淹留

乘閒來鄂洛到卽向東籬三徑未輕闢一觴嘗共持論

開時輩眼書發古人疑的的凌鮑謝斯風實可師

砥柱存吾道清真見典型定交懷並熱相見眼同青藜

澤翔麟鳳襟期朗日星自然六月息理翮向南溟

臨池李北海得句儲光義寸墨人同惜清言理入微懷

虛嘗實腹道古若耽奇讀罷時三嘆虞翻一已知

邗江間戴訪嘉客得三人方邵卿張群恭程穆倚氣誼真無敵文

章實有神星聯占太史劍合自延津何幸迂疎子題書

寄慰頻

張群皆有札及余

且園選詩卷之四

七

忽枉東南駕知君王佐才向來前箸借此日後車催自

雪猶存調黃金自有臺不須頻折柳惜別首重回

臨高揮手賦萬里送君行楚澤孤帆遠漢車熟路輕將

擢臣國士捫虱鄙經生約略問銅柱披襟紀姓名

點蒼山最異雞足亦多奇杖屨曾經地躋攀定有詩風

煙寧絕域花鳥總春時莫以羈栖感佳遊遂爽期

別後應相憶郵書不可無杞憂天更遠旅夢路先迂盍

旦仍相喚寒號謾自呼臨岐增悵望執手野踟躕

荅周計百贈韻

慶州司李被逮有門下客患難不  
舍昭雪後復任公改名周莊

磊落慶州宜崎嶇道未以火攻奴下策百煉鐵成鋼得

失馬歸塞道遙蝶化莊更憐門下客榮辱渾能忘

彭旦今太母壽言

家人女貞關雎風始英哲誕生發祥徽美賢哉彭母生

是彭子

彭母之子族望曰史蟬聯奕葉居豐不侈不競不矯訓

則芳軌

惟仁則壽惟潛則光松桂斯茂蘭芷斯芳徽柔恭懿厥

後永康

厥後大賢高山仰止好爵不纓家丘竊比爲夫人壽神

山海水

次車孝思來韻

作客窮荒喜似人况逢順解得匡衡先生自愛將穿履

好事徒驚折角巾入世有方云好好逢場莫厭嗔申申

真龍恐致葉公走驚座陳應有兩遵

逐逐深傷汗漫遊何人解信命千秋空懷戀楚招三閭

已愧歸周上九疇南極有星應自老北山無地可埋憂

登樓極目驚心幾芳草依然遍綠洲

酬張我錫

善寫判學佛

垂老無家選佛場息機龍藏禮空王閒來游戲成三昧

爲寫神茶看世忙

口占贈智月上人

如來智藏如月吐光三界同澈萬古能長

和左九一韻

禾川凡兩月春日漫諸居耻復累安邑因全賦子虛聽  
鐘登梵閣看釣美淵魚一倍堪攜手深談實左徒

作賦三都舊論文左國書共傳才脫免今試劍腸魚杏  
雨榮書帶芝香瀼泌居南濱知不遠振翻莫教疎

雨後徐洛咸招同諸子登黃鶴樓分得鹽字

朝來微雨濕廉纖忽喜高春日在簾石鏡苔深蝸吐角  
晴川水漲樹留尖幾番閣筆詩成緩有客情多勝具兼  
不羨如瓜亭畔棗素心滋味水晶鹽

仙人有跡碣頻添勝友相招韻再拈客裏愁多惟沈約  
老來才盡類江淹坐開白眼椎黃鶴酒煮青梅醉黑甜  
不用臨風重惆悵舞腰今日重無鹽

赴真如和尚齋

是日大雨制中以肩輿至

肩輿邀雨客嘉饌飯羈人不有遠公韻安容陶令真瓶  
盂皆磊落木石盡精神不必更拈句於中辨主賓  
據梧來蝶叟丈室得維摩有石印堪語無心任獨過驟  
風催竹籜苦雨偃松柯是法原平等周旋亦覺多

送王素卿還浙

天漏瀰漫畫不開楚江平漲片帆催看君破浪乘風處  
是我曾游久客來煙雨樓臺詩有社春秋吳越地多才  
他時若復思安道定不中途與盡回

野外看梅

偶偷閒刻看人忙朝野熙攘總未忘更笑梅花已蕭瑟

還將顏色媚春光

宿寶華僧舍

坐破蒲團永閉關四無人跡萬重山此中猿鳥都能絕  
方許高僧去覓閒

雲外和尚送余北行和韻志別

宦游萍藻未有程鑑湖本意欲遺榮因公救世婆心切  
瓶鉢今番代北行

荅鄒水心贈余北行韻

一瓊又向北庭寒子役同嗟行路難鄒亦有解升斗纔  
沾身已賤風塵未靖敢求安幾懷別緒開緘感爲愛新  
詩剪燭看他日金臺待君築仍將古道勸加餐

別道階

已離一切悲歡趣敢向公前話別愁白髮慣衝霜雪路  
青春作伴雁鴻遊分芋昔安從南嶽行脚今還問趙州  
祇爲多生唯懶慢出山小草不堪求

和詹陟園白燕詩

春社哀思草不芳呢喃相對一沾裳苦泥啣盡啼成血  
翠樹栖殘曉挂霜烏鳥同情尤讓潔雪衣殊調懶隨翔  
他時若採微祥事應補南陔未入章

赴黃龍寺齋

燕支山下法王宮樓閣嵯峨帝座通梵響僧閒群動外  
花開人濯衆香中爾明詩画依然偶支遁清談別有風

正欲微心難轉語鐘聲擊罷聽絲桐

病起束仲勉

菜園踏破本無羊何事河魚疾屢傷幸有長桑池上水  
圖澄歲爲浣枯腸

贈汪醫士

係仲勉

雲裏乘鸞跨虎腰懸丹鼎青囊自是旌揚快壻不誇宰  
相華陽

送周叔子還里

羽書方未靖解綬莫深嗟栗里餘松菊青門有豆瓜興  
來隨眺詠春及話桑麻第五名無減人生亦有涯

士元非百里張翰動歸思不媿名山約安求舉世知花

時里社酒雪裏灞橋詩此意原隨足衡門可療飢

戲贈徐義侯書賈

我被詩書誤一生此時猶爲買書爭他年我亦爲書賈  
只恐青箱世不行

戲應劉星士之索

君相繇來能造命豈真李廣數偏奇請公收却推占術  
元會千年只片時

洙泗前知已罕言翟曇正法薄頑仙山中甲子等閒度  
不川人間曆紀年

且園近詩 卷之四終

且園近詩 卷之五

楚湘潭王 岱山長著

有以魏克水仙竹石見壽者偶爲之贊

有斐君子虛心勁節高標拂雲孤根傲雪肅肅清風瀟  
灑英絕歲寒不凋入塵愈潔有斐君子至德不孤方以  
類聚應感而孚煙霞逸侶冰雪藐姑托根林下含香座  
隅比類非周同德非諛同心如蘭澹交若水莫逆於心  
相彰益美直道之行誰譽誰毀其風千秋其壽無疆豈  
彼槿榮豈彼艾芳苞籜千億奕葉而光群葩萬類附驥  
而香君子之澤遐不能忘

題汪無方人物冊

夢蓄魚

一僧坐盤魚旁  
一童撈蟲伺之

何物比丘猶然夢夢貪此盤魚作已清弄撈蟲伺魚一  
歡一痛魚蟲同命何輕何重微物相報輪回不空全魚  
傷蟲貪喫並用佛法平等解冤利衆與作兩傷毋寧兩  
從比丘錯因請君入甕

放生

一童放鵲旁  
二人合掌

啾啾乳鵲羽族微質與人無求安用羅織充庖不堪入  
玩無致羅者何心藩籠是置一物之微貪生不異思彼  
天空高飛展翅童子仁心天真未離開籠縱飛以快物  
志二老何人合掌旁視放生求福虞羅愈熾勿捕勿放  
冤親兩息啣環雖報不如無意萬物並育是名天地



贈鄰言一人扶杖告語

無功卜宅五百買鄰晨夕與數素心可親同德比義安  
用諄諄彼其之子搖手何慙形神不接意若反唇比匪  
則傷擇不處仁滔滔天下而交不真贈人以言彼誰之  
適多言數窮不如金銀友數斯疏不如省身躬自能厚  
薄責於人

遇雨一人跨驢果袖遮面

豈其騷人詩思驢背風雨倉皇書癡故態商蓋不假軾  
笠未戴袴不促肘聊避沾漑癡童覆荷穎士僕輩是童  
是主博奧有在

說輪迴一僧坐而應揮

輪迴之說已落二乘錯因錯果狂道假僧彼復何說此  
亦何稱揮塵點指自以為能我則一喝斷彼葛藤下士  
大笑聲如蒼蠅

嗟奴狗一人手招一僮

奴以癡役狗以吠守人賤物穢信義時有主以恩結奴  
亦不負狗不厭貧戀舊能久搖尾乞主他人則否奴多  
負心叛悍與走人獸雖殊奴不如狗王者何人招搖用  
手狗叩主衣厥奴俛首

流民一婦抱兒一夫負

鄭俠有圖何由獲譴顧彼流遺妻其目眩奔走倉皇骨  
肉戀戀有莽一夫有婦婉孌提攜諸孩撫摩縷縷孔者

母懷孩者父肩總角成童背負爭先螻蛄滿耳豺虎在  
前兵甲天地雨暘歲愆何國樂土願受一塵

惡悍婦一悍婦手帶一夫袖

臣悍國危婦悍家衰北雞無晨狹狗則追刑于之化始  
自關雎陰疑必戰誰實為之

癰子說一癰子坐地

支離全生元者免役天地委形得喪勿恤不材天年鼠  
肝蟲臂無嗟彼癰勿恃已力百年旦暮浮生過客本來  
如如原無損益

夜游二老指點揮手

嗜嗜二老夜遊秉燭自認達生豈知喪欲無始業習重  
重縛束淨染俱貪同歸鬼錄不如息機何用千示東有  
玉局西有金粟

施錢一老嫗扶杖率大並確具

衰白孤寡四窮民首焚獨誰哀富人空有舉世茫茫不  
如一狗依姥代春乞憐奔走春罷求錢唧盤在口歎彼  
嬰兒存心何厚施千不吝天資豈偶羞彼守財愧彼老  
叟

倚松一僧倚

支頤何思倚松竚立無杖無珠不瓢不笠豈栽松之往  
因抑巢松之餘習試問樹倒松枯誰是金粟一粒

題行脚圖

艸鞋踏破遍天涯一杖橫肩直到家  
立意石寒泉冷處霜紅楓葉放如花

題画贈夏振叔

山峰積翠幾許村市人煙數重宿霧日高不散白雲洞壑常封

題画贈高處厚

咫尺隔溪茅屋寒泉一道溪潺風塵勞客跡斷惟許幽人往還

題淵明圖贈譚灌湘

有壺無酒有琴無絃籬菊蕭疎南山悠然

題扇頭贈樊念菴

蘆花開遍滿江秋盡把圖書載一舟爲問生涯何所事志和家宅在湖頭

題画贈羅泰亨處士

古木寒泉白晝陰數椽茅屋隱長林人間縱有春能到不似山中春色深

圖以贈

疲驢萬疊入嶙峋爲訪峨眉天半人始識冰霜真面目空山獨立久移神

題画贈吳仲勉

巖嶂何殊西岳松風卽是華陽石白煮團作飯香紅釀

醉成漿任他水火生尅自我吐茹柔剛亦道亦儒亦釋須彌一芥收藏

程青溪先生索画爲寫二幅

世不可覺垂簾塞兌草樹雲泉此中三昧

寒林枝變冰山峰石化雪臨淵非美魚爲愛江湖潔

中釣

題風雪驢背圖贈喬益其

曉巖山石樹槎枒一派嚴寒風雪遮詩思潮橋驢背上路傍誤認探梅花

題淵明醉圖寄謝叔孚

南山採罷便悠然有僕携琴不繫絃興至偶然成獨醉

孤松常伴石頭眠

題画贈朱亮工

白石粲粲山深谷窮四無人跡幽居在中

題閉目獨坐圖

非閒非倦亦非眠不是參玄與坐禪祇爲世人看不得故將閉眼對雲泉

題倒挂梅

疑是村頭舊補之幽香倒挂一枝垂孤高懶受東風管浪蝶遊蜂那得知

題烟水圖

翠篠蒼藤茅屋輕帆天際歸航此景覺來誰似是他烟

雨瀟湘

題扁舟圖

蘆花一色秋晚更有芙蓉帶霜鼓去輕舟片葉臨他萬頃蒼茫

偶寫桃源圖寄友並題二絕

朗州舊有桃源跡爲問桃花幾度開莫訝迷津久相失漁郎去後少人來

時淳俗厚古人風先後名賢有數公不羨避秦泉石者

年年雞犬只山中

朗州前後名賢甚多

題拄杖圖

流水一灣怪石數級拄杖小橋蒼然獨立

題漁舟圖

茅屋幽林傍水隈山童蕩槳捕魚回鄰家有酒能賒取無事輕身入市來

題畫贈陳虛白

道冠儒服兼釋坐臥松風怪石腹筭佔俾無需一飲百甌千碩

題畫贈李兆嶽

梅萼含丹怪石若鐵何物征衫沾香帶雪艸樹蕭疎溪山滄寂此間無人一亭空立

題畫寄李潛石

瀑泉千丈白溪潺靈洞天懸畫不關桑葉遍林紅欲醉

野人扶杖看秋山

題畫贈安鄉張同伯

茅亭一笠輕舸一葉枕石瀨流羲皇可接

題畫贈程文載

茅茨欲摧怪石欲搗持釣阿誰桐江一老

題畫人圖

山木蒼蒼近水隈村童採藥蕩舟回閉門盡日羲皇臥不學韓康入市來

題聽雪樓圖贈毛子霞

百尺彤雲裏騷人萬古愁誰言郢中客歲歲只悲秋

題風雪圖

迷天風雪路漫漫尚有征衫駐馬看回憶春明過四九

夢魂猶自覺餘寒

題畫戲贈劉杜三

杜三更諱友光字漁計

坐釣非羊裘不在富春例臨淵豈羨魚或者爲漁計

題袁安臥雪圖贈呂生

大雪不干人無雪豈宜出還是枕羲皇療饑在衡泌

題畫贈徐生

桐陰幾樹深碧怪石數峰亂山任汝名場利埒讓他破衲安閒

題春山放艇圖

水石無機滾碧隈山花隨意落還開野人也復忘生事

盡日停舟不肯回

題毛女圖

赤龍斬斷入山深，百度滄桑任古今。  
縱有葫蘆藏妙藥，不將枯樹喚回心。

題畫戲贈錢飲光

爐內鉛汞未成胸，中水火交戰自有金丹。  
不守卻向人求方便。

題陸子璧芙蓉

一枝秋色醉霜華，瀟灑籬邊自放花。  
不許隔江容易採，寄將離恨到天涯。

題海棠

淺碧經紅幽異姿，秋心嘗共菊花期。  
臨波仍是湘靈種，不比楊妃睡足時。

題觀泉圖

千尋絕壁斷人行，一道寒泉下石磴。  
響徹空山風雨驟，道人穩坐不聞聲。

題孤松怪石贈姚歷升

挺挺高松干雲直，上磴孤石巉巖獨。  
往同氣相求激，昂俯仰耿介不磨盤。  
錯愈爽倚立非比頑頑，非黨用以持贈吾將是倣。

題扇頭贈白仲調

烟水茫茫一釣舟，科頭赤足更無求。  
見魚不釣有不賣。

閒看沙鷗上下浮

題畫贈李容齋少詹

翠重林深欲雨雲，濃山色常陰四時。  
茅屋無暑洗淨人間世心。

題畫贈蘇亮工先生

嵯峨奇石壁立百丈蒼，老虬松頓折偃仰飛泉濺。  
瀑山谷震響有客坐忘冥心獨往。

題畫贈李嵩岑先生

寒泉錯落千尺奇石嵯峨，萬山鳥道雪封無跡。  
幽人任意孤攀。

題畫贈張安仲

松響雜泉聲，雲烟滿丈室。  
雖來車馬場，仍似在山日。

題畫贈家北山

山嶂層層朝爽松，泉陣陣清風對此心。  
齋獨坐自然塵慮消融。

題畫贈余佺廬

古木千尋蒼山萬峰中，有幽人展杖冲融。

題畫贈周竹瀨

樹古寒葉未落，峰高雪積難消。  
獨有詩人興在幅中穩坐逍遙。

題畫贈葉慕廬

水石自生涼，閒來坐沙渚。  
濯足非洗塵，聊以去繁暑。



題畫贈沈西來

山色吐濃雲茅堂隱深樹穩坐閉荆扉舟橫不暇渡

題雪景贈蕭緝敬

萬壑嶙峋怪石千林曲折寒枝茅屋隔溪無路草橋倚  
澗將欲幾道泉聲響雜滿天風霰雲迷止許幽人獨對  
不容市客追隨

題雪景贈僧量帆

坐破蒲團無益虛費草鞋可惜雪深三尺未紅誰是神  
光斷臂

題畫贈電鋒和尚

草樹含鬱蕊峰巒凝翠碧禽鳥不聞喧潺湲惟水石

題呂純陽像

黃梁入道岳陽顯跡黃龍一喝由玄歸釋既已空諸所  
有安用金丹一粒從茲掃却蓬萊來入宗風少室

題博古圖

玩物喪志昔賢所箴不如博奕謂收放心彼其之子書  
画浸淫河濱之陶龍門之琴汲冢搜羅撫摩沉吟良器  
不堅良士多悔瓦釜雷鳴黃鐘土塊請用珍藏名山有  
在

題萱草畫

天地悠悠哲人無替憂從中來愴然出涕廣武興嘆登  
樓凝睇無地寄憂終老匏繫小草何知爲人作計忌憂

孔謬宜男孔泥蘭幽白芳香豈因世蒲草青青深溪自  
勵鄙此萱贊黃裳遠制遂熱見呵垂垂塔砌

題牡丹畫

艸木枯榮氣化所固姚魏重妍春光偶逞富貴徒誇終  
焉不壽野鹿啣殘花妖非偶豈如寒梅雪霜彌秀辛酸  
不厭正味可久孤芳勁節豈彼春茂

題富春釣魚圖贈程湜榛

丹楓翠壁小溪潺湲野艇漁竿盡日閒一白羊裘垂釣後  
令人終憶富春山

題雲松圖贈羅直卿

蒼蒼雲松幾我千尺霜雪莫摧風雲托跡錯節盤龍脂  
凝化壁籟鳴成濤月來生魄杜陵草堂仙人窟宅幽洞

寒巖永矣高格

題採芝圖

携鋤採芝步彼空山蒼松蕭騷瀑泉潏潏

題撫琴圖

坐彼怪石撫琴無絃澗水潏潏風竹蕭然

題米南宮拜石圖

巖巖維石壁立無倚千尺千霄堅貞莫比不轉詩稱介  
如易美維彼南宮高潔自喜文彩風流高山仰止見石  
匪石丈人是擬下拜至辭呼之不起是人是石永矣傳  
矣何以似之衆香國裏

題西華白仲調仍用贈律中一聯為起句

香山君故物九人皆壽考今日我與君嵒嵒惟二老  
二老坐松風餘子何足道者英不在多碌碌可盡掃

松下坐禪圖

奇峰高入雲怪松相倚立下有解脫人觀空得禪寂

題西寄友

漫天風雪望中迷滿路瓊瑤壓玉枝不是山陰不乘興  
真人清嘯在峨嵋

題雪朗僧画

白石懸巖立萬尋寒潭百丈下臨深不因拄杖衝風出  
那識茅堂隱樹林

題雪景贈龍泉和尚

看山是山水是水百尺寒崖枯木裏坡公廣長清淨言  
此日却同贊故紙

火無自性潛木石枯木寒崖皆煖氣正恐燎原從此生  
婆子燒菴何狼藉

題西贈菊隱

日向東籬采落英北牕高臥欲逃名此風千載誰能繼  
無怪前賢畏後生

題西贈林公弼相士

老樹半搖落西風雁影斜野人無箇事叉手看烟霞

題扇頭西贈家阮亭

不作烟波叟懶效羊裘翁滄浪時濯足興至垂釣筒水  
石既清淺叢竹皆鬱葱會心不在遠浩渺江海同

又題家阮亭扇頭画

山谿石亦幽亭閒竹木秀坐久日忘機自然仁者壽

題五月江深圖贈徐東萊

五月江深草閣寒用唐句漫天風雨晝漫漫野人尚復當  
軒坐為愛雲煙積翠巒

題雪景

老樹化寒冰雪深石欲圻古道鳥不飛尚有征衫客

題画

一棧高寄半山巔古木千尋未覆簷不是好窮幽險處

愛他牕戶對巖泉

題画

山溪壑溪林溪冰雪寒煙晝陰不許車馬來往獨有幽  
人自尋

經鋤軒關中王文含  
園詩應徵

午筵飯顆山瑤草日盈把挂書牛角邊曬腹柴車下

夕佳亭

返照卿山盡西牕向夕開開雲投岫沒倦鳥噪林回

篤喜菴

浣筆墨溪畔魚鳥相與喧未有羊欣練臨池穩閉門

先農祠

薄祭薦羔韭通念播穀祖時有柴桑翁行歌擊土鼓

冽泉

古樹陰蒙茸沙石含清淺靈草無冬春寒流日剪剪

白露洗

荇蓼沒沙汀洄流遶溪畔夜中風露寒鳬鴨自相亂

丙辰歲盡嚴寒大雪河水皆冰擁爐無事呵凍作

西取雪中舊事翻案數語自吟自笑聊以敵寒不

足爲書畫論姪妍也

西冊附錄  
宋吳璣

山陰訪戴 山陰道上應接不暇矧此同雲一色

六出繽紛其曠遠空淡又當何如此雪夜乘興一

出以盡江山奇勝未必真訪友也必借訪友然後

八景詩卷之五

古

衝寒有名舟子不訝僕夫不驚及扁舟一覽無餘

興盡而返此所以不必見安道耳

皓渺高寒萬籟空最宜孤棹夜乘風須知不爲尋安道

爲愛江山一望同

袁安臥雪 嚴寒風雪履穿絮敗手旣龜折足亦

繭重卽欲干人實難出戶非盡不宜干也若大雪

不宜干無雪又豈宜出乎此袁安所以落得爲高

士耳

雪深難出門非是不宜出擁被臥北牕高名亦不失

東郭履穿 東郭履穿雪中無跡獨怪此茫茫風

雪質質而來先生將何之耶豈其訪友抑其干人

有媿袁生多矣

破屐無因踏雪泥遑遑奔走欲何之須知不是山陰訪  
有媿袁生高臥時

灞橋詩思 詩思在灞橋風雪中驢子背上夫寒

步艱難寒風凜冽詩思何有乃稱灞橋總之詩以

窮而工也不然彼梁園高會者豈盡無騷人耶

危橋欲入雪浮空蹇步疲驢千予中豈爲詩思窮更好

詩人衝凍冒寒風

初祖傳法 初祖西來專傳正法何因九年復爲

面壁豈尚有未澈抑付法無人慧可立雪誤認去

一臂來語毅然斷臂衣竟付之豈真法器堪傳抑

八景詩卷之五

法

或迫而見付識此方具隻眼

碧眼分明說不識情懂神光稱法器九年面壁隻履歸

後人尚問西來意

梁園作賦 梁園作賦擅名千古今讀其詞亦膚

鄙無深意視三都長揚遠不及矣昭明入選亦是

笨伯

良友名園偶集中數占口語不求工何如後世噉名客

擬古猶誇漢魏風

掃雪烹茶 孟光傳粉墨伯鸞爲之不悅羊羔之

婢豈可事掃雪烹茶之主此主不擇婢非婢欲擇

主耳若蕭穎士僕庶兩得之矣

掃來白雪黃芽風味居然隱士家若使焦青爲伴侶  
羊羔舊事敢驚誇

柳絮才高 道韞才高王郎尚有天壤之別自是  
林下風味獨撒鹽柳絮優劣雖殊詠物俱爲有痕  
未若少陵之舟重竟無間爐存火似紅爲化境也  
此唐人之能勝晉人也

徹夜嚴寒黯澹中明燈白映火微紅驚疑起望續紛色  
不是春來柳絮風

南岳分芋 山深雪重閉戶煨芋自是高僧風味  
客夜扣扉分芋相貺亦是世情十年宰相卽認爲  
識語以顯神通便非正法眼藏矣

雪重山深傷火居僧家風味已無餘那知宰相十年事  
牛糞灰邊半芋如

峨嵋積雪 天下名山峻絕者不獨峨嵋稱峨嵋  
天半者以其近西域也聞絕頂處可望雪山而峨  
嵋六月亦雪千年不化其高寒可想

峨嵋雲山氣與天通陰凝寒結廣漠多風磴磳膠葛未  
剖鴻濛義和迴駕玄冥踞宮金方水肅道釋成功煉性  
息情爲道之中

### 題風雪圖贈郭幼隗

十年奔走風雪中精力耗盡成衰翁今年風雪故園裏  
舉目慘澹如路窮愁來捉筆爲寫意忽憶舊遊轉憔悴

但覺傷心行路難咫尺大行風雪至羨君坦步長林泉  
湖橋詩思還無邊爲君一灑冰霜而不數襄陽孟浩然

頤僊馳而破清紙墨具  
碎作詩自嘲非以東郭

君不見博奧蕭穎士尚有戀王蒼頭使又不見明使君  
青衿地餘且能文余僮似劉寬僕馳書醉臥斜陽暉  
野人面意堪覆瓿滿口雲煙成醉夢郭恕狂來碎紙爲  
半角青山聊玩弄吾聞廣文先生多塵埃破甕敝榻滿  
蒿萊一僕長鬚頭不製或與此僕同詎諾少陵鄭虔今  
再來請君爲我歌莫哀

### 雪夜卽事

朔風徹夜牕戶裂床下忽高一尺雪老人睡少精血枯

膝屈不伸凍欲折神傷幾度衰佳人可憐黃土埋青春  
垂老無家久喪亂雛男乳女阿誰親人生酸鼻那可道  
况復途窮多苦辛

### 火菊

斷梗蛩聲咽遺香蝶夢欺不堪捐佩意灑作泣花詩碎  
玉哀偏早憐香悔已遲神傷誰得似金谷廢樓時

### 殘菊

枝葉能相保荆秦亦任荒有根滋早露含夢待嚴霜客  
意依香遠秋容借色黃不驚初遇賞開落仍踈狂

### 題西

林疎聚落稀山色覆長路借問征衫兒茫茫足何駐



題瀟湘圖贈友

一片湘山空黛色或爲暮雨或朝煙遊人未解生清賞  
載向襄陽書畫船

題画

一片湘上山是我野人意此意惟君同不借山持寄  
君爲湘山留山亦爲君喜山水雖無言如我與君耳  
愛余同愛山余與山俱止他年一念余指點疎林裏

題竹木泉石圖

古木枯於石竹聲清過泉茅堂人跡絕獨有草含煙

大士出山像贊

爲耿鹿伯寫  
耳根圓通觀不在目萬億化身出山具足

送趙輶退先生官河內

西南復喜靖風塵河內仍思借寇恂詞賦壘今空鄴下  
屏藩名久動楓宸携筇磐谷公餘後枉笏嵩高秋爽晨  
此去奚囊新詠滿可能相憶寄書頻

題画贈薛衛公

拂地奇峰礙日垂虹噴瀑驚山有客機忘危坐寂喧耳  
不相關

毛女採藥圖

應耿鹿伯索  
拋將紅粉煉庚辛採藥餐芝號道民一自商山無隱士

聊將巾幘媿時人

戲題曹文度七一居士像

古梅花下懶衣裳鄴下文章最擅長自是君家有九錫  
何須六一學歐陽

題画贈曹禹濤

別墅傍山臨水天時春末初秋朝爽明牕塵柄斜陽江  
上扁舟

題房慎菴画册三首

萬里乘風破浪舟數峰江上點輕鷗一從杜甫題詩後  
始覺乾坤日夜浮右洞庭孤帆

莎草青菰怪石奇礪周子牕前南宮袖底右盆草怪石

汙泥不染果帶因生如是我聞妙法深宏鹿女千子一  
夢胎成百萬億佛實相妙明玉井十丈香海萬莖非色

非空一貞無名右青蓮花

贈房慎菴司馬

戊戌會同寓天璽詩社  
樽酒論文交有神郊壇花下憶芳晨雲霓久隔懷知己  
車笠無忘有故人楚珩見收時共寶癸丑楚三人出公門下夜珠

入掌席添丁時公自來武庫稱霜電猶許青箱附驥塵

南城外看荷同家北山樂賀天士諸子二首

荷香數畝舊家池歲歲花開不負期欲問看花誰舊主  
頑然草木總無知

百年天矯老藤亭十抱婆娑古柳青笑煞平泉疑木石  
猶留題額在山庭

中頂觀荷北山再索古詩却賦

倦遊不妄出招搖跡深屏伏乏河朔豪逐熱私戒傲花  
事久愆期名場亦灰冷吾家北山翁與踰少文猛西山  
枉笏爽別墅彈碁永看竹不問王苦吟至忘寢花時載  
酒出幅輳賓從整挈鉢限詩成吮毫客延頸詩成毋示  
余池塘句新警清興忽然發經營思更進佳遊宛日存  
林塘得要領遂補中頂遊策蹇竟先騁城南數里地水  
竹類箕穎萬柳夾堤陰一泓開別景臺榭宛中央望洋  
若千頃菡萏映朝霞爛熳凌倒影風生翠蓋颺月照寬  
蒙炳裁菱衣靈均嚴粧衛鮑靚朱鷺泛菰菱錦鱗翻藻  
荷彷彿華山巔十丈開玉井繞地生青葉鹿女現神境  
蓮胎乳千佛一瓣一佛靜欣賞至忘歸空花眩口晴清

且園近詩卷之五

辛

香沁心脾清泉汲素綆圖澄腸更浣紀遊燭再秉

孟穀姪留試北園詩以勉之

知己相成日嚴親屬望時動心經難後努力試開期大  
器推遵彥家聲在簡夷莫驚迂拙語濟叔自來癡

楚書姪編較且園集竣感而有作

他鄉垂老日骨肉最關情孝友真天性趨承摠至誠家  
聲知不忝大業可相成筆墨青箱共無勞問友生

且園近詩卷之五終

且園近集目錄

楚湘潭王岱山長著男禹書大夏編

姪戩孟穀全較

楚書孝思

虞書允執

甥王蘇更生全閱孫昌祖全錄

壻會士瑾延昭全閱孫振祖全錄

壻謝融方中

卷之一計十篇

四松堂記愚庭記

且園記重修隨州學碑記

忠愛堂碑記府君山雲罩寺碑記

禾川修學碑記三雪菴記

雲外和尚語錄序賀弘任全集序

夏人淑黃鶴樓唱和詩序

王侍御百斯殉難序王考功西樵年譜序

大易合纂諸家圖解序

周吳昉在陳詩序春陵劉侯初度序

方谷上人詩序

卷之二計十篇

武石菴全集序蔣虎臣全集序

樊念菴近陶詩序趙簡如詩緯鈴序

楊忍士辨武陵相公謫書序

施匪莪集古全刻序 歷代繪圖序

劉太常登泥全集序 夏人淑全集序

黃唱韓詩序 宋商玉詩序

贈吳仲勉歸新安序 譚司業灌洲詩序

劉子厚詩序 金會公詩序

文天章制菽序 贈程穆倩序

陶子詩序 重刻金剛六譯七譯序

卷之三 計二十  
六篇

勸修隨州學序 募修文昌祠序

趙白水集序 贈徐東萊序

樊念菴制義序 安州郡乘序

纂修鐵佛寺志序 黃赤子古文序

高氏家憲序 陳虛白詩序

李渭清詩序 黃澹山詩序

漢東志序 周令公史贊序

朱蒼慰詩序 何子詩序

陳珏菴詩序 蔡鶴舫詩序

孝友錄序 募刻語錄序

陳孺人貞節序 三張先生合傳序

李渭清家譜序 寶華老人龍隱小引

南雲和尚遺詩引 李吉三画小引

卷之四 計十  
九篇

擬文信國荅王炎午書 炎午字鼎翁作文生然信  
國語多不諒因擬報書

乞巧文 祭許太翁文

路祭陳華頂先生 梅里先生陳徵君墓誌銘

泰亨羅處士墓誌銘 李氏孝節傳

龍山後裔玉航傳 雙泉寺募建禪堂疏

蘭石募啖華嚴疏 方谷上人募米疏

募建彌勒像疏 募修觀音堂疏

募建彌勒殿疏 募修五通廟疏

題樊念菴卷 題鄒中丞家訓跋

題穆倩錢牧齋序 題筆砦

且園近集目錄

且園近集目錄 終

楚湘潭王 岱山長著

四松堂記

凡天地魁偉奇傑之人究天人之學包今古之識薄雲虹之氣堅金石之節歷窮達枯榮生死治亂是非毀譽俱無足以動其心惟於一事一物之細惓惓不舍以寄不可一世之意世遂因其人以傳其物更因其物而思其人如召伯之棠尼山之楡類皆然也涓水楊子文啟結茅百里外門有四松奇矯蒼鬱濤聲清籟日與吟咏相答如商山古衣冠共數晨夕乃名其堂曰四松屬余顏其額而記之夫楊子早年讀萬卷書樹幟文壇不幸

且園近集卷之一

一

值運陽九其英奇磊落之氣無所發舒乃挾策從王磨磨草露布如是者數十年大志不就退而浮沉郎子國與居狗沉酣市肆持巾繞床大呼五白擲千金而不惜雖年近古稀矍鑠健飯有據鞍顧盼之意何取於楚楚之松樹乎按古之寄趣於松者鄭薰取七松以鳴隱鄒祿光取七松以鳴道術洪邁取二松結葢以兆祥秦皇取五松偉岸以錫爵茲楊子抱經世才而遇非其時偶然晦迹無取於石隱楊子守鄒魯之道無取於幻術楊子芥視青紫屣遺軒冕無取於科名楊子天下士義高魯連無取於秦封然則楊子名堂之義何居了菴子曰四松者杜甫成都草堂之物也杜詩云尚念四松小

又云入門四松在於四松三致意惓惓不忘故屢見於詩少陵當開寶之際流離困頓麻鞋謁帝涕淚授官其念亂思治憂國恤民未嘗一刻忘於中卽其歸成都依嚴武經營草堂眷念四松無不露其忠愛之意此其文章光焰千古三百篇以下一人古今評者無間言觀其出處大節與楊子合此四松之所以名楊子之堂也然則四松非楊子未可名堂楊子其有當於四松之名也說者曰陶元亮辭彭澤賦歸去來撫孤松以盤桓而楊子未嘗不與之合而不以名堂何也余謂陶公枯槁饑驅乞食五子俱不好紙筆一醉忘天世事均無經其意者未若少陵之憂憫天人惓懷君父其子武宗文宗亦且能詩傷老夫之名今楊子以閨閣詩書方且承先開後麟炳有人亦非忘世枯槁者比此所以有取於杜無取於陶也語云培塿之下無松栢今四松龍拏鳳翥勁節清姿於楊子之堂造化者寧無意乎

愚庭記

丁未七月王子葺其學舍之堂及其廊廡又以餘力築舍於堂之右闢地四隅誅茅除穢塞其窪而削其梗中室三楹增其兩翼前開半軒後續簷廊列檻築垣牕南牖北而眺覽隨適圖右史左而涼輿得宜顏其庭曰愚或曰愚者賢達之所避忌禮法之士之所厭聞也而子何獨名之余曰不然余自七八歲學爲聲詩爲古文詞



爲制舉業爲二氏百家諸術衆技積數十年而終老公  
車又含貞履潔守正蹈直不欲苟合取容亦積數十年  
而官止學博世之通顯利達者皆不類余而其售十倍  
又一壇三易而無善地辭令就冷蓋欲以投閒乃一行  
束帶戴星履露日不遑食會賤吏之不若凡此者皆不  
愚之爲累非愚之爲累也使其果能愚也耶口合而不  
張目張而不察耳開而不聞心具而不思四肢備而不  
愜僻侵假而化余爲鷄余因以求時夜侵假而化余爲  
彈余因以求鶚炙則余卽偃形折體而不知又何鶚鶚  
若日月之行取人之俯仰乎老子曰大智若愚孔子曰  
其愚不可及也顏子終日不違如愚柳子厚以愚名溪  
此皆能以智用愚余恨余之未逮也尚何暇愚之爲諱  
乎

且園記

丙午七月余就漢東廣文之官寓城東之祝融祠而廣  
文實無官舍也於是僦民居久之遷祠廡幾與流遺偶  
而費宮之側有隙地叢莽坑塹不可措趾余乃披徑入  
覺有可結構者爲倩力開闢數月而園之規制出又越  
數月築室六楹前庭後宅而園之規制愈出顏其宅曰  
愚庭旣已有記所稱園者方圓各十丈種竹樹木蒔花  
菓積日累月而園之規制成因名曰且園子弟請爲記  
以表乎且之義余方有事僕僕未暇也至甲寅之二月

花朝念居是園者七八年園之自余闢爲余有者久異  
時或問且之名求其所爲園者並不悉夫且之義園不  
其虛設乎園其爲余有乎園固非余有而且之名終爲  
余有世固有地失而名存後之人猶因名而思其人者  
是園之不可無記也記曰且者何聞之春秋書次明乎  
徐而不疾也婉而不遽也且則有次之義又公子荆居  
室之善每稱苟明乎知足不侈知止不盈也且則有苟  
之義又物之不備儀之不備爲簡且則有簡之義又譬  
而非久權而非經爲姑且則有姑之義夫余壯髮事制  
舉公車者四十年其間運會之否泰朝代之隆替人事  
之通塞風景之盛衰以及存亡聚散流離顛沛患難饑  
寒不知其幾而始受此一瓊之席無論同學少年登崇  
秩陟顯樞久已告老懸車卽後生輩出躡清華踞高位  
者亦已功成身退是不獨躍冶躁進無須此數十年之  
久卽優游仕宦者進退綽然有餘而余止受此一瓊其  
爲不疾不遽庶幾近之此有取於次之義也當龍戰之  
會青紫滿塗纓情好爵者陰鳴相和竈下中郎爛羊延  
尉如拾芥折枝而余僅守瓊寒菜根敗絮茹檠飲冰立  
廉隅而勵勁節我用我法吾愛吾鼎不以改吾陶咏之  
適可謂知足知止此有取於苟之義也余生平窮約又  
久經喪亂千金散盡一錢留看苜蓿本已無盤茅屋支  
難一木余誅萊剌棘填塹平坵向之沮洳隘塞者遂坦

然而舒寬然而衍既容架築復可藝植室無軒澗止蔽  
風雨榱桷簷櫺雕琢不施垣墉戶庭丹彩不設楮留舊  
本漸蔭成陰竹植新竿久因叢發花無名貴草止菊萱  
可謂不備不飾此有取於簡之義也至於官舍如郵無  
容張老之視林谷易變寧效平泉之擬李氏之東園漢  
東今不知其地況其他乎則余之官既冷席園尤草萊  
可謂暫而非久夫廣文之官多桑榆向暮升斗是沾傾  
頽一隅妻孥百指糟床醕甕收家視雞銳者計錙銖營  
子母因熱釜沾餘瀝親炙手藉與援衰者與碌碌子矜  
倖倖胥隸日卽杯酒結殷勤歡此近代廣文之經也若  
夫闢園架幽室左經右史琴書精良筆硯古潔雅流

昌黎先生集卷之十一

五

### 重修隨州學碑記

漢東之學舊建東郭外自萬曆癸酉始遷內城與州治  
相隣地勢隆起脉聚氣完宜爲人文之鍾其後宮墻盡  
圯至順治戊戌直指李公過化斯土乃復鼎建時急於  
奏績不無草創僅蔽風雨不數年又傾圯過半其於廟  
廡先賢之位初未嘗設也余自康熙五年承乏首蒞則  
蒿萊瓦礫滿目於是屢議修建皆阻於時勢於茲九載  
念余束髮詩書老而無成名教之地毫無裨益夙夜疚  
心適新刺史有同志惻然念費序之廢也因鼓余新之

余不敏不敢辭責惕然鳩同庠之士共勦厥事自十四  
年七月朔二日至於冬月早興夜寐始獲告成夫誦詩  
讀書之人爲根本地原無足以鳴勞然是役之艱難惟  
隨實倍他邑當水旱頻沴之餘值戎馬在郊之日俗既  
頽謝士無鼓舞故錙銖毫末必呼籲更番片瓦隻椽卽  
構求不易而水土力役無非斷舌焦唇一石未安不敢  
寧一椽未穩不敢息不啻精衛之填海愚公之徙山由  
是棟隆宇奧方知闕里之尊王設座新其仰美堦之潔  
考訂及門之賢而名號必確詳稽從祀之彥而位次無  
訛俎豆未光先成奠爵泮宮未肅預設戟門一手一心  
矢公矢慎不敢沽名不敢辭議祇期無愧聖賢而已雖  
然古人云君子勞心小人勞力苟非刺史之同志而余  
事又幾阻此地之蒿萊如故也其區畫位置踵事增華  
者余雖有微勞亦復何有焉時之來觀者智者曰非我  
賢父師之績不至此愚者曰非我良工之技不至此耄  
宿曰非先聖之默相不至此俊彥曰非人文之當興不  
至此然余架築不如工倕時佐工倕之巧負荷不如傭  
役時逐傭役之群是竭蹶而趨不過盡吾志也勵衆戒  
勤不過竭吾力也腐毫竭墨不過畢吾誠也所謂勞力  
者也刺史勞心者也請以其功歸之公退然曰此先生  
師弟積累之績吾適躬逢其盛焉功不容泯安可無記

### 忠愛堂碑記

昌黎先生集卷之十一

六

楚自兵燹後所在郡邑之治皆荆秦而漢東與中州接壤州殘倍他邑前此宰其地者當開創之會不遑粉飾取庇風雨而聽治之所闕然高陽劉公蒞茲土不二年政令一新乃集其父老子弟而新其治之堂及其儀門二區用金若干木石瓦甃若干力役若干始於丙午冬落成於丁未夏題其堂曰忠愛思所以記之以其文屬余余登堂歷階觀公之制而異之知公之有志於民也乃爲記曰宰古之侯封也自封建廢爲郡縣雖其職與天子隔絕而宰實牧民之官天子之澤不得下布惟宰是倚民之幽隱不能上聞惟宰是恃故宰與民獨親所以宣滯達情布朝廷威信德化實宰之職民有饑寒疾痛得登宰之堂而呼籲之民有冤抑鬭爭得登宰之堂而聽平之故稱其名曰父母父母者親之也名其庭曰公堂公堂者公之也詩曰介壽公堂此民感懷眷戀不啻其家人父子酒漿拜舞一堂之內歡然望其康且壽也此則忠愛之意也自後世宰有通遷堂如傳舍燥濕不悉徹絃屢更考功者又右催科而左撫字於是文網日密訟獄失平賦稅日增宰愈勞而民愈困上不復有遺愛之風民不復有甘棠之愛望公堂而有太息愁恨之聲無鼓舞歡歌之色所稱忠愛者無有矣不獨失所以設宰之意並失所以設斯堂之意茲劉公蒞政未久而建是堂費不期集爲不告勞軒敞炳煥可垂永久非

以自私也後之官是者登斯堂也當思天子所以設宰欲以洞悉民隱宣滯達情以布威信德化焉當思民之饑寒疾痛冤抑愁苦哀矜勿喜訟得其平焉當思其寧勞撫字而拙催科毋厚歛毋取盈而用一緩二焉庶無負天子以民社付宰之故與宰居是堂及公重建是堂之故可也

### 府君山雲翠寺碑記

隨州城南四十里有府君山舊以府君居此得名其地崗巒聳拔綿亘宏抱左右溪環峰脉中落融結寺基卽古雲翠寺也梵宮北向青龍廻拱特作朝案餘脉分支五水入抱水交氣止毳簪衍舒外山廻合徑曲螺盤初若窮原忽入無際游者往往迷惘及路盡峰開氣象千萬渡橋而後幽勝遂多誠諸佛之道場人天之福地也開山者爲了靈禪師而法師大明則中興祖也緇流道侶結志雲栖闢法揚宗於茲稱盛迨中葉寢衰山荒殿圯獸蹄鳥跡穴宅雁堂蝸篆蟻封交羅灌頂遂使法乳終乾甘露晚竭有道階和尚者楚南潭州人也其俗姓李氏爲明大宗伯騰芳公苗裔公以文章經濟歷事盛朝海內依歸名在竹帛尤究心宗乘幾奪壘而英回首之際去住了然故和尚之生兆夢母氏公實再來及乳斷齒龍苑不輩端嘿無聲恒喃喃佛號知其法器捨奉空王長受戒具遍叅知識春頭棒下一旦豁然大事既

明六根並澈揮毫拈韻罔不精通福慧兼成高風遠播  
大清定鼎有許公鎮南崇信釋曇奉師供養而其長君  
可菴益加護持可菴者即今德安府君也公以康熙辛  
亥來守耶水和尚即與偕來爲建丈室於城之東隅號  
曰法雲道俗向往皈依連煙比屋可菴忽夢遊名山奇  
峰巽岫宛若靈鷲而梵宇法幢縹緲超忽心目開爽移  
情動色窈見衲僧俯請修建公初難其任衲乃再請謂  
此山非公莫興典固公內事也公聞言驚愕夢回追  
憶不知所以忽雲單末嗣信州人士不期而集踵請和  
尚再闢府君和尚感其宿誠免就斯請尚未告公策蹇  
就道復有隣山寺主先期亦夢神告謂南方知識來開  
府君娓娓誠衆至是和尚果至寺主踴躍道左恍符夢  
中稽首語故及和尚登山周覽廢址四顧荒涼一眞惘  
惘頂禮之際五體傾投不勝感泣弘發悲願悼龍象之  
露立鵲巢蘆穿傷鐘梵之塵埋甃腥蟒穢偕行道俗觀  
茲壞朽退息暗萌而和尚顧彼傾頽慈悲愈出非徒益  
笠微因實動布金大願誓報佛恩頂踵莫惜毅然之志  
衆惑頓開始歸告公以府君山名早爲訖異及詢山狀  
愈生驚疑因命工繪圖披覽之下與夢恰符山川歷歷  
以是因緣契合非偶決意開建屬師持鉢余適寓郡郭  
立草募疏而一時郡丞屬吏亦嚮風樂成各有所捐自  
康熙乙卯夏始事和尚焦神竭慮尺度寸規粒米共食

八里關志卷之十

九

力役隨衆鳩工於里庀材於山斯治斯陶亦輪亦奩厥  
工非細衆力怠勞閱歷年所大工甫畢凡所建立皆自  
維新計建天王殿一所齋廚一所方丈客廊各一所藏  
經樓一所補製藏經若干修像若干白粲固糜朱提相  
等荷歟盛哉非獨和尚之功德不可泯而其因緣殊異  
亦世未數數見也說者以郡公爲高僧之再來和尚爲  
宰官之再現故其靈夢屢徵先後一轍夫世之喜談因  
果者微有驗徵卽爲誇美垂之神乘永爲口實矧若斯  
之彰明較著是安可無以紀之乎余不敏無文而誼與  
和尚梓里分不敢辭乃因爲文字布施敬記其事於石

禾川修學碑記

八里關志卷之十

十

近代學宮壞壞破垣草萊荆榛至久廢不舉者雖曰物  
力而人心居半焉蓋所司者視爲駢指設鐸者視爲郵  
舍士大夫視爲公所故久廢不舉有呼籲者百不一應  
焉嗟嗟二氏弟子每遇佛刹卽名祖庭不惜摩頂踵以  
新之故所在煥然巍然豈非振起之有人乎禾川當全  
盛時科第麟炳其名入巨儒文章節義後先疊出而費  
序一區不可謂非發祥之地故所祀俱有專祠自數年  
兵火而文宣之宮僅存至啟聖名宦鄉賢節義寄其主  
於櫺星之間建武何公屬乾持鐸茲土心傷其祀之失  
也乃捐俸建啟聖祠於文宣廟之左建名宦鄉賢於啟  
聖之南翼修四相祠於櫺星之右建談貞烈之祠於泮



水之旁然後奠獻有地神各妥靈上以承文宣之孝下以興教化之本是裨益於茲土者豈鮮淺也哉且也永川當改革後傷殘未復士鮮鼓舞設鐸者首荷無盤鴻釜無熱何公獨節冰箸興大典使異日居得爲之地其有造於斯道者又當何如也川紀其略以俟採風者焉

### 三雪菴記

丁巳三月家懷人從孤竹鄉遙寄八行惓惓以三雪菴命記亦未示夫三雪之義夫古之以雪名物者官曰雪宮世主之所以盤樂也堂曰雪堂文人之所以眺詠也永聞以雪名菴者傳建文時有老僧名雪菴不留姓氏惟日澁小舟購離騷讀之每篇讀竟卽投諸水投已復讀騷盡更購終而復始慷慨悲歌以畢其世則隱君子也雪菴偶同三雪菴自異也且名菴以雪一之爲甚再斯可矣三致意焉義將何屬意者含貞履潔嚴冷是方韜光歛穎蟄伏是藏後淵盤錯晚節孤芳惕若亢悔戒冰履霜抑孤陽重陰復見天心貞下元敬泰道將臨非十寒而一暴乃九數而三盈余方擬議夫三雪以定其名適姪孟穀自楚至述其名菴之意曰吾父早年自號雪齋至設鐸星沙更號雪麓患難後又更號雪菴三雪之說如是如是余聞之益重余惑也何也懷人少負文望讀萬卷書下筆浩瀚奇麗灑萬言沾溉後生奪標建幟又志切用世有經世治安之才而不獲售終老計

偕蹉跎首荷復誼誤官評鄭虔見謫使不疑有盜金之疑馬援有薏苡之謗而重離炳耀陰霾潛消大抑獲伸疑網頓釋使堅白不致磷緇圭璧依然潤潔雪之爲號庶余之擬議近之更名之說非所論也必也更進予意則有三焉夫懷人未臨大節倘臨大節必能如蘇屬國之嚼雪垂竹帛而名留懷人未秉大權倘秉大權必能如裴相國之夜雪定淮蔡而功立至於載道闢學已能爲上蔡之立雪繼往以開來三者不朽其殆庶幾若夫袁安高臥東郭履穿子猷乘興山陰浩然踏梅隴上一以爲高標一以爲逸致諒吾懷人必不屑也或者曰懷人清白傳家肯寬忽遽霜飛六月網解三冬困極而通其後必振孟穀雪堂異才梁園賦手定當雪官謁請宣室前席如是而懷人半生之鬱壘一朝而雪固也未盡也必合吾前擬而並記之三雪之時義大矣哉

### 雲外和尚語錄序

佛本爲覺初無禪名禪且強名宗爲何物自迦葉微笑始有教外別傳盧能分枝始有五家派衍此後各宗競起而語錄盛行喝下棒頭誰爲實證南心北印總屬鋪張欲語言路斷而枝葉更增欲本地真如而筌蹄愈固機鋒已落故紙教外反墮野狐與其認月捉孟孰若因燈取火與其活殺憑人孰若放收在我與其吹笛鬧市孰若卓笠孤峰自覺卽已覺他度人先於自渡此古聖

不傳之真秘而末覺誤認爲自了者也雲外和尚者蜀人也爲石谷慧師之的傳石谷初受於象巖瑛瑛受於破山明二受於密雲悟論其源流則鍼鍼相度論其闡布則法法無遺師以雲外偶遭泛梗浪子飛錫漢東能仁智門已展二期禪喜雙泉祖席更安數載靜持既已普垂法乳活彼啼兒時猶微吼獅聲制彼獅虎半偈足印企心一喝堪聰聒耳集有宗錄三卷行世命了菴一言余何知哉余唯思古佛拈花之意與初祖西來之心皆欲盡掃文字直會心印其後善知識隨舉一物如茶餅矢概不過確嚼生花卽事觀理豈可認鈎爲金鍼也哉則此錄之行世者大師慈忍之婆心能不以矢概置之者在學人承當之領悟也

賀弘任全集敘

文章道德世不孤生其一門之內層見疊出晉之荀陳宋之程蘇父子兄弟麟炳輝映世且以山川造化氣之所聚余謂氣數之巧亦有淵源焉父之詔子兄之誠弟日就月將磨礪漸染無非是者宜乎先後之相承也往吾鄉鍾退谷著楞嚴如說而禾川賀可上之証居半其論直探心性明悟了徹非再來人不能心竊嚮往之後可上之從姪元禮館於余舍又見所著經濟名臣錄其持論中正大得國體真用世持世特識非頑空斷見之比乃體用合一之學也心愈嚮往之及乙巳遊螺川始

獲與其長公僧護交僧護又出其祖弘任先生迂讓若干尺牘若干家訓若干序文題跋若干示余余讀之然後知可上之學有本也然後知可上之爲河弘任之爲海也可上之爲枝弘任之爲根也何也海能納河而河不能外於海根能毓枝而枝不能大於根弘任先生行先乎知學巨於才故其所著一本忠孝以孔孟爲宗歸以良知爲準的窮理盡性以致命而不流二氏虛無早師事王南唐而與南阜四山兩鄉爲比肩自少至老無一事不合乎道其庭訓三子皆非世諦以內事可上之所學亦如子思之中庸世知廣大精微者爲中庸豈知中庸不外於兩論乎亦無異觀河者忘其海玩枝者忘其根以河則常至而海不易至枝則可見而根不可測也宜乎其知可上者多而知弘任者少是余之往心嚮可上者猶存夫河與枝之見也今見弘任先生之作始望洋而歎焉然弘任難爲父可上難爲子矣一堂作述視荀陳程蘇何多讓焉

夏人淑黃鶴樓唱和詩序

司助黃鶴一詩供奉閣筆後遂無作者作亦不能佳也孝昌夏子人淑以爲供奉之才橫絕一世俯視八極卽杜陵且避席况其下此者乎閣筆之說乃謂好事者附會余又以爲不然任華低頭李白青蓮閣筆司助正是古人學問得力處蓋古人絕調一言數句之中包括無

外雖後人連篇累紙意思重複總不出古人範圍司助黃鶴之詩所用黃鶴白雲晴川鸚鵡一時景物盡矣故凡黃鶴之詩終不能離此數事卽有微言妙緒皆本此爲立說餘則去之遠矣是以青蓮絕不着手正見其高且鳳凰臺上一作論者謂青蓮效顰司助似非無據獨司助黃鶴章法而審言龍池篇亦似之矣然則青蓮閣筆之說正不必爲青蓮諱也子瞻云作詩必此詩定知非詩人作黃鶴之詩正不必人人皆切一時景物居司助之後者不妨閣筆居供奉之後者不妨不閣筆柳下魯男可不可同一意也則今日人淑所選唱和詩足以發司助之意補供奉之缺亦司助供奉之所樂聞也又何疑於傳哉

山園集卷之一

五

### 王侍御百斯殉難序

家阮亭山其侍御公殉難事及其遺詩見示命余附一言余讀竟不覺太息之不能已也蓋天下慕義易盡義難處常易遇變難何也慕義者出於須臾盡義者畜之平日處常不過言理不難心口相違遇變實見諸行未易始終如一是以難也明當國變之際一時節烈者未嘗乏人或位列要津或身親戎馬分無容辭勢無容諉者今觀吾侍御百斯公則有不然侍御公以崇禎初年登進士繇詞臣改侍御家居已久無官守言責尚在可無死之列卽優游林壑猶不失爲錢崖乃一旦聞變

毅然就義偕夫人與子同日投繯婦節子孝共成其忠何其烈也今讀侍御公之詩真樸無譁恬澹無競及其臨大節河奔嶽峙雷轟電迅確乎其不可拔仁者之不同固如是乎古之死有重於泰山者其侍御公之謂歟假使侍御效方回子效嘉賓卽不然身爲文信國留其子爲稽侍中皆不能無遺憾今一旦同殉國難其死又寧止重如泰山乎雖侍御公之死三十餘年而閭閻之興不聞不能無惜總不足爲侍御損旌褒身後亦純忠純孝之所不計也余箋箋小言又安能邀侍御之聽哉

### 王考功西樵年譜序

自帖括盛而風雅衰虛聲盜而實行絕士大夫以奔競誇糊相尚帖括風雅皆襲取無稽矧實行乎卽有讀書懷獨行君子之德者且目嗤而心笑之江河日下不可問矣今讀吾考功西樵先生年譜而深幸實行之有人也考功孝友性成思勉兼至優於天而全於人故動乎禮而合乎道非恒人所能及也尤難者考功以簪纓之貴而澹泊寧靜無鮮肥參養之習起家甲第而素心高寄無競躁躍冷之事載籍極博而自視欣然無驕吝矜尚之色馳聲菽水不欲以章句盡建幟吟壇不欲以文采鳴其大節屹立而細行不遺當其出也直道三黜寵辱不驚及患難之際居易俟命怨尤俱泯其處也閨門肅穆庭除吉藹及太夫人之喪而孺慕終天涕血殞命

則臣爲純臣孝爲純孝所稱實行殆庶幾矣世所惜者  
考功位不稱德遇不稱才究之夷甫不爲無位彥回正  
憾多年視考功之全德令名遠在霄漢矣余與考功譜  
泰烏衣約乖白馬媿未登牀不成琴弄聊因紀事以敦  
舊好云爾

### 大易合纂諸家圖解序

大易爲文字之祖卽爲術數之祖古今談易者自周孔  
而下何止千百家各書所見所謂仁見爲仁智見爲智  
也於易蘊雖未能盡展然去易未遠自帖括典而易理  
亾矣以糟粕陳言發神明奧義因緣相襲已成斷爛無  
復起而振之涓水心常萬子生平得力於易精義入神

其圖遠集卷之一

七

不爲世間經生俗解壬午之役茲受吳公閣中得其卷  
擊節欲以第一人位置偶以微疵見罷甲中而後徵爲  
湖南幕府贊畫與機密官國學葛巾道服揮塵戎馬間  
風角卜筮談言微中幾與留侯郭侯同其志略會運終  
數革事雖不竟其介石燭機無不探先後天精密者余  
庚戌與之俯仰往事因叩其所得心常乃授大易一書  
余讀數過大約粹諸家之神理而略其膚近一掃帖括  
之陋又未嘗不可供應制之用奇不詭正隱不失顯殆  
康節之流與夫易者易也其道至易易者易也其道屢  
遷金鍼芻狗同條其貫可以繼往聖可以開來學余雖  
不敏加年而學不敢後同志焉

### 周吳昉在陳詩序

曳尾泥中不爲廟犧者莊周也見舌道存與爲猶龍者  
老聃也寧爲喪狗不爲匏瓜者孔子也然爲老聃莊周  
易而爲孔子難何也孔子生叔季而心切川世栖栖周  
轍席不暇煖又秉道守義不欲苟合故削迹伐檀臨河  
不濟子西晏嬰兩賢相厄皆忌其德而困其道亦云窮  
矣然猶不肯稍自貶抑川魯三月監都誅卯及論衛事  
而先正名作春秋而嚴亂賊龜山一操且感其無斧柯  
何其嚴也縱七日不火歌聲若金石兕虎之歎尚謂其  
不容何病此其意豈可與周聃同日而語哉故曰爲周  
聃易爲孔子難白門周吳昉與子同譜記其挾策春明  
皆年齒英銳懷瑾握瑜高自位置有破浪擊楫捫虱舞  
雞之氣豈意時移事易瞬息三十年無成乃一行作吏  
折腰望風如丈二將軍歌曉風殘月宜其直道三黜見  
屏於時今吳昉投憤遂初浪跡逆旅與會所至卽命筆  
賦詩名曰在陳此正吳昉之不爲周聃欲爲孔子也非  
僅樵蘇不繼菽麥不飽以動其饑寒之嘆也雖然孔子  
之不過正以成孔子使當日道行用世不過與晏嬰子  
西同一施設安能示絕學於來茲垂道統於百世是則  
吳昉之不遇亦爲厚幸矣在陳諸篇將與龜山之操並  
傳焉

### 春陵劉侯初度序



古之良牧治績多不盡傳紀載者或一二事豈傳者失  
稽抑總一二事可以類其餘也耶何其惻惻無華耶蓋  
古之牧民者皆與民相安於其故而無所增益順其天  
以全乎人如醫之係嬰因患設藥參苓有所不用如良  
御馬馴其轡御鞭策有所不施故時和而歲豐困舒而  
鬱解民且泯其怨恫忘其歌頌其道也能行意福世爵  
祿之念不入其胸利害之意不撓於內去就任運而無  
彌縫瞻顧之慮當其才無不展賢無不見至近風益晚  
吏治益難而賢不能自見且以賢獲累以賢相戒上之  
苛繩刻約益以滋弊而懲勸混淆卽幸有獲濟者初與  
吏治無涉於是巧宦之士出捷徑之術生其穿鑿倒置  
功名念熾民瘼意衰慮患思深名節志息求其卓然不  
移者少矣楚之東北號爲難治地瘠而民疲兵興歷歲  
生聚未復轉輸日繁瘡痍日甚廢法俗玩任法民侮自  
非實以牧民爲心者其人張弛調劑鮮克有成閩中劉  
公來蒞春陵於茲三載春陵之民相與樂而安之今且  
報政爲紀其績而略舉一二事謂侯之始來以樸厚治  
人法亦不廢以克勵治已法亦不任於其利者興之害  
者去之補黥息剝復其殘形噬枯咻稿完其元氣其闕  
荒壤招流遺給耕具緩稅寬息而地日益闢其清正供  
無羨餘無踰額減民重困賦日益平其興學尚文優其  
禮數嚴其繩約士之競者歛靜者勸士習日益淳科條

節日不必悉舉卽其一二事日計不足歲計有餘乃侯  
不謀利不計功無汲汲求名無規規避患自行其意以  
毋拂民之意而止民思以報吾侯者乃製錦乞言爲長  
壘之祝余生平不敢以言媚人間侯之風近古而興起  
焉乃爲之歌以永之曰維彼春陵冠蓋舊籍自昔名賢  
接軌繼迹習池一歌峴山片石其在於今邑侯之澤春  
和溫露靈露潔潔安人以靜不愆不迫民之母矣誠求  
保赤民之父矣樂土是宅何以似之峰青水白何以永  
之布聲竹帛

### 方谷上人詩序

學佛人以文字爲障然直下了徹自無不旁通曲喻故  
僧之能詩也使詩而有僧氣失詩遠矣唐皎然輩則直  
詩而不僧遂與錢劉爭席明時善知識如慈山紫陌輩  
則亦僧亦詩亦居然作者後此僧無不詩詩皆爲僧且  
以詩表僧且以僧寬詩此僧之所以無詩也余來吉州  
僧之以詩画見者比比画入宋元室詩且近唐然求如  
唐之皎然者鮮矣有衲子方谷和余金牛泉韻清老無  
敵不但無僧氣亦且無近人詩氣余深賞之方谷遍叅  
善知識已能直下了徹乃詩復分錢劉之席方之皎然  
真無讓焉余嘗謂風雅惟吾楚爲元功今方谷僧於吳  
而實產於楚是不獨詩人惟楚詩僧亦惟楚矣  
且園近集 卷之一終

楚湘潭王 岱山長著

武石菴全集序

晉中石菴武先生山水三編久已行世更出其全集相質其靈奧與異別一境界如金堂玉室中冰雪貌姑飯青泥而酌玉液非復人間煙火矣余因是而思古人之立言也古人立言必先有開創卓見然後自成一家言使人攀緣依附之路俱斷蒙莊寓言靈均騷些皆是意也下此或錦繡雜陳機杼白別珠貝錯出光怪自殊其精神所至早已不能磨滅豈若近代之雷同標榜所能彷彿哉石菴先生於斯風濫觴之日獨能截斷眾流直

且園近集卷之二

探源竇不啻五伐毛三洗髓每豎一義必拔眾幟立一

說必空眾響典必歸化琢必無痕如工倕之運斤化工之生物使讀者耳目一新精神俱振蓋先生澹泊性成澹滓盡化含毫運思慘澹經營幾於忘寒暑而廢寢食不惟名根既斷而勝心亦泯直自寫性情歸於神化窺其藩者蓋寡索其解者無人矣故先生未常徵人一序是自待之嚴尚不欲妄下一語矧世之閒言剩說徒爲渣滓太青於詩何神乎雖然先生苦心深思苟非表暴於世安能起斯道之弊於將墜故因先生之命而爲之饒舌焉

蔣虎臣全集序

關平氣運者文章也挽回氣運者文章也故有主持氣運之人卽有挽回氣運之文雖所遇間不一或立朝視草或名山立言縱一時之君若相不必盡用而議論在天壤如金石不刊日星嘗炯未嘗不潛移默化世道人心於千百世也金壇虎臣蔣先生爲楚珍先達之裔文章作述科名累葉炳耀宇宙夫以金華殿中人習福澤而承逸豫宜其炫爛風華乃今觀其所著書如學政奏議主持名教扶斯文於將墜振吾道於方來其與善約言則明倫察物隱揚川中省迷覺世先儒垂訓古佛低眉已溺已饑如傷如保使泯沒忘歸者立得省惕殘喘刻薄者頓息械機屏怯委頓者志慮勃發其餘銘記雜著皆一本忠厚惻惻誘獎表暴所言布帛菽粟人人必需繩墨矩規人人莫外卽舉賈策陸疏猶成斷爛西銘河洛未免幽鉉方之先生皆多遜焉先生弱不勝衣澹泊明志布裳蔬食有貧士所不及者見之不知爲簪纓奕世人雅量虛懷意念深下接物引後倦不辭勞太和元氣充溢眉宇真覺釋戾蠲塵驅吝消鄙段太尉拱手低頭司馬實君兒童都識不是過焉則所著之書皆現身說法言期可行使家奉一通有不民淳俗厚者未之有也此所謂主持氣運之人卽有挽回氣運之文殆先生矣先生徵余數言爲跋余蹉跎冷宦無以爲先生重惟實述其一時所見如此

樊念菴近陶詩序

樊子念菴辭平鄉令爲向平遊自號近陶近之云者不  
必一一似陶而陶之意具在故近之文登嚴先生爲之  
序以爲急流勇退且遠過乎陶意誠善矣然不如樊子  
近之說爲是也陶公生晉末非可仕之時復恐以不  
仕罹禍勉就彭澤不逾時借憫束帶見督郵賦歸去來  
辭此其淡心亮節不欲激烈而聊作委蛇其不欲仕不  
敢不仕不肯久仕皆委曲婉轉以歸自然此後世所以  
謚陶公爲靖節也觀其飲酒諸詩其晦迹玩世之意見  
於言表不獨非急流勇退並非厭簿書遺榮投閒者今  
念菴以年少成本朝進士非不欲仕者一旦掛玄武之  
冠於初筮之日去就久暫皆行吾意非不敢仕者是胸  
中之嶢然不滓名利淡如則與陶同其逕行吾意無事  
委曲婉轉以遠嫌疑則實與陶異迹則與陶同心實  
與陶異品與陶同節與陶異是陶公者用夷齊之意而  
托然者也念菴者用二疏之意而蚤然者也故近陶之  
號爲念菴自知之亦惟念菴能自名之近陶之詩爲念  
菴能賦之亦惟念菴自評之以爲似陶以爲過陶知念  
菴不樂居矣

趙簡如詩緯鈴序

號物之數有萬始於一成於五河圖洛書皆五數天之  
五星地之五方人之五官氣之五行樂之五音籍之五

經其究不外太極剖爲陰陽一陰一陽之謂道陰陽迭  
運者氣也因而重之觸類而長之則五星之相纏五方  
之同風五行之相生五官之互用五音之迭奏五經之  
互理此可通彼彼可通此神而明之存乎其人聖人理  
合自然初非組合後人推理得合亦歸自然故窮理盡  
性致命仰觀俯察頭頭是道苟以辭害意隔幕觀月窮  
一理滯於一理不能旁通窮一經拘於一經不能觸類  
則聖人之心法幾於泯矣鄧中趙如鼎先生博物洽聞  
研溪極幾不爲口耳之學其於天人理數之微洞若觀  
火故其豎義幾於語言絕而思理斷晚年著詩緯鈴一  
編以十五國之風雅貫串春秋天文曆律諸書相爲配  
合循端竟委皆鑿鑿至理真不啻河洛秘奧二版精微  
而蒙莊內外之篇不足多也余生平夢寐異人讀異書  
茲讀簡如之書而後知異人異書未嘗不在天地也何  
也世儒淺陋勦襲雷同自先秦兩漢以下魏晉綺唐  
莫宋俚近代卑庸尤無足論簡如不作漢語無論晉魏  
宜乎其言之變動不居周流六虛也緯鈴一書直可羽  
翼經史不在傳註之列春秋作於尼山而傳於丘明參  
於公穀是毛詩又傳於簡如始覺三百篇不僅貞淫風  
刺之書矣考亭讀參同契二十年味如嚼蠟及悟後乃  
爲註楊子雲著太玄人無解者得桓譚而始傳是緯鈴  
之精密未可向淺人索解也明初有趙緣督先生精易

數天文風角諸書宋金華傳之若簡如者其殆超緣贅而過之矣非神而明之安能若是乎

### 楊忍土辯武陵相公謗書序

讀楊子忍土所爲武陵公辯謗諸篇益歎忠臣之事君孝子之事親皆至性不容已者也夫武陵大節在天壤事久論定自有公是非似忍土可以無辯而必辯之者孝子之事親義不容辭情不忍恕卽武陵公當日事烈皇帝之心也然則武陵父子之心可大白於天下萬世而當日之不能無議後日之不能無辯者亦理之固然勢之不得不然也何也書生而談天下事與旁觀而議天下事福心而議天下人與私心而議天下人皆不得其公是公非無足怪也故但略言其當日之議人如黃石齋之論奪情其最爲一時聲吹者以平心觀之會何足爲武陵損夫苦塊涕泣爲孝者舉世優爲之不必鄉里愿人矣而武陵公社稷臣也當獻逆猖獗四方蠢動國祚之移實基於此此天命人心去留之會有識者已先憂之方枕戈臥鐵以身報國之日區區守不奪情之細行置天下休戚於不關坐使國勢傾危可得謂之爲孝乎且武陵奪情與江陵又有異江陵當全盛之日武陵當多難之時全盛可議奪情爲貪位忘親多難則奪情又爲移孝作忠也况重於天威之嚴命決無可逃之分乎此石齋之論爲好名更加以門戶不僅書生也

若謂武陵必無成功石齋早能料之則又不然夫賊勢與氣運爲盛衰明運將終寇自難滅諸葛不能挽旣去人心之漢而欲武陵之必能剪賊乎古社稷臣濟則君靈不濟則死繼之如是而已然在當日實心任事者惟武陵卽令武陵誰任者萬一轉而任石齋石齋果能辦賊乎又不待異日南遷後一戰覆全師始卜石齋之不能耳賢如石齋猶不免書生不曉事之失况餘子碌碌聲吹又無足道矣若夫嚴子首舛屢困場屋退而著書不過欲作一官見文字於集中生色以使異時知嚴子談經濟不獨文章又與門戶者不同口語不在石齋列諸葛武侯陳壽猶以私憾短之况下此者是武陵之公案自有千百世下公評正不在口舌爭也袁子與作楚三不幸論亦臆揣之言非知三公心者夫社稷之臣鞠躬盡瘁死而後已遑計夫幸不幸惟不幸始見臣節臣心若事事皆幸又安用此社稷臣爲此江陵芝崗武陵三人任勞任怨舉世非之不顧祇求無負君父無欺鬼神成敗利鈍在所不計一稍計之則委靡瞻顧安能獨斷天下事乎南阜石齋不過守經不權變之儒至于以芝崗之功作罪案者是秦賈輩防賢病國之言又何必辯哉

### 施匪莪集古全刻序

竊聞古人多創後人多因非不欲創也其創者總不能



外古人之範圍或偶有一二合乎古人便自卓然不群此古人識力之厚足以空後人之壘塹也故孔子至聖猶自附於述者之林非自損也揚子雲以太玄擬易法言擬魯論皆因而不創猶惜子雲以鑿空之智自爲九畫玄遂難傳假使取大易而精研之必有左右之功又不僅爲桓譚一人知矣則宜因不宜創又一明證矣詩之一道自三百至唐宋法皆備矣今之作者乃又舍古法而依傍近人爲消長不惟失創並且失因其不爲黃茅白葦者幾希施公匪我乃以振頽挽衰之力一切盡洗惟取古人得意之句盡以供我驅策真能用古人不爲古人用者今全集盈尺披函讀之止見匪我之歌詠酣暢不知其爲古人也摘句尋義在古人集中澹泊平蕪者經匪我括出反煥然若新脫穎也是古人之精神得匪我而始出則卽以爲匪我自作可也匪我數十年名場序其集者遍海內余何所增益唯嘆其述不作之意真有得夫尼山矣

歷代繪畫圖序

畫非小道也其道始於自有天地一畫之文書契之造其後焉者也何也日月星辰燦霞雲霧天之圖畫也山川草木鳥獸蟲魚地之圖畫也五官百骸啼笑怒罵人之圖畫也至河中之圖洛中之書造化者且示人以繪事矣一畫之象先天之卦聖人者又開人以繪事矣禹

鑄九鼎隱繪事於器中爾雅齊諧隱繪事於文字中然則後世粉墨成文踵事爭華者皆因之非創也自晉唐宋元西始有專家古人以極省爲工後人以寫意爲韻顧虎頭吳道子張僧繇輩幾於幻矣王摩詰李龍眠趙松雪輩幾於神矣宋時西苑猶必命題追似而元以下惟取風韻生動其匠心獨至者亦多然不無年代升降之感如文章之六經左國子史漢晉六朝迄唐宋而下愈工愈薄愈鮮愈淺卽韓蘇不能挽回之亦時代使然也圖繪一書其來已舊而楊鐵崖從而史之西家源流姓名具在明以後無稽焉山陰沈嘉謨子淹雅士也精通六法得舊人遺意操筆墨於都門最久其一幀一楮爭重於鉅公餽灸於名流者戶外屢滿垠爲之缺車轍馬跡之深矣心感斯道之失其傳爲重緝舊編而訂之自明及昭代薦紳先生山林逸士旁搜廣緝無不詳著其姓字其繼往開來爲斯道功臣豈在馬遷下哉余少涉趣是中老未衰息唯馮子獨賞之每余公車至止無日不與馮子商確而癸丑春明卽出是編相示並索鄙言續貂爲述數語考亭以人掩其字闢立本以画掩其人余生平精力耗於詩文制藝各技中不獨画也今偃蹇名場數十年無成或共姓名反以画傳正未可知立本之感又何辭焉

劉太常畫泥全集序

詩文雖小技然其成也有機焉何也詩文之道與制舉  
業不相成而相妨是以詞章之士必有專家自髫髻至  
於危齒窮心研慮積數十年始成以至坎坷困抑不遇  
終無悔恨惟以一篇之工一句之鍊沾沾自喜所望者  
百年虛名所失者亦已多矣故功名之士多置不爲唯  
俛首佔畢帖括而不暇外慕及制舉畢則簿書旁午錢  
穀櫻心偶一爲之不過應酬贈答而止求其窮年累月  
躊躇四顧以自成一言者少矣矧能登壇執耳與文  
士爭長傳之一時垂之久遠者乎禾川劉豈泥先生成  
辛未進士山學博國子至儀部歷仕中外官至太常而  
所至皆赫赫有聲其居身也以誠信其接物也以和恕  
其澤民也以惠愛而梓里之內無不尸且祝者不僅以  
詩文名也一時海內名流如黃石齋王覺斯李太虛劉  
孝則諸先生皆相與唱和其詩若文已傳誦遠近非有  
過人之才兼人之學者而能至乎先生有詩文若干卷  
其子長公陶聲彙集梓以行世余適有禾川之遊與陶  
聲定交因悉以其所著問余序大抵先生德勝其名遇  
猶遜其才文過乎詩古體過乎近體至於世所謂科名  
官爵政事壽考子孫人之願而不得者先生皆無缺焉  
詩文餘技亦可聽其若存若亡而先生仍能奪詞章專  
家之壘先生之賦於天者優力於人者厚矣水之源溪  
者其流遠物之積厚者其傳永則斯集一刻將與日並

新而不磨滅焉

夏人淑全集序

夏子嘉瑞字人淑孝昌人也爲博士弟子員屢贖棘屋  
而其詩名滿天下南陽彭禹峰所稱風雅赤幘蟻視流  
輩獨心許一人淑爲設館穀使諸子北面受業今諸郎  
皆以詩名人淑之教也禹峰詩文如江河奔放一瀉千  
里其鋒不可當操觚之家對之氣懾不敢致喙而人淑  
以諸生弱質與之頡頏雄辯機鋒相對不爲少讓酬唱  
之什亦略相當或一題數十首或一韻數十疊如泉湧  
爾拙不竭晚年訪余漢東寓中一日十上余詩其音韻  
之清叶格調之流麗他人苦思終日不就者人淑充口  
而出若宿構吾楚湖以北才之橫且博未有如人淑者  
也人淑才大而窮亦奇終其身依一禹峰而客亦止中  
州客裝家計兩無所據自禹峰死人淑益困晚得末疾  
猶苦吟不倦竟以窮死悲哉人淑死其子芝三能繼其  
業收其遺藁通告其同志執友以無沒其志余爲揀閱  
數過其收楮弊札蠅頭小書丹黃甲乙自爲增竄經營  
慘澹之意幾於嘔出血其楮尾背面無一非筆墨所  
到如是者盈尺此又從來詩人之苦吟未有如人淑者  
不獨其迅敏博洽已也人淑生平無剗劘力故世亦不  
能深知向非子親爲披剝又安能知人淑之苦心若此  
矧此悠悠者之安能知人淑哉宜人淑之終其身以窮

死無一遇矣余又不覺掩卷太息繼以悲焉

### 黃唱韓詩序

中州黃唱韓令樂安以杖田進圖稱肯後竟以誣誤罷官遂遊戲墨林頃刻盡數十紙然亦隨手散去其爲人物如豆草馬如捫指每取毛詩尚書中成語揣摩之如兩風無匹皆有圖窮極要妙及與之論画唱韓則曰余烏知画直偶寄意耳其於詩則絕口不言矣余在歷城與唱韓比寓數旬余別去且六七年庚戌唱韓客鄂渚泛洞庭浮湘江遇人輒作詩其於画又絕口不言矣是冬大雪走漢東出詩草若干欲余選定序之已私訝唱韓之忽爲詩於是兼旬未暇辛亥夏走漢上遇李房季曰昨歲與唱韓同舟往還湖湘間唱韓甚言詩絕口不言画異哉此唱韓之近於古也唱韓官樂安爲廉吏破裘糲食無長物罷官無戚容是唱韓於官已爲偶寄寧獨於詩與画爲偶寄也哉以偶然之意寄其適然之興安知異日更有遇唱韓者並官與詩画皆絕口不言未可知也唱韓詩語語自創無一字熟訓近人其無意也意深矣

### 宋商玉詩序

有詩人之詩有文人之詩有達人之詩有貞士之詩詩本一而旨趣機候不能不異焉夫詩人之詩不過山巔水涯烟雲花鳥而已至文人則不然必博涉群書上下

### 贈吳仲勉歸新安序

者此貞士之詩也是豈與詩人達人同日語哉昔宋玉爲騷之祖今商玉應玉之後裔宜其言之續騷無疑矣

古稱功奪造化者一曰相二曰醫國有良相而後國之疾愈有良醫然後人之疾瘳蓋疾有十二發痿蹇逆服滿支煩喘隔育痺風是也治國者嚮事輕刑則爲痿小民饑寒則爲蹇財貨上流則爲逆倉廩積腐則爲服府庫充實則爲滿群吏縱恣則爲支法令失措則爲煩下怨其上則爲喘下情不上通則爲隔上材不恤下則爲育賢才伏匿則爲痺百姓歌吟誹謗則爲風故必得賢相裁成佐佑潛移默化使水旱不生災侵不作世登仁

壽之域物無天札之患亦如長桑之飲人池上和醫之治病未然也故凡醫者非仁愛不可托也非聰明達理不可任也非廉潔淳良不可信也非忠恕博愛洞微達幽知天地之故明性命之理辯虛實順逆之節不能起沉痾於寸七奪造化於呼吸也然則醫實與相相侔焉世之良相難得非閭閻伴食即持祿養交生民休戚不關其心反不如醫之疾人之疾憂人之憂起垂絕之生續將危之命是醫之功又在相上矣新安吳子嘉字仲勉季札之苗裔也家世簪纓相承早年習舉子業自龍戰以後憤腐儒不足救世乃棄八股留心岐黃精素問方脉及醫學四家之書術行吳楚間幾欲起十二廢之疾而盡除之僑寓漢東活人無算性復孤介絕俗不屈勢不誘利人有過皆面折不少貸復澹泊寧靜視世之熙熙攘攘者舉無當其心惟下帷攻苦取所治之症窮研病源神遇意會務求活人而後止暇則葛巾道服山巔水涯可謂風塵物外嶢然不滓者也余冷瘡漢東以坎壈善病仲勉之活余者再性復有乳水之合茲仲勉將歸新安觀塋墓厝二親旅視於故里因略述其生平大節以驗夫醫人之功在醫國上者爲不誣也

譚司業灌湘詩序

水之生也泉源汨然放之爲江海木之萌也根核眇然蔭之干霄漢火之始也光茫隱然種之燎原野然其源

不涘其放不遠其根不固其蔭不廣其光不耀其燎不遍所以爲江海爲干霄爲燎原皆有本之固然非其卒然者也人實有之詩亦如是史遷之於馬談工部之於審言子瞻之於老泉其才思天授不由家學而機杼淵源有不與尋常同者其故皆有本也吾鄉譚鵠灣先生與退谷廊清詩道爲海內宗仰數十年人之性情皆潛移默運於二公而不自覺雖其刻削之處啟後人之攻實留有餘不盡俟灌湘起而承之以補前人之不逮何其盛也今其詩清以厚溫以麗有清廟明堂之氣無山寒水落之稿如江海之浩渺百尺之扶疎燎原之炳耀其識力使鵠灣難乎爲前可免不見替人之嘆矣或者謂開創居其難繼體得其易是大不然漢文帝唐太宗皆繼前人成一代之運是繼又難於創大於創也其殆灌湘之謂乎且其補救實又有功吾楚不僅爲寒河功臣也

劉子厚詩序

往弱冠侍先大人官芝城其時余立竹社而名宿咸集易子康侯無畫其最著者也康侯嚴冷無畫放誕其詩亦如其人余皆心推之餘者風晨月夕雞鳴風雨與之酬唱無間自己卯還湘日尋兵火芝城湘潭一衣帶水如在萬里外追憶前事則如隔世故余終老風塵吟詩送日而故交淪謝十不存一丁未一羶漢東地僻而荒



官此者羅雀門空晨炊竈冷風雅一道亦置不談子厚自芝城假道漢東折柬見投則前侍御公劉正賢之子其姓名面目俱不復識蓋先大人官芝城時子厚僅三齡也爲之詢故友山川及其數十年兵革之故爲之凄然子厚曰余之慕公也有年恨無由一識顏色茲來蓋欲得公序以傳詩也因出詩若干讀竟其向之凄然者且愴然涕泗念吾昔竹社之風景如在日前子厚之詩刻而樸澹而老似不欲置身唐人中不獨不作今人語也惟康侯絕似之郊寒島瘦寧爲不貴不壽而不欲一字同於人宛然呼吾康侯出紙上異哉昔虎賁貌似中郎尚欲引之爲典型矧子厚與康侯生同地師友淵源之切肖者能不動於中哉則見吾子厚如見吾康侯也芝城竹社之友猶有存者有無畫石樓孟醇道生諸人能知康侯之性情吟嘯者讀子厚之詩當不以吾言爲妄也

### 金會公詩序

甲寅秋予以行役至郢上與金子會公傾蓋定交得讀其詩後歸漢東會公乃徵余言復寄劉子千里所爲詩序余因不能已於言也劉子之言曰聖學微而詩太盛夫詩與聖學何容分盛衰哉詩之爲教始於三百三百與五經並列雖不言聖學聖學未嘗不在也所謂興觀群怨事父事君宜家教國觀風問俗何莫非詩故子雅

言首詩庭訓亦首詩詩何嘗非學所謂學與詩爲二者皆後世之詩非三百之詩也漢多大儒而風雅盛唐尚風雅不言學而名賢不乏宋專理學而風雅亡學亦僞其存者存其古其亾者亾於理何也溫厚和平言近旨遠非關理也今主理則近拘而失風近俚而失雅且理則詘詘何必詩理則文章何必詩以是言詩去風雅遠矣矧今日之言詩其出奴入主者不過北地歷下竟陵虞山數子又明一代之詩其去唐且遠不知漢晉無論三百而欲持此以分盛衰可乎今會公之詩律則近唐古詩樂府近漢晉其明一代之遞相出入者若不聞焉此三百之遺也會公質樸渾淪博學篤行是詩在是學亦在是又何詩盛學衰之感而更進乎請以吾說質之劉子

### 文天章制菽序

余少時最不喜制舉菽習之思不屬爲先大人所迫終不省所謂時文者唯信筆直書吾意試之無不售後余久困公車揣摩愈深組織愈密竟不售今取其文校之反不能如少時之天機活潑者何也識力深則天機減此與年俱增不容強也吹萬之風觸物成響八音並至莫辯其孰絲孰竹孰宮孰商及伶人之奏也彈之協律擊之諧聲累黍刻羽其音膠隔而不能寫之以自然之不可學耳是以制菽一道英茂之年無得失動其中其

神全其氣完故文至而售速及其壯也得張摺心文雖至而調苦時無師曠誰能聽之忘味而賞之不倦乎雖然良工不以時尚易制度良御不以險阻易馳驅操是以往當必有解鹽車而割下璞者今漢東文子天章苦心制莠有年既已有名於時而屢困棘屋因集生平之文質予其文闡然有章氣沉而法健是八音之合律中度者惟取吹萬之自然成響者而更進之自有審音而顧曲者又何患乎鈞天之奏不明堂郊廟也哉

贈程穆倩序

凡欲有所表白於世爲世所灼知而洞見者其人易盡而可測惟不欲表白於世世無從灼知洞見其人未易盡而不可測彼亦若浮若沉時顯時晦焉殆古所稱隱君子者歟嗟嗟隱君子者三代以下不數見見於晚近

且園近集卷之二

七

之世愈難矣何也名利者舉世所共趨勢位者賢愚所共嚮方將飭言而僞行噉名而逐勢安肯晦其迹隱其行歟其才德識量以自同於衆人姑托於片枝寸長之末日使人逐逐求之不復深索於技能之外並有識者知其人之未可測一試之不盡再試之不盡世遂相詫爲怪從而誦之疾之非之笑之其人且冥心高寄自甘於寂寞之野無何有之鄉終其身不悔吁又難矣夫隱君子不易見見於三代以下如吾穆倩程子者焉穆倩籍新安而流寓於白門廣陵淮南之間數十年抱不群

之志不世之想立僊偉之行讀等身之書交非常之人少遇異人於名山授之記故卓犖英絕視宇宙名場利域如電光泡影蜉蝣朝槿惟篤行勵志以自進乎古人又借書畫篆刻晦其迹使穆倩之爲穆倩者止是以厭世人之求雖一時名卿巨公深賞極獎縮爲金石如黃石齋楊機部錢牧齋趙長沙龔合肥名重當世者穆倩頓頭其間規其過進其說直言高行不少避遜當滄桑局變水火門分穆倩排解幹旋使諸公卽苑離枯其於介幾燭微發蒙納牖成敗治亂之數如指掌列眉以故諸公心折其才而重其品及強以官祿則堅遁避鰲然不滓雖鴻釜不熱意時露甘如食飴迄於今老成徂落後生輩出聞聲逐響可其詞翰求其篆刻穆倩之所以爲穆倩仍如海畔成連而不可卽非古之所稱隱君子者孰能若此哉余與穆倩交於庚辰重晤於丁未中有獨契穆倩之所以爲穆倩者究亦不能測其二三也姑舉其略如此

陶子詩序

凡人之才卓然自命一世者必其負性異昇材殊侈於天而肆於人有主於中不撓於習旦旦而期之終身而安之如射之赴的行之抵舍卽旁搜而廣覆無使一義之或遺總以成吾之所嚮而後用志不分乃凝於神及其成也精英寶色愈久愈鮮非謂其苟然而能冒然而

且園近集卷之三

太

得之者是以一言一詠其人之性情人品皆出焉靖節  
超然物外似無意於爲詩後人追琢擬之愈遠其醇然  
不滓之意自不容陳言之或留者少陵退之孟郊昌齡  
元結無不如是後之讀者觸目驚愕以爲胡至於是不  
知其經幾鍛煉而始至是也今天下辭詩作者如林自  
歷下北地出天下之耳目遂移於北地歷下自公安竟  
陵山天下之耳目又移於公安竟陵數十年間皆顛倒  
循環於數家之中而不能出非才不足志不堅也求其  
卓然自命不撓於習者實難其人甲辰冬聞僧白山自  
漢上來吾潭篋中出古詩一章七絕二章有王孟風味  
異之白山曰此陶石首作也石首中北園令吾楚號卽  
解綬倣陶家故事結廬黃鵠磯謝絕一切日以著書爲  
事楚之名宿爭交之其行事大類彭澤不獨詩也其評  
近代詩也少可而多否獨心賞王先生余感知己之言  
而行事復多相類心焉志之及丙午冷壇漢東過鵲磯  
因與公往復唱酬盡傾其所著竟日夜丹黃而甲乙之  
則真所謂卓然自命不撓於習者公之古詩倍於近體  
皆窮研極精辭調格法非漢以上者不涉筆置十九首  
蘇李中莫能辭次亦不失爲鄴下最下者亦在潘陸二  
謝之間其思沉以澁其句煉以堅其氣樸以厚於近人  
之習皆洗濯殆盡其律則出入於元王儲孟而化其迹  
余交詩人衆而用志凝神真無踰於石首公者卽欲序

其集公乃搖手曰此道未易問世俟吾二十年後未晚  
也嗟嗟世人得此自謂過之乃公持重若是此其志非  
苟然而能冒然而得者明矣其精英寶色久而愈鮮又  
何惑乎

重刻金剛六譯七譯序

三藏十二部皆如來隨地說法法不一法本無法執  
法求佛不見如來故金剛一經爲須菩提所說得三心  
破四相苟經旨不明經皆黃葉婆子以三心難上座金  
剛一鈔立地焚燒矣雖然凡夫四相膠固三心相續非  
藉經力無有入處是經又世間不可少者程子穆倩早  
年遇異人授記有六譯七譯之語王語其後益康且壽  
無寒暑灾殄干戈水火之侵連舉六子甚得是經之力  
因購金剛石刻二部果符六譯七譯之識穆倩念佛深  
思無以爲報乃思重翻是刻廣爲流布然貧無其資乃  
效浮圖法而爲持鉢或者曰穆倩既遇異人佛已授記  
經原無裨安用流布然穆倩苟私經一已不作流布則  
所稱破四相了三心者何在是失經旨並背佛恩矣矧  
刻經文法施之首務乎必有信奉法施如穆倩者起而  
應之矣

且園近集

卷之二終

楚湘潭王 岱山長著

勸修隨州學序

隨地學宮舊建郭外後遷城中其規模草創具體而微  
余偶擊鐸斯地入其宮茂草鬱然牛溲馬渤纍纍然斷  
椽破牖穴狐兔而藏蛇蟻所稱數仞之墻禮門義路皆  
爲瓦礫乃集薦紳先生樂州人士登明倫堂而告之曰  
二氏崇信其本師凡所建置動以萬計一願初發萬衆  
齊赴曾不遺餘力而吾儒文宣之宮則皆傾廢不振有  
所興役卽以貧告會無毫髮之助及聞二氏之風向之  
貧告者且爭趨而恐後其故何也豈真二氏之禍福足  
以悚之歟夫以文宣之教入其門者立至通顯以若滅  
若沒之禍福較至明至易之通顯其足憑不足憑若列  
眉指掌而人仍南轅而北轍者皆吾儒之徒有以自致  
之也何也冒儒之名食儒之食而不力行其儒之事其  
詩書本源之所自出不管忘之視二氏之徒真如天壤  
矣二氏之徒崇信其師志堅而念誠榮辱不挫其中毀  
譽不撓於外至捨身捐軀不恤又能粒米不私合天下  
如一父之子施不任德受不任感此二氏之徒尊師報  
本之意百倍於吾儒之徒宜乎其有所建置動以萬計  
而不遺餘力也使吾儒之徒亦能以二氏之堅且誠者  
起而羽翼斯道又何患乎不風移俗易家賢戶聖區區

美牆之地其宮之頽然荆榛瓦礫之蒼蒼然者何難一  
旦而輪奐之乎諸薦紳先生州人士共起曰諾乃出冊  
而募焉

募修文昌祠序

文昌之事不見於三代經傳說者以其能主棘闕其神  
最靈大約有功德於生民者也古有功德於生民者例  
得祀之聖人神道設教所不厭也隨地有文昌祠就南  
城之譙閣而祀之制未盡善神亦未妥茲主僧欲新之  
而未有應者促余再疏余謂斯道之總莫如文宣文昌  
當在美牆弟子列今文宣之宮風雨莫蔽牛馬踐踏莫  
禁無顧問者而獨始事於文昌似失本末輕重雖然文  
宣當伐檀制跡饑餓陳蔡時不妨有貨殖之端木乘肥  
衣輕之西赤則今日先事於文昌亦當日先之子夏中  
之冉有意自今以往新其廟祀潔其粢盛妥文宣之神  
請從文昌始州人士當不以余言爲謬也

趙白水集序

庚戌秋冬之間白水趙先生以詩一帙文數首遣使贄  
余余實未親見白水也然中有懷人亦世姓名心竊向  
往之余以擁破甕拖沓葛藤山中不能施眉目又車塵  
馬埃日執手板卒無須臾暇以報白水者辛亥冬同  
門李鉉木之弟亦文過漢東信宿因詢白水居處且傳  
白水棄人間世作華胥遊余感慘不已以未得報一言



負友地下因以白水詩若文完璧歸趙更致書莫子大  
岬備言其故以廣陵散不欲失傳也延陵君子挂劍之  
意敢相負哉及壬子冬忽白水使者又持文若干相質  
且索前帙余驚喜若夢寐獨訝亦文與白水比鄰何以  
浮沉同洪喬而大岬亦不足恃耶雖然延津之劍終自  
當合扣巖有鑰珠自當還因取先生再致之集燈下卒  
讀而速歸之更爲之序曰白水之文沉着奇肆在昌黎  
子厚之間其立論開創足以經世用世非章註曲學者  
比至於詩則又吾楚別軍不寄公安竟陵籬下者白水  
老於名場乃磨礪精研與年俱深精銳之氣透出紙背  
有必傳者曰單之師以奇勝淮陰之師以整勝淝水之  
師以暇勝無不由於氣者寧獨文章哉彼鴻濛橐籥大  
化保合元氣所運故能歷久而不餒白水可謂得氣之  
全者矣又何疑於傳哉白水之傳不在天壽也卽令白  
水果亾李杜光焰千古謂其人至今存可也

贈徐東萊序

人固未易知知人亦未易也余於東萊徐子見之徐子  
官武昌司獄十餘年職不厭卑久不覺倦無低眉可憐  
之色無憔悴抑鬱之懷或者以徐子知出處者謂吾儒  
之道非大出卽大處惟不能出不得處界於不出不處  
之間如古抱關擊柝不止於爲貧者蓋大出必遭時而  
大處亦必逢時使許由不逢堯子陵不逢光武其能免

於忠乎故哲人智士欲苟且自免惟浮沉仕隱間以行  
明哲愛鼎之意其殆悔福之流歟固也未盡也徐子蕭  
疎一室五柳覆庭山花滿砌摩挲古鼎名画讀書談道  
日與名流高衲唱酬佳晨良會策款段背奚囊往來黃  
鵠黃龍之間其殆東方之游戲歟固也未盡也以予窺  
徐子大冇不然者徐子抱異才遠志何施不可乃日局  
促園扉之傍相對赭衣鵠面之流無愠色而深悲憫爲  
之潔其糲所時其飲食療其疾病救其顛危解其網脫  
其械寬其繫十餘年全活者甚衆真古佛低眉度生菩  
薩慈悲救世時現地獄身而爲說法不僅于公盛德平  
反苦心已也馮道云此世界佛不能救惟英雄能救之

樊念菴制義序

自宋以制義取士士之究心者唯制義其聲律一道以  
爲不適於用直寄焉精神會聚不在是類皆出其餘緒  
以應之閒有性情不移窮日累月以工於詩輒有鬼物  
憑之使之不售於時而功名之士遂相戒不爲真有詩  
能窮人之語今觀於念菴樊子是大不然夫念菴弱年  
工制義輒早售取甲科唯不愛熱官冷擅卽子及令平  
鄉數月卽掛冠以歸一意讀書作詩若鬼物皆無所遇

任其自爲舒卷功名之士亦舌結無容下喙雖其官不  
三旌索無長物未免驗於詩能窮人之說究則念菴自  
逃其華靡脂膏而不屑與悠悠者相爭逐非困於時會  
無可奈何安之若命者比則詩又安能窮人哉今念菴  
出詩以問世余喜其工制義復不以詩爲寄又喜其不  
爲詩窮爲功名之士所詬厲故表而出之

### 安州郡乘敘

山川者天地之磊落也人物者天地之蠕動也文章者  
天地之綸彩也塊然而聚孰位置是蔚然而生孰區別  
是鏤然而章孰盈縮是自形家出始有理氣衰旺之說  
山川豈能語自倏忽鑿始有靈蠢優劣之說人物豈有  
種自結繩隱始有巧拙敏鈍之說文章豈有愚矧須彌  
四部香海萬里中震旦如一粟黍十五國之郡邑又粟  
之糠黍之秕也雖然一滴水具大海味一芥壳藏須彌  
形則一郡邑者之塊然蔚然鏤然者又烏可無紀也楚  
之安州者古卽子國章山白兆之峰雲夢漢東之薺宗  
李范謝之所宦於菟令狐之所產以及楊忠董孝徐狷  
李狂賢者蠟蠟是卽子於楚號望郡故其郡乘亦倖屢  
增屢新北地敘焉近安陸更修焉以并言請余余不敢  
踰分執筆以俟大君子先焉請者日力雖然藐姑冰雪  
綽約具血氣者之所心搖神馳秦皇漢武曾遣方士安  
期輩數往不一遊焉無鹽惡駭一旦冠后官如傾國豈

非遠者之難遊近者之易遊耶其請者之意歟吳季札  
觀風列國而各致贊辭延陵君子文宣稱之宋鄭樵猶  
有不辯風雅之譏焉乘豈易序乎余用茲懼終不敢一  
喙僅列姓名於不朽云

### 纂修鐵佛寺志序

鐵佛寺雖創於梁迄今多歷年所未有志茲真如和尚  
特爲重新其巨麗實超前業此志之所由而作也非以  
誇美也恐後此者忘往德之艱難壞法門之綱紀或至  
清淨期場流作貨郎錢埒支那後裔廢爲丐子卑田雖  
一時精舍香臺瞬日汚官廢苑且或沒爲有力別墅或  
竟作無常蒿里者比比然矣此志之所不容緩也前輩

### 且園近集卷之三

六

尹洞庭與真如善爲草創大略惜未卒業其後名流各  
爲增削而散雜無統未有成緒余每至鄂渚真如卽以  
此相訂因蹉跎冷席意失才盡已焚君苗之硯遑問歐  
陽史事爲名山巨制重開生面乎乃真如屢請不已謂  
余門內人得舌根三昧必能了此段公案用是唯唯夫  
志事卽史事也須傳信毋傳疑寧直毋曲乃近之作者  
褒議無實毀譽失真逃望黃茅難開青眼本以流徽反  
成災贖余是以生平謝絕郡邑之乘者此也茲不獲已  
復爲執筆以空花生空果證實相成實諦不能點金鐵  
冶未免加糞佛頭於是將舊稿極力刪削寧收寶於金  
沙不混珠於魚目撮合舊篇添增新意至於見聞未周

搜羅未備以俟後之補緝其功與過皆不任焉

### 黃赤子古文序

吾楚古稱南服然世治必始於楚其亂亦始於楚明之叔世襲耶寇氛已極兵燹最烈衣冠之徒罹難者亦最烈其能不纓逆命不踐戈戟全身嘉遯者孝昌黃赤子先生最著也赤子抱異才僅獲丙子一雋不復大用於世而運厄陽九龍戰亢晦懷文山壘山之志憫人悲天及滄桑既改遯跡名山著書以老猶不失所南鐵崖之節故其立言汪洋奔放如千將鏖鉅鋒芒不可迫視玩其言者賞其華藻窺其意者悲其志節不僅以文章命世也赤子沒數年其子惟一持其所著古文若干卷徵余序余低回未敢執筆者正不敢以文章位置一時知其炳麟百世者自有在也

### 高氏家憲序

姓氏之設或以地或以爵或賜姓或因時地遷流或避忌諱更姓或紹宗而冒姓姓分而族以別究窮源而溯流未始非一本也後世世易時移莫悉所自故有一姓而別宗有同德比義而紹族者則以爲濫矣古人於婚姻則卜之避同姓也然則姓之同卽不得以異族目之矣孝昌高子處厚採古同姓之人有文章事功德行者各立一傳名曰高氏家憲說者謂六合下上至遠且大安得皆一姓之子則處厚此著不幾濫乎余乃告之曰

詩不云乎孝子不匱永錫爾類錫類而彰善又本其所自始忠厚之至有足傳焉若夫華胄纓心攀緣失實處厚方却富貴而逃焉者是豈處厚之意也乎

### 陳虛白詩序

漢東之地舊有劉長卿過化李青蓮歐六一流寓宜其地風騷蔚起何以代不數人明惟顏惟喬最著與何信陽往復而詩亦不多傳錢虞山列朝之選亦不之及豈此道之難甚於爵位抑時尚帖括聰明束於八股意有不暇及耶余待罪寒廛十年此中人士以詩質者惟虛白陳子然陳子工八股取法先正雖屢試前茅而久困棘屋故仍守經生之業不能肆力於詩余方以第一人

### 且園集卷之三

八

期陳子曰與商確制菰亦未暇與溪言詩也茲予有北行陳子乃以全詩若干首見示是予卽欲不言幾無日矣夫善作者不必善裁則予言正陳子所樂聞也何也詩非近業也有天焉有人焉聰明高邁筆力振宕天也讀書養氣極深研幾人也然全於天者或關於人全於人者或關於天究之人可至天不可至也李青蓮豪宕不羈斗酒百篇衝口而發無暇精擇有爲人百想不到者及絕規律矩拙黃對白往往不及是以青蓮之古詩樂府直追漢魏之上而五七律每遜之然高華之氣真金液仙人口中語竟陵謂青蓮如富貴人夢中常作無義語不作寒乞語如陳子亦然陳子年少有名於時其

性情豪邁高視闊步浩然獨吟唧杯擊缶一往之氣亦有興酣落筆搖五嶽之舉其古詩天其爛熳蕭灑真至律體間累於賄荅要亦瑕不掩瑜陳子勉乎哉白此力追青蓮之奧異時待詔金馬必能扶醉賦清平之詞傾動人主不爲長卿鬱鬱州郡是則子詩之驗亦余言之驗矣

### 李渭清詩序

明詩之有歷下竟陵猶唐之有李杜儲王也然李杜儲王各自名家各不相學亦不相攻而歷下竟陵相攻不已私其業者遂相河漢而齊楚各數十年不相下其故何也蓋初亦救弊後遂至矯枉太過故失和衷然二家各有不可泯滅之處使當日生同時而握手必能商略長益爲弦韋之調不爲水火之尅也余生竟陵之後不學竟陵不以梓里而遂私之惟王子自成王子而止雖才小名微海內作者間亦許焉丁未余過廣陵寓老友穆倩程子家青齊李子適至訪余旅次獨誦余詩不置且出其全集若干相質余讀其詩音溫而氣厚筆靈而詞偉是殆不學歷下不私梓里惟李子自成李子者夫惟有不私歷下自爲李子之李子乃肯折心不私竟陵自爲王子之王子此中乳水益有天焉不可強也雖然君家于鱗與吾鄉興國同時同氣至有七才子之稱今君與余互相心折恐異日又墮七子之轍起後來者之

指摘願從此益銳心大業自成一家爲李杜儲王不爲歷下竟陵庶不失今日握手乳水之意焉

### 黃澹山詩序

布衣之詩必有負當代聲氣盛名者爲之獎借其姓名始著王李之於茂秦中郎之於文長退谷之於白雲此皇甫桓譚之必不可少也往孝昌夏人淑見知於中州彭禹峰且令其子執北而頃有黃澹山夏子振叔謂其能詩而澹山則見知於漢上顧西嶽亦館穀其家然詞人之窮無論於人淑以禹峰不能救其窮澹山雖未必如人淑之窮而西嶽亦未能救之豈真詩能窮人耶抑知者皆皮相而未能真知耶孝昌能詩者如林余獨心折一人淑以其窮愁特甚實未知澹山今澹山不遠數百里囊詩相質欲余序之余何言哉夫世必有似西嶽者知澹山必有似禹峰者知人淑祇願似西嶽者急救澹山之窮似禹峰者急救人淑之窮毋徒曰知之以附王李鍾袁之佳名可也

### 漢東志序

順治元年全楚十五郡邑先後各上其乘以倣古職方版圖之意其山川人物賦稅各損益前代而加詳以無倍車書同文之制郡子之國屬邑六漢東爲大大者例先職貢會司牧者遷代而不遑文墨至康熙六年丁未州人刻之余方北上實未執筆而適值其成需余一言



序曰志者何古史之遺意也史之祖於春秋經尼山之  
筆削事簡而言約意隱而義深文詞議論多詳於公穀  
左氏之書而本經不注非如後代史家之繁言疊辭而  
義蘊易盡即馬遷之史記歐陽之五代亦不免焉他無  
論矣故史視春秋而遞降後代之志視史又遞降矣何  
也作者無專家述者無矢筆致褒譏失豕亥淆無以厭  
識者之意僅列其文焉若漢東之誌猶近古者孔子曰  
吾猶及史之闕文也與其傳疑無寧傳闕善行不詳毋  
如闕焉庶後起者思有補苴事取其簡詞取其約寧樸  
毋華寧揚毋抑寧闕毋溢即子之屬邑六首漢東而乘  
成獨後即屬邑之乘備務藻采而漢東獨樸質孔子曰  
周監於二代郁郁乎文哉郁郁者皆周初本忠質之文  
非周末文盛之文也後之覽者或有取於漢東焉

周令公史貫序

古人以著書爲讀書蓋書不能讀盡惟著一書必詳核  
諸書而後備何也古人行事散見於諸書所紀互異即  
左國公穀猶然况其後代惟著一書必考其出處詳其  
事實核其異同以歸於一然後著爲獨裁讀爲有得此  
著書之法即讀書之法也史家之書上下三千年幾於  
汗漫斷爛不能讀蓋自遷固而下類無信筆以及晚近  
官繇資秩史無專職豕亥未分且爲操管褒譏失實庸  
俚無文安能考其異同乎制舉者且不知爲何物是則

於史者百不得一焉明之留心史事者鄧潛谷之函史  
鍾退谷之史懷李溫陵之藏書皆有獨見發古人之未  
發其不能無議者見有偏執論有踳駁不數傳而置之  
此又讀史而能貫之難也衡陽周子令公爲吾鄉老宿  
讀書有本於史學尤深讀之有得因著爲論論定而史  
之面目出古人之行事亦出筆削褒譏一本乎正不獨  
文貫而理亦無不貫矣孔子作春秋主於宗周而誅亂  
賊責賢而誅意一日之是非自可以貫於千萬世貫之  
爲義大矣哉則令公之書直可羽翼春秋同不朽焉

朱荅慰詩序

荆南朱子出其詩屬弁首了菴爲之鉛塹丹黃見其氣  
清以舒旨溫以厚朱子乃能鬱其境舒於氣抑其遇而  
厚於旨若此爲之慨然惕然序曰大塊氣噫而爲風於  
人爲聲聲者心之令心主乎百竅聲散乎百竅無心百  
竅木石耳無聲百竅芻狗耳塊然歸然生機稿矣故聲  
發乎玄北榮乎玉液五音井井不假倏忽之鑿不俟曠  
鴻之調味者略之如璞在石曉者究之如絲在緝鑿璞  
爲圭璞美畢煥緝繭爲黼繭彩畢彰故詩者聲之圭黼  
也聲有清濁洪纖各滿其量如瘠肥修姪不一其體而  
三百六十支節八萬四千毛竅無不合格體具而止夫  
詩滿聲量卽爲元聲不以濃澹疎密定優劣使量不滿  
格不合是欲修而冠雋僥以眉見於軼之首欲肥而續

鶴面以帝犯之軀其可乎故毛詩三百遺聲間存秦漢得其頌晉得其雅唐得其風唐以下皆風之餘也然風之入人也深故能感人猶風之感物也遍故能育物其吹萬也淵旁激颶燥怒眩雷聲歷石伐木梢殺林莽然其始則起青蘋之末土囊之口吹垢解慍而不傷物性和之至平之至也詩之爲道如是吾子勉之今能不立異不標怪不戾不膚得其所以入人感人者又何患其詩不至哉

### 何子詩序

文章經國也小言碎義世盡譏之然古人小言碎義亦有俾世教者如孔子金人欬器之銘龜山之詠三百篇之國風子雲之解嘲仲堅之寶戲昌黎之進學解送窮文白樂天之大嘴鳥皆借一事一物書耳目之見聞以雪其磊落不平之氣是又安可以俚雅定優劣哉建昌楊若何子設鐸禾川禾之風近不類昔皐比者首蓂無盤蓬蒿滿徑公獨能忘之朝蓋暮鹽澹如也惟日與左子九一讀書唱和遇佳山水一杖相隨有得皆托之於詩詩皆率意縱筆不削繩墨然長於諷寓非止以煙雲花鳥供其點綴者一日何公以芹草問優劣於余余聞畢而擊節此正未可以俚雅定優劣者存之以俾採風焉雖曰小言碎義其有關世教者寧淺鮮哉

### 陳珪卷詩序

詩始三百風以外皆雅頌即皆清廟明堂之什也故其言典麗有富貴福澤之氣其後唐人應制近之然近體至應制未免諸世順俗而性情不彰能以性情爲雅頌之音有富貴福澤之氣仍不失林泉蕭灑之致者庶幾得之南郡珪卷陳公公生閩閩養尊處厚自齒年歷仕中外所在著蹟又聲氣一時辭人韻士觴詠往復留連縈絃無拂逆之境無騷屑之響冲融澹遠雖在膏艾精紳氣魄倍於少年此天之所以畀公者優而公之所以自昇者厚也今其詩若干凡知名士交相贊賞序言亦盈帙更命余點定行世余爲憮加甲乙以其俳不傷雅麗不損風者存公福澤之樂究之公不必以詩傳也

### 蔡鶴舫詩序

惟楚有才其沉雄博奧足以俯視天下天下爭趨而效之不獨其才也其氣其骨皆足以輔之而行才非氣不充氣充始不爲指繞爲波靡才非骨不老骨老始不爲偃仰爲依傍楚之山拔而水森其生人也氣足而骨堅識卓而慧異其爲古業也卓然自命不窮極要妙不止立言持論皆足以籠罩一世名聞一時者固足徵楚才之大卽不甚求名晦迹塵市愈足徵楚才之大也齊安蔡子在楚稱知詩其詩清堅藻韻有三唐之風賦在三都二京之間足跡所至人皆知之然負至性不爲世俯仰落落少合故時顯時晦視公卿若儕偶等千金於一

芥朝輕肥而暮蠶褐岸然自得無少挫抑其氣骨與才何如乎真所謂氣充骨堅足以輔其才正不必悉數楚才卽舉一蔡子足徵其才之多彼區區於帖括遇合中論楚才之盛衰者誠子陽井底之見彼烏足以知之

### 孝友錄序

五倫之中父子兄弟以天合天合者不假人爲不假思議何以言之子者父母精氣之遺也兄弟者父母先後精氣之遺也如物之同氣樹之連枝故擇一髮而體爲之動傷一肢而身爲之因此其呼吸感應至切不可分者自非同孝友之名始爲之也世運遞降乖戾氣乘子有逆其父者然後孝子之名彰弟有傲其兄者然後弟悌之名顯聖人防其微開其化爲之立孝弟之名以鼓勵之庶勉然者歸於自然是豈聖人之得已哉余閱劉氏希堯孝友傳而重有感也希堯孝其母撫其弟撫其姪不私財不私產至其死並以善地葬若弟雖古之曾閔不是過者夫劉氏起塊畝豈習於詩書飾於觀聽者乎其天性然也茲其子文耀又思其先人芳軌哀慕感泣一時賢人君子從而表彰之可謂能世其德者矣雖然仁孝出於天性彼劉氏者惟直行其意身後之名所勿計也則表彰者又吾人爲聖教鼓勵世道之微權有不客已者也

### 募刻語錄序

余近題神光立雪圖有云碧眼分明說不識惛惛神光稱法器九年而壁隻雙屐歸後人尚問西來意蓋西來無意原以掃除文字後人又以機鋒問答囈文字障何也父母未生前人人具足不須多言然棒喝直承者少故不容不言此語錄所由來也語錄皆善知識侍者所紀借作取火煉亦非立意欲傳學人不客不傳此又語錄所由刻也蜀中脉大師與雙泉雲外大師同受法於石谷皆得破老人之髓者茲脉公開期漢東了角寺於是學人請師語錄流傳以剗剗之費無所出因命予告衆夫神光請法斷臂不惜矧身外錙銖有不讚嘆歡喜者乎知不待余言之畢也

### 陳孺人貞節序

天地之正氣屬陽故乾之四德剛則不撓健則可久中則不偏正則當理然氣正則不能伸每使之歷坎坷而備辛苦抑惟氣正則不能屈故窮困而不變憂晦而愈顯獨疑者顯爵高位之人每愧於草野賤貧之士鬚眉倬岸之夫每愧於巾幗柔順之女子抑又何耶豈天地之靈不鍾於男子獨鍾於婦人抑運會使然人亦莫能強耶非也凡世之有所爲而爲之則僞無所爲而爲之則誠夫顯爵尊位之人欲以誑君父故口談忠義以固寵巋肩倬岸之夫欲以欺世俗故矢口節烈以盜名及時移世易力孤勢屈已翻然改矣此五代老子天祥

文人之所以失節不免也至於草野賤貧爵祿之念不入其胸中名利之根久斷於意內樸誠所至一往而深溝壑不忌忌諱不避及臨危履險無怍無悔此豫讓要離之所以百折不回也若夫女子更有異者當其襁褓深閨惟聞淑訓步矩趨規於世間一切蒼狗白衣之態蠅營狗苟之狀態未入目及貞字于歸亦惟中壺是務定省有訓而外一切可欣可惕皆未涉意故幸而偕老以懿德終不幸而稱未亾人誠之所至頂踵可捐水火可赴惟知吾夫吾子竭志盡力而已故其志久而益固遇變而不撓初無要榮盜名口是心違視世間修名立節者已超出萬萬況其下此者乎此女子之所以獨鍾正氣者非天有獨偏實人有特全也余今觀於慈谿陳孺人而益徵吾說也孺人生於慈之名族早歸王公某公抱才困抑諸生中孺人繡紉以佐燈茗而閨政壺績中外無間言及王公屢躋文場既雋復黜抑鬱沮志以沒乃屬孺人身後事孺人幾欲身殉撫諸孤於孩抱課文藝於方剛今世儒世勲兩丈夫子以文名世爲儒林之所推附而家聲不墜世德不衰無非孺人一手一足之力其大節炳炳寧有爲而爲之乎雖梓里之公舉當道之表揚及海內之歌頌不過各盡秉彝之念于孺人何有哉孺人唯自盡真誠克全婦道含笑地下見王公而已余輩卮言又安所增益於孺人哉

### 三張先生合傳序

齊魯之間代多賢哲實德行文章政事之藪澤然洙泗之庭亦列數科兼之者獨難其人三代以下尤絕響焉未有生同時同地同室如麒麟鳳凰同生並育爲盛世休徵若三張先生者予生也晚齊楚河山數千里不獲遍遊其地見其人跡其遺事今讀其合傳令人景仰流風低回三嘆不能已夫杞園翩翩濁世卓犖英絕殆有家法觀河者莫窮其源視其流三先生之行事有足徵者先達標園公海內典型當不妄許乃序其傳歷歷若龍門其文獻尤足徵矣讀古人之書見一賢焉夢寐思服以不得見爲憾今去古未遠得見賢者之裔焉而交之又附其言於跋尾不謂非厚幸歟余不文又賤且貧然不欲妄誣人者因杞園之賢不覺其言之不能止也

### 李渭清家譜序

丁未夏予始與青齊李子渭清訂交於廣陵復共寓於白門觀其志節文彩卓然蔚然而忠孝篤摯溫恭謙抑不矯不競心竊慕之及讀其家世譜系世德淵厚渭清之學蓋有本也夫李氏自柱下道德鄴侯平泉勲業凜烈崆峒北海歷下詞章炳煥仙根奕葉散於慶雲淮安乘州安丘高密之間茲安丘孝廉公州守公文學公後先繩繼而渭清象先實續其緒猗與休哉雖然芝草無根醴泉無源聖賢豪傑多屬挺生正不必遠溯華胄始



定其人今謂清象先必思所自者此又仁人孝子之用  
心也二子克世其業顯名揚親孝之大者二子有焉安  
得不爲之贊頌也哉

寶華老人龍隱小引

隱公得法於天童老人駐錫吾楚各郡皆有法席不必  
棒喝從無言悟入者頗多此真迦葉微笑真諦少林面  
壁實相隱公今年且八十渭水城西一茅其棲靜地雖  
無歌利誰是給孤早粥晚齋多無供養老人且欲作趙  
州行脚余無力以留之爲說偈告涓之信心者曰莫錯  
莫錯喚棒受喝普天堂頭瞞哄人不及此老閉目坐雞  
足山中出定時少林壁下摘蘆過生出葛藤萬丈長縛  
盡禪和千萬個此老爲汝解龍韜去虎縛無罣礙得安  
樂真實不妄人人解脫待汝竭心作供珍食滿鉢毋懈  
毋退行住坐臥老僧有末後語與汝道破

南雲和尚遺詩引

南雲一號拾殘法諱輔元俗姓陳諱五篋字逸子長沙  
攸縣人少補弟子員因其先人開之先生靖寇難開之  
故丁卯孝廉與洞門趙公同講者也南雲勸親沒兼值  
國變遂祝髮爲僧行脚四方四方鉅公名流皆重視之  
與之結方外交南雲工詩好書畫古玩人亦爭致之然  
其意不在是也負至性傲物意所不可雖貴必面折一  
往情深田夫野老皆流連傾倒已付報恩法然不作善

全圖近集卷之三

九

全圖近集卷之三

十

知識行徑行筭一肩瓶鉢外皆儒書意氣慨懷有古俠  
風排難解紛每事作方便志士皈依之俗士駭異之甚  
且忌之謗之然其胸中或無端磊落嬉笑怒罵皆別有  
故非知己者不能測也甲辰至都門謁洞門趙公值公  
病篤卽爲侍僮嘗藥越旬不寢不倦公竟不起雲亦跟  
跽無恃而公年友芝龍龔先生爲海內學者所仰爲泰  
山北斗者也雲甚慕之欲見無緣作詩三章付余傳之  
余亦以屢躓媿於投謁詩遂沉笥中今雲已圓寂西冷  
偶搜得原卷不勝存沒之感余負雲矣因裝潢成束或  
異日得便投龔公庶幾此詩可表於後以存雲不磨至  
性余雖負雲俾世知雲其汲汲求公者不與尋常世俗  
等也雲貌魁梧奇偉五十白髭鬚鬚氣岸真有道者惜  
不壽耳

李吉三画小引

虎林李吉三初學画藍田叔復師事田叔子次公其工  
人物則其匠心獨出者也辛丑間遊京師最著名然其  
人馴雅有素心非世味汨沒者比獨傾倒於子筆墨遂  
多時余落魄無力盡其技曾許其衣食粗足卽作楚遊  
當竭生平長爲余寫古今人物甲辰余再至都門吉三  
長逝矣惜哉廣陵散從此失傳因搜笥中片紙寸楮皆  
裝潢之以志懷感不獨画也

全圖近集

卷之三終

楚湘潭王 岱山長著

擬文信國荅王炎午書

炎午字鼎翁作文生祭信國語多不諳因擬報書

大宋少保信國公廬陵文天祥致書於鼎翁足下自祥興元年僕不幸淪師於五坡嶺爲張弘範弟弘正所執擁之北行道經梓里自顧至洪驛途水步山牆店壁頻見足下祭僕文慷慨激烈義形於色可謂愛人以德意誠厚矣非故人戀戀不及此然其中竊有未盡者語曰擬人必於其倫今擬之不倫矣爲長者行而使人疑古人不愛也足下之意總責僕以不速死且恐不死轉念於不可知斯言何爲至於我哉何其自居之高而視人之下也人之相知貴相知心足下自附與僕心知而僕未嘗不以足下爲心知乃今觀足下之論是疑漆室女之欲嫁欲被裴翁之拾遺金也其不知僕甚矣僕生平行事心迹見信於天下久矣而足下生同里事同志宜其知之深反有此不必然之疑可異也孔子曰避世不見知而不悔易曰不見是而無悶自古忠孝節義出於天性刀鋸鼎鑊而不動其心者皆不知其然而然初非顧名惜義有所爲而爲之也苟有所爲則不誠矣此匹夫匹婦之所不學而能者初不求知於世也茲僕之不爲足下知又何俟曉曉求白乎其不能嘿嘿必致一喙者恐百世下不得其故以爲僕非足下不成其節豈知

且園近集卷之四

一

且園近集卷之四

二

僕之不卽死其操心致慮務期國運之絕而復續以而復存委曲周旋千屈萬折以求得當此可爲聖哲會難與淺士言也故不得不一一剖白之如足下云大丞相可死矣文章周魯科名郊祁皆不朽可死夫必文章科名始死則是愚不必死賤不必死古之愚賤節義何多也又云喪父受公卿祖奠之榮奉母極東西迎養之樂爲孝已盡可死則是生無以爲養者不必死死無以爲葬者不必死古之割恩就義者又何多也如謂二十巍科四十將相功名事業可死尤有不然者僕早膺將相大業未終不容遽死如謂仗義勤王使命不辱不負所學可死夫勤王雖盡臣心而鍾簒未夷使命雖盡臣職而築舍未成愈不容遽死至云華元踰墉子胥逃脫僕棄甲正思復來吳正思雪耻又何容遽死如謂國勢已定臣節旣明僕興復旣托孤忠豈論國勢之定盡瘁尚餘精力難言臣節之明若夫伏橋厠舍矐目擊筑僕位在台垣身係社稷生英國危死存國體任俠小節亦所不出最可愕者謂識時務爲俊傑時務固識意欲何爲足下豈望僕爲彥回乎謂昔以東南全勢不能解袈罔今以匹國一夫而欲抗天下僕雖負全棄利鈍在天雖屬一夫存亡在理正思轉敗爲功以圖萬一謂趙孤蹈海楚懷入關愚意豈無嬰臼之存尚與包胥之哭謂商非昔日之頑周無未獻之地豈知頑仍如商不徒首

陽之餓地非周比寧無三戶之興謂南北之勢既合天  
人之際可知僕尚以天人之際甚微南北之勢無定謂  
彼兩國相對大臣無恙今事勢無可爲諸臣皆被執僕  
以爲兩國相對大臣無恙尚可優游觀變至事勢無可  
爲諸臣皆被執無可爲者正不忍其絕皆被執者正不  
忍俱死耳若夫某卿張巡云云彼國勢未去惟一死明  
節今趙孤既沒諸臣皆亾而僕猶悻悻一死不委曲全  
身以圖其存是父母彌留之際爲人子者以爲不可起  
遂置藥不一投而坐視其斃乎足下當此時應勉僕以  
不宜輕死從容就義以有爲何至以時無可爲遂應速  
死結局以斷葛藤惟恐一刻復留人世者此何心哉抑  
足下轉念反欲爲勝國游說乎不然何其言之無緒耶  
至引李陵尤爲乖謬夫李陵當漢武全盛之日有死法  
無降法死則忠降則逆以陵一身不足爲社稷輕重也  
陵死更可遣禦單于者卽不更遣金湯固無恙也非俟  
陵興復也是陵應一死了臣節而不死爲無謂僕何時  
乎僕當國勢瓦解之日更無天祥其人僕死誰復有社  
稷故主之思卽擬之蘇武亦若不倫武無興復之責十  
九年之不屈不過完一身之名節可以死可以無死尚  
不遽死矧僕之萬萬無容死而欲草草一死塞責乎若  
以李光弼納劍靴中朱友貞命皇甫麟置刃俱不欲受  
屈辱僕無論百鍊不爲繞指萬無屈辱卽忍隱屈辱苟

利社稷亦所不辭安可與朱李同日語哉至謂僕不死  
當有死僕者嗟嗟是何言歟僕問關流離一生瀕死不  
可勝紀僕使北爲呂師孟賈餘慶構惡羈縻幾死及逃  
難真州饑寒險阻幾死詆大酋幾死罵逆賊幾死與貴  
酋爭曲直幾死去京口幾白頸死經北艦幾爲所獲幾  
從魚腹死爲真州逐幾徬徨死揚子橋遇哨幾死桂公  
塘土圍中爲巡徼凌迫幾死夜逃道高郵幾死避哨及  
捕繫幾死自被執服腦幾死餓八日幾死僕豈畏死者  
哉至云豈無李昇之疑或進景升之計恐累舊主夫不  
忍舊主正宜含垢委蛇無容激烈使之不疑反欲一死  
決絕乎或足下與僕同里曾一持牘叫軍門今恐致累  
托此以遠嫌乎足下昔年持牘軍門勸僕毀家產供軍  
倡義僕早年厚自奉養久已克勵自損傾貲起義雖不  
因足下忠告一言然比聞足下語喜其有合卽進之幕  
府以爲肝膽氣節足以共濟時艱先鞭起舞以期興復  
乃事甫舉而足下遽以父歿未葬母病無養爲辭夫足  
下早計此身未可許人宜卽廬墓終養以成孝隱乃復  
持牘軍門者何心乎旣持牘軍門自宜移孝作忠若翁  
劉翁必能含笑地下太夫人必能如滂母割愛以成足  
下之志乃足下進退無據出處兩虛是持牘軍門之意  
忠憤未必由衷不過收慕義之名以炫鄉里小兒之聽  
其首尾交畏不堪問矣僕當知而不言且恐其鼠首

兩端敗乃公事因聽足下之歸然已卜足下二三其德  
不足以有為矣茲僕蒙難北行國家數百年不絕如綫  
之運繫於一身足下果抱忠憤能急君急友宜結死士  
號召天下以圖興復成僕未了之志上也卽不獲就亦  
宜如豫讓漸離雖目擊筑以思報仇雪耻乃區區效  
夫喋喋鼓其唇吻弄其文墨巧言飾詞招搖道路以小  
人之心度君子之腹自揣不能死且以是測僕而速之  
豈知僕之死誠易而不死誠難語曰慷慨赴死易從容  
就義難僕豈匹夫白經者比哉僕自童時觀鄉祠前賢  
歐胡楊周革卽慨然有沒不俎豆非夫之歎及年二十  
荷先帝殊恩拔冠南宮而座主王公應麟方有賀帝得  
人之語許僕古誼若龜鑑忠肝如鐵石嗣後歷仕中外  
皆卓然不苟而似道見抑宜中見忌屢躋屢謫肘掣未  
舒及國勢漸非傾產起義斥奸防患頻疏血誠雖師孟  
之奸未除分鎮之義不報其心則已竭矣乃議和突起  
伯顏拘留賈慶餘輩奉降賣國詔天下附元盡散僕勤  
王之兵西歸僕與杜濟等十二人夜亡真州方謀聚眾  
而苗再成之盟初立李庭芝之害密傳於是問關流離  
出萬死一生之中始達益王行在召僕觀文殿學士又  
阻樞臣不合安置劍南收兵福州踰蹈僕生還將母誓  
死報君義師復集豪傑更起而端宗內聞衛王改元詔  
獎有慚臣心愈苦成敗利鈍逆順之語險阻艱難備嘗

八且圖近集卷之四

五

之詞洞見臣腹金百煉而益堅水萬折而必東王言溢  
美之褒僕則捫心愈勵豈其大事既去身被囚執誓死  
萬計吞腦不靈絕粒不甦廬陵首丘而不遂燕臺抗節  
而久羈及今繫獄一死未容回憶足下以死事相促且  
不諒而引五日不汗瓜帶噴鼻排牆盜賊毒蛇猛獸諸  
死爲勗其不知僕甚矣雖然僕不死者思留身於萬一  
得歸故鄉仍集大義以圖興復耳今人心瓦解若此卽  
一王鼎翁不見諒又安望見諒於天下人心乎卽一王  
鼎翁之心今昔各殊矧悠悠陌路素無肝膈者乎僕所  
以迴腸飲血心灰而念絕者此也事已至此無復望矣  
會當致命遂志以如足下之說成足下之名但當時從  
僕起事者俱先後赴義而死其不死者亦獨鼎翁一人  
耳鼎翁旣以大義成人必能以大義自成田橫五百之  
客能同日死以成橫義今僕止一鼎翁必能成僕之義  
更無俟同志生祭以相促足下卽不能倡義天下不能  
如豫讓漸離輩豈並不能如田橫客乎

八且圖近集卷之四

六

乞巧文

歲在丙辰王子以雀角滯鄂渚自春徂秋始返漢東則

山長自



七夕先一日也方中暑臥病謝客僕夫告以七夕例宜乞巧於天孫王子令具瓜果有事於乞靈而迅雷烈風震薄晦暝終夕遂無所用其乞靈者僕夫乃唧唧永嘆私謂余不獨貌拙言拙心拙而所遇更拙致天孫無所施其巧而風雨暴迅使天孫鵲橋不架銀河莫渡隔年之期皆阻千門萬戶之巧皆塞非天孫之巧而得拙實余之拙有以累及夫天孫也余聞其嘆息而不敢致辭獨有巧拙之故彼未之知也何也夫巧拙有性焉有命焉何謂性機變詭譎起心而行不由父生不藉師承神非思通怪非鬼憑自然百出儼若天成同一面目也彼之面目獨盼笑合宜不憂自戚不歡自嬉憂戚因人或笑或嗔逢機投好認假作真同一手足也彼之手足獨反覆罄折遇物則拱周旋容悅鼠首兩端青蟲百疊獅舞旋風犬吠竹葉優身傀儡奴顏婢膝五體投地淨穢不擇同一口舌也彼之口舌獨雖黃條儵如罵百轉如蛇雙舌譚言微中不逢彼怒浸潤之譖傾人入甕語言無味本如嚼蠟聽者傾心甘如食蔗鼓唇若風捕之無影聽者懸鐘尋之發蒙八其鈞箏噤其術中同一心思也彼之心思獨千孔萬竅變出不窮勢如長蛇首尾互擊險如八陣恍惚若失八其穀中神昏氣息驅之陷阱亦莫之恤本欲是而反非將欲取而忽與如越之謀吳賜之存魯不縱不衡若可若否此所謂性之巧也

不園集卷之四

七

至命則有大異焉哀駘街世與爲彼妾無鹽傾國六宮無色支離全生無趾分國手足反贅遇賞在特褒姒一笑烽烟萬里亂人之國不用啟齒生弄張說死走仲達名位相傾間不容髮此所謂命之巧也余既無巧性又無巧命天下攘攘皆爲利往余獨介介清壑是想天下熙熙皆爲名趨余獨漠漠枯槁自貽滔滔逐熱神服心悅余獨冰炭蟻視顯赫嗜欲昏喪比比皆同余獨鏤心鑽彼魚蟲諸家百子皆有所營余獨自怡不樂示人此余性之拙也而命又甚焉帖括取科黃口獲雋余獨窮經白首不展文追屈賈心無得喪不能求榮反以得謗本巧翻拙求巧愈失生不逢辰惟拙是得是余之拙無容變而巧亦無容乞此天孫所以風雨而竟夕

不園集卷之四

八

### 祭許太翁

嗚呼太翁挺異絕群東南之彥川嶽之靈其誕在丑其于則辛五行中土百煉首金氣備四時德全百倫溫恭夙秉孝友性成謙尊則光博濟則仁藏爲韞璞用卽國楨文藻炳蔚組織天孫伐毛洗髓咀華含英胸珠牟尼智藏轉輪風霜手腕冰雪聰明懸幟吟壇執耳莚林鵬搏礙天六月一息耻與斥鷃聯翔比翮時無九方飛黃偶躓五色旣逃誰割卞璧副墨名山擲聲金石探奇石鼓註銘西極帶草流香練裙濡墨名收舉長聲華藉藉推轂當廷宣室前席函鼎鮮烹鸞刀小試另乘司馬借

籌經畫緯構末造挽回西日羽檄交馳烽烟四接靜以  
安人義以却敵一張一弛左提右攝瘡痍再育荏苒屏  
跡墻烏樂止驚鴻安集豹斑偶露蔚變斯煌全牛卻解  
善刀而藏猿鶴川招松菊未荒鑑湖一曲薜荔千裳五  
芝在斧五嶽在裝扶節九節貯錦一囊息心淮南棲志  
柴桑一觴一詠亦漢亦唐文非玩物詩取適情浮游規  
中與道偕行玉樹枝繁子鶴鳴陰雲初蒸蔚宅相崢嶸  
車書羔雁謝鳳龍荀太守琴翁震索居一文譽早馳一  
戰奪幟歷仕含香無忝繼志整借恂賢柔撫劇人比  
飲醇操同砥石群嬰待乳衆雛望翼觀水溯源因花懷  
酌積厚則流太君之錫方介春眉比屋斑舞遙深顧復

皇朝通志卷之四

九

聿念厥祖豈期太君玉樓賦手乘雲赴召碧鯨玉組  
糝圭冕卑鄙塵土群情眷戀涕洟空苦三祝已驗七十  
稀古道同天全福亦錫五善全終始不愧仰俯嗚呼太  
君是三不朽

### 路祭陳華頂先生

嗚呼先生漢東之賢達尊居二士行其全不籍爵顯不  
籍勢傳進耻他途隱不離塵學不干譽道惟用天衆物  
汶汶濯纓箕穎流波日靡砥柱顏閔人之云亾善不可  
泯世間富貴蟬蛸一瞬伯寮蠅聲子陽蛙井先生視之  
螻蟻蟻蝻春相巷歌俗敝不整令嗣克振臨哀警省元  
伯之喪巨卿執紼延陵之葬尼山讚詠四方來觀於斯

專盛

### 梅里先生陳徵君華頂墓銘

梅里先生陳徵君諱抱奇字也平華頂其景希夷之意  
而命之也其祖某父世倫世居漢東梅里故稱梅里先  
生先生性孤潔然豪爽倜儻不屑屑爲鄉黨愿人故俗  
士畏避之而往來淹博素心者無不合焉官斯土者皆  
賦廬請益乞詩若文先生磊磊落落不爲曲學阿世也  
早年工制舉業戊午幾得元以隻字乙之副車致數奇  
屢躋竟以崇禎己卯鄉薦終雖負才任氣而風塵物外  
飄飄有凌雲意非低頭佔畢汨沒浮名者比故就廷試  
而不冠進賢道滄桑局改遂謝絕冠履不復徵車浮沉  
詩酒中所著醉陶軒集寓意微矣晚年益學道絕世故  
東籬北窓左琴右書門生兒子吟嘯永日斗酒自勞短  
歌自適居然柴桑風味其自持嚴冷而接物平恕不吐  
不如厚如飲醇不覺其醉兒童走卒皆知有華頂先生  
者非間樂而安之未嘗礙其方介也太丘仲舉殆合爲  
一六歟子占祥有父風占祖占祐珠明玉潤亦元方季  
方之偶異時羔雁成群當無所忝長沙王子與先生定  
交於丙午秋見其丰采議論軒翥爽雋知爲有道者心  
師之遂互爲主客縱談日夜不倦飲啖如三十許人齒  
退復牙啖梨栗生澁無齟齬自言少得異人引導衍行  
之八十餘年體益少神益旺百歲自可期豈意其辟穀

皇朝通志卷之四

十

十三日竟以壽終耶抑養生家所稱尸解是耶非耶觀其啟手足之詩有分明晝夜通是通乎晝夜之道神無方矣先生景希夷而傳白沙其庶幾焉生某年某月卒於康熙七年九月壽八十五王子爲之銘銘曰耄而好學方之衛武白沙其傳希夷其伍其風可師其道亦古漢東傳人百世尊俎

### 秦亨羅處士墓誌銘

秦和羅處士沒其子若孫以行狀請銘夫譽墓非古也然處士抱道以沒潛德不彰亦吾儒之責也於是謹按狀誌之狀曰公諱聞朝字泰亨父蓮池祖後山曾祖碧潭皆文學世有隱德號稱理學淵源考羅氏自春秋時伯嘉實出有熊之苗裔國在楚宜城兩徙支江長沙間傳至羅含官晉世祖太康中給事含傳至履從桓宣武伐蜀有功擢知襄陽府事因家襄陽傳至弘信官唐憲宗時節度使遷太師進爵臨清郡王子紹威襲封長沙郡王數傳至恭官文宗開平中金陵太守又家金陵傳至崇勳官武宗會昌中殿前都指揮使贈太保徙江州傳至琉官昭宗時光祿大夫由南昌徙廬陵城下後傳道徙秦和子三人洞霄洞晦洞天晦官南唐端明殿大學士霄天同舉進士傳朝偉官至元給事中傳尚英徙界溪英傳永達及碧潭其家世代有顯者處士生而靈穎端慤五歲如巨人岬然自異不與群兒伍見者奇之

宜興縣志卷之四

十一

宜興縣志卷之四

十一

讀書目過不忘從前輩廖淳初曾養泉學天質既優學力綜核含毫吮墨頃刻千言一時聲譽藉甚然志在經世凡兵刑禮樂及天官地理稗官野誌風角諸書尤加考證初試童子例自負椅棹卽拂衣出曰朝廷待士固自有體乃竟同星卜舉止耶遂絕意仕進惟窮經授徒爲業講學戴氏里從遊者日益衆因材誘掖多所造就嘗誨子弟曰吾人學問上之聖賢次之豪傑再次文章然文章必先行誼苟不端心術莫辨利義徒以入股博上第踞要津其人不足稱也苟忠孝不虧衾影無愧衡門泌水讀書樂道亦自可傳耳生徒貧者不問修脯更急其有無投徒四十餘年無長物嘗得館穀若干携歸爲俯仰計途遇難者卽傾橐濟之其生平慷慨多類此公孝友性成父沒哀慟毀形水漿不入口三年苦塊啜粥不茹酒葷遇生忌之辰則涕泣不食族里咸以孝子稱其餘睦族里如一父之子窘乏者婚喪疾病患難無不賑助至典器鬻物不止卽悠悠陌路以困阨來告亦盡力以濟無嗔無倦喜爲人排解里有忿爭不下者片言剖釋公剛方無慾故人多德之與人談皆稔穡艱難水旱災傷宜家應世之法功過感應之事無褻語也大至古今興衰治亂歷歷若指掌聽者忘倦間及節烈奇偉之行則擊節稱快其屈枉不平之事則切齒不休善善力而惡惡嚴故善者日親惡者日遠未嘗不默爲感

化也族有官會藉者願以書招公公不欲以貨取竟不  
往崇禎中詔行保舉公不欲以虛聲誤國事亦不就舉  
鄉飲者再皆舉辭未赴明末吉甯等郡流寇蹂躪公素  
精兵法夙角乃固練族里弟子勤步伍爲杆禦大破賊  
於界溪間有渠魁曹賊號梟獍攻掠暴至族里驚竄公  
以大義曉之曰汝等平日忠憤何在茲賊勢壓境須決  
死戰滅此朝食乃竟效兒女子態乎吾歷世忠義棄祖  
宗廬墓何以生爲誓死不去然從公者甚少又皆怯敵  
公憤呼曰賊貪子女玉帛實無戰心我利甲兵堅壁壘  
具有死無生之志滅賊必矣兵法用奇貴少貴精安用  
怯也於是命次子應培擊其前鋒提百觔巨刀衝突中  
堅所殺過當賊爲披靡散而復合四面交敵公令衆登  
屋飛瓦石自辰至申殺賊無算應培更斬紅旗首二級  
隻手提尸揮賊賊爲駭散迄今界溪墳廬無毀戶口猶  
存圖史守器皆完好公之力也性耽山水勝情兼具麻  
鞋負笑不憚寒暑覽故廬之東東山之麓岡巒環抱隱  
然如谷遂名曰東谷構亭貯書鑿池種荷移竹植樹手  
自經營恒葛衣烏巾箕踞青松白石間作梁甫吟陰晴  
雨雪皆日至焉携諸孫採花菓口授詩詞相和答爲樂  
飲酒口可一石未嘗酒失讀書浮白信口作詩多不屬  
草與同族湯玉壺伯國輩互相唱和嘗手錄陶詩於  
壁自况晚年謝客日窮研性理於周程張邵朱陸之書

梁其羅氏端明洞晦文質從彥博士泌文毅倫文莊欽  
順中丞欽忠祭酒璟修撰理參政汝芳文恭洪先給事  
大紘諸理學之言參考得失體會於心實踐於事毅然  
以斯道爲己任時以大儒口之洽彙旣更絕跡城市次  
子偶被橫逆公自反順受未幾暴虐者罹禍人謂公至  
誠所感云以疾正寢於家誠子孫曰吾儒守身爲大汝  
曹宜讀書行善以古人爲法言訖而逝享年七十有三  
生萬曆二十二年甲午九月卒康熙五年丙午五月公  
方面修葺聲洪日爛器宇宏偉儼若神人端凝吉藹與  
物無競殆逝世無悶者乎卒之日里人至下涕者其感  
人深矣葬仁善鄉湖舍之陽配本邑劉氏恭儉慈愛以  
淑德聞先公沒子二女一女適郭某子長子應垣娶郭  
氏生孫五弘治弘啓弘肇弘哲弘化次子應培娶蕭氏  
生孫三弘斐弘晏弘雯孫女一爲之銘曰負材而隱抱  
道而終不作不愧君子時中高山仰止其德可風

李氏孝節傳

吉水李子蓋臣持其孝節家傳徵四方贈言欲余立傳  
徵信余誼無所辭而李公曰秀割股割臂者凡三其左  
氏之矢節婦居者亦五十餘載孝節一門事屬僅見言  
何容緩獨按前代旌表之例謂割股非孝以其毀傷體  
膚非庸庸庸行在所不行又檀弓樂正子春下堂傷足  
謂身體膚髮受之父母不敢毀傷今割股者毀傷實甚



卽傷親心於禮未洽事非經常不可以訓固也則有說也夫下堂傷足者不因父母則爲毀傷因親割股者以親還親傷於何有忠臣以身殉君烈婦以身殉夫義士以身殉友無非是也夫君臣義合夫婦恩聯朋友信結尚不惜此身體膚髮况受之父母者還之父母又何疑乎固也更有說也蓋聖教守經天性行意守經者以正不欲毀傷立異開好名矯世者之端而行意者以誠不知毀傷爲異極盡情竭力之事當其親病思救求痊不得身代不能計無所出一誠之至止知有親不知有身置刀於身不知有痛刀與手忘心與痛我莫知其然而然卽孝子之名亦所不計又安知其不敢毀傷乎茲李

皇朝通志卷之四

五

君日秀割股割臂左氏少孀矢節皆忘其身不計夫孝節之名者彼都人士之公舉諸當局之旌褒四方之歌頌皆各具秉彝維持世教興起頑懦之至意於李君左氏何有哉因爲之立傳傳曰李君諱日秀豫章吉水之豐陂人僑居南田工舉子業不售宗黨稱孝丙子歲母戴氏病禱藥無應卽割股得痊如是者再其父學詢病篤復割臂以救三刀儼然久而彌鮮有左氏者芳齡孀居矢節五十餘年以辟績膳姑撫孤其時邑庠爲公舉監司吳郡守吳邑令于皆褒崇之崇禎十二年事也而蓋臣方在襁抱茲出其始末徵言四方嗚呼若李氏者可謂能世其德者安可無傳焉

### 龍山後裔王航傳

王航法名正殿童年披剃性靈慧不染世緣及稍長則通教典習儒書能擗筆作字知韻言於是發心書經八十一卷以體弱不能受勞得肺疾而天法屬惜之有衲山拙欲續之燈末了巷曰三藏十二部皆爲黃葉止啼書經何俾古德念華嚴一句卽轉一藏安用經八十一卷乎佛之一字我不願聞豈書經爲竟法乎雖然末法垂秋業習太重若得解縛去粘必藉鍊心去習書經則習靜習靜則業息業息則刻刻遷流之心亦得暫停而本來無一物之性亦見矣雖非究竟法亦本分針錘也惜其未得遍參究竟了徹也至於壽與天與生死大事

皇朝通志卷之四

五

實不相干善財七日繞峰五祖童年付法豈俟長年倘王航者於童年祝髮時見其根氣迅利卽斷絕一切經教儒書痛除一切世緣僧染令其一氣不透窮究未生以前必能卽時了徹朝旣問道夕卽可死又安用慈頭雪髯波波叱叱欺訛人天乎愚見如此必有肯其說者

### 雙泉寺募建禪堂疏

佛者覺也卽人人之真心本覺之性也衆生昧此不覺如長夜故佛自覺覺他頓漸二教欲人自覺雖實參實證不在蒲團行腳然舍此別無入路是以古德隨方開教雲集四方明此生死大事不容已也漢東有祖庭數處雙泉其最著者自兵火來而善知識罕至其地蜀師

雲外衣傳密雲心印石谷念茲土之長夜朗慧照於中天隨機顯晦多方陶誘既欲二十五有絕生死之因九十八使斷牽連之業並超三界俱證一乘而十笏僅成八部難集未聞給孤之布金安容虛能之春杵思千二百五十人俱自有隨身之官殿豈三藏十二部法寧無呵護之八天九青子合十而爲之偈曰衆生一持戒卽生善見城殊勝寶莊嚴軟如如羅錦其餘四禪天福報亦如是何況無上尊佛陀僧伽聖超彼三界外諸天所怖敬諸天光明者大無量由旬但入佛光中乃蔽不能現以彼智慧明破彼愚闇故大師乘正法明與佛光並燭此長夜者寧無生敬信仍將雙泉峰卽作祇園境法喜與禪說布施無惜客一石及一椽報與布金稱因緣不但財惟期心力盡禪室止五區造就諸賢聖天龍八部神默祐爲潛聽佛如恒河沙拈筆作證明

蘭石募奉華嚴疏

華嚴上中下三部其傳入中華者止下部之八十卷三十九品其中善財童子從文殊悟本根智然後南遊遍參白別峰相見歷勝熱無厭諸境始得彌勒開闢證入法門得文殊之解圓普賢之行圓則此經最爲不可思議甲于於諸經者也吉州精舍蘭石見文殊之智普賢之行善財之適泰真德慧雙融解行圓滿然性不人塵嘗一瓢一笠蕭蕭自得其與遊者多文士亦能吟咏登

眺世無深知之者偶行脚古祥符歲餘師已不作行乞荆至一單不完半榻俱破於是劉子兼三率諸同志邀師駐錫慈恩慈恩卽新祥符刹也但師隻身無徒不能迷日持鉢欲發心諷誦華嚴每月一部至歲終已一月須米一石金一銖而難於募余謂師苦行遍泰歷諸境界至此慈恩不減彈指一聲之時其餘信心入此佛刹亦不啻入彌勒閣脫諸勝熱無厭逆境聞誦諸字母應得無上三昧則師每月奉誦當必有因而悟入者又不僅喜捨供奉已也

方谷上人募米疏

一人耕之衆人聚而食之此王政之所首忌然視天下饑如已饑又聖人仁心仁政之實際也故四民之中無不自食其力者惟釋氏則不然世尊千二百五十人皆乞食城中其後善知識多聚徒至數千皆坐食而十方供養之亦不爲怪雖水旱凶災未嘗告乏蓋以其道開示救度衆生爲念卽坐食於法不礙卽吾儒謀道不謀食之意也安福普德禪林坊一大師說法地華山古刹則妙峰國師道場近見月律師駐錫說戒焉有吾潭州方谷禪師欲募米齊衆此又聖人已饑之意思諸宰官善士必有成其志者昔宮婢以殘瀝供僧來世卽生王官矧以白粲斯廩供千百人食乎此其福報諒當無盡聚米成山不俟方公之沿門持鉢矣

募建彌勒像疏

彌勒菩薩初以重世名心好遊族姓有佛名日月燈明始教以修習惟心識定入三摩地歷劫以來以此三昧事恒沙佛求世名心坎滅無有至燃燈佛出現乃得成無上妙圓識心三昧乃至盡空如來國土淨穢有無皆是我心變化所現了如是惟識心故識性流出無量如來今得授記次補佛處是世界一切幻有假相皆彌勒菩薩證後所不有也況此土木金碧和合之四大乎今此建像一舉不仍重世名心募諸族姓為彌勒初出家之見乎雖然世間名心無有歇滅之日不妨設此莊嚴使夫在家出家觸目警心以修惟心識定證無上妙圓識心三昧是亦如來頂相現寶光意也昔善財童子彈指入彌勒閣面而見彌勒神通變化如是如是諸善士信心者安可不思彈指入閣乃搖手門外終身為重世名心好遊族姓之人乎

募修觀音堂疏

相者有為之法金剛破四相謂法尚應捨何況非法然法華則言實相令佛放光明助發實相義我以莊嚴身為說實相印蓋相不可有實不可無今之學人認有為法如是逐相忘真不獨搬磚運瓦即談經說戒終如思飯蒸沙何由得飽雖然頓漸兩教行門為最欲省凡夫須從俗諦則一切莊嚴亦不可少諸佛菩薩衆生念切

時現種種身而為說法慈雲大士三十二相現女人身者其一也凡夫愛根莫切生子苦惱莫如疾病其最願者有求即得今大士現多子相藥師現醫王身準提兼功名男女壽考現無量手眼皆有實實救度不可思議功德此所為實相義非有為法也漢東河西觀音堂衲子離垢從小吏出家發心生死大事行腳歸修其祖庭觀音堂功已近半又欲嚴莊諸相余既為疏而說偈曰父母未生前本來無一物孝母與事父本來原具足得此三昧法食得菜邊肉第一波羅蜜行門從忍辱

募建彌勒殿疏

漢東南郭外有十方蘭若余既為住持超澄草疏募彌勒像夫世尊說法宮殿隨身茲彌勒示現則金地莊嚴所應有也時有趙氏忽發心為造殿然護法必推宰官施法必推仁者於是超澄復請疏以告諸大檀護余謂彌勒得無上妙圓識心三昧淨穢無有是彌勒境界一切平等也今當此荏苒未靖水火交爭皆由心地未平古德云但平心地一切皆平則此世間貪嗔不生競爭都息大地皆西方淨土矣茲趙氏造殿是能平心地者自必有護法之宰官施法之仁者雁堂金碧不日可成余異時彈指彌勒閣面而見彌勒以取證吾前後兩疏

募修五通廟疏

聞之佛有六通而神得其五故神之通雖遜於佛然皆

奉正法福祐斯民遂可與諸佛同範者也漢東郭外有五通廟其後建古佛樓樓下奉古佛上奉大士今稱觀音閣卽古佛樓也歷年既久棟朽椽圯人天無仰茲任持僧覺度念正法將頽發願修建並更山門南向中添禪室立單延善知識開期夫以五通之顯赫古佛之慈仁大士之願力得一於此其福祐斯民者何限矧一利而諸佛菩薩備焉其功德寧有量哉

題樊念菴卷

樊川樊子念菴辭平鄉令賦歸去來因更擬其辭是事亦欲倣乎陶矣乃復命余書陶公原賦余謂陶公之就官最暫因一折腰卽棄去而樊子之平鄉雖不逾歲其

其間樊卷之四

主

始仕之日曾一折腰否且其擁湏水之壟者九年其間苛禮繁數有百倍於督郵者寧止折腰而已耶是樊子棄官近陶而決絕尚未能比乎陶也至其嗟田園之將蕪則陶公躬耕南畝恐樊子之輕裘緩帶亦不能如陶之手足胼胝耳至陶公五子皆不好紙筆有托而逃恐樊子之佳兒尚欲羔雁成祥策名盛世不能如陶之合室高隱耳陶公饑驅乞食叩門拙言志不過求一飽恐樊子之車馬徒從不能如陶之披裘帶索耳陶公澹然嗜慾終身不二色恐樊子尚有雙荷葉不能如陶之椎髻大布耳蓋陶公天資近道而不言道適然而出復適然而歸所謂雲無心而出岫鳥倦飛而知還其視後之

二疏遺榮知章乞湖皆爲近名去陶遠甚今樊子方欲講學夫朱程輩以天地萬物爲一體視六經樂就寂避勞就逸者謂之有體無用則樊子之擬陶與講學又相隔礙矣吾願樊子進乎其技唯以適然任運與化而遊視出處一轡轡用一致不必立歸去來之名不必立講學之號道在是矣陶在是矣又何近之足云歸去來辭不可錄也

題鄒中丞家訓跋

明太祖時有王軫其父寄子之書所言皆訓其子居官廉敏並其有關世道事絕無一語瑣鄙太祖廉得降勅勸獎免其徭差因嘆先輩人居心之樸而開國之主其

其間樊卷之四

主

規摹遠且大也及閱西陵中丞鄒公家訓則王軫一書不得專美於前而忠厚之至且過之夫中丞勲業麟炳正統景泰間其傳與不傳不關是書也然其書中訓兒語皆日用布帛菽粟節用愛人常談似村落耕鑿人絕未染富貴名位者其居官之廉與立節之介隱然現於尺幅宜其子若孫之奕葉蟬聯而不絕也今中丞之裔水心命跋於余夫以文如西涯業如應寧已序之詳後之人尚復娓娓不休又何足爲公重余唯莊誦數過謹錄一通爲吾全楚課子弟之規而已

題穆倩錢收齋序

惟異人方遇異人穆倩爲異人無疑其所異者寧止壽



與後昌哉牧翁之詰誠是矣金剛經云都無所住而生其心是法應捨何況非法則一切文字爲綺語多識多慧皆非智藏皆爲非法又經云無人我壽者相有異人卽人相遇異人卽我相多壽後昌卽壽者相皆經中所欲掃者願穆倩從此除一切法一切相收入智藏中爲金剛不壞方盡符異人之識雖然世間一切須用金剛志此金剛如大火聚四面不可入又如大水聚四面皆可入穆倩神旺而氣充心專而慮周是其金剛志得四果而入正定正受者六譯七譯之記夫何疑

題筆砦

甲寅春全楚風鶴予以冷席漢東居民傾城入山登砦予獨守齋廊無事寄意書畫時作園亭想時作巖壑想時作名山大川層巒疊嶂烟波飄渺想時作拄杖臨眺漁舟閒釣想時作紅粉艷麗想時作金屋玉堦想時作仙佛幻化大悲百千手眼想以至萬帳雲屯而綸巾指顧單車赴召而萬姓歡呼時仕時隱時遊時臥時吟嘯盡寄画中遂忘寢食不復知門外之羽檄也此卽子之砦也故名之曰筆砦凡觀於此者當感子之迴又賞子之趣

且園近集

卷之四終

且園近集四卷且園近詩五卷

江蘇周厚堦家藏本

國朝王岱撰岱字山長湘潭人前明崇禎己卯舉人

入

國朝官隨州學正康熙己未嘗薦舉博學鴻詞其襍

文題曰近集蓋以別於近詩然集非文之專名古

例具存分隸殊未允也近詩之末有楚書姪編校

且園集竣一首則兩編皆岱所自定其名且園者

近集中有且園記稱康熙丙午七月就隨州任

官有隙地宅而園之曰且園故以名其集云

紫峰集十四卷

〔清〕杜越撰

中國科學院圖書館藏清康熙刻本

附《四庫全書總目·紫峰集十

四卷》提要

紫峯集序

江村鹿先生之言曰吾不欲使  
人名我爲詩人也爲文人也今  
詩與文具在其一種生動之氣  
本人心所發足以上生百世下  
生百世卽當世所稱爲詩人文  
孫序

人無不辦香奉之曰此江村之  
詩之文卽所稱江村之人也杜  
子君異生江村里垂髫師事江  
村尊聞行知老而彌篤其所爲  
詩與文生氣粹盎俱自開路徑  
不欲傍人一語生平孝友淵穆

推法席上座余兄事江村卽弟  
畜杜子今且五十餘年筆床研  
席山岑水湄以迄子女姻婭莫  
不把臂相驩無間也甲申後余  
浮家而旅衰廢自甘杜子抑且  
息影授徒絕意仕進卽立言之

系序

二

業幾等雞肋然片言隻字爲同  
人珍護如明珠拱璧皆曰由杜  
子之詩之文如見杜子之人得  
非淵源有自歟魏蓮陸私淑江  
村因善杜子嘗索其稿欲公世  
門人楊湛子管公式輩爲錄其

詩若文十四卷名紫峯集紫峯  
別號故選部范橘洲所詒范元  
有志彙梓未果及是余嘉二三  
子相與有成因爲之序曰天地  
之大德曰生生生之謂易堯舜  
周孔心至今在總此生機此段

系序

三

生機充塞天地古今人人具足  
見於身爲事業發於言爲文章  
窮達隱見道無二致得其生機  
所謂充實而有光輝都是這個  
益被物我旁皇周浹皆生機也  
非人之所能爲也杜子藏修若

而年帳暖江臯化蒸樸穢披其  
宇者人慶得師非交鼓於生機  
而若是乎猶憶江特州堂有一  
聯云物待春生生春更待心無  
物人憑世轉轉世還憑代有人  
此可見先生可以見杜子矣衣

孫序

四

鉢相傳使人謂杜子非詩人而  
詩之足傳也如此非文人而文  
之足傳也如此春華秋實必有  
能辨之者余固不以詩若文爲  
杜子併爲天下後世嚆矢也蓮  
陸湛子公式渥人前後師余又

涿鹿陳國鎮督亢王介祺與余  
兩人交契最著實相印云

康熙癸丑修禊日金容孫奇逢  
啟泰氏撰時年九十寓蘇門



孫序

五



紫峯杜先生文集叙

圖書者天地之文章文章者人心之  
河洛圖書肖天心而出文章肖人心  
而出故言者衷之旗也秦漢而降文  
章名世者無慮數十百家大都其人  
足傳而其文始能不朽否則雖風雲  
月露膾炙一時識者謂其學之無本

崖

一

紫峯杜先生行修而名欲晦身隱而  
道彌彰英華所發著有詩文成帙頗  
因兵燹散佚令子孟南門人楊湛子  
管公式輩各檢存得若干卷容邑侯  
玉峯趙公與上谷蓮陸魏公倡舉梓  
行先生執不可湛子過京邸咨可否  
余曰昔金華陳君采種藥銀谷澗中

著書太霞洞研精殫思得明月珠於  
二千年後卒未得傳諸其人以老至  
今未嘗不嘆息有餘憾今先生其人  
其文俱足不朽又安可不與世共寶  
耶先生范陽名家爲鹿忠節高弟當  
忠節倡道江村四方從遊鱗集先生  
獨棒痕搥血之餘蚤窺堂奧學者謂

崖

二

如晦菴之有季通陽明之有緒山旣  
而忠節歿廼與容城孫徵君相爲師  
友洗心衡泌樂道簞瓢銖軒冕而塵  
富貴數十年嶮崎歷落嶷然如山北  
方學者多宗師之年來移絳新安身  
示模楷凡先儒糟粕陳言未嘗啾啾  
置齒牙間而觀摩者日以蒸然興起

至於取與不苟雖及門餽遺亦用磨  
勘律身精嚴古今罕媲時而浮舸洲  
渚寄嘯行吟月夕花朝浮白引滿則  
又有春風沂水幕天席地襟懷賢者  
之不可測如此故其所爲文章亦幽  
宕奇崛莫可端倪挖句攄字似左氏  
而無其浮夸選言徵理類宋人而無

集序

三

其板腐叙事比龍門而深醇正大過  
之騷情擬屈子而和聲亮節勝之蓋  
先生之文肖其人實根於心經史鎔  
鑄中有一片靈光拂拂紙上豈可與  
榮華其言者同日語哉先生素與家  
君爲金石交又復重以姻好蔚林固  
猶子行也每有咨詢輒蒙揭示教指

如言仁則曰天生人原只此盎然生  
意點點滴滴觸處淋漓言工夫則曰  
大段著力更不須緊緊則攬入知解  
於本性真痛真癢反無關涉以是知  
先生本體透露路徑分明而顧不欲  
爲語錄箋疏之繁者要亦陸象山六  
經註我我註六經之意是集也淵源

集序

四

有本積厚流光天人性命之蘊卽具  
於是後之學者能從行間字裏灼然  
見作者之心則昌黎衛道不止起衰  
靖節歸田原非寄傲先生之文之人  
庶幾哉風厲百世俎豆千秋也夫湛  
子歸併質余友和公李子當無河漢  
康熙十二年歲次癸丑菊月吉旦


賜進士出身中憲大夫奉

勅纂修

太宗皇帝實錄翰林院侍講學士

起居注日講官渥水眷晚生崔蔚林

頓首拜撰



崔序

五

紫峯集序

今之習博士家者類有集集遂塊然塞乎域中觀者增厭至欲得祖龍作用一番爲其繁哇亂大雅之音是疾憤之語也非過杜紫峯先生崛起燕南固聖人之徒而北學儒者之宗非文人才士之儔也乃亦以集著何居

趙序

一

曰否否孔子曰文王既沒文不在茲乎則文抑又何可少夫道以天爲至言稽於天則可訓人純於天則可傳人可傳斯言可訓是故言出而人誦之法之若夫詞人之詞其指洸洋幻化而靡有任著恒爲有適者所裁吾讀遷史見其宏肆俾詭率好奇而不

摭實子美與寄之什忠君愛國有足  
多者而揆諸往哲則當有間君子立  
言而垂不朽誠非易哉余宰金容仰  
止先生者舊矣先生之學由濂洛關  
閩以遡洙泗而不事著述不立門戶  
凡天下可愛可求漠然無動其中雖  
亢厲守高大異夫投淵洗耳者浩浩

趙序

二

乎若立萬仞而俯外荒獨超造物牢  
籠之外而寓言寄興於風烟水月之  
間是故以其自得之精意以發其未  
發之義蘊載道而典則焉以其中和  
之性情發而爲中和之咏歎優柔而  
溫厚焉編中奧典琅函鴻裁短什渾  
渾噩噩脫去一切榛梮其氣敦厚而

雍穆其骨法凌厲而沈雄辟之貞松  
古栢黛色龍鱗而離落間卉植失其  
斐壘溟海層淵勢且浴日月王百川  
而尺寸波瀾當之却其淪漪故其文  
逕門十匠萬有發洩吐露而猶若有  
餘卒不見有炫焉自賈作意上人之  
態而意趣翩翩在文之內又在文之

聲

三

外也蓋先生先實後名用本達末無  
取雕琢名理躍如讀者爽然自失謂  
非稽於天純於天不能先生不過爲  
應酬之具游藝之餘而已故求先生  
之詩文者當求先生之遺則大而出  
處醇酢小而語默動靜顯而孝弟忠  
信微而性命天人亦槩乎可考而知



矣茲集先生門人楊湛子管公式輩  
鳩糝糶精摩詳訂孫徵君崔太史  
兩先生爲序而傳之豈不焜燿一時  
而烏奕千載哉梓成蓮陸公謂余不  
可無一言遂忘其區霽輒以宿所班  
窺先生者聊弁數語用紀歲月云爾  
皆

聲序

四

康熙十三年甲寅上元河陽趙士麟  
題於容城之敬一堂



跋

余生也晚不獲事江村先生因得先  
生之高弟杜君紫峯者而納交焉其  
言行楷模當世無兩余心師者蓋三  
十餘年矣且積學以來灼見天人性  
命之微直以江村一燈遠紹濂洛關  
閩之緒杜門教授實踐躬行無意爲

跋

一

詩文卽偶爾爲之率皆典重閎深發  
抒道義不屑一字拾人餘慧余讀而  
愛之暇與其門弟子楊湛子管公式  
輩私錄成帙寶之密笥欲行世而未  
能也癸丑夏聞金容邑侯玉峯趙公  
景慕紫峯造渥水之廬結塵外契余  
曰千秋風雅非得千秋自命之人不

能爲玉峯公奇材潔守篤志聖學與  
紫峯爲友杜集之刻舍斯人其誰任  
歟爰走鱗鴻於鄴蕃介蕃面致同人  
意而公果欣然付諸剞劂渥水人士  
更同心協力共襄厥成行見此集與  
歲寒集並重海內矣孫徵君先生序  
曰杜子生平孝友淵穆推法席上座

跋

二

余兄事江村卽弟畜杜子五十餘年  
筆床研席山岑水湄以迄子女姻婭  
莫不把臂相驩無間也洵稱實錄云  
康熙癸丑冬上谷眷社弟魏一鰲謹

跋



校閱姓氏

孔心學 養遠

邱柱 遇淵

郭衛明 扶陽

仇胤楨 安侯

高鏞 薦馨

王化 雨若

孫奏雅 君協

劉世勲 蓋侯

王之徵 五修

杜國柱 元臣

管嗣仲 斗瞻

韓養純 存之

馬爾楹 構斯

杜開先 爾發

劉統 公理

仇胤牙 慕孺

紫峯集

姓氏

田迺畝 治挺

王朴 純甫

王延褒 譽之

杜國楨 世臣

李龍光 介蕃

仇睿孩 智生

孫博雅 君僑

田寅 爾防

劉惟縈 子源

李德培 大生

田生蕙 慶徵

田實

楊爾嘉 享子

劉成章 斐子

朱昭 自明

劉邁

程九一 在田

何可琴

紫峯集目錄

詩卷一

茅止翁夢偕余謁鄒南阜講席有詩次韻

周忠介遺詩奉常師久失稿以友人記憶得全

步師韻

冬夜讀子敬詩集次韻

秋懷步鹿先生韻

秋懷簡鹿石卿

步鹿先生東園韻

紫峯集

目錄

二

送王中詔師之南儀部

同楊運清讀書寶禪寺

丁丑秋日客雲道上

省鵬翁祖密雲學會

輓劉善同先生

霍雙泉讓楊啟泰徵君此翁從未畜室

亭吾舅竹園館諸友

與許佑之

次韻訓啟泰先生

次韻訓止生見別

飲顯又園亭

贈陳國鎮次韻

友人王鼎又配李殉夫事甚烈詩以輓之

國鎮過訪

贈耿近我

庚辰臘九夜困臥國鎮寸楮見招述二絕

賈正卿歸里醉臥不及握別二詩誌恨

寒夜有述

紫峯集

目錄

三

是經被盜服物如掃徵君解衣爲贈踵韻

近我宅觀梅

陪王生洲刺史孫啟運啟泰兩徵君遊黃金臺

同張郭耿鹿諸子

國鎮釋繼母服

靜觀惠秋菜

壽曹古遺明府

書賈正卿卷

壬午新正孫啟運先生聚飲百婁賦贈

崔貞甫齋署風月平分爲奉常師蹟次韻

贈涑水張明府考績

壽陳母

又代

重陽後連過靜觀兄弟索飲同國鎮夢周家叔

開美賦得七陽

十四日却承諸君冒雨過看菊花仍前韻

謝金章以尊君蕭寺遺題索同人和

輓高陽相國

紫峯集

目錄

四

西山送別範彭父子

正卿廬墓卷久缺附名值官安慶題此當驪歌

云爾

開美叔歸自淮

寄懷王五修

贈某上人

代贈吳藩之提學山東

題仇異渥尊人雙壽卷

丁亥冬夜卽事

訓介藩佑之構思克生見訊

王裴二子偶談韻語示此

贈魏金城司訓新安

送鄔孟嘉扶艱還楚

訓王升虞蘇和肩孝廉

雙峯哭思皇先生六絕

弔李北海首陽令殉難

詩卷二

安肅令君秦蓮谷夜談

紫峯集

目錄

五

臘月二十六日見蠹魚

寄題五列泉

題五列泉再寄公儀

輓孫啟運先生

備九過訪不值詒豚兒有作

口號簡劉會一

劉耆定途次值友人喪經紀備至詩以送之友

爲同年黃君俱武昌人

寄懷王申之



弔范烈女

又代高丹翹

懷孫啟泰徵君陳國鎮逸士

輓李鄴若

東臧子勣

故尚寶孫君魯念高陽公第五子刻有廿一君

詠猥及不佞不佞實未抗顏卿大夫間也事

餘三十年感而追賦

鄉人送柴

紫峯集

目錄

六

讀書東林禪院

示讀書諸子

爲先姑蔡母輓章

夏杪過丹翹幹汝及兒郊文社

秋日過君建君孚

重陽前一夜觀諸子文會

褐公任子閉戶僧舍示此

丙申秋偶恙重陽次日栽菊

贈孔公敕

邑尉宋右文轉台州司獄

門人李仲生司李廉州

過劉河間祠

張還伯陳國鎮見過

韋君錫赴書記乞言

壽耿繩我

高林寺莫庵居平兩上人閱藏

申之奉母喪同本生雙樞還厝信左未及會賦

此併志媿慰

紫峯集

目錄

七

宿覺明禪房

近體二章爲刁母壽

入渥水卽事

卜居仇雪廬孖子舍側三絕

壽魏母

題五修壁

壬寅初秋披徵君扇頭詩感而屬和

五修齋頭菊葉花覆之芟除始見

湛子招飲

送靜觀之任安邑

題覺明覺山

管公式以戲劇喧囂邀止其舍

對雪

高躋雲致襄陽政怡懷詩酒爲賦

目青十餘年山右胡玉臺以針法立谿

表弟宋御李歲寒居

孫徵君八十壽言

又代祝

紫峯集

目錄

八

贈彭九如

壽王惠廸

璿園招飲

贈巡司張功夫

詩卷三

湛子公式蓋候上已招遊別墅

贈仇文軒

壽王母

謁徵君自蘇門旋里

壽王葵英先生

高薦馨過訪有述

讀放翁自覺軒詩

徵君赴戴司農請賦寄

甲辰九日集薛瑞符城南小館

徵君百鶴圖

贈高浴五

河橋別況爲徵君先生

孫君喬同賢從靜子理蘇門裝

紫峯集

目錄

九

隨徵君過金容柴丈招飲

割股劉孝子

次十卿韻贈沈垣之

高蓋臣招賞城東蓮湖

送孫徵君再客蘇門

送李升如南行過拜徵君輝縣

自渥水訪申之高陽里塾

題事親日長卷

孫崑淵過訪垂示諸公贈言題卷尾

壽崔夏章太史代

又代玉宸

雨勢沉灶又如旄粟何門人管公式餽炒麵一

甕孫息輩掬食殊樂

又代題孫崑淵卷

乙巳七月既望周磐如招遊南溪踵坡公壬戌

例劉成叔孝子盤餐至

公式送菊

和鸞表侄見過

紫峯集

目錄

過傲雪亭

在田程子百里顧我渥水上

楊志祖見詒先忠愍手蹟感賦

乙巳赴弔箕生墓

七月十九日真武廟訪管濟美時旋自中之講

席

承翁崔丈令白水偶檢吾家工部與白水崔明

府詩嘆古今爵邑姓氏之奇如此因寄懷次

公官吏局又非昔賢可髣髴矣末語酒徒自

況云

簡入聞諸友

簡韓起文

對雪簡崔夏章

丁未清明前公理過渥水問序

送崔夏章歸省南郡

斗瞻丈壁懸涑水家訓莊睹却贈

丁未菊節送湛子赴崔太史長垣約併東

寄懷瑞卿表弟

紫峯集

目錄

壽崔承一明府

冬夜觀公式繙史

和介菴父子梅花詩

題公式壁

渥水詒劉公理

輓魏母楊太宜人

十卿翁兄家世忠孝徒步赴弔先壠十年卿哉

今值化鶴彌愴儀鴻一詩告几筵白雲莽互

兄或聞聲而至耶

弔十卿回途次風雨聊紀

送張令君

郭生翔甫從仲兄德符百里謁余渥水上乞字

贈古風一篇

傷白君如白

詩卷四

題曹氏節孝卷

又代

仇子惕如讀書公式齋請質聲律示此

紫峯集

目錄

三

題公式齋畫竹

劉敬徵招看白芍藥

公教旋自山右結社龍王廟

集和公齋有述

徵君寓蘇門廿載壽開八十有七子姓彬彬曾

孫復自家園抱子往叩

金節婦

代贈新安吳令君

贈李寅清公子

又

庚戌九月二日承諸君邀遊湖上

弔許太始

新安寓十字路口學子之從遊賢士大夫之枉

施枝寮不啻頗用自廣今歲辛亥春移寓意

猶戀戀則諸君子屐齒可數也

管泗音新宅看菊戲簡

藍田遺詩爲乾行悼

雪後看梅勸五東齋

紫峯集

目錄

三

代祝某尚書太夫人

和鸞表侄見餉

輓楊崑翹先生

辛若退餽醪炭

輓杜光門先生

劉敬徵孝廉

送高繩武鎮威寧

家園蕩後寓渥十二年復醪酒

丁香花下送雨若之河南



幼祥殊丈官晉風流契濶小詠代晤

範彭約拜掃先師墓感賦

并酌亡友石卿解元

壬子端午蘭亭太學玉堦太史招游湖上

戲簡和公

壬子重陽前一日訪範彭社丈盆菊適栽笑云

爲僕設也其然豈其然

悼高浴五

題畫竹

紫峯集

目錄

西

送夏章太史還朝

訓趙玉峰使君三十韻

陳敬齋使君枉駕旋以事別殊黯黯也藏酒聊

致鄙悃

趙使君餽酒分餉玉宸子器佐一蕉飲壬子立

春日

壽玉峰趙令君

題表侄宋聲有母節卷

壽陳敬齋明府

和公植竹

國鎮以先人墓石役見過詒此

贈寂如上人

贈梁平和

慶徵諸友邀賞湖蓮

九日和公邀集奎星閣

壽李母

寄常中孚

所見

紫峯集

目錄

五

夏日觀小婢啜糜

序卷五

歲寒集序

嚶鳴譜序

兩先生殉難紀序

抄三歸草序

敬一錄序

張蘇伯邑侯膺薦

王培之捷武制科

孔氏二難序

贈表弟宋公遠秀才

常赤生舉秀才序

詒靜甫序

仇子惕孺入學序

楊湛子捷畿閣序

李叔子止公立嗣序

王葵英先生壽詩序

徵君鍾元孫先生八十序

紫峯集

目錄

去

玉峯趙使君壽序

宋母董孺人七十序

管母梁太夫人九十序

記卷六

飲竹園記

高尙先生祠記

書先師鹿公碑陰

舊州藥王廟碑記

傳卷七

方新王公傳

潤所劉公父子孝義傳

杜季子君武小傳

楊母劉太孺人節孝傳

節孝婦王母傳

狀卷八

舉人楊公朝陽暨配張孺人行狀

中憲大夫贊治尹太常寺少卿管光祿寺寺丞

事贈大理寺卿謚

先師鹿公行畧

紫峯集

目錄

去

先妣宋孺人行狀

誌卷九

山東東昌府武城縣知縣思皇孫公墓誌銘

逸士胤繩李君墓誌銘

江西臨江府推官李公愷蕃暨配孺人陰王氏墓

誌銘

旌孝冠帶生員體吾辛公暨配孺人墓誌銘

清處士岐祥劉公暨配杜孺人墓誌銘

清誥封懷遠將軍范彭陳公暨配贈淑人李氏

封淑人頓氏墓誌銘

孫母許孺人墓誌銘

魏母楊太宜人墓誌銘

周母石孺人墓誌銘

李母張孺人墓誌銘

祭文卷十

祭外祖鳳梧公

爲三弟君穎首七祭文

祭鹿仁卿

紫峯集

目錄

太

祭鹿仁卿

祭鹿太公

祭左浮丘中丞

祭王鼎又夫婦

祭范箕生

祭亡女文

服闋告母文

祭孫孺人鹿嫂文

祭管母梁太君

跋卷十一

跋文待詔歸得園詩蹟

筵聲起柳卷

楊忠愍手字

楊忠愍墓誌帖

跋三賢手蹟

跋羅文恭墨蹟

趙忠毅尺牘跋

跋徵君格言卷

紫峯集

目錄

完

跋書譜序

跋崇我先生傳

跋書如夢令詞

跋書呂居仁滿江紅詞

跋徵君書卷

跋橘洲見詒詩卷

李氏先德錄

跋徵君絹書詩後

東坡集陶詩帖

高浴五持絹索題

詒李和公詩跋

寒梅帖跋

書三逕平分卷

雜錄卷十二

請部覆卹典呈

代請給奉祀呈

代公舉節孝

田文星像贊

紫峯集

目錄

千

伏魔帝君合建任持僧舍疏

龍王廟募緣小引

筆記

書卷十三

與茅止生求叙先訓

上錢牧齋

答陳中園金吾

答范箕生

答茅止生總戎

寄王中詵師

寄孫思皇

與陳國鎮

答王生洲刺史

上孫徵君先生

與喬文明學博

再復喬文明

寄孫徵君

與張公儀孝廉

紫峯集

目錄

三

與徵君先生

答王五修

與鹿靜觀

與李仲生司理

與張公儀

答范箕生銓部

寄王申之

再寄

與張還伯



與高蓋臣

與孫徵君

與范箕生

答孫徵君

與王申之

與王譽之

與王申之

與孫徵君

與張還伯

紫峯集

目錄

三

與王申之

與李璞玉

與曲周王

寄孫徵君

與孫君協

答耿葆汝

與范公燹

答孫君協

書卷十四

答崔夏章太史

與楊湛子

答李肖乾先生

與田友蘭

與崔誠一明府

答崔夏章

與孫徵君

與高蓋臣

再答高蓋臣

紫峯集

目錄

三

答魏蓮陸刺史

與張十卿

復張明府

與鹿弘納

答孔公翔

答高浴五

與楊湛子

答孫徵君

答魏蓮陸

與孫徵君

與王申之

寄孫徵君

答魏蓮陸

答崔夏章

上趙玉峰明府

與楊蕃生

寄崔誠一明府

與孔公毅

紫峯集

目錄

三

與崔夏章

復趙玉峰明府

答孫梁李三孝廉

上趙明府

答李寅清

答崔夏章

啓玉峰使君

與管公式

又

又

與楊湛子

高浴五餽茶

與辛祇傳

答李和公

簡楊湛子李和公

示子

紫峯集

目錄

三

紫峯集卷之一

范陽杜越君異父著

後學田存芝友蘭全訂

男

郊孟南

詩

茅止翁夢偕余謁鄒南臯講席有詒次韻

所貴寰中交神骨兼識趣不惜砭髓肌與義通爲樹  
放眼碧翁外悠悠堪入慮茅君千載人南北欣茲遇  
雄文共我披曠懷復共語乍識無疆顏談深翻若素

紫峯集

卷之一

一

挑燈膝愈促渾忘月黑路夢境更清絕剝啄獻新句  
讀之快且愕前微開日暮緬維西江派心折未得御  
選者如可作弱骨寧無忤憑誰道緣勝恍厠戶外屢  
警衆聲所歸洪鐘方在錄又如千仞翔萬喙刷毛羽  
遽遽詎化蝶顧余慚得免敢不撫遺編呼寐而使寤  
因悲七尺軀幾堪殉詆譽哲愚狂吠裏口舌權已去  
舊事竟云何於君訟仍聚胸蟠武庫奇豈真莫我辨  
勺水矜漱澗大河潯奔赴餘潤饒霑渥奚論千沮洳  
其奈褊腸兒恨不成泥淤搔首古賢豪世局等戲劇

信臆聊自如神理終足據秋空碧四圍一望雨花處

周忠介遺詩奉常師久失稿以友人記憶得全

步師韻

芳烈誰憑汗簡尋淋漓遺韻倍長吟湮沉未借名山  
色呵護偏深往匠心念載銀鈎憐水乳千秋鐵膽見  
人琴清霜漫擬騷壇興生氣繇來字比金

冬夜讀子敬詩集次韻

年來爛熳場渴驥奔泉快及緇古人書鬚眉儼欲拜  
頤頤前致詞感媿汗交滋豈不欽遠路而未醫相思

紫峯集

卷之一

二

千里起跬步鞭影詎我給口前足不前大道誰見私  
但得脚跟健奚論根氣卑云胡甘畏縮且駕言守雌  
百事百相讓我竟獨何爲燈暈霜華白凜凜難自持  
編中忠孝人交臂還如疑清風薄兩腋弱骨敢辭鉗  
掩卷狂歌發去去有所之

秋懷步鹿先生韻

斗室湛晴昊僊濤擁八月颶爽何爾爾一逞奇峯設  
每媿齷齪兒識眇趣詎別吾黨况皈依所凜鴻爐雪  
好語遡建安聖賢必豪傑大約具鬚眉肯令肉勝骨

秋肅意味長名理偏存舌寒颺激清泓脾腎冰兼鐵  
秋懷簡鹿石卿

漫憑悲喜寄精魂取次霜籬闌冷繁賴爾雙眸空碧  
漢儘余七尺付清樽

二

歷落非關對酒卮浩歌時共白雲遲閒來却診吟脾  
健消得清秋楚客詞

步鹿先生東園詩韻

幽林語鳥何關關逸興長板桂樹間蔭過畦分陳仲

紫峯集

卷之一

三

水翠添窓入郭熙山丹餘度世寧耽靜綠欲依堂幾

易閒芝草垂垂光漢代東園移况可開顏先生自况東園公

送王中詔師之南儀部

清陰尚憶接官亭早歲科名御且冷曉帳攤砂丹入

絳春條結綬紫含青南車風節從惟月增煥一時蹟致卿貳公獨

南北斗文章自列星却妒雨花閒畫省鶯啼吏散幾

談經

同楊運漕讀書寶禪寺

未嫻栖白社聊復寄清談牛耳誰當握驪珠定許探

疎煙低晚砌輕梵颺朝龕奇字拈來幾孰如此地參  
丁丑秋日客雲道上客歲有季弟君武喪

省騰翁祖密雲學舍

臯橫窓翠合筠管闌霜溥艷藉燈翻葢紋看水疊瀾  
派原工部癖瓊倍廣文寒怪底開城色塵囂百不干

輓劉善同先生

真長風流入夢遲幾于滄海問支離時名未慰東山

紫峯集

卷之一

四

切物望還從北斗疑客賦憂民刪鶴伴帙翻經世竄

烏棲却啣國士酸風急高倚龍門片月西

霍雙泉讓榻啟泰徵君此翁從未畜室亦一奇

也

幽居底與長石瀨薦琳瑯煉藥宜煙逕談空昵小窓

榻懸偏過穉累絕倍疑龐頗怪南陽棹僊源路未茫

亭吾舅以竹園館諸友

蕭蕭一逕此風清有客琴樽間鶴笙園爲昔人煉藥處晉刻

繇來標艷絕竹林地主却遺名



二

說到買山囊也韻山盟愁却爲錢集何如與雨拖煙  
興一醉竹根攪翠湍

三

閱盡榮枯澗石潺半軒清夢小游僊底須剝啄通名  
紙一笑呼童爨竹煙

四

爐擁深談片片霜煮苓剝笋儘家常江山風月阿誰

主

孫徵君率  
諸友下惟

爭怪伊人築雪堂

紫峯集

卷之一

五

與許佑之

文章看巨手燕許定誰先以爾參嵇鶴慚余競祖鞭  
句挾籀雨澁典踞石流偏暇底紛多態值堪倚嘯前  
次韻訓啟泰先生見詒

七尺幾堪掉臂行把酒叩天天不鳴閒來著眼荒煙  
草底信羊腸逕未平法雨江濤垂四十我也忝稱屨  
曾及男兒要自縷心血歧余肯博觀場立悲喜牽隨  
到處同浪解凌空御曉風人生墮地雙睛在那道窮  
愁書始工擅場况復前輩好携手潏澗未倒君不

見康齋白沙百世師寧須遺詫中書考

次韻訓止生見別

崎嶇歲云暮奇策誰見收眉軒絕代姿邈矣更安求  
舉世楊朱學鴻冥弋且休慙慙則慙轍環那復留  
清冷易焦熱此誼諒罕儔

飲顯又園亭賦寄

袖擲買山錢園開逕自穿孤懷儂偶寄逸興爾何偏  
林廡頻來月亭空易問天溪舟無限好擬結酒鑪煙

二

紫峯集

卷之一

六

霧堞隱棲鴉幽人淡不譁輞川仍有句桃岸沒驚槎  
矯首雲煙合間踪水竹奢嬌春容易艷次第待題葩  
贈陳國鎮次韻

欲倩高峯寫夏雲人寰歷落恰逢君業航汲冢歸花

管帳絀扶風剪妓裙韻未通身誰許瘦俗嫌經眼倍

辭輩

時輩

江天好值三春艷樽酒疎窓憶論文

友人王鼎又配李殉夫事甚烈詩以輓之

白日忽西匿悲颺慘不泄書擲湘東淚威明風韻絕  
婦也心如石石可解同穴滴血亦何須攜手魂在闌

稚兒扶雙轉忍增地下燉冰窟寸心凌那復爲兒熱  
塵拂鬼案無燕縷徒傳咽疊疊墨綸鮮千秋臣子轍

國鎮過訪

雲寒菊淡擁孤村何處幽踪薦冷繁馬足甘肥羞問  
相牛衣涕淚尚堪存餌分稚子偏嬉客齋久荒厨解  
避燔陳時奉繼母諱獨媿德公桑下語清詠長嘯對柴門

耿近我捷武制科

鞭弭中原雷雨轟念年老我舊書程祇今誰識封侯  
骨猶向文場訊耿生

紫峯集

卷之一

七

二

臚傳策武聖心奇挈得蜚弧下玉墀兵甲氣占銀漢  
裏而今恰值傅修期

三

佐酒兵書夜色攤邊籌歷落上眉端燉煌制府威名  
藉尊兄育我阿弟先聲又築壇開府西邊

庚辰臘九夜困臥國鎮寸楮見招不覺披衣起

赴述二絕

道人諸事久無心底用中霄手玉鐔剛繞疎籬清夢

杳獨從寸檄憶阿琳

二

俠腸而我自支離未到分襟已刻期躍馬聞鷄真浪  
語祇看跋燭走蛟螭

賈正卿歸里醉臥不及握別二詩志恨

幾日愁添問別筵更堪雪色送遙天可因隣釀能縛  
客自懊床頭吏部眠

二

元擬幼安能痛飲千秋誰分說河梁總緣僵雪耽高

紫峯集

卷之一

八

臥肯爲伊人故態狂

寒夜有述

三日無酒腸欲枯囊錢盈握不盈壺况復連朝雪滿  
途強將僵舌學伊吾被單差勝牛衣茸炊煙日暮猶  
浮隴無雪憂荒雪添凍那堪千里流人累累與饑鳥  
野犬爭怯勇囑婦休與爨力疲烘讀殘火爲兒種

是經被盜服物如掃徵君解衣爲贈踵韻

萬事當頭骨自支肯將牢落付顰眉未應餓膽餘涕  
淚無那綈袍心醉時

近我宅觀梅同啟泰徵君廣我緘我是經友梧  
諸文學

王人不解探絲肉乞得梅花香滿屋疎影無煩野岸  
扶素肌照眼浮清漉座上都涵冰雪姿攬梅三嗅問  
襟期各從塵外看標格肯愛繁英綴古枝典刑先輩  
寒復泚爲花惜美刪殘滓乃重瀝酒而告曰軒冕泥  
塗浮華逝水歲寒有約今焉比松已錫稱大夫竹差  
保其君子梅兮梅兮緊誰好事頗負爾明月妖魂可  
輕擬

紫峯集

卷之一

九

陪王生洲刺史孫啟運啟泰兩徵君游黃金臺

同張郭耿鹿諸子

曲磴幽踪疎林薛石籠悲風來市駿斜日寂龕龍  
客牖偏燕趙杯雄黜邯鄲行行瞻眺再歸逕暮煙重  
國鎮釋繼母服

禮教等波翻眇矣建安幟何年離哺兒蘆寒未增悻  
淡淡已逾禪飲茹寧辭頰泉夜而有知或隕生慈淚  
大抵至心人學古渴如驥譬花樹根深葉葉皆真意  
凡母觸酸辛况此忍自異椿庭朝眠熟悅腸不用裁

靜觀惠秋菜

釀黍烹鮮飽肉肌伊人隔水但吾伊晴窓媿我涪江  
老恰對長江晚泊詩

壽曹古遺明府時辛巳菊月廿九日

治理如理絲須先去其亂况迺智勇沉剗割寧踰肝  
念茲屯王澤盜踵爲難當其意睚眦踴躍失昏旦  
於今白刃場煙林畫畦岸驕胥懷夏水文院霞初爛  
公殊深靜理鑪篆妙潛玩手畚築敵臺要害除握筭  
屹矣峙金湯慚余侍條貫譬則神明盛百節歸流灌  
紫峯集

卷之一

十

嶽降臨陽月泰運覘天漢何以効華祝萬花明夕爨

書賈正卿卷 賈六年廬墓

日月驚丸跳松楸愀併深溪山偏映骨天地得無心  
卷裏秋煙廠原頭暮雨侵阿咸噴滅性餘毀怯遺襟  
猶子程言踵  
事竟殞廬居

壬午新正孫啟運先生聚飲百婁賦贈

花燈遊騎隘一室獨天和寒峭依衾薄春晴傍席多  
齒根來澗壑朋輩厭笙歌爽氣侵眉倍新知壓巨魔  
歲前先生生作客遇盜盜  
習先生名德指揮去

崔貞甫齋署風月平分爲奉常師蹟次韻

識取昔賢意幽踪未可涯人寰幾鍊骨題額擬梅花  
籬落添風色樽壘入月華怪來雲岫滿容膝易爲家  
解淇縣令歸

贈涑水張明府考績 張蜀人

問政豪三輔歌偏麥浪間煙深眠鶴穩嵐重佩魚閒  
擊楫遺風入隨琴雅蹟嫺龍章輝玉輦萊舞可勝斑

二

畿輔炊煙幾山城樂可支新硎歸發办孤繭任含絲

紫峯集

卷之一

七

憂國疑眉重趨庭提耳奇璽書訝藉甚征調廟廊咨

壽陳母 國鎮祖母

立孤丈夫難况折孀幃骨織影傍書聲太丘誦先閼

磊砢兩象賢忍滋地下憫瞥眼蔚諸龍奕世蔭清樾

子若孫以中表師奉  
常以年誼依飲君

文章道義兼壽母鄙床笏慰久

未忘輦世載驚電揭如母範鹿門所慘摧梁粹宮錦

佇紆紅霜心明白髮

又代

依稀彤史貌儀容恰值西池僊籟重誕過小春霜自

迴門經喬木蔭偏濃鬢依纖影驚來鶴膝擁孫枝業  
作龍回首家聲真如母堂前徽蹟再堪宗

重陽後連過靜觀兄弟索飲同國鎮夢周嗣美  
家叔開美賦得七陽

朋好驚新况菊寒憶舊香幽欄添歷落滴醉喚顛狂  
我自娉婷晚君誰駉裏忙夜闌側帽熟端只戀重陽  
十四日却承諸君冒雨過看菊花仍前韻

未起高齋臥籬殘片片香雨聲遲取媚花態嬾疑狂  
雅座窺人淡荒厨貰釀忙村隣渾未解訝不待朝陽

紫峯集

卷之一

三

謝金章以尊君蕭寺遺題索同人和孫徵君有  
作并委不佞得二絕

潦雨橫霜歷幾灣碧紗無事衲僧扳大都籠栢依篁  
意譜到伊莪未可刪

二

欲得琳瑯帶痛分徵君敲句不辭筋迸來世載同心

淚暮雨原頭釐斷文

徵君刻有  
永思錄

輓高陽相國

世氛方爾爾誰爲厭三台軍國瞻魚鑰功名絕鴈媒



金牌心血劇火炬目光猜尚憶平津讌咄嗟大宿摧  
西山送別範彭父子

二  
日月烽煙過鶯花興不闌如何溪柳畔遮莫舉頭難

取次星光結風流說太丘西豪應識別山淡亦橫秋  
正卿廬墓卷久缺附名值官安慶題此當驪歌  
云爾

世載高堂夢裏真秋煙遺築迴風塵誰憐清白承先  
意聊倚孤蓬泗水春

紫峯集

卷之一

七

二

白髮青衫百不干龍池剛道一彈冠不因化碧堪憑  
弔縱是蓮花幕亦寒

郡忠臣左光斗國士遇君

開美叔歸自淮

尚自驚徙倚歸程入夢紆關河憑驗慘骨肉冥躊躇  
村巷喧相問長淮影欲虛沾襟堪絮語花砌別如初

寄懷王五修

憶取佳公子蕭蕭擁敝襦蘭馨爾汝外蓮捧斗山殊  
師啟泰雨過城陰合香翻渚荇扶清霜欣得句移艇

覓菰蘆

贈某上人

自著袈衣飯一卮却容陶令不攢眉等閒識取蓮花  
淨道俗疑團片月規

二

布金還憶祇園隈錢穀何妨妙相開峰靜煙塵清萬  
竈皈心何必獨經臺

三

負笈江門四十年依稀仙梵晚燈閒諸緣未共寒煙

紫峯集

卷之一

古

徽恰向支公更買山

代贈吳藩之提學山東

代者爲同年

雲霄看一羽大雅漫嶸嶠蘿寄千尋直松蟠萬壑規  
齊風迎攬轡岱色入褰帷門下誰年少西京治行垂

二

風雲來擁傳何似在瀛洲俎豆皇猷重矛鋌荏浦收  
聲名光北闕詩筆動南樓還憶牛衣淚十年同澤游

題仇異渥尊人雙壽卷

風颺獵獵海波飛爭道渥渥有鈞磯樓臺蜃氣是耶

非嬾將幽夢破煙扉大燾高牙紛笑兀底事承顏雙  
白髮門依籬逕俯城陰紡車聲裏微譔發雙白婆娑  
凌絳霄問翁甲子首頻搔孺人且理鰕魚膾兒多佳  
客但相邀父醉兒扶季讀仲稼伯也聊爲鼓枻游蛟  
珠海鮮不充竿善養祿養古誰傳谿深雞黍撫高賢  
午窓欹枕誦說集許意迢然琳瑯却憶徵君篇

丁亥冬夜卽事

未醒蕉夢雪盈髭生事依稀劒閣宜自課黑甜軟飽  
外篝燈阿驥點吾吟

紫峯集

卷之一

五

訓介蕃佑之構思克生見訊

瑤篇驚墜席夜色傍誰明星奏中霄迴雲停小逕平  
蟬螯狂自許龍尾目難成遲得霜籬合聯鑣欲定盟

王裴二子偶談韻語示此

寸管誰傳刪後妍瀾從大海駕風偏騷壇一夕開真  
派對爾恰疑在輞川

贈魏金城司訓新安

撫寧人

曾憶前徽法塵楊叔祖騰江通家文舉刺生光扶風  
派衍江城合碣石談深塞漏長俸薄不辭魚市費客

盈時泛蟻紋香道隣怪得先祠畔千古風流踞大牀  
徵君節鄉賢祠特葬君

送鄔孟嘉扶艱還楚

有引

孟嘉父孝徵先生卒於新安學舍容城孫啟  
泰徵君與先生交貽書門人楚學使王天錫  
津訪孟嘉來迎轡且倡同人爲詩送之杜子  
聞而肅然友誼子職是足裨觀風矣附二絕  
句

滿目冰霜楚澤聯歸程淚血可勝掣蕭條旅觀衝煙

紫峯集

卷之一

六

出棲斷燕雲捲舊理

二

憲府啣書覓孝廉關河歲月可重拈故人不味翟公  
語聚首孤兒夢枉占

訓王升虞蘇和肩孝廉

兩君閩人

相對羈愁莫如年杏花風雨更重牽惠州飯好宜坡  
老荆土樓高見仲宣味到譜蘭真欲舞興同移棹詎  
徒還劒看閩水燕山合嶽立千秋可不偏

雙峯哭思皇先生六絕

郵筒遑遑把新詩肝膽偏從夢裏知  
髣髴磨崖高咏處雪田鶴影度何遲

二

東魯猶聞解綬香柴桑而後更誰雙  
負薪有子光前冊怪得郎官月一囊

三

聲高夫子說弘農衣袖飄然杖瘦筇  
莫道肩頭行李薄詩題強半重人龍

四

紫峯集

卷之一

七

艱危匱橐幾遊燕忠孝鍾來骨自偏  
乙丙英魂應憶

否恰將魚腹等牛眠

公赴左魏周難  
幾漂沒蘆溝

五

兄弟依依孝友堂鴈疎秋影句千行  
欣從避地溫姜被分痛不知靈一床

六

俊骨千霄彩未收似聞清嘯誌千秋  
不應禿頰風塵色琬琰爭光白玉樓

弔李北海首陽令殉難

喬木勲名氣絕塵論文棟蓼闢嶙峋  
祇今孤宦凌霜色曾負霜燈看劍頻

二

風塵挾策御河秋牢落誰憐共敝裘  
自向邊城凋蕙色錯將文字較先籌

三

本色歌酣愛說燕英魂風雨颯經年  
不因金管橘仙

字

君嗣持箕  
生字乞言

爭識睢陽鸕血鮮

紫峯集

卷之一

大

紫峯集卷之二

耿 極葆汝

范陽杜越君異父著 後學鹿善平挈侯全訂

姪 郭仲馨

詩

安肅令君秦連谷夜談

酒貫新豐滯歲華征衫蹙蹙更塵沙無端雲雨從他  
作爭得風高五柳斜

二

紫峯集

卷之二

一

燈殘霜暈惜孤妍遮莫明河尚在天話到海田盃影  
澗不殊同泛玉難違

臘月二十六日見蠶魚

歲序驚心恰負陽依微蟄影覓芸憲兒童出館喧殘  
刺爭似貪食僊字香

寄題五烈泉 有引

寧晉有井在泮池成實城陷張孝廉公儀母  
夫人李同諸婦死焉一門五烈按志井舊名  
第一泉邑侯謝易以五香顧又易名五烈蓋

鄭重之義見於詞矣從來地不足爲人重而

以人重自是仁人義士有懷弔古不爲天壤

添一佳名目耶讀孝廉狀悚焉賦三絕

金井梧桐秋色妍嶙峋題石更流連不緣歷劫排雲

氣爭得推敲五烈泉

二

不分湘流水怒潺臣忠婦節總難刪碑書下馬休耽  
讀恐有羞顏夜度慳

三

紫峯集

卷之二

二

兩城方隔一年事千里爭標五字香 吾邑范選部配  
馬橋婦女投井  
海內有五方咏  
是爲丙子事 珍重乞言餘墨苦孝廉船覓遍橫塘

題五烈泉再寄公儀

嚶鳴亦何求雨雪命僮僕入門未及言手片紙還沐

罔極慟可宣霜氣颯盈幅城危嗟何急姑婦走兼祝

婦以老慰姑姑領暫相鬻環跽一號訣諸婦死仍逐

予何忍若儕但恐義不肅井梧寒泮壁五烈碑石蠹

當其天日昏呱泣婦各束縗絕心骨沸適重終天酷

朝旭耀前徽乞言幾匍起顧所報遺體大節况在目



吾邑殉奉常恩綽輝泉陸冢孫雖泥塗同君薦鳴鹿  
乃至小弱弟童儒裂試牘至性本天常而白虹繞屋  
憶昨凌雨雪心喪撒醪肉非君義騫騰有臆誰容暴  
千秋王偉元遺傳百回讀

輓孫啟運先生

昔微在楊便招魂父事還看幾尚存軟飽春秋開碧

爽壯遊河洛得詞源

先生有南遊草

金揮魯仲誰排難被引

姜肱未輟暄回首蕭蕭先壠在遺廬恰自對崑崙

二

紫峯集

卷之二

三

月旦千秋墨不乾龍門爭似鹿門看

先生與奉常家交最深

啼風雨松楸黠鴈序星霜蘊藻寒魯殿趨跼吾道是

先生游孔林

軻山泣笑酒人驢

兩次率家避難西山

布衣記取誰雄

世未砥高牙大煮瀾

備九過訪不值詒豚兒有作

輕舸不輟美人思來往風流謂在茲恠捉玻璃浮夜

色却將鳳字易新詩

二

溪雨溪煙漲遠村似聞朝爽啟蓬根兒癡未辨拈家

果解渴差堪覓水源

口占簡劉會一

解缸香滿醅浮花恰是伯倫處士家欲怪酒徒饒底

與霜簷况復出金紗

見菊譜

劉耆定途次值友人喪經紀備至詩以送之友

爲同年黃君俱武昌人

長安春暖看花勤並轡蕭蕭嗟鴈雲剛是荆山收淚

苦更堪重灑故人文

二

紫峯集

卷之二

四

榜花真作棣花鮮旅况迢遞忍浪傳

黃有雙親八十

昌烟柳色低徊難問買魚錢

寄懷王申之

春晴窻四虛抱膝意何如莫以人羣鶴而歌幸舍魚

前亭君自譜楷法我非初

委跋尊兄翼之遺筆

一覽千秋色相

猶或起予

弔范烈女

有引

從一之義婦道也不成婦故曰女烈烈而死

噫難矣率同志賡其事備觀風者

心事當年寄嶺梅盈盈未嫁付寒灰若憑姆訓香魂切不道羞顏到玉臺

二

蕭蕭燕市朔風尖丹旆泉臺不計蒼莽取兩髦含一笑栢舟總烈厭重拈

三

節愍雙祠此更奇易水祠霍公恩夫婦霓旌明滅走蛟螭麗牲

石畔如曾到風雨花鈿恐自疑時已建祠

四

紫峯集

卷之二

五

孤芳梅雪已槎枒冀北春寒信未賒不分女蘿塵土

暗凌霜色幻海棠花田氏海棠變白

五

笄帷慷慨輓聲殘訣母時願作田墓鬼計吏陳風易水寒較取

漢廷賢太守輩先上殿幾彈冠黃次公議郡國有貞孝第一輩

又代高丹處高安肅人女家滿城撫於安肅鄉氏姑

幾堪彤管賁懸堂閨烈嶙峋姓已香更指凌霄祠額

字可緣題柱始輝光女字田生故用京兆語

二

墟里遺徽舊有祠似聞父老說殘碑白雲環珮深相

見却悵荒臺雨一犁安肅葛烈婦祠今毀

癸巳九月廿二有懷孫啟泰徵君懷國鎮逸士

天涯踪跡歲華除篋底依依昨日書樹擁蘇門餘嘯

在雲開華岳幾蓮如慵心顧我并無壁餓眼偏憐歲

有魚諺語魚出荒年氣味不嫌同懶漫霜籬香逕待高車

輓李郭若

迢遙星霧未分明聲咽黃河客裏程太守章遲洮水

驛農曹粟飽薊門營級登司隸龍蟠舊屨錯扶風鴈

紫峯集

卷之二

六

陣橫更悵綈袍脫贈處旗亭柳色點雙旌

東成子勅受事范陽有窮途之感

嶽崎今幾許龍刻可應彈白雪吳飲易青天蜀道難

印泥塵幾釜微雨汗征鞍通隱從金馬風流幾易看

故尚寶孫君魯念高陽公第五子刻有廿一君

詠猥及不佞不佞實未抗顏卿大夫間也事餘

三十年感而追賦

相國兒郎國士叢戴頭握璽氣何雄翻疑當日龍門

客更有襴生刺未通

鄉人送柴

乙未臘月十九日

萍跡生涯劇讀騷醉餘白首幾重搔眠霜正困沿河  
柳河看柳釣雪難逢遠逕樵金石漫誇出斗室車牛  
恰值度前橋故園伏臘今誰健知有東臯未可招

讀書東林禪院

人寰高臥幾齊色復雲行塔溜浮簷動林光移榻明  
客懷輕梵迴禪味曙烟生市口溪橋抱仍欣魚米程  
示讀書諸子

一雨宵方急晨興紛所棲漁磯欣集網禾隴更驅犁

紫峯集

卷之二

七

初日辭雲媚生煙掠水低書聲禪舍靜齊色况盈溪  
爲先姑蔡母輓章

未亡亡去果何悲生死心安滿碧詞却恐一時湮史

筆荒荒垣井幾星移

二

伶仃雙息夜蛩聞悽斷中郎金石文更奈荒移雜羽  
隔吞聲病榻盼歸雲

三

腸迴清畫幾心期鄉里驚傳更足奇水蘂歷年逾四

十重泉一笑不爭時

始十六月二日寅刻一同先逝者閱歲則甲午距甲寅矣

夏杪過丹甌幹汝及兒郊輦文社有述

先秋楓杳早新聲宵擬奚囊代友生駿足衝臺終自  
出龍文燭斗况齊鳴朱霞斜入幽林幻碧藻疏來小  
浪橫多少天然供氣韻詩腸端不待流鶯

秋日過君建君孚君孚至自蘇門有訊

過雨秋光媚言愜物外尋離思紆鴈陣詩典逗蛩音  
琴倚倚蘭雋杯依蘿薜深况多懷古意餘嘯激長林

二

紫峯集

卷之二

八

合沓關門氣君家夫子儔顧衛羣從列獨羨將車遊  
野濶晴天樹江清烟雨樓好憑雙屐健一叩幾南州  
重陽前一夜觀諸子文會

不分支離付酒人披衣還起傍嶙峋詞場斷案堪誰  
老眼底珠淵未遽貧菊蕊遲霜偏骨格月牙出雨闌  
精神登臨懷古詰朝事却憶蘇家筆絕塵

足之

禡公任子閉戶僧舍余夢中贈絕句未就曉爲

春風楊柳揖金鞭海上誰傳有釣船脫穎雪我天半

出孤岑蘭若一瑤編

丙申秋偶恙重陽次日栽菊

飢節恒慳菊未黃今年值閏恰相當祇緣多病分畦  
頗似爲霜籬護晚香

贈孔公救

誰起高齋臥書聲拂曙來顧慚鞭影度自是夜光猜  
黃幹懸朝榻祁公蓄夕醕茆菰饒喜氣紫水恰潌廻

邑尉宋右文轉台州司獄卽圖歸省

指點芙蓉綠水涯剗犀佐政更風華光生粉署山公

紫峯集

卷之二

九

草色借春城潘令花葭管未吹南海月萊衣先映北  
堂霞并州蘭臭還相憶雲起咸陽正望家

門人李仲生司李廉州

綵筆龍文早歲成棠陰南國更麾旌寨帷翠疊兼峰

迴拂塵風回珠浦清莫以傳經推北面獨從執法憶

西京璽書課最無難譜啟事山公舊著聲

君先大夫起家選部

過劉河間祠

爭怪張公診脈頻新祠却立小河濱當時曾過嚴灘

否肯信今人卽古人

張還伯陳國鎮見過

蕭然敝篋掩青楓轉覺蓬扉夕翠籠廬指蒼山渾未  
改書傳紫氣定誰工孤懷跌宕愁平子拂座嶮崎訝  
孟公慣客溪雲曾如此漫須却倚雪天蓬

韋君錫赴書記乞言

肝腸掬雪着青萍佐政諸侯看發硎怪得典章文雅  
並韋家故自有遺經

二

說到書香鬢欲顛疎狂今剩北窗眠祇看意氣歸年

紫峯集

卷之二

十

少嫺爾同依尺五天

壽耿繩我

予于南岡事卜居夢醒枯菀幾于于綸浮丹葢家聲  
遠杯薦黃花客醉餘不分羊腸催甲子獨憑鷗渚淡

遠廬藏身誰識長生訣海屋休提舟自虛

高林寺莫庵居平兩上人閱藏兼示韻言有述

秘笈瑤函貝樹斑閑心懸度許重振風微古栢還清

籟雪擁朝龕淡遠山敲句浮巖原峻壁

莫庵桐城人驚人

謝墅尚疑關

居平宣城人

諸天誰覓諸經外科月前村印



幾灣

申之奉母喪同本生雙柩遷厝信左未及會賦  
此併志媿慰

西來雨雪淡遙津盡起雙阡點白蘋劍影先微孤壘  
在機聲繼體練衣新辨香自是多陳寶縵服非緣叩  
郭振回首光添松檟色客冬辱  
賁先壠却羞鏡具齋何述

宿覺明禪房有述

遙林霜葉引疎鐘生事蕭蕭幾瘦筇玩世敢言同北  
阮絕塵聊欲叩南宗路岐千軸霏花塵心印一龕止

紫峯集

卷之二

七

水龍莫訝沉冥耽白社遠公杯斚已相容

近體二章爲刁母壽

祁州刁孝廉其先人以  
教授著門人起報功祠

芳馨紛史牒母範獨何殊不以奚囊古寧知鍾釜迂  
蠶仙甘擁膝魚墜厭披圖怡志晨羞外春祠報薤蕪

二

世澤何年遺霞舒半畝宮秋燈儼杖火春雨挹扶風  
笑萼千林色煮蒿一珮功閭儀光婺宿暈錦任紆紅  
入渥水書事

漠漠新安道悽涼怯嘒鶯萍踪衰鬢裡木王水邊程

貧成性謬供澤流書卷橫松楸凋更盡可柰憶繁聲

卜居仇雪廬孝子舍側三絕

芙蓉棹倚小葦湖芝徑瀟瀟逼畫圖辭宅晏嬰耽近  
市清風曾傍壁間無

二

涼颺剪剪起魚蠻髣髴孤林雪作關試質王裒門下  
士真詩到骨可曾刪

三

一抹遙城煙壠真孫登廬畔倍沾巾非緣絳趺同根

紫峯集

卷之二

三

結碑板中郎幾陸沉

孫徵君  
爲立傳

壽魏母

蓮陸母夫人

板輿歸奉北堂春令子才華正逸倫水菽未堪娛畫  
簾江湖何地更秋尊圖刪魚墜嫌猶俗膝擁蠶仙愛  
絕塵謾賦西池光婺宿清風恰倍壽貞珉

題五修壁

微茫罷艇古城西花底相將更疏畦車轍未須愁徑  
草依稀有夢似九泥

二

果留聲裏攤書了旋揮疎籬引綠叢可是杜陵復眼  
暗和烟和雨遮牆東

三

刻畫昔人苦未工幾於高韻見雷同整窻不是耽長  
夏枝亞偏迎北至風

壬寅初秋披徵君扇頭詩感而屬和耶代晤語  
不敢計工拙也

物外欣有託良覲貴如新所值屬飄忽開河冷閱人  
霽靄前門煙渺渺殷都闐何因一妓予寤嘆得其真

紫峯集

卷之二

三

蘇山嘯歌服著書良不貧千載凜遺軌當日非吾身  
高踪邈難儔涼颺况滌塵菰蘆猶匿影淇園空莢筠  
落拓嗟曷極天涯惡比隣

五修齋頭菊蓼花覆之芟除始見賦此

莫向青山嘆閱人登樓天畔跡仍陳高齋不是濃花  
歇那得孤標闔眼新

二

不分癯仙鍊骨奇獨於瀟散寫風姿穠芳似欲相依  
附件得凌霜第幾枝

三

繁條艷蕊也無妨拈到幽人韻自長弱柳淒迷牽恨  
在陶家還共疎籬香

湛子招飲坐間主人鼓琴蒲東豪士高蓋臣清  
歌相倚僕感諸傾倒何戀於老夫輒頽然燈影  
下數年無此跌宕同文甫公式

素心洽風好煙水劃吳航明月那知白霜兼不復蒼  
依桐來絕壑憂棟繞疎篁蕉飲憑誰劇幽懷爾輩長  
送靜觀之任安邑

紫峯集

卷之二

古

勞勞今古別柳色緒偏增岐路何年迥官程計驛登  
權言憲燭跋芬絕世家乘課最無須譜段干祠可凭

二

遠樹黃河蕩鹽官舊有池水心憐鶴露絲筆問鶯期  
君自朱絃古余叨絳幄私綈袍殊歷落那許黯臨岐

三

行色秋風裏蒲津驛樹烟全家依月久往蹟帶星偏  
宦達龐公後兒饑蜀客憐故人書未斷祇擬報熊連

題覺明覺山有引

上人卓錫南張里再闢精舍地苦無山仍覓  
石觀音大士像前與海潮對峙每朝陰夕霽  
花卉蒙茸石罅望之幾不辨非真山也乃上  
人謂余衲子意併不在數拳石與昔人較公  
案特借此消閒晝遣妄心差不失苦行本色  
耳余旨其言復愛其景聊形小詠

蘿外尋幽至塵寰眇勝因雜花香是供疊石拱如人  
漑水沾瓶濕披雲較笠均支公殊可伴山色傲攤絹

管公式以戲劇喧囂邀止其舍清話竟日高襟

紫峯集

卷之二

五

可想

疎簾清簟幾爨猶遼海渾同此鷺洲老我已怪百尺  
臥爭知衣帶有僊舟

二

新移蕉影綠憲深揭得孤蓬字帖臨却恠當年招飲  
者祇從山水覓清音

對雪

誰起高齋臥淒迷上竹煙呼杯驚有異授簡幾人傳  
結鶴合幽冷青山添睡眠更將耽野逸疎影喚逋仙

高躋雲致襄陽政怡懷詩酒高其風爲賦

汨汨塵中事城西枕小塘宦情呼栗里詩派得襄陽

花甲懸車蚤

時甫五十

葩名序譜香

高適五十一工詩

謠言鷹隼性

脫縱祇尋常

目青十餘年癸卯夏日山右胡丈玉臺以針法

立器奉奉僕一言識又倍尋常矣敬賦此

脚疾文公舊有詩一針筇竹尚支離金鑊佛語機緣  
好却訝天花瞥眼稀

表弟朱御李歲寒居

紫峯集

卷之二

六

憶自先朝甲第繁一茅却笑濕雲根巷幽剛得魚通  
市衙近何知騶欲喧栢子合來聊苦茗菊花綻處幾  
孤樽不嫌雨雪遙天暮白恰單衣道自尊

孫徵君八十壽言

聞道鹿門遠涉耕千春光嶽得崢嶸百泉地接黃河  
轉時寓蘇門列宿天標紫岫明紙筆多男軼栗里疏箋身

註劣成漢廷恠底傳書詔解額壁經花甲更

前庚子先

生十七用尚書領鄉薦迄癸卯歲且逾花甲而三濟  
南之況或謂知言也

又代祝

砥柱不更色江河未詎旋燕南雨法地嵩少著書年

尹喜秦關近晁生漢詔傳却憐門下士空鉢領華顛

贈彭九如 吾人工書彭侯夫其季父

南窓舐墨意如何畫到西山翠欲波莫問君家癡叔  
死直疑薇色傍崖多

壽王惠迪

渾影雲停物外逢烏衣衿佩幾家風鷗心未辨煩阿

子鶴貌還驚見是翁 用鶴在鷗羣語人日君未見其父耳 偶覓芸方齋

枕牒閒疏藥逕得墻東怪來村姥知名姓芝秀深山

紫峯集

卷之二

七

隸籍通

璿園招飲

宗支遙自豫章留落落城陰百尺樓老我霜華還菊

徑懷人秋水幾兼洲杯啣明月灣灣白賦點青山折

折幽勝地元從塵外賞春山多件况堪求

贈巡司張功夫 太滄人

河陽花復幾古署有栖鸞霜鏐干霄動冰絃獨夜彈

衙空耽蘇砌市近得蔬盤文獻弁圍勝還從珂里看

紫峯集卷之三

鹿洗心密觀

范陽杜越君異父著 後學李昌宗公傑全訂

塔任 杰偉士

詩

湛子蓋侯公式上已招遊別墅薄暮遇雨賦此

同家兒郊

不慣郊原信疎籬大壑隈趑流鶻避去逐浪魚還來

淡語隨風遠輕陰任雨催居然成勝侶莫話永和杯

紫峯集

卷之三

二

子雲暫輟懸公幹幾新篇文采推周易堅剛恰少年

用管公明事 權踪浮蟻靜僻岸出魚鮮却媿吾家驥詩成

政待傳

贈仇文軒 有引

文軒新安人父文學雪廬先生廬墓旌孝祀

鄉賢幾世祖御史公某劾逆瑾謫官明季已

膺俎豆及是當事檄其後併文軒奉祠隸博

士忠孝並著檄詞甚熾所上牘益余筆也文



軒多義概無忝厥家云

龍門高倚海東岑雲鶴風神俠士襟食客孟常猶有  
薛儵居魯仲更揮金龜然童子徵蘭苦子童年割股療母疾良愈  
詩廢先廬殷栢深數畝宮牆餘憶在况垂忠孝併居  
歆

壽王母 五修母夫人

雲裏誰題叫紫鸞依微疎影散花湍遺經奕葉垂葩  
遠着膝孫枝索果團燕語衣深占巷靜鷄鳴珮緩憶  
燈寒怪來婺宿光母德簪組家聲耀菽盤

紫峯集

卷之三

二

謁徵君自蘇門旋里同湛子公式希甫文甫及

兒郊

歷載行窩聽小車洛陽舊是范陽廬未論老幹凌千  
尺入座曾侵草寸餘

二

道廣誰云古太丘爭從几榻訊癸猶山陰故有王家  
楨九十餘春花雨洲龍溪爲况

壽王葵英 申之父

避地曾依洗竹天往同徵君寓雙峯竹園公歸隱其地歸樵誰更指雲

尖燕泥巷口夕陽古鵬翅灣頭曙色閒洞有花紋移  
晚棹庭垂藻韻喚斜川光芒太白西巖接話到滄桑  
幾醉眠

高薦馨過訪有述翌晨冒雨行矣悵然次韻

綠綺憐殊調青雲亦護門停車非有異盤折幾知繁  
籬落憑清語酣歌任隔垣可堪天際鴈衝雨復還村

讀放翁自覺軒詩

覺處熹微岐路羊舁南誰道但詩狂些兒踢倒癡禪  
話茶熟香殘儘酌量

紫峯集

卷之三

三

徵君赴戴司農請賦寄

隔屏花影弄雲岑聞道前頭鷗鷺潯烟柳謾須提別  
緒祇看訪戴是山陰

甲辰九日集薛瑞符城南小館同屈直生王玉宸楊湛子王希甫周翊五管公式周磐如及兒

郊

三兩自招尋所謝塵中事隔籬隱者家綦屨翛然集

小址傍溪橋花樹無行次衆卉何關閨是年閏某月菊喜

重陽值隍堞漚酒照種種供流胎物外得閒心嗟彼

籠中翅船頭出魚肥醉頭春撲鼻懽言各脫帽幸不  
拈宿厭游屐說藍水湛子舊隨任藍田似張吾宗幟大約取

致別自引着勝地城門限如何林月窺人媚

### 徵君百鶴圖

凌霄逸翮共焚猶耳目誰當近玩求可待雪田明霽  
表紛從霜漠點清秋松根微翠龍鱗出柿杪疎丹鳳  
藻流怪得精神光絹素居然塵外是瓊洲

### 贈高浴五

有引

渥水推蓬時作秦川問想有懷溯洞政得浴

### 紫峯集

卷之三

四

五小詩以曼聲歌百尺樓上不識動清風一

### 縷否

欲看標格處秋水幾推蓬晚有香紋碧帷含燭跋紅  
練裙珍大令斗酒出祁公更是風流藉獨專兼席功

### 河橋別況爲徵君先生

有引

先生寓渥城久蘇門稅駕還問舊廬一時耆  
碩子弟扳聽車音良多啟牖經旬送別城北  
河橋意猶未盡時先生八十一輒慷慨嘯言  
理湛甘泉增城別語爲訂後會於是諸同志

更灑然意得美烟柳之生姿比河流以鼓壯

昔蔡季通謫道州晦翁餞於蕭寺嘆其不挫

要以蚤歲視耄期經涉磨折而神氣彌上義

理所得何如某沐德輝垂五十年及此益如

寒松寂歷悚人心骨因旅寓隨同人後爰賦

近體一章志佩兼代紀事云時甲辰仲秋廿

九日

麗日城陰首不搔廿年星聚指江臯懽遊謀婦仍鱸

蓋舊巷諸郎多鳳毛點雪成都寧待卦聞風洛社已

### 紫峯集

卷之三

五

迴舫林紅酒綠驕楊柳此客溪山可易遭

孫君僑同賢從靜子理蘇門裝賦別

等身書憶湛瞳人別十六年氣更親老我差堪呼彥

國還憐兩阮挹清真

二

脫幘何曾漉酒忙祇餘握手代離觴天涯兄弟知相  
念肯信花潭未療狂

三

風光詰旦小春遲霜葉如丹點綠溪雲起旗亭差憶

別著書多歲恰松姿尊祖父微君在里

隨徵君先生過金容柴丈招飲同鄴蕃君夔公  
傑及兒郊柴工水墨嗣君拱諭容

敢附星文聚言從水署遊升堂懽彩翹着墨自丹丘  
燭暈光重剪簾霏霜護鈞丈人峯入座多伴况堪求

割股劉孝子

業儒名子信徵君字以成叔時年十五

仇家兩世已親疴接踵新安童子科泖蕩洪波三百  
里固應磊砢而英多

次十卿韻贈沈垣之

紫峯集

卷之三

六

白髮論交日嶽崎倍有情評花新次第校獵舊聲名  
手澤書囊古 皇恩劍匣明青樽增跌宕俠氣紫髯  
生

高蓋臣招賞城東蓮湖同荆伯諸子

一天晴雨剗疎航三兩相將過小塘陽翹輕依堞影  
滑漁磯靜閱市情忙乍深蘆巷疑秋暝漸逼荷裳驗  
酒香誰道閒心歸棹急城門拚取鑰時剛

送孫徵君再客蘇門

去春歸指前門煙眼前事務安足憐今春忽結離亭

柳嘯臺涼月窺人久道旁猶子牽旆旌八十二翁重

行行翁也不會會以意坎流豈與造物爭賢聖古來

更標幟所到繽紛花雨地異同朱陸不須論成都故

有簾垂肆竭來北海

厥孤亭桃紅李白春風熾望廬

識天根棹頭獨宿賦更不見昨者南州一問津 帝

廷喉舌絳帷新洽洲戴尚書執弟子人倫三世親持鉢道壇盡

人事翁何有顧余但命樽中酒鶯語春深香滿林長

紫峯集

卷之三

七

途知己迎還走噫嘻既云知己迎還走遑爲憫世恤

其口紫氣燕關約且深臨岐那復頻搔首

送李升如南行過拜徵君輝縣

尚憶先廬好花間書一床燕臺遺蹟遠漳水截流長

雲樹春添句溪橋錦作囊行藏還問取干頃泛汪洋

自渥水訪申之高陽里塾

相憶在初夏旋尋紅夢洲因人那可熱志士定悲秋

指目乖青眼掀髯易白頭更休談劍氣筆下看龍遊

自關雙筠色中宵激羽聲僧牛喚道汚市駿復臺傾

帳下橫經古溪門倚棹明高陽春酒名正滿還問幾狂生

題事親日長卷 徵君長兄崇我公

何處真人氣可等一廬城北栢陰陰祇看尺地風雲  
色不替終天兄弟心詔捧墨花竹馬舍文徵蘭蕊彩  
苞岑卽今母範機聲裏更憶當年孺慕深

孫崑淵過訪垂示諸公贈言敬題卷尾

磊拓何論刺莫通虬鬚磨額自家風周年試弄中書  
印旅跡還提新市筒我故平津叨讌洽君誰灞雪問

紫峯集

卷之三

八

途窮却疑光怪燭銀管師儉堂餘天半虹先相國額各

壽崔夏章太史 代湛子

瑞雲直北倚琉璃中有仙人煙水姿蚤歲廷趨殊指  
授飛身砂驗未燃髭玉堂片地何森爽簞紋碧合疎  
清賞榴花火艷氣猶寒知是金莖分露掌卽看芝萼  
通端陽那待蒲根薦紫觴冰壺皎潔瀟湘滑留取石  
渠品價香今古之人遙頡頏蜀纈風流詎足方鴻儀  
况復家聲舊彭衙戰伐今花繡殷紅玉璽憶西京更  
從北斗文星轉顧我婆娑塵滿襟誰憐遺裔是華陰

御恩兩世重搔首團圓床笏鳳城深

又代玉宸

占書恰得距端陽早驗宮鶯十里簫家世夙稱冰徹  
底官聯殊道玉爲堂榴花待吐詞頭艷蒲節先傳釭  
面香况是西來仙舄近父官西秦台星還傍壽筵長

雨勢沉灶又如瓶粟何門人管公式餽炒麪一  
匙孫息輩掬食殊樂

乞米誰將帖子攤况兼簷溜激遙湍悽涼却憶齊安  
道何似清添苜蓿盤

紫峯集

卷之三

九

二

粗糲吾宗故有詩更堪雨色困饑脾浮來香艷出新  
確狼籍床頭拋畫眉

又代題孫崑淵卷 時歲在甲辰

重嘯峯臺喬木聲勲華覆手尚方羨欲從繩武詢花  
甲撤御金蓮恰再更前甲辰相國傳臚

乙巳七月既望周盤如招遊南溪踵坡公壬戌  
例劉孝子成叔以盤餐至

南溪如有待吾意况飄蓬移席傾沙軟圍爐牒火紅



杯因勝地著人更性天通往賦誰云麗一泓亦足雄

公式送菊還付二種計不獨私清供耳

幽花紛可把端不說金莖却恐高齋裏辜他風雨聲

二

千古韻寒籬清樽不待漉總饒怪一蕉公式無酒腸香可

無叢菊

和鸞表侄見過怒焉骨肉賦此聊慰

支離今幾許倚嘯小尊湖國調鯢魚句家聲蚪蚪廬

宗祊憐爾重堂榭並予孤栢勾思何極腰圍未可癯

紫峯集

卷之三

十

過傲雪亭有引

亭爲外祖壽州公栖隱地幾載飲淚西州

乙巳菊月偶同諸表弟侄徘徊亭下參差林

堞鴻儀宛爾不勝追憶賦此

古城疇昔者夕照得從龍倚竹曾編馬盤松尚作龍

霞遙宣武譙風殿楚王宮况自堪憑弔壁聯有道宗

先師鹿忠節題聯

在田程子百里顧我渥水上於其歸詩以送之

不待出門雪沉深故逸羣園林擊竹在湖海品茶聞

拓落爾如許羈栖我足云擔簦還有意此地萃人文

楊志祖見詒先忠愍手蹟感賦

搨得平原帖行間暈日星丹楓留草疏翠竹失蘭亭

筆想拳應握琴餘峯獨青曩見手製行琴孫枝存氣骨脫贈

亦泠泠

乙巳赴弔箕生墓入邑獻自存之仲啟過視

幾年遙堞對斜照百尺龍門標格聞誰勲風騷遺一

老更從模楷挹三君小亭

箕生讀書處

畫黯西州策桂樹

晴披東郭雲不盡滄陵千古意沙蒸颺起大河濱

紫峯集

卷之三

十一

七月十九日真武廟訪管濟美時旋自申之講

席

城北懸局秘關西紫氣重寐堪呼子慎帳更返扶風

徑僻花驚簇臺高樹特籠憑君覓勝理暑滌羽人宮

承翁崔丈令白水偶檢吾家工部與白水崔明

府詩嘆古今爵邑姓氏之奇如此因寄懷次公

官吏局又非昔賢可髣髴矣末語酒徒自况云

吾宗鮑句好白水舊知名宰邑昔同譜流風今更清

薇垣界北闕花墅暫西京他日共鈞軸應憐老步兵

簡入閣諸友

一望清秋色聯翩屬玉京  
擔簦遊子意擊筑酒人名  
凡事存吾道論才況挺生  
此中幾定力溪曲看舟行

簡韓起文

落落余幾許今來愧識荆  
握蘭傳國調懷栢盡家聲  
御柳東風句軍麾西極名  
更誰耽道韻天半紫霞明  
對雪東崔夏章有引

太史假還省覲見過言學  
自昔芸閣諸賢騰蹕絕業  
惟趙大洲猶僻在蠶萊也  
天圻挺

紫峯集

卷之三

主

生居高斯唱又云堂上卜  
築長垣望徵君先生嘯臺  
花雨帶水耳將謀心理同  
處蓋慨然昔人世卽用我  
我奚以爲用中州古今學  
脈彙粹更有太史鼓吹轟  
轟何疑聊爲報此亦叩洪  
鐘以箠挺云爾

柳色含烟雪弄姿衝泥仙  
侶問支願玉珂映比春旂  
曉銀海撻分御燭欹片嶺  
雲飛裁菊逕尊君致中台  
白水政星動蕤蘭墀還疑太史占河洛談道初年領未髭伯安

爲况

丁未清明前公理過渥水問序杯酒感慨敬賦  
鄙句當弁語何如

曾聞方岳先朝傑同籍鹿門老奉常

同先師  
癸丑榜

烏衣楚

楚冠裳裏依得慈雲攬荻香跌宕蚤年弄文史金莖  
賦奏從茲始眼看牢落逾春秋腰間還湛一匣水壯  
心不肯付支離婆娑燐月有新詩詩成吟侵肝腸雪  
誰其倡者王介祺鷄壇意氣真好友燕市索齏指其  
口瞪目阿龍海上樓低眉那復逐馬走聞聲十載甲  
辰前季冬恰壽徵君酒徵君汝師吾徒聚酒邊一一

紫峯集

卷之三

主

笑牽肘不介而親人知否春風岸柳金宗城蔬盤微  
間海蛤壘千秋懸晏余何有九派林灣指一泓奔濤  
折折響琮璫何論大曆與咸京寫出胸中總不平噫  
吁嘻鳳苞誠五彩鸞鵠可爭鳴微颺帳曉撲蓮氣慎  
汝慟哭爲蒼生幕中爭  
術盡事

送崔夏章歸省南郡

一曲家園迴春帆省覲行東臯親有賦北闕 帝書  
程沙軟閒鷗翹天晴暖鴈聲庭趨星影動應傍璽花

明

斗瞻丈壁懸涑水家訓莊賸却贈亦蕭傾倒於  
君家至矣

鬱惟江城構苔蘚深歲月小開竹徑涼穠香任飄忽  
攝衣問主人翩爾何魁傑次第羅鳳毛大者羽已刷  
讀書晚與突聖修剗其骨有目艷朝霞慈幃康且悅  
娛志是高標鐘鼎奚足伐不見中堂色照眼飛墨沫  
礫視菜底金芸細更幾折德輝乃千仞復云敢冒越  
壁題良我師最哉顏則熱人生在幾常所貴或矩法  
聊用遺來昆涑水豈滅沒橫臯春雨夕顧慚難翹別

紫峯集

卷之三

古

清風還度世謾謾薄林樾

丁未菊節送湛子赴崔太史長垣約併東

江岸插疎籬天晴淡楊柳臨岐意慨慷呼朋且煖酒  
一室良會心夙更耻奔走豈不惜睽別知子志不朽  
澶淵覓古蹟歷歷畫以手山川橫落日賢達時矯首  
燈下證蒲團况有金門友咽藥劈蓮實道力歸根久  
霜零木葉飛還共話重九

寄懷瑞卿表弟

參差欄楯紫雲垂可是甯家宅相宜三三兩兩編竹

好髣髴苗蘭玉砌時亭亭今亦逾花甲盟壇小宋當  
年狎擲却儒冠辨柘麻戢身子含皂其恰色養慈幃  
歷九旬瑤卮手滌視夕晨顰錦休提昨日事果餌殊  
耽繞膝真眼中之人問隱淪况復不滓致吾親顧我  
悠悠忽動魄秦川別緒烏衣陌是時羣從氣騰霞蔭  
映還看眉是白喬木低回幾行客我老猶堪仗葛陂  
偕爾歲進西池液

壽崔承一代

指屈千秋光岳春夷猶乞得幾閒身棠栽西土封裴

紫峯集

卷之三

五

苦菊綻東籬漉葛頻海上人龍歸畫簾池頭阿鳳捧  
溫綸壽筵怪道屬陽月碩果於今望正新

冬夜觀公式緒史有述

四壁清翻蠹簡香依稀饒吻覓仙方人從別逕關心  
莖筆到微詞更眼光玩物敢云絀上蔡讀書幾許託  
柴桑祇看中夜疑幽嘯冷入簾鈎不獨霜

和李介菴父子梅花詩

倚欄漫說看梅花縱使無梅也自嘉千樹江頭坡老  
句小斜川更艷雙葩

題公式壁

愜懷選何許琴曲寄陶家遊戲垂垂者還成墨菊花

渥水詒劉公理

愛說班荆地林深北郭煙蘭皋誰後起柏府爾先賢

公幹稱詩古更生草疏傳風流今日併吾欲覓停船

挽魏母楊太宜人

廿年娛膝有柴桑長憶梧菴奉北堂芸閣九熊稱母

範棠郊驅犢見循良幾從清簞諳姑性還識高標教

子方一笑三綱泉壤被迸將冰蘗報蒼涼

紫峯集

卷之三

夫

十卿翁兄家世忠孝徒步赴弔先塋十年啣戢

今值化鶴彌愴儀鴻一詩告几筵白雲莽互兄

或聞聲至耶

郵書接得杖藜身翻向郵亭怕問津虹起鴈聲洲湖

傳兩兄科甲文占鳥影撫雛新篋餘最辨古釵脚字

絕壁底寧辭破甑塵還憶仙標真如玉况堪松檟更

搥人

弔十卿回途次風雨

老年情况幾堪掣搔首青山憶故人薄暮泥塗三十

里愁添白馬更逡巡

二

從行稚子解哀詞

兒郊有風雨酸澌句

遮莫精魂天也知不爾

胡爲剛抵舍頓教風雨返蛟螭

送張令君

何處挹蕭森江皋籟土琴藻林新密啟棠底舊清陰

臥雪千峯色臨風一恻心張衡嫺作賦還憶譜幽尋

郭生翔甫從仲元德符百里謁余渥水乞字贈

古風一篇

紫峯集

卷之二

七

山樓矗矗流雲駛直上臺荒網苔跡隗也遺裔氣籠

霞黃金的燦雙駒至山門昔者士鱗次秋林烟靄接

鴻翅奉常座上草不侵而祖嶽嶽爭標幟生今名鳳

苞五采謁余還贈翔翔字朔風剝啄倚黃昏晶瑩眉

宇倍朝暎衣冠漫訝烏衣別擔簦云返自蘇門蘇門

舊携江門手天下豪士皆奔走先後樞衣花雨堂水

乳臭味人知否坐關語次却眉顰風木搖搖閱夕晨

聯翩襟帶依阿仲昨來頭角稍逡巡驕驕試步方一

騁杜鵑聲更憶天津良玉不言終待剖功名那復頻



搔首祇從言下煥天根怪底聞風宗孝友丈夫事業  
元非偶爾之大父配余姑兄弟聲華振冀都眼前擁  
膝皆明珠爲質余言首肯無生乎生乎慎自愛崑崙  
之流吾與爾縱觀滄海蛟龍漚

傷白君如白

八式岳父

由來烈士還疑癖車上寧知有范宣最是蘇郎耽夜  
讀幾堪斗酒共流連

二

吾郡清流張十卿偶憑飲食識茅生少微恠道中宵

紫峯集

卷之三

大

別歲裏雙高吳下名

紫峯集卷之四

高騰鳳丹翹

范陽杜越君異父著 後學管有度公式全訂

堦孔維憲公教

詩

題曹氏節孝卷

捐棄如何道冰心付玉樓石仍文是累鐙化盡含愁  
膝擁蘭生弱堂開樹報秋死生辛苦裏圖慰一荒丘

二

紫峯集

卷之四

一

廿年矜佩好松楸鬱何其有待丹綸盡先徵黃絹奇  
機聲鐙解瘦霜影墨啣嘶不信曹家裔直堪女作師

又題

滄海須臾事餘生亦易涯白楊燒野火忍對瑣憲花

二

烏哺摧心時蛩咽霜天碧淚眼撫雙孤漫說山頭石

三

鬱彼道旁松貞魂激設設阡名亦屬曹節孝凌風盡

仇子惕孺讀書公式齋請質聲律示此亦不忘

仇子家世云爾

荻寒白露渚黃鳥已枝頭挾策芝蘭舍遺經我夢洲  
先人治詩較眉人是仲擁膝子真猶伯父裁我怪爾以孝碩撫甚篤  
豪吟地龍蛇壓九流

題公式齋畫竹

何來橫幕烟小作瀟湘寄清風時滿林搥成幾个字

二

疎影宜清樽鴉啼方啞啞誰窺靜者心欲作流鶯打

劉叔徵招看白芍藥同湛子公式兒郊及阿鳳

紫峯集

卷之四

二

料得風光好東園信不遲晴鳩護木杪白燕妒花蹊  
君自丹陽寄余翻郢酒詩况兼遊從洽楚楚共仙姿

公枚旋自山右同公式磐如惕孺兒郊結社龍

王廟

九派飛濤擁千山此盍簪鮫人珠欲滴龍殿盡爲森

蘆影娟娟出槐陰曲曲深江城看似繭烟水足文心

集和公齋有述

烏衣新巷結皎皎見綈袍顧我慚龍尾因君識鳳毛  
嘔心索句苦血蹠上書勞漫說瀟瀟徑霜天脫復高

徵君寓蘇門廿載壽開八十有七子姓彬彬曾

孫復自家園抱子往叩

鹿門三見擁高椿翠葆還依壽宿新漫說西池青鳥  
信曾孫南向抱麒麟

金節婦

夫五月見背遺復子成諸生

立孤古所難廟見始稱婦忍死問蒼蒼血胤或不負

鈴暈瑣窗寒兒呱乃如禱荻灰手欲僵絡緯聲還擣

母貞益子豪雉羽刷丹阜兼之俠氣深更結同心友

回首五十年倉皇猿鹿走行路爲酸心藐諸亦何有

紫峯集

卷之四

三

心死冰雪凌皚皚不融金世事每循環涕血真可割

茂桂復茁蘭顰錦鐘待扣誰謂天高高鬱彼貞松虬

代贈新安吳令君

攬得春條嫩溪亭淡遠鷗西京仍對策南國幾名流

牒爲花分戶旣宜露待秋

邑有荷露起

况時當額俊薦誼

疏還留

用河南吳公事

贈李寅清公子

一逕清溪哀幽踪淡不譁蒹葭曲岸出荇藻月明奢  
南國牘方赤西園墨帶霞於今兄弟事接武挾天葩

又

鄴下牙籤次第橫乘流公子復嚶鳴  
黎端世業光餘幾較取江頭漁火明

二

衣帶蕭蕭絕綺華昨來新自祁公家  
漢書幾葉憑君聽未待新豐斗酒賒

三

人間爭識五侯鯖高揖金鞭御柳青  
誰似大梁公子貴偏令車騎重侯羸

紫峯集

卷之四

四

庚戌九月二日承亨子和公湛子承五浴五盤  
如若退邀遊湖上是日公式未至

臨潭昨日約那復怯天寒畫鵲凌波迅閒鴨傍日團  
吾生甘酒陣諸子盡騷壇不見雲烟底層層水叠瀾

二

蒹葭一望合秋水更懷人跋燭經宵近停杯憶別頻  
孤情多暇日物表幾閒身於爾皆兄弟桃溪定問津

弔許太始

固城鎮人投筆捷武制科守  
濟寧一錢不受力戰逐賊死

落日山頭擊鼓遲憲牙

張縉

揮淚問遺簪封侯燕領

非耽相自愛君家號虎癡  
人呼許三俊非俊惡能真  
廉真勇岳鵬舉稱不愛錢  
不惜死兼得之武臣難矣

新安寓十字路口學子之從游賢士大夫之枉  
旆枝寮不啻頗用自廣今歲辛亥春移寓意猶  
戀戀則諸君子履齒可數也

溪柳春雲倚棹偏老饒猶得乞魚錢前身不是盧居  
士破屋爭教又許年

管涔音新宅看菊戲簡

已拚風雨負年華剛得迎門菊作花領取凌霜香片

紫峯集

卷之四

五

片豈容重覓酒旗斜

二

荏苒流年逼物華其如老眼怯看花如何纔過陶潛  
宅遮莫分明三逕斜

藍田詩藁吾友楊乾行遺筆愾念人琴有述

煙霏河畔柳條明忍聽橋邊二月鶯箱篋藥香看蔭  
澤池塘草漲更葩名詩從刪後猶存藁經未傳時幾

就耕

置田依微  
君蘇門還悵同人握手地蕭蕭易水尚歌聲

共事易  
水分映

雪後看梅勑五東齋同享子和公湛子文甫公  
式昆從捷五浴五德甫及兒郊

玉骨亭亭自絕塵况從雪底闢精神與君不敢抗高  
節猶學吾宗索笑頻

二

居然此地稱東閣那更一時騷客壇不分羅浮裊香  
夢故依殘雪挑燈寒

三

不含嬌艷不含顰總是孤標爲寫真誰道嶺南遲驛

紫峯集

卷之四

六

使流蘇已報暗香春

時屆浴  
五花燭

代祝某尚書太夫人

綵雲矯首倚茱萸宿遙從紫禁重綠野家聲開翼  
燕黑頭公府更人龍文孫較長過笄杖宮錦新裁泛  
御封最是通家慚舊譜也依王母露桃穠

和鸞表任見餉

尚憶烏衣冑城南第一區忝余稱宅相顧爾已明珠  
粗糲今何有盤餐老更扶平生枯勺戀對此不能無  
輓楊崑翹先生

華胄遙遙處關西道自隆閑情嗤賦鵬高韻揖冥鴻  
碧殿松間月絳圍花底風其如握手晚吾欲覆家筒

辛若退餽醪炭

柳芽冬盡雪消初何處爐紅鴈酒餘不信幽人僵臥  
裏止應旌森問寒廬

二

大梁落落老侯生虛左偏高公子名况是家聲光隲  
右晶晶還傍檻頭明

辛子  
貞事

輓杜光門先生

紫峯集

卷之四

七

悠悠誰不嘆勞薪何人浣却衣上塵閱世花甲周迤  
半嬰兒元氣貌其真阿翁曾綰東昌綬歸程不逐馬  
影瘦直指遺措千金裝掉頭還顧清白冑叔也接迹  
溫更良弟兄奕奕蠹書香廣文幾載孳不飽凌風一  
葉問河梁微茫笑指先廬舊浮艷紛紛枉奔走邦君  
式閭國人爲壽公其且看南溪柳生不解飽喜與饑  
嗔熱忙焰裏復何有余忝從公兩握手國有乞言鄉  
祭酒偷兒不敢睨青瑣羣鷗日日閒白首脩然乘化  
垂百年仙耶人耶醒世堪圖漢陰叟



劉叔徵孝廉 有引

渥水盈盈節孝最著邑人士口實劉君奉母

狀走筆詒之

帷簾移陰問或鹽清真自是有劉惔隔城一帶天津  
水怪底船頭覓孝廉

二

誰信晴人別是緣孫登倚嘯白雲巔只今屈指南陔  
戀萍實恰廣花甲年 同徵君先  
後薦庚子

三

紫峯集

卷之四

八

隔溪雙鯉柳條生花底依依葵宿明恃粥老懷闔愛  
裏爭教人不願爲兄

送高繩五鎮威寧

烏衣閑翥嶺 帝室此開疆蠻姬花底笑瘴草稀聞  
香借問投筆誰寶劍湛秋霜况是傳修期家世更文  
章玉缸春撲鼻兄弟何可當前年對紫宸今歲領遐  
方燦燦綠茸馬道路生輝光雲埋銅不鏽柱影出炎  
荒

家園蕩後寓渥十二年復釀酒戲簡渥上諸子

滴瀝床頭乍湧泉驚回白首攬愁眠青瑣不入偷兒  
眼無那勾他吏部顛

二

剛道今年春事奢花前還欲鼓重槌却憐旅底癡兒  
女借得糟床當小車

三

拚得春朝倒接羅門生兒子足支持頭皮較取還知  
健不道山妻更有詩

丁香花下送雨若之河南

紫峯集

卷之四

九

羨爾穎新脫還期汗漫游侯贏多大節遷史足淹留  
紫葢籠烟出黃河帶日浮此行有先達不爲嘆吾癡  
幼祥妹丈官晉風流勢濶小詠代晤

昔別記何許今看別歷年晉陽偏勝地少府古官衙  
行部羅雕羽趨庭點翠鬟書知更健判牒已如山

範彭約拜掃 先師墓感賦

三十年前事天高未可論香翻蘋在沼翠黯草迷軒  
卿月成隔代晨星老及門祇看憑弔處不替道常尊  
并辭亡友石卿解元

江淮濤拍岸孤子叫關時暈豈白虹繞魂應碧血  
地泉殉酷烈天闕鬱恩私請卹孤從優值喪變未果却併關忠

羣荒園待起祠

先師就義王方伯國兄實苦塊後購爲祠址在城東南隅

壬子端午蘭亭太學玉堦太史招遊湖上得舟

字

暫輟明光華言從蒲節遊台文方觀鳳吾意已盟陽

韻藻清歌謠流葩間索丘感君兄弟好玉莛更瓊洲

太史携鳳毛

二

紫峯集

卷之四

十

尺書曾遠達復爾此仙舟縣榻慚徐孺登堂訊太丘

通家稱累世

斗瞻父子文甫楊猶及兒郊俱在座

檄國得源頭綠水東

城合幽懷月一鈎

戲簡和公

鄴侯家世接仙廬冰雪遙看自紫都一一春鶯憑續

諸還知鳳藻韻流蘇

壬子重陽前一日訪範彭社丈盆菊適栽笑云

爲僕設也其然豈其然

泥露凌霜對彩霞君家應自宜仙葩西山亭裏白雲

舊不道孤芳又此花

二

百里逢迎嗽紫霞應門楚楚關寒葩陳家三世却爲

主星影西豪無菊花

悼高浴五

知有家聲天際鴻皎如曼玉笑臨風誰令石火瞥華

屋春信梅花小閣東

去年看梅有畢姻之約

二

見說菩提有科根尺書剝啄驗朝暾元公却認荆公

紫峯集

卷之四

十一

好未合堂前文章繁

介岳父寧波公贊余雖未果心期固炯炯也

三

老我文章慚大家索題絹子氣蒸霞千秋鞭影稱殊

絕座上真堪覓孟嘉

四

淚啣伯叔幾含絲魚菽西原已屬兒謫滿人間猶有

恨天南怕讀鵲鴒詩

仲兄官滇

五

柳蔭湖烟鶯復鳴相將倚嘯見孤情當時自識龍門

迴虎賁翻令拉得成

題畫竹

不解看竹者便從畫看竹攪取瀟湘湍還應千頃綠

二

簌簌出林端蒼蒼森何許想當盤薄時輕颼激烟渚

送崔太史還朝

此去關星緯中宵取次看聖朝屬側席吾道應彈

冠足色金方治潯聲水在灘清真房相國門下有庭

蘭

紫峯集

卷之四

三

訓趙玉峯使君三十韻

太史不陳風循良傳誰續勞理而殘肌斯民其何淑

宛宛仙人姿連城有良璞射策對大廷蟠江復亘陸

天子咨岳牧仁風煽還沐公至驅蛟螭劍鋒寒更

盡矧茲磨牙輩膠手敢輕噉方岳慰良苦鴻儀在所

辱累恩憫黎元忍使賦無祿春鍾况連雲賦役冰心

觸或者歸膽識詎測精誠漉眼看支離子三代還錫

福且也煥文院奚但窮簷煥却怪幾休暇遑此問體

窮旅塾耀春陽巷仄金鞍促賓從氣蒸霞相對闕且

朴青袍問楚楚新憂幾闌玉千秋文武業猶感此此

屋爨鼓尚餘頑何以答嘖蹙携手矢同心共起彫弊

俗卽今講合園豈爲逐叢曲驍騰懾反側駮駮批雙

竹英雄好面孔屹屹奔川瀆獨是干旄遠顧慚臨下

僕筆舌課兒童烟煤肩一束所不忘祝額垓垓胥被

服霖雨普蒼生寧第關巖谷蒼涼控鈎陳九天賁除

目春風不謝榮大地輝草木青瑣筵樞機高議肯踰

蜀

陳敬齋使君枉駕旋以事別殊黯黯也藏酒聊

紫峯集

卷之四

三

致鄙悃

泥頭香醞驛邊來梁國曾傳結客杯叨辱東方千騎

出併充北海一樽開

趙使君饋酒分餉玉宸子器佐一蕉飲壬子立

春日

易水釀餘竹葉紋泥頭未打已香聞况移明月來三

輔肯辜春風不一醺

壽玉峯趙令君

薰風初逗柳條烟雅調都歸冰作絃爲政心閒花自

譜傳經衍靜蒲誰鞭西江綠篠樓陰直北海青樽賞  
價傳可是朝 天雙鳥好高牙蚤已目神仙諸臺稱  
仙令

附

杜郊

仙湖水如凍雨下搏三山仙人府敢飲夜夜吼蛟  
龍山頭鶴鹿鳴還舞青娥玉女驚相牽高安狂客  
怒生顙挺鞭直走大華巔驅得金蓮湖底眠湖底  
金蓮高萬丈丹闕瑤宮奪目晃青雲不敢度明月  
弄中掌吐秀含奇人皆仰狂客西池譙羣仙幾載  
逍遙瀛海天君侯仙裔是嫡傳抱影山中年復年

紫峯集

卷之四

古

江山靚北文章麗花木晴翻翰藻妍磊塊胸中澆  
不得迤邐滇南走燕北射策臚臚一萬言杏苑行  
春人爭識承明簪筆建章更直朔老詠諧李白狂  
才高力厚逢時仄鳴騶且向花邊遊聊把干將酬  
夜色金容衍靜徹冰絃河陽政譜自企企青萍橫  
掣霹靂手化神那復待蒲鞭但須聽柳陰深處歌  
謳隱隱薰風且吹隣封烟吹烟起藝蘭芷當軒英  
英燦桃李綠酒青燈霜復明槐蔭沉沉映桂蕊有  
時詩花弄暮春有時墨雨添江水江水暮春興偶

闌棹擊流光渥渚瀾盡盡于旌茅屋矮瀟瀟清韻  
疎籬寒車迴花雨續紛纖夢驥祠前勤拂拭六經  
身注脫糾纏塵飛最最芟棘芟棘勞蓮實朱  
陸紛紛塵土久月到天心點畫一一歸太極太極  
精光從夜分夜深鶴唳下清旻栢影斜橫淡竹紋  
道是前者移山百三十歲叟山靈有字寄主人主  
人舊是如來身四月八日浴佛辰携得仙湖酒一  
樽聽歌金蓮祝大椿歌既奏兒觥侑笙璫響振紫  
雲雷今日一簾桃樹紅他時雙鳬朝 天就噫異

紫峯集

卷之四

五

幾試看竹馬兒童共懽雙鳬朝天就  
金容夫子仁風遐被壽域誕登恭惟南山當戶之  
辰復值 北闕蜚聲之盛觥兕交錯竹馬同懽郊  
叨承教澤敬爲金蓮歌踵家嚴後恭祝珠玉斯陳  
間鳴瓦缶聊云侑耳

題表侄宋聲有母節卷

西州餘恨幾堪聞閨烈還看咽白雲矜孀人杜  
以死殉 孀影  
而今孤更立較來難易婦姑分

二



世家喬蔭隔城通  
春花秋搏次第風  
不辨霜心白幾  
許祇餘課讀夜缸紅

三

華屋凋零歷幾時  
似應無地問孤嫠  
依稀不是寒灰  
字爭賭連城壁有辭

趙使君有述

壽陳敬齋明府

攬得清光梅嶺頭  
還將冰雪蔭瓊州  
四圍烟裊霜兼  
靜九派濤翻露藻稠  
老我花邊簇立馬  
知君松下傍  
眠鷗連城更是逢  
明月

通金容趙明府

那道僊人獨倚樓

紫峯集

卷之四

六

和公植竹雨中挑燈數過僕  
謂不得彥國父子  
輩一點綴如笑人寂寂何

二

李封待杜甫舊竹修修下  
新響出嬋娟却憐風雨夜  
國鎮以先人基石役見過  
百里遄歸棘人道路  
添老淚耳

暫輟几筵供徊徨問水湄  
詩存偏手澤碑搨更鬚眉  
跨蹇疑經宿啼鳥匝幾枝  
行人頻指點古寺白雲遲

特廬野刹

贈寂如上人

善堪輿家言

蕭然杯渡狎羣鷗  
一抹烟巒一水秋  
眼底天花隨塵  
落脚跟地氣傍龍浮  
鍾譚分牒來荆沔

譚姓家江陵

南北

傳衣問涿州片月蒲團窺  
領畧菩提還覓樹梢頭

贈梁平和

崔侯筵上客內弟幾推篷  
膝席憐吾老鼻端嗅爾工  
襟情就白日筆底况宗風  
擬獻高堂壽家聲是漸鴻

慶徵和公泗音公式廻瀾瑞  
伯雨若存之元臣

紫峯集

卷之四

七

世臣兄弟邀賞湖蓮同瀛洲  
周子振雄州王曉  
初及兒郊衲子雲林晚至

誰云老景易嗟呀  
三里離城上紫霞  
辨取亭亭出水  
意生憎羯鼓欲催花

二

江臯冉冉問仙槎  
閑傍蘆邊三兩家  
晚映禪心元不  
染髮鬢底事幻空花

九日和公邀集奎星閣

一望層城把臂深  
寒花挿得佐瓊斟  
玉山逸興誰堪

譜公子華筵尚可尋  
檻外合流來九派  
烟中列嶼是  
荒陰最憐南浦閒  
漁艇吾意聊從閱古今

壽李母 子和公

九派乘流合澗雪  
鬱貞松松濤常颯颯  
下蟠蛟與龍  
蛟龍奮有時松雪氣  
從龍五馬迤澤長  
輦錦茜桃穠  
繁惟布素裔天寵  
蠱何重璽玉賁  
昨年母也笑離離  
桂影雙婆娑底事  
矢厥矧矧諸孫枝  
秀長已業三冬  
家聲天尺五砥礪  
策勛庸十月西池  
讌第云仙鳥深  
子賢添母壽此誼  
邁華封

紫峯集

卷之四

六

復常中孚明府

上林好霽色  
棣鄂報春妍  
縣譜花迎閣  
香書月滿川  
君方品國調  
我已勅家緣  
驥子却須囑  
祁公斗酒傳

阿馨問  
名孫息

所見

烟霜霜兼合  
行人鏡裏遊  
滿湖絃管沸  
底是李膺舟

夏日觀小婢啜糜

槐影浸窗也作  
瀾葡萄杯憶  
酒光寒杜陵  
饑客愁犀  
筍得似羹餘一  
七看

詩餘附

寄懷孫徵君蘇門 南鄉子

逞癸巳菊月曾有寄懷詩未付郵筒倏忽新  
夏悵焉如昨輒復佈此填詞小枝不宜混有  
道然聲音之道實關神明歲序遷流杖履日  
遠低徊那能已已聊代雙魚賡幾與嘯聲相  
對耳

紫峯集

卷之四

九

存最憶一灣烟樹裏江村玉塵風迴夜色溫

重陽 南鄉子

滿眼弄秋姿  
古木森疎鴈陣低  
別樣錦機新霽色  
休泥破帽翻騰總舊題  
漱澗莫辭厄閱盡升沉肯著  
眉萬馬層臺殘照裏東籬只剩陶家菊一枝

送沈垣之叅戎 南鄉子

河上幾逍遙  
鶴陣犀渠漫自招  
誰似弓刀明指畫龍  
韜畿輔風清酒旆搖  
契結鴈行高無那垂楊綰別  
條極目關雲應悵望同袍遮莫橫金是沈腰

清明雨 滿庭芳

柳弄新肌鶯調舊舌輕寒輕暖庭闌琴書堆案增映  
綠苔痕最愛閒窓韶景蠹魚似不辟香芸還舒眼烟  
橫淺碧水墨畫柴門 消魂奈往跡鞦韆巷陌士女  
紛紛可堪是萍飄浪裏身蠟燭漢宮縹緲更何處杏  
繡遙村澆愁悶除非沽酒風雨又黃昏

悼懷 臨江仙

陡煞西風添耳碎依然夢繞梅花滿林啣照畫屏斜  
孤懷因底悴極目又寒鴉 最是些兒幽恨處晚烟

紫峯集

卷之四

干

偏護窻紗等閒簾幕便天涯情牽滄海月愁掛碧峯  
霞

紫峯集卷之五

高 侃 盡 臣

范陽杜越君異父著 後學王餘佑申之訂

堦王 潛靜甫

序

歲寒集序

逞余童時觀外王父壽州公於客迤北二里許壠次  
一廬問知孫孝子兄弟廬墓處心識之數年庚戌從  
余師忠節公座拜先生當是時鹿孫兩人交傾天下

紫峯集

卷之五

一

夜分商訂率古人第一義已先師登癸丑榜歷官多  
欽崎大畧所與天下士揚扆靡弗拉先生爲質交益  
廣詣日深亡何乙丙間闕禍作諸君子逮皆蘭籍而  
左魏周尤篤則倉皇睨廣柳橐體至再復壁餘香海  
內歌咏至今猶耿耿云先生著孝友義烈深性命家  
言亦遂不欲聞公車事會黃直指鶴嶺疏薦先生枕  
恒高乃天下無問知不知稱曰徵君集所由名也先  
生既絕意公車徵復不起有以文字爲先生頌唾不  
顧余曰否天下事惟其真自真之漓也家庭而鄉國

浮薄相煽膏唇拭舌奉爲寶符甚至色介縶鋤胸盤  
井石猶日取妃白儷青語而雕繪之不知筆墨之權  
去已久矣噫天下有真孝友真義烈真性命外之真  
文章先生集可不傳而先生何如高陽相國舊題孝  
友堂家乘先師認真草十五種亦題自相國相國之  
言曰史家敘述期盡其人之真畫史盤薄阿堵三毛  
亦類是善乎其標英雄將相真儒樂歸一真先生名  
德勿論將相何遽不爲真儒真英雄豈文章一道獨  
不爾且兩先生而非石交則已兩先生而石交風雨

紫峯集

卷之五

二

倡和血誠縷注識者有以規之矣先生道廣類太丘  
矜式後進則管幼安而託跡樵寓雨花四訖正得宗  
人公和嘯隱處蓋一身羽翼天下彼徒嘖嘖鑿坯漱  
石豈知先生者歟所著四書近指道一條答問各若  
千卷已刻近復著聖學嫡傳爲先師肩見知猶子獨  
文集未出或謂諸刻有關斯道而茲集詩文各種似  
涉酬應然與子言依於孝與臣言依於忠與弟友依  
於弟友昔人垂簾市肆或車音琅琅孰非淑人心迪  
來禩而謂真人面目不足映簡冊耶集刻上谷官署

彙粹爲門人魏君蓮陸貳守常君二河實任厥工常  
以高第爲魏君門下士衣鉢可想在郡表忠闡烈獨  
泊然一官是豈徒文字事先生者兩君謂余受知最  
深且睚特屬弁語竊爲先生咳唾珠玉無論卽道貌  
所被望者意消前庚子鄉薦年十七今且八十有四  
列宿亘天何待人傳惟是容故有兩賢集爲靜修忠  
愍茲集出異日有理學忠孝合刻容文獻不更甲天  
下矧先生身任斯道垂五十年黨人按幾排虎豹而  
上訴是又合鑄爲歲寒本色有不第兄弟一廬攀荆

紫峯集

卷之五

三

悴栢而已光騰照乘寵溢執鞭則余之幸也夫則余  
之幸也夫

嚶鳴譜序

蓋披古人已事或登堂鷄黍之約或移棹雨雪之夕  
以及班荆剪韭未嘗不嘆友道之爲尚也逮控蹇民  
社結綬王廷灑意氣以千雲皎肝腸而掬雪然則士  
無顯晦所不篤嚶鳴之雅卽覩其風期草草有不足  
言此獲上信友具昭往訓豈等世俗結納之習已耶  
乃至今日舉手翻覆此道如土揆厥由來得無天日



相誓槩非本色興懷阿堵矢志聲華杯竿之徵逐薰  
心府寺之引援沸骨發根若爾巉巖井石又何惟也  
居恒謂倫常切近處義利關頭爲最而於交友一道  
尤針芥相緣蓋流覽今昔金蘭之無色久矣歲丙申  
陝右右文宋君來長余邑苦心調劑觸事游办不期  
月范陽頓忘衝疲之苦私惟君風流蘊藉若不習吏  
事何有才守兩稱足色得無交游得人乎旣手一編  
見示則所輯同志嚶鳴譜凡若干人各載邑里世系  
以志永好首簡尤嚴以氣誼相砥余嘆曰此君所以

紫峯集

卷之五

四

相觀而善也男子出而問世無不各具血性迨隱約  
牽制間有不得於骨肉嫺雅而聲氣之激發爲多諸  
君子念之深矣按譜皆秦產西陲風土重厚又綈袍  
雅誼光照前史茲倘聞風而起耶何悅慕之殷也抑  
獲上信友尤歸治民風期若此知於義利關頭有斷  
斷如者倘始終不忘交儆繇一邑而天下春城化國  
斯世斯民咸嘉賴之其爲金蘭生色又寧第如古人  
遺事已也余索居寡事藉君茈蔭爲深私喜友道可  
爲天下倡又某某之介言在故不揣而爲之序如此

兩先生殉難紀叙代

不肖某蓋兒時知有高陽定興兩先生矣兩先生各  
用文章理學著迨當關六載手携六百里疆土還當  
寧匪異人任始信文章功業理學經濟原合併而流  
無觭重也後高陽以避言定興以原級各返初服一  
時物望歸兩先生不無嘆安石深源徒浪語耳居無  
幾丙子難作而定興殞戊寅難作而高陽殞河枯岳  
折海內槩有深痛而鄉邦之典刑又何如某孱昧未  
得莊事兩先生急走向容城孫啟泰徵君問狀蓋徵

紫峯集

卷之五

五

君於兩先生在伯仲間則蹙額向某曰兩公大節國  
史家乘不勝載且恩綽煌煌何容贅顧亦有不容已  
於言則一爲高陽述聞錄公死事狀以時尚有異議  
也一爲太常行狀補以髫年定交公所得獨久且密  
也而高陽之哭定興後人之哭高陽附焉某受而伏  
讀私嘆世人震懼兩先生大節無不欲以其死問天  
某獨疑兩先生所得於天之分爲薄且厚也兩先生  
崛起燕南各負不可一世之氣忠孝性生歛而歸道  
此不必一死以明烈而天竟死之視世人縮胸苟且

躡致清通其無益於世可死而且得一死博名高卽不幸而死宜耳而竟以草間活以奪門活以泥首乞降活何比比也此雖其人樂於苟活要亦天不肯輕畀以死然其人竟死矣則不必死而一死仍揭日月天之厚薄於其間果何如也雖定興恩卹最渥高陽微有齟齬顧論定尚需久近而天卒不得軒輊要以完節炳然不使駕濤嚼齒隻行遑牒則千載上下當有揖兩先生雲旗滅沒中者住世久暫中智能辨之矣吾儕低徊留丹化碧似當爲國痛爲後學痛而終

紫峯集

卷之五

六

不必爲先生痛然是紀也猶不忍不梓以行蓋抒仰止之積臆且欲公其痛於天下云爾書成質徵君其以爲然不

抄三歸草序

高陽相國序先師集題曰認真草取椽史尼發金花語集十五種刻江村草堂三歸草則奉常致政時筆未刻而丙子難作嘗與門人管公式言此草出晚年識彌高筆彌老而不可得管子不勝遺珠爲憾今歲壬子菊月携兒郊訪陳範翁父子涿水上爲訂先師

年譜次君國鎮乃出是草余喜躍起持歸示管子管子亦謂斗間氣色何幸復合兩兩每抄成帙每對閱不減石公讀文長關編集光景管子質不勝衣而任道勇於先師私淑在抱平時搜披晤對一言一行顰眉若愾今於此抄益信仰相國序有條然淡遠衷貯我眉姑射管子渴嗜道世味若堯芥石相投殆惟其有之歟往認真併說約諸刻未得奔假手抄大類念菴子于傳習錄後念菴宗傳奚若余樞衣江干若而年頭出頭沒竟如急瀨船不離處所大約問學關頭

紫峯集

卷之五

七

着不得姑待二字管子之勇撤烈可知知於宗傳有當也私淑一燈合符鄒國則仍爲之誦文長詩暮功五世開千葉江漢雙流濯兩人當不效他人謙起來曰然而無有乎爾

敬一錄序

陽明問門人近功門人對以政陽明領之羅近溪郡守入計時宰迎謂初不欲相煩吏事今更得實益以此見學無事外之心行外之知彰彰也世多藉關河洛尋端朱陸恟恍其見反流於白馬非馬爲紅羅遮

面之計余幼侍奉常先師談塵一以直捷簡易明白洞達歸諸此地此時此事求箇此心過得去冰寒火熱毫無躲閃而力弱因循迄今猶頭顱自愧無所質疑會河陽玉峯趙公蒞容績冠畿輔間屏干旋過余余報謁則焚香閉閣蕭然自遠一日邑孝廉孫鼎甫梁貢怡李若濟手一編示余問序曰此我侯政暇羣衿紳昨叟講學語名敬一錄將梓以公同好余竟讀乃作而嘆自元晦聘主白鹿與荆門建醮行箕疇後官以學爲諱蓋進退取舍諸若聲華勢艷於學爲礙

紫峯集

卷之五

八

有同針芥乃公貽書猶謂僕違知其他第居此官稍欲爲地方喚醒三代扇訟一校兼圖交策違知其他余謂此正公所以爲公也學術虛實難易繁簡之分最足起人疑根疑根起學脉斷矣種種分別趨繁趨難總成其趨於虛求一真痛真癢直下信得人不可得非學之詬耶公蒞容首殲巨盜後更蕩以祥和一時士慙昨閉簾垂篆裊熙熙真成遠古初謂公膽沉智決乃爾不知實本於學學固罔弗游办任理學家舉似近功切要卽土計時宰迎勞直家常事且寧獨

紫峯集

卷之五

九

實學實政績冠畿輔今細旃之上與二三執政何常一日不思開正學典起雅化公旦晚應側席行旦以所得風勵海內居高之倡政教誕敷又寧可量哉真儒作用手額以祝是錄實爲嚆矢然則諸君子授梓抑寶筏之始基耳講席在學宮朔望後一日會期也今復購忠愍宅開正學書院邑人實樂觀其勝云

張蘇伯邑侯膺薦序

始侯拜定興命旅謁者驚相告矣洎余隨二三子修謁睹侯爽氣溢眉稜不可迫視私以太阿出匣之擬

謂吾邑庶有瘳乎繼有不敢必者爽氣太露則人思  
通通而多方思嘗將紛精神四應而以當積敝之邑  
吏不蠹於穴歟氓不罷於里歟武斷不橫於閭左歟  
枹鼓數起餘骸踵而探赤白丸如驚時復議滿漢畫  
地則竊爲侯有精神不繼之慮迨調劑不三月而筋  
節腠理默收股掌政聲且隆隆起猾胥豪右無論侵  
漁若而狀民最苦不在徵輸歟自里甲科索之費革  
以歸公帑額外誰囊一錢者草豆紛蹂輦輪吾邑獨  
計畝畧半日糧赴治所歸而枕恒高也他如省驛騎

紫峯集

卷之五

十

之催提清地畝之兌撥先衙役之課額見謂得於侯  
無不易抑督侯以文或面請蓋違復諸臺爲地方血  
嘔幾縷侯剛毅挺特能得之上聰明下不敢欺復大  
類趙子都而至誠則過夫至誠又何難四應故苦在  
單赤無不曙蠹在豪猾無不絕惡少惴惴屏息夏霜  
冬日吾邑別有天歟侯屢擒劇盜其他嘯聚以連結  
郡邑未盡懾侯慮切池魚不忍遽勦迨示以撫而聽  
不聽相倚復各半計聽撫者塙外且免脫勦不聽者  
則內且虎耽廓清終無日耳遂姑縻以緩語一夕授

密計屏內外與距城三十里之渠魁舉鼎鼎以縛至  
是夕實張燕堂皇計犒聽撫者三窟蕩盡官燭尚熒  
熒几案間也向窺侯才與識而膽又何如遠通酌酒  
相慶若曰莫余毒也然亦爲侯危卽諸臺無不危終  
以肘腋與萑苻相倚故侯獨笑曰固然但不危不大  
安耳當是時吾邑實戴更生私爲侯致祝或擬貽謀  
雲中簫鼓麟孫耶或又擬是繩何武易水俎豆且報  
成命則一時父老子弟趨觴侯趾相錯也蓋侯大父  
某先生前三紀實刺易水棠陰如繡臺嘉侯績而思

紫峯集

卷之五

十一

先刺史德不衰遂檄如祀典輝映哉薦剡屢上及是  
臺使復交薦奉命考選治裝有日諸父老乃環謂余  
侯吉祥善事吾儕靡弗手額獨是奪我以所天何盍  
昉借寇之計便余曰若曹何誤若知若邑耳天生才  
無不爲天下侯以考選趨朝必且拜臺瑣寄拜臺瑣  
必抗言天下大計而馭吏安民弭盜嘔血爲一邑請  
命者行爲天下請命吾邑且終受賜若曹何誤父老  
曰吾儕何知大計第知侯拜定興命未浹葢實爲從  
來未有之父母而已吾知吾邑而已余謁賀隨二三



子後皆以齒屬余言余老且倦筆硯顧何能已於侯  
爰次其語附與人之頌

王培之捷武制科

王於金容爲著姓緣蔭亭亭越百年而產中落則以  
客故幾傳至君能深心強力秉其家而產不加擴依  
然客滿座耳屣艷中郎樽移北海性耶習耶君不殖  
於產而鬚眉肝膽乃益有聞蓋自壻余叔祖潛江翁  
先師奉常時過往則目而異之謂天下事患不得有  
心人推赤置腹古有明驗是安得一當生鞭弭中原

紫峯集

卷之五

主

寧顧問哉同邑孫啟泰徵君於君有世好亦亟以爲  
然君貌坦氣沉每眄睇指揮皆有深意顧頴而善下  
嘆謝兩先生言無當也嗣是升沉代謝不忍言會甲  
申寇難起余以范陽孔道則携家就君與其鄉張子  
廣居兩人心計並著而君前已捷武闢至則爲余籌  
寇形如畫戒心稍戢顧所携親族幾百口卽次之虞  
寧敢他與君復苦心安置晝爲糜哺夜躬踐更之役  
若惟恐客子之震於隣是時烽火里許外誰忘其饑  
疲而爲客計且家口亦自嬰心遑昔日之屣與樽是

問余嘗謂天下何事不壞於情岐智偏惠難爲甚而  
患難之於推置視居恒更難昔江左元功卜於屢齒  
間得其任以視君所推置無常變夷險寧第屢齒間  
事蓋披往牒投醪吮疽不過一二事而史氏標爲美  
談談兵者至今宗之則推置之驗也樽墨戈戟總義  
氣所騰播中郎屣北海竿與揮扇投壺謂非合併而  
現不可然則毀家結客君豈聞風起耶抑生來自帶  
封侯骨也丙戌傳臚報至賀客滿座皆推余以言高  
牙大纛自君分內何待侈言而獨悉其好客如此抑

紫峯集

卷之五

主

取符先師鞭弭中原之料耳余以客受知最渥君往  
矣異日躡躡謁軍門補記室朱鷺鏐歌固客子事請  
濡毫以俟

孔氏二難序

逞歲在己亥畿南當試士蒞事爲楚熊次侯先生入  
殺者難之適所拔冠軍皆極選一時靡弗洒然異者  
余壻孔生公敬實前童子科是歲有例廣成均羅英  
雋也生兄公翔仍領袖二難競爽蜚聲鄉國兩高堂  
顧而樂甚夫成均一途踵漢孝武故事率繇貲進或

謂國家制科重士公翔文譽著芹序挾策宮槐寧弗  
可待噫是未達於見季武英辟搜異才無虛日卽此  
途所得才力如卜式凌雲賦筆如馬卿流輝今昔誰  
復嘗者文譽如公翔且早歲代父折強訟者角牙風  
發電激人稱揮霍使待用交戟不知於漢廷二子孰  
若又奚事鉅釘博不可知之遇爲公翔旣得堂上懽  
撫小弱弟仍不忘督恭郵筒往復知二難相與有成  
也迺公翔爲余言不肖兄弟何能爲役介祺王子其  
蓬麻我哉王子姊丈文翰行誼小子輩心儀最蚤更

紫峯集

卷之五

古

雅期吾弟蓋公牧丙申館余家年甫髫髻穎揮毫人  
競目爲斗酒漢書間揚扨今古尤唾視世間腐鼠余  
已異之會冠郡試意不無露詞色而恂抑彌甚識者  
固咄咄謂何所薰習迺爾昔羅文恭第後外舅曾太  
僕標爲大事而項發赤是日猶偕友講學蕭寺士先  
器識目中有一時便無千古文恭所得若何郡試雖  
小規器識則一公教平昔揚扨殆惟其有之耶督亢  
之孔號氣誼世篤庭訓不以產落解世人艷說榮進  
大抵沉酣聲利止耳使天下事盡此書傳何述焉余

獨援引往牒若而人蓋就二難所素蓄合之庭訓且  
也有介祺王子左券在抑微往牒余邑范陽迄金容  
地無當黑子踵生鹿忠節孫徵君先後倡道不百里  
聲施炳如列宿視沉酣輩何居兩先生不起衿掖乎  
潮崑崙孰尚焉尊父在斯翁從徵君兄弟游伯父養  
邃翁執經先師忠節雨花拂塵千載相命倘河漢余  
言盍質兩大人當庭訓一則也

表弟宋公遠秀才序

達侍外王父壽州公兄弟三人以宦裔居里第至貴

紫峯集

卷之五

五

重也在苒遷流池館非昨余故有傲雪亭詩誌其概  
蓋自誥封戶部公歷裔孫已逾七世顧每見人文濟  
楚未嘗不嘆先澤爲不亡也外王父兄弟官內外若  
而年子孫隸學宮不下數十公遠兄弟復聯翩起拊  
膺情事更覺於諸家有異蓋外王父行三公遠考四  
其舅亦行三計其生最少而早凋配杜孺人且殉節  
呱呱甫離襁無論余有知己之言於舅氏卽遠邇孰  
不謂若厥緒何乃未及過之而書聲溢家塾矣又未  
及而兄弟前後蜚聲矣聯翩世業喬木倚雲視天道

盛衰何如大約物理循環盛必有衰天也衰還兆盛亦天也盛必衰而衰未必盛則人事與天道相召或未必厚集以參耳公遠弟若兄於七世中若綿若延呱呱血胤孰爲啟翼其亦睹江河之逝乎龍門積石孟諸渤澥幾歷險折而後一日千里之勢成天下事未有不鬱極而紆者也則先孺人爲言郎陽宦成後外王父才名剡世僅判一州大如斗至公遠母殉節事痛哭不食八日死泣鬼神凌霜日而旌綸未及人事發未盡發中更屯否鬱極必厚是其爲今日龍門紫峯集

卷之五

六

常赤生舉秀才序 代崔夏章太史  
余縮史局之八年 今皇帝改元四載文運聿新綦盛矣同年友德州蕭君介石輟珥筆來督畿輔士時治教雖隆當事猶不忘飭法君獨蕩以寬和無論甄別精密一時桃李春陽郡邑知名士靡弗灑然得師爲慶而上谷之易陽常子赤生脫穎擢年且面加識拔者也蘭馨玉映見者屬目更噴噴前廣南神明之胄不衰蓋常子尊甫翰公先生令廣時多惠政馬政一端嘔心調劑爲地方計尤切尸祝惜未究厥用旣孺人復以節殉呱呱甫離於襁則屬從兄中翁撫孤事稱翰公先生治命云先生前余三年成進士中翁復前先生辛卯同家大人領鄉薦故余得以年誼稔其事計廉吏一月橐中裝至纖細耳翁則悉簪珥同長老必登籍獨出私財延師課讀且爲置田可粥者若干畝以故常子得無越思文譽日隆當出私財時人或代有難色適翁之言曰吾何敢忘吾籍又何甘宣孟客千載笑人蓋黯然河流岳峙人不多先大夫孺人遺澤而多翁義篤撫孤也抑余更有慮士所期

紫峯集

卷之五

七

顯庸耳但一入名場不名諸父娑娑舞車上有幾兩  
蚤驗於頭角自異時標症已見昂語直視隨俗詡詡  
彼惟知今人又奚論古人不知士果自異要當於古  
今有辨政未可目前爲了手事也昔唐應德滿壁書  
志士格言足不入茶房酒肆羅達夫及狀元第聞婦  
翁獎慰則面頰發赤曰人生有許大事此等三年通  
一人何足奇兩先生自立於諸生若爾後文章德業  
竟何如常子席先蔭更念此撫立艱難心血絲注英  
粹質可以知所勵矣常子尚未娶內兄亨子湛子

紫峯集

卷之五

六

兩楊君余姻契世雅又爲蕭君特拔知名士介一言  
爲賀故不忘志其遇兼志所期蓋曰是譜也姻友世  
年之講差不等泛泛異日與從兄翁卽不敢鴈行進  
續且鵲塔踵進木天一席固所稱唐羅兩先生發抒  
地後先輝映當不忘余言爲左券余且得藉手爲國  
家得人慶矣

詒靜甫序

新安王子靜甫余壻也兄弟五人居四大父各率廉  
宦東土歸而家赤貧靜甫少於諸兄弟顧所幹理當

父母意性復馴謹侍父客屹屹酒鑪茶竈暇則手一  
編矣膝下旣著服勞尊甫五修公乃攜文藻放跡齊  
魯晉豫及河淮遠道稱壯遊今歲已酉夏歸自崑期  
不無稍左又傳小恙無如靜甫怍怍欲縮地何有難  
者則曰豈少我哉惠州不在天上良苦此數鎰買舟  
費耳時兩兄長以賈代養次舌耕俱遠在二百里外  
遂赤日走賈所謀所需至惶遽也北歸父乃在寢然  
又迫試期仍扶掖至都藥餌躬親以間奔走尚書期  
所泥淖竣父事當是時人爭嘖嘖焉一身見天性

紫峯集

卷之五

七

云靜甫顧曰此常事天下事政惟其常離常將有不  
可言者而渥俗故習爲博受經矣至攘家人奩具充  
質靜甫獨詒書痛自懲余進謂此曹陽示訶非不歷  
指某某而斥之及祖呼燈影下兩目芒生卽前斥人  
之人也爲設一喻若不睹燈影乎爲問底座何似嗟  
夫是非本性返勘到自已身上安見燈影非吾師寸  
札霜嚴知非徒從人起見闢堂上亦爲此事加懋昔  
人文可愈疾可無呈似耶守身事親往訓耿耿第問  
諸博者金注瓦注宜何居又不在區區奔走間矣渥



文行管公式最著靜甫晤對加肅又惕孺仇子端樸  
不苟世雅且同研席盡各質余言併質諸堂上

仇子惕孺 入學序 從子捷武試

仇之先有以御史忠諫忤逆璫謫曰渥水公旁支幾  
傳親喪廬墓風雪悲號邑紳劉鍾所扁雪廬字學宮  
並祀家世莫京雪廬又兩傳以宿學從遊孫徵君余  
得介而交好甚洽爲異渥氏後余館渥上其伯兄材  
我贊兩孺子師余自遺幼孫從家兒學則異渥已賦  
玉樓兩孺子其孤也蓋異渥秉至性特立行意絕不

紫峯集

卷之五

三

骹破一事兩尊人喪廬墓旁野刹悽迷烟壠至性寒  
人顧釋服未幾終以鬱悴暴殞內張哭絕者屢亦旋  
殞當是時兩孺子幾無生理幸就館俱自立少者更  
篤材翁一日語余孰謂此兒輒疑疑家去廟舍喧囂  
不百武從未一瞬他飲博場勿論也諸兄携試易水  
或諷少而文一叩當事且立售又如咄咄何昔唐應  
德廷對時宰渴其名索試卷欲爲地不應曰進身之  
始何得苟且余竊謂不苟二字確是士人立身底本  
後應德品行何似會今歲復大比仇子果自致費序

從子亦以武雋人或艷文武業余獨異其家世忠孝  
兼席兩尊人節孝捐生之烈能以不苟矢無忝也人  
世泯湮智熟熱竈爭然寒籬乍吠彼非不口語自厭  
惟是意中早有無所不可爲出脫剛大幾何堪此銷  
鑠天下事斷斷可處皆從不可處見仇子觀其深矣  
夫亦念天地父母之身幾許大業而甘作骹破了當  
則而先子不置身百尺樓上乎逞徵君渡渥字伊兄  
弟長慕孺次卽仇子惕孺名賢期待非淺意所謂惕  
或卽作不苟觀否而材翁解秀水政優游家食一簞

紫峯集

卷之五

三

一粒日手啖諸孤子若女暇且屹屹篝燈几硯是爲  
何等心膽及是與苗蘭並露頭角二十年情事仇子  
其謂而伯父泣耶笑耶勉旃天半家聲本地具足並  
無忘握手爲賢以終稱而伯父之志余山陽笛思亦  
藉稍紆耳于是仇子携從子肅然起曰比者或以西  
席招解解未敢應蓋誠不忘伯父之愛於膝下抑伯  
父實不忘督甚則先生志之矣敢不拜阿從瑞舍子  
字抱璞於材翁爲世適云

楊湛子捷畿聞序

余館渥三年癸卯屬當秋試季康劉君徽徵夢湛子名在三十六時年廿七及榜發被落別且再湛子高才博學人或疑之余曰是天老其才當以三十六薦今壬子適相符劉君曰更有異湛子治春秋夢中誤作尚書今郵函亦符何也古今人物彪炳具有光如姚江閩中三人好作事肝江夢手托天通身汗下私恠湛子非絕世之槩何曲示其兆于十年前乃爾湛子承父藍田君科甲起家業未竟又曾大母劉若節被旌余有傳不具論湛子與兄亨子俱名諸生兄弟

紫峯集

卷之五

五

痛父背早篝燈力學亨子秉家秉佐弟讀心更苦湛子亦愾然深沉好古大類卿家子雲抑不惟是自介余贊徵君日習古人忠孝節廉事無少退讓間與同志友崔夏章太史李和公文學往復楊挖兒郊亦時泰塵席而湛子意獨遠矣崔因致知底力行稟適越北轅之懼切實類考亭湛子則直認當下本心雅俗義利啞子嚙藥童子捧茶兩江其人歟李中懷雪亮行事磊砢表男子湛子則篤厚周密防身若處女知行動靜路徑不一要其猛力擔承各有挺不可拔之

識不可挫之骨聖門結契狂狷意或在此余所見每質管子公式管嘔心理道極是余言又聞諸鄉長老兩兄弟侍大父母病榻極勤瘁娛事繼母女弟登具至頃內人簪帕即捷報後霜朝馳百里省母家先塋是爲何等心腑夫季首百行矧先世閭節嶙峋尤士君子冰心鐵骨所由淬問學淵源舵柄在手其於發揮先大夫未竟業而副劉君兆寧可涯涘劉藍田中表併孚奉行鬼神所爲告耶賢書一途大廷待對富貴利達類所艷說而余獨述一家素業亦曰天下第

紫峯集

卷之五

五

一流豈富貴利達可了者裘馬輕肥婆娑作車上舞斯其品流何似勉旃清白吏家聲天半且也先世苦節在丹山疊彩德輝千仞則余前傳固豫期之矣屬作報蘇門徵君仲孫靜子亦魁南省宗風在望壹併質之

李叔子止公立嗣序

遑交涉水君自爲孝廉觴余渥水上至驩也別十餘年歷花縣擢守濟寧復聞伯仲佳公子仲和公氏與邑崔太史夏章今新孝廉楊湛子文名頡頏時湛子

已師余因併介交好文壇酒社大約不減浣花千崔  
戢李封也後和公偕伯氏元公奉泚水諱歸交道益  
盛乃語次不能無憾則叔子止公不良於疾膺條佗  
症父諱次骨更貽憂慈氏良介介蓋叔子早補諸生  
似以進取滋鬱疾不發如常發則備諸苦趣衾裯狼  
籍至名諸舅爲內子困往吾邑王明府爲述鄉文恪  
公有姻戚在朝蹙頞語阿坦何至平等相呼文恪曰  
勿嫌也因出子手札娓娓千餘言末署濟之秋元閣  
下文恪子才而在叔子得無類是先是叔子娶於劉

紫峯集

卷之五

書

劉爲方伯公後邑望族而諸舅皆余夙契故得聞諸  
兩家族黨稱內子實嫺婉卽叔子疾發不一毫介詞  
色且若惟恐貽婦姑戚姑亦若察其絕繼嗣之望憐  
愛倍他婦而和公先閭爲徵君仲兄相我公孫息雙  
珠姣好卽不忍于姒推次者於懷抱後叔子變彼諸  
姬德音在耳及是伯仲稟母命議成適兩世覃恩至  
卽于焚黃陳此義墓所親知皆喜余謂此舉有數善  
叔子室家年俱有待內子不嫌許允婦慨然以大義  
請孫家婦早割所愛是爲難耳竊見世人于繼嗣瞻

徇而不請請而不與孰是筭流決大義于一言且時  
堂上不已帔服稱宜人乎眼看家門全盛東海鹽花  
西堂春草獨一子若婦處於非朝非夕風淒雨暗中  
無論關心繼嗣嫺婉謂何則此舉不惟堂上撫育三  
世而處其慈而兩伯仲併得紆其上牽萱幃下牽棣  
萼之隱于孝友又孰尚皇恩覃被綸綍交輝竊意焚  
黃祭告白雲縹緲泚水君精靈必有洋洋如在者余  
交君家三世會劉君嗣仲復請劉卽叔子外舅故樂  
爲言和公以文著蜚聲天闕不具論而爲叔也子者

紫峯集

卷之五

書

名模甫九齡誦聲琅琅余並驗其必興則更以一家  
氤氲和氣卜之也時伯氏亦未舉雄座客曰不然是  
德年並盛商瞿之繩繩正未有艾

王葵英先生壽詩序

督亢之王兄弟拔起燕薊兼子姓彬郁交遊嘖嘖罔  
不嘆爲人中龍也屬先生解魯陽綬巖栖谷飲送黃  
鳥於林端挹清風於瀨下吏茲土者至求識面不可  
得凡若干年今乙巳小春十七日壽逾八袞有幾厥  
嗣申之同八若門下士各爲詩歌祝先生以甲之嗣

行俠而文葩蓋擇賢云余嘗慨耨鉏德色世聞父子  
不獨目眇詩書爲然至俠而文尤不暇細檢門以內  
爲從色肅神恬有意無意間驗申之所以自致其於  
天性何如猶記還自東土爲余言牛載橐中夢除給  
貧交聲氣與患難交歸持上吾父酒資值杖頭醉幾  
何父不色忤又申之客外舅孔公家屬淋潦自雙峯  
百里而遙過予門問耗則先生遣使至噫人世志促  
形迫率釀自骨肉視先生父子慕則孺顧復復如嬰  
兒在哺渾淪元氣孰感孰應矧振藻抒瑰子舍名已

紫峯集

卷之五

美

在天揆無涯智結爲大年日月長鮮不更以身効之  
先生歟或曰兵農城郭歷試巖邑輒效有用而善藏  
或曰不接人事不交州大夫歸來三逕達而善藏凡  
此韜藏鎮密孰非壽者相猶不若驗諸膝下文若行  
若天性一堂煦濡更爲老人第一受享蓋昔人以陳  
仲醇壽其父濂石余故於先生亦云至孫枝蔚起則  
所稱烏衣巷子姓彬郁之常而先生意何極也申之  
固多長者遊卽山居數椽築自中州張還白蓋習先  
生家名德爲娛老地近河汾弟子且蒸蒸忭舞然則

諸詩歌爲松喬雅籟余不佞蒲柳質得以并其端不  
且藉蔭於松喬也哉

徵君鍾元孫先生八十序

遼癸未從徵君先生棲隱雙峯爲文以壽家壽國壽  
天下爲先生壽迄壬寅先生移寓蘇門且壽開八表  
長君君建在里里人士念不可無遥祝會長孫紫生  
舉博士第一與先生大耄協吉屬余致詞去歲遠近  
乞文薛行場先生贈矣無已仍爲先生釋教澤詩詠  
文王壽考章分天漢則樸枅作人盡之先生蚤年躬

紫峯集

卷之五

老

孝友愷悌之業精明淵朗之識與忠節先師更主名  
教旣忠節大用先生益矢繫阿顧念義理非一方可  
限因鼓枻河洛訖海岱淮潁楚晉諸墟莫不教旨及  
焉先生教不涉懸一依人倫日用大約如嚴君平卜  
肆語而躬行感發無不灑然名公之樂第觀遠近手  
額神明加健卜大椿焉人心嚮慕何如昔王汝止有  
得於天泉証道不忍私諸身老年出游興起甚衆今  
且無論先生教在世及諸子孫融融蘇門几榻卽數  
椽孝友堂歸然宇內問誰潔肅宇下長君業本教澤



施于家以經行薦羣從亦各帳暖扶風綦盛矣今紫  
生復衰然領袖玉質金相家學交映南北蒸被可知  
樸槎生機鼓暢興歌壽考然特散材耳詩又不云乎  
君子有穀詒孫子穀之而粒而食家國天下利賴何  
似抑不惟是余羈栖不獲侍几杖遺兒郊問學歸述  
蘇門風旨嘯歌羹猶不啻與公和康節諸君子把袂  
而上下其議論且高年體靜契悟彌深日偕同志編  
緝經傳秘義不第他著述已耳邇聞當事且壽之梓  
公萬世夫一時教澤孰與功在芹香藻暖羽翼聖真

紫峯集

卷之五

天

爲極天旣以道生人故憫人心陷溺倍於饑寒而發  
皇斯道固結生理年壽率亦相準記先生十七捷鄉  
書此六十年隨地雨花物我交証孰非斯道爲事繼  
自一時萬世總在發皇中則總是生理所固結有問  
天人感召卜先生大椿者乎穀與械若芹香藻暖具  
在又何假菖苓以引年也里人士咸頌余言質而當  
請揭孝友堂并函詞蘇門隱處代千里鶴觴先生其  
領我乎哉

賀玉峯趙使君壽序

今天下號清肅而民生吏治尚有沉頓結轡之象鬱  
於神志大率條畫具痛癢微隔則虛實之分百診所  
繇伏耳天地正氣有開必先精敏貞固且挺生異人  
以大爲震蕩而一歸於學若容邑侯玉翁趙公非其  
人歟公射策科甲作牧容雖咫尺京輦池黃不蟻附乎  
猾胥不蠹穴乎催提勾攝苦驛騷樓堞府寺名賢華  
表且日圯公至而悍者惴惴者蘇偉構連雲稱永賴  
問閭左曾費一錢否公精練心計本天性而親勦劇  
盜尤德威易見暇且與諸耆髦樽酒論文塵花芬馥

紫峯集

卷之五

天

卽客秋光騰桂苑幾倍一郡而名賢蘭蕙復捷中州  
流寓謂非德教流暎不可然第就容言容往隣邑新  
安篆久虛矜氓習容狀羣借寇會他委檄先一日下  
則頓足灑泣出絮語自恨也當事至離坐欵慰是爲  
何等光景乃公不以越境置泊新令君陳公受事公  
悉心條畫所爲賦役征攝安民弭盜悉如容又廉得  
一巨慙咆哮官府矜紳嚇白金無筭公臚其欵偕陳  
公大開堂皇立職是刻卽携菓醴勞一義民韓姓家  
則閩郡赫赫神明寧第躋兩邑仁壽已耳四月八日

公誕辰新人以余寓渥久屬爲壽且曰若母蘆中自  
匿第觀我公詎可常格事者余則謂壽靜境靜歸於  
仁宣尼志之矣頃屬報謁驚啼吏散微雪籠竹栢上  
公方焚香晏坐可謂靜極抑不獨爾天下利弊不振  
率釀於膜視一念而真痛真癢復有攝之去問誰屏  
嗜好嚴請託慙慙心血惟卑亦是注且手剪渠魁聲  
色不動而彰瘡兩案並舉輒枉車騎過余談移晷時  
方角獵寓武事又何出之悠閒淡遠也綸羽風流得  
自寧淡古今擔荷人詎別無領畧在蓋公論學克復

紫峯集

卷之五

三

功夫要在倫常日用萬物歸懷亦復一物不着然則  
公非無事爲靜政以大恩大威事歸無事一毫動不  
得爲蒲團此真靜真仁體精氣神不驗則已驗則非  
宜尼所以灼壽元者耶矧精敏貞固實鍾天地正氣  
冰心鐵面何事不辨異日 天子璽書加錫在兵言  
兵在吏言吏在戶禮言戶禮悉本仁與靜霖兩海內  
壽國壽天下而適爲一身壽語不云乎人所歌舞天  
必從之則老校書願効一言如此新人皆曰善遂趨  
稱觴抑不識公於金樽檀板與焚香晏坐還作二相

否

宋母董孺人七十序

右文宋君長吾邑之二年爲丁酉上下咸宜政有成  
矣季冬廿三日母董孺人壽登七袞右文將謀所以  
佐觴者而孺人亟止之曰慎無混老婦爲也天道戒  
盈事當循分自我爲汝家婦宋雖右族不憶佐而父  
拮据惟謹乎父起家文無害不憶同赴選人索糈長  
安桂玉交煎乎父當大故未亡人提兩孺子又不憶  
數千里孤孀客路乎三十餘年燈影機聲撫而兄弟

紫峯集

卷之五

三

以有成凡所爲極難耳今且微半綸報國以終酬而  
父之志於願已足又何事束錦羞璧之煌煌且邑當  
孔道故多達官長者游旣佐邦君出治僕僕靡文是  
侈爲老婦娛何清慎之爲也右文跼而謹受教迺一  
時茆宇下者情不容已羣走而謀諸杜子曰靡文不  
侈孺人之教則然抑情文貴相稱盍以清言代筐篚  
杜子聞而竦然異也詳孺人之言則知孺人所以壽  
蓋天地嚴毅之氣挺爲松柏其含貞聳翠歷四時不  
凋誠壽象也而冰霜風霰之摧撼實有以老其姿而

蒼其骨跡孺人三十餘年撫右文兄若弟百憂百悴  
冰心血涕詎非霜霰之摧撼堅苦所結鬼神嘿佑敦  
龐醇固大耋實基之且不獨於此右文文秀之質蒞  
政逾期而政成若夙嫻者人或疑別有政譜不知吏  
惻民安匪繇別道清慎飲冰固奸宄所爲搥手而卑  
赤傾心者耳孺人扃戶却筐篚數語首揭二字嚴詞  
凜凜然則右文雅操自勵施於有政固天資優爲率  
本孺人教也古賢母風清圖畫有反鮒示儆或擊墜  
金魚彼皆逆以相成尚馨傳千禩孺人潔修明識貽

紫峯集

卷之五

五

範令子流澤永永壽以身兼壽以德壽以名是又霜  
霰不能益其貞松柏不能儷其筭而孺人真壽矣一  
時同事諸君子咸起而稱善請書縑爲孺人享帷而  
觀焉矍然進一觴也不識可比於飛絲奏肉及束錦  
羞璧之儀否

管母梁太夫人九十序

新安之管其來已久數傳有起家科甲官副憲故人  
文最盛分派鳴鶴公更用亢爽磊砢著邑庠配梁實  
佐家秉和整協於上下是爲太夫人太夫人舉來矣

子二俱諸生兩嗣君復各舉子凡五具瞻連抱孫斗  
瞻尚未會太夫人開九表有以武薦復舉雄仍具瞻  
子嫻六也內外僉議四世一堂不可稍缺盍推以後  
公式公式斗瞻長子十五補諸生今甫廿七繼體事  
似嫌早計獨不曰堂上百齡漸及老人分甘探果有  
懷況事關繼續當意婆娑萱運三世擁膝福不謂不  
備而一孫殊介介太夫人不曰美秀而文是子也才  
吾惟子之戀乎夫有意無言之喜鬱係壽源非淺固  
宜兩嗣君色養之餘不無籌念而待有今日公式卽

紫峯集

卷之五

五

徵蘭未晚抑所謂取諸懷耳合兩門之祚胤究不失  
慰太夫人一體之孫曾謂非天倫中煉石事歟往余  
曾爲詩頌一家人倫之盛時尚未及此舉太夫人雖  
九十而耳目聰明神志康悅聞有進鳩杖輒笑而置  
之曰烏用盤薄家物豈老婦必恃此而後行哉噫太  
夫人壽矣問何以得此則就體親一事兩嗣君娛養  
可知而繼此以往更何如也又公式爲學本諸伯安  
氏聖胎聖果業以最上乘致堂上且不有已事可按  
乎當伯安盛時尚乏胤祖母岑老海日翁以爲念乃

擇立近屬洎自有子仍襲父爵後岑歲逾百齡優游  
鐘鼎或亦不藉繼體一節然未始非燕衍助也公式  
無論學業顯燦有待第就伯安事卽以岑母爲太夫  
人壽奚不可而伯若父若兄先意惟謹至嫺六薦武  
試叔氏嘔心督蒸總是骨肉太和薰蒸貢諸膝下詩  
不云乎且以喜樂且以永日層蘭之玩拱爲大椿固  
不假菖苓以引年耳或曰太夫人佐鳴鶴公子舍公  
姑安厥養各享耄壽今日庸非自食其報太夫人且  
逡巡謝曰家人盥釜間務烏足贅若夫文武業兆異

紫峯集

卷之五

壽

紫峯集卷之六

魏之瓚汝器

范陽杜越君異父著 後學張西銘廣居全訂

甥許復振爾揚

記

飲竹園記

癸未改歲十六日遴奇霍翁招飲先是避地雙峯翁  
再爲孫啟泰徵君設榻余故題以武陵鷄黍及是遂  
張燕家之南園園多植竹兩枯松偃其上列席與陰

紫峯集

卷之六

一

靄掩映逼畫羣顧而樂之不待主人亟呼酒酒甫行  
而碁聲從竹間出下與泉石迸響則孫子君孚陳子  
國鎮手爲指授則楊君致齋也一時沓倚樂觀而察  
主人僕僕酒鎗間意甚切若非此無以爲懽則又亟  
呼酒欲與奕敵而觀奕者復漸趨酒人所或塌席或  
據松根或翹首恠石巉坼助怒張之氣而主人益僕  
僕酒鎗間矣遂徵君與仲兄啟運爲弟啟美病殊損  
眠食會是日少間則拉其同舍友王君理寰張君泰  
和分叢竹以清叙助微醺也因嘆顧公在坐使人不



樂彼實未領同人之趣耳李子某以簫至簌簌振簾  
雨微君曰此聲不凡可候月則命長公君建爲琴聲  
長公習靜久襟帶皆禪琴曲復爲普庵呪衆環聽肅  
然更覺爽而角杯而角雖據勝情不幾從淨土中多  
一番公案耶蓋微君有言余遂讀古人詩文一時過  
從如稱某翁某山人非獨過從者賢卽主人名字或  
不著而信其人亦賢豪間隱君子流也以今觀霍翁  
詎不誠然乃其地又良勝卽如吾儕聚首非不時肆  
獎猶顧孰使茲會骨倍清眼倍明一往金蘭之氣倍

紫峯集

卷之六

二

永則竹韻挾溪情谷意又不獨主人能醉客矣頃之  
徵君以視弟先往余輩復朋飲月下蓋諸君子高襟  
雅抱屈茲勝會興自不淺而鹿子挈侯密觀兄弟楊  
子邢子各以子弟之誼馴然雅座詎非極一時勝集  
而成主人之賢至酒杯旗鼓則鹿君夢周蔚君應昌  
亦各寓鞭弭中原之畧余獨以頽頽婆娑清蔭從諸  
君子後卽諸君子不知何以置余也洞簫候月適微  
陰作障座中有爲悵悵楊君曰不然世間最便宜事  
不應全占此自天人消息而何疑今夕余肯其言而

別歸宿予吾舅竹園次日酒醒爲記其事如左

高同先生祠記

通先生祠通畿南幾與梵宇等雪山遺跡不問知爲  
西方聖人而緇流眩俗至假以資冥福則其說幻先  
生生於金有高尚之目卽高尚二字其人自可見末  
俗獨神其醫道且崇尚眩俗亦沾沾冥福爲說至哀  
之冕之勅之不置也此於高尚意不失否如雪山若  
行腦髓不惜而金碧莊嚴此皆於理何據余貧不能  
購書復以褻足戒不能乞縉紳家藏書而証之遂無

紫峯集

卷之六

三

以間執里黨之口獨憶高陽相國單揭高尚署祠額  
此外不濫一語相國考古今書傳最詳則標題之可  
據宜莫若此故里人某某輩乞余記者劉真君祠也  
余獨揭高尚爲辭義本諸此誠不欲冥福之說至假  
袞冕眩俗爲先生本色誣祠建固城店震地迤而北  
當孔道復建一區幅巾道衣理極近且溪林環映于  
先生之風可想余題山水歌風蓋取文正碑子陵語  
也或謂冥福之說旣無當而隨地發皇不幾助之瀾  
歟要以世俗自資冥福吾黨自崇高尚誰云不可或

又謂信如斯言其如老幼婦孺奔走辨香之意何余  
曰人心有神此於聖人設教微指自不悖第不當持  
以爲說抑爲世界作筋骨正少此高尚二字不得耳  
異口風兩烟榛有拂辭而讀者與當不昧斯言也是  
爲記

書先師鹿公碑陰代陳范彭

是在前朝丙子廷尉先師以邑紳殉范陽奉有廕卹  
諸典未及次第獨此藏碧地與王父贈光祿公忠諫  
而天下聞而慕焉先師理學風節具在誌狀及所

紫峯集

卷之六

四

著說約認真草諸編業光琬瑛第遷流世代此地或  
埋沒烟榛使千古志士仁人無所憑弔非後死之責  
歟爰謀諸同志伐石以識其於先師爲姑子自先季  
謙背早推舅氏封太常公意撫其父子兄弟以有成  
且稍聞於道回首三十年朝夕經帷安傲之嗟知何  
已極抑古來賢哲有道落落墟墓率流映河山惟茲  
抔土祖孫英魂所萃則烟榛荒沒之懼又寧第一人  
一家之私矣時家孫孝廉靜觀苜蓿吾涿泣謝曰不  
肖孤自委田廬方媿不能對揚先烈詎茲更勞執事

某作而曰是固非一人一家之私也先師學問底本  
恒以溝壑爲志生平無論蕭然几榻卽敝屣所及觸  
罪金華委身木葉是生死大關早已毫無沾滯何有  
墓頭片石然則是役也但欲與天下后世公其憑弔  
又孰云一人一家之事是爲

舊州藥王廟碑記代孔公教副戎

藥王祠舊矣遙河伯見妒址幾湮土人不忍替明禋  
廼相率庀財鳩工金碧其飾甚義舉也神爲勃海鄭  
人專祠傾洞天下稱名勝此相去不百里何以復祠

紫峯集

卷之六

五

計當日同弟子子陽輩刀七所及於齊於秦於晉號  
諸郊無不聲華映被則此爲普濟處無疑土人累代  
感而祠之宜也獨計術之神者通於道竊意嚴君平  
非卜人岐黃君臣亦非醫流尼山以有恒加於醫尼  
山非聖人則已尼山而聖人此一字不爲杏林宗統  
乎蓋惟心最神能入人骨節能入人血脉而湯液鍼  
石以至菱寒炎暖不過輔之耳神當日名聞天下不  
傳之秘定有所在而所稱見垣一方以上池水飲長  
桑君藥亦特形其疑於神史氏好奇猶取所診若尸

蹶若鈞天之奏而膾炙之令人目眩而不瞶於尼山  
有恒之訓何當卽神自謂越人非能生死人特其人  
原有可生之道而診者以生氣迎之又論齊桓侯一  
段云使聖人預知微能使良醫蚤從事則病可已身  
可活噫通此說家國天下可無事則史氏近道之言  
歟余懼夫醫流與延醫者失其根本且眩怪幻之言  
惑於名實而岐黃家言幾爲世誦宜乎識者有不藥  
得中醫理之說也故因記而并論如此使史氏盡出  
撫實旣云以同列妒刺殺於秦今湯陰墟則有扁鵲

紫峯集

卷之六

六

墓何遼絕乃爾抑以土人崇奉之隆証當日立術之  
神恒心透骨知有不爽且欲告天下工醫者在此不  
在彼於以康濟斯世不庶幾乎神趙人也姓秦氏於  
齊名越人趙名扁鵲長桑君其師今傳不一特述以  
備考祠湮於某年工起某年剏日成於某年倡義人  
某某是皆恒心相尚余屬橐鞬茲土方欲爲士若珉  
微福神休益兵民一體亦余之責也因不辭土人伐  
石之役而爲記

紫峯集卷之七

管振聲泗音

范陽杜越君異父著 後學王 璵王宸全訂

周維翰翊五

傳

方新王公傳

公諱家祚字厚存方新其號父儉子三人公其季也  
出後伯父位五歲兩父繼逝奉二母訓七歲入小學  
嶄然露頭角旋受知令張君以第一人補諸生誦讀

紫峯集

卷之七

一

一室歌聲出金石也公與人肝膈皎然無城府然不  
因而報請或承色笑於貴顯之前起覘王君何狀嶽  
嶽立耳癸酉登賢書闈中卷擬元未果房師黃贊伯  
襄主選事婉轉道公一言不可得器重彌至公硯食  
久登賢書稍自發舒而於族黨益勵謙厚念兩父背  
早遇父執修子侄禮甚具偶及先世事髣髴音容不  
自知淚浹眶矣長兄家俊病篤委身七劑歿則稱貸  
襄葬不以脫粟布素解丙子與城守事且捐貲瘞城  
外暴骨當事以狀聞公不顧顧益慷慨發憤讀書靜

念寺之僧舍蓋意在鴻鉅政未可涯量無何葛君舍  
馨卑題授鄆城疏且上葛爲稽勲即從紀錄得公名  
心儀公偶相晤晤品槩魁岸倍心折喜語人吾鄉多  
事非定識強力孰與辦此吾閩人雖多固無如王君  
賢報至公不知是爲辛巳冬事地方經李青山亂四  
境荒殘孤城落照抵任則亟招撫流亡詢父老利弊  
殫力興除適治獄使者至公確勘得覆盆若而人爲  
豁數十逾年壬午隨充西道李赴戴家廟勦賊設險  
出奇蕩平皆公策法應得叙後李以事誣鄆諸生某

紫峯集

卷之七

二

公力爭且爲地於各上官李不能無嫌又索金帶不  
爲動曰鄆故無金穴令淚眼灑向殘黎幾斛寧敲脂  
獻媚乎又惡用戴廟尺寸績爲餌時徐君標高君斗  
光俱善公相見非籌軍國重務則以忠義交勉徐贈  
詩爲別津津此疆項令也入郡謁孔廟瞻眺久之郡  
大夫尚急征課輒據鄆民狀開誠以告得緩征復奏  
記蠲免民賴更生云公旣雅負疆幹聲臺使倚之重  
冠警至委防河干實習公不但以吏事著一日晚宿  
漕邑同人治具相勞公憤時事日莽悲歌拊膺飲微

過量兼籌畫鬱悴遂中痰告歸士紳父老灑淚攀轅  
蒞政纔兩逾月耳書囊藥裹怡怡子舍暇則舉立身  
大節課二子蕭條數椽格言滿壁抑惟身自有之哉  
甲申三月逆閹變作哀慟幾死嗣後絕不服藥曰鼎  
湖波沸尚何僕僕病困餘生次年痰大作竟不起年  
四十九位不酬志年不配德遠近悼惜然清風百世  
公無憾矣杜子曰嘗聞諸奉常師士先立志不其然  
歟跡公行事疑賦性近於斌媚乃生平何嶽嶽也蓋  
士無勁骨必無懇衷君父百姓不有冰寒火熱時乎

紫峯集

卷之七

三

主司地一語不妄干憲司也一事不苟合雖見伸見  
忤不同當利鈍相懸鼎鑪互激寧無百分一二稍廁  
其骨者抑志非勵自窮時報請色笑何不可以人情  
解公若曰吾正惡夫七尺殉人局促若驥駒然又烏  
致其冰寒火熱於窮達外矣人自爲與子爲親計非  
文莫傳迨文幾更端而輦悅惡不加於人藻焉溢焉  
無論逝者精神不白卽質仁人孝子有一毫不肖吾  
親奈何余獨據公大槩如此使得握鼎鉉喉舌之任  
慈心直節何遽不爲汲長孺富彥國諸人又奚事繁



稱矯舉如所訛賣菜云者長子之徵淵源家學且從  
孫啟泰先生游介而請故不辭爲之傳

後之徵通  
余姻姪

### 潤所劉公父子孝義傳

公諱好德字潤所始祖某遷自小興州家保定之新安數傳萬良耆德賓於鄉是爲公父公生而偉幹洪聲傲儼好義在邑庠嶄嶄有所不可見脂韋其態輒叱而去之所與五六人率氣槩相許每對飲酣歌志所尚一時人矚其榻有竹溪之目焉公雖遊於酒人然天性敦謹事繼母獨力供滫瀡歿而營葬無遺憾

### 紫峯集

#### 卷之七

#### 四

緩急爲族黨解紛尤獎掖後進皆人所尸祝者友楊君桂有子業以女許婚楊旋歿遺孀劉撫三歲孤而號卽後以苦節載邑乘極瑣尾也適邑宦某慕公名德欲爲子婚公女公不可諷者謂一言何與簪帕且不脫官橐乎公曰生平所重政在一言遑問橐配何亦體公意卒婚楊子訓飭爲諸生後一子成進士時舌耕僅給朝夕於義槩卒無所依違類此邑有稅監在東省嘗爲書以千金招公往公意薄之第粲然指荷香芰翠問酒鐺在否使僕僕阿堵者恐吾家白墮

笑人蓋閤寢與前五六人飲達旦高語昔賢移床遠客天際冥鴻意不健芥視千金已耳人益凜凜大節云公既不餘財遺子孫孤鳳騰復幼弱扶孀母影相弔也去而賈或歸省更相持泣曰天平孤乃勤母氏於罔豈其重去此鷄肋久遂不復賈畢力爨烟養母終母世他至資孤姪息甚力皆先母意是尤難耳賈時有伴侶委金百歸里事無知者三年偵其人已歿則遺書與子付金去噫服賈累緘悉此百金詎可問諸烏是公往或疑潤所公無所遺今義聲播且護矣

### 紫峯集

#### 卷之七

#### 五

杜子曰余客渥訪其俗多磊砢忠孝節義出焉地匯九河抵直沽三百餘里泖蕩揚波憶孫子荆語或然歟世稱同心宜莫若父子至披貞邪忠佞於往牒何如孰是事繼母孀母不同見有親則同許婚寄橐不同見有友則同千金加禮百金減跡不同不見有金則同要之見有金必不見有親與友稷鋤德色乾餱以愆今無論床頭權重卽事親葬養無憾篤友不負冥冥孰非介然囊橐爲本色磊砢結於弓箕使位朝宁或世故紛披必爲文正忠宣與常山父子其不以

傾邪貽詬忠臣面血審矣地耶人耶誰司之者後五十年公孫慶臻中順治庚子鄉試手狀屬余曰兩世相繼背早卽父輩時猶撫慶臻頂泣曰予貧不克繼若祖書香貴乃在若嗚呼痛哉遺行數則僅撮諸父老口非藉徵銀管慶臻何所追罪余曰不然待價木天誰氏家徂徵以天道奚不可外孫已丑進士行健與慶臻中表輝映抑奇矣進士君令藍田宦雖不達兩子爾嘉爾叔復世其學宜譜姻荇芬口齒至今也

杜季子君武小傳

紫峯集

卷之七

六

季子名赴字君武於余兄弟行四八歲失父哺又質最弱母憐愛過他子受句讀與觚簡一從余不敢令攻苦時袖果餌節勞而文早穎袖諸生洎執經先師俱繡梓疑如矣叔子君穎長四歲早天先師誄詞所謂翩翩玉立總角入閨人爭屬目者也季益不敢肆於讀則以土木形骸寄開宕顧獨於親長彌事謹飭嬰穉色溢數武益天性云一日余應友人西席季語不出而色沮友人張于度也遽歛幣去曰初不謂四哥不能離兄如是卽母啖果餌又時從膝上作嬰兒

嗽示娛此詎聲音笑貌爲哉所爲嬉宕庸厨器玩以寸爲度耶荀皆具其攻金攻玉攻竹木器亦稱生色映篋宮間族長老常索觀爲樂季亦听然有得然以稟弱連年藥裹終厭天歿享年二十有四踰叔子才一歲傷哉當叔季連喪母哭絕者屢非賴明晰大義自主持貽戚不肖輩生者又寧有極喪次母強慰余述其婦首七日夢繫絲絲握管伏床泣曰阿雨望有立詎已在鬼籙問何從得曰司城隍文案故知然亦戒勿洩也雨懷抱子後一年病脾余撫不已母曰勿

紫峯集

卷之七

七

過苦不憶李家婦語乎果殤鬼神無有何以如左券有則前叔子聰穎天茲收歛亦復天天道不可問耶惟是香案清曹吾季季友溫恭渾樸端雅知其於冥契有合也玉樓幻影昔人爲文人標異然要是錦囊餘馥視金籙天庭顯赫奚若屢擬作傳未果而冥理不可不存一女適易州諸生許傳聲爲問中郎圖籍不委零落有幾又徬徨行墨間耳爰次如右

楊母劉太孺人節孝傳

母劉新安 里人婦於楊稱節孝已丑進士故藍田

令行健祖母歿三十年曾孫爾嘉爾淑揖謂余先世  
苦節幸被旌邑有乘鄉長老有牘陳雪灘太史有誄  
併乞先生傳光彤管余曰嘻足徵矣何溢爲而請不  
已傳體在史宜識其大者婦人首節書節可也如臣  
之忠子之孝其他細碎固不必書至節已著矣則尤  
按節所繇成人情歆沮多端幾仆而立得堅剛骨性  
是爲難耳母矢殉所天旣撫孤奉親強視息績聲軋  
軋十指掌如屬歲大祿或聚而諷百方矣母嚙指血  
曰所恃瞑地下目非兩老人乎且如此塊肉何而飢

紫峯集

卷之七

八

與其態焉用生諷者稍退自是矢節益篤啖糠覈供  
堂上七筯間以書香絮若孤灰澁荻冷泣隨雨下數  
數也黍田數畝幾熟夜大風度落爲枯則撫床嘆天  
乎豈終填此孤葵溝壑耶及旦叩門聲則數隣人相  
輸至曰昨七月望方醺飲念母子盼盼數莖穗何忍  
委諸風伯故羣往代取嗟乎此有感於母之人未必  
卽前諷母之人然人情大約不遠我不爲動而人卒  
爲動定以天容或誣歟居恒嘆冰寒火熱本性自在  
特依違習俗習說率多不振小有特立皆然况忠孝

傷心孀魂百折羣咻羣沮非唯嚙口語則危迫立至  
之苦詞獨不曰餓死事小乎子卿抗節北庭陵律挽  
說娓娓而坑背蹈血不顧卒之頌義士自悔罪通於  
天卽此曹子也臣事君婦從夫此義爲極母於是乎  
足風兩伯翁業析產有居矣母依公姑居室議給孤  
值歲大荒遂併議鬻之邑劉君好德爲言詎錐立此  
呱呱者母急止曰幸無煩爾未亡人所不敢知有兩  
高堂在且產定足據耶劉君遽返舍曰某不如某不  
如此殆丈夫語楊氏今稱甲第視一椽一瓦奚若使

紫峯集

卷之七

九

天或爽於報將母節徒委荆榛風雨乎矧邑乘諸家  
言光附旌綸尤煜煜也劉君余舊有傳故以篤義許  
婚楊氏孤今觀鬻產議不爲衷乎而毅然獨持不以  
孤爲解前此所諷固宜飄風耳母節孝狀甚夥爲翁  
姑危病禱輒應卒獲壽考人爭異之經表章不具論  
余摭述要以勸天下志節事無惑他端一杼其冰寒  
火熱耳楊君桂兄弟行三諸生早卒孤洪譽壻於劉  
亦諸生受藍田君封則余交藍田君也仲子爾淑師  
余焉今館都門李太史家鳳池刷羽牛炙流芬而母

澤遠矣母二十二歲守節壽八十二

節孝婦王母傳

節孝婦孫容諸生錫之王君配子京母也父令通許兄玉屏父子孝廉婦幼聰慧識大體言笑不苟十六歸於王舅嚴刀尺聲不聞閫外姑常介如姑者藍實誕王君二姑不難爲婦乎幼質駟調無間垂十二年孝蒸蒸也而已丑土寇變猝起倉皇掖姑壁匿長子五歲一復在襁方祝無號而王君被創甚則驚悼曰我何用生爲遽出蔽求代賊脇以亦不懼既定翼就

紫峯集

卷之七

十

褥模糊亦血間搨色聽聲旦夕與王君起竟不起婦尚有生理乎姑抱呼得不絕舅復絮奈何棄若孤并茲瞞瞞者又焉知天不以婦使吾子死而不死稍起襄葬產遂落躬梓茹春覈中夜織朝易斗米爲牢丸飼堂上兩呱呱袖糠麥給去而幼復殤酷矣無何藍病中夜十餘起所以搨色聽聲一如王在褥當是時舅與姑常耄恃藍左右及藍病且死舅復病廁踰浣滌舅勞止之不聽則淚浹眶云後事常又五年今婦且五十二人謂是何等歲月當藍病舅語其兄玉屏

史稱婦德亦謂耶藉以風今若女弟圖畫足多乎婦聞而謝曰常事何介介老人懷也余觀古忠臣孝子順其性所安要不過得吾常而止此際着一毫旁瞬不得已就烹婦不獲救夫死及矢死殉復以堂上語強視息卒成其孝然去死亦僅豪髮許二十年挈一孤指血所漬出佐養喪病摧心又何劬也李氏婦代而夫免婦代而不獲免事不一要以不忍夫之死與不見已之死則一究之以致苦孝由是所謂順其性着

紫峯集

卷之七

十一

一毫旁瞬不得者耶遂使節孝兩字不得隻行千古是足傳耳子京名紳五歲孤今抱子矣且行業表諸生謂非節孝之報不可孫旣望旌余辱交三世蓋歲前鼎甫捷畿闈過余言狀與子京請傳語良合鼎甫卽玉屏公子而表弟朱清斯婦十九矢節又玉屏女義氣所結歟趙邑侯有述併入誌



紫峯集卷之八

王 質文甫

范陽杜越君異父著 後學劉慶臻假徵全訂

屈大伸直生

行狀

舉人楊公朝陽暨配張孺人行狀

昔在明季丁卯天下復當鄉試士容城楊公朝陽諱存忠得雋朝紳聞邑里姓氏知爲忠愍曾孫爭識面恐後蓋忠愍以諫顯最評訇震蕩也公父金川公諱

紫峯集

卷之八

一

一新復騰蹕不可一世而公劑以寬和天下慕忠愍名故兩高之當忠愍在獄霸州王大司馬遯郎比部許婚仲子生金川金川娶安州邵都憲某女生公逾歲邵歿育於大母大母名家遠識睨公狀撫且泣先忠愍家聲在此兒也就外傳志氣蘄蘄不苟脫穎見篇章間十八入邑庠卒業先祠手一編俯而思仰而愾若有激於衷者每篝燈三鼓慮寐熟忘起盤香綴片瓦下置盥器線燼响震卽起誦一夜窗外如有嘯聲楊公在此聲凡三覘之無所見公旣用家聲自顧

復攻苦遂薦丁卯分房彭君祖壽握手驩甚語公君不喜榜花榮子喜得子大賢後爲榜花榮也詎顧祖烈孫賢署字念子其期待如此明年罷歸讀書益奮必以科甲爲報効地會金川有所齟齬得旨謫田塞外如沈青霞例沈故與忠愍先後擊相嵩獲罪倘亦氣相感耶公請欲身代父不許則蹙蹙風雪往覲如涉几闔矣公雅抱孝謹而庭訓素嚴曲跽竦立不色忤菽水取給質庫或勸之仕則曰余生平所期止是且吾額在謂名賢知遇何顧處困更不忘爲德於鄉

紫峯集

卷之八

二

婚喪靡弗恤爭訟必開解族人士林報應庫吏父憂成疾公潛白於令立釋而父子得無殞至里塾之秀約已飲食教誨又惟其有之哉尸祝方切無何以邑公事感寒疾歿惟不獲終養爲恨他無所語是爲已耶兩孤一八歲一在襁配張孺人號泣痛不欲生賴姻戚勸諭及八歲孤環泣乃強起捐衾具得襄葬事當公或介介見詞色孺人輒從旁解豈有諫臣後身爲名孝廉而應介介且夫子豈長貧人推其賢達識體而家用是益落孺人同邑望族太學一鯨女祖舉

人克寬孺人生而端莊靚嫻內則精女紅公娛志  
二親皆先意承之公歿幾年金川亦捐館事繼姑尤  
力撫兩孤愛不忘督計田可粥者才溢畝而索哺日  
衆性喜蠶歲屹屹蠶薄供諸費人或諷令少休矣孟  
母豈常據機頭則逡巡謝婦功習勤職耳其他米鹽  
細碎操作稱是迄勞鬱病脾兩孤匍匐藥餌竟不起  
孺人同公生前萬曆丙申卒於康熙戊申得年七十  
有三病篤第以先祀爲念囑妥聰福繼體事乃瞑遲  
公歿三十年不爲不壽乃嗣君語食貧狀尤淚浹眶

紫峯集

卷之八

三

也公前安厝定興東引村祖塋之原孺人歿再易歲  
嗣君兄弟將卜合葬乞誌銘屬余狀余戚誼又高王  
父德平公辱交忠愍見年譜是宜狀公三子凝福殤  
次卽嗣君聰福生員娶涑水知府盧自立子生員應  
鯨女繼定興生員李先春女次景福奉祀生員娶同  
邑知縣孫煌子生員爾祥女女三長適同邑知縣牛  
學曾孫嗣濂次適涑水太學生盧應鰲子光祐三適  
定興舉人李潤孫楨孫三振謀篤俱景福出謀嗣聰  
福本孺人治命云他姻族世系見忠愍公誌不具論

嗣君又稱孺人語公歿之夕城一角忽崩實公手築  
邑令聶語人占在楊君矣嗟乎天無意篤生何鬼若  
哺而城爲崩有意何不界大用僅以名孝廉讀書養  
親祭酒鄉邑孺人亦僅白髮青衫茹荼苦終身也忠  
愍偉矣金川公負氣崎嶇不無繩尺可律同邑孫徵  
君削讀亦有高明柔克語余獨謂古忠臣烈士要惟  
其氣卽其顛躓西山志寧甘脯下老耶使乘時誼關  
君父其不叫九關之虎豹禦萬里之駸駸幾希迨公  
承以寬和宜若蘊蓄有待究不克發抒天耶人耶豈

紫峯集

卷之八

四

先世排雲撼日震蕩無餘耶然而昆從子姓翩翩聚  
粲發祥未艾人卜忠愍業不衰而余第諾嗣君同從  
父志祖請次其家世因見公生平有遇不遇而質諸  
當世操銀管者必有慨於公也

中憲大夫贊治尹太常寺少卿管光祿寺寺丞

事贈大理寺卿謚

先師鹿公行畧

蓋自大江迤北功業文章節義代不乏人而理學絕  
響間有貌小儒之逕規規垂簾塞兌祭酒名理場而  
槩不可語天下國家之故道南一派遂孤行天地間

孰意范陽撮土乃產吾伯順先生聖賢心豪傑手三  
身而內聖外王之爲備所稱千古豪非歟先生氏  
鹿諱善繼字伯順學者稱乾嶽先生其號也始祖榮  
隸小興州徙定興之江村後累世貴卒村居故先生  
又自號江村漁隱榮生德德生詳詳生景玉景玉生  
文通世有隱德文通生封文林公府醇篤尤著生御  
史贈光祿寺卿久徵光祿以御史忠諫有聲配王是  
爲先生大父母生封太常公正天性嗜義配田實生  
先生先生幼端樸嶄然不爲兒戲大父父絕珍愛之

紫峯集

卷之八

五

不置家塾而所稟庭訓脫穎見篇章間洎爲諸生薄  
視章句閉戶沉思獨若有味聖賢大旨適大父直指  
吳中郵書索姚江全刻蓋從典籍獨契姚江之學厥  
後一棒一痕一摑一血迄以明體適用表著朝野識  
者謂郵書光景何減象山宇宙一悟大父亦欣然以  
見大意相勉從宦京邸私覘朝士悠悠過從輒蹙頰  
如斯已乎士君子起家事主職守攸關所稱敬事敬  
身謂何嗟乎此豈伏首章句微利達爲妻子身家計  
者可夢見哉丙午舉於鄉風格道上凡所討論悉見

躬行世局時格一毫靡徇無論非義也蕭然布袍草  
履偕友人研經考稅上及性命之微與古人材心  
衍行事治亂燬惡之隱無不曲暢語次尤欽草廬淡  
泊寧靜四字或青燈揚詡或行吟夕昭間其眼冷其  
腸熱其志猛其神逸望而知有縹緲千秋之想先生  
故和易近人至義憤所激不惜齒克吻時邑健訟者  
挾豪有力以逞矜紳父老幾腥刀俎賴先生挺身白  
當事而獄以解當事入豪有力之間拊以威甚厲非  
先生侃侃不移且品素重范陽日月晦冥矣三十年

紫峯集

卷之八

六

金玉爲相不問門外事一旦排難解紛膽智多非人  
所測衆歸仁者之勇是爲壬癸間事或以公車業尼  
之則掀髯曰天下文章莫大於是已果捷癸丑南宮  
出福清華亭兩相國門其贊華亭用紅白東代金幣  
後以樞部推陞事爲同官耿上書福清千餘言福清  
不能堪旣徐理前說得解而部事遂直千古知己之  
報無兩也觀政某部絕去一切新貴人習寄襪被蕭  
寺日偕孫周兩君子餐麤衣敝凜凜道義風節相砥  
孫爲吾鄉徵君啟泰周則同籍友景文風烈嚴發後

忤逆璫慘死先生取友幾盡天下奇偉英慧之彥如  
張蓬軒司空左浮丘中丞魏廓園忠節錢牧齋宗伯  
文湛持閣下范夢章楊文弱樞部賀中冷督撫皆粹  
然肺腑相示後從高陽相國尤幸密邇韓范至金石  
難泐則孫周彌篤一夕秋霽徒步偕啟泰以吾鄉忠  
愍集遺周有句云寰中第二非吾事好向椒山句裏  
尋嗟乎三人相期爲何如也假歸娛親之暇輒以讀  
書學聖賢課弟子而卽用讀書學聖賢娛親大抵初  
學患志不立尤患富貴利達汨其心則神氣齷齪不

紫峯集

卷之八

七

復振益士惜於學久先生痛之故特標忠愍病起一  
詩與姚江天泉秋月一段爲談柄每語人脫凡近遊  
高明而著力在義利關頭清霜飛塵興起甚衆乙卯  
迫選期雅不欲蹙蹙殘暑久廼成行人京得戶部郎  
山東是司職鹽法鹽法壞久國家百萬經費多出權  
宜而司農日苦仰屋正鄧袁滄孺研其義先生遂與  
日夜討究深得肯綮大約行新引禁私鹽使商人不  
苦上納百萬之利可咄嗟辦後袁稍行於兩淮國用  
泉流蓋先生隨所居無不職掌自効而尤深心於共

擔職掌之人在戶言戶在兵言兵隱用顯用率此志  
也無何奉太夫人諱歸太夫人暴殞先生一號幾絕  
胃脘已傷勺水不復入賴封公抵京譙慰稍收魂魄  
而終身病源已劇於此後亦時以貽封公憂自悔讀  
禮餘暇愈依依膝下問安視膳時作嬰兒色海內奇  
人勝友無日不相商道德經濟前此一段壁立千仞  
之氣愈歸平易愈見通明事物到手朗然無礙已未  
服闋補戶部河南司推品望劄管本科條畫中窾會  
委署廣東事職桂惠二王典禮先是中璫排闥絮司

紫峯集

卷之八

八

農而珠商夙頑未易應手先生獨推誠感璫立給商  
價典禮無缺所省經費且萬計方欲報成事而廣東  
金花解至金花額爲九邊設後歸瓊林是時邊餉將  
絕請帑贖滿公車不應先生謂與其請內帑曷若留  
金花與其旣入難請曷若未進權留且先發後聞第  
歸結到濟國事縣官愛寶玉未必不愛河山謀於所  
知賈公孔瀾據會典呈堂疏請賈爲躍起曰衙門向  
來措餉刻薄處斲元氣瑣屑處傷國體惟子此舉差  
強人意然非置一官度外不可先生曰固然先大父



建言謫十二年不召老牖下所親見也疏上遂有河東鹽筴之謫當宮府相持數數宣堂司官傳旨雷轟旁觀股票以覘先生坦如天威不測寧直芥視一官已耶當決計時司吏羅跪泣曰公非此司官偶值委署何認真若此先生笑曰既承委署卽是專責有畏而避豈是臣道吏見不可奪起嘆息去先生謫而名益重天下無幾何有鼎湖事光廟首復其官蓋神廟以靜攝羣下羣下無所驚於言卽言亦毛舉細故及事在宮府未嘗敢爲執先生不爲言而執又事在金

紫峯集

卷之八

九

錢縣官所最急於是一時似先生孤鳳光廟在青宮實賞嘆不置云入樞曹管章奏未幾從高陽樞相於關時邊疆蠶潰風鶴驚心議者有畫關爲守之計高陽獨謂不計全局關必不可守而傍徨四顧引手無從先是經撫棄地獄衆環顧莫決高陽疏謂捲土不堪再誤撫字詎可重來鶴表方殘虎爭甚力豈是非在城郭人民之外而謂纖人解綬天下遂無豪傑先生以一疏鐵案卜大英雄手遂相從幕府閱關有行出關有行經營慘淡於七百里間提百萬兵指授二

三大將決密計呼吸則有行白草黃沙歷四年所與高陽相倚如左右手迄不進一級朝貴懸銓秩待先生直掉頭一哂所見又豈第祥麟威鳳已哉布置功成高陽以璫逐先生亦請告歸會更朝政首極璫遂起先生尚璽旋晉太常管光祿事剔弊釐蠹無一事不尋求職掌而功在已已尤偉已已冬邊人不戒時天下兵脆弱僅榆關可恃而以袁督師勢已掉臂非起高陽於田間出經理馬於獄悍師逸之技何以旋歸繚鐵而密地幹旋實賴先生朝野重望得藉手

紫峯集

卷之八

十

一將一相以報前此高陽被璫禍吠聲者遂藉題茅馬相齟齬蓋馬爲大帥茅君止生名士談兵長城隱隱一時肆毒高陽業擠二人虎口非先生直前保護誰爲力折朝議八里舖築城之辱膽得息其螫於茅誰爲力陳司寇三角咨文嬉笑之藟心得緩其獄於馬後一以三十六騎從高陽涉壘而東一而拜金簡之賜手挈四城還當宁高陽功在九廟且混跡野老况一二累臣誰敢望取日虞淵者嘔心捥腕天生先生以爲社稷功在不見而先生已病先生一病在太

夫人苦次一病在榆關一病在奉常邸苦籌時艱備  
嘔心血當此時幾不起誰似先生病卽病亦千古矣  
庚午移疾歸欽跡村居日率嗣君奉親教諸孫一以  
講學爲事名理文章請益者屢滿戶外先生交發互  
開教思溢言表蓋襟懷如徹底澄潭眼界則空中樓  
閣以故一時奉座談爲理學淵藪醉心仰止有不至  
是幾虛過一生之嘆下至一方利弊當路興革得失  
如安民弭盜城池橋梁驛所運輸米豆等議無不深  
思遠計如坐堂上洞觀堂下而得其委婉折衷之要

紫峯集

卷之八

士

姚江萬物一體之學遂孤行天下宦其土者擬山斗  
過其邨者仰星雲芘其宇者依乳哺遊其門者則春  
風時雨虛往實歸江午片席與紫陽白鹿鼎立千古  
日月幾何迺有丙子七月廿七日事時兵從歡喜嶺  
入畿輔糜沸先生居去邑南一舍以邑令迎請爲城  
守計遂遣子奉封公避難而身獨入城蓋先生大臣  
重望未可爲目全計范陽撮爾苟留此一塊土介良  
丞真保間何異江淮保障卽身與存亡亦莫非王臣  
之義奈事權不在口威不威口惠不惠雖勉以忠義

鼓衆心所乘埤頗奮而東隅不支遂及先生於難後  
收遺骨血漬禾土殷殷盡赤朝野震悼城破時先生  
趨欲就義文廟而門已闔遂步至東隅小園遇害可  
謂一片乾淨土矣內外諸臣錄實入告樞臣楊嗣昌  
卽文弱以郵請得旨贈大理寺卿廕一子入監建祠  
煌煌交錫是爲戊寅歲嗣君孝廉已歿於毀四孤孫  
奉封公兩襄葬事家門之慘爲極然自光祿公直諫  
著封公復用孝友俠烈表畿南至先生父子精忠純  
孝震涌星河嗚呼極盛矣不遭此慘亦何以見此盛

紫峯集

卷之八

主

哉按先生學以直捷透悟高明博大潔淨精微爲宗  
以天下國家事物倫常爲要樂天知命爲自得而紹  
往開來英才樂育爲古今凡聖之大同故其五世一  
堂蓋如也立朝致身君父毅如也惻憫爲心則扶浹  
歲孤而邑宦不餒若敖減賦十三塲而百萬逃亡屋  
生春也風節矯著爭職掌則辨游士任有疏爲同官  
爭職掌則上葉福清有牘護孝友則復學有始末護  
忠義則左魏周三烈以璫禍翼恤必力而纖膽咋舌  
也至輔以詞章議論砢砢訇訇更皎然揭日月行天

壤是於天下綱常名教休戚利病關係何如人謂先生學問胎於索姚江一書義槩擴於辨邑獄一案士先立志詎不信夫先生偉幹修髯巖巖物表而一霽以和酬對稍間端居怡怡迥然薛子晏坐水亭光景舉天下萬事萬物有毫不爲累者蓋六十年沉酣性體獨從高明一路入遂直踞其巔卽從遊久且未脫其奧突惜大用未究海宇飲慟而不肖等及門士泰山梁木之懷又何如枝淚而次遺行明知繪天測海然天枯海折痛將安寄此不肖某援筆徬徨不能自

紫峯集

卷之八

三

已者也先生生萬曆乙亥距歿得年六十二子化麟舉辛酉鄉試第一孫四長盡心丙子鄉薦洗心磨國子生悅心從心俱庠生他子女姻族別見先生歿人或爲封公慰公獨曰我子名旣著除一死亦無別法嗚呼此可知封公可知先生矣所著說約幾卷尋樂大旨幾卷認真草十五種認真二字爲發金花時司吏跪尼先生語高陽嘉其寫照特以名編曰余讀六大經槩不言真後世標一二於千百曰真蓋古人情不外匿行不久遷善善惡惡是短鵠長無弗真何以

標真之名後世慚是企鶴竄端匿迹當其棲遲薜蘿希蔭高華故膏唇拭舌祿飾其寢佚及藉翰晨風遄登槐岳啐嘗而頽棄之如寄客如脫卒如寄短之兒於此遂標真而別於廣嗟乎苛廉纖謹規行焚溺而輕俊自將又或和聲於促柱正不圖見伯順之真也伯順翛然清遠衷貯義眉始射至駕馭長材堅挺大節綽有古大臣風余故快椽胥認真語以規天下諉諛不任者卽今天下談兵媒進皆厲耳若伯順疑銓司馳塞上三年卒恢四百里封疆同進旅據大位而

紫峯集

卷之八

四

身不拾一級此爲何等胸腑至冒死護死忠一案發金花大司農手顫落出悲語伯順不顧韓稚圭不與人膽伯順亦稱肝膽忠不真嗟乎後殉難高陽哭以詩六十四且聞城陷時遂慟先生死若謂世人利害之屬有窮通得喪毀譽成虧至死生而極余向因覘伯順一窮通齊得喪忘毀譽渾成虧今更覘其不二於死生悲夫全師議成重兵不戰廼起患何人當患何人居平不以人料備亂成廼界之而又百掣其肘纖兒旁睨不樂成而幸其死伯順其一也先生平時

佩服高陽最深故於生死之義闡發詳至如此不肖  
其無似既不能髣髴窺先生萬一惟據所聞於大君  
子緒論而高陽語不肖輩又有江漢秋陽之目爰次  
如右爲得其真也若夫獨出心眼椽筆千秋則俟諸  
後之知人論世者

先妣宋孺人行狀

余母宋孺人客城張市里人徙城居曾祖封君竹軒  
公以素封故宋爲著姓祖諱彥號貞菴嘉靖己丑進  
士歷官鄖陽府知府子三長太學其次光祿某又次

紫峯集

卷之八

五

諱鳴陽號鳳梧文藻談辯甲一時官壽州州判母長  
女幼失恃壽州公絕憐愛授女誡或瞽婦談昔人賢  
孝後訓女儕舉其詞輒娓娓穎慧殆天性云十八歸  
吾父武舉公鑑先世故有顯者而公姑以嚴稱吾母  
事之嫺婉如禮絕去統珥獨得堂上歡他娣姒游處  
下逮減獲更嘖嘖賢淑有加也出自貴盛尤以爲難  
生平懿規撮其大代爲子道者三得婦道者二得母  
道者四饋食堂上非手滌盥釜不敢進味必特設餘  
所進必間甌蔬示不鈞禮孀小姑念所遺重歲時供

饋不缺堂上或微恙無論迎醫檢食衾褥稍汚手盥

水浣潔淚靡不隨盂水下也謹而慈而恪以是堂上

安母之養不啻吾父生時父少豪舉朋游譙集羹醴

之倦不形丙夜或解佩佐所需逮晚年補紉不一作

追悔色後執先君喪不欲生病臥三年堂上力諭服

藥餌稍蘇舉不肖及第妹凡六鞠苦萬狀適任氏長

女天叔子起季子赴脫穎棘闈并蜚英鹿奉常文社

復相繼天獨念不肖兩兄弟并適許氏女則強食息

然而心血枯矣時奉常先師主盟壇坫次第遣不肖

紫峯集

卷之八

六

兄弟問業惟不出門牆是懼至與嗣君石卿文酒會  
或先師不時臨况丙夜潔盥不減上食大父時也撫  
不肖輩劬矣顧愛不忘規於倫常財賄彌謹稍出入  
第斬斬顏色已令馭踏嘗諭授徒勿泥修脯卽託一  
純壽母必拒人或歸不肖介不知皆母訓也又田園  
如洗前後游槐市類博印綬去不肖次且罷歸母迎  
謂吾辦香禱神久矣得無鷄肋歟不幾尹家媼千載  
笑人蓋不肖汗浹焉母忍痛哺不肖延師友成不肖  
計六十年何刻不在教養中而東脯仕宦訓飭尤嚴



視昔人賢達以聚徒戒子與擊墜金魚覺彼猶落第  
二義噫婦道母道并代先君爲子睹記足徵至辨香  
一段尤人不及知母肅以持已和以待物敬以事上  
慈以接下感發俱在不言奉常師配王於母爲中表  
孫徵君先生配楊爲姻戚兩孺人海內名聞遇譙好  
皆莊奉吾母故徵君取節有錄而上谷張元徵詩序  
督亢王介祺壽序及名流歌詠墨花芬馥又何以狀  
吾母不肖固恥言貧母更慰若無謂貧戚我老人正  
恃粥耳獨憶冬月敝席母拾布縷寸寸葺日以暖若

紫峯集

卷之八

七

骨嗟乎母德奚啻奇溫第母不自戚而爲兒戚又奈  
終窶何所進食不及半於蔬糲獨加七多病喜靜攝  
年八十二不親紡績止年餘歲庚子左腕瘡毒久不  
愈旋作痢痢止復作七月三日竟不起嗚呼痛哉當  
未革時稍勸服清涼諸劑輒厲色若輩不解事豈八  
十老人茹藥求活不勝冠帕十日所語皆平昔恪勤  
并不雪涕惟撫長孫婦一涕曰若夫婦孝我後必昌  
惜我不見豫計將終時刻幾於來去翛然目微瞑婦  
女倉皇加殮服輒張目曰未也嗚呼精爽訖不亂非

質性清明近道能平生萬曆己卯十月三十日卯時  
終順治庚子七月初三日寅時不肖兄弟次名塲久  
訖令母青衫白髮稱人間女師若而年或疑天膏於  
報不思杜頗屬望族邇年丁產落落獨使不肖依先  
壠子郊弟超子郁并隸博士而任許兩家甥亦各成  
立膝前骨肉則天之報爲何如卽前此次且自罷亦  
不恐母老年淚眼兒女各天差或驗耳又記外王父  
宦歸啟故橐中裝母獨不視強之僅受敝衣一襲後  
語狀猶灑泣痛親老潔已仁親類此然則居恒訓飭  
殆惟身親有之哉不肖哀嘗所恃母德具在耳目白  
楊激楚不止哀音黃絹流芬尚堪逸響倘得有道仁  
人寵之一言責茲幽宅俾柳母舒曜於和連王哀輟  
痛於攀栢豈非人子腐心泣血而至望者耶

紫峯集

卷之八

六

紫峯集卷之九

范陽杜越君異父著 後學張興泰通伯訂

宋 激泓如

誌銘

山東東昌府武城縣知縣思皇孫公墓誌銘

余披選牒不無疑蕪諸家事也人情不甚遠或史氏操磨礪之柄未免過爲標幟追觀世局糜潰弊根總結一貪則有心砥世不從極重難返大與以醒發

紫峯集

卷之九

一

世界終無開眼處而不從榮辱顯晦生死之奉大與以擺脫此身亦終無開眼處欲徵史氏不妄盍觀武城公公吾郡容城人生而端敏髫年脫穎壁水父母絕憐愛之未幾相繼執兩喪從諸兄廬墓所無怠色卽以其間攻舉子業并爲詩歌文行疑如公兄啓泰已舉鄉薦而貧徹骨服除卽備經都下館 帝戚楊明宇楊在神廟以忠孝師表人倫故雅善公兄弟歸則奉館金諸兄諸兄復推而代易地百畝迄宦歸卒未稍溢旁畝盤中歷歷苜蓿香耳故工詩若文辛酉

恩選學使左君浮丘得公詩若文而拔之稱知己左後死瑯琊者也時魏忠節廓園并交公當肉飛狂狴引手無路高陽相公治兵寧遠公挾密計同余友鹿石卿蹀血赤日達求解後周忠介景文復逮吳橋范君質公伯順先師各贖金二百應比公復挺身齋暹歸宿盧溝橋河流漂數十合幾葬魚腹當是時瑯琊灼天下特義激師友危險不避使當事在而問舌與効在否肯令逆賊肆志耶舉子業故精因屏不勝梓遂藉一席武學官寒性僻陶然觴詠或拉以勢利場

紫峯集

卷之九

二

不顧偶因友人事投刺一要人應微緩則咄咄出而馬骨珊珊也戊辰辛未兩值公車呼孺人手治具邀兄啓泰同諸友訂文會冰齋對榻融融爲極公既恬於勢利在武學七年始縮武城綬武城雖彈丸當水陸蠹弊歲積無論衙蠹之金眼大王侵河工銀三百五十兩之工書王好問侵條鞭仔粒營兵銀四百餘兩之庫夫丁蕃諸磨牙耽視緋緋未易德州營兵五百防守更側目不敢問先武城太盜焚劫倉庫前令遂以請撫軍德營屬武德道犬牙非制公時語上官

輒用大河爲辭且云前撤觀城兵利害可鑒公則謂兵非額設兼請兵原非防河寧得以觀城爲例然揣知當事不肯任獨上書吳橋求囑武德道并本管叅將令戒飭生事嗣是領兵官無所利自辭颺去吳橋故宦東昌與公習公因得開其說使非從旁一著武民膏血足飽肥肉大酒資耶漕糧額派五千九百餘從來非衙役徵收則糧衙督催私斛高量貓鼠已久公條諸上官親爲料理嚴禁私斛諸蠹不便思尼公凡漕糧干涉衙門諸役行提坐守皆取足於糧一槩

紫峯集

卷之九

三

平收將赤手來抑掄奈何公哂而睨視曰若知各衙門固不知令彼上官餽送諸役需索正爲斛不平故一平則上下諸費俱省下不亮可親白之上上復不亮如葉視一官何議定漕使刻期臨水次驗米未及十日收過半且美好益糧戶方幸得平斛輸納恐後旣而以病謝違例復不可問然則天下事何不可爲恨未得真實心如公耳他如納糧革庄頭令自封投櫃買物革行戶恤驛遞并察僞報軍情立奪牌票申處而課士養老曠典烈然使居心未忘粘滯何項不

足飽吾橐利害攸伏非替則餒又何得血絲注而氣颺發歷任歲餘除病困僅得半卽公亦自疑廢事固當以拂衣請府道俱勉留至再迄終以病見摘於撫府道轉爲不平日此不肖者欲居以爲奇非病也貧也且憤然欲與居奇者爲難公遜謝乃已公孝友名家當官復清譽藉甚故一時名賢如府則程君

道則湯君叅宇總河則劉君半舫暨堂邑鄉紳張君蓬軒俱心儀公而惜其摘公獨以蚤釋擔爲色喜加一餐也先師亦貽書慰且迂之云聞士民甚感而且

紫峯集

卷之九

四

憐多病其獨爲滿志吾輩讀聖賢書做父母官不得罪士民足矣此外何知草堂松桂并蒼桺茗椀各含色以待素友蓋歸而知已相對闢鬱林石幾許適然可想比饘粥不繼仍傭經於楊允諸允諸爲前楊君子素相驩旦地多勝友一談一詠支頤宮闕落炤間致足豪耳忘齒輩下交莫如陳國鎮以迨余寓都歲必一再投余詩語跌宕甚讀者壯之顧問狀則據床而吐蓋公每病廢食數日以爲常望見其羸輒疑雪鶴後堂邑被召過白溝晤張于度問孫令君無恙此

君僊風道骨於齟齬奚憾意猶介介曩者居奇之人也公既善病再值世變跨蹇出都門依兩兄避地西山携五忠卷五忠大洪浮丘廓園蓼洲先師伯順往來手牘生死同心感溢懷袖至摩娑竹石方圖同人尋武陵舊約無何終以胃氣不支病轉劇遂卒西山之雙峰病中神氣散朗彌留之際猶謂線索不可亂見定力云公性格道上遇事可否聲色不假與人則和風薰數武平生昵昵鴈序御子侄和不失整瀕危猶勸勉娓娓至棺歛不脩一咲置之矣空山旅櫬賴

紫峯集

卷之九

五

余舅宋君羽爲助榔始克襄葬後鹿靜觀謁吳橋語狀愾然謂廉吏可爲不可爲也嗟乎使萊蕪諸家語無當何以有武城之治砥世人詎向世人意態作面孔耶公諱奇彥字啓美號思皇先世小興州始祖廣始徙容之賈家庄五傳爲臣中嘉靖辛酉鄉試歷官河東運判居北城生六子丕振以生員授儒官行四娶陳孺人是爲公父母公於兄弟最幼長奇儒儒官先卒次奇遇生員次奇遇逢萬曆庚子舉人兄弟俱旌孝奇逢則世稱徵君啓泰先生也公病中兩兄晝夜

憂悴啓泰先生遂致病後乃手狀屬余誌且曰亡弟意也至云吾弟侍父母之日短而孺慕最深處兄弟之日長而友恭彌篤官非有意求廉而生不脩饗殮死不脩棺槨行非有意求潔而口無作僞之言身無違禮之事嗟乎此語殆爲寫生余何以誌而又何以銘公歿距生萬曆得年五十有四娶於母族陳而天繼賈諸人子二維雅調雅女三婚嫁俱名族孫孫女各一尚幼兩婦復繼公殯三柩累累非兩兄冒雪營葬幾何不殯其孤所纂著各若干卷詳列如狀

紫峯集

卷之九

六

撫爲誌且銘

銘曰邦推祭酒不愧於先也清白自妍也世稱徵君不愧於兄也孝友同聲也北闕其容東土嚆口炳然列宿不愧君若民也懷有月而澤如春也惟生時不愧揭秋日而高騫神或經天乃葬猶於北城孫氏之阡

逸士胤繩李君墓誌銘

士負奇不偶牢落之氣僅試於悲歌慷慨文章師友間志豈欲風塵老耶余與胤繩遊師門後謁孫徵君



於君里招至舍青燈綠酒丙夜色飛歌呼鳴鳴慮無  
不干載相命此其氣何如中間離合不定既而聞君  
客死成安疑未信仁甫旋以辛丑秋杪草狀併介徵  
君所爲傳來請誌嗟乎君真歿矣余何忍誌君君少  
磊砢廣額豐頤氣沉志爽父課諸子嚴獨奉行惟謹  
無弗當意從伯兄學守弟子禮兄病晝夜侍榻衣不  
解帶蓋孝友其天性也壬子入邑庠遭伯兄與弟喪  
既又奉兩親諱焚焚拮据悲苦喪葬悉遵禮法家故  
清素君更耽習誦遵父兄教不問門外事學既進試

紫峯集

卷之九

七

輒冠曹偶丙寅廩於庠君雖在諸生間然負志高遠  
謂立身自有最上乘區區博高等取科第詎足了男  
子墮地一念讀書必求自得語言蹊徑非所事也而  
是時忠節先師倡道林居兼以麟經魁海內君集同  
人遑從是爲甲子先師喜經學得人盡情指授而君  
亦有不至是幾虛過一生之嘆蓋君晰理精而果於  
行先師立言一以天地萬物一體本諸自得爲宗雖  
然几杖自吟風弄月後千古兩案耳無何先師丙子  
難作君及余輩過江干草堂徊徨遺矩泰山梁木之

悽黯然何極君棄其餽而客成安實痛甲申逆閭變  
既念身無可建監則益發皇師說隨地接引其說悉  
本萬物一體而經學佐之徵君亦穆家蘇門相携倡  
明義理君於徵君有戚好執禮在師友間先是伯兄  
孝廉公某常顧徵君廬墓處徘徊結契君已在小友  
列異時定興倡道先師鼓而徵君舞至是徵君斧而  
君邪許之或一室晤歌或百里酬對學者日漸於言  
模行楷故一時道韻流溢見諸故大司馬張公鏡心  
懷德令王公元鑑孝廉賀公應旌及耆儒郭公士標

紫峯集

卷之九

八

傅公天誠推奉不一是足見君矣伯兄乏後出次子  
爲嗣節嫂陳劬於邸經理歸安查中物盡遺孤女邑  
令胡有文字契諷居間不應胡益重其介他如養外  
父歿而歸百金之蓄館有力家而却異珍之餽表表  
耳目性耶學耶源流有自耶君嘗謂人須辦得萬鍾  
弗視襟懷方可言學問此詎可與世俗腸胃語耶乙  
丙間左中丞光斗魏忠節大忠被逮一時倡義索餽  
君首應又里故有元先儒劉靜修設教處偕同志新  
祠宇凡此皆躬自倡率不惜資費蓋性結於義殆取

諸懷而予之也自中州輝縣磁州及畿輔新鄉鷄澤皆君雨化地而始終在成安當在新鄉已病猶講論不輟抵成安苦水氣移寓魏村李公之藻家病遂大作卒賴爲經紀或慰以漂泊則曰出門已委身溝壑今得門生密友生死周旋復何憾且此學不孤更有以質吾師地下嗟乎君可以死乃仁甫書與狀猶殷殷有餘痛也君卒於辛丑三月十二日辰時距生甲午正月二十八日戌時得年六十有八生平懿節甚著獨舉師友爲言所謂志其大抑見得力在此君諱

紫峯集

卷之九

九

童字士端胤繩其號先自小興州徙新安三台里五世祖亨生繼繼生序序生隰州同知夢龍夢龍生祚熙庠生是爲君父母劉氏生四子長塾丙午鄉薦次臺庠生次卽君次堅君配張氏子三體天廩生卽仁甫合天明天庠生合天出嗣俱從游徵君徵君傳又稱新城張君果中蠡縣彭君之燦嶽崎客死彭不識何狀張亦同舍嶽崎者天所忌耶抑徵君有深感矣千里外介而委余誌何忍辭會余奉母喪奄忽禪制久乃稍次其語爲誌而係以銘

銘曰荼苦丁兮滄桑變更兮抱夫子之一編尋同人於百舍淵源師友石則貞兮使其得志而殫訖當世夫寧不可叩九關之虎豹禦萬里之鼪鼯固宜悲歌慷慨奔泉自鳴兮

江西臨江府推官李公愷蕃暨配孺人陰王氏墓誌銘

誌銘

鬼神可知不可知可知而溫文直諒之懿不獲竟謂不可知而死生常變示異於人又何殫訖震蕩也蓋余於文藻之盛復濟以局度得容城李氏兄弟私嘆

紫峯集

卷之九

十

鳳毛麟角人瑞中原而常變間不無可疑往歲在丙子主北闈黃閔兩太史暨分房皆宗匠雄縣馬領解額第二人則仲氏臨江公上谷人文領衰相望不一舍奇矣公方挾文藻屈指木天會兩罷公車而申酉推選令且下遂以高等得司李臨江人爲公惜則謂士何地不可見志當此鼎革海內喁喁詎非一命士存心愛物時耶且不覩當宁寄以一方民命豈不足君所乎蓋慨然醺酒賦詩以行公疎眚目丰神玉立所至聚觀抵白下雨花秦淮諸勝登臨寄興適愜

夙賞間調幕客某或以作刑官輒城旦家言是尙念  
起家壁經與殺不辜寧失不經非靖獻先資歟民命  
所係抑何殷也其才而不苛如此履會城諸臺廉公  
名業檄疑獄若干件預條可出狀僂法於情俱與季  
弟詳酌人與更生亡何距任四十里艤泊濂綠林變  
作蕭蕭江上不辦爲博士船意其餘於橐也謂肩頭  
行李何賴季氏力控當道嚴檄伏法然而鼓足繫否  
先是舟次無雲而雷者三舟中皆聞鬼神可知不可  
知豈溫文直諒奪於數終不能不洩其靈秘耶抑殷

紫峯集

卷之九

十一

其雷爲白玉樓成告耶按狀公諱承光字愷蕃隸容  
城而家新安三臺村僑寓也高曾世有潛德祖某好  
善樂施傳載陽公某讀書敦古誼配某氏是爲公父  
母兄弟四人仲叔季遂用文行顯公穎敏異恒兒祖  
心器之犒菓餌殊諸從十六籍諸生鄉先達郡邑學  
博爭延臯比讀書不間寒暑所占文詞珠聯璧合故  
分房胡公某懷其文丙夜不釋而主者有閨苑瑤池  
之目云公旣用文藻著至意氣橫生尤不願自居文  
士風塵款段志未嘗不在廣厦辛亥畿輔荒嘗置米

贍親族待舉火甚衆獨力完幼弟姻畢母夫人葬事  
他若隣邑豪士王目勉滯獄年家諸生馬某構訟皆  
挺身白當事後馬以義解王旣解復變事濟與否有  
命總之俠腸血注不辜不經二語括盡生平旣不獲  
校書天祿使爲當宁効力藩宣亦當霖雨天下廣厦  
萬間之志豈可量哉所遭不辰顛躓外吏至今芳洲  
蘭蕙幾許悲夫公生庚戌三月初八日卒丙戌六月  
十三日享年僅三十有七元配王氏繼陰氏俱嫺婉  
有志操陰叅政公某孫女尤欲以節殉後公幾歲卒

紫峯集

卷之九

十二

子女俱夭嗣叔弟子瑞璫余一再晤公徵君座上頗  
暱余繼鄴蕃復預鄉薦介蕃淬鋒干將前冒八創捍  
公仍力白狀當世聞而義之叔季交余倍篤一日持  
魏君蓮陸狀請次其墓石嗟乎此固余交君兄弟事  
也當在會城餽牽羅砌下公一切麾去吾親棲泊白  
雲未嘗官中一羹而我烏用此父子兄弟是亦爲政  
奚其爲爲政因不辭爲誌而係以銘

銘曰謂公不沒問諸宿莽謂公旣沒有憑恫恍狀類  
齊諸事應指掌復寢達官公爲曹長白哲飄揚雲軒

霧凜然歟否歟將聰明正直茲理莫爽見謂荒唐盡  
驗諸江天之震響神歸來乎幽官顧環珮以璆然左  
右孺人是基是享

旌孝冠帶生員體吾辛公暨配

謝氏墓誌銘

遑奉常先師颺起范陽一時道義友同邑蓮亭郭君  
雄縣丹崖趙君泊公皆携岐黃言稱上客余以總角  
獨未識公然聞諸師固嚴几杖以奉者也後寓渥乃  
聞行誼更詳公早失母父喪遘疾遂儒而醫諱灼字  
子見號體吾世居新安三臺里好義喜謙退處人處

紫峯集

卷之九

七

已必誠必篤事繼母孝病檢湯藥不解衣帶父年垂  
九十晝夜扶持欠申必起歿猶哀毀逾禮染疾醫所  
由精也痛念父歿仲弟耀天撫季弟輝飲食督甚盡  
推讓先業或諷之曰吾何忍其早孤且何甘薛汝南  
咲人千載課姪起尹讀聲流藝苑後司鐸靜海其教  
也他至優免從兄弟租庸三十年無所償入族黨不  
辦喪葬率置棺殮墓地則遠近蒸蒸矣訓子弟一先  
退讓本諸其性故今相傳孝友和易望而知爲辛氏  
家風當公哀瘠攻醫敏悟且從靜中得真訣精太素

所診立効有病篤者禱仙示乩云此去不百里而東  
神醫可活也偵請至果一七愈又以脉診學師陳雪  
灘入翰苑鄉人花姓年壯無疾決死期諸神應類此  
姪升尹至今傳其術性尤不計利雖微賤家必至尼  
山以恒標醫家要訣大約業邃於誠神於無欲越人  
非能生死人人自可生我特以生氣迎之余爲扁鵲  
祠記及此跡公行事不計利則無欲不擇微賤則誠  
淡然生生之意幽隱畢燭卽以宰世極物可矣倘所  
謂恒德之旨非耶公德業旣藉甚學使周公懷魯兵

紫峯集

卷之九

古

使解公衡橋交扁其門有孝行可風德重月旦推定  
論云配孺人謝氏俱合德凡公計義不計利固天性  
然而床頭金盡筭惟動色使一有交謫語意灰矣而  
謝孺人孀節三十年視前女如已出訓諸子有方婦  
道母道尤光彤史公生嘉靖三十九年五月十三日  
卒崇禎元年五月初八日年六十有九謝孺人生萬  
曆十三年九月二十五日卒順治十七年七月二十  
六日年七十有六他生卒未考蓋公子若孫跪而曰  
先君子不棄於大人長者業徵銀管載邑乘惟墓中



片石缺焉敢以爲請先是容城徵君孫先生邑大司  
寇高公修志實首簡余辱交公子孫何敢辭抑公孫  
及曾姪孫孝廉君俱謬推余虎賁中郎則先世退讓  
之遺歟抑廉余執經范陽爲若握手當年道義諸友  
而附聲氣焉者顧實未及瞻紫氣爲恨辛之先勝國  
初徙自小興州曰執中三傳曰睿貢士兩任同府陞  
鹽使司同知祠名宦鄉賢載郡志睿生宣宣生基基  
生遂字道仲庠生豪邁尙義西臯劉大宗伯極佩服  
邑令表義士爲公會祖生晚字子蘭庠生博洽強識

紫峯集

卷之九

五

孝廉何自道宏議劉兌皆受業識雪廬孝子竹雲慶  
於成童置甥館晚生珞娶於 爲公父母舉三子長  
爲公自運使發祥逮公操行篤爲德弘以故曾孫蔚  
起靜海孫禹昆卽孝廉公孫進修弱冠屢領京兆繡  
書香寫奕執非流澤之遠矧兩從待賈木天發光振  
藝政未可涯耳公三子長舉尹郡增廣生娶高氏邑  
贈通議大夫戶部左侍郎三位女次師尹娶劉氏邑  
庠生士耀女三賓尹娶李氏邑庠生瑞初女謝孺人  
出女二孫男九姻戚婚配詳具狀云云蓋余深有感

仁者之必有後也隴西辛氏歷漢晉迄隋世有直節  
文章號稱金玉而岷州湯劑撫摩活疫者公家豈其  
苗裔耶何符契乃爾狀出余友容城李君鄴蕃端亮  
足徵併質所聞甚悉是爲誌且銘

銘曰蘭蕙凝兮擁桂叢迦瓜綿兮義烈隆光裕濟美  
今是爲孝友表宅唱隨婉嫕之幽宮種德休傳於孫  
子不必於躬今式而過者瞻此鬱葱

清處士岐祥劉公暨配杜孺人墓誌銘

處士公卒遺孤十四摩頂爲述王父書香泪泫睂云

紫峯集

卷之九

六

後十六年庚子成孝廉則母孺人在堂也又二十年  
辛亥母卒孝廉博膺號天平乃使不肖兒至此極乎  
父背早母茹苦撫兒將微一命奉母乃使至此極乎  
踰二年癸丑卜三月三日將啓處士窆厝焉手狀拜  
介崔太史夏章所爲傳請余誌曰孤無以報兩先人  
惟茲墓中片石藉不朽公諱鳳騰號岐祥者儒潤所  
劉公好德子始祖榮遷自小興州邑保定之新安數  
傳萬良耆德賓於鄉卽潤所公父潤所公義概著賢  
序雅不欲餘財遺子孫余爲傳謝去中使千金者也

公幼弱奉孀母初就外家塾人或擬陽元宅相無何以修瀧惟艱去而賈已復捧母泣奈何孤孀母子致間門僕僕望眼爲也則屏去賈日娛侍左右戢身爨烟栢杓爲常兄遺息皆先母意周恤不令隱老懷也公孝本天性而孺人內助力尤多孺人十七歸公賭家計不給輒斥私橐供饘粥日勤紡績所爲養姑甚力故當公賈時堂上時慰公吾有孝婦兒無牽遠念公幾可忘其賈顧猶懷茲衣裾間也孺人旣舍辛茹苦十指血出佐公養母并代撫孤姪息與成從嫂黃

紫峯集

卷之九

七

氏苦節極瑣尾耳乃至公於同伴寄橐金百值其人已歿事無知者三年仍呼子付金去賈累織悉此百金詎得償諸亡是公公掉頭有所不可卽孺人又何弗介介指血爲者終姑世迄公歿復值闔難或議停柩孺人慘然謂國難如此又若噬臍何遂隻身褻葬以慰存逝則孝廉捫頤飲泣時也後徵君寓渥有明識男子之目指此時門人楊進士乾行侍故語及楊爲處士甥潤所公却貴勢堅以女許貧交子鳳毛乃爾泊孝廉鼎盛相宅者抑又何居已丑盜警男婦避

八城孺人躬爲糜人畢一孟日兩巡得不朴難已皆羅拜號佛去而是時家稍裕歲積黑菽數斛併菽菁米穀莫測其用甲午乙未大荒盡出飢餓者全活累百無論三黨孺人杜姓祖文謙山東恩縣知縣廉慈最著三男九疇洪疇演疇世其學孺人則長禹門公女少習女誡恪勤節制歷艱辛顧獨濟人無倦庾子報至破顏微咲人耶天耶謂非爲善之勸不可孝廉貴稟慈訓猶凜霜雪浣淪絮膳旦夕罔咽孺人自是優遊舍飴垂若而年素強無疾似天假以紆其瘁庚

紫峯集

卷之九

大

戊六月忽痢旋瘳旋作次年八月不起祿不逮餐宜孝廉有餘慟也疾革請遺囑第曰兒且從王事但持清白二字光祖若父母地下精爽訖不亂距生癸巳九月初四日得年七十有九公生甲午十一月初一日卒甲申五月初四日得年五十一子慶臻卽孝廉娶張氏同邑治民女女二長適同邑王用予早亡次適庠生張錄孫男惟絮惟磷從家兒學俱奕奕有令姿惟絮娶花氏同邑庠生永盛女惟磷聘鄒縣知縣高公旻次男武進士見任威寧守脩協化女孫女一

許聘拱極城千總薛光德子按太史傳是在易乾始而坤成也坤無成而代有終也又日報答君親不外清白二字旨哉孝廉搏膺所不朽兩先人則還問諸史氏之雙管是爲誌且銘

銘曰躬脩純孝捧母泣漣閭德佐之斤其簪鈿兵荒待哺瞿曇致虔種德休侍爰啓後賢璽花赭如行賁九天過而式者鬱彼北阡

清誥封懷遠將軍范彭陳公暨配贈淑人

李氏封

淑人賴氏墓誌銘

紫峯集

卷之九

九

公奉常先師姑子名侍御豫軒公爲外王父余同先師里開故先師釋褐余兩人執經最蚤後法席雲蔚先師指目余兩人亦最暱泊先師殉難三十餘年客秋訪公公商畧拜掃先師墓余私嘆爲長者別幾時公歿余何忍銘公乃伯子手狀有餘慟也公考鼎四公前庚子鄉薦妣卽鹿太淑人公生穎異父母絕憐愛之會蚤孤業不無中替伯兄廣文金谿遂以肄業屬先師先師舉業外常語做人二字要在脫凡近遊高明公聞卽領畧畫則伏首窮經夜則尋繹師旨以

故學日益進戊午第二人游泮先師舉鐵心漁打蛇得七寸之說且曰十五志學尼山自道千年暗室一燈惟在有志人識取又薛文清云讀書貴得要天命之性是也范彭吾不難子游泮千秋事政別有心期在後公語似諸子心所不安卽非理此地此時此事求個此心過得去先師雅言爾曹可不勉諸後伯仲氏復以公命負笈造詣獨卓則庭訓是先又不第師傳已耳公歸自講堂奉繼母徐太淑人食指日衆兵燹田園數易私念先世號素封中更凋謝無以承先

紫峯集

卷之九

九

卽無以啓後則出心計操奇贏爲乘於家而縱諸子講讀家日裕顧又感伏波將軍語日出其羨爲德辛巳大饑斗米千錢餓莩載道或給衣或給錢或給糗糒餓者冬月施粥無問豐歉族姪饗醇不任室餐廉不任讀皆躬爲檢畧堂姪給幼失父屬仲國鎮督基十八入學仍撫養不以累孀母蓋公天性拓落好施見有不足如已饑渴居恒慨曾太父出穀千石活人千金爲兩姪入粟槐市百餘年尸祝在口豈後人食報而敢忘事徐太淑人未嘗一言忤色上壽親滌

七著長跼俟舉三爵乃起則五十年一日嗟乎跡公  
行事可不謂仁人君子矣乎孝廉子五十年老博士  
晚以子都聞受封貴矣享年踰髦壽矣抑或疑未副  
於德最可異者去秋相訪兩家父子譙談道故菊香  
歷落可謂極洽今忽聞公變余於悽惋中還自問三  
十年契濶得以稍紆素車白馬之慟人耶天耶屈指  
老友余邑郭督亢孔洎公而三卽命駕適公而郭告  
變則私慰於公何似配贈淑人李柔順性成治家御  
下與公同德繼維慈祥和易撫前子女如已出封淑

紫峯集

卷之九

三

人頓朴直儉素鷗汀後裔公卒康熙癸丑二月二十  
日距生萬曆辛卯二月初一得年八十有三配各若  
而年公諱述古號范彭陳系出小興州明初徙居保  
定涑水縣之板城鄉始祖海復徙順天府涿州熨斗  
店海生科科生友再傳祐捐金粟濟人者也生玳與  
高士郝涑川交好子一新師之前後鄉薦卽公考子  
三長銳庠生武進士鎮邊城都司娶生員李承芳女  
繼指揮劉承爵女次鉉歲貢生娶壽官趙永輝女次  
鉅廩膳生員娶生員徐繼鐸女女三長適某次適某

次適容城孫徵君奇逢少韻雅徵君同鼎四公薦  
子紉行輩締姻實重公行俱李出孫男三允澄生員  
銳出允沆鉉出允澤鉅出孫女五載狀婚配俱聖族  
此可以觀公余慨世超日下師弟亦難言之蒼黃偶  
值噤不出聲甚且更名他師脫禍則史于喻伯強金  
吉夫諸君不啻言之痛元師履危關公省視再後殉  
義伐石碑墓所且爲祠址力白當事百年碧血不委  
烟榛使立朝事關師友女不失爲蔡季通而非房杜  
輩所可梦見當公商界抑墓余擬詩爲紀有鄉月成

紫峯集

卷之九

三

隔代晨星老及門祇餘憑吊處不替道常尊又擬酌  
亡友石卿解元蓋躡屐叩門間或張燈夜醉三人實  
左右無間此余一再顧真公酒壚而重有慨公委蛇  
合道貴彌約老彌恭垂八耄無疾而逝先一夕猶手  
藥厄飲頓淑人淑人竟以二十日歿籍在羽化耶卜  
四月二十一日啓兩淑人窆合葬是爲誌且銘  
銘曰大霧之楚裔自太丘種德休待百尺登樓淵源  
高士萃鹿踵吻公師中表花雨葵猶淒迷碧土蘋薦  
溪流河東三鳳并裕孫謀叔藻拔天仲節凌秋伯子



制策對揚王休龍章再世疆場是優婆塞老子八十餘週清霄鶴淚溘爾天遊夫婦合德白雲悠悠黃腸卅旄賁茲松楸

孫母許孺人墓誌銘

揚圪噓唏理關激勸必其耳目真而人又足尙黔婁柳下詠自婦無異詞文中明德門人私謚何遽不艷於朝典則惟真故也矧其人與言俱重又稔諸堂上乎徃歲在庚辰余與徵君先生分宅百樓古今靡不論列一日顧謂里有爲婦請傳誌所據則曰第賢孝

紫峯集

卷之九

五

爲題又詰以徵諸鄉族或翁姑氏也其人莫應遂咲而置之而是時余母宋孺人數以姻戚從楊太孺人譙語太孺人徵君配也婦許侍余母亟稱賢世有事繼姑如夫之所生婉孌無間抑繼姑撫婦如已所出婦語昵昵必呼幾哥幾嫂乎慈以徵孝未之前聞歸語兒女輩善誌之彤管無失此人也已丑徵君攜家客蘇門尋宗人長嘯故址無音問久辛卯五月楊太孺人訃至十月中許孺人訃復至余母悽然良久謂賢而天微論許家婦太孺人亦未登中壽蓋歎歎隕

泣云甲辰嗣君侍徵君北上時以難故乃不忘謁余乞誌且銘狀出懷中莊而頓余憫焉曰固也有余母遺音在讀其狀慈惠所被姻族里媼口語歷歷獨心儀徵君先生爲誄辭也有曰憶昔甲戌歲賢婦入吾門屈指十八年事姑色倍溫姑也夫後母汝視爲同恩夫弟皆異乳汝視爲同根旣翁先和好俾我閒心蒐蒸動戶內外流離情更惇噫天下爲翁若徵君足矣天下欲得一字爲華袞如徵君之言足矣余又何以誌孺人抑余母誌銘實出徵君以徵君言徵余母

紫峯集

卷之九

五

卽以余母徵孺人然則百樓遺音又寧第與姻族里媼同口語而堂上終嫺矣使言或未衷此三寸管靈氣千古謂何豈難於里婦數行傳獨此墨蔬芬霏也許爲吾邑著姓前世廟時帝甥某貴重介弟某判某府事孺人其孫女父文學顯達母張氏爲女擇配得徵君第三子文學君孚前後兄弟六人張安肅監軍棟女用才望平播殺王事孺人世貴盛入徵君家乃貧徹骨僕僕爨濕烟中目眦腫泪習以爲常姑姊或餽藻薪輒寄聲爲七嫂省却眼泪其見孚內外如此

會南北流寓無虛日盡市簪珥間易餅供堂上自視  
日晷耳歿時文學君方困於遊目呱呱泣指篋中惟  
敝縷一束嗣君兄弟狀宜有餘慟也然而賢矣歿順  
治辛卯十月初四日距生己未七月二十九日享年  
僅三十有三子二嗣君淫行業早著庠序固乳抱不  
忘督教者也娶生員楊公自著女次淳娶進士王公  
元鑣女女一適德安府同知李公行可子生員一膺  
旋天子女童稚見背迄今已十五年文學不復委幣  
大義用彰殆亦腹悲歟第觀兩嗣肩隨競爽竝砥於

紫峯集

卷之九

五

學望而辨爲徵君家蘭馨也孺人果亡否是宜誌而  
係以銘  
銘曰是爲堂上所誅賢婦之幽宮與姑相從髮髻融  
融許而勃僣請借以風丹岑接羽天道豈憐抑不觀  
朱顏夫子之報以孤檠耶

魏母楊太宜人墓誌銘

世之愛官或愛其子之官恐恐焉金注之不啻甚至  
子淹宦輒親老弗獲從雲山目斷郵筒忍淚徒號於  
人與人之號之也某子官人官人津津頰舌而不禁

時刻之魂攝人情類然矧在閭閻抑子實無似爲親  
色喜動借口安陽一檄名節事婦人女子知艷何至  
富貴待吾親猶云賢者不可測耶太宜人成其子是  
爲難耳太宜人就蓮陸養補守忻州纔兩逾月先是  
屢蒞宦蹟蓮陸卽不肯髡髻一官如所生輩錦何及  
苦事多掣肘太宜人心覺之毅然曰咄孺子若無以  
老人安祿養雞肋味幾何豈其尹母千載笑人促裝  
率婦李先歸無何蓮陸解綬去噫今落落邦伯不觸  
藩於掣肘有幾昔嚴母不忍子習爲酷東歸掃墓憤

紫峯集

卷之九

五

欲挽之不悟東海稱賢智彼固不能挽其敗也母子  
相成風高三逕問賢智於東海奚似蓮陸歸娛侍太  
宜人脩至體尹母語讀書談道外尤左地方爲義如  
表忠旌節關人心風俗事靡弗力蓋太宜人優游眠  
食逾十幾年卒於寢爲戊申正月十七日完名全節  
生死榮哀乃蓮陸泣血兩書猶謂不孝奉母無狀不  
自殞殞母獨何忍幽慙不彰手狀屬余誌太宜人姓  
楊氏世爲新安三台望族與魏同里閑歸耆逸君明  
慎勤儉克厥家相耆逸君敦德誼金容孫徵君所爲

誌力田孝弟也姑老不良於視性復加下太宜人掖  
持上壽曲得勸心疾革而祝願吾婦佳兒婦悉如婦  
今蓮陸偕婦宜人蒸蒸子舍謂天道其無知耶狀又  
稱蒞官日稟母訓從不敢私一橐併歲時問遺稟霜  
矣至稍知文章道義結好當代名賢則溫言藉之憶  
風雪蘇門擔簦千里使幾微顏色厯我太宜人一鰲  
義何敢經宿於外蘇門徵君寓處蓮陸鄉薦後師事  
問學蓋本太宜人晰大義云他若厚親族和隣里以  
太宜人家猶績又餘事耳晚年奉準提甚謹病劇精

紫峯集

卷之九

毛

與脩然迄不至亂殆名已注婆娑曇影耶生前甲午  
月日距卒得年七十有五邑居系譜具詳耆逸君誌  
時蓮陸居郡城匍匐衰葬卜三月初四日將啓三台  
里兆祔焉而速墓石之役余交蓮陸久不得辭顧布  
衣非分而蓮陸曰固也先慈不以歸啓不孝乎不孝  
卿惟不朽是藉他何知迺爲誌且銘

銘曰綺帷閭範高朗令終解佩夫子嚴姑融融洎砥  
厥嗣棠陰兩地菊徑一弓泉臺下報清節隆隆我銘  
茲石庶與力田孝弟千秋銀管并合曜於幽宮

周母石孺人墓誌銘

母之婦於周也得年三十八母於周得年四十四惠  
被遠邇稱是今年丁未卒年八十有二節與壽無憾  
余客渥水俗多忠孝磊砢閭範節壽表表而母差裕  
迺文學君盛斯泣謂余不孝孤兄弟何以忍慟於吾  
母豈易有今日哉先考見背母慟不欲生賴繼王母  
敦慰若呱呱與兩老人何且何以瞑地下目強起襄  
事則睨田可粥者僅溢畝早夜躬井龜豕槽鷄杙僕  
僕也諸孤或啼於旁摑之曰此何時豈徒任索哺門

紫峯集

卷之九

天

東耶手續課述進穗絮爲常稍佚摑益力以是諸孤  
無門外嬉而家稍給又無如困於繇母顰蹙曰天平  
寒餓餘生何以支此磨牙輦力督士多於堦以有今  
日然起視母猶績日進粥耳嗚呼何以忍慟於母母  
苦節鞠諸子蓋愛不廢嚴仁聲又何蒸蒸迺爾邑人  
石高娶融氏生母歸大王村周公天壽號仁字敦篤  
好義排紛難母儉朴詳慎與公合德公先歿此五十  
年含辛茹涕課耕課讀迄今而什一井如亭宇翼如  
食指累百孰非寸心血縷十指龜起之餘嚴苦所結

倍殷施濟或素性亦闡教則然體公姑意撫幼叔天  
祥甚悉早折治喪葬更濡翼其子嗣然猶義關骨肉  
至遣僕人張進祿歸養父母不計價值代贖熊養異  
之驚悸曰吾不忍牽衣狀凶年餓殍又城南開河發  
骸施棺轉澤枯骨不下千百而若橋梁若梵刹之甃  
嚴則長齋持天竺家言餘事五十年渥水炊煙幾化  
國泊欄門內臧獲願指子婦一錢尺帛及語言小過  
又凜凜懷冰不啻余觀古來忠孝天植極身勿貳大  
約得諸嚴苦而婦節倍著至堅凝之氣壽亦因之詩

紫峯集

卷之九

无

咏栢舟志節也承栢南山志壽也簿霜日歷寒暑保  
色正性得無有挺然不可翫視者歟遂文學君以母  
節壽請余顏其堂曰貞栢言頗衷仁宇公生萬曆戊  
寅天啓甲子卒母生丙戌二月十二日子時卒康熙  
丁未五月初八日未時子姓姻族哭於堂於幃於門  
內外生死哀榮爲至母素無疾勤瘁率先丙夜先二  
年以長子喪損眠食然名已注婆娑墨影矣子五長  
士昌縣掾卒次士多邑廩生卽盛斯次士英鄉飲介  
賓次士傑早卒婦董氏節育嗣子如母次士棟婚娶

孫曾俱載狀諸孫隸郡邑博士甚衆而仲與季子維  
翰維宗從余遊狀出盛斯姻友王君五修端亮可信  
者也文學兄弟卜是年十一月二十日啓仁宇公窆  
祔焉而屬墓石之役曰幼不習吾父敢忘吾母憶乙  
巳母年八十業啓徵君言爲壽余得拜母及是以布  
衣辭而子若孫請不已且稱徵五修姻譜非吾子奚  
徵孰是耀泉臺也適爲誌而系以銘

紫峯集

卷之九

三

崢嶸秋風古道過而式者含咲以對夫子於九京

李母張孺人墓誌銘

余與愷蕃一再晤徵君座上英年玉立毫無高榜氣  
習則澁然異之因定交徵君手卮酒勞余兩人亦差  
有異別未幾則縷服踵門謂先孺人且棄不肖兄弟  
不肖兄弟未得申一日養嗚呼慟哉計不極吾親敢  
以誌請孺人張姓父 母 氏籍新安三臺里僑寓  
京師孺人幼婉慧閑內則長歸同里載陽李公公父  
原藉容城以皆縣府寺比冠蓋往來供張皆取給徵



至醢醬醢脯孺人手經理一不煩堂上歲饑領賑穀  
躬親簸揚指掌血不恤間飭精膳佐堂上客需併載  
陽公讀目熒熒燈火間矣姑歿喪葬事以禮歲時理  
簪帕阿錫中裙浣滌涕不止舅語人京師婦女類嬉  
游不事事復不諳舅姑禮視吾家仲婦何如後繼事  
兩姑舅垂大耋載陽公業困有司支門戶多外出孺  
人奉堂上愈謹不以伯叔解卽伯叔亦若習堂上安  
孺人養也家至是不無少落躬泝泝歲屹屹蠶簿諸  
子以勞諷則曰若不聞公父文伯母語乎以歎之家

紫峯集

卷之九

三

而王猶續母所以戒卽於荒也居亡何會族姓涉盜  
案里胥挾璫虎銀鐺叩門家人犇避孺人獨語若何  
樂此非盜藪若曹子不過假爲虛喝計余家京師諸  
紫貂而馳過吾門噤不敢睨三尺具在若何噪諸胥  
及璫稍解去時璫焰張甚凡羅織皆立碎非歷階數  
語暇而整伯叔兩門不併魚肉耶任事在膽古大識  
量人尚難之孺人筭而丈夫哉載陽公雖外出暇且  
課子經書兼用大義解說篝燈市犒茗果又孺人力  
也旣仲氏魁畿闈叔季聯翩起人嘖嘖爲德之報抑

家教云孺人歷豐歉子鼎盛宜稍發抒顧哉欽益力  
相載陽公家法一依清淡自屏服飾紕綺姻戚過從  
不問不知爲貴人母猶時語諸子士君子立身介節  
爲貴而敗於黷自吾爲汝家婦習聞還遺金事邦君  
式廬祖德可念也則諸子凜霜矣余始嘆徵君座上  
金玉其相孟機耶陶髻耶近雪有緇流否仲子再上  
春官不第孺人第慰令安義命曾未厯辭色又素強  
無疾及慟女得痢諸子延醫晝夜調理久不瘥病未  
革猶媿媿述生平勤苦誠子婦歿爲崇禎壬午某月

紫峯集

卷之九

三

日距生周甲子少載陽公一歲則萬曆十年某月日  
得年六十有一與載陽公相敬如一日公所由腹悲  
也伯子 仲承光卽愷蕃舉丙子第二人叔季進  
光龍光俱廩生後進光萬甲午龍光已酉唐貢他姻族世系不具述  
余按孺人事舅姑孝矣尤莫難於再奉繼姑謹繼姑  
子至不敢抗叔嫂禮待姊姪報施不校惠且和矣尤  
莫難於爲未亡姒氏女擇壻理裝不啻已出他至諸  
姑凡六賓禮一無閒言是爲何等賢淑以是食報鳳  
麟疊騰光耀震世昔人夜香臺良足券耳狀又稱惠

而普慎而不矜衆而能理且好施不倦尤出天性要以餼揚賑穀一事已達天關孰謂十指上不與青齊賑法並芬千古寧止叱噓炤爲筭流僅事耶狀出魏君蓮陸與愷蕃兄弟同里同師門登堂拜母言旨而徵若夫感異夢神嘉其孝又夢白衣媼指其闢稱子多而貴嗚呼鬼神理不誣於是誌且銘

銘曰王村之阜鬱佳城耶厥其原可令置百家是爲唐王孫之母之德無涯

紫峯集

卷之九

三

紫峯集卷之十

李體天性甫

范陽杜越君異父著 後學張 蔡季木全訂

崔茂林蘭亭

祭文

祭外祖鳳梧公 代大父

易水南匯鬱爾松濤斗城詎眇而卧人豪公毫如何雲夢八九聿遡厥源大夫之後襟懷夏雲丰神秋濺規矩先民隱映時輩赤幟藝林風迴紫瀾香生片片

紫峯集

卷之十

一

譬彼梅檀天池之運日六月息顧所同悲楚國白璧俛就吏隱硯發一班胡復見妬漢宮紅顏人爲公歎遇矛志盾公也掉頭等視枯苑公於文章鋪芬振藻迺爲波流蘭苗芝好公於談辨傾珠奏玉劑以恬和布帛菽粟公於義概岳峙川奔晚而韜光稅菊狎猿何曆弗綿有餘是歛二豎何纏湑先電炤其微倚玉晚更相比肺腑幸託藐諸孫子公不爲訶蓬髮歷齒呼酒酒之青燈論史峻絕龍門迺呼鳳毛顧余衰朽中懷用陶及茲酹公寧不心忉丹旄晨飄搔首爲勞

爲三弟君穎首七祭文

嗚呼是爲弟亡之七日矣此七日中曷不使我跽而進汝飯曷不使我誘而進汝藥曷不使我屏息而覘汝以呼吸曷不使我強懽而寬汝以話言嗚呼其真死耶七日之近遂成永世之隔耶當汝病之未伏床也何刻不慮汝死汝病之旣伏床也又何刻不望汝生乃慮死竟死矣望生竟不生矣嗚呼痛哉修短真有數而彼蒼不可籲耶吾所最不解者獨是天與人

紫峯集

卷之十

二

蚩以終壽命者比比也孰使吾弟性通而識敏孰使吾弟志猛而神清孰使吾弟篤詩書敦孝義炯然於是是非非不可眩以疑似而卒不得終其壽命豈質毓靈秀固爲天之所忌抑吾弟收歛過當特與秋肅之氣相迎耶是皆理之所有而其故總難強解願使吾半生護惜終身期望飄若烟消影滅不可撲捉生理幾何堪此摧折吾欲慟哭汝汝病中爲母勞瘁過甚特囑百凡勸解母致傷殘魂消腸裂之餘惻惻可聽此正汝平生至性也今母果哭絕數次矣吾旣無

以慰汝又何忍過作悽楚重添吾母之慟以違弟將死之言顧余思不可以無寄亦第陳汝衣冠陳汝筆硯圖書於靈座汝生平文墨自喜使得隨汝雋才之愛人鬼一致冥間有所主者汝再拜致辭曰身楚楚一書生也諒可以無譴謫而得逍遙于冥途也耶真形未遠素幄忽張茲因首七特披淚而告之言汝其聞耶不聞耶嗚呼痛哉尙饗

祭鹿石卿代婿劉漢條

嗚呼易水瀦源郎山秀簇鬱爾名聞爲范陽鹿翁承

紫峯集

卷之十

三

家學亭亭穆穆詞藻珪璋品則岳瀆早掇科名冠冕帝轂翁曰何有前徽映日奉常倡道翁也捧壇清風滿座皓月窺灣忝予半子膝席垂鬟朝參法塵夕泛文瀾香觸通體梅檀片片飲食教誨顧我則戀抑寧半子桂蘭并蒨方煦朝暉忽驚掣電嗚呼痛哉烈烈奉常維行大父先子憑翁撫棺泣雨秋杪在丙寅驚秋未幾次夏先子倦游翁顧草土悽淚交流棘人妻非方號同舟叩關一別并伍重修嗚呼痛哉旗鼓中原匪特姻締異姓同心攢眉國事螭蟠未靜哲人

頻轉河枯岳折孰不心悴况以焚歿哀郢兩世人爲  
翁悲忠孝繼琬我心彌傷先子丙歲厥誅奉常素壁  
尚揭苦語深情酸風有暄藐茲醉翁知何從涕丹旄  
晨飄徊徨如失尙饗

祭鹿石鄉代門生

嗚呼吾師其遂已耶師淵源家學挺出類萃文則天  
球品擬沆瀣奉先太師翁於塵席乃穆然良王之在  
璞泊定力定識樹幟流輩則是是非非屹如砥中流  
而莫易明月連城孰不心醉尤可異者巍科騰發卓

紫峯集

卷之十

四

詣淵著而三十年追隨從未覩一毫名士與名儒之  
氣蓋以上智資游大賢隊若無若虛誰結氣想于千  
秋烟柳江濤伯安且攀悵於謙之之歸世嗚呼世道  
交喪滿目頽淪持重既乏慧性標令又鮮天真孰如  
我師德隅抑抑物表亭亭爲谿爲谷不敢先已而後  
人者原得諸萬物一體舍已從人之家訓第執經小  
子技僅塗鴉孰使仰杖履而如趨家庭久則拂春風  
之澹蕩暫亦沐化雨之氤氳撫摩何啻生我提掖惟  
恐拂人絳幃未冷丹旄忽溘嗚呼慟哉修短固有數

所不可解者和風朗月之懷所不可解者岳時淵渟  
之節其相擬議云胡玉折痛惟先難土禾委骨師捐  
以手淚從胸沒迨徒跣扶柩而出郭門行人飲泣固  
已驚肉脫而形躄既棄事而叩閭血淚模糊帝心尤  
惜爰勅禮臣將作竭蹶慰我忠孝光於日月恩卹輝  
煌精誠恍惚慕烟霏而不見悼夜臺之蕭索是特一  
身結父子忠孝之局獨不計汨羅遺恨賦巫陽而問  
天增咽嗚呼慟哉某等自視殫舍驚魂尙闕時過嗣  
君撫棺增痛蓋哲人既萎未暇爲邦國恤羽儀之私

紫峯集

卷之十

五

祭鹿太公

己卯夏五月庚午二十八日

爲我誥封中憲成

翁鹿太老師奄窆之吉先一日癸未門下士某等謹  
以性荃絮酒酌其靈而饗以詞曰從來赫隆顯燦無  
并萃一人之理故盛美便伏缺陷非獨天道亦人事  
不可繼爾邇有卽缺陷徵盛美而一人光燄益震蕩  
激發不可撲滅則孰如我翁奇者翁仁心俠骨嘗義



若彘可謂脩天下之大德矣身爲忠諫後復篤生我師以理學崛起孫曾濟美飴含五世可謂膺天下之大福矣剛果性成晚益怡神物外雲飛鶴住桑猶於農談樵語逕烟牕霜餘八十年可謂極天下之大樂與大壽矣人或爲翁疑兼爲造物憾則年番羽化何不少延餘慶終天年而令我師奉常爲之以城守殉難死解元君爲之孫以叩關請卹死卽曾懸濟濟而連綿勸蹟不無惑翁酷遭於造物不知此正一人光燄震蕩激發不可撲滅者耳大凡天福庸人以全

紫峯集

卷之十

六

爲福天福至人以奇爲福蓋富貴福澤代不乏人而賢豪有幾卽賢豪亦間有人而如捐軀無地叫闕不靈偏就逆境中成仁取義爲聖賢豪傑之結局又有幾是語常固盛美爲尙而卒未聞子若孫手携忠孝奉尊親爲有歉於盛美而且非盛美之倍增光燄者故當孤臣骨委血胤魂迷平日所指五世一堂幾成鬼室此在行路摧傷况衰年之父祖然論不待久自明天不待呼自應精誠所結恩錫輝煌而天下太節烈出焉肯哉歸安茅止生之爲輓詞也忠臣孝子兩

兒孫誠見其大不然天業以七代躬逢隆其慶於垂髦獨不能少延餘慶於垂化之一二歲爲我翁壽也矧據翁行事証所期於孫子更相符合憶翁護乙丙間黨禍諸君子人或咋舌翁獨掀髯長嘯曰八十老人籌此已熟我子用忠義締好時賢今濱鼎鑊何忍不一引手且慮不過爲老人陷死法死等耳牖下與闕下孰快此先侍御篝燈草諫疏語翁言在耳詎一毫兒女態可夢見故於我師殉義曰死得其正於解元君殉父曰吾孫自幼無一事媿色至曾孫靜觀碧

紫峯集

卷之十

七

貞捧賢書則毅然呼孺子祖德可思嗟乎此豈尋常榮辱得喪生死固其識者蓋切數相搏天人似總無可奈何抑實若幻出其境以洗發翁目擊七代福澤德業勲名節烈之極致故慨生平常變其徵翁福之全之奇而又何疑乎又何憾乎惟是某等執經我師日久沐浴翁德亦與日俱深時軫其私時通其窾間有出師友意言之外某等心喪如結方拭淚慙刑而杖屨不復可卽以是不無介介若翁浩氣已隨河嶽日星共爲磅礴或伍明神或再挺生爲異人天柱地

維終有賴耳以是酌翁終當掀髯一笑而又何疑乎  
又何憾乎尚饗

祭左浮丘中丞

代門下賈三槐

蓋天地虛空耳非有忠烈不能入天地而爲之骨則  
天地幾傾是以人心不同獨於忠臣烈士之感或披  
載籍或經祠墓類徘徊涕泣不能已豈非人恃天地  
以生而非忠臣烈士且無以爲天地故感發爲獨至  
耶求之往古代有其人而莫慘於熹廟乙丙之季當  
逆璫煽虐蛇豕肉血川沸而以最慘成最奇則我師

紫峯集

卷之十

八

浮丘先生非其首歟槐北方猥士耳而得執經我師  
則自邑楊都君實用忠孝大誼結好師至驩也而不  
忘齒及槐後併介槐吾鄉之鹿奉常孫徵君兩師蓋  
抵掌國是朝綱民瘼士氣與夫忠貞慷慨之誼砢砢  
訇訇幾如震霆破睡當是時四先生交好天下莫不  
聞槐因得以熟聞其概何未幾竟侶黨錮諸賢遊也  
我師勁骨深心經世大手順用之爲螭爲龍奚不可  
雲雨天下不獲已而逆用之爲喬爲固爲膺爲滂天  
下雖不食無事之福然浩氣結而鞭風駕霆毅然作

天地骨子則已無愧奇男子獨惜槐弱而椎求如古  
人伏尸都市斧鑕帝關少遑國士之愆不可得而徒  
飲泣至今頃歲多事槐且糊口寡僚更愧鷄肋者流  
終無以報知己洎就銓而適得我師之鄉蓋一望龍  
山淮甸黛色巍峩水聲澎湃不覺悄然悲已復爽然  
失也嗟乎異代之人披載籍經祠墓尙徘徊涕泣不  
能已而婆娑一官正得大賢藏骨地二十年生死門  
牆之誼借辦香三千里外詎非天假其緣償我夙願  
尤槐榜徨瞻企不能自己者也師之神業已鞭風駕  
霆無所不在生芻一奠哀些蹠進白雲莽莽倘聞聲  
而至耶

紫峯集

卷之十

九

祭王鼎又夫婦文

歲次庚辰二月 日友人鼎又王君歿次日配李氏  
殉以縊遠近嘆惋旣而雪涕爲慰壯孺人節不媿王  
君配也卜某月日仲氏顯又扶遺孤將厝祖塋側蓋  
先是請臺使候旌表有日前窆一日戊申親知其某  
等迺得醺香帛牢醴酹其靈而告以文曰嗚呼從一  
爲義古稱同穴疇旦星河雙炬填咽立孤與死嬰曰

相商疇鑄金石額怯孤凰自締王君馥如蘭味渥雪  
排雲掬作肝胃義聲漬薄不揚而沸誰贊鷄鳴膽識  
髣髴塗鴉藐爾覓父索舖孺人不有仲氏是需壙麓  
素協那靳恤孤豈惟一慟有聲無辯孺人不有職誰  
扶掖仲也季友胡虞慈白有代而父有代而子攜手  
同行魂兮且止或以殉挽日言在耳視息須臾形枯  
心死慙奪寔難不忘示整血淚咽胸強侵家乘未幾  
曲房冥途已耿痕帶猶香風悽日哽嗚呼君真男子  
婦亦丈夫縷羞燕繫鏡悲鸞殊作忠作孝達我天衢

紫峯集

卷之十

十

或借呱泣增地下悵百事瞻徇裏疇如鐵世靡節毀  
背君死孽可死而慙半由邪說烈比轟雷尙滋口舌  
骨掩神游爲紫府雪燿如煜如太史筆掣尙饗

祭范箕生

乙巳清明方擬先孺人遺行求傳吾邑范二兄箕生  
適作維揚遊入夏旋聞異耗六月邑中信至則已殯  
矣傷哉素車未策暑病復苦秋霖及茲下元屈節寓  
渥劣弟某始克率男郊哭兄墓而告以言曰吾兄其  
遂已耶惟兄根滋世澤穎拔髫年才鋒颯起其誰不

目而心拔一日千古顧獨善石卿兄與弟而進之迫  
兄奮起功名石卿孝殯弟獨以破帽單衫良承慰藉  
乃有所負不能不一鳴者兄其聞耶否耶憶兄魁南  
省同寓燕弟以旅塾見招詩社未赴此一負也旣官  
銓曹若不忍弟風塵蹙蹙要遊京邸踵相告而迂滯  
如故此二負也洎升沉不一庶子弟遭毋喪執手旁  
及詩文事欲爲梓評且以根本枝葉不可相廢非余  
誰使子必傳弟復逡巡學未到家仍迫作客此三負  
也結言耿耿所與者兄返家園弟亦稍解世網得相

紫峯集

卷之十

十一

從山巔水涯証鼎今昔詎意萍踪相避兩兩心事祇  
寄親知口語如徵君先生等復聞面約徵君欲爲贖  
土室數椽招遊家巷如昔人洛社乃二十四橋之跡  
遂成黃鶴耶已矣兄詩文定價具在黃錢諸君子口  
寔令子復作小斜川兄更何憾惟是九苞之羽鄉國  
同儀昨徵君自蘇門寄字亦云箕生氣旺何遽作古  
吾黨交親有幾卽兄骨俊氣銛意不可一世頗欲規  
之未能然從來才士率有此病不能奪兄爲才士又  
安能奪以才士之病卿法我法無足言顧三負在心

而先慈不朽事幾得復失千秋彩筆不獲致吾親是  
幾許缺陷猶子耳伯父名客歲徵君座上猶得連奉  
談麈差慰夙緣而官塋自阻此又賤父子啣痛半載  
始得一布者也嗚呼已矣幽明路隔五十載交情盡  
此一紙兄其聞耶不聞耶鷄絮荒涼恃兄知我猶記  
見招詩云焉有一斗水而活千丈鱗人非鮑叔誰知  
子貧關心之言一字一淚兄如聞此當輟然今昔情  
事而弟之負可釋不然弟且悠悠抱恨千古黃壤詎  
知我白頭猶爲君兄磊砢人神爽定不滅尙其鑒之

紫峯集

卷之十

三

尙其鑒之

祭亡女文

嗚呼是爲亡女杜大姐之靈癸未避難西山與汝隔  
五六月心甚慮洎事定始知汝家由白虹塞趨紫荆  
人口無恙四月廿七奉汝祖母歸家次日晚有信道  
汝抵家甫十日病且危時適有醫范君祥治在吾鄉  
亟擬次早同往遲明訃至嗚呼痛哉汝父半世纏綿  
多在骨肉喪病中幾無生理五六年稍收召魂魄今  
復遭汝變亂離之後何以爲生汝生二十四年計汝

母棄汝甫六齡吾時刻未嘗不痛惜而汝迄長大未  
敢以嬌癡見吾方以福器擬之歸任氏婿撫兩雛長  
復岐嶷方意福或在是豈料至是耶汝生平了知大  
義特稟性過剛類汝母竊以爲慮及窺其處家衆無  
不和侍汝祖母旁下氣怡色恭於婦有孝子所不敢  
望不知汝何感慕至是在舅姑家亦早有賢聲會言  
汝艱苦狀甚悉泱歲兒敝縷結袴間偃僂趨米鹽所  
一羨冷煖自知也吾每慰莫厭苦艱苦中有人在  
而汝不忤雛索袴間呱呱矣衣襦復手自補紉有

紫峯集

卷之十

三

諷向余索尺帛可節已勞則堅不肯曰補紉分耳父  
寒苦懼人又何忍兒女爲累嗟呼爲父而不能贍一  
早失母之女乃汝特明大義如是然亦豈料遽至是  
耶辛未丙子兩遭汝叔季父喪時余日迎醫在外汝  
叔父每視汝低昂其藥劑爲懼季父有女復一子而  
病女乳媼偶逸去祖母且躬羹糗哺季問季女晝夜  
保視至汗流食輟而無倦者誰避難猶伏草間藉以  
肱手一禾覆寒露時尊屬劉姓嘖嘖嘆謂此女乃能  
撫叔之女嗟乎骨肉之誼鬚眉掉臂有弱息而彰彰



大義耶自歸汝家汝舅時言婦頗知事體汝向祖母前亦述舅姑有不如意處未嘗不心痛吾以生平了知大義固券其能爾何亂離後忽有言汝性加卞豈稟性剛終難自制與汝隔五六月所以教者疏耶抑死期至而病形見或患難中諸婦得自如汝婿義無私顧孀婦人提兩子憂勞寒餒苦極失常誠有踈擾不自覺耶吾很恨西山不能顧汝誠大恨又聞危病中數呼父不至知必怨我然以了知大義又必有不忍終怨者在吾今盼汝不得見哭汝不得活計或惟

紫峯集

卷之十

古

轉而慰汝創攘未息汝歸家雖僅十日而死得正命葬得正穴且汝婿吾甥也端謹向學事繼母以孝著汝夫婦之賢天道有知詎難昌後汝目所不瞋或兩兒中其一氣息僅屬汝舅與吾姻契三十年誼至篤任氏一塊肉固吾與汝舅事汝父因勺水之薦而告以言汝不習字而生爲慧女死當爲黠鬼不昧此義修短分定倘其脩然也耶父言止此汝尚聽之

服闋告母文

康熙改元壬寅十月初吉距我母考終命二十七月

服闋不孝男越董依生平摘菽酌水外加魚鴨之器告母墓前曰嗚呼痛哉禮制有常日月加疾奄忽終禪音容曷及嗚呼痛哉孝存祿仕而徂膝下小人有母而茲柩輿抑云善養其道尤艱鑿坯見母石隱則偏八十春秋兒羨兒絮溫惠肅莊貽有令緒古詠劬勞未及式穀罔極難酬僅僅齊疏進退失據曷贖摧顏或躬自砥聿屬大閑尙冀冥慈翼此周旋勗哉無忝稍紆終天嗚呼痛哉謹告

祭孫孺人鹿嫂文

紫峯集

卷之十

圭

康熙辛亥冬月日石卿配孺人孫氏嫂卒於仲子密觀高陽旅舍就硯食也次年仲春十八日返壠啓石卿安厝焉清明日石卿友人杜某過里始得酌其墓曰嫂享年七十有九壽矣婦德不出於閭可無言獨是始終聚散榮悴何懸殊也前已西嫂歸石卿年俱十七石卿名噪當世後十二年領京兆解在吾師小司馬邸極光焰矣奉堂上三世聲錦爲榮嚴慈互劑而嫂克稱孝撫嗣孝廉靜觀諸昆並峙茁蘭折蓼不事謂非所遭之奇不可當是時炳炳煜煜如日

方升乃至丁丑石卿殉吾師難嫂稱未亡然猶日忠  
孝大節於家聲不替旣而家園蕩析雖稍就冢嗣安  
邑養而子嗣零落遂有不忍言者當嫂命仲叔季三  
子師余尚自光華照耀曾幾何時承三世大變叔季  
以揆天之才俱相續天不及聞見冢嗣復殞官舍酷  
矣酷矣蘭摧玉折嫂尚謂有生理不幾欲遣兒子走  
問狀稍申五世通家之誼竟以踪跡各天而今已矣  
嗚呼嫂出宦族歸鹿門三十年京卿冢婦解元妻孝  
廉母更傳理學節義之盛然聞日啖不過一莖荆布  
紫峯集

卷之十

六

不恤也是其朴靜慈婉婦德允至前之苑何至償以  
後之枯天道神明疑不可問或發抒過當難爲後耶  
幾思所以爲慰而不得惟是仲子能奉母賈家婦習  
其母徵君長女奉姑之孝內外生事死葬雨雪奔馳  
良不失忠孝家風且下携諸孫尚稱濟濟前徽不遠  
世澤方新嫂或無憾于冥途也耶抑家世崇隆名在  
天壤則彤管聲亦在天壤爲問烟橫白石是誰氏之  
高阡此余目擊心傷而終以爲慰者也白雲莽莽兄  
與嫂神或不昧尙當鑒老年兄弟而有領于斯言

祭管母梁太君

康熙壬子九月十七日管母梁太君卒人心日酷聞  
教云亡婦德莫宗其何能淑人百其身莫可贖矣屈  
十月朔五日通家子杜某率兒子門生某某等酌而  
陳詞曰死生之數若朝暾之必頽也生無虛晷死有  
餘哀則惟有德是歸太君殆其人哉太君事翁姑佐  
家秉豕樽雞枲罔弗躬親不色忤相夫子以亢璫磊  
砢著而朋遊讌集羹醴索丙夜不稍倦及所天見背  
用母道代父道撫二子亦從未事折蓼今兩嗣成名  
紫峯集

卷之十

七

諸生且豪邁推士林重望而孫曾彬蔚文武濟美又  
何翩翩也則太君正宜優遊含飴償前此之勞云胡  
一疾竟溘焉而逝耶跡一生行事大畧鬱悴多於冲  
恬至可以娛而又奪之詎今者天賢弗獲報要皆不  
足爲太君憾七十爲壽以視婆娑九十稱耄壽何如  
父母之心莫不欲子姓蕃衍有能克家賢矣以視表  
表人群何如矧仲孫公式非太君所謂美而文而愛  
所鍾者乎飭躬好修交遊盡一時人傑品格又居何  
等無論異日騰驤藝苑卽此修名是力不業以最上

乘貢耶某等辱交兩世誼兼師友風雨晦冥談說理  
道罔或間而目此滄桑故不敢以悼惜者爲四世傷  
而特以爲慰猶憶太君病榻公式弱體上公車歸稽  
期父斗瞻讓且絮惟恐貽太君憂比至病果稍差公  
式晝夜侍猶及逾月亦孰非子若孫仁孝之感而足  
爲太君慰者後雖不起以耄壽擁三世人倫當亦無  
不可含笑地下以自慰者爲子若孫慰矣白雲莽莽  
朔風惻惻靈如不昧庶幾駕紫鸞以迴翔降几筵而  
鑒情懷尙饗

紫峯集

卷之十

六

紫峯集卷之十一

管述祖濟美

范陽杜越君異父著 後學宋 鑣和鸞全訂

常 棣玉樹

跋

跋文待詔歸得園詩蹟

余藏此卷每展玩饑可當食寒可當衣非敢言墨池  
賞鑒則習公名德舊也今年雨雹傷稼將爲八口求  
買摩娑竟日蘇文忠醉翁亭墨蹟拾自泥塗纔易黑  
豆數斗昔人悲文忠之遇如其書今意欲易米一石  
時估已六千餘不知可有賞鑒家否然余位置衡山  
差不辱於眉山矣以兩先生遺蹟較量升斗觀者其  
亦有感夫時癸巳陽月花潭逸叟越識

跋蓬聲起柳卷

庚辰秋止生先生訃至燕冬十月十六日距歿百日  
爲位哭於北海亭故先生客伯順先師處輓詩焚位  
次當奠章是爲孫啓泰徵君張千度明經鹿靜觀季  
廉暨余而四客秋先生實有詩別四子續至鹿夢周

孝廉耿是經文學其兩詩至不及位則王生洲刺史  
崔貞甫孫啓美令君篆煙繚繞手蹟出壁上徵君曰  
何言之楚靜觀曰先生揖此亭去曾削牘調別柳詩  
可過讀似成識矣嗟乎先生功業文章君臣師友憂  
危懽笑大都閱歷在北以故北海一亭相依如雪堂  
觀惓惓一柳神豈忘茲亭則余儕詞之必達無疑經  
世業倏起倏躋至金石不渝實師愷陽相國友伯順  
先師迨丙子先師禍作戊寅相國踵之先生一再過  
范陽每觴亭際欷歔長嘯意若不止爲 耻已爾今

紫峯集

卷之十一

二

先生復謫死天真欲忘斯世何奪我哲人之速也余  
儕先後交先生旣以女許婚徵君幼子花香酒熟於  
余儕又不第交誼矣徵君曰是不可不書以貽嗣君  
爲問大河以北有亭歸然其於君家世雅奚若弓箕  
在望柳色笛聲當有以慰茲感也別柳詩下車藏壁  
幾番新嫩嬾依依不避塵多少白楊悲替汝尙餘綰  
結聆歸人

跋楊忠愍手字

容城楊忠愍公手蹟得諸曾孫志祖兄藏帙公特精

律呂所注自非他人口吻百年外楮墨猶新非鬼神  
呵護故耶從來大忠擅書名如顏平原文文山不少  
今無論公識識迥出舊解而字畫適古卽公不藉此  
傳觀者能不寶諸天球歟

跋楊忠愍墓誌帖

周公瑕書法高一時相傳忠愍誌石出其手公名重  
如山當時名賢樂褰其盛傳或不誣墨本詒自五代  
孫蕃生太學俟相晤質之總之丹心照世彌寶丹書

跋三賢手蹟

紫峯集

卷之十一

三

吾師忠節同里開法席雲蔚因得挹金容孫徵君復  
締姻仲氏故於兩家遊無間也忠愍亦徵君里人百  
年間氣第得諸史冊公讀書吾鄉隆興寺按年譜所  
載東江村杜太學卽某高王父德平公又爲婦王曾  
外王父姻契可據忠孝理學三賢鼎峙某先後叨附  
德聲詎非厚幸而筆札有具不具銀鈎玉樹時代良  
殊忠魂可作或不隔我於忠節徵君耳客歲徵君座  
上接忠愍曾孫志祖以此誼請遂得公書數行併裝  
成卷高山仰止景行行止問汗顏幾斗亦曰明月在



握觀者差不形穢我也彼夜半燭天漢而起者獨雙龍之合已耶目矇命兒郊書卷尾爲志

跋羅文恭墨蹟

新安邸任一官吉水余囑覓羅文恭手蹟得此幅幅後書念庵道人檢全集乃送尹道與令泰和序尾全篇生色可誦尾都歸結天地體性萬物生機疾痛痼瘥通乎天下而我擴然無所係累又云養親之志不必口體幅雖不全大儒滴骨滴血語具盡此而字畫莊靜尤想見與荆川建言謫官布袍聯艇學書時也

紫峯集

卷之十一

四

公品業不以字重顧煙煤敗楮仍堪寶玩任一簿書之暇留意先型知非汨汨一官者而余併得寓目亦良幸耳時已酉綠陰長夏披此於公式小軒清風習習益同所好云

跋趙忠毅尺牘

渥水高浴五出趙忠毅公尺牘帖示余用筆藏古於婉兼語意高卓不鬪衫履宜栢鄉相國摩勒有鳳毛麟角之目童時侍外祖鳳梧公述曾外祖守汝寧正得公司李豪邁不可一世余心儀之旣以直聲淪落

三十年晚起發籍統邦政庶幾發抒旋困璫禍竄謫味藥一齋生氣千古不第筆札重乃復爾精妙浴五名家年少讀書嶽嶽自立高山在望珍襲有加豈非知所重歟

跋徵君格言卷

自昔宰相布衣之好無如司馬君實冠平仲於邵子魏山人至驩也然猶生平握手非有坎陷可問徵君先生甲辰事雖世無不諒而左右其間實栢鄉相國徵君牘所以惓惓於知己之感上谷魏君連陸以相

紫峯集

卷之十一

五

國宗誼師徵君裝往來尺牘一卷志佩卷首格言字則筆自相國見志氣之孚矣連陸官晉時與傅山人青主善併輯一卷師友契濫折梅固宜兩月忻州牧飄然三逕耳戊申秋杪過齋頭眎余二卷時菊香滿院叢篁薦冷披此於西偏小軒又相國題廣居處室不堪容膝而位置高森何啻廣厦千萬抑學不離仁體旁皇一點實生天生地生物之根八荒我闔隱顯一致而相國與連陸交勗意遠矣說見徵君歲寒集

跋書譜序

紫水王申之以兄翼之墓書譜序示余余肅然竊嘆翼之磊砢負奇急然諾卽逆闖變誓不俛首後卒用父難殉燕市迄今傳訣別諸兄弟語何烈烈也乃書則婉媚多姿如此昔人稱楮河南大節而書如瑤臺婢娟余於翼之亦云使加深造駕君家籠鵲故事不難而所就止此蓋申之委余跋語次黯然悲也申之書法淵源無論至抵掌千古所稱有用之學非歟近且韜其鋒於耕牧而性耐寒苦又耕牧所不能堪申之何感乃爾噫精靈不上薄則已如有之則星殞霜

紫峯集

卷之十一

六

飛岳折川立其在斯人歟其在斯人歟

跋崇我先生傳

遑奉常先師倡道畿南鷺湖再開金容孫徵君實唱和焉座首則崇我先生先生和易善謔每遇辨難出冷語佐之流韻洒然理窟更豁蓋先生爲徵君伯兄一堂羣友言行交孚故於先師法塵有光也今五十年先生墓木已拱問歸然海內雨花道場煙榛幾許嗣子君一出此卷言念戶屢相接有不第虎賁中郎之感已耳君一蚤孤能不忘先烈今歲癸卯冬往壽

徵君蘇門欲併質座上能立言者乞余題其首日事親日長傳出邑崔君以孝廉令淇水有聲實先生姻契銀管足徵云

跋書如夢令詞

辛卯夏日飲吳吾園亭余題農圃家風旣而枕簟入林槐陰啣炤愛其清絕因憶吳原博有如夢令詞一闋情事宛肖并爲書之翁橋梓伉爽夙著遠近待以解紛茲復結契一亭一渚間長嘯把臂倘有隱君子之思耶

紫峯集

卷之十一

七

跋書呂居仁滿江紅詞

承某丈索書聊爲拈此余每過高齋愛其清絕試於綠陰啣炤水竹交映時啜茗朗吟一過未審於羲皇上人何似

跋徵君書卷

陽明致知宗旨一變爲四無之解立論非不高竄然倘恍失據識者憂之念菴子晚出刻苦痛快力砥其瀾如云隻眼自照不肯將就冒認蓋切骨砭也而尤莫暢於龍場祠記先師忠節每藉談助故於兩先生

語錄各有手評惜值變失去客城李公傑先後得之  
市肆何奇也甲辰徵君旋自蘇門公傑介余爲贊徵  
君迎而笑謂疇昔之夜夢刺而介吾子主何異余述  
公傑質直敦厚并所得兩編狀徵君躍然曰是矣此  
於學有夙緣余因質先賢王汝止謁陽明曾示夢野  
江亦有汗流浹體之異彼於宗門皆龍象要以野江  
不能分兩羅之藩徒涉二溪之派其於高竄一途尙  
需辨獨汝止禱雨立澍納拜陽明旋以心有未安仍  
上座此豈隨俗爲行止直心直意擔荷幾許故夢覺

紫峯集

卷之十一

八

通焉公傑無意中旣得異書復假異兆兩先生未爲  
道重則已兩先生足爲道重也恍兮惚兮誰啓其朕  
謂非拈花盛侶耶旣徵君復寓蘇門於公傑席上更  
手書示勉大約多提醒本心不汨事務古今衣鉢機  
緣非偶問直心直意擔荷處或肯負所期否往公傑  
質經生業愧余未有裨也晚稍習理學家言仍苦因  
循述其事爲跋詒公傑併不忘自勵

跋薦馨唱和詩

薦馨高君蕭條遐寄跌宕詩酒或擬魏晉間人魏晉

風流道俗俱脫君刻俗非刻道也余以憂屏跡一日  
過訪出囊琴曰入都求製也時坐蓬逕蟬聲夕炤詩  
色津津稍爲貰釀復談易理此外不置語問亦不解  
良久第言茲行旋秋杪當躡蘇門山巔揖徵君夫子  
證道焉丈夫心靈不甘置田舍間矣噫世人昏酣聲  
利不知塵外事何況問學跡君風旨塵尾耶虎皮耶  
當有窺其深者余隨俗汨沒對君得無少省發否併  
質徵君千里鍾磬是望詠言錄左誌一時之雅兒子  
從條桑下執壺豆云

紫峯集

卷之十一

九

跋橘洲見詒詩卷

余友范箕生選部別號橘洲故亦稱橘僊手箋數緝  
檢自敝篋付裝代人琴之感兄厭世五年憶與石卿  
狎主詞壇皆弟畜余泊石卿孝碩兄詩名益噪旋以  
二十四橋之迹竟成化鶴傷哉乙巳春徵君旋里業  
請誌余母復欲請兄立傳未果千秋綵筆徒邈河山  
遺憾何極箋紙縷縷肝膈尤亟索余藁欲爲鉉晏以  
傳非余誌也至讀勿獵聲華似更留千古之照則汗  
淫淫下矣撫卷三嘆

跋李氏先德錄

希直先生以司教隸容城家世蟬冕無論忠直孝友與雨花地又何傾朝野廼耳義問所蒸蘊爲割耳兩節婦詎可聲音笑貌爲哉先生旣隸容慕先賢劉靜修疏請從祀事雖不報當時偉之今已同門人紹烈輩配饗遺祠信爲理學源藪獨世代出處銀管不乏非後人表章煙榛寧幾裔孫見明哀輯名先德錄抑余因是有感昭往勸來聿關世教而志氣所符更有作其合者茲錄雖輯自見明同邑孫啓泰徵君孝友

紫峯集

卷之十一

十

廉退徵書罔就實紹靜修之傳卽公車時數以祀典諷朝紳如先生故事此其志氣作合奚若至與忠節先師爲石交則先世郵筒有校又爲余高王父德平公序梓家訓凡皆虛生氣於殘編敝篋况先生懃徽累代尤關激勸之大乎蓋昭往勸來兼弘錫類非根自至性鮮不謂迂茲錄亦猶彷彿是意固宜序而傳之有餘慕昔鄭思肖遺集得自民間廢井銅甌中前人精神屬有呵護然以知泥塗者何限古今人文固有幸不幸歟余從徵君家得讀是錄因於表章之功不

能無感見明儼諸生湛靜安貧蔚有家範是又不徒以語言纂述者矣

跋徵君絹書詩後

逵爲蓮陸跋徵君格言卷茲復示絹書古風二章則甲辰北旋一贈蓮陸一贈諸同人作也先生寓蘇門中蜚語不測先事就訊當是時倉皇睨道旁廣柳幾如灼蓮陸及同人實左右焉事中解先生學本伯安氏伯安遭張許謗武皇實規知晏坐草菴曰王某學道人也先生險阻類是徬徨左右復得如冀元亨其

紫峯集

卷之十一

十一

人學以是益著昔蔡季通爲黨禁竄謫師友餞蕭寺有泣下者元晦顧謂友朋相爲之情季通不挫之志可稱兩得然彼爲師餞弟季通應在銳年甲辰一案弟翼師序述八十一歲耄矣而拂塵揮毫無幾微坎壈耄年道力視季通奚若至問周旋心血幾縷又非所稱相得益彰者歟甲申大難錄元紀逆闖死難諸賢近且聞宣付史局水落石出霜飛寸管顧當時波浪幾許宜兩詩蒼涼叙致愜如春雲盪胸明月入懷師友義直與蕭寺餞別並芬千古蓮陸聲氣重天下



蘭臯梅嶺具徵他牘茲持著其大者卷後戴司農論學語一幅附見於蓮陸稱同學弟益司農執贄亦屬先生患難中是皆有感喻伯疆謁葉丞相秉燭作書事因併及

跋東坡集陶詩帖

管公式書坡僊集陶十首命弟臨摹余觀迴腕出鋒絕無媚骨昔楮河南大節幾許書法尙有瑤臺嬋娟之喻今公式端勁溢筆下如其人矣阿弟童年從家兒學輒欲了了跋以付之令知所重不徒比羊欣裙

紫峯集

卷之十一

三

也弟名有肅余字以子敬

高浴五持絹索題

浴五在金昆最少暱交余兼令岳寧波公數千里詒書介而商問學則心期浴五久浴五氣和骨剛道韻流映前詩故有兼席之况志學也竊謂善與人同一案無古無今無人無已直渾成一片光明世界此昔人看到滿街聖人然要是學成後見性語於脚跟自立尙未得相應蓋世俗權重胸襟眼界不從矯然自異撇烈一番同處作何理會却恐與汨汨的過了日

月天根未現而善之旨荒矣虞廷之同愿士之同是一是二從此着眼便過於讀萬卷書余生平正坐同異關頭不勇在再自廢會浴五持絹索題輒爲拈此君家席蔭龍門所交天下士不少幸爲質余言併質寧波公數千里瑤箋鞭景幾許庶不失交勵云爾

詒李和公詩跋

余辱交君先大夫濟寧公悉其治狀後以甲申大難錄赴訊樞曹事良解按錄輯自徵君原紀闢逆死難諸賢刻泐水署會吏有嚙誣爲私刻而訐諸當道公

紫峯集

卷之十一

三

條對甚晰反蒙旌語則前案已宜付史局當是時人惧覆巢而先事奔解寔和公切緹索之志屬徵君亦在難後迎謂余此事自關忠節和公復以幹旋成孝子孰謂吹振三綱正從禍患刮磨中出昔人稱刀鋸鼎鑊底學問良非欺我詩中及此抑見誼激君親爲大耳和公壻徵君從子眉宇甚異觀者如堵有以夫

寒梅帖跋

披此跋不宜再作跋王相國筆意無論所叙龔氏左右椒山一段何鬱萃也人與事俱堪天壤更著筆不

得迺猶不能不爾亦日後之觀者尙捫心於斯庶免  
豐干之誚併系一絕玉骨自孤芳詎關筆墨事云何  
馥絹素椒老獄中字紫峯樵叟識於新安寓廬命兒  
郊書辛亥重陽後六日時菊香滿院欲與此帖爭節  
書三逕平分卷

陶令歸去一詞清風千古山谷却稱與子瞻出處不  
同氣味相似得無如品江瑤柱耶又况衡山待詔一  
席與彭澤百日令出處氣味更無不似挹其襟况想  
俱在峩眉天半雪耳渥門人周磐如書歸去詞併附  
紫峯集

卷之十一

古

眉山衡山擬詠爲卷欲令出入懷袖或有得於此士  
君子學力莫先於內外輕重可併乎  
孺諸同人爲問渥上白雲何似漢時秋色必有辨之  
審者

紫峯集卷之十二

孫 瀾紫生

范陽杜越君異父著 後學許運復 全訂

周維宗磐如

雜錄

請部覆卹典呈 代鹿靜觀

呈爲四世哀苦已極懇恩早賜題卹以霽聖澤以慰  
泉壤事照得某祖前年殉難某父叩闕求卹奉旨下  
部因候撫按覆查未蒙部覆事固有待無奈某父痛  
紫峯集

卷之十二

一

深積瘁痰火相攻氣體遂不可支去冬聞撫院覆疏  
匍匐就謁臺下中途長逝目今曾祖年已八十擁諸  
孤哭子哭孫行道飲泣夫某祖皎然殉難已具前疏  
特候覆查耳卽某父面承臺諭亦曾有卽摧撫院上  
疏語則今日緩急情節臺慈自有曲成獨是某父瀝  
血陳情憂瘁致死特以卹典苦不得早沾一日瞋某  
祖之目而在今日更若苦不得早沾一日瞋某祖并  
瞋某父之目蓋祖死爲國父死爲親啣哀兩世痛苦  
視昔加倍况曾祖沉慟連綿顛躓可畏卽目前忍死

視息亦惟旦夕與卹典早及爲子若孫慰并爲衰年  
一日之慰則其痛死兼憂生祇恃有廟堂浩蕩之恩  
在總之父死過遠寔因某祖死忠之慘而特辭則祖  
死當恤自宜因其父死孝之酷而議優至老稚酸楚  
對泣寔惧長逝者有未慰之魂無以苟延人世一家  
生死待命不望於名教大宗主而誰望大宗師上體  
聖恩下念交誼揮淚忠義之伶仃力賜主持亦何待  
言顧爲子若孫不一抒祖父之痛致大典或有凌襲  
倘亦大人君子所必譴耳筑筑草土不便叩謁故特  
紫峯集

卷之十二

二

以下情哀控伏乞俯憐哀苦餘息早賜題恤使聖澤  
不格於寢閣先靈交慰於重泉生死感載寧有旣也  
昭忠義勵風俗又不待言爲此具呈

代請給奉祀呈

呈爲忠孝並祀鄉賢繼體例有奉祀懇乞轉申恩給  
衣頂以光盛典事照得學宮崇祀鄉賢各給本支子  
孫奉祀生員一名原關往制更係新恩某等高祖仇  
惠先朝科甲歷官栢府正德間劾逆瑾謫官忠節大  
清况潔已字民已經崇祀有年又某等祖仇雲慶積

學費序菽水甘貧後親沒廬居墓側三年風雪攀號  
免猿獻瑞得旨旌表建坊仍於順治十八年十月中  
入祀鄉賢忠孝世濟世世子孫仰需鉅典頂恩無旣  
但例有各給子孫奉祀生員一名往制久湮新恩更  
廓某等不無冀及今據高祖仇惠有裔孫童生仇胤  
陞祖仇雲慶有血胤童生仇爾顯素習章句舉止端  
方堪應此例呈乞老師俯採邑乘上遵國典恩准牒  
具本 申學臺批准各給衣頂奉祀不獨文教有  
光而某等叨列學宮光揚祖澤永感愈無窮期矣

紫峯集

卷之十二

三

代公舉節孝

呈爲公舉夫婦孝愍懇賜轉申以光風紀以重儒林  
事昭得論士首孝論婦首節况哀愍異常夫婦一德  
敢忘褒舉邑故廩膳生員仇憲稷幼稟至性長敦道  
義沐族祖雪廬孝子之行游金容徵君孝子之門師  
表淵源奉親生事死葬悉遵禮制葬父畢依墓傍野  
剝旦夕悲號上食不勝哀毀及禪而殯徵君題卷可  
驗更足愍者內人張氏夫歿慟不欲生携兩孤孀  
葬後晝夜悲泣見遺像更悲欲絕長姊適孫氏者潛

焚遺像哭愈不勝悴未及期而殞夫婦不兩期俱殞  
總以全子死孝婦死節一點天性切思孝行率先居  
廬野剝攀栢號天與墓所同而更淪於死婦燉每重  
苦節孤燈盡淚泣血與死節同而終殞其生遺孤雖  
露頭角伯氏更摧肝腸現今朝廷旨意上台移文概  
行採訪節孝似此夫婦孝愍耳目共悽論行實則棺  
甫蓋而已彰遡芳馨則碑在口而彌永揆之典則似  
爲允合此某等義激儒彥情不忍嘿呈乞轉申旌表  
並光乘史倫紀攸關儒林增重爲此具呈

紫峯集

卷之十二

四

田文星像贊

不皇皇於榮名不營營於附託解政歸田竹林小泊  
課子課孫一琴一酌入室清風蕭然裘葛及就與商  
確人物地方利弊則心眼超絕又空中之樓閣或云  
藏身類公和或云曠遠閱世類香山之在洛以像觀  
之是耶非耶蓋豐額飄髯可得而貌所不可貌者韜  
光葆真恍如鍊骨癯仙抑冷如雪田之一鶴

伏魔文昌帝君合建住持僧舍疏

范水西閩伏魔廟屹重金湯吊橋迤直宣化祠肇開

文獻此皆地方名蹟惜無梵宇住持燕落空梁法座  
暗朱旗之色鼠吟古瓦瓣香愴綠簡之恍行道所惻  
義聲未倡顧事初則經營難並而趾接則香火可通  
爰僉議架梁一區屹煥生幢幡兩殿三間跌足地雖  
不等金鋪繡柱之維艱一把蓋頭茅却還須片瓦尺  
椽之是積非額手於合力詎極目於肇興乃有青瑣  
近臣白眉居士君子恥獨善果求同化不埒泥犁乃  
武乃文烈比經天之宿施何須寶鑑爲刀爲布聚如  
行地之泉未論竹徑通幽立見花宮隱梵捐得青錢

紫峯集

卷之十二

五

白粲寧殊布地黃金從茲暮鼓晨鐘豈第閑房春草  
面臨雉堞焚修處疑覩化城背蠡漁帆諷唄中恍同  
寶筏况聿遡源流於二帝實推王忠孝於千秋奚啻  
福田胥瞻勝地偈曰

當年雙殿鬱垂虹

卓錫何因叩遠公

欲識人天叶讚處

香臺從此隔溪通

龍王廟募緣小引

玻瓈春濤千百片浪紋丹雉桃英茜田田菱葉魚蝦  
腥誰其司命海神殿城角巍巍半畝宮昔年形勝今



飄霰馮夷撾鼓蛟螭趨却令滅沒朱旗絢鱗鱗萬瓦  
利澤弘飲水思源蘋可薦何年明月隱蘆花徒潛陰  
雨行人面卯金道者懶於衷尺疏赤脚走鄉縣善根  
夙種渥渚深况推翰墨香光濺九泥寸木賴仁賢敢  
告司閭爲引線

筆記

道理二字分毫莫忘責已却分毫莫去責人若責人  
反將道理鬧炒起來了誘掖獎勵固別有機權在  
冬夏二至爲陰陽消長之始凡風寒暑濕俱宜謹無

紫峯集

卷之十二

六

論嗜欲當絕也人身與天地相似二氣始萌稍有劉  
削則發生無力疾疢易作保身者不可不知  
凡大小試利考之兆氣質必謙和溫厚恂恂善下心  
思必沉潛細密不以浮蕩溢其志文思自沛然有餘  
歷驗得失無不繇此此雖老生常談然文藝利鈍之  
外寔有此段道理陽明坤儀前輩諸說可考有志信  
得及卽爲見道

讀書有默默放不下處便是真讀書學道有默默放  
不下處便是真學道固不待臨文臨事也而臨文臨

事仍是這箇便內外兩忘

闡內外提起學道心作主省多少思慮專多少精神  
只要不紛於事物曾憶先師遺子解元君有此心冷  
然入萬物之中超然出萬物之上語最爲三昧

比來無事只磨勘處窮一節當功課大約拚到猪狗  
之食便無不可過底日子食至猪狗鮮不嗔噉第想  
異常災荒萬口流乞此便是難得底物且天假以鍛  
鍊骨由此堅品由此定未必不是大鑪錘如何草草  
錯過草草也要過何如打熬向身上來豈非自己真

紫峯集

卷之十二

七

實受享思到此人所嗔噉美於天厨又食時每以戲  
談遺粗惡有言及平昔甜苦香臭輒論以此時苦卽  
作甜臭卽作香何不可一小女子輾然謂若此則甜  
可作苦香可作臭了余味此言因思古今豪傑只爭  
箇身上乾淨志氣高邁何曾敢在衣食上較量些子  
不是一番寒徹骨怎得梅花撲鼻香第觀眼前富貴  
貪饕苟且享盡溫飽極香真是極臭極甜真是極苦  
則此喃喃片語未必不可作講學先生格言也余因  
窮久恐枉受了窮不得絲毫長進難對有道故每境

輒作磨勘似此雖涉分析然不被窮困壓了頭未審  
可資同志一喙否不知者或謂無聊浪語亦無不可  
象山語錄奉常師每拈示學者則抵擯流俗四字可  
味其云高著眼流俗之低可知後生從此醒發時時  
有舉頭天外之意便是向上一機可不勉哉

學做人做文無別法只是自見有不是處覺得千病  
萬病便是超凡入聖真脉路昔人淚流汗下可味若  
一存自是却如遍身麻木的人針他亦不知痛癢可  
惜

紫峯集

卷之十二

八

除却見有不是再無自己爲善之路除却不見有不  
是再無與人爲善之路

鹿先生祠聯 道待人行紅蓮白鹿學歸一節繇天  
付枯木寒鴉廟更雙

孫徵君壁聯 丹飄鄭谷徵書再世邁驥足同里先  
賢紫滿秦關理學傳宗對鹿門平生老友

趙令君一塵不到軒 天眼首四知不待霜花明拂

創臣心矢一水祇餘月濛入鈎簾

魏蓮陸壁聯 瓢笠一肩天中還踏溪門草乾坤雙

眼雲外誰開峯頂蓮

管公式書齋 著古菊蒼牕寄東南應獨賞水胸山  
背地臨高下總殊音

紫峯集

卷之十二

九

紫峯集卷之十三

范陽杜越君與父著

後學李溫臯和公全訂

楊爾淑進子

辛禹昆祇傳

書

與茅止生求叙先訓

先高祖字希聖以德平令解綬歸吾鄉仕宦自一二道德風節中原文獻外餘鮮有庇其孫曾者高王父迄不肖輩已五世世賴以糊口且詩書業稍稱不替

紫峯集

卷之十三

一

私幸先德之庇遠也間因先人所口稱合之鄉邦之論良有不誣一日吾師太常以不肖輩垂髫受書聞於邑先達范一泉公公曰是固宜爾其先世多碩德常締好楊忠愍至有犯者百不一較固天所福也范以文獻著猶及聞德平狀今其言無不可徵信天下則高王父生平心事何如哉惜文采不傳於後從敝麓得遺筆數則僅告誡子孫不敢公世然大槩言勤儉而不失爲厚言陰陽而不涉於誕或亦達人長者所樂聞耶茲欲勒冊昭家訓懼其言以不文沒敢求

椽筆一叙鴻裁異藻震蕩心目寧獨高王父實式靈之亦不肖世世子孫佩服無教者耳薰沐上請

上錢收齋 代鹿靜觀

先祖廷尉公以忠貞粹穆辱交海內士君子海內人豪不乏顧論救時之畧自高陽師相暨老先生外指未多屈目前高陽雖未竟其畧已已督師功尚在社稷誰俾老先生大用未及已從吏議夫以道韻匡時深心濟物而不免吏議宜若幽辱弗堪也而海內知與不知翕然歸公輔之望不衰益見先祖叨契爲非

紫峯集

卷之十三

二

泛泛耳慨惟丙子難作稔肺腑交誼定有餘痛頃果從友人傳台軫并聞大章見諫噓骨加肉不孝孫曾感銘心腑抑寧不孝是爲先祖有靈實拜明賜於九京矣顧又念子若孫圖欲不朽其親不託文字以傳致懿美或有湮滅比於不孝託之文以傳而或非其人是又與於湮滅之甚耳私計吾世大人重望以管葛之才操歐韓之業兼與先祖爲石交平生心事可得於目迎心許非老先生誰望誌銘已託高陽墓門片石缺然不勝罪戾敢以爲請使不孝情於進退世

豈乏據通要氣焰可以薰天顧千秋之業在此不在  
彼且所謂與於湮滅之甚耳故敢不避煩瑣草綴見  
聞并介止生狀以請使先祖得其人託於文以傳奚  
論不孝輩死不朽抑不失辱在高陽與老先生一段  
深交矣通家小子分宜九叩台嚴第自先祖難後父  
喪未畢曾祖繼逝草土餘息未便出門特因便羽上  
懇生死骨肉豈有靳也荒述哀頓不知所云臨楮竦  
息

答陳中園金吾

紫峯集

卷之十三

三

損米感吾翁爲老親注念敢不登拜但銀儘可以易  
米而不肖特取米而舍銀見諭云省求之市也如市  
心何鳳毛文藻翩翩從容裁鍊自歸大雅惟無以苛  
求令失故步咫尺天池跂余望之矣使旋附布不一

答范箕生

從來文人不習爲吏信如斯言翁兄宜以鞭風駕霆  
問鼎詞場足矣何政聲來自晉陽盤根利器尤令人  
膾炙不忘也適天子用吏事儲三公拭目木天爲桑  
梓生色不肖久叨蔭庇茲復蹉蹉風塵貽玷知我何

以置此顏面珍貶斐頌兼辱鼎誨對使拜領不勝愧  
感之集

答茅止生總戎

不肖弟日坐憂苦中形影自憎筆墨幾廢遙天芳訊  
忽墮階除不覺躍下床已不勝悽然淚也嗟乎當世  
難翁兄等端固奇獨不曰所以成翁兄亦自奇乎通  
且聞別有光景在彼法無波不平在我法遂無關不  
透且也牀頭鸛鵲之鋒在彼哉能無作追憶否詢動  
定知堅苦餘暇詩壇酒社益自淋漓大英雄不落窠  
我獨是盈盈帶水春花秋月不復奇情豪致揮酒其  
間徒使愁人滋黯淡耳新刻如對面談草堂增色比  
下室在樞匆匆不多及

寄王中詔師

拜違顏範倏及十載恭稔道望日隆冲襟益粹中原  
模楷所稱祥麟威鳳必歸吾師平生經世大手一旦  
卷懷丘壑深心定力固非尋常可窺第聖主念切求  
舊纁幣四出屈指當時鳴鳳一人則謝傳東山政恐  
未容高臥獨媿門下士辱師台苦心嚔植而平落半

紫峯集

卷之十三

四



生黑貂敝盡自省百無善狀可答恩造然逆知老師  
必有關心平生手植不忍流落如此昨讀寄奉常先  
生札果然詞旨斐疊至垂念之慙千里惠風頓薰肌  
骨環觀聚嘆幾於出涕某顛毛生矣且年來遭際難  
堪國士之酬安卜老師旦夕內召進某畿南而誨之  
未審作何面孔幸奉常先生力掇沉迷荒落中得拙  
刻一冊呈正一家藝語何敢遠塵清覽意望老師知  
某技止此耳太師母并闔宅清吉便羽尚希教示慰  
門下瞻依一念臨風翹寫筆與神馳

紫峯集

卷之十三

五

寄孫思皇

寄到長歌何聲華奕奕廼爾語霏白雪意渥青雲使  
千載下猶爲下走留此面孔所惠不已過侈踵和未  
能先此布謝比聞眷屬北上道履復勝叔台峭骨冷  
韻日支頤宮闕參差間高吟良足千古村學究兀兀  
索齋帷中不勝睇結

與陳國鎮

日思足下晤談良苦爲君家大人寬內顧計安得促  
之南惟是不佞羈旅百婁受益徵君杖屨不淺徵君

亦時時爲言足下人生大美那可私豈有明月入懷  
春風浮坐而不圖急共之足下雖暫隔時日如目前  
咄咄何益不佞於語言不接時呼國鎮國鎮數矣著  
鞭應不後時也元方無恙爲問呼盧浮白何當不食  
其言前諭再達君孚不一

答王生洲刺史

入秋滿擬台旌西邁叨飲光霽伏承爲貴邑料理城  
守未得脫祇增悵結廿日晚接札委適值震隣有恐  
家口惶惶次日復迫弔母舅夫婦喪僅以途次得數  
語呈上不足錄徒久稽使命爲媿耳金容從董因老  
口訊道履佳勝爲慰目今時事孔棘枕何時高仰惟  
珍攝不備

上孫徵君先生

塵土面目昨得從渥水游飽飲德矩良慰濶懷老伯  
一室蕪穢不減陳豫章而良朋雲集酬對忘倦或因  
人論事或因事誨人一時薰蒸元氣此是千聖真血  
脉路視焚香掃軌自詫清課何啻霄壤昔朝賢謂先  
師肩公不足擬驗諸老伯益信冗羈如某不能裹糧

紫峯集

卷之十三

六

信宿日坐春風真成虛度今歲爲十一親丈畢姻未免累及滯囊亦未嘗不服膺五親丈拮据狀也一室倫常便隻千古孝友爲政卽此覺上天酌老伯已厚真可以隱輦下諸君尚艷稱蒲輪或管窺抑妬心使然宜不掛幽人夢矣國鎮家行禮曾過渥水否前病中小詩錄教五修索俚句又懷薦馨一詩與陳札小跋并往總是塗鴉伎倆那值一笑親知教愛希各致聲不盡

與喬文明

紫峯集

卷之十三

七

客歲得飫光霽殊慰渴懷薄庀一片乃蒙麾出輶褰自媿新禧方歉展叩家叔舍弟忽以翰諭垂示不肖捧讀驚悚鄉飲大典來論謂爲有德者設誠屬確論其何人敢叨茲舉某鄉塾老校書耳半生迂僻面目自憎求以規言矩步絲毫黠綴清時無有無其實敢居其名卽從來父母師長亦若取迂僻無用之人特一字吹噓猶可至朝廷大典萬難冒昧不肖百拜以請幸勿露此意於白父母使罪深叨冒亦非老先生愛不肖意矣臨楮翹祝

再復喬文明

道範久睽易水圖晤未果家叔舍弟備致溫念至鄉飲一節比復先枉翰示兼令交游諭勉殷殷何以得此特有大不安處前燈節所控止就老先生以德舉爲詞其間尚未罄鄙臆此事係朝廷養老大典賓席惟有爵得與所以明有尊也布衣叨忝對揚謂何且某親老在堂貧窮無以給養徒欲仿古人取水弄雛作嬰兒態娛親不服而晏然當養老之禮耶在禮子言不稱老恐傷親意是舉將令某何詞以白堂上眷

紫峯集

卷之十三

八

衰慈之惕念釋盛典而裹足此尤萬不安於心者持乞台力 致白老父母幸寢前指以安愚志父母師長命極知奔走使非君親誼激豈有屢冒驕蹇自蹈不恭倘弗獲諒以愛不佞而重不佞罪大雅必不出此臨楮悚切悚切

寄孫徵君

托茆老伯得與五兄完子女事流離危困中可爲一慰昨景沂以佳兒佳婦相慶姪某亦踴語老親此天下第一名家女何幸寒門得偶老親驟然加一七也

惟是百凡疎節且新婦過門六日卽同啖糠粥此等  
光景老伯其謂其何幸五兄見諭北城家風西江塵  
教言言道義沁人心骨不者其且爲姻譜一匪人矣  
前家叔之楚附侯此時苦窮人幾舌敝大約窮便苦  
而不苦又非窮中之味使甘食餼衣得高揖灌園鑿  
坯一流高士傳尚堪覆瓿不其每遇無聊輒用此作  
甘想差不作惡特儀型日遠青松白石未解盟心所  
冀千里德音無忘提誨也道望蒸動日益衆遂城舊  
令君秦蓮谷留詩一緜附覽某已舉孝友堂家乘詒

紫峯集

卷之十三

九

之矣春和膺福定倍諸不盡

與張公儀孝廉

居諸不停仁兄近狀何似前爲令師文恭心喪高誼  
跨古人所謂目擊道存也范陽自奉常先師握麈法  
壇金容孫啟泰徵君鼓而且舞今奉常劬十五年徵  
君鼓柅河洛一時生氣蕭索卽不佞弟那得好懷仁  
兄肝腸韻味迥絕時流班荆一晤脫去格套直抒生  
平面目覺前輩風流於茲不墜恨紫氣復隔數百里  
不能裴糧信宿飽飫光霽益悵昔人千里命駕事從

來蘭譜別有作合獨從精神流注不論遠近新故繫  
心最苦朋友性命仁兄定不河漢斯言新篇日富便  
中當有督我最子橋梓賴仁兄或不枯槁所委五列  
泉題目因未睹諸銀管寥落數言恐不稱伯母而下  
凌霜節也表弟李生便輒得佈此李硯食南土倘藉  
鼎烹推烏可知筆墨久廢半年僅有寄孫徵君一札  
菊詩一跋錄往代面爲道珍重不備

與徵君先生

去夏得伯母音耗舉家驚悼老母隕涕嘆有德不克

紫峯集

卷之十三

十

永年荏苒經歲旣不能千里赴弔申猶子之誼復缺  
焉爲老伯慰候其何得自比於人扶陽與陳守光續  
到傳訊起居老伯目睹諸親丈讀禮未免悲慰交集  
十二兄童年失哺得無益榮懷抱三十年前伯母槐  
孺人辭世先師謂老伯道力有以自處此尤非今日  
高年一劑耶君建兄爲伯母行實服膺無已姪某欲  
僭爲立傳恐形管尚未備當有待耳又君建有望北  
旋之言都下諸賢亦時議及但某料目下十二兄旣  
難畢姻而雨花所指別有深意似非家園可羈則此

議或成虛願然亦見依歸之望切矣某自違杖履意緒都不自持卽廣我赴陳姪息固因病留亦爲行踪未定故爲高堂暫慰目前今不得已遣赴淇此女兩孀惟性命所繫令某作何支吾老伯遇事無大小心血縷注胸中却無纖滯便是宰制手段某到此不覺望洋君孚兄復遭鼓盆何德門多事廼爾近得交寧晉之張太康之耿皆平實有道又楚中李公子三十年相別昨步過市頭商出處而目前人乃有難言者淇園之便佈此極目蘇門祇增翹切

紫峯集

卷之十三

士

答王五修

不接芝眉氛塵積臆弟寓固城有史姓人述仁兄枉道之期不覺欣躍旣而台踪竟杳殊悵悵耳所委爲今先公作傳月旦高名恐非軟筆能勝奈何且執詞過謙似置下走蘭譜外也足下愛我當無復爾

與鹿靜觀

時國鎮去郡

別甫一朝塵積三斗郡城槐柳悵美人已滯他方村曲蓬蒿更吾徒堪隔帶水所惡舉杯邀月白釀盈樽無辭擲賦停雲青山入座竚惟葦渡曷任席前

與李仲生司理

僻居人事不聞忽枉執事之駕廿餘年數千里契濶那得不心醉春官期迫未敢扳留一叙鄙意歉然眼盼杏花十里躬圖忭賀而長安人至復勞鼎臠是日不佞自客歸方擬佈辭而光映草廬已爲兒女輩驚喜折視遂令不佞深負歉於執事不佞老村塾耳面目不堪自對每憶昔年聚首受師門何等知遇廼効於執事何如而折節爾爾卽前枉駕過市一市無不竊罵侯生顧所以成公子之誼使人睹公子不耻

紫峯集

卷之十三

士

與張公儀

前承紫氣照臨兒子門生并荷矩誨至倉卒市餅糲飯得享有道古韻流映迄今生色滿望桂林香艷未慰所懷殊悵悵長兄枉駕罪談玉立不問知爲張公子仍以市餅進公子不羞爲飽之而去此誼於風塵豈兩裁則不佞叨矧範於賢父子至飫也六月中郵



寄想已浮沉茲爲附錄詩若札大抵謦語耳仁兄愛  
我希爲蔽拙昨潘姓覓字有謁於執事不知得達否  
緩急稍一花覆不敢令過瀆清嚴也轉盼冬寒玉攝  
是祝

答范箕生銓部

嶙峋秋色高并玉山辱示匪棘堂集且互峙矣翁兄  
挾三寸管雕鏤千古覺自有天地僊佛神聖以及山  
水幽奇俱出入筆端而不見跡卽此便是天人享用  
何怪擁關高臥前此詩體竟陵公安各開風莽不謂

紫峯集

卷之十三

三

更有吾放樵抑詩類其人篇中固自寫照耳弟年來  
支離日甚獨嚮附賢豪意未灰大集疊及不併千古  
我耶然小人之欲無厭意求書卷爲貺不知可否茅  
簷猥被夜光卽懷璧爲罪且甘之矣求書宜備上佳  
統無如被絮之突何鮑叔故知我公義大兄名筆尚  
滯場屋吾邑地脉可疑附言一候

寄王申之

菊月餐落英憶與足下別也居諸不停會心人遠擬  
作字道契濶兼謝手教之辱而便羽未值國鎮晚到

紫峯集

卷之十三

古

早發復不及作遂託面致想備悉矣中爲呂張二丈  
升沉異狀譽之文携耿郎有古人風大抵皆我輩意  
中事十日譽之扶陽丈相繼過此傳臆下爲家慈八  
旬壽章感甚此久子拜禱而求何敢辭惟荒年逼凍  
恐勞跋涉爲歉耳家慈壽旦在月杪爰念生平曾外  
祖鄭陽公外祖壽州公簪纓世第吾母勤儉布素如  
一日事先祖先祖妣言色無違烹飪浣濯必謹逮老  
年扶掖尤蘇蘇隕涕孫徵君取節錄入孝婦門戊寅  
卽用此意輯同志爲壽言下至待姻族僕御慈祥周  
恤則口可碑也生平大義更晰先君喪病臥三年幾  
殆然至切骨訓不肖兄弟并覺尤熊爲迹故不肖輩  
稍知不苟卽今饑寒併日辱以硜硜受知諸君子非  
慈訓亦幾顛仆矣至出處大關焚香嘿祝尤有不能  
形諸言者蓋生平望不肖最重若不欲爲富貴中人  
以故於取與進退溫慰中不忘惕勵則母德固非尋  
常劬勞比耳因台指見詢故此草佈亦惟足下可道  
及幸秘之爲愛徵君詩冊併覽此冊却煩返寄又賤  
兄弟舉子晚今并列士林老母殊爲開顏或可一點

樂乎大章知有悉於不言者小壻觀親未回昨寄蘇門字云孔壻差可語緣與申之周旋故路頭易入此近日首肯佳况併佈左右不盡

與王申之

前爲母壽過辱琬琰兼以張劉兩丈之跋涉鼎玉徐丈之營辦而總出於未及謀面之雅當此時青松含笑未審於古人簡冊圖畫可多見否總之塵外事不得以格例求并不得言語謝唯有中心銘刻藏之永永別去太遽未及作數夕清話在諸君子各有道故

紫峯集

卷之十三

五

自不敢過板也茲再懇者徵君扇頭贈語不佞僭跋數字苦不能細書敢煩代筆大名并列非特出入懷袖併播清風爲異日裝小軸地耳譽之丈爲親誼先禮後兵可有頭緒否此君客久諳練眉稜意氣令人心折徵君昔年曾有句云地偏燕趙風猶古客入江湖色愈深敢爲誦之

與張還白

前枉高軒匆匆言別仰止之私未罄萬一閒居想味風義引領彌深公儀兄至復悉相憶并翁兄家居情

事定識定力益令人佩服第凡事以受享爲實際昔人謂塵勞煩惱中作道場正謂打疊心下輕省自有無限活潑一切是非風波到不得胸次吾輩年垂耳順更有何境勘不透坡翁謂吾兄弟老矣要當及時自娛真清涼一劑也翁兄具有降魔法力故敢以此語進昨弟又有一聯書屋壁云混跡依鷗近藏名應馬真小窻披對意緒差不惡翁兄心眼超絕亦不鄙斯言否晤君協親丈得手札及扇頭佳詠格律不猶人一字真有獅子獨行不顧伴侶意詩道得此開山

紫峯集

卷之十三

六

弟藉不朽矣適在孝友堂附言鳴謝餘惟爲道珍重不宣

與高蓋臣

前番聚首幾動星文時迫於酬應未罄衷懷與申之言及已爲起舞此昔人重德隣也辱示琳瑯雖矇目未窺梗概至苦心獨造不寄籬下一語自知品在塵外惟應制諸作須雅俗共鑒鄙意更欲苦處稍劑以甘使意不經人到語則如人欲出足下宗主人文所賴居高之唱不淺時秣壁諸記室備行卷雜著留珍

案頭足下愛我恐不使貧兒暴富乎田趙兩君想亦不能常聚昨欲拉申之南訪足下東至督元晤所親俱坐他諾未果會心人遠益覺前會爲不可幾之緣青松白石實增靈貺才子書呈覽別後紛於事役稽遲報命非敢自託嵇生也

與孫徵君

先慈之變失於訃聞因候符離王丈郵未果接五親丈字殊切怛中八旬外老親不謂不壽獨六十五年無刻不關痛癢無刻不關教養而驟奪所恃則禍更

紫峯集

卷之十三

七

酷耳大事未襄中更纏迫寃債忘身及親謂何知伯父之愛更有痛心先慈七月三日大故二十九日小兒因入館相激遂有扛屍之禍運數使然衷頗自遣且官府上下並悉亦貧事可結局然不敢忘自反不孝生平虛聲冒清福兒郊蒙賈負傲氣鬼神所譴莫此爲甚惟益思伯父昔年恐字見箴馬伏波真聖人也先慈病危不作淚眼益綠主持素定惟撫孫男婦涕不止若以孝謹爲格外卽昨贖銀質簪珥盡出令孫女本心患難中此事却有關家範附露爲闡教慰

寒門亦或藉此不致頽落耳哀荒未應刺刺稔骨肉至誼所關也從張生得聞動定吾違斗宿伯父益自玉

與范箕生

客冬承爲先慈光奠道義骨肉之雅加常人數等感均存歿握手惓惓尚欲引不孝千秋之列顧疎懶莫應也仲木至再申前旨併枉雙瓊揮洒鄭重詞指隆渥儼已千秋我矣又何別有寄托或終不敢淪命埃魂魄稍復繕寫一二領教恐未值鼻端嗅奈何仲木

紫峯集

卷之十三

八

詒戊戌集精刻愈不能句吾兄從幼指搆凌邁古人今果自臻堂奧固宜胸次超然如昨見教云耳印章心期非淺敬鏤如石兒子習大君子光儀逢人自詫異時倘弗擯門外乎附請不一

荅孫徵君

榮之回未及裁謝過承慰奠骨肉之感也先慈大故奄忽踰歲通應渥水招中有未便特迫小壻亦良苦窮途耳伏承優游杖履門生戚胤抑搔上食安樂窩未有此景往曾代詒令君一札述寓賢事中引臨叩

浣花彼以詩賦今以道德流映未知孰勝不審有當  
於地主否壽愷著述古今鮮儷竊意閱理既深應物  
自裕一切如雲閒鶴淡便是度身度世底本永錫難  
老端在此年來缺焉一觴爲祝又不獨濶疎罪矣貴  
縣南張一僧號覺明弁而祝髮喜接士君子所置叢  
林亦清雅寶募銀鈎倘無吝數行乎又張還老屢邀  
具以氣弱爲辭負此老盛心希一代致兒郊稍知勵  
志惜未經鍾鑪日思覲祖臺如渴比同不孝齋居過  
期似亦孺子可教之一端附聞特慰骨肉至愛

紫峯集

卷之十三

九

與王申之

客冬承偕諸丈爲先慈賜弔古道所被光賁九原恨  
未及一叙爲別嗣知經營新壠廿年艱楚併在一身  
此關係剛常何等正苦無的期往會而令弟以仲春  
廿二告敬銘心骨方擬取道田趙兩家拜其尊親因  
有事門下不謂札至乃相左無論鷄絮遠慚孺子近  
一鄉名賢畢至謂不孝何東枝信難遣扶陽仍相邀  
舊信已傳札示之嘆古人風誼政自有緣耳一詩見  
意其不吐之乎門下雙峯亦難羈足游展何當發不

孝矇廢兼日虞溝壑非有道莫散此懷也堂上定納  
祉諸不盡

與王譽之

客冬辱賜奠儀哀遽中未及裁謝并失候清恙然誼  
何能忘申之拮据兩喪聞執事同親友義切麥舟情  
文兼渥獨不孝期日相左缺焉廡下何以對我茅季  
偉一流人郵函聊致懺惟付令壻於家報寄往諒不  
比洪喬耳堂上定納祉執事日娛左右讀書砥行此  
境何減菩提瞻企非言可盡

紫峯集

卷之十三

十

與王申之

積臆如山方欣連榻別緒復爾茫茫招提握錢無論  
意之慶塵外風期正想見廬山面目此又境之可干  
古者也覺和尚得翰墨可以了心此等不必繩以學  
問勦絕但喜進士君子自是髡而俠者鉅野極荷相  
成門下知已滿天下兼以東魯文學快人快事無吝  
寄我五修已入都所囑尚未及剖

與孫徵君

移棹渥城閉門課童子日無餘事衰曹交侵所未忘



者惟樞侍左右一念老伯於某思逾骨肉分則父師  
北城烟樹之色西江雨花之勝依稀心目豈有睽違  
十五年不思一覲尚謂有人理哉然此念終不敢忘  
昔人云惠州不在天上待有機緣義不甘千載圖書  
蘇門少某一人耳台候佳勝先得自薦馨傳密觀語  
昨兒郊謁賀二兄倍悉倍慰且云日有揮灑落筆飛  
動游藝事非學問根本深厚那得此精力章分天漢  
動詩人壽考之詠真令人傾注茲五修往特遣兒郊  
偕叩渠亦知風氣自拘思炙模範想不惜提耳蓮陸

紫峯集

卷之十三

圭

稱命索詩得無松栢姿擬蒲柳乎

與張遠伯

前承高誼再辱手札惓惓惟是衰膏日侵松楸在念  
未遑報命託徵君代致不知得達否翁台仁心義骨  
江海淵淳弟每向同人口實福德無兩春間晤薦馨  
乃聞蘭玉之悼加意外憂虞咄咄怪事何以堪此雖  
然事有輕重賢達人要須自成本色浮漚風浪較此  
身關繫何如况是非定理盈虛定數翁台學問閱歷  
勘破已久寧復介胸臆間兒子隨五修丈謁徵君敬

此修侯弟生平知己相得於聲跡外者屈指有幾旅  
邸數言書紳爲佩故於此不敢不盡其愚亦恃同心  
之信及也千里濶惘時形夢寐缺焉厚德久不報彌  
有蘊結

與王申之

客歲東枝有事不及躬晤昨過伊伯仲同聚令岳小  
閣輒復懷人連日晤盡臣亦未嘗不口實足下不知  
同心亦夢到梁州否蓋臣處讀諸作益服千秋大業  
須出根本學問僕衰膏日侵獨不辱知己之心未死

紫峯集

卷之十三

圭

風雨鬚眉箇中鞭策此意僅從費下呼兒子語耳生  
事蕭騷斗城入門自媚然此心業已甘之誓不敢憊  
色與人何時合并整此懷抱堂上定佳眠食田文盛  
德家復爾風波天意欲窮我輩耶耶君當廩食三冬  
燈火之資幸勿次且徵君壽言併近詩領教爲門人  
管公式作一聯流葩未假清樽快挺節還占皂恰香  
有便求書寄渠渴慕蘭亭後裔定不悞

與李璞玉

違教幾逾歲月閱除日知得太邑未獲走賀則迂僻

之踪自外禮法甚矣恭惟門下藻欲挾天制割復如  
干將當事不及處以治中別駕而俯同羣碎然門下  
治譜在游亦奏續璽書報最指日事耳梁溪名勝甲  
天下又涇陽景逸君常諸君子景行在望而先邑侯  
中訥王君尤僕與令先大夫樞衣問業最稱格外此  
君疏劾冢宰著伉直竟致落落三十年國士之報缺  
焉門下政觀風其地烏衣子弟或文獻未替尚不忘  
物色乎設施風采兼爲世好推愛綈袍古色照人想  
亦門下夙志昔人爲公子市義僕不敏竊奉此誼至

紫峯集

卷之十三

三

問日飲溪流幾勺清白吏家風無待喋喋矣臨筆瞻  
溯

與曲周王

恭惟先大夫師台司教范陽道風震世不佞弟實首  
沐花雨泊官東土遂缺音問耿耿大賢知遇慚負在  
懷無如此瓢落何後從田孝廉接詩札一函傳自金  
昆蓋殷然通家塵外之契然不知爲幾兄各天嗣音  
終缺無論世譜卽先師銀管未窺瞻依莫寄罪奚追  
也昨值有賈貴地者托訪問具悉口碑兼鳳毛少年

榜莖世澤可想敬染薄曉代候聞宅清況併先師不  
朽倘蒙錄示一二列宿經天可勝齊禱不佞弟三十  
年抵撫一貧字不得始信鑿坯灌園諸流亦是難事  
門下淵源家學得力何以教我書郵王生敝姻家子  
書香累世今以貧行買倘可進而命之乎伏惟酒烝  
不盡

王爲邑庠念南先生子先生諱介孝廉遷守東平  
最著古直與滄州劉先生諱淵清前後薦余臺使  
此事不繇賄囑亦季世罕儷云

紫峯集

卷之十三

黃

寄孫徵君

別邇無可述李茂瞻望車轍時切台候安穩爲慰計  
已登乾侯座同志晤語幾人法侶最堪擔荷又幾此  
間諸友且欣且企伯父搔首故園亦或不無厭厭有  
道康濟一身自裕意謂文字宜稍省要使心境務有  
餘地夜眠小損亦無礙但任之不燥定復佳昔人云  
省言常護氣息念可通神最是高年頤養一助此不  
肖姪侍左右時欲露者想不鄙棄家間新構已訖湛  
子諸同舍致葦料四十束鋪墊屈指來春問業自亟

不日之成也升如過拜草佈不盡不盡

### 與孫君協

北來親友詢動定及闔眷清吉爲慰伯父客歲事古來大儒險阻不少而故園乍返人心倍自振悚彼蒼或不無意南旋各欲攀留機緣未果伯父業以雲心鶴性見許往來諸親台可同此懷否恭稔譽著岐黃奉親濟世弟夙慕此道衰晚無及復聞地方荒歉俯仰何支矧親台贍及不一良苦大英雄展布弟家仗花俱安糊口不必言小兒連舉三女亦人家常事特

紫峯集

卷之十三

五

於弟舍館課塗鴉稍遲稍鬱靜子文字未報遲之更佳非敢忘弟行踪大有難處憶往曾貽友人字此心業已甘之誓不敢憊色與人計此言不可不聞於知我者席次占佈不盡

### 荅耿葆汝

伏承渡河而北依嘯臺講聚更稔天倫合併回首十年情事真天以償德門也札中學問之意惓惓僕意金昆玉季俱稟兼山衣鉢學道力田羣友爲政真實自得無以易此况聚散苦樂飽諳後黃梁立醒世上

諸緣更有何礙手中流自在行定須信得前拜令兄詩箋作報鉅野不知到否鉅野縮符視近日踉蹌外吏猶是福德之報惟令六叔老年孤苦乃不堪聞又聞子瑜令弟學甚力郎舅文武蜚聲俱得諸艱苦人生枯苑那足料晤間親友不能徧致子新近履何似前門下客况政得諸韓荊州鄙况頗見君僑札楊管諸友併囑致候舍甥家俱安四雛索哺貧乃似舅此亦足似耶

### 與范公箋

紫峯集

卷之十三

五

令先公之變入冬始得赴弔墓草幾宿兼不得執殯子手寒雲撲攏上停而不飛足下其謂僕何一代宗工流風不墜正賴闡揚大孝不及時聞風旨無如此菰蘆中耳更有懇者前已託紫瞻聞戴司農有字及僕非以門下屋烏故耶原字可一觀否蓄有令先公帖苦無大書昨睹紫瞻壁墨則恨恨倘不吝併示一二或無麾以門外漢也

### 荅孫君協

升如曾致雙魚計已達客歲賤父子兩拜阮氏牘則

問諸費下無恙但食貧耳服怕諸惠如清齋寒寂何  
從阮別函不以秃筆泯慈徽爲詞而獎飾有加廼我  
履道濡我墨汁主臣抑聞君子善善長有道家風固  
爾耶老伯遊興爲況北鴻極目雲中不無併望將車  
者極知親丈撐拄內外似難效雲水踪跡然故園花  
鳥能不時入意中弟羈渥水承諸友流連未能自恣  
何以策蓬飄也鳳毛刷羽德門積慶可想小兒不另  
報賢從亦統此爲報我輩寸心相照固不敢長語混  
記室楊管兩友併囑候五修丈苦久荆南行政在推

紫峯集

卷之十三

老

敲

紫峯集卷之十四

仇胤解惕孺

范陽杜越君異父著 後學孫 沆靜子全訂

王 贊獻甫

書

答崔夏章太史

春雪握別緬焉同心恭聞堂上已抵舍三徑盤桓膝  
前叅訂人間第一義何處更有問學前示並湛子諸  
札乃復娓娓虛懷好修自是日進無疆至勇猛做起

紫峯集

卷之十四

一

四字仰見合下更無粘帶鞭起醉夢爲益不淺伏承  
酬應爲煩亦是用力真切始覺學問患未見得見得  
時本性自作主卽小有紛紜無碍又文義分疏徑路  
差別純熟自得歸一大段著力更不須緊緊則攬入  
知解於本性真痛真癢反無關涉僕生平悠悠不知  
著已搜覓到此未免他岐之惑故於同心不禁剖露  
相從楊管諸友外信心亦少昔人云山中人不信魚  
大如木海上人不信木大如魚見地所拘乃爾然此  
亦涉旁贅自家一個身心放過却管他人許多前請



教取舍進退吾道大開門下亦津津貴年友青老閉  
門讀書清苦狀僕尙疑辯駁太蚤門下俱不我忤也  
大約理會自己是直捷路頭一切宗旨都打從此過  
大河南北百年學脉幸惟加恙並質堂上考亭南軒  
悉本家學想不爲迂不敢另報恐煩裁答耳假滿知  
復有請叨寓貴邑并州賜隔澶淵前輩不乏文章風  
節今其後可訪乎問學取友爲亟要在舍短錄長亦  
異日夾袋一助蘇門得合並否比聞內黃公印証又  
嚴飭舍中一味閉門潛詣古人何事不從斬釘截鐵

紫峯集

卷之十四

二

立跟脚容再叩教旨不盡

與楊湛子

連奉夏老塵教隱微推勘真隻眼自照内外人已放  
如許光明世界此百年名教事握手未几旋復言邁  
僕衰老不足言諸友猛力向學儀型日遠自不無戀  
戀耳行期見示續容就正卽前次謀及出處冥鴻天  
際須有機緣又明哲保身跟默字默却不與語言對  
直是藏身全無漏泄如所謂隱微推勘令此心收拾  
嚴密一切表暴不著則遯世義可參看蓋明哲只曉

事理到極處卽上文德性就中許多沉機研幾意在  
易曰知幾其神原非徒工趨避亦自非黨錮諸賢悻  
悻意氣者比至事關忠孝或出處事變未可泥論試  
爲質之當有教我平生不敢輕言於夏老輒不敢不  
言要是真意貫注觀此益見門面摺數全無用處學  
問有朴實頭三字可會何如何如

答李肖乾先生

前札示備承溫念至垂慰先靈感且次骨不佞僻跡  
菰蘆終年抱影何以副雅懷翁臺北方耆宿高枕西

紫峯集

卷之十四

三

山松菊含情雲爐增色而藐然無求知之意鄭子真  
視此何似憶遄歲王介祺語不佞稱涑陽兩真人蓋  
指翁臺與鼎老今儀型併遠雖道路阻修亦自惟塵  
土面目不堪共對耳微君河洛之遊已近廿年此老  
名重天下卻恐後世不諒與人爲善反致疑聲名向  
曾削牘勸令省言息念加意願養便是爲天下護此  
善根元氣攸關今併於翁臺是獻欲爲當代珍此碩  
果人瑞中原手額加祝報書之稽苦乏便羽伏惟涵  
炤不盡

與田友蘭

客冬抵舍知足下將諸親友意爲贖小廬標里築宮  
昔賢旌德調不佞何屢辭未諒卽擬踵謝又恐失塵  
外之雅旋向渥水謀歸圖咫尺德輝奉教而渥諸友  
復苦留行踪去住煙水蓬飄趨侍或有待耳肅此惟  
祈遍致諸台號尙未悉幸見示一韓一范遠客注存  
更出格外况風雅道義佩服有素銘刻又可筆舌罄  
耶聞法席甚盛開啓俊彥自是我輩性分事比荷崔  
太史見過言學直實切近雅意先師澶淵帶水蘇門  
紫峯集

卷之十四

四

更圖合併真吾道發皇候也足下幸無忘担荷聞陳  
氏甥志向甚篤且欲見訪道根夙成可敬幸爲語子  
輿氏有餘師三字最足味

與崔承一明府

憶從徵君先生拜台預已逾廿載榮任復幾年今且  
陶然三逕姻譜極知非分無如辱在綈袍及次公太  
史雅愛則愧且慰也老親翁淵源家學冠冕人倫前  
晤劉翁悉動定讀書課行業外無別事又太史遊蘇  
門宗風鼓暢至讀所貽湛子書喫緊眼前痛癢便是

聖賢真血脉路千秋絕業勿論本身受享竊意堂上  
之朱喬年蔡神與眼看大賢着膝何等意況可爲老  
親翁一捧腹也邇不審蘇門有信否道義王盟出處  
互印恨迂僻不獲縱觀盛美徒有睎慕比歲荒甚弟  
行踪未卜貴邑管丈南遷亦避荒也乃郎篤志師友  
風期道上當有目迎而得者耶長公親台復誕佳兒  
大福德人懷抱何似太史還朝在明歲弟未卽委頓  
尙圖晤教不及另字仍苦所云瘡餘氣弱耳兒郊并  
管生公式承太史知遇引分亦未敢通問公式志行  
紫峯集

卷之十四

五

答崔夏章

令兄還接手字具悉切磋之雅非身任此擔者不能  
甚服甚感與湛子諸人研究數四竊意學貴頭腦前  
請教分疏文義原爲古人許多名色似於探討不爲  
無益卻恐只分晰得古人眼前真性着落或未得一  
棒一痕一摑一血夫所謂見性又云頭腦果是何物  
則本心仁字是也天生人原只此個盎然生意點點

滴滴觸處淋漓親得之爲親民得之爲仁物得之爲愛渾然具足卽有疑阻不妨就疑阻上求通卽有錯誤不妨就錯誤上求復蓋大本旣見小有曲折更足驗吾仁體旁皇無微不入固不解岐路之惑若直從文義名色認取則如就言語以求古人就古人以求吾心已隔幾重公案剪綵爲花本根未接恐正不免北適而南轅耳卽云問學以尊德性要須見得有德性在先師常令讀念菴答蔣道林書又取西銘一篇謂性理大全得好手段刪去太半亦自成書則文義

紫峯集

卷之十四

六

與真性軒輕可見僕迂僻偶有所聞脚跟曾未着實於同心不敢不剖露病起氣弱兼之小冗草草自當諒於言外聞告病疏未得請還朝在卽尙容面叩熊青老太息爲民請命真實學問當世未爲無人亦見仁台聲氣爲不爽耳

與孫徵君

久疎通候紫生到訊道體佳勝爲慰聞靜榻不廢披對繕錄皆要旨此自是行雲流水盡年玩心之妙鄙意更望縱念千古賢豪以已身位置其間此昔人臥

遊亦實見得伯父身分事富不訝言之迂也千里不敢多及蓋自不忘前祝省言護氣息念通神之語惟是所質三賢卷尙未付裝原札俱備更欲壽宿增重肯作擘窠數十字署八十六歲翁光此卷乎貧兒貪寶衷言自背當付一哂歲寒集刻上谷先師年譜纂自國鎮此關北地文獻非細年譜間欲點竄數字目皆未果菰蘆僻跡賴生徒得飽其孥兒子門生亦時會心但終不離飄蓬行遲奈何星輝南極人瑞千秋祇有睇慕

紫峯集

卷之十四

七

與高蓋臣

別久殊切相念聞此番頗困鹽車阮生寧復白眼耶然以足下伉爽之姿自不能俯同流俗卽僕亦未悉此中情事惟是見可知難不無望血性男子五陵意氣泌水樂饑勘破時容或殊致小詩寓意猶不無介介者言念平昔風槩几堪牢落僕老矣鍾情政在我輩故復不禁黯然邇同二三子講業未嘗不自慰惟不得足下愆吏其間又大恨足下亦時念及不溥暑那能不念曩歲蕩舟荷香菱綠對酌酣暢時也同人

併囑代候

再答高蓋臣

門下天姿高邁絕無瞻徇此於世眼不宜於權子母  
世眼更不宜固應坎壈落落客歲傳聞輒勒詩札付  
孫姓寄候想未到大約所聞具如來旨披示不禁爽  
然英雄天定自有安排或不過作勞薪計也親友得  
動定甚慰海嶠孤踪更抒嘯咏豪興可想聞來歲尙  
欲經營渥水信乎盛斯正衰母喪當致雅念介祺爲  
親老已回山居僕今夏誣服補藥火病幾百日幸留  
紫峯集

卷之十四

八

答魏蓮陸刺史

拜函教卽覓便羽未得晤令親始愧台命之稽也答  
問一書直切身心日用津梁後學已作報蘇門功推  
梨棗復承合併文集諸家枕秘謹搜數首貢記室安  
石碎金尙恐未易猝致奈何至印刷之役弟相與有  
力人頗少統俟完璧遲以時月可乎徵君壽筵相別  
倏逾三載光陰荏苒志士驚心恭稔翁台猛力擔承

學問餘暇舉地方忠節與賢地主發皇倡和千秋生  
氣凡皆從人心風俗着眼非徒口耳爲學者比恨弟  
羈栖不能時造廡下縱觀富美爲快耳夏章太史數  
過卓識定力加意宗傳且父子一時三徑高風駕彭  
澤矣澶淵帶水蘇門良慰鼓吹知翁台更爲梓里慰  
清明前接劉公老得聞薦老有起色十老青老近況  
何似二三兄弟衰病落落烏能忘相見可一及之

與張石卿

音問久隔相違歲月忽忽如夢翁兄及青翁高誼貴  
紫峯集

卷之十四

九

及先隴時刻那能忘恭稔德履日茂玉芽小試定冠  
軍深所欲聞也青翁爲地方文運主持自是有心人  
本色弟衰病日侵獨耿耿不甘自棄有道而儀型日  
遠卽介祺館高陽復阻帶水披咏停雲滋爲悵悵菰  
蘆僻跡今歲稍得崔太史商畧正學楊管兩門人道  
風競秀倡予和汝弟聊附衛武交儆而本心陰陽通  
幻在反掌間中流舵柄愛我者何以進之台候併青  
翁動定統希示及亭仲家繼嗣如何念之每爲悽惻  
人生意氣更難堪老境而非老境固不解青翁不及



另訊去人迫試事知投刺之難也

### 復張明府

王公不下士久矣行業表著猶或難之矧以駑劣過蒙拂拭如君候於下走今日者哉君候蒞新安下走遑客是土引分不敢輕謁然聞治狀慈腸冷面翼此卑赤而本之一錢不愛諸所需航自家園夾岸人噴噴謂新民所以更生此耳下走方懼口腹累無以稱安邑不謂屢垂雅念併叨薪粲私怪何以得此及從管生所得讀太祖臺手著乃作而嘆曰此新安治狀

### 紫峯集

#### 卷之十四

十

與河潤下走者淵源哉祖臺建牙直省諸無論國計民謨軍情要害卽延覽之節靡弗縷自心血至良心不敢昧五字尤度世靈符而君候跋語惓惓君親蓋本太祖臺以忠孝光家國爲君侯忠孝之業是更堪扶翼世教又寧第一身一邑私慶已耶然不敢不露其旨寓感激於萬一古來知遇侯羸矢報鹽門馮謨表義幸舍下走何有焉惟是君侯鳴玉天都倘能鼓吹盛業績歌謠之後抑或從甘棠道上窺使節行春也削伏一望顏色意亦如侯生所以報公子引分恐

終未敢請仰恃台慈祇惟涵炤臨筆不勝悚仄悚仄

### 與鹿弘納

別逾歲年彼此動定不聞飄蓬可想濟美丈到悉一方臯比足下以蘊藉雅度揮塵上座信昔人少年分席原非誑事君家先世道風震代僕黥淺得預法兩今流映政在來昆惟益茂此聲實爲祝邇答崔太史兩書附覽見受教先師大畧尊甫久不見心念之令伯殯期未審缺焉執紼月朔欲因覲先壠過拜其墓復值他役未果想悉此懷也垂示諸文社藁各有會

### 紫峯集

#### 卷之十四

十一

心評閱亦細鄙意更以胸懷眼界再加開擴則千秋大業非遠太史乃真實學道人如申之到書稿可出相質

### 答孔公翔

客歲親臺榮任元擬取道渥城卽兒郊亦自固城遄歸候駕不謂旌旆之西也骨肉慶私未獲申佈恭稔地方豐裕親臺以揮霍有餘之資優游上下士氓胥洽竊謂讀書作用在得人心則何官不可行志且祿以逮親此時實際惟益慎益恭茂此聲實超擢指日

是所手額眼界高胸懷淡不佞每爲學人拈說行藏  
一致親臺想不鄙斯語令弟在署還時督令誦讀奮  
翮凌霄亦官評一助寒舍仗芘俱安來札齒及感謝  
眷屬行附佈太原傳徵君天下士與吾郡申之蓮陸  
輩交往謁府時訪問定有益併爲道老懷也

答高浴五

違教倏及半載札示征帆安穩爲慰且依依故園親  
友知關情政在我輩游屐所至江山人物盡歸清覽  
仰惟胸次灑落眼界空濶便是此際真實愛享爲學

紫峯集

卷之十四

三

須隨地得益此身心纔不空放過高明定不忤斯言  
也新豐酒價約幾許門下諸昆納福掌珠已啞啞繡  
葆中遠懷得此能不益費杖頭乎五翁親丈不另字  
知歸程指日惟致聲趙忠毅集千萬携寄吾鄉大人  
物恨未睹其全耳聖學宗傳陽明全書伊川集諸編  
門下亦須覓取邇聞當事申明此事亦自是日用真  
實功課所望上根不淺晤邇不復多及社中諸友併  
囑代候

與楊湛子

欲爲足下慰如何下筆憶相別足下殊黯然意爲僕

殤孫爾不謂反兆足下雙珠之慘傷哉前爲兒郊詒  
書深感遠念老懷兩逾月尙難遣謂足下何到此道  
理話都提不得只無可奈何四字或堪一獻乎足下  
幸自玉矧令兄牽憂旅况屢形詞色此情倍當體無  
俟喋喋矣前作字頗慰以桂影雙圓至連損閨愛便  
難拈此語情悰見同人別紙貴東之變更出意外足  
下自許不下古人當與和公同力檢料西州馬策問  
羊曇淚下幾何耳令兄甚望南旋一遣可否惟酌量

紫峯集

卷之十四

三

答孫徵君

久缺問候知伯父高年體靜彌臻強健前爲護氣語  
言文字曾勸稍簡門人復以拙集求序過承雕飾至  
引先師大業益滋惴惴自愧敝篋惟述及德門差露  
氣色餘俱嚼蠟乎長語得無累及懸晏否某今歲衰  
耄覺倍不敢多言亦恐併煩裁省惟憶楓山甘泉諸  
壽齡幾百大約學道至精神毫無泄漏三教聖人度  
身度世從此參同千秋法座引領爲祝渥水寓已十  
年兒子傭經家口幸飽脫粟衰老加啖市餅三兩枚

稍分犒諸呱呱者意况亦不至惡公勇先生推惠見  
郊相見惟道及五修侍親病楊管兩門人統囑候不  
脩

答魏蓮陸

孝子愾念前徽付彤史誠有如來諭及李君兄弟云  
者顧恐軟筆不勝任反湮徽美奈何若退將命携疊  
酒魁然如人弟惶悚欲走又無如涎至地耳比已同  
友人醉花下幾回白眼青天未嘗不懷我公瑾良如  
此醞徵君爲小集函一序乃楊管稱台命索及滋汗  
紫峯集

卷之十四

十四

背矣又和公兄爲尊人誌銘託梓前歲寒集原序有  
概字誤作蓋便手煩一改正不盡

與孫徵君

前從蓮陸寄字併一聯不知到否並不記何語後聞  
尊體偶爾失調旋愈常驗體中一番病愈別有一番  
精神蓋沴氣既除正氣自倍此百歲上遐齡兆也願  
益加調攝誕膺多福稱人間上瑞某衰耄亦劇拈字  
都懶幸從游泮水五人子壻門人應京兆試有六差  
散人意然終是飄蓬踪跡惟瞻依道範時切夢寐此

生或終免墮落乎昨寄崔承一字有茁蘭到承名候  
兼徵君伯翁病瘥此翁當代元氣永錫難老自是彼  
蒼默佑非吾黨所可私祝也敢併爲誦之

與王申之

從蓮老處得聞門下西行兼期令先公墓石役既聞  
叅瀛州軍事深幸密邇孔壻至乃知玉樹之慟與前  
閨愛踵相告也門下骭髀那堪遭此願門下自玉事  
到無可奈何只返看自己生世一番勾當差有着落  
舉頭天外願門下自玉卽今幕府行阮瑀軍書王燦  
紫峯集

卷之十四

十五

詩非古人襟度耶僕今歲衰耄頗劇諸友爲檢拙藁  
成冊并乞徵君弁語異日呈覽諸不盡

寄孫徵君

南來信不覺躍下牀科名亦常事而今乃大異祖德  
椿榮孫枝桂艷百年孝友五世堂際此詎非極人倫  
之盛老伯卽無事張皇那能不捧腹也高門自太老  
祖臺發祥眼見再繩其武矧德芬世濟又不第以科  
名顯前輝後映增福增壽猶子忭慰之私壽非筆舌  
所罄躬賀未能聞壽詞載屆敬與同人薄庀少金聊

代一觴託蓮陸丈統此道意貴邑發四人北城撮土  
得三地靈可想又湛子以乃父藍田君兩世門墻復  
稱阿蘭異地年友人耶天耶何拍拍多奇乃爾兒郊  
今歲稍可望要亦貧劣家風不足言公式被落殊無  
際侘方晝夜侍祖母病榻此却關道氣稔所欲聞也  
南極星輝恭惟益加顧養以膺遐福邇賈勇訪範彭  
父子餐英道故亦三十年欠事時尙未聞南音若聞  
定損伊濁醪三斗附見鄙况不盡

答魏蓮陸

紫峯集

卷之十四

七

從高辛兩丈接翰教伏承南來蕭然行李惟是中州  
昔賢吟風弄月地與徵君相對數月幾許合併此政  
足爲翁兄慰耳復審欽興甚豪要是不爲清貧壓倒  
弟今歲此興却減似非戰老策也書往一哂敝縣任  
先輩舊有志稿所示似箕生潤色民字冠係儒冠推  
之曳藍亦着儒衫耳兩程五世上籍傳野邑故有兩  
程祠文獻自當藉重盧尙書傳無覓處相違歲月新  
功定益何時握手豁我積懷諸不盡

答崔夏章

披手教仰見孳孳爲道別紙尤關精蘊原心杪忽析

理分寸門下有焉札中猶歛然自誣誣人得非望道

未見意耶從來聖賢只一不自是理窟中羸德登峯

造極然道體却現前昔人斷扇訟是非與捧茶童子

真自直捷子思子拈鳶魚飛躍孰非活潑潑地至見

處不同又從學力驗得則不自是與現前皆是還作

二義觀否初夏滿擬領教聞膝下戀戀還 朝尙未

卜期卽此泊然高寄孝友爲政尼山真面目更不別

下註脚僕寄食仍淹留管丈結草庵楚楚別致課生

紫峯集

卷之十四

七

儒行業外日率童子十餘歌詩習禮間與語內外義  
利輕重頗欲爲百年人心風俗留此段公案亦衰耄  
技止此耳若心理同處直證宗傳却是門下猛力擔  
承事非謏謏所敢問矣草復見近况并質室上當千  
里晤語頃飲令兄親台所話人倫盛事靡弗推當代  
龍門匪佞匪佞屬湛子解李氏館過從公式脚跟自  
健近異渥兄次子名胤猊弱冠志不伍俗友朋性命  
那不切切關山紫氣也

上趙玉峰明府



日承老父臺枉車騎而錫之話言疎籬對酌古道照  
人治僕可勝披賭公侯無白屋之跡久世人眼孔少  
所見多所怪或群然矚且疑旣而疑者慰則使君自  
載高義去第無如市人竊罵侯生何耳述此見一時  
情事卽志下走知遇之感扇頭大作依韻佈上小巫  
氣索次且者久之然不敢不報瓊李異施又如高深  
何兒郊叨附門牆併抒悃愫展叩有期伏惟渥炤不  
盡

與楊蕃生

紫峯集

卷之十四

六

昨枉駕兼承賁遲久早報謁佈候不謂其愬也霜兼  
南蒲我勞如何見委亭聯卽倩令岳書上蘇子美以  
邢公楷法爲重可乎英雄使君連賁旅塾此誼於古  
有幾無用爲報聊効野人壺漿點綴高深五百年名  
世復不勝雲泥之懼面時幸致之伏睹一時聲氣相  
得益彰因憶友人詞留得太平公等在客我輩主觥  
籌則山澤中借茆有爲之畧不淺眷切眷切

寄崔承一明府

石公詩閉門讀莊子秋水馬蹄篇逸致乃爾恭聞老

親翁批注南華道德不釋手居恒謂蘭桂之盛玉樹  
娛家玉堂報國可稱入世之福歸田三逕一甌一爵  
受享天真可稱高世之格今且含咀道奧日盤薄老  
莊周易之髓於以達生觀化脫盡纏縛更所稱出世  
之解矣太史還朝過里無日不訊及老親翁身世大  
消息後復悉諸濟美丈直令弟兄骨亦稍欲參一席  
炙有道而上下其議論神親形隔我勞如何太史近  
聖顏揆席在望前招提聚語謂從來大英雄原爲天  
下生此一語非第英雄手眼和盤托出大聖賢救時

紫峯集

卷之十四

五

濟物宰世心腸皆本諸此合一堂作述入世高世出  
世與宰世同一家當覺三教聖人除此更無生活老  
親翁其許我不弟今歲衰耆更劇課童子句讀亦無  
力然寫至此自不覺神往濟美還蒲附候併露區區  
顙望南雲祇有瞻邇

與孔公毅

忝係親知未得面而遇客談高誼殊耿耿五修到併  
述伉爽直捷心事如青天皎日益切嚮往恨羈老校  
書不獲一叩朱鷺鏡歌之約有待有待葛衣爲惠不

敢當復不敢卻然心銘之矣俚言書扇頭博教紫電青霜萬惟益加慎密封侯骨相竝爲戚誼光寵不盡

與崔夏章

門下等威冲抑雖學門一端然凡事如此平實做去更不從俗眼照管便是超凡入聖真骨子昔人云學求日減減得世味盡卽道味此切要體勘語並非向冊子上覓著昨與魏李諸丈道及魏丈亦稱道俗冷煖良深佩服欲晤教自嫌褊褊聊此佈露亦差附口碑云爾

紫峯集

卷之十四

三

復趙玉峰明府

前枉駕曾諭罇酒爲餽僕已囁嚅不敢應乃更重以多儀台惠則得如野人之分何極知父母命不敢違然於赤子喁喁叩請或亦曲允僕且遵此義紅鱸綠酒以稱雅意餘珍附壁備幕下健兒一餐可乎英雄作用費固不貲也來役堅稱台囑僕亦費盡唇舌幸無加督以重僕過禱靈手立殲巨憝要非獲上信友積於誠明未易強辦闔境肅清卽野夫那能不隨衆爲使君號千聲佛也

孫鼎甫梁貞伯李若濟三孝廉

踪跡各天可勝企慕我輩道義知己不獲合併涵濡賢使君花雨之壇滋爲憾耳來旨霏霏殊慰濶懷正學譚藪更沃我瓊漿編中如真修真悟真悟真修直是敲打着骨髓非理學家皮毛語所敢望也從來諸儒各有會約吾鄉邠所未睹矧使君以英雄手眼探理學與突體用兼該欣佩欣佩辱諭升語門外漢何敢仰測高深然不敢不附千古惟質法壇併賜潤色使草茅猥語不至玷及珠玉感激何旣客冬枉使君駕得承諸親台顏色今且候及一載僕老矣諸親台金相玉質志士惜時定惟加勵

上趙明府

前叙稿仰脩涵納茲復更往數字統埃郅斧續有請者郡城蓮陸魏舍親數有字詒門人公式輩時作耳語迫詢之則爲謀梓拙集既且聞老父瑩寶蒞其成則大惶汗欲走某樸櫟勿論不敢言文卽文亦不過識一時辱交海內賢豪長者聊以自娛何敢灾梨棗在魏丈嗜痂已甚況復混及清嚴乎飾枯夢以春陽

紫峯集

卷之十四

三

萬非鄙分所安幸賜竊遲日向令兒郊辭諸魏丈至不以小言遺訪司文章命者則終恃堂上人之主持在某比喪女哀苦筆不遑意千萬幸諒

答李寅清

僕聞高誼之日久接譚塵彌深佩服門下閱名家繩先啓後擔子幾許只身任斯道便是肩承本領知門下所優也別時曾佈念菴可師此老本身敲擊不傍他人言語門戶集中答蔣道林何善山兩書與龍場祠記尤面受先師指授蔣書直指仁體語何則痛

紫峯集

卷之十四

三

除將就冒認而祠記闡陽明動忍實功更徹骨髓吾輩多識進德而底本有要門下天資和粹加以沉潛謙抑直是日進無疆勞手札仍佈前指蓋不欲多岐滋惑足諒及耳邇士君子纔知爲學就饒舌許多朱陸是非知行同異此已涉門戶語言非自己敲擊字泰收功恐未有期也大力量人萃京師宗風鼓倡有得不吝見教屢叨下詢門生兒子併荷提誨感切感切餘惟爲道珍重不宣

答崔夏章

親知歸里得聞衙門職掌外避軌清修人事都謝昔

人宣麻日庖厨寂然此段光景可想可味拙集序言

前請原爲存笥不謂運老湛子諸同人謀梓遂併噴

門下援引過當仍損清俸焚香避軌人何以及此僕

且如諸君子耳語何湛子又述誠意功夫大有著落

聖學鐵門關二字乃其玉鑰匙則門下極深研幾候

也淵源家學往悉玉樹於四聖經旨外兼治毛詩定

精進僕近課童子稍及麟經頗覺斷制精嚴文法都

得自翻撥此先師專經四十年始窺其文字路徑掀

紫峯集

卷之十四

三

翻痛快本此貢之郎君爲異日制宰一助何如又道

駕趨朝曾抒俚句未上中有足色金方治潺聲水在

灘學問鍛鍊到極處正與避軌高風相印元聖些兒

取與生活乾坤在手然亦須辦著徹底寒素始得所

謂誠意是關鍵耳并貢爲大拜券叨在涵納倘其許

我劉季廉便佈復不盡

啓玉峰使君

梨棗役不得寢伏承親蒞其事至過損清俸彌切惶

悚特遣兒郊介湛子上叩佈區區前稿原爲蓮陸亟

索潦草非所以呈父母併討示刪定仍有所異而不敢賣者在兒郊口稟則高文揮灑光首簡簪車之祝倘不吝然總非所安也房產一案又王犯獄已定想大慰藉比蓮陸過僕爲言使君聖賢心豪傑手僕笑謂更得吾子識英雄底眼詎非三絕此兄在里師孫徵君官晉友傳山人青王淵源問學固宜見地迺爾

與管公式

連日晤對祇是尋常然已清風楚楚學人須要信得

紫峯集

卷之十四

五

及能跳脫塵外一步自不作碌碌相也吾子氣淳體

靜故特獻其愚詩往聊見此段情事

又

適檢白酒紅砂句政爲窮聚會計已例設小塾幸過

我榴花炤眼無令笑人

又

携家謙家人三卦來一譚長日寂寂脾氣困如許幸

爲療耳

與楊湛子

前貺遲至二日與公式商更不忍以門下雅愛重令徬徨寧僕冒厚顏而可然亦竊附晉公子受餐返璧之意倘其許我

答高浴五餽茶

菰枕風清頓消詩渴門下潤我至矣又無如此饑腸何知德與怨兩不受也笑謝

與辛祇傳

忻惟文譽旣隆飈發伊邇計光此名跡須自身有鞭策纔是著實處貴表似與吾儒身分無涉承諭僭易

紫峯集

卷之十四

五

祇甫何如千聖相傳德有攸聚質諸堂上或可行耳

答李和公

燈節二種俱旅況未有佳味敬拜玉樹銀花不敢過

翫謹留二座兒女寒廬其爲點綴已侈餘璧公子萃

筵交輝燈月

簡楊湛子李和公

聞足下與和公北上敬花一芹言別南山頃豆聊附輟於通侯北渚春條再興懷於開府同心是貺並駕

肅瞻



示子

行立坐臥飲食言語以及財物出入學問實際在此而旅寓尤切大凡處人已宜讓不宜爭宜後不宜先宜厚不宜薄平居以此驗得失進取卽以決利鈍恕字一言可行謙卦六爻皆吉豈欺我哉古人高峻比於泰山喬嶽言立身也若處人自宜祥和平穩豈得錯用兒郊赴試易水同襟聚集遠邇瞻望名行所關戒之勉之童子不敢言學問惟勿以玩迂觸忌貽我憂其於體老懷庶爲弇耳 市肆勿浪遊群飲高峻紫峯集

卷之十四

三

字不敢出口恐疑我爲教咸頭膠屏風上耳餘紙再拈此以寓倦切

紫峯集十四卷

直隸總督  
採進本

國朝杜越撰越字君異號紫峯容城人前明諸生康熙乙未薦舉博學鴻詞以老疾未及赴試而罷是集乃其門人楊湛等所編凡詩四卷詩餘附焉襍文共十卷越受業於定興鹿善繼平生惟以砥礪行誼講明道學爲事故鄉里推爲耆宿而文章則非所長湛等所編旣多錄應酬代筆之作又不甚諳體例其襍錄中有龍王廟募緣一篇乃七言古詩而編於文中其所作祠聯壁聯書齋聯一一備載尤爲冗襍玉山雅集載聯額別自有義非此之謂也

叢碧山房詩初集十四卷二  
集六卷三集十一卷四集  
十卷五集五卷文集八卷  
雜著三卷

〔清〕龐塏撰

中國科學院圖書館藏清康熙刻本

附《四庫全書總目·叢碧山房  
集五十七卷附詩義固說二  
卷》提要

序

昔顏延之問鮑明遠已與  
靈運優劣照曰謝五言如  
初發芙蓉自然可愛君詩  
若鋪錦列繡亦雕績滿眼  
顏深病其言然迄今讀延  
年集情喻淵深體裁綺密  
一字一句皆莊重整鍊至  
如秋胡詩五君咏諸篇真  
千古奇作特以隸事太多

采勝於骨遂不免于明遠  
之譏訶况乎不及延年者  
哉蓋詩以道性情書曰詩  
言志歌永言夫志也性情  
也凡吾生之欣喜愠怒懽

李序

戚哀樂感時觸物長言之  
味歎之神與境會一道其  
中之不自己卽爲千古真  
詩自三百篇以下其不朽  
於天地皆是物也而何必

乞靈於古人假途於獺祭  
吹花已萎噦飯不甘者爲  
龐子雪崖才名三十年居  
京師愛從余遊載酒問字  
已未以博學宏詞召對

李序

王

大廷官侍從已而敷歷仕途  
今且一麾出守爲國循吏  
奏龔黃召杜勲矣所爲叢  
碧山房詩數十卷凡生平  
出處進退交遊贈荅無不

載之于詩花晨月夕相過  
論文每一詩成多舉以相  
質以此雪嵯之詩余知之  
最深其爲詩也清而不削  
質而不癯腴而不縛其情  
深其調古其律嚴其致逸  
皆道其意之所欲言意至  
而言意盡而止殆謝靈運  
之淶水出芙蓉天然去雕  
飾者耶其源出於靖節摩

詰諸家而寓目卽書內無  
乏思外無遺物萬象景附  
奔集腕下唐人以白樂天  
爲真才雪嵯之詩亦今日  
之真才也因覽前後諸集  
知其必可不朽於後世者  
遂序其端以歸之朝霞友  
人李天馥撰



序

今之言詩者我不知其何所指也蓋嘗聞孔子之言詩矣曰興于詩又曰詩可以興可以觀可以羣可以怨邇之事父遠之事君多

序一

識於鳥獸草木之名子貢論貧富而及切磋之章子夏悟禮後于素絢之句子皆以爲可與言詩而孟子則又曰說詩者不以文害辭不以辭害志以意逆志

是爲得之觀聖賢言詩之法卽可以得後人作詩之法蓋旨趨貴乎高渺而意境期乎深遠此三百篇所以爲作詩之本也降自楚騷漢魏六朝以及有唐一

序二

代之詩皆不相蹈襲而未始離乎宗其未離乎宗者以其本皆出于三百篇不相蹈襲者則時異世殊神明各出要其旨趨意境所謂高渺而深遠者離之則

失其本矣後之作詩者自宋人以來類忘其本而務取古人一二家以爲途轍蹈其篇題而襲其文句以爲非是不可以爲宗我殊惑焉試取而喻之今夫祖

序二

父之于子孫爲一氣之感雖傳世久遠無所疑也然攷其音聲面目之間則有相似者有不相似者有絕不相似而殊形異體終不可謂非祖父之子孫者無

他彼固有其本也有本則有神若夫命工師飾伎巧刻木土而像之研丹碧而繪之資埏埴漆膠而陶之飾之形非不似也而神已離矣今之作者不能爲三

序四

百篇之雲仍而徒執工師之賤伎以求爲形似亦大悖乎聖賢論詩之旨矣且夫今人之所慕乎古之一二家者未始非自我作古不屑蹈襲之人夫以彼自

我作古不屑蹈襲之人而見夫蹈襲之者能不啞然而笑以工師賤伎目之乎而柰何不之悟也龐子雪崖于唐以上之詩無不揅繹而一以三百篇爲本生

序五

乎今之世殆所謂豪傑之士也其篇什繁多每歷一官輒哀爲一集茲戶部集若干卷大都觴咏之作錄別之章其旨趨無不幽渺而意境必極深遠盖片言

隻字不蹈襲古人而無愧乎三百篇之神者也龐子旣得爲詩之本而又有其神其傳也必矣集中有阿眉一篇爲余痛亾孫而作益倣嬌女哀師之製以慰

序六

余之哀者是集也傳余與亾孫亦幸藉以不朽

鴛水年弟徐嘉炎華隱

氏拜撰



序

昔予來京師識龐子雪崖最早一日出所爲叢碧山房舊稿相示時尚沿近今之習余讀之弗善也無何雪崖與余同寓憫忠寺側距夾巷不百步乃相與揚扢風雅之旨日取少陵詩研索其法興至有作輒互持就正至三易稿不爲嫌雪崖好夜談或踏月過訪縱論往古雜以詼笑余誓不與人論詩至意氣相激不能復有所顧忌于是抵掌捧腹一日千古燭再跋僮僕立寐街鼓三下始散已而郵詩叩門剝啄啄與犬吠聲相應者則雪崖使

李序一

者復至也如是者五年所雪崖之詩老放平淡婉而思莊而有則蓋非近今之詩而具體乎少陵之詩者也因合前後所作仍號叢碧山房集夫詩以道性情而氣運隨之近世士大夫厭盛唐之整栗而矯之以宋元襲其險僻之字以爲新穎其弊至于鄙率淺俚而不可救雪崖長不滿五尺而遇事森發其所嗜專以篤故其用力堅以深非求工于字句以剽竊爲能事者比也嗟乎雪崖之所造就如此使置之旗亭樂府間豈遂遠遜古人而澹泊寡營世之人習而忘之所謂知希我貴不其然乎

吾又聞雪崖幼失母氏與諸弟友愛特甚門內之雍睦尤人所難者今讀家庭紀懷諸咏淵然肅然使人有自古在昔之思焉雪崖之過人又不獨以詩矣諸城同年弟李澄中撰

李序二



敘

詩之源發於三百廣於漢魏而大盛於唐其來尚矣其能登作者之堂而卓然成家者必有特達之識端一之好所嗜既端則紛華不以動其心俗尚不以移其守愈入愈深以漸致於自得之域然後其詩傳其人與俱傳厥有道焉茲於龐子雪嵯之詩益信之雪嵯之詩益不爲近今之詩而力追乎漢魏唐人之詩者也今年夏取其從前所作合刻爲集集凡三種編年以紀而各繫之官其所遇可知矣而讀書賦詩則長自若也入官則勤於吏事

王序一

退食則服勞高堂蕭然自得門以外無問焉昌黎之言曰懽愉之辭難工愁苦之言易好雪嵯遇非甚順而所爲詩溫柔敦厚每多懽愉之辭而工獨至則昌黎之言可以概凡情未可以定雪嵯也雪嵯從余遊最久余知之亦最深方其由諸生孝廉以入翰林也此常情之所喜而雪嵯自視歆然不乎山翰林而中舍部曹此又常情之所慍也而雪嵯處之恬然升沈隨時不以經心所嗜端以篤故其所成精以淡詩也進乎道矣若今之爲詩者余惑焉厭薄漢唐崇奉蘇陸一則曰吾學子瞻一則

曰吾學放翁鄙瑣以爲真淺率以爲老白謂直接風雅之傳而風雅道消久矣若人者出不希一時之尚力追正始之音非具特達之識而有端一之好者能之乎昔施愚山李渭清論詩史館愚山謂渭清曰雪嵯詩根柢唐人取才漢魏方今宋元六朝和者數千而能古調自愛如此吾重之慕之願吾子之與之終之也二子亦互相砥礪古道自許然而人弗尚也近始稍有好之者過龐李而問道焉此反正之機也夫孤行已意於舉世不爲之時而用其識力以回風氣之漸豈不毅然稱大丈夫哉雪嵯善病家貧食單夏無涼宇冬無煖室每夜讀書必盡二鼓余方憐之以爲過自苦而雪嵯曰士各有志縱世知我者少不知我者多吾從吾所好以成一家言庶幾不負黃岡門下耳吁可以知雪嵯之詩矣亦可以論世矣甲戌季秋邾城王澤弘撰於京邸之心默齋

序

詩以道性情人皆知之然非性情之獨至者不能  
爲卽爲之而刻劃取句湊泊成章意味索然讀者  
不三四篇卽欠伸欲卧亦何以吟咏爲也近日惟  
吳梅村楊猶龍用其性情以爲詩卓然成一家言  
乃兩公旣逝幾致歎於廣陵散之遂絕矣兒輩自  
都中旋得一卷詩乃任丘龐子叢碧山房集諸體  
俱備掉臂獨行初讀之如入武陵桃源雞犬桑麻  
另有世界再讀之如伯牙學琴於成連精神寂寞  
海水汨沒山林宵冥也忽而奇峰插天忽而烟雲  
萬狀忽如飛仙劍客忽如莊女靜士大約性情沈  
澁於有字之書無不讀而尤篤於孝友一篇之中  
三致意焉或謂此集哀怨高涼之意多近於中晚  
未若開元大曆之冠裳佩玉也雖然予前已言之  
矣人不自達其性情卽規規焉開元大曆土木偶  
人耳雪畦之詩歌也有思哭也有懷前不見古人  
後不見來者不學仙而具有仙骨不參禪而可爲  
禪伯忠孝之氣溢於篇什之外蓋不以摹擬爲工  
而意之所至直抒其所欲言此其所以可傳也而  
豈刻劃湊泊者之所能及也歟嗚呼余於此如見

猶龍方伯也丁巳夏日貞庵魏裔介題于鑑湖舫  
堂

魏序二

序

予向者仗策北遊自渡河以來所見皆沙磧稷莽  
神觀怫鬱不怙比過任丘道中隄泉林浦驚渚漁  
汀迴薄涵潑其間儼然煙霞物外之色目若滌而  
醒心胸爲之頓舒於是惻焉長望以爲此中必有  
曠世之士絕塵而獨立者然竟未有所遇也未夏  
僦舍慈仁招提與麗君雪嵯纔隔牆屋笑語則音  
相聞逆客則趾相錯因時過從君貌癯以清心事  
卓犖以達清言壑壑聽之昏不暇寐予乃大息以  
爲向之惻焉長望於任丘道中果然有君尋出叢  
碧山房詩以眎大都擺脫畦徑前落膏澤洋洋灑  
灑摠其胸情亦朴亦文愈老愈勝二十季來虞山  
啟塗闢戶談詩家競務刊削高華搜抉幽峻以爭  
能合尚然此特趨鶩風會用希時好耳非其胸中  
自有此等詩在也惟其絕不希合風尚縱使在開  
寶弘正間率然流吐無非胸中本有之詩此雪嵯  
詩之所以可貴也昔稱魏極矜琢有曹植之淡雅  
梁棧綺繡有江淹之孤寂又如陶韋韓孟豈緣風  
會使然然則吾所懷曠世之士夫豈惻焉長望於  
任丘道中者足以盡雪嵯已哉已未秋中西泐年

第沈新拜手書

沈序二

序

翰林院檢討任丘龐君雪崖善古今詩歲在戊午  
天子思得文學之士摘詞備顧問俾廷臣各舉所知  
次年春試詩賦于 體仁閣下君用是得授官又  
六年復試詩賦于 保和殿君所作不稱 旨嘗  
改調於是君閒居集平生詩爲叢碧山房稿凡十  
四卷誦其詩雅而醇奇而不肆合乎唐開元天寶  
之風格北地之言詩者未能或之先也任丘在畿  
南九十九淀之水匯於縣境陂塘遠近芰荷葭葦  
蒲柳之利比於吳越舟楫之往來魚鳥之出沒山  
房領其要焉君歸乎吾將訪君於是魚榔釣車相  
與賦詩酬和附茲集之末後世或有好之者文章  
之傳不繫乎名位之通顯也秀水同年弟朱彝尊  
書

朱序一

叢碧山房詩初集目錄

翰苑

卷一

己酉之乙卯家集詩四十九首

卷二

丙辰家集詩四十二首

卷三

丁巳至戊午晉遊詩四十三首

卷四

己未京集詩二十二首

卷五

庚申京集詩四十二首

卷六

辛酉京集詩五十四首

卷七

壬戌京集詩五十二首

卷八

癸亥京集詩五十八首

卷九

癸亥京集紀懷詩二十三首

卷十



甲子京集詩六十五首

卷十一

乙丑家集詩六十二首

卷十二

丙寅家集詩五十五首

卷十三

丙寅東山詩四十四首

卷十四

丙寅京集詩十一首

翰苑稿目錄

董碧山房詩初集卷一

翰苑稿

仁丘麓 塏雪崖著

雜興

青陽布和氣鳥鳴木亦榮萬類相悅樂識此天地  
情幽居生遠意風會無留停邈哉不可問至道本  
無名

又

南郊二三月花柳隱茅屋中有忘機人持書笑且  
讀詎敢竊隱名閒情侶草木山川閱古今雲鳥媚  
幽獨長倚松樹吟天風來謾謾

翰苑稿卷一

嘆命詩用東野原韻

前年謀自立曲曲饑寒中今年學依人意意不相  
蒙靜念自徘徊此生豈我窮如彼物消長當有爲  
雨風所得良寒薄吾將學老農

遊馮氏園林

別墅城西郭閒來問水亭花香輕氤露柳色遠排  
青人太遺魚筍庭空嘆鹿町眼前峰景物十載此  
重經

又

斜徑沿堤水柴門對郡城碑留太史蹟園記尙書

名紅藥春前長蒼苔雨後生頓忘歸路遠繞樹坐啼鶯

夏日雜興效袁中郎體

鳴蟬沸樹午煙長小臥方牀竹簟涼多病久拋迎  
客屣惜書新得辟蠱方鳩聲喚雨來江嶼山色啣  
青入草堂踪跡漁樵會不遠家居好是水雲鄉

留別李克承

世情重狎昵常恨不同居中情無可取同居竟何  
如精神苟冥契尚友逮古初靜言念吾子恬穆足  
相於三年得一見聊親不爲疎桐陰當月正山意

翰苑稿卷一

二

表秋餘分手自茲太努力事居諸

畫虎行

有序

李克承新購畫虎一幅神氣欲生當出宋元

代高手惜欸識漫滅李自製長歌咏之索余

和此

高軒不合有真虎氣壯神雄含餘怒李子好奇苦  
見求黃金一擲輕於土有客過訪初拾級却望遠  
巡不敢入徐聞人語始登堂坐對仍覺毛髮立自  
有此虎挂此堂夜夜壁上生光芒偃鬼暗伺空庭  
黑白狐走泣黃狐僵此物卽今比比是薦食食饗

如封豕我本談虎色變人不獨怯真兼快似徘徊  
再四增長嘆戴牛韓馬非奇觀當年作此者誰氏  
豈無騶虞與角端

憶舊館桃樹

柔條嫩葉未成陰一別劉郎兩度春憶爾西窓風  
日好看花不是種花人

郁椒陵東歸

長揖自茲別遙遙馬首東懷人如有夢多在亂山  
中

荆軻山弔古

翰苑稿卷一

三

青山何盤盤林樹亦扶疎古之慷慨人於此託室  
廬感彼燕丹義西行入秦都左攜於期首右持督  
亢圖寒風吹易水至今歌嗚嗚

又

荆卿入秦時長歌持利匕入境刺人君中不中皆  
死舞陽鄉里兒戰慄何爲爾

又

燕丹逃秦歸鬱鬱抱沉冤快意在一復後事安足  
論他國不遺刺誰復終入存奇功雖不成義聲動  
乾坤

過李少司空又白別墅

閉門如溪山秋氣集庭芥時聞讀書聲山自寒階上

山寺

荒磴苔乾屐齒輕寺門晴鎖午煙平  
灘聲靜抱香臺轉雲氣虛從古殿生  
行徑嘗留馴鹿跡冠牆偶見故人名  
老僧只解蒲團坐無數松杉一磬聲

趙北口

邨南邨北水連天野老留賓笑曠然  
且向西隣賒白酒門前時有打魚船

翰苑稿卷一

奇謝徐滿今伯康身有贈

時家君在署中

一徑花空老千山雨乍晴病中兒憶父書到舅憐  
甥遠愧分廉俸收藏啓敝簾喜看饒藥價似覺此  
身輕

又

徐川來信使乘曉問吾廬封裹他鄉贈平安

父書寬心應勝藥舉火乍開厨惠愛思吾舅傷心

陸岬餘時老母已見背

室中

室中兼坐臥寂寂掩柴扉小箔懸駒長高簷雀殷

肥貧嫌參朮貴病惜友朋違萬感來幽獨憂生意轉非

追悼內子邊氏

漫說前因與後因眼前業果定誰真與君琴瑟初調日怪煞煞入夢人余娶邊之三日夢入一舍余驚欲避獨一人曰此汝妻也寤而凄然有感於中及已酉邊死續韓氏女花燭之下衣鞋體態宛然夢中所見益信數由前定也附記

感懷

朝入長安門車馬紛擁闕路遠力不勝雙足遂蹙蹙兒女怪儒服調笑語聒聒蛟龍昨夜關風雨惡

翰苑稿卷一

五

噴沫拍街一尺泥足足代跋掇行行擁蓋人何用

高喚喝

又

街頭行一步灰塵沾衣襖攘攘何許人疾走無暫歇旁兒遊俠兒騎馬矜超忽顧盼矜豪舉傲我饑寒骨借問饑寒人中情何突兀

又

相逢年少兒定交岐路側十千買斗酒慷慨義形色一朝臨小利當面行盜賊在昔陸士龍正氣束狂逆片言悟戴生劣行倏然革自無動物誠於彼

焉足責

又

長安諸少年相逢騁歡娛錦繡逐時裁光稱輕薄  
軀中生擁佳麗彈箏間吹竽清聲唱金縷美酒行  
玉壺寧知東隣翁披褐食糠粃

都門感興

長安宮觀迴森沈秋老層城日日陰古寺鐘聲催  
薄暮空山風雨動寒林松孤已飽多年雪鶴病猶  
存萬里心聞道謝公還擁鼻消時且作洛生吟

又

翰苑稿卷一

六

日日風塵車馬喧長安盛事古來繁八方貢道通  
王會一片青山入塞垣小妓徵歌朝進酒將軍罷  
獵夜呼門太平有象風光好水旱應無廛至尊

有懷寄上谷

聞君案已成當食投七起尋思君所爲何應便至  
此大吏尚深文小吏希意旨鍛鍊由他人氣直不  
得理我欲白公冤力薄無可使負此知己義媿嘆  
何能已

又

結交三十年人情全未稔叶豈知世上人炎涼

一瞬一梳克朝冷三錢買濁醪寂寞茅店中強睡  
殊不慊唯有蔣學士時時一問訊蔣虎臣先生  
寄書相慰

又

善意求自全無端來積毀有口辯不得受過遂如  
此結交盡書生緩急無可恃草履行無下冬衣寒  
無裏長官見之怒此是貪婪吏

雜詩

天地何不仁有情還自厄顧視血肉軀不及木與  
石人生感精氣遊溢榮體魄精氣能幾何哀樂遞  
相索朝爲朱顏子至暮頭已白何似無情者論年

翰苑稿卷一

七

動千百

又

年來常苦饑驅犢事躬耕一朝感時雨童苗雜草  
生把鋤不及辨往往去其兄秋分萬物熟吾亦幸  
其成布種過五斗收粒畝三升得失不相償徒爾  
費經營家人共相謂此事非所能

又

抱病久不痊伏枕學蠹鳥調養失其方徒然嚼死  
草南山有高人日月不能老長跪問所因但說捐  
情好試之果有益求方苦不早



又

兔絲及女蘿本非同根生一朝得附託纏綿別有情結髮事君子金石志已盟豈謂有乖離杳如織女星悅人強好夢虛室怯形聲衷情不易死遊思生空精感此但歸來妾不愛功名

又

大山高百仞小山高一尺各自感生成大小不相借富貴忽中人辛苦爲形役小心奉顏色行止何踉蹌我欲學所爲未肯行復易蔓艸緣短牆坐性終不釋滌蕩以自放我心仍匪石

又

十年訪神仙足遍名山路一朝行歸來忽向街頭遇乃知真仙人不謝塵俗步謂我無俗骨欣然肯相度食我藥一丸翼身生長羽渴飲就瑶池餓食來懸圃爲仙何足樂但遂閒遙趣

又

作客自有伴遠遊自有方但感庭前柳別來與妾長嫩枝不到地小葉隨風颺常恐秋節至青青變萎黃年光不相待寧無遲暮傷

又

小小慕榮祿失計學爲儒伊吾二十年蒙蒙如蠹

魚榮祿未可邀饑寒迫其膚我欲學爲農逸久力不續我欲學爲商氣腐知不足窮困減志氣見八自退縮寄言今世人詩書不可讀

又

鵝卵育蚊眉象骨出蛇口乃知天地間萬事靡不有牀頭一卷書牀下三瓶酒讀書未兩行飲酒過五斗仰思嵇阮倚酒如恐後品題由他人知愚兩不受

生計

翰苑稿卷一

九

疎慵生計少嘆息掩柴荆草冷蟲聲澁風秋病葉輕家貧思祿仕薄俗忌高名寂寂空庭內偏憐月色清

清明卽事感賦

朝出長安門馬肩摩車轂節序感人心陰晦應風俗悲風起墓田松柏聲謾謾羹飯生者情空陵草自綠迫促百年內老少更相哭自有此山來遊賞豈我獨時過跡已掃後世知我孰幸遇同心人好景聊寓目

聽寓上人彈琴

上人名超止彈寓公蘇州人嗜琴善清談

肅肅日初出鳥雀寂不鳴上人理真性拂絃奏古  
聲聲古神亦穆冷冷發孤清乍疑千萬山逼向戶  
闢生又如秋月下徐聞溪水行冥激有味致歷落  
難強名座客齊所向恬澹以爲情曲終而指歌音  
響仍未停

憶姚誠明縣尉

聞說梓童縣荒涼過埜邨僧房朝按事山鬼夜敲  
門地僻風猶朴齊貧吏不尋常時耕儘日隣媪託  
兒孫

修先墓

翰苑稿卷一

兵燹之後先壙圯壞幾平矣今年寒食來祭  
不禁淚潸然下乃募衆具畚不問系屬遠近  
概行修築窮一日之力堂封馬鬣隆然起矣  
因作此詩以自慰焉

夙昔遭荒亂顛沛難自存舉室駭鹿走焉顧丘與  
墻牛羊撓其巔狐狸穴其門風吹兼雨灑陵燹就  
平原朝來躬祭掃涕下橫沾巾重募來隣里遂得  
五六人族衆稍亦集畚鍤各隨身南岡壤性好黃  
潤如凝膏簣簣連負荷疾走輕秋毫此中無他族  
勿吝抔土勞漸次始祖下一一令其高却見棠梨

枝瘦涼抱乾土汲水灌其根忻忻如有訴年年寒  
食時報以花滿樹

弱弟

弱弟纔四歲了了識人情學語半未全意內頗分  
明未能知客姓已解自呼名嬌斜喚奴僕顛倒依  
父兄每飯攔數碗淋漓滿案傾索肉不待熟擲果  
取飴飴拜跪輒無已啼笑旋復更模糊做耳語強  
人作應聲遇花必攀折庭草不得生取枕爲嬰兒  
保抱如恐驚攜竹當馬騎數罵騎不行披巾擬演  
曲筵席羅土羹把卷學誦讀咿啞頗輕清有時寫  
紙筆塗抹亂縱橫他年任教訓或當有所成祖翁  
積德在須爾大門闕

邊伯康舅靈視自永康歸迎而哭之

天道茫何在炎方棄此人風波萬里道霜艸百年  
身蠻獠哭廉吏朝廷恤遠臣柳車煩驛遞感勸  
一沾巾

又

薄宦憐吾舅崇山瘴染身虛膺五馬貴苦歷一生  
貧涕泣憐孤女艱難累故人爲扶也歸相將萬里  
外生死到鄉津

寄羅羽聖

聞君南去後領縣得名山  
桀鳥喧衙樹玄猿啓夜  
關簿書閒小吏鄉語怪  
諸蠻何日來京國相攜  
一破顏

送楊宣樓明府旋里

亦謂終須別何月在此  
晨青山歸楚路白髮太  
官人道直身仍在田荒  
業故貧千秋同調在作  
賦弔靈均

送王益也赴太原

曖曖林間日皚皚  
艸上霜嚴冬此何時  
送子上太

原翰苑稿卷一

三

行太行山風高吹汝薄  
衣裳體弱病易乘調理  
懍其方勿以飄蓬故抑  
鬱塞中腸張公海內賢  
憐才如恐傷美酒出棄  
落日食刲肥羊數盃高  
興發長歌氣揚揚願因  
東飛翼示我以瑾章

叢碧山房詩初集卷二

翰苑稿

仁丘龐 塏雪岬著

元旦

臘氣迎朝變條風入戶  
新占時開鳳曆祈穀祀  
田神綵勝光華屋椒盤  
獻老親天倫多樂趣百  
度祝長春

又

柏酒傳觴日編年紀歲  
正長成憐弟妹壯往惜  
身名物色通春氣炮光  
散曉晴細看天地意未  
覺厭蒼生

有感

翰苑稿卷二

一

首難誰輕發兇謀起  
猊猊妖氛覆馬足軍帖  
走雞翹禍亂開天數  
聲靈仰聖朝應知掃除  
易大將有嫖姚

又

朝來聞警報搔首對  
山城北闕朝廷近南  
荒盜賊橫普天同有  
憤六月尙稱兵何日  
烽烟靜安居過此生

又

木厭群心亂風聲遠  
共招不謀同處處草  
竊竟朝

朝吏罷民無訟時危將轉驕憂來那可寐嘆息起  
淡竹

懷楊宣樓明府

湖南嗟失守阨要在荆州幕井朝爭汲分糧夜唱  
等鄉園驚戰馬歸客海孤舟回首虞丘地烽煙未  
覺愁

送金邵度歸定州

金子悲歌士先朝御史家沾衣談節烈金父城嗣  
甲申當別惜年華山雨添溪漲秋田落豆花新詞  
尤自好吟向故人誇

十月一日

翰苑稿卷二

二

秋光猶在眼念母又冬期白艸墳三尺黃泉路  
九岐傷身知有婦內子邊氏  
墓在側回首定憐兒久病依  
牀席形容異昔時

又

曉起驚時節傷心有淚垂寒衣纔手剪俗以是日  
剪紙爲衣  
焚墓 壠草莫風吹永嘆音容隔空悲歲月移傳言  
泉下婦女好勿須思女邊氏  
所出

懷白河令張賓三

傳道白河縣空城老樹秋荒村無犬吠暮嶺足猿

悲竟日無公事長吟倚署樓張侯有佳句不見寄  
虞上

渡易水

嘆息荆卿去蕭蕭易水秋定知遺恨在不肯向西  
流

西行不果詩以見懷

爲農祈逢年爲商權重費爲工食已力爲士長苦  
饑吾生感匏繫詰屈閱歲時入宅聞交謫俛首坐  
無辭仰見高樹鳥巢密衆雛肥乘朝覓食去薄暮  
啣食歸男子志四方此計未云非

翰苑稿卷二

三

又

我有親故人晉陽任高官數欲往從之畏我衣裳  
單太行山路高滹沱河水寒念此令人瘦徘徊起  
長嘆出亦復長嘆入亦復長嘆側身西向望誰能  
借羽翰

又

出門復入門撫時念遠道道遠風雪長于戈寄于  
藻人生感運數命好天邊好持此決絕去束裝何  
草草

又



老父聞我公悽惻倚竹杖山妻聞我公苦道軀其  
壯弱弟聞我公偕行欲似傷嬌女聞我公牽衣啼  
不放感此傷人心臨騎不能上解裝旋入門家人  
權相向天倫有真樂富厚復何望

懷古七詠

蒙袂士

蒙袂古猶士寸心裁知耻輯履步不前饑餓無與  
比嗟來謝可食約身寧就死君子傷其過小人笑  
其鄙

司馬長卿

翰苑稿卷二

四

長卿真文士持身近無行僕馬炫俗人終始臨邛  
令當壚要王孫託跡在穢淨長楊結主知惜矣消  
渴病

王章

王章昔未達夫妻臥牛衣一朝尹京兆駟馬何巍  
巍志士尙止足達人貴知幾愚哉王仲卿汝忘對  
泣時

朱買臣

買臣貧負薪見棄糟糠婦讀書不悞人果爲會稽  
守故作落莫行磬折見隣叟半綬露腰間相顧始

反走

嵇叔夜

嵇康者養生其論頗亦典才大識不足有生卒未  
免經月或梳頭每日須把盞好釵何足傳惜哉廣  
陵散

嚴子陵

咄咄嚴子陵長年守一灘春釣灘水溫秋釣灘水  
寒士生各有志豈必在高官故人雖天子不能奪  
釣竿

韓王孫

翰苑稿卷二

五

淮陰未入漢乞食延枵餓千金許漂母志氣原自  
大蠢哉兩少年胯下惡相挫不王亦不侯誰當謂  
非儒

偶然作

北地常苦寒稍覺節候遲春分地氣開栽種須及  
時移花傍石砌接樹過別枝四體無乃勞芳菲庶  
可期有時灌溉暇壺觴攜自隨或復歌一曲或復  
飲一卮時事感吾心觸類成新詩題就不指名謂  
我譏刺誰

贈弟璽

靈運得惠連感之夢春草家門有令弟唱和慷慨  
抱軍也余同胞穎慧驚天造七齡解聲韻天籟發  
清瀨九齡能詠吟對月自起藁人動影亦動此語  
頗亦好在昔楊大令宣接先生知汝尤甚早每是一相  
過到汝輒傾倒謂言當有成及茲身未老附咏月詩四  
動影亦動清輝遍山川

鄭城晚眺

春草宜延眺荒城一道斜人煙喧井市生理半魚  
蝦驛路遲生草澤田淺種沙村翁諸故事指點動  
長嗟

又

翰苑稿卷二

六

林樹晚參差春原落日遲牛羊依廢堞廬舍隱疎  
籬艸沒韓嬰墓雲低扁鵲祠古人誰可作俯仰一  
凄其

寫懷

居雖不我所出亦非遠方兩鄉遙相接百里見青  
蒼有書可以讀有酒可以觴人生有離別無爲懷  
苦傷

又

子子遊子身佻佻河之渚親老產業薄不遑寧我

所閉我一室間老如坐寡女憂從何方來繁然無  
頭緒有臂不作蟲有肝不作鼠誰謂天蓋有蒼蒼  
直倚杵

又

晨起梳我頭通髮亂如草而瘦顏色微壯年行枯  
槁嗟余魯鈍人讀書未聞道行役不得休憂思繁  
其抱氣血日相煎華盛焉能保

勸龍詞

老龍跋河河水立雲氣茫茫天地翁雷霆霹靂怒  
相纏洪波倒瀉勢何急淙淙下注連朝昏驚風橫

翰苑稿卷二

七

捲排前軒墻下平屯水三尺屋崩壁塌那堪論吾  
鄉舊是九河道低田太多高田少唯有農夫最愛  
心早愁不雨雨愁潦西南用兵事收復傳聞原墊  
厭人肉村舍荒涼荆棘生轉餉萬里連水陸官府  
嚴限起秋糧公庭日日行敲扑龍兮止此勿更過  
民家性命託新禾淫霖不收田禾沒殺人豈獨兵  
與戈

晚過滋園

幽尋宜勝地松竹抱閒居雨後苔花澁秋溪木葉  
疎村童拾落棗晚飯煮溪魚坐看天上雲流何

太徐

又

葡萄秋引蔓同合胷孤亭月挂稀疎白風翻稠疊  
青凭欄得樹果隔竹辨流螢只有秋蟲苦嚶嚶不  
可聽

咏竹

抽梢千尺競植藥直節偏能耐歲寒斫作釣竿應  
不惜只分渭水與嚴灘

園中兔

有序

園有兔犬入焉駭以爲獵已也遽起欲走觸

翰苑稿卷二

人

犬犬迎而哂殺之犬不仁矣兔亦實以貪鄙  
躁率而速之禍也余心有感而作是詩

有兔不在郊寄蔡園中蔡塾性終難馴見人眼迷  
離食息苟可安卑伏無餘思一朝宋獵來搖尾何  
施施此來非汝求顧盼生危疑志亂氣不收蹶然  
遽起走本擬避搏噬張皇投其口犬牙一似劇摺  
脅斷其肘喋血亂艸間僅能一掉首畏死就死地  
謬誤事信有迅脫果何濟狡名徒自負三窟既不  
營噉噉豈足扭

贈別

嫩綠初歸水新紅復上枝卽今春正好那是別人  
時欸欸臨歧話蕭蕭去馬嘶東西無過雁何以寄  
相思

雨後過南園感賦因寄耿贊思

連朝苦陰雨堅坐屋西頭形神苦拘束轉側增羈  
愁今晨好晴色步出南園遊衆艸揚華滋墊竹頗  
脩脩稍防步趾滑逾覺草亭幽林花爛熳開光氣  
不可收好鳥並坐鳴蜂聲亦相求萬類取自適飛  
閉關百事休念我平生人愁焉懷瘋憂強把一卷  
書心目自相仇中澤有鴻雁悲鳴聲啾啾忍此須  
臾時隴麥會先秋

翰苑稿卷二

九

新晴玩月有感

久雨意不舒斗室聊偃仰今宵好月色信步成孤  
往園荒景更幽天晴光逾上顧此一悠然中情失  
所向

又

雨過氣微涼月色皎然足林鳥各已息稀星粲相  
屬大道本清曠物情起頽促耿耿方寸間觀生得

無欲

又

缺月缺如鉤圓月圓如彈運會感自然高人資達  
觀軒冕可以邀受性安愚賤抱此磴磴節得失亦  
相半

又

雲靜夜天高木月相與永空庭集風聲閉階耿松  
影世情多翻覆榮辱爭俄頃懷哉誰與言獨立發  
溪省

出家

老農世西村不知村東道春雨事耕耘秋風熟梁  
稻塲圃接門前牆下植桑棗隣里情分篤長幼呼  
叔嫂男婦三四人小孫長在抱謂言急紡績今年  
節氣早

遣意三章

盧敖逢若士驕矜語窮觀豈知太沃汜不名地猶  
寬常在冥寥中孰與期汗漫

又

鳳皇豈不栖乃在桐樹枝鳳皇豈不食竹花良所  
宜老鴟據腐鼠何用相嚇爲

又

王衍善名理胸中失曠蕩既已云俗人受侮奚足  
訾炯炯雙目光乃着牛背上



最碧山房詩初集卷三

翰苑稿

任丘麗 壇雪崖著

固關

巉巖望不極入險關金湯箭括雙崖窄蛇盤一徑  
長高灘排雁鶩半嶺下牛羊到此重回首驚心隔  
故鄉

平定州

傍晚投人處高城返照新浮橋通澗水疊石架重  
閣市脯呼如女山雞賽馬神邊開歌調苦遠客欲  
沾巾

登南天門

平定州南山最高峻

萬仞凌空起危峰類削成氣分互嶽壯勢壓太行  
平牛頂過雷雨重巖判晦明何來乘此險回洮旅  
魂驚

壽陽

莽莽萬峰連高城倚漢邊南行通澤潞北向隔幽  
燕酒肆能招客山雞不值錢興來忘逆旅高唱一  
陶然

埜雞尖

太原西北山所歷盡巖岨吁駭埜雞尖其勢尤險

絕巖然塞天地一氣無罅闕玄黃失正色棘澁類

傾鐵三步無正行五步隨拘折突兀怪石形狀

亦各別或如猊獅蹲或如怒猊扶造化逞巧力種

種開猊旁幽恐傷精魂道復臨虎穴縱橫交殘骸

糝糊醜殘血兩僕夾我行色失氣復結歧緣不及

息雙足任蹙蹙凌晨發山足達頂景欲滅四顧見

諸山瑣碎如蟻垤脫險息山家心神猶惺惺回思

登高訓直有魏明哲

虎兒巖

傍晚陟層巖聳拔如壁削精氣束不住奔峭入寥

廓欹石向我赴危石向我落砉砉砉轉側龍蛇驚

盤却拔援如野猿目眩不敢錯道力苦未堅陰夷

異憂樂徑轉巉巖間巍然見石閣在昔爲虎宅蔚

然盛藜藿行者不知戒往往遭吞嚼一夕化人來

于焉託行脚道高伏異類殘毒遂不作亦有虎而

冠肉視諸寡弱憑陵肆其克有甚於彼惡何無大

恣人一一爲束縛歎息自此太風勁衣裳薄

石猴山

行行躋危盤初日蒨晴照遂凌石猴巔得名從所

肖宛如驅萬猿散之滿山嶠俯者如哀啼仰者如

長齋靜者如倦踣跂者如引眺危者如學桂筇者  
如突跳神工運鬼斧刻削竟絕妙傷見石嶠山其  
峰亦奇峭傲然雄峙峙倔強不受調恍如演池會  
吳晉互相譙爭長兩不下援桴欲擊標性癖好幽  
奇危行援荒突日暮忘所歸積望發一笑

丁巳十月一日余在興縣不及祭掃 先慈  
墓始為興懷

雨雪開冬日飄零胡不歸悠悠傷節序悄悄憶  
慈幃宿草經霜折林鳥向暝飛黃泉知更冷夢裏  
問寒衣

贈精一上人

長林葉落暮寒烟景色經秋倍可憐勾得老僧忙  
不了看山纔罷又聽泉

留別尹耕子

日出朔風起驪歌唱欲殘解衣還贈客前路勤加  
飡奔走應吾道冰霜念歲寒低回向岐路重似別  
家難

又

念子原孤立遭逢嘆此時林溪山鬼嘯日落墊豺  
機尹時遭世路生憂患良朋有別離悠悠潯水曲

從此繫相思

潞研齋歌

皓魄銀蟾照萬里白玉仙人語秋水海屋瑤室三  
十六練鋪晴曉儼相似此中日月別有名佛頭紺  
碧粧題字滄州傲吏閒有餘蚤勤政事暮讀書割  
取端溪一片石摩挲珍重如璠璣護持不使纖塵  
汙呼童發篋出滌具盛以楊梅水雪碗濯以張籍  
茶藤露龍女織綃五尺長拂拭絢爛生奇光寶帚  
濃蘸陰康汁五色凌亂奪天章我媿通家託世好  
許生聰前讀近州朗吟一過青霜生隔簾萬仞行

山老

李古爰以淮上所製飴糖滿器見遺

晉邑賢明宰

李時任  
路或令

甘飴知我情盈筐馳雨雪幾

種出江城甜比蔗漿過香陪茗汁清山窓吟倦後  
信美莫能名

老鴟行

舍西槐乾無葉落北風吹樹夜索索何處老鴟來  
上呼雄張巨觜聲音惡主人聞之大駭怪弩牙啣  
矢手自殲不道聲惡惹憎嫌反嗔常情輕錯愕百  
舌有口分明說蒼鷹有爪公然搏晝隱夜現何心

情穩坐高枝馬靈鵲聲言旦夕欲東徙厭此西方  
人情薄賜今賜分吾正告汝世之憎汝實以爾聲  
之不臧好善惡惡固人情之大常苟徙身而不徙  
聲亦何擇乎東方與西方

暫如運城途中有念張少叅再過之約

策馬尋荒徑誰憐不是歸故人重有約前路率無  
違霧盡條峰出天晴塞鴈飛邠瑕何處是回首興  
依依

客中

客中別有適安懷期一遇溪荷布衣歡留作十日

翰苑稿卷三

五

住乃言荒僻區有辱高賢顧酒筵屢見招磐折多  
禮數時時歎息貧苦轉相訴縣小困悉索捉襟  
肘已露倘肯遲行色借端或別措物少儀自多不  
享予何惡去公勿復道城郭生煙霧

道經徐溝有憶伯康先舅

舅氏今何在當年此宦遊傷心滿眼淚不忍問徐  
溝

義棠鎮夜雪

薄暮氣淒淒陰雲壓嶺低春寒生稷雪驛古入山  
路吾道將焉往鄉心只自迷欲眠眠不穩喔喔聽

付雞

將入運城途中書懷

杪秋辭鄉里十旬住并州入春猶不歸汗漫河東  
遊邊地風氣寒霜雪欺散裘心悸溪山行厭聽溪  
水流行行近邠瑕內顧翻百憂交情殊貴賤未審  
卽見投久客處澗轍所願亦易酬嚴限以自迫轉  
念仍悠悠遲速在他人行止詎自由徒美隨陽鳥  
北飛借匹儔

西寺

愛從西寺居不厭西寺靜晚鐘一以發群籟寂靈

翰苑稿卷三

六

境湛湛戶牖間孤燈耿疎影春寒火力微枕席怯  
清冷輾轉不成眠忘言酬夜永側想條山內萬星  
倒中嶺衆鳥各已息深林靜無警爲吾有吾心千  
變起俄頃遂令清淨界憂樂爭馳騁塵勞詎可窮  
心思念自省持此問世尊嘿嘿卽見領

鹽池

運城城南池水性如海濱美利出自然鹽沙於焉  
育在昔虞帝紃來此爲民視惜拊桔槔勤轉水上  
高陸連畦一百里各各滿其腹俄然南風發莖結  
如玉簇就地收一斗可抵穀數斛官商五百家用

車四百軸晉及秦宋間按引嚴私粥歲課十七萬  
輸納無缺扑頭者軍興繁加增踰昔夙公費頭項  
多商力日漸蹙取貸供目前勢同啖身肉物力戒  
無餘後將不可復安上而全下吁嗟勞司牧

登海光樓有懷邊善長

拔地危樓起憑欄發興奇連山青不斷與海碧無  
涯春艸行吟日秋風送駕時念君今不在誰可和  
予詩

久客思家之甚漫擬古體情見乎辭

冉冉天上雲嫋嫋風中柳搖搖遊子心惻惻傷永  
久披榛蒙霜露西陟恒山阜故人眷遠客情款款  
獨厚啖我以肥甘飲我以醇酒客中良足樂終然  
念父母日久望將歸倚閭交白首驅車謝主人  
東向還分手行矣復何需菽水吾自有

又

夕鳥返故林游魚依密藻寄我一室中萬慮縈懷  
抱在家意不慙妄意客中好遊子得良時辭家來  
遠道念與兄弟別亦謂歸當蚤事勢難預期世路  
多顛倒昔來白露濃今來生春艸引領望故鄉中  
懷慙如擣

又

條山朝如藍條山暮如靑朝暮對條山愁懷了不  
見故人念遠客握手殊眷眷三日兩餽食十日五  
高晏口腹養有餘客久合自賤我家瀛海東歷州  
復越縣道路豈不長客心日千轉春風野艸綠晴  
林啼鳥變藜藿應已肥歸與復何羨

遠望

山色中條好煙嵐散晚晴河流隨意折楚草吹愁  
生雲裏虞丘縣林間魏豹城誰憐歸未得遠望一  
含情

平遙五里莊題壁

東風吹煖物華新作客并州又蚤春桑落開罇何  
處酒花巾纏帽此鄉人山桃似錦紅將吐楚艸如  
煙翠欲勻最好歸時歸不得更鞭羸馬問前津

題畫猿

張少參  
家藏

霜老煙深水一涯楓林猿挂喜高枝相看竟日無  
語想待空山月上時

留別張少參

千里恒山道行人隔歲回溪流隨欄折春色入關  
來此際重分手何時共舉盃臨岐無限意欲公復



徘徊

歸次平定道上

風帶薄寒向曉吹青山近眼喜逶迤陰雲出岫知  
將雨野水停舟欲待誰預數行程催去馬遙覘村  
舍趁朝炊歸來恰值春光好不學楊朱泣路岐

天津雜詩

危城臨水岼城下卽河邊竟日聞漁唱沿灘繫米  
船人家多養鴨官渡不爭錢書角譙樓罷千門起  
暮煙

又

翰苑稿卷三

九

傳呼乘曉出飛蓋向前灣監吏權商稅舟人鬧水  
關榜鼓聲逐逐岼拍水潺潺只有輕鷗便沿波任  
往還

又

津門佳麗地彷彿似京師小婦工彈髻高樓沸管  
絲人煙夾巷滿市貨異方奇不耐惟陰雨街頭一  
尺泥

聞孫悅之死哭於京邸

孫同邑人工醫善針灸有起死回生之妙

溽暑蒸蒸裹客裝門前握手笑郎當卽看白髮饒  
強健忍接鄉書報喪亡濁酒空期來輦下素車

誰送到山岡相憑寄語傳諸子莫令人間失禁方

又

六十餘年成底事長將盃酒寄半騷壯心不肯隨  
時折奇症曾經應手消黃土埋身千古恨白雲哭  
友一身遙旅亭人靜傷心處月色松聲共寂寥

又

胸懷鬱鬱恨難平不令時宜孫子荆未免有人忻  
一死定知惟我感重生余患癰將死孫爲余灸  
出血數斗立消真重生也  
骨埋夜壑無歸路月靜柴門息吠聲孫性傲願身  
不理於口  
後莫愁家計窘小兒能讀大兒耕

翰苑稿卷三

十

懷劉長馭秀才

可憐劉長馭遠隔在巴川故國雙垂淚秋風五易  
年群兇終恃險禁旅只虛懸何日重收復生旄異  
域還

又

一自川中變連年未解兵尸填荒礪水鬼哭敗軍  
營總不通消息何由問死生兩行知已淚西向爲  
君傾

又

汝公爲家貧蠶匡隔數春艱難遺一婦老病有雙

親烽火消何日干戈送此人慰懷來信息不取定求真

又

群盜休憑險將軍已築壇設奇饒勝算敢戰有材官道路寧終阻鄉心好自寬朝來報淺入或得返長安

催家中送羊裘

白露秋風冷羊裘此較宜開緘且莫笑五月有人披

到都日久率題見意

翰苑稿卷三

士

幾時離晉國還復入京都家遠思偏切秋淚病未蘓經宵喧點鼠空院下饒鳥擬獻長楊賦還能得幸無

呈李刑曹借書

木葉空庭下荒涼古寺居人情秋易感客悶酒難除壽省含香吏牙籤插架書幸無私枕秘及此慰蕭疎

叢碧山房詩初集卷四

翰苑稿

任丘龐 壇雪岬著

御試日恭紀

曉日臨軒入對初卿雲晴擁玉皇居千條宮柳藏金鑰一葉仙萸展御除時三月一日幸遇好文同漢武却慚作賦比相如忽傳天語驚殊眷聖德齊歌既飽餘即日賜宴

又

體仁閣下玉闌干金殿巍巍正北看日射螭頭光欲動香焚龍鼎篆初盤御題恭接來黃案

翰苑稿卷四

賜食叨傳出大官民事天時開睿慮誦揚惟覺措辭難

寄楊宣樓明府

一自瀟湘去連年少寄書不才叨異數多難想安居烽火新休戰青溪舊釣魚何時京國舍再把子雲裾

送李天生歸養秦中

屢召來京國連章乞故林寧忘側席意難慰倚關心行色看將遠賢聲繼自今聖朝風化重持此報尤深

又

遂初原有志果得脫 朝班 聖主憐純孝詞臣  
返故山晴雲連魏闕秋色滿秦關試問滔滔者何  
人無赧顏

尤孺人曹氏挽詩

展成元配

遠路接鄉信驚心淚暗垂秦嘉留恨句潘岳寫哀  
詞忍憶生離日還爲死別時殊思不共享悽絕有  
餘悲

送舍弟礪西行

淒淒白露降杲杲秋日明寒風變草木游子起長

翰苑稿卷四

二

征此行果何爲千里并州城太行山路高渟沲波  
浪橫牽衣語未盡僕夫促前程眷彼眷令鳥載飛  
復載鳴人生兄弟別岐路若爲情

又

每與朋友別數日餘辛酸况茲同胞親爲心良更  
難昔者同于舍今來羈長安會面雖有時已異晨  
夕歡此行千里外石路驚巉岼披荆蒙霧露霜風  
吹收寒所遇當有合前途勉加食相期早歸來卒  
歲共盤桓

秋晴

久雨堪高臥新晴見鳥飛空庭下水葉日夕掩柴  
扉息意觀今古閒眠少是非謀生原自拙家信近  
來稀

又

漸覺重陽近壺觴事邛非迎霜菊未吐積雨草還  
肥落葉填行跡空庭殘夕暉儒官原事簡吟誦願  
無違

懷舍弟礪階二首

四弟新成長方嬰解賦詩別來常有憶相見擬何  
時友愛關天性文章發秀姿無錢供紙筆慚歎不

翰苑稿卷四

三

能持

又

七弟猶孩弱聰明日見新向來惟傍我別後空懷  
人摹倣臨池慣讀書道字真莫貪嬉戲便小杖惱  
雙親

寄鄭脩來

塞鴈東南翔長林葉撼撼物候感自然時序忽復  
易眷懷同門友京華共晨夕我獻長楊賦君對天  
人策片言結 主知姓名各通籍盡行常並轡夜  
臥每同席一朝東山去棄我如遺鳥古寺風泠泠

枯坐神氣索俯聽促織鳴仰視秋漢白禽飛無羽  
翼修阻誰與適獨吟蒹葭篇離緒悄然結

苦雨

客悶鬱難釋攤書睡思牽皇天何意緒秋雨苦連  
綿入肆高蔬價探囊減俸錢重陽應放菊無興問  
籬邊

又

歷夏嗟無雨經秋雨不時雲愁低作陣風急亂如  
絲坐覺溪耕晚重憐納稼遲仰食多衆口何以慰  
調饑

又

天意誰能問重陰闕不消孤居疑在艇溜水欲成  
潮高臥安余嬾長饑任僕驕柴扉終日掩把酒亦  
無聊

九日登昆盧閣

積雨經時久登臨快眼明人間憐令節天意放新  
晴重碧滋松色疎黃燦菊英峰巒餘爽氣鳥鵲動  
懽聲地接皇居近雲連佛閣平涼秋初易袂酷  
酒旋開罍淡泊安吾道幽偏遠世情忘言適有會  
息念得無生落葉濕難下寒蟬禁不鳴四時隨運

化萬物感衰榮景取當前勝心從物外清龍山迹  
已古何用襲爲名

康熙十七年余歸自太原而從弟均死葬月

餘矣適京師秋邸讀杜詩至不歸一首不禁

泣數行下追痛成詩

三尺孤墳在前期事總非何因致汝疾不及待余  
歸稚子嗟何怙衰親病在幃少陵悲從弟情至已  
沾衣

晚過李公凱張毅文寓

雨後忻相訪應門一笑開直爲憐素友不惜破蒼

翰苑稿卷四

五

苦對菊發清興吟詩許太才同居懷二妙騎馬數  
龍來

孟聿脩約同李用清詰朝相過渭清以雪辭  
余獨往詣孟飲詩以嘲之

李子生平好馳馬萬仞岡頭俯身下道傍觀者爲  
竦神神閒氣暇何瀟灑憶昨孟君曾有期許我同  
過浮瑤卮朝來雪片大如掌冬溫不凍消成泥李  
子有馬朱其鬚銀蹄蹴踏殊輕捷却畏泥滑不敢  
騎昔何勇健今何怯獨行頗喜風塵清主人待客  
歡相迎一一我爲道其故仰天大笑冠絕纓阿大



中郎同入座品竹彈絲相間作人生行樂取及時  
那能閉戶學傲臥

送高子脩宰內鄉

試宰中州地曾聞風土佳商於不入楚桐柏自通  
淮縣僻稀迎送官閒憶輩儕秋來多北鴈書疏慰  
離懷

喜魏鴻衍見過兼詢相君起居

旅舍蕭條客到疎故人重肯問吾廬相逢又值三  
冬寐念別還驚兩載餘絕寒鼓鼙催轉戰中原黎  
庶未安居那教一代經綸手靜掩閒門日著書

叢碧山房詩初集卷五

翰苑稿

任丘龐 塏雪崖著

立春日奉懷 老父

彩仗花旗接建章東郊應令迓清陽衣冠待旦聽  
清漏節序關心望故鄉年大思親情轉切才疎報  
主意空長春盤薦酒宜生菜那得尊前獻一觴

喜聞大軍收復川中

天險終難恃先聲斬劍關投戈填野水窮寇哭空  
山風獵軍旗動雲連甲仗殷將軍須努力直取夜  
郎還

又

自切同仇意爭先向益州比聞開玉壘不假渡金  
牛城上降旗出軍前戰鼓收渠魁今已得無須更  
咸劉

又

聞說巴中地風烟六詔連懸軍出夔道轉戰下樓  
船共負同仇志爭看賈勇前西南萬餘里重關舊  
山川

成都捷後有懷劉長駉

奮勇 王師入欣聞蜀道開有鄉今可望不死尚

能來落日角聲壯空城戰骨堆他時念辛苦泪盡  
有餘哀

聞舍弟重病弟素友愛恐病中益復思予之  
甚寄示此詩

汝病經旬日書來近始知勿寧輕服藥應合得中  
醫遠客休相憶加餐強自持餘寒春尚屬容易犯  
虛羸

又

同氣尤憐汝聰明解賦詩漫陪鴛鴦序遂阻春令  
期抱病聞今夕懷予莫此時稍須清健後相迂到

京師

翰苑稿卷五

送別丁韜汝

小草生道傍崇朝見葳蕤青松看聳壑風霜歲  
時才大合晚成此語良不欺買臣逾五十輟薪守  
會稽公孫年六十起家相形埤曠懷感二子如君  
正未遲況子負天才胸貯萬卷奇努力自奮發  
天子愛文詞一朝策高步珥筆躡崇基所念在三  
春與子相別離別離何足歎後會重有期明年一  
尊酒秋風聽馬嘶

劉師退過訪

小院覺春好幽香晚逾賒君來且莫去沽酒赴藤  
花

送施韓友宰什邡

酒盡看君發還嚙蜀道難山猿啼遠樹峽雨漲  
灘艸沒荒村路烏棲廢井欄傷心兵燹後急爲起  
凋殘

四十一初度

陰深庭樹伴支離靜掩禪關客到遲有酒不堪成  
薄醉非才何幸際清時玉堂消日憑書卷青鏡流  
年改鬢絲四十今朝條已過鄉關咫尺重相思

寄陳萬公

翰苑稿卷五

大雅久淪喪小儒競鴟張臆見橫決裂蕪穢亂厥  
常陳子志復古獨力振頽綱讀書窺姚姒豈徒班  
與楊吐詞根大道如夜見日光少小慕高名時上  
君子堂志氣旣已合膠漆固求腸一朝感離別三  
載阻參商上谷春艸綠盧溝河水長努力自奮發  
相期崇令望

陳其年李渭清公凱以遊刺莓園詩見示余  
方臥疾感而屬和

尋幽無定方出門隨所向徑轉得名園結構頗清

曠山巒非一致老樹多奇狀地僻鳥夏喧春盡花  
猶放吾友二三子夙懷耽幽尚況復有濁膠談言  
雜謔浪城市厭囂塵胸懷此滌蕩卽事還賦詩才  
力各相抗鄙人昧調攝經時抱沉恙假仰一室間  
芥然神弗王勝遊莫與同鬱鬱增惻悵

送張映繡庶常假歸

京國同心少嗟君今復歸有懷誰可共多病世相  
違驛路接芳艸鄉人羨錦衣朝端群望切莫戀故  
山薇

晚過宋升求小飲

翰苑稿卷五

有約忻過訪風雲傍晚來多時徒望雨今日始聞  
雷果薦朱櫻熟樽傾綠蟻開高談興方劇奚子莫  
相催

喜劉長馭獲授鹽亭尹

已幸君身在兼聞奏疏來朝廷初錫命帥府自  
憐才奮威將軍王進寶疏薦萬里蠶叢險多年庾信哀相逢  
今有日愁緒頓爲開

又

只作生還望君恩真日寬幾年悲滯客今日是  
王官白髮親猶健長貧婦莫嘆音書前夕至骨月

喜重完

挽王孺人李母明瑞先  
生元配

黃泉悲往路白首負心期永嘆音容隔空餘總帳  
掛殘燈人靜後嬌女夜啼時莫怪潘生髮朝來有  
二絲

送張梅庵先生出守邵武兼寄淡明廉使

華輿已蓋出天津舟楫南行靜路塵候吏報簽知  
水驛邨巫打鼓賽江神郡中舊有輪焦戶海畔新  
添買犢民此去若逢觀察使相思爲說劇前春

時有赴天津者託爲便致海物數種

翰苑稿卷五

五

米貴長安日清貧范史家不思安口腹還欲買魚  
蝦價賤貧鄉產裝輜有便車預期謀斗酒大醉作  
生涯

施愚山侍講惠敬亭茶賦謝

夙昔患中消喉吻渴欲棘醒少睡常多神氣暗昏  
惑枉惡敬亭茗銀瓶細封飾呼童旋煎嘗素濤翻  
雪色初酌煩熱清甘露灑胸臆再酌天倪和形神  
隱相卽霍然耳目開聰明強志力夙負蒼頭癖此  
品殊未識陽羨寧多讓北苑比亦得宿疾頓若失  
永服矢嘉德

送李吉占赴路安

秋風斜日上河干，閒說壺關八月寒。  
九折行程迷太騎，三年乞米困長安。  
殊方風物悲孤客，薄俗人情賤冷官。  
相送臨歧君莫嘆，於今出處總艱難。

秋夕言懷次耿又樸先生韻

雲樹蒼蒼向夕陰，高軒半掩見栖禽。  
庭花過雨稀疎放，孤客逢秋感慨深。  
城闕千家聞畫角，鄉心一夜怨離琴。  
西風回首蒹葭晚，咫尺空憐未拂砧。

又

清曹無事更相關，除却朝參日日閒。  
客裏重逢黃

翰苑稿卷五

六

葉落秋來初見髮，毛斑寒原鳥下投。  
深樹別院僧歸話，遠山無限塵情消。  
欲盡磬聲遙出亂松間。

寄內

相念何曾置相迎，未有期秋天鴻去。  
後長夜月明時，朝食謀仍急寒衣。  
寄恐遲總饒知汝健，應亦費支持。

懷馮資甫

漳水相依歲頗多，林亭載酒憶經過。  
十年消息悲鴻雁，千里烟波老芰荷。  
南國人來傳臥病，西山葉落愴離歌。  
梧齋好是論文地，愁隔秋風奈遠何。

秋日雜興

白露下庭樹，鴻鴈起南征。  
金風厲秋節，天高氣何清。  
促織鳴暗壁，明月照前楹。  
念我同門友，相憐如弟兄。  
別來已三載，焉能保故情。  
朝遣一書札，緘題縱復橫。  
開緘讀其書，字字見真誠。  
感此三歎息，竟夕不能平。

又

茶蟲生茶中，不知茶葉苦。  
志士守困窮，藜藿誰能吐。  
天寒未授衣，經旬常閉戶。  
惜此秋夜長，曠懷感千古。  
鍾乳毒元載，五鼎烹主父。  
肥甘雖云美，盈滿干天怒。  
四十而無聞于世，竟何取。

翰苑稿卷五

七

又

所思在何處，乃在南山陽。  
上有嘉樹林，下有蘭芳秋。  
蘭芳可採道，遠荆棘長涼。  
風自西來，白露浩茫茫。  
我欲從此去，惜哉沾衣裳。

又

鳥啼春樹綠，蟲鳴秋艸殘。  
時節豈不異，適性獲所安。  
吾慕原于憲，介節人所難。  
藿食何必飽，褐衣常不完。  
寂寂蓬樞下，寸心何餘懽。  
如何結駟客，裘馬炫俗觀。  
寧知貧非病，毋勞代長嘆。



又

牆陰兩柔桑條攸互糾鉅方當三月時其葉實沃  
若美人擢纖手競採出蘭閣一朝隕嚴霜青黃紛  
搖落枯枝不復榮風聲自相索持斧欲剪伐徘徊  
不忍斷來歲無春蠶衣裳將何託

上賜御河鮮藕紀恩

露下芙蓉冷芳根淨不縑蛟宮探出後 金殿賜  
來時退食懷貞節溪心托素絲堦前齊拜受千載  
奉恩私

九日登昆虛閣和李渭清韵

翰苑稿卷五

八

秋日澄霽景千秋散煙霜選勝得佛閣鬱鬱凌穹  
蒼乘輿一登陟四顧神飛揚群山遙相朝回環互  
低昂其氣之所闢歛吸遍八荒沈寥天氣清草木  
淒以黃涼風自西來鴻鴈正南翔人心感遲暮天  
運固其常萬物會歸盡戚迫何所傷

和崔宗五九日見懷

九日天高秋氣清登臨自昔重茲名江山如故年  
華改人世無端感慨生籬下黃花堪命酒客中知  
已倍關情相思此際聞高咏愁對空山月色明

聖駕郊勞

康親王閩中凱旋卽事

回軍駐旆 帝城邊翠葆龍旂下 九天 聖主  
勞師親細柳賢王奏捷下樓船版圖重闢東甌地  
慶賞還歌欽杜篇爲語征西諸將帥好將餘勇向  
黔滇

燕市

我行適燕市風塵向日夕昔者衛荊卿曾此溷形  
跡狗屠及漸離足以盡主客歌哭有深情縱酒鄭  
自適誤結田先生乃發入秦策惜哉公不還此地  
永蕭索

樂毅墓

翰苑稿卷五

九

累然一抔土寄此城南隈云是樂毅墓淒淒沒蒿  
萊方其事昭王主臣無嫌猜故鼎返磨室珍器設  
寧臺下齊七十城厥功何壯哉後主信讒言人智  
任庸才五載經營力一炬田單灰至今泉臺下寂  
寂有餘哀

北平

白艸何茫茫塵沙吹如雨牛羊上廢城埜唱雜樵  
豎在昔李將軍握符守此土草中隱伏石將軍視  
爲虎奮力決一射飲鏃沒其羽乃知精誠至雖堅  
莫能拒石泐名不磨雄風亘千古

題止園雅集圖

良遊勝絕風景似蘭亭一壑藏幽折群公有醉  
醒墊花沿石徑水鳥聚沙汀披對情無極閉庭日  
欲瞑

題汾黃石春山煙雨圖

誰挂春山煙雨景壁間日日吐氤氲雲來似覺窓  
中滿瀑落如從座側聞雜樹青連千嶂出危橋路  
轉一灘分逢人好覓鵝溪緝寄向東山乞法尹

于子先儀部出犧尊行酒酒酣漫爲短歌

君出犧尊飲我酒我爲君賦犧尊篇體製端重清

翰苑稿卷五

十

廟物沈埋近出齊城邊呀腹輪囷如削瘦喙長尾  
細虛連卷篆籀漫滅失年月神光照眼雷文旋或  
者蔡丘既會後鐫器昭告諫象賢嗚呼古人已朽  
存古器人壽豈有金石堅卽時痛飲且流連歲晏  
風光同奔馬諸君志氣何瀟灑摩挲犧尊重自傾  
起視天高明月下

和崔宗五晚過憫忠寺

騎馬過初地松杉一徑通遺踪朝代古晚誦梵音  
同持戒嚴僧律聽經聚鬼雄唐太宗建寺追薦  
征高麗陣亡將士登  
樓禮金像感歎意無窮

同李渭清于子孔心一耿又樸先生顧伊  
在顏澹園李木庵前輩飲慈仁寺

久客多羈愁陶寫託杯酒矧茲歲將晏入座咸良  
友呼童開巨壺對酌浮大斗素心旣已合拘忌于  
何有晚色淨諸天霜鐘微月過推遷萬物  
合速朽卓哉竹林人曠達只可取

翰苑稿卷五

十

叢碧山房詩初集卷六

翰苑稿

人日書懷

任丘龐 堽雪畦著

冀開七葉入新春生榮堆盤細縷勻節物又逢靈  
日會風光偏感異方人家園笑語聯諸弟旅况艱  
難自一身欲卜行藏從季主微官豈合老風塵一

墜馬行戲柬袁杜少

北人禿馬乃本質天雄太史愛輕逸兩人肩輿厭  
拘束東家壯馬借一疋騎來但覺耳生風街塵不  
動掣電疾東華門外大橋頭奔車橫衝馬突軼右

翰苑稿卷六

臂搶地金鞍空乍如駭猿墮危巘太史自倚善盤  
控豈知事變有萬一同人期會不能赴短呻微吟  
廢中櫛高興勃勃不肯已見說西家有嘔膝明  
門外景色好思量借騎還復出男兒快意在馳騁  
一跌之虞寧足恤

代田家喜雨

久旱原土焦嶢然如頑石老牛氣力盡錢鐫自相  
格田家甘餓死何以祿軍國天心愛庶物霽然降  
甘澤陰雲合膚寸膏雨盈一尺遂覺上酥潤草芽  
突欲坼濯濯看堤柳青青起隴麥布穀屋上鳴節

候行已迫及時理農具縱橫開阡陌方春不下種  
濃秋將焉穫勗哉卒歲計筋力寧足惜

孝昭仁孝兩皇后挽章

典禮中宮重靈儀九陌光悠揚隨旒旆哀痛失英  
皇玉匣雙龍護金芝七校將普天懷母德慘  
慘暮雲長

清明耿又朴先生齋中聽雨

小雨經時久淙淙細作聲山禽依密樹宿霧層  
城潑火厨烟濕衝泥蔓草生晚來騎馬太偏喜路  
塵清

翰苑稿卷六

送孔心一觀察之任旬定

飛花落絮滿晴川尊酒離亭悵別筵客公崇山遙  
問俗地連銅柱舊開邊南人只種檳榔樹海司常  
通估客船猶有江山供老眼時時吟眺一悠然

又

生平未識珠哇道異俗遙傳粵尉臺林下酒香柳  
子熟嚴間花紫木綿開朝廷設鎮非無意使者  
安邊自有才最是離情消不得河橋柳色共低回  
上巳日同心一過慈仁寺花下賦詩作別  
使節聞君南入粵文場惜別念吾曹好花喜向良

辰放詩興還因勝地饒蠻雨陰多黎嶺晴燕雲地  
阻薊門高他時有夢應難到莫惜尊前醉濁醪

送吳子歸豐城

毵毵碧柳午風輕季子南行問去程旅邸遺懷宜  
酒伴離筵隔日損春情鳴禽對喚桐花發客棹孤  
撐墊水生翹首天南空極目雲山何處是豐城

咏史

三代行仁義秦人尙首功獨力吞六國志得氣益  
雄銷金與阮儒自謂計謀工功德兼三五矯誣妄  
尊崇一世及二世萬世意未終東發驪山卒西起  
阿房宮築城一萬里延袤如長虹難首揭竿輩運  
歸馬上翁變出意量外遺笑徒無窮

翰苑稿卷六

三

又

沛公由天授豁達無與先斷蛇託老嫗英雄或用  
權瀕身屢及危百敗志愈堅當機決去就洞達如  
流泉天資用爲善湯武可比肩維時佐命人惜無  
伊周賢王造不復作治以雜伯傳

又

范增禿老翁史稱能用奇首倡立楚後將爲歸召  
資興王有本謀寧在誅殺爲王者自不死天定人

豈移鴻門用劍舞智計同小兒老力旣已竭謀忠  
乃見疑疽發彭城道千古使人悲

又

漢上用留侯留侯用漢王君臣互相倚所志各已  
償始終爲韓出心與日月光功成身自退不受疑  
忌傷黃石與赤松託跡甘荒唐

又

陸生性倜儻聰明識事情片言感尉陀受印歸其  
誠紫雲囊中裝千金壯歸程寶劍動諸子往來歷  
公卿平勃一調和諸呂勢潛傾新語二十篇立論  
何其精惜哉百世下徒以有口稱

翰苑稿卷六

四

又

高陽有一士衣冠美大儒趨走詣軍門欲陳天下  
謨沛公延之入長揖坐牀隅高言誇知勇意氣何  
其粗首定陳留策因之入秦都苟取目皮相幾幾  
失酒徒

又

庶官有大小各宜慎所司云何上林令禽獸簿不  
知嗇大語喋喋官之或亦宜釋之持不可其意良  
有爲秦法任刀筆苛刻摘瑕疵過失漸不聞徒爲



文法欺老臣經國計識遠見無涯

又

茂陵起中葉材略雄古今南定昆明池北伐陰山  
陰謀臣策絕域方士談黃金宣房可以塞仙人可  
以尋乃知聰明主受欺尤自潏晚節卒知悔輪臺  
下好音付託得霍光大事果克任

又

益公性剛直奉公安其貧俸錢月數千半給言事  
人用衆見始遠無欲氣益伸矯然豎風節千古猶  
可親

又

夏侯從漢高獨在諸臣先開國豎功勳史冊稱其  
賢一官歷兩朝悠悠數十年信越同日王誅殺亦  
相連蕭何爲相國枉結索微愆位高人所忌物極  
勢必遷超然寵辱外卒以太僕全

過渭清寓兄絳桃將謝石感

客裏風光換袷衣宮槐葉長綠初肥禽來靜院啼  
偏好花到殘春看漸稀白髮驚心人欲老山近  
眼願空違僑居不遠憐君在步履時時問竹扉

送金水蒼宰新安

爲宰分京縣蕭然遠吏情魚蝦盈釜市蒲葦映春  
城地僻逢迎少俗淳案牘清兒童能蕩槳處處有  
歌聲

溪邊

偶向溪邊立還憐桼趣長雨餘梅子熟夏至麥苗  
黃饒婦沿青隴山僧話夕陽向西吟望處雲樹共  
蒼蒼

夏日別居

爲愛城南舍蕭然似遠村經時禽自轉隔院樹交  
青藥裏從人曬柴門避客局憐余懶兼病一枕睡

初醒

又

永日書齋靜端居念此生遭逢憐聖主迂拙愧  
時名淡泊原吾志幽偏遠俗情公餘多逸興種藥  
倚前楹

又

潯暑沾衣濕移牀就夕陰蟬聲依密樹雲氣變遙  
岑一拙從吾好長閒獲素心比隣有崔李風雨亦  
相尋

過瑞上人禪院

老僧偏好事閑地學圃丁解種數株樹新添一院  
青有時親澆水竟日不有經爲指空閒處來春結  
艸亭

送客過鄆橋

偶來爲客過柳塘西暑氣知全薄蟬聲聽不  
齊行人爭奈馬老則自燒畦他日期重到香醪擬  
更携

佳宗三招同李渭清袁杜少遊柳林庵卽事

風塵日日厭輪蹄出郭尋幽一水西山鳥啼多爭  
繞樹泊連雲欲待隨世情信有盃堪把知己難

翰苑稿卷六

七

逢手重攜惆悵晚來騎馬公暮雲垂柳共低迷

女以歸寧來京未久別去天性之愛尤難爲

情

慰意憐晨夕傷心送汝歸相看情慘慘欲去重依  
依長路帶釵弱他鄉骨肉稀念來如夢寐回首一  
沾衣

女行後一夜大雨

震雷中夜發大雨似翻盆路憐嬌女停車何處  
邨愁腸千縷結老淚一簪繁卧病悲渠母開情欲  
斷魂

苦熱

弱居經雨後卑濕氣如蒸蔬食臨盤怯衣冠對客  
憎閒啼無翠鳥欲睡有蒼蠅遙憶北山北京風正  
可乘

送張敬止赴遵化州任

領郡王圻內秋風入境清埜田新刈黍古戍不屯  
兵地是無終國人傳飛將名知君饒逸興重賦前  
門行

又

三輔論形勝茲州託股肱人煙連紫塞王氣出

翰苑稿卷六

八

皇陵近郭常驅虎平原可放鷹使君鞍馬慣射獵

興堪乘

又

萬壑煙霜滿高城暮景斜煮糜充午膳放吏出官  
衙沙碛不生草邊秋尚有花公餘多好句相望寄  
京華

送萬仙期宰容城

容邑風光好層城俯碧波地偏郵騎少吏散水禽  
過晚飯炊菰米邨童唱樵歌公餘遊賞處接畛有  
新荷

勵近公編修送酢醬及海味數種

長貧同范史食淡愧山妻叨贈中厨有分攜小甕  
齊加食陪脫粟美味起黃蘗海物宜尊酒還拚醉  
似泥

秋日瀛臺 賜晏兼資綵幣及菱藕諸物紀

恩三首

別苑秋清草露光瑤臺人晏引駕行 艸丹沿岍

輕輕轉 上命以御船載各官至晏所 仙醴浮尊細細香 丹陛

寵淡容笑語 上傳在晏諸臣笑談無禁 尙方真賜喜衣裳湛

恩浩蕩身難補感頌遙同日月長

翰苑藹卷六

九

鳳閣朱甍向曉開鼓鐘王在在瀛臺西山嵐翠當

筵見太液波光遠殿來湛露無私齊異饌 皇心

有喜勸淡杯 筵中命內大臣勸飲 微臣虛點聲 郊牧刈欲

奏茸泉愧不才

又

晏罷瑤池返照紅樓臺掩映畫圖中嘉魚乍接來

湖岍碧藕重分山貝宮 聖德高深偏有眷臣心

涓滴愧無功橫汾謾道當年盛喜起還應帝舜同

辛酉秋日以 御賜緞帛製衣寄獻 老父

颯颯西風起綠蘋家山遙憶白頭親寒衣未寄逢

秋節官錦初頒到小臣當 陛領來香不斷自  
天題處墨猶新剪刀欲下仍珍重藉手 君恩報  
父身

九日過友人院中看菊陸義山太史許亦蒼  
舍人攜酒至遂與共飲

景色重陽好空庭落葉多疎煙收晚磬小月上寒  
波隣舍看花入同人載酒過偶然成勝會慷慨動  
高歌

次韻酬張九宣見贈

不惜秋光晚還尋菊蕊香入門憐蟄人接坐對疎

篁無計歸田里逢人問艸堂我留君且住沽酒話

斜陽

又

賢達隨時命遭逢事不同君才寧有數吾道未應  
窮遣興憑卮酒逢迎有鉅公莫將流落意悽惻向

江楓

大司馬王晉庭先生招飲怡園

秋淡林葉下風色晚蕭蕭正憶名園好忽逢折簡  
招寒花紅映竹埜水細通橋怪底就高臥 公時東  
家居

山趣自饒

又

青山相倚薄高下似生戍  
楚竹連溪色長林換鳥  
聲移尊添晚興話舊引鄉情  
公原籍任丘却笑公孫子  
虛邀東閣名

又

斜日微風起千峰倒景來  
檻花寒不落山雀暮爭  
回樓迴從人上書奇共客  
開夏淡情未極數勸進  
餘盃

又

帝里園林盛幽偏似此稀  
群山分向背一水護週

翰苑稿卷六

七

圍好景看無盡吾曹醉且  
歸尚書尤愛客重許問  
荆扉

張九宣于盆中累石成山  
晴峰水部見而悅  
之紀以詩索余屬和遂用  
來韻

張子好事開奇觀指爪不  
畏天風寒胸中丘壑妙  
無數手摹心想成峰巒  
渾然似出造化力蓮花五  
老輕堆積石盆方廣不  
盈尺坐對如臨五嶽側長  
安十日大雪飛百丈銀沙  
覆翠壁主人端坐情鬱  
伊尋山有路愁衝泥陡  
然見此還大笑劈筴有興  
重題詩

送賈子才宰筠連

聞說筠連縣孤城近水西  
臘回山果熟日落嶺猿  
啼鄉俗傳巴舞神靈祀  
碧雞頗知公事少取次  
有新題

又

定川折復地南與夜郎隣  
只作三年住休嗟萬里  
身烽烟消戰壘間井有  
居人拄杖宜筇竹歸攜  
奉老親

苦寒短歌

同雲匝地飛雪花先生出  
門上蚤衙馬脊骨高無

翰苑稿卷六

七

氣力鞭笞不動如病蛇朔  
風透體骨欲折十指僵  
直不得結傍見行人披大  
裘擬買來冬敵凜冽貧  
家舉事劇可憐萬事不  
備說明年去年來渾如  
昨仰面大笑看高天

除夕感懷

年光明日又逢春慚愧無  
金寄老親萬事不堪成  
白髮一官何有只長貧  
莫從輦下思遊子好向  
尊前薦五辛幸喜君恩  
還共沐絲綸光接歲華  
新

又



誰家守歲邀親友  
列炬千枝映座紅  
紫酒常筵消臘氣  
銀箏隔夜領春風  
旋垂綵勝光華屋  
乍着新衣喜幼童  
自笑苦吟南里客  
憑添一歲也相同

又

春回臘盡 帝城邊令節  
他鄉倍黯然  
甲子催人增一歲  
長安乞米過三年  
梅花弄蕊垂垂放  
柏葉生香細細傳  
共守今宵拚莫睡  
五更騎馬又朝天

翰苑稿卷六

三

叢碧山房詩初集卷七

翰苑稿

汪丘雁 壇雪岬著

元日 賜百官晏恭紀十二韻

和風宣令節  
旭日麗青陽  
一統興王會  
千秋聖曆光  
聲靈開絕域  
玉帛集窮荒  
雉尾齊宮扇  
金爐散御香  
星辰環寶座  
黼黻正垂裳  
虎拜千官肅  
嵩呼萬歲長  
皇恩偏有慶  
元日共傳觴  
天外雲璈接  
筵前翠幙張  
酒連柏葉氣  
肴帶五辛香  
割肉容方朔  
懷珍許陸郎  
盈庭歌醉飽  
一德洽明良  
聖澤殊無極  
還將晏柏梁

長安元夕

翰苑稿卷七

不禁金吾夜  
閒遊愜衆心  
花燈九市亂  
火樹萬枝侵  
醉客仍呼酒  
佳人有墮簪  
侯家競高會  
歌舞興方深

又

帝里元宵勝  
千門列炬開  
連錢寶馬過  
卷幔鈿車來  
雜戲分場出  
笙歌夾道催  
五更天欲曙  
高興未應回

送格大中丞赴鎮

股肱重郡北河東  
帝簡名賢出禁中  
一水光搖

騶騎動千山晴閃大旗紅 賜衣內殿傳 天語  
露冕前邨見上風莫倚斗棠思召伯只應遺愛與  
公同

又

中朝材望如公少近領名藩 主眷優恒嶽北來  
瞻黛色盧溝南下湧長流漢京形勢尊三輔陶侃  
威權著八州上治無勞惟鎮靜時時緩帶一登樓  
又

襜帷西出 禁城隈騎吹喧喧夾道催幕府威權  
須重望 王圻鎖鑰仗雄材偏裨有戒轅門靜曹

翰苑稿卷七

揅無私鈴閣開問說中丞還問俗桑麻千里喜春  
回

送友之廣陵

東郊花柳合曉日亂啼鶯正是芳菲節難爲離別  
情一盃燕市酒千里廣陵城傷晚愁人處烟雲故  
故生

送于子先提學粵東

越使歸朝後重爲嶺外行驛船通漢口鏡吹下羊  
城雨過灘聲急潮回島勢生虛懷勤採訪或有莫  
言卿

丁穎汝寄示詩集讀之殷然有夙昔之感賦  
此奉懷

承君寄我滄霞州開卷悽然感贈詩只有長愁同  
杜甫何時好士見丁儀十年瀛海悲前會千里江  
州繫遠思吟罷幾回重悵望晚風垂柳一參差  
丁雁水觀察手書問訊賦此却寄

廣寧門外分携處回首年光又一週兩水合流歸  
潁口亂山擁翠出虔州官衙吏散聞高咏驛路書  
來感舊遊剩有離懷消不得暮雲江樹遠生愁

送張秀才歸揚州

翰苑稿卷七

三

扶病朝初出鶯花郊外多送君從此去春水綠如  
何歸橐惟書卷還山長薜蘿懷人應有賦莫擬四  
愁歌

又

送別今何日春風二月天青帘傷舍酒白板下江  
船芳草懷前路長歌惜此筵斜陽分手去再會定  
何年

送宮詹崔夏章先生奉 命祭長白山

截定功成虔祭告名賢奉使不辭難薊門春隔留  
都遠大漠風高出塞寒江合衆流趨海會山連萬

燕見龍蟠千秋 王業鍾祥地典禮還同五嶽看

春日招同李渭清陸義山崔宗五遊桃園卽事

前年此地看花開今年又復看花來春光轉盼成  
今昔一歲看花能幾回陸君好事勇過我兄說看  
花喜無那李君崔君與俱豪攜尊同向花間坐花  
間小屋無門扉千樹萬樹周相圍老鳩屋角喚春  
雨榆莢柳葉烟霏微天壇傍臨園左側碧瓦青松  
多氣色鐘聲斷續遠更聞游絲宛轉晴無力西山  
壓城半壁青晚風吹樹花冥冥坐中盡是同心友  
痛飲何論醉與醒人生樂事隨所取富貴於我復  
何有莫感年華動慨慷且向花前進一斗

寄張淡明方伯

名藩新領南昌郡千里春風彩鷁開四會山川歸  
重地一方財賦仗通材騎過盧阜峰峰轉舟下潯  
陽岼岼回猶有滕王遺閣在題詩誰繼子安才

送江眉瞻守柳州

一麾從此去萬里送行舟舊蹟看銅柱新符領象  
州醺人椰子酒禦膳冰綿裝賴說山川好登臨散  
客愁

又

出守三春暮離筵柳色侵龍城何處是江水向君  
深歲課輸幢布山蠻採鬱金宗元祠尚在瞻拜一  
長吟

送錢宮聲太史假歸

綠槐夾巷早蟬鳴攜手河梁愴故情垂柳青帘燕  
市酒輕帆細雨闌闌城乍辭 帝里風煙隔久別  
鄉山道路生他日題詩何處好胥臺南畔月華明

又

相送臨岐意轉難三年乞米共長安賒來美酒還  
同酌借得奇書許共看木及秋風先憶膾那因多  
病強辭官潞河南接吳江遠一片征蓬下急灘

雷琴篇爲張工部晴峰賦

冰絃條條裏錦綺梧桐漆老三尺水牛毛細縷斷  
成文題識依稀辨雷氏我聞蜀人有雷威取材面  
勢窮精微製成每爲知音賞就中第一傳金徽又  
聞桂府王推官千金買付姜宣彈今之此琴無乃  
是明徵連絡晨星寒玉君好事姜生手張侯燕之  
世未有傾囊購取歸山房焚香坐對如良友余也  
嘗琴人骨髓不達琴音達琴理連朝病熱苦炎蒸

神氣昏昏半欲死安得張侯攜琴來萬壑松聲座中起

寶坻杜相國 溫旨予告賦詩恭送

朝廷雖備官調燮仰三公運會生名世歎起潞河東恭逢我 聖君魚水相合同識以沉靜廣道由無欲充肅穆秉國鈞師濟見和衷指揮靖三孽落  
落如發蒙手挽江河流力追皇古風成功寧久居  
况乃黃髮翁章疏再三上乞此衰暮躬 聖心眷  
往勞 溫旨示優崇 命下勅有司前行具橐弓  
盛世明良會禮遇何其隆塏也南鄙士幸遊門牆  
中魯鈍寡聞道四十心猶童庶幾就鈞陶鑄顏託  
化工一朝東山去冥冥悵飛鴻永言思山斗景仰  
嘆何從

哭陳其年檢討

陰雲慘白日涼風吹戶牖晨起懷感傷驚悼失良  
友之子志業勤讀書窮二酉賦詩見性情摘文工  
儷偶當今著作林蒼然推老手况乃道德身百行  
矢無苟一命初見榮中年尚無後斯人有斯疾天  
道於何有

又

昔余與夫子獻賦謁承明承恩官同日侍從直西  
清退朝並馬出尋幽攜手行往還歷四載相親如  
弟兄我陋慚吾丘君才似長卿幸託無諱朝歌咏  
紀太平文章報 聖主彪炳追西京胡為遭厲疾  
溘焉殞其生九原寧可作崩迫傷吾情

又

陳生古志士堅忍能達道四載官清華半菽常不  
飽瀟灑戶牖間高文發坦抱能令忌者心見之亦  
稱好生平念若人不應常枯槁五十未為衰一死  
何艸草

又

天地若蘧廬人生皆偶寄壽夭古難齊何足為君  
異悲君數尤奇少年不得志將老博一官京華長  
憔悴生死惟一身棺殮誰為備感深馮夫子捐金  
見高誼親戚隔遠方僮僕違靈次傷心非一端欲  
哭反無淚

送汪舟次太史奉 命冊封琉球世子

我 皇撫萬邦 聖德光日月四征討不庭聲教  
訖窮髮此國久奉化修貢歲罔缺 皇心嘉誠順  
冊典責海寓汪子華國材意氣尤勃發 簡命既



有屬王臣詎告勞念子存忠信言笑輕洪濤宵程  
視斗柄遠島列秋毫魚鱗蔽日黑陰火燒波紫靈  
怪非一端恢詭超常理渾茫一氣開天地失源委  
人生矜遊覽此外無巨觀丈夫志異域行矣非所  
難往來改年歲中途變煥寒回首念同人風煙浩  
漫漫贈子以不辱兼之勉加食

哭耿又樸先生

一載淹清署青春隔夜臺才名誰可共時命總堪  
哀長路銘旌去斜陽送客回交情生死盡寂寂寸  
心摧

龍鬚行

有序

翰苑稿卷七

八

李子渭清家居時龍鬚山澤間脫其類鄉人  
拾歸浦取其鬚以遺李子李子異而寶之頃  
于京邸言及贈余二莖索余作詩遂成長句

李子入戶呼奴奴錦匣捧出蒼龍鬚自言昔者逢  
龍鬚下頰逆落空山隅莖莖戟列如蜎刺徑尺玉  
雖失犀利血腥滌盡光芒生把玩時時賞奇異書  
堂半壓楓林青山來神物含精靈每當天陰雷雨  
夕蜿蜒欲動雲冥冥魚蝦有鬚非其伍海舶成束  
出洋賈巨截爲鞭細作簾常材小用何足數君不

見寶劍躍入延津淵又不見竹杖騰躡葛仙蹤異  
物有時幻鱗角一氣變化焉能知感君持贈喜且  
懼緹巾什襲堅收護只防忽作雙龍飛咫尺山窓  
失煙霧

徐步

徐步空階內高林見鳥飛荒年增米價薄宦隔庭  
闌欲乞憐芳艸長愁倚落暉君恩猶未報何得  
遠言歸

奉和益都馮相國萬柳堂留別原韻

繞檻秋聲起綠楊十年憂國髩如霜重開泰運還

翰苑稿卷七

九

當世却引餘年返故鄉庭樹驚看人共老君恩  
回首意偏長此行更喜多殊數宸翰輝煌有贈

章時御製五言  
律二首送別

又

萬壑煙生柳色閒離情如艸密難刪秋風無那還  
傷別尊酒當前且放顏戀闕時時回白首高車  
歷歷繞青山相思好憶題詩處露冷蒹葭水一灣  
送馮相國歸益都

引退功成日君恩幸不違青山鄉路近白髮老臣  
歸出餞傾朝士行裝檢賜衣賢哉疏太傅千載

共光輝

又

祖席光衢巷偏憐相國賢許身惟直道多病乞餘  
年前路回霜鬢離心起暮蟬舊時東閣士把袂共  
潛然

又

久宦歸思切秋聲促駕還人煙莊嶽里樹色穆陵  
關病較他時減身從此日閒風流懷謝傅絲竹在  
東山

又

翰苑稿卷七

歸路歲時晚園林白露凝賜衣趨故第餘像施隣  
僧老樹秋堪倚鄉山近可登十年居政府辛苦事  
晨興

送翁君赴開封任

浚秋還送別風土憶中州樹果經霜變長河繞郭  
流郡民趨墨幘健卒裹青鞵坐見村郊靜行人有  
夜謳

送官詹王 先生假歸黃州

夫子三楚秀文雅振風騷策名及清時正色立當  
朝簡命託保儲秋漢揚高標才爲時世資用以

達識超殷然感導鮪促駕歸山椒送者咸嘆息落  
木聲蕭蕭千秋呼廣受資風庶可招

又

曩者甲寅歲秉衡山京師虛心鑑衆材獎進如恐  
遺墮也愚魯士蓬茅辱見知數載依清華深情見  
解推謂得永附託綢繆相追隨朝來命舟楫言歸  
楚水滄道遠山川長後會安可知願因雙黃鵠千  
里寄相思

又

翰苑稿卷七

湘水何沉沉荆山復磊磊故園戎馬後烽烟遺殘  
壘艸堂幸無恙松菊環相對遠客喜初歸耆舊幾  
人在一卷當北牕遐心寄千載秋風澗芷清餘芳  
猶堪采

又

秋士常苦悲况感別離情強持一盃酒日暮聊同  
傾寒林葉撼撼涼蟬寂無聲嚴駕越山川夢路誰  
能明夫子經濟材盈庭風所稱主上重儒術謀  
國藉老成勿就丘壑趣行矣念蒼生

張晴峰招同張子大李渭清聽楊翁彈琴

秋空淡白日落葉颯寒林張侯有佳興置酒相招

尋中座來幽客能爲太古音初彈水仙操再彈蒼  
龍吟恬淡移我情寂歷脫塵俗憶昔壬子歲風塵  
走碌碌相逢寓上人曾爲彈此曲高晏集良友頗  
不傷拘促回首踰十載各在一天涯長安非我鄉  
聚散誰能期知己不易得况對菊花枝努力盡清  
懽餘音焉可追

九月同渭清過萬柳堂得庚字

孤樹易搖落遊子多羈情京華淹薄宦節候悵屢  
更重陽風日佳結伴聊閒行名園延野色地偏心  
跡清峰巒勢回合澗水抱空明秋光在高柳蕭蕭  
暮作聲芳艸亦已歇離菊吐寒英風霜變時物造  
化勞我生百年能幾何苦爲俗務撓放懷及良時  
願與知己并茱萸斯在眼濁酒聊同傾

送舍弟璽歸里

半載京華佳論文念汝才正當飛雪候惜送艸堂  
回翠色交寒竹花香綻蚤梅天寒朝日短一卷夜  
須開

又

夜臥何曾寐關心問曉寒歲時貧病苦兄弟別離  
難雨雪悲途遠衣裳念汝單無金寄歸囊分手一

長漢

又

堂前拜別後五載滯金臺淚爲思鄉盡心因送弟  
摧玄陰逼歲暮白髮畏春催子舍饒歡慶平安數  
寄來

渭清席上贈張杞園

瑯琊李子與余善比隣日日常相見雄談滾滾座  
生風細論人物誇鄉彥十則九說杞園才太山百  
丈爭崔嵬使我神往陽丘道東裝不到黃金臺十  
月渾河凍欲裂訪戴忽踏燕山雪趨陪不待書簡

翰苑稿卷七

七

招疾走寧防屐齒折風流文雅何翩翩博物驚逢  
張茂先當今 皇帝戊午歲 詔下遍採山林賢  
維時杞園方讀禮徵書十道來鄉里麻衣不忍脫  
朝天坐令珥筆失奇士人生得失何重嗟一尊幸  
共開天涯丈夫意氣感知已眼前况有寒菊花老  
槐叫風鳥啞啞東方漸高明月下餘興未盡且歸  
來明日相約過茅舍

奉答施愚山有贈

遠訪城西舍高軒憶昔時淹留移白日相贈有新  
詩孝友慚前哲漁樵負夙期論文肯重過尊酒尚

堪持

題鄭季寬小像

百尺梧桐月影疎焚香掃石坐來初小山一曲聞  
招隱湖海元龍氣已除

又

坐聽鳴琴夜色新青山明月照閒身他年會著荷  
衣去谷口還尋鄭子真

送張晴峰提學浙中

張公性沉默胸懷照秋水一官羈鄧署紛絲見條  
理有時抱孤琴清音發妙指白余挂通籍風雨依

翰苑稿卷七

之子豈伊桑梓情淡心託知己一朝奉簡命嚴

駕涉江汜會合安可常各言保素履日暮上河干  
執手情難已思子若黃鵠一舉數千里

又

遠道從此別將發惜汝賢會計獨賢勞辛苦踰歲  
年以茲邀功敘豈曰非通權爲心恥苟得執義何  
其堅主上幸察識何必在超遷遇合信所遭此  
行實偶然春風秀蘭芷采采大江邊

又

越中饒名勝不獨山陰道輜軒逾周行所歷堪幽

討努力採秋實春華寧足寶世路多翻覆男兒重  
懷抱依依岐路側去住憐夙好歲晏此何時取別  
傷草草

又

歲事行將盡遲暮傷我情古來賢達人世往留高  
名及時立德業踟躕畏友生同心忽異地得失誰  
爲明臨岐一尊酒相對不能傾簡書既有屬  
王事亦有程撚指三年間待子返京城川路積風  
烟悠悠感旆旌行矣忽復嘆吾道在堅貞

翰苑稿卷七

七



叢碧山房詩初集卷八

翰苑稿

任丘龐 增雪岬著

送袁杜少編修省親歸東明

追隨幾載念同僚 帝里風光二月饒  
攜酒每尋青石寺穿花共趁 紫宸朝  
趨庭計日依萱州送客逢春惜柳條  
我亦懷歸歸未得謾勞詩句咏招招

又

紀甃垂柳碧初勻千里歸途景色新  
峴口水清漳水綠城邊草長榛  
園春板輿已遂潘生願沽酒還過孟氏  
降回首應憐同舍客空騎羸馬傷風塵

寓中置酒招李分虎兼懷同學諸子

慈仁寺裏相逢日日題詩□□□  
戎馬傷心千里外別離人老十年中  
狂歌事往知難再尊酒朝來喜暫同  
尚憶追陪群彥在雲飛雨散各西東

寄王益也

啼鳥聲聲急林花處處新  
長愁捩縱酒將老畏逢春  
風雨懷前會江山隔故人  
相思看寄札三歲字猶真

又

獨坐悲時節飛花漸欲疎  
相憐非少壯那得久離居  
遠夢千山外浮生百病餘  
江湖春水濶南向正愁予

寄丁雁水觀察

青春忽欲暮愁思滿垂楊  
念我平生懽遠宦在潯陽  
潯陽江水濶欲濟無津梁  
朝持一盃酒日暮猶盈觴  
俯見淵魚遊仰觀飛鳥翔  
人生異鹿豕離合固其常  
思君若爾石亦矣保堅芳

又

起坐一室內憂來渺無端  
哲人希今尚夙心良所懽  
一朝建節去三載憶長安  
頓江不可極道遠阻波瀾  
朝望林花發暮望林花殘  
相憶朝復暮都意何由寬

又

愁人畏落日寂寂下孤幃  
千里感精誠夢寐見光儀  
拳然執素手情欵前相持  
入既不復言出又不復辭  
別君踰年歲積思何由披  
起視參與商東西各自馳  
人生有離別此意良足推

寄丁韜汝

遠望情何極浮雲竟日陰  
別離人欲老時序病相侵

侵山憶茅峰勝江連贛口溪謝家兄弟好春州正堪吟

春日有懷淡明方伯

苦憶南昌張牧伯題詩欲寄轉淒然烟波地隔三千里故舊情淡十二年世路傷心時聚散春風過眼各山川何緣得挂輕帆去同醉蘊峰瀑布前

又

柳暗花明春復過風烟遙阻洞庭波亦知別後常相憶欲往從之奈遠何轉餉鄴侯功不細著書司馬病原多天南雁盡無消息回首青山長薜蘿

翰苑稿卷八

三

王翁又于白傷衰老不獲見余願得余詩以

自慰爲賦此詩

乙巳與君別丁未再相見自此兩茫茫東西隔鄉縣憶昔同巷居素心託淡春君時年六十鬢髮尚未變得酒呼共酌看花過別院清談或永夕精神不覺倦卽今踰七十筋力猶強健向來惟好靜近復絕愛戀清齋坐一室交親希見面內經手自抄字畫細如綫京華逢令弟言君頗平善獨有區區情念余日千轉余茲感沈繫風塵疎親串朝見春草芳暮聽流鶯轉思君若瓊樹西望徒凝盼君謬

好我詩千里寄純扇感君爲君吟揮毫淚如霰人生會合難歲月驚流電已矣夫何言勉強加食飯

李渭清招同李諫臣前輩高阮懷袁杜少遊

柳林馬氏山莊

近郭園開徑不斜竹籬茅屋自成家中林客到聞啼鳥溪院人閒掃落花盃酒偏宜臨水面風塵真覺負年華可憐四座皆知已一曲高歌興轉除

又

地僻林深引興狂飛花片片送餘香護隄垂柳千絲直繞郭青山一帶長臨水有時驚鬢髮當盃未

翰苑稿卷八

四

許說家鄉殷勤好記橫津路乘興還期渡石梁

秘魔巖

層岷薄日月蒼翠無定姿下臨不測淵上有萬年枝歇馬山門外望古懷盧師龍子化沙門其事頗經奇愛此林巒勝開山治茅茨君王或臨幸萬乘揚旌旗鬱鬱多氣色猗與彼一時我來日欲暮空房鳥雀悲潭水既已涸苔蘚蝕殘碑一二老病僧挑青供晨炊陵谷勢未變運會倏已移循環有定理結嘆方在茲

登百尺樓

層樓四望俯群峰十丈丹梯結構重遠嶺風烟連  
浩蕩病身登陟失從容鶴歸別岫投孤樹僧放中  
食聽午鐘湖海年來豪氣盡幾回高卧愧元龍

寶珠洞

一塵飛不到十載閉禪關  
樹隨高下幽禽任往還  
石堂開晚磬鬼火度荒山  
欲問藤蘿外諸天杳  
竄問

又

古洞何年鑿僧來試定心  
佛幢燈影動石榻坐痕  
深徑澁人稀到林幽日易沉  
相傳十里外遙聽木

翰苑稿卷八

五

魚音

又

千山啣落日一徑入雲斜  
遊客扳藤蔓山僧飯樹

花山有樹開黃花土人怪松穿石壁歸鳥過殘霞  
呼為色花晒乾可食

正好修行地誰能便捨家

來青軒

憑高遙縱日晚景更依依  
萬壑生嵐翠千峰下夕  
暉林開蒼隼入潭響毒龍歸  
東向瞻城闕鬱蔥映  
紫微

龍湫

碧甃依臺殿波潏極洞冥  
鶴飛朝避客龍出夜聽  
經秋樹遙同響山光欲並青  
怪來雲氣繞宸翰  
在高亭亭有筆題額御

晚經翠微山不得上

群山看不盡晚色翠微新  
樹客聲如雨峰孤望似  
人坐田間雉雉荒塚起青  
燐昏黑驚徒侶招呼何  
太頻

以詩代書寄楊宜樓明府

楚天歸後音問疎干戈滿地傷離居  
邇來太平開道路一月兩接當陽書  
書中苦道別來久歷數姓

翰苑稿卷八

六

字問諸友讀罷低回憶往年日日東園共尊酒深

源興起將長鬚殷懣太白醉態真狂奴李性孝先

有腹不解飲邊四時聞高唱聲鳴鳴劉尹風流終

自若塏也蒼頭癖不惡城闕不愁曉角催高天寧

問晨星落此時意氣同歡娛此時懷抱無嗟吁專

鱸一夕秋風起山河頓隔黃公壚李大頭白殷四

死門掩蓬蒿困邊子眼底無復故時人空對燕山

怨楚水燕山楚水何逶迤強從薄宦淹京師日食

大官三升米意興蕭索非昔時我昔送君君髮白

別後十年增間隔不知筋力近如何老腳可能踏

山屐感君意爲君吟望而不見傷余心何由一葉  
浮湘水堆藍山好共登臨

夏日李高陽相國招同彭美門周雅楫兩太  
史彭椒畚進士飲宜園

暇日逢休沐名園引興初相招煩折簡趨走到前  
除石竹侵階長新荷出水疎林亭幽絕處真欲似  
山居

又

地僻宜長夏時清執政閒棋邀故客酌酒對青  
山水動知魚戲林昏見鳥還移時承善誨心醉此

追攀

翰苑稿卷八

七

又

未識東山勝今看林壑殊疎風斜岼柳倒景媚庭  
蕪醒酒凭奇石乘涼倚碧梧頽然去冠帶丞相恕  
狂奴

寓中與邊宜公話舊

暑天空露坐舊事與君論年甲還同相

邊與余  
同庚辰家

居近對門別離驚歲月供給愧盤飧何日歸山舍  
相更抱弱孫

送方渭仁典試川中

高林葉下蚤涼初萬里風煙閒使車王事有程懷  
往路同人分手悵離居山川再開巖叢險人物新  
登太史書爲訪當年文似者玄亭日暮一蕭疎

秋日有懷吳廬先生

向夕涼風起秋聲滿寥廓白露塗長林木葉紛隕  
穽蟋蟀鳴荒除蟪蛄挂虛閣時節感人心披衣出  
幃幙天宇清且高河漢流寂寞瞻懷王夫子大雅  
今復作清心得無欲觀理入冥漠道德在一身進  
退何綽綽軒冕豈不榮逸情放丘壑別離隔秋風  
笑言感今昨嘆息上金臺南向望衡霍我欲往從  
之靈池共洗藥漢廣不可方雲山紆回薄幸保青  
松姿貞心庶可託

翰苑稿卷八

八

李渭清齋中見佛手柑賦贈

病卧忽經旬秋至未相識晨朝憶李侯步履出巷  
北入室見黃柑淑離感胸臆香風滿一剎拳然誰  
雕飾睠茲江南珍流賞來京國王盤貯素體黃金  
奉顏色美人日暮來慇懃重拂拭願言託良友作  
頌表嘉德一讀再三嘆高言佩典則靈修倘不化  
其君爲羽翼

哭施愚山侍讀



施公見道人入世能持後宦遊何必達素心常自  
守窮年惟著書小心日求友才廣理自周言訥行  
無苟梁木萎先秋愁遺傷一叟天道信難知高名  
當不朽

又

裴君遊宛洛余獨無贈詩感君歸相責私心許後  
時談言猶在耳死生路已岐昔別有歸日今別無  
見期寧忍三秋夜爲君賦哀辭

又

大雅日淪沒百家逞臆鳴捐彼蘭芷芳保茲蕭艾  
榮砥柱中流問斯人實老成朝來聞喪逝泣下沾  
長纓已矣吾道衰寧獨酒壚情

懷錢宮聲

秋空吐陰氣西風扇微涼高林葉已下何州色不  
黃愁人失寧處嘆息上高岡莎雞振雙羽淒切應  
清商鴻雁戒晨征肅肅東南翔我欲從之去蒹葭  
水一方伊人在中沚攜手願同行吐氣若芳蘭發  
言自成章不念別來久惟愁道路長沽酒不能醉  
愁焉懷永傷

寄趙旦復

孤雲隨飄風吹落東南隅東南信佳麗終憐非故  
都夙昔念之子悲歌厭拘儒狂言或驚衆執義終  
不渝清時厄壯士奔走辱泥塗荊州滯王粲吳門  
困子胥賢傑昔未達往往傷崎嶇一朝得先路勢  
與風雲俱蜚蜩通宵鳴白露下庭蕪遇合自有時  
蓄德爲令圖無爲抱空愁坐視年運徂

讀王珣湖悼亡詩

虛庭集秋氣向夕動涼颼寒蟬抱枯樹促織鳴荒  
扉高燈照靜壁披君悼亡詩悽惻傷遺挂彷彿痛  
屏幃嫁衣色未變玉鏡光已移朱紱中調折蘭葉  
先秋萎已慘讀者心深知作者悲通家泰世好在  
日間淑懿天道苟不延何以彰報施感此再三歎  
理數信難窺

送尤展成太史旋里

同調京華客漸稀西風又送一人歸忍看秋草臨  
岐路且把殘尊對落暉滄海期遙那可定鄉園計  
晚未全非到時握手逢錢起時宮聲家居說我相思已  
掩屏

代人挽婦

白日照庭砌俛仰情何悲夙昔同衾人音容與我

蓬入室撫故物淚下不可揮九原浩茫陰慘無  
朝曦平生未出戶此太悵何之鬼伯橫催促展轉  
不少遲白楊覆孤塚入夜陰風吹不見親與戚但  
對狐與狸回首望家鄉有路不能歸故衣爲誰著  
殘膏爲誰施腹悲窮泉下千秋無盡期

重陽後一日消清席上送陳子萬宰安平

李子設晏陳君來北隣麗子趨相陪主人瀟灑多  
逸興繞屋黃花相映開可憐秋色盈戶牖尊中剩  
有重陽酒老槐葉落秋月明大盃小盃各在手人  
生會合由來難好景當前胡不懼陳子風流新作

翰苑稿卷八

七

宰官書有限辭長安博陵故地殊不惡五里山城  
七里郭元龍意氣自當年太丘治譜傳家學懷中  
長劍初發側萬仞欲截恒山青官舍有時思故友  
攜酒還登廣望亭

送張兵曹推稅北新兼寄晴峰學使

奉使出京國車輿倚道周送君還入越前路況逢  
秋樹色風篁嶺濤聲鎮海樓茂先官舍近相對免  
鄉愁

送邊善長赴汝寧

涼風西北至鳴雁東南飛正當搖落候同心與我

違昔山瀟水曲今越漳河湄相去日益遠後會誰  
能期嚴霜塗廣堦白日忽西馳畏聞鷓鴣鳴驚看  
秋草衰君子恥無聞進德當及時寸心旣已合在  
遠情豈移寒烟闕千里軒車去何遲豈無一尊酒  
遙遙難共持勉從所務聊以慰相思

官橋曉月

殘月沈沈浸冷陂平橋柳影共離離行人莫向欄  
邊立正是深閨夢斷時

東郊春樹

二月城東春草綠桃紅李白共開花短牆低繞何

翰苑稿卷八

七

人宅疑是杜陵埜老家

同周雅樞晚過朱錫鬯

禁城秋晚見雀鬼有約相尋並馬來供奉承恩依  
大內君王賜第傍瀛臺留歡卜夜重移席勸飲  
添燈數舉盃徧問同人說間濶寒林殘月一徘徊

同家錦里兄過孫澹軒國公

有約期過訪連鑣命駕初將軍容母客看勝出中  
厨菊老花猶吐林寒葉欲疎空憐苑園舊作賦愧  
相如

又

淮南原好道負性喜厭疎靜隱烏皮几時看鴻寶  
書客來留小酌鳥下啄閉除憂愛新詩好狂吟日  
欲徂

喜顧景園過訪

北風吹雪小寒初門外驚聞駐客車一笑復呼傷  
舍酒十年久絕渡江書烟霜路遠情偏切文字官  
閒興有餘倚寓東西知不遠時時相過慰蕭疎

寓中同顧子話舊

長安攜手憶萍踪日過慈仁看古松興到便題僧  
院壁狂來數喚酒家傭花間駐馬傷初別雪裏披

翰苑稿卷八

圭

裴喜再逢十載燈前談往事交遊冷盡愧疎慵

病中感懷

南陸陽回氣候新梅花弄蕊報先春詩篇漫興仍  
多事病臥經旬患有身生死直應隨定命琴書未  
審付何人竹籬自擁消殘火雙鬢愁看半似銀

又

南天回首憶親幃鶴髮蕭蕭近古稀新歲將開增  
喜懼深恩未報重依違投林鳥下翻殘雪乞米童  
歸典敝衣巷鼓衙歌驚節候從來好事說京畿

又

性懶官閒喜自如閉門高枕遂安居不著休  
通客故舊長懷少寄書夕磬因風來遠寺饑禽帶  
雪下空除香鑪茗碗從吾好過眼浮雲事事疎

又

殘冬風景苦淒淒日出牆東鳥乍啼併似入懷懽  
弱弟米鹽計口累荆妻病身有愧持微祿羸馬何  
時閒舊谿萬慮倚橋虛悵望寒烟平楚正低迷

又

長安近接鄧州城驛路南還三日程舊病閒愁終  
不斷白雲芳艸各懸情養生實愧嵇康論問卜虛

翰苑稿卷八

圭

傳季主名來對寒梅憐歲暮經春畏有白髭生

又

身羸病久畏風寒小榻爐存火力殘十載歸期常  
有念五更愁緒起無端加餐最厭妻孥勸計拙重  
嗟去住難日晷漸長春漸近陽和虛擬旅愁寬

又

寒裏羊裘苦不勝殘年急景悵飛騰兒童打鼓有  
何意暉雀爭枝殊可憎遠路裁書憐故友連朝送  
藥感山僧室中日日鄉思滿幾欲抽簪媿未能

又

秋去冬殘行復春無端一豎苦相侵半旬已過絕  
朝食一死何難戀老親禦臘衣單憐歲暮供餐味  
薄念家貧憂心切切終難解王樂優游恐未真

又

羽騎分屯比舍居年來生計總蕭疎艸萊欲墾無  
關土風雨懷歸有敝廬遲暮新添潘岳髮平安近  
接女妻書微官羈絆同胞阻莫怪申申獨置予

馮方寅過訪兼投新句病中失接待用酬元韻

病餘翻怪此身存窮巷寥寥畫掩門茅舍雪深空

翰苑稿卷八

五

伏枕故人日暮枉亭軒離思已結過三歲濁酒寧  
辭倒一尊幸喜官閒還共署春來文字正堪論

叢碧山房詩初集卷九

翰苑稿

任丘龐 塏雪崖著

除夕恭懷 祖母李太孺人

顧復周三世慈儀覆一門含飴思往日抱我興諸  
孫華髮重添歲加於屢寄言六年期漸近京官六  
年詩歸  
省余已願乞侍晨昏  
歷四年

十二月十九日 家君初度是日立春

朝來思 老父前月刊長安筋力喜仍健征途未  
覺難鍾情常念疾慰意強加餐獻壽今年酒迎春  
有菜盤

翰苑稿卷九

恭懷 老母王孺人

歲事又將盡旋歸未有期寧知望雲際不是倚閭  
時雨雪增多病劬勞負大慈那貪五斗米容易別  
庭闈

十一月二十八日 先母邊孺人忌辰感賦

白首還思母 皇恩虛逮身以蒙 聖  
恩追贈至今悲早

世寧忍憶生辰在日憐兒女終天念苦辛長安從  
未識夜夢恐非真

又

最是傷心日悲深氣不蘇音容猶在眼生死久分



途故國松楸遠京華歲月徂几筵空一奠知到九  
泉無

有懷家伯字聖初邑庠生

七十吾家伯高風冀缺齊梳頭垂素髮供食只黃  
齏眼暗書休把身輕杖屨攜北堂時定省來往縣  
城西

有懷家叔兼寄休米叔字元錫邑庠生近患瘧症

歲晚傷貧病大寒雨雪助衰年依老母失學任  
諸兒愁眼南中盡鄉書北上遲官寒愧猶子減米  
慰長饑

懷家姑

阿姑視阿父枝葉出同根結髮歸邢氏移家傍  
鹿門時住龐家營即余里也憐兒還及姪有子近添孫故國  
因饑饉焦勞忍具論

又

天性阿姑切持家力獨強遠離年屢改近日髮應  
蒼棲怡依先境艱難事北堂姑事孀姑以孝聞憐余情最  
篤寄訊川十行

懷家姊

伯姊今何處柴門流水前別離悲老大嬉戲憶童

年男長添新口三甥皆娶婦生子家貧賣薄田常愁身未  
健日用費周旋

又

高堂昔未背憐女勝諸兒每憶連枝好還增陟屺  
悲秋收今歲薄病體向來羸地下應愁思無由慰  
解推

懷弟璣

年甲還相近吾衰汝壯夫一官仍落寞十畝足權  
娛祇合安儒素還應謝博徒思兄來日下未信倦  
長途

弟璣夏前舉于再賦見懷

四十憐吾弟今年始抱兒那應計門戶直喜廣宗  
支綉襪諸姑巧含情大母慈無言想啼笑南向  
欲神馳

懷舍弟璽

四弟別何日相思歲暮時家中能孝友眾裏寡言  
辭苦學憐渠弱裁書怪我遲比來搜腸疾常恐老  
親知

弟璿索余作詩戲贈二律

幼弟十齡外依然童稚嬌偶與還向壁含顰不分

宵避客關蓬戶隨人上市橋聰明解文字命意喜能超

又

久離惟乍見行坐手相攜夜卧常同被朝食每對匙關心時問疾索贈強題詩瞥見出門去丁寧預作期

懷兩妹

兩妹別來久齊眉憶笑頻憐予羈薄宦仗汝慰慈親問訊頻傳語懷思定掩巾無金寄叙申應恕阿兄貧

翰苑稿卷九

追憶從弟均

友愛超諸從三年痛失羣淒風回迸泪宿草沒荒墳少婦能持節第室柴氏孤兒解屬文九原相憶否腸斷倚斜暉

示甥時兩從弟

叔父衰兼病齊眉汝並長小心供藥餌適體謹衣裳門有追呼吏家無儋石糧思兄念孤子相好勿相傷

憶女

京詞牽衣別女辛酉來京於今又幾時汝孤嗟失

母女遺稿吾老倍憐兒一病惟增劇茲生似有涯平安伴自寫不忍令果却

又

臘近寒逾苦愁多病轉加關心惟弱息垂死念無家望極忽如見悲深只自嗟聰明翻恨汝癡子傍天涯

示錫兒

久卧憐吾病焦勞見汝心應時供藥餌不寢聽呻吟性命皇天在年華白髮侵茲生知有託慰藉一何深

翰苑稿卷九

示從姪錫

小子生多難身孤糧祿中千辛依寡母多病感衰翁問業偏能苦長饑且固窮皇天寧負汝努力在成童

叢碧山房詩初集卷十

翰苑稿

任丘龐 塏雪崖著

穀口同彭美門丘季貞李公凱馮方寅飲酒

清寓中

九市輪蹄颺細塵病回十日見新春莫辭盃酒酬  
良夜且喜餘生對故人世路升沈那可定燈前談  
笑轉相親長安信美非吾土不待分攜已怆神

送王性常罕南平

河橋酒盡解輕舟萬里乘風喜順流江浪平時過  
浙口嶺雲斷處見鍾州飲水自擬酬明主束帶無

翰苑稿卷十

妨謁督郵山木蒼蒼官舍晚懷人惟有一登樓

又

童稚相依情最親天南萬里念風塵斜陽客去空  
燕市半夜龍吟出劍津浪息海門收戰鼓草生戍  
臺有耕民爲君酌酒君須醉忍見河橋柳色新

送春日集張雲子齋中得風字

飛花落絮滿晴窗九十春歸悵晚風草色空傷南  
浦外鶯聲欲斷夕陽中尊前把酒憐將老愁裏題  
詩愧未工莫撫清琴操別鶴感時懷土正無窮

和渭清豐臺卽事韻

尋幽憐勝友沽酒趁山翁夾岸垂楊綠交畦芍藥  
紅詩無金谷罰人有竹林風余亦懷高興良遊竟  
莫同

又

未覩豐臺勝聞君醉獨吟看花忘路遠爲客恨年  
深蝶戲低繁草樵歌晚出林何時重有約並馬問  
荒岑

豐臺歸過柳林庵

看花興不盡歸路問垂楊宿鳥投深樹新荷亂野  
塘馬驕行更嬾沙軟醉無妨亦是曾遊處題詩憶

翰苑稿卷十

石梁

荅采章弟有贈兼寄汾陽令式洪兄

吾宗自昔多名彥文雅風流更數君春草關情還  
入夢清宵沽酒好論文嶺南回首鄉山隔冀北驚  
心雁影分此去士元如問訊相思爲說滿河汾

懷李性符內舅

李以門生得官不就別業  
日東園栽花暮藥詩酒自娛

舊有東園約書來怨不歸那堪人共老還與願相  
違淫雨愁今夕青山悟昨非移文休便勒吾擬返  
柴扉

又

種藥安垂老看花過永朝百年渾旦暮十畝且逍遙  
阮籍惟耽酒陶潛畏折腰舊時幽徑在相訪負  
前要

送王仲昭歸越中和渭清韻

多病他鄉久愁中羨客還棹舟向遠水採藥人名  
山澹泊安吾道風塵變旅顏何時歸計就余亦有  
柴關

又

聞道還期近重憐別路遙亂蟬喧雜樹孤艇帶歸  
潮黃菊留寒艷山松耐後凋興來呼斗酒談笑狎

漁樵

輪苑稿卷十

三

長安雜興效竹枝體

靈祐宮前騎似麻春燈簇簇闌繁華塗紅抹綠渾  
閒事時樣偏宜出米家

又

白雲觀與禁城連燕九人多曲巷填看盡喬粧  
諸道士不知若個是真仙

又

草色如烟柳似絲他鄉寒食不勝悲兒童競放飛  
鳶起仔細風高斷綫時

又

四月清和芍藥開千紅萬紫簇豐臺相逢俱是看  
花客日暮笙歌夾道回

又

一粒丹砂九節蒲金魚池上酒重沽天壇道士酬  
佳節親送真人五毒圖

又

團團赤日射河漢夾岸人看密似雲騎象蠻奴衝  
浪立晴天噴落雨紛紛

又

萬樹涼生露氣清中元月上九衢明小兒競把青  
荷葉萬點銀花散火城

又

九十秋光驚已半客心向晚美歸鴉長安兒女不  
愁思並坐樓頭待月華

送高阮懷假歸宣城用潘次耕韻

拂衣歸去謝浮名行李西風驛路清白髮經秋常  
抱病青山送遠各懸情村當老樹寒烟上岸轉孤  
帆細浪生夢路遙遙下里外江天何處是宣城

又



舊宅斜臨句水邊長安乞米過年年一官羈絆緣  
何事十畝荒蕪劇可憐視草共依東省月歸裝獨  
逐下江船莫言別後相思苦尊酒當前已惘然

寄耿贊思時抱病家居

已念別離久重嗟出處難青山違素志白髮老微  
官小院梧陰薄孤城水氣寒夜來還入夢知子憶  
長安

又

聞子安高卧今年不上書南山秋落豆小豎晚澆  
蔬多病功名薄長貧世事疎應知望余處明月照

翰苑稿卷十

五

前除

寄李克承

木落空堦夕聞君念素居一尊花下酒三歲袖中  
書世路交情薄鄉園晚計疎愁烟終不斷悵望意  
何如

秋日摘渭清句漫成四首

那得相逢不醉回蕭蕭落葉晚風催青山歸隱渾  
無計白髮朝天亦可哀送客休嗤人作郡得年  
未必木非材官曹差喜惟清暇鞍馬追隨信往來

又

那得相逢不醉回弟兄幾許在金臺中宵題題窺  
人過虛室蠅蚋習壁來齊物且看莊叟論籌時休  
抱賈生哀良辰可賞須同賞遮莫蕭蕭旅髮催

又

那得相逢不醉回西風籬落豆花開斜陽背郭羣  
峰出遠水浮天一道來節序易遷悲晚晚君恩  
莫補矢涓埃是非到底誰能掩筆削千秋愧史才

又

那得相逢不醉回驚寒已有雁聲催人生只合一  
杯足世上誰曾百歲來書續齊諧聊志怪機忘海

翰苑稿卷十

六

烏莫深徧中秋月色重陽菊晏賞還須次第開

訪若之上人

蘭若秋深過客稀禪關半掩見斜暉林中鼠點偷  
松子階下僧閒補衲衣觀法久知身是妄降心方  
覺力全微僑居自喜依鄰近早晚同參了義歸

秋日田家

最是田家樂西風白露清編茅補舊屋帶雨課秋  
耕官府完租後兒童出戶迎餘錢得餅餌調笑慰  
平生

又

最是田家樂園林葉半黃築垣防暴客鳴杆擬冬  
裳新米抄匙白寒瓜落蒂香人情惟拒收來往見  
提筐

又

最是田家樂秋深力作稀山妻炊黍熟野老賣鷄  
歸提饁香醪滿連畦晚菜肥邀人同夜話露坐不  
關扉

又

最是田家樂柴門落照中豆花繞架白柿葉傍檐  
紅犬吠疎籬外人歌古道東兒孫芻牧暇識字就

村翁

翰苑稿卷十

七

又

最是田家樂山明晚翠開西風春碓急落日搗衣  
催新婦烹葵熟中男割肉回今年秋社好家釀醖  
新醅

又

最是田家樂堆場滯穗重添薪收落葉割蜜仰山  
蜂聚許鄰童拾衣看老媪縫分燈同夜作籬畔急  
寒蟄

秋日送陸次雲宰江陰

半落不落秋林清欲斷不斷秋蟲鳴久客驚秋不  
成寐傷心况復聞君行憶昔相識長安道憐君意  
氣與君好慈仁松下賦新詩筆力直亞陰何倒江  
陰縣古臨江阜名區作宰憐風騷秋月平鋪中浦  
白秋雲不動君山高彰義門前別離處瘦馬常騎  
出官署昨日方別故友歸今朝又送同人去人生  
聚散何其多河梁攜手同悲歌督亢陂前野草綠  
荆高市上啼禽過楓葉離離照日暮可憐分手即  
長路欲問離情何處深西風颯颯吹江樹

直日過西海子有賦

翰苑稿卷十

八

太液霜澄氣象分離宮殿畫映秋雲烟迷疎柳  
魚網風定寒蘆下雁羣竟日龍舟停曲塢連朝  
聖主課親軍同人入直歸來晚並馬閑吟對夕  
曛

九日同毛大可李渭清公凱吳志伊龍雷岸  
崔雪峰登善果寺閣卽事

京國又逢重九日登高何處興堪乘同人有約來  
蕭寺石閣閒憑對老僧黃菊應時開爛熳青山向  
晚見峻嶒十年多病風塵客欲証無生愧未能  
和渭清有約遊黑龍潭不果

清秋景色擬閒遊有約登臨問遠丘  
半夜陰雲迷大陸連朝積雨漲寒湫  
遙山無計舒青眼久客關心欲白頭  
強把一盃難獨進殘蘆斷雁共生愁

同丘季貞彭美門李渭清公凱馮方寅晚過  
崇福寺

落日山門靜沙寒細路平  
鳥飛烟樹亂僧語石堂清  
法豈有爲得心依無任生欲求真實義回首愧  
浮名

贈別彭孝緒進士

彭子南國秀深心惟古惟慙然感故交投我青瑣

翰苑稿卷十

九

玕豈無一尊酒與子共盤桓  
懷情未及展鬱鬱去長安  
驅馬下盧溝馬鳴聲悲酸  
下生泣抱璞馮唐老一官  
致身天清時出處同艱難  
成名託壯歲建監時猶寬  
君其崇令德相期在歲寒

又

問君欲何之言尋宛與洛鄴下古名都  
濁漳帶長薄公子在西園文士爭附託  
佳人回雪舞美酒黃金爵詞若春華敷  
氣與秋霜落唱和引風騷煌煌雷製作  
悠悠千餘年流風未寂寞君才過應徐  
潘酒存標格諸侯愛敬客前路誰爲薄  
南向瞻嵩高

秋色滿寒廊作詩贈古人曠懷感今昨

初冬書懷

孟冬十月交北風漸凜冽池寒欲生骨  
川原抱嚴絮殘菊尚餘香寒林自騷屑  
愁烟起向夕千門各已閉室冷燭無光  
散裘凍欲折靜把一卷書中懷鬱如結  
側想元化理蒙養在冬雪天運有推遷  
人事將焉說君子念固窮望古懷先哲

寓中懷張錫原孝廉

元冥初司令萬族生嚴霜白日淡餘暉  
霜風掃勁木鳥雀禁無聲愁烟閣廣陸  
張子濟時才遵養託

翰苑稿卷十

十

空谷言詞若不出氣靜神逾穆陰雲亘長空  
飛雪洒修竹美人望不來濁酒爲誰漉

丘漢陽詠

有序

甲子冬偶閱漢陽志載太守丘公治郡多奇  
余好奇者讀而慕之太守卽同官季貞父也  
作詩贈之

丘公性高潔吐氣如秋霜十年列華省一麾守漢  
湘無欲識自遠道直氣迥昌毅然剪妖魃執法絕  
綽張片言折鬼獄盼饗接靈光乃知精誠極可以  
參陰陽浩然念初服長嘯歸其鄉閉關謝人事坐

卧一竹房游心希大道丘壑恣相羊緬焉懷清風  
悠悠淮水長

冬日懷李天生檢討

久客悲遙夜寒燈照素居幾時重會面連歲不通  
書秦地木霜結京華故舊疎人生容易老髣髴近  
何如

寒夜聞柝聲

自憐多病尚浮名雪撲寒窓四壁清倚枕欲眠聞  
擊柝鄉心一夜滿層城

冬至日飲雪峰寓中

京華又見陽生日折簡邀賓到寓居白髮漸多愁  
歲暮黃花猶在憶秋初家貧何事重沽酒官冷無  
妨且讀書爲說同人零落盡燈前相對一蕭疎

題院中古槐兼有感悼

古槐稜稜勁且直託身玉署之左側手摩鐵幹問  
歲年白頭老吏記不得龍樓虬拏爭盤回晴天颯  
颯生風雷黛色乍分碣石遠蒼烟遙接西山來搖  
落深知懷苦辛木雪凍裂皮膚皺螻蟻乘隙競出  
入栽培自荷皇天仁朝來騎馬入官舍相對寒梢  
思往夏同直諸子愛清陰笑語忘歸坐其下施公

已死高生歸謂愚山聚散忽同落葉飛時移事往  
如夢覺南柯冉冉下斜暉

張耿贊思二首

客裏傳君死驚心泪濕衣自傷來日少漸覺故人  
稀多病思同調黃泉悵獨歸孤寬隔南北夢見亦  
疑非

又

嘆逝悲吾友僑居憶共城承家無厚業白首因諸  
生永念同心隔翻憐昔別輕傷君非一事忍泪已  
沾纓

送黎滿僧假歸

天地木霜滿關山獨客歸含情辭魏闕白髮戀慈  
幃後會誰能定來書莫更稀同人去將盡留滯寸  
心違

雙鵝篇有序

新河人宋登春以詩隱明嘉隆時少年髮盡  
白自號海翁後寓金陵之天鵝池又號鵝池  
主死百餘年矣康熙辛酉柘城王培來令新  
河讀其詩而慕之題碑表其故里至夜有二  
天鵝止碑上居人迫之不動因籠以獻培培

大喜乃就署中鑿池畜之鵝時時鳴舞向培  
若感恩狀吾友周岷公親見其事爲余道之  
如此

在昔新河有奇士登春其名氏宋氏苦吟未老頭  
先白落拓辭家走千里辭家南去江陵城中有鵝  
池池水清却愛湖湘歸不得狎鵝自號鵝池生一  
身失路悲無與朝看鵝來暮鵝去衡霍峯多烟霧  
深青山誰知埋骨處劫火滄桑幾百春忽逢王宰  
有心人痛哭憐才求故蹟草玄亭沒空荆榛酌酒  
招魂向原隰陰風颯颯筵前人刻石記里表姓名  
突有雙鵝碑上立鵝來相依不暫離署中還鑿天  
鵝池無情有情誰得知君不見玉樓應召人姓李  
天上真仙皆才子文章有氣詩有神寧隨時數爲  
生死海翁有意逗精靈特遣雙鵝報知己

十二月十四日過李公凱寓見庭菊未殘賦  
之

北風吹大寒敝裘敬凜冽李侯靜有餘一室僊愉  
悅側見庭前菊含英挺高節去秋豈不遠歲晏多  
雨雪晚色尚華滋寒香抱幽潔凌霍有本性自與  
羣卉別人倘欲爾知餘芳猶可擷

久望編兒不至

代省歸鄉曲深秋望却回卽今殘臘盡不見敝車  
來道遠衣裳薄天寒雨雪催憶渠宵轉迫老眼徹  
明開

周岷公訪渭清於寓中招余同飲

朔風索索起清晨臘盡春回尚隔旬訪友偏憐衝  
大雪趨陪寧惜過比鄰竹爐酒煖敵長夜布被官  
貧借故人潦倒尊前君莫笑阿奴狂態本來真  
勵近公編修供奉 內庭 上以出入辛苦  
賜第後載門內歲暮移居詩以送之

幾年趨走隔重城歲晚移家荷 聖情水泮御河  
知臘盡人歸上苑喜春晴傳柑地近驚先到 賜  
酒杯濃按次傾咫尺 金門乘曉入不勞中夜聽  
鷄鳴

歲暮雜感

逝水殘年盡閒愁暗裏增無衣憐稚子送米愧山  
僧病悟身爲患貧知盜不憎

金人銘  
僧主人

寒風催擊

拆淒切人宵興

又

久被浮名役京華歲又阻饑寒諸弟隔生死故人



疎植竹存荒徑攤書有敝廬春山歸路好吾擬問  
柴車

又

寒盡春將至庭幃念老親感時增喜懼久別怨  
風塵椒酒開家釀桃符映比鄰前途多曲折夜夢  
記曾真

又

高燈依靜壁顧影見支離白髮寧相放流年轉見  
欺疎慵時共棄慷慨性難移亦解當歸去低回嘆  
觸籬

又

寒威隨臘減晴日喜微暄事業虛添歲生涯自掩  
門無才從俗忌不去感君恩猶有屠蘇酒妻孥  
共笑言

又

臘盡愁逾迫虛堂坐寂寥林鳥悲晚雪山鬼喜深  
宵有酒堪謀醉無心謾解嘲正思乘興出良友恰  
相邀

又

四十人將老流年臘又終典衣畱故友打鼓怪兒

童寡過身難檢多言數自窮還看春意動碧色起  
寒叢

又

殘冬催短景百慮暗相煎歲儉憂鄉國官閒愧俸  
錢驚風掃勁木急雪洒高天信史何時定依遲又  
一年

叢碧山房詩初集卷十一 翰苑稿

任丘隴 塏雪崖著

送王藻儒太史督學浙中

越國人文地持衡託大賢丹書辭 北闕翠節映  
江天風壤勾吳接山川百粵連淡烟紫細柳曉露  
濕香荃中允詩名著青箱世業傳下僚寬禮數多  
士仰陶甄行色千山外離心落照前詞林添故事  
浙省督學例皆部郎 台席卜高懸水驛郵籤報牙  
用翰林自王公始 檣錦纜牽悠悠旌旆遠分手惜芳年

送周岷公赴總漕徐司空幕

翰苑稿卷十一

聞君遠就淮南幕二月春寒似早冬雨雪沿街泥  
一尺青山近眼恨千重離歌此際驚長別沽酒何  
時得再逢我亦攜家從此去長安回首暮雲封

又

宜武門西日已曛蕭蕭班馬嘆離羣白頭入幕憐  
才子多病移官荷 聖君十口空看歸計拙一尊  
重惜故人分京華好記論文處悵望江天隔暮雲

荅金石黃

塏也悲歌慷慨之狂生奇服自好常硜硜困頓泥  
塗氣不折板劍砍地何縱橫獨行往往失航航落

拓風塵寡同調結交晚得耿與金耿謂莫逆相看

同一笑憶前相逢古易州西風颯颯吹涼秋酒酣

耳熱歌易水狗屠擊筑真吾儔忽有徵書來問里

麻鞋北上見 天子余方乞米困長安君亦辭家

赴交趾去年九月君重來僧寮阻雨空徘徊驚傳

耿子化異物甲子九月 血泪迸落心悲哀 聖主

昨日課文詞乙丑正月二十四日 保和殿上催

題詩雕蟲壯夫拙篆刻白頭老嫗倒綳兒余詩賦

旨諱原眼前萬事誰自保生死得失判一時移官

且喜歸鄉曲茅堂無恙春草綠名場回首困風波

翰苑稿卷十一

富貴何時奈老何長林豐草吾素願與子相依况

近縣倘能相訪過柴門馬有青芻奴白飢

春日偶感

薊門風煖雁初飛芳草無邊帶落暉五載素食慚

盛世三春游子憶 慈闈欲成信史終難就擬買

青山願久違邇日 金門休待漏無妨乞米典朝

衣

又

草色萋萋入望遙御河水解凍全消年光漸逼悲

華髮鄉路空歸嘆折腰風月多情供嘯詠湖山隨

意託漁樵一官漫笑馮唐拙曾得十年立漢朝

又

春風冉冉弄輕寒雀噪閒庭乍解官仕路無才誰  
見忌人生有命自須安行看妻子愁偏劇近識鄉  
山去轉難爲感良朋相慰藉漫持杯酒罄清懽

送王明湖督學沂內

文教先圻輔蒸髦秉大鈞高名承帝簡夙駕及  
良辰內史書尤妙公孫賦絕倫兩閣驚戰勝一薦  
出風塵棣萼輝相並班聯氣益振求過水國輟  
講下楓宸丞相家聲舊人師德業純臨朝重拜

翰苑稿卷十一

三

命昨日始還聞古驛花爭發長橋柳乍新蒼烟迷  
晚樹啼鳥變青春賤子原安拙觀又恰值屯通家  
猶第子序譜愧同人列傳常分草直廬每共晨迂  
疎殊自厭汎愛獨相親殿最傳中旨虛公仰大臣  
無才甘放逐左調荷寬仁朱路慚知己離心切轉  
輪桑乾流浩蕩恒獄聳嶙峋此際寃應斷他時夢  
豈真車輿看漸遠杳杳隔前津

懷汾陽明府兄

家書昨歲至字字見情真有愧分金贈應憐小  
貧盡關春自隔燕市草偏新心折汾河水茫茫

問津

又

遠上高岡望瞻兄意欲迷何時來冀北前歲去山  
西繼世還推鳳長才笑割鷄公餘動詩興應共惠  
連題時采章弟在汾署

春懷

雨後晴光好餘寒晚未收鶯花連帝里桑梓憶  
吾丘水地春堪種河魚賤可求誰能久畱滯坐嘆  
復行愁

又

翰苑稿卷十一

四

數家村落僻烟火縣西隅故老知誰在田園念久  
蕪量移安薄罰歸計困窮途悄悄心難解長歌清  
夜徂

又

春光南向晚入客倍含情離別傷親友艱難隔第  
兄編茅添舊屋驅犢課春耕眼看清明近無由問  
去程

歸興

已解西清綬云胡尚不歸交情今始見過客近來  
稀啼鳥青山路垂楊白板扉望中如萬里渺渺立

斜暉

又

北地人將老南天雁未歸晴坡青草出細雨杏花  
飛子職慚多闕君恩幸不違躬耕原素志昨日  
解朝衣

又

依舊蓬門在春深擬欲歸十圍垂柳大尺半鯉魚  
肥鄰舍同看客兒童競挽衣微官今已罷此樂幸  
無違

又

翰苑稿卷十一

五

虞丘咫尺地入客苦思歸城邑還疇昔居人有是  
非啼春山鳥變過雨藥苗肥遙憶漢陰叟相從問  
息機

又

寒食松楸遠孤墳念子歸烟花三月近拜掃六年  
違宦薄妻孥累愁多髣髴稀黃泉愧慈母迷汨  
久沾衣

不死篇 有序

諸城劉子羽老而工詩死數日忽生時遇得  
利津廣文持贈赴任劉與李渭清同邑友善

手書相聞渭清紀以詩余異其事因屬和焉

東海詩人有劉生白頭潦倒吾知名八十老死尋  
常事草露一滴秋烟輕人間萬事誠難料炙鷄白  
酒客來弔劉生笑起坐床頭手擎靈帷忽一笑衆  
客驚定還相催白酒在碗鷄在盤縱飲大嚼謝衆  
客來朝走馬重之官何人浪說生死大幽明往返  
康莊過河下幾聞反逝波龍老重歸守遺蛻雷田  
太史頗好奇史筆紀異裁新詩理數茫茫那可問  
老彭殤子同支離劉生自是千秋士歌哭無端徒  
爾爾達人原自存大觀今實未生昔未死

翰苑稿卷十一

六

天雄使君歌

有序

使君姓朱名廷煥明懷宗時爲大明兵備道  
闖賊奄至攻城城陷巷戰力屈被執罵賊死  
煥孫淑琪適任翰林孔目於余有同署之義  
出家傳丐余作詩因成短歌

天雄城頭黑雲起天雄城下賊如蟻守埋人稀氣  
不揚旌旗無光鼓聲死使君慷慨操長戈賊兵趨  
合吹金螺白頭老親義不顧濺血自誓心靡他京  
師屏鄣此重地誰秉國鈞筦戎事告急空馳羽書  
飛應援未見虬螭至若人鹿走城門開男啼女哭

聲悲哀天地黯慘白日瘦劍光一動長城摧身是  
王臣守王土男兒一死酬明主君不見嚼齒罵賊  
顏常山正氣遙遙並千古

小寒食日懷采章弟

極日汾西路輕陰欲暮天春青綿上草野暗呂梁  
烟畏老驚時序離心隔歲年愁來開篋笥常把贈  
余篇

寒食日書懷

經春高卧少逢迎出郭乘閒信馬行畏老重驚寒  
食過看花偏感旅人情墓門泪灑松楸遠芳草愁  
先鵲鵲鳴日暮一尊強自把依違真覺負平生

翰苑稿卷十一

七

又

迂疎多事入風塵帝里重逢禁火辰故園音書  
空自阻芳時花鳥莫相親窮途阮籍終狂士作賦  
江淹本恨人落日天南頻悵望鄭城烟水漲前津  
渭清偶病足走筆戲訊

隔日不相見中懷鬱惆悵聞有子春憂偃床負微  
創爲患在有身此語不吾誑巨柳生左肘形忘神  
自暢念君好檢束平生希令尚閉戶或經旬跬步  
無輕向斯疾竟云何天道信難量君看奔走人雙

足乃無恙

朱竹垞將歸浙中詩以送之

君如海上鴻道遠猶可至我如秋郊蓬飄飄將安  
寄徘徊岐路間相憐不得意感君鑒微誠相親如  
兄弟靈修終易化高名滋多忌風波起無端中道  
忽捐棄竹垞有舊廬千竿叢蒼翠歸與覓紫芳黃  
髮志已遂應念同門友京華獨顛顚五年風雨心  
分手如夢寐

送內子韓氏還里

幾日春風薄策車布裙重着入山厨高堂食性諳  
曾久不用慇懃問小姑

翰苑稿卷十一

八

將赴天津畱別渭清

告別未有期念別意已迫感君多素心數載共晨  
夕疾病每相扶德業亦互策時勢當乖離辛苦嗟  
予役津門瀕海地洪濤連潮汐葭莢之所生蛟龍  
共窟宅念我平生懽事事成疇昔命也如之何嗒  
焉傷精魄

天津途中寄別家錦里兄

乘朝秣余馬言欲赴津門津門臨海滙河廣草木  
繁浮雲蔽四野白日爲之昏分手從此去何時返



行軒此離感哲兄氣結不能言

又

行行道逾遠悽悽意轉迫潞河左長薄風烟起向  
夕側見春令鳥飛鳴聲啾啾我欲從此去惜哉無  
羽翮嘆息上高岡瞻望傷行役

又

通州南北道車馬互奔馳擾擾風塵子相見不相  
知中野獨徬徨有懷當告誰孤鴻望西北常恐歸  
來遲落月倚虛幌耿耿同所思

又

翰苑稿卷十一

首夏氣微炎孤櫂乘明發臨曉懷 帝鄉雲日遙

出沒鵝鵝惡先鳴芳草忽已歇長嘯激中流顧影  
悲華髮念我同族親誰能不驚骨

又

離別豈在遠時往境亦移前夕一尊酒今日杳難  
追鞠躬入西省督捕衙舍在長安門外機務紛如絲抱病雖  
已痊神氣猶未夷兄其保素體加飡強自持

宿河西塢

暫泊孤舟倚潞河千家烟火憶經過平蕪鳥下青  
山暮故國人歸白髮多失路何須論塞馬無才自

台老漁蓑可堪回首長安遠沽酒燈前欲放歌

昭蔣飛占侍御

城上樓高帶夕暉十年風景尚依稀水門潮落千  
帆集灌木烟深一鳥飛薄劣自慙歸計晚迂疎久  
與世情違長安回首同人隔嘆息尊前把繡衣

過黃李野寓

老年仍道路泛宅寄津門蝦菜畱過客詩書課小  
孫得錢還買畫見月必開尊興至扶藜去看雲向  
水源

又

翰苑稿卷十一

十

一別三年久相逢落照殘客憎愁不放老覺病無  
端邑宰常供米奚童解藝蘭應憐今夕月把酒對  
河干

宿馬天衢寓中有感

燕市人將去淮南客乍歸馬新從淮南回酒酣呼滄茗露  
冷勸披衣詎惜終宵坐遙知後會稀傷心憐舊好  
十載願重違

宿舊店

漸覺長安遠家山今日歸車輕黃犢健水濶渚禽  
肥野膳初炊黍荒村欲掩扉占晴看晚燒去樹色

霜餘暉

早經良鄉

城烏迎曙起京縣早開門市小園蔬滿途衝過客  
喧山連賈島峪水出廣陽源好是封圻地鷄豚出  
斷垣城垣崩頽殆盡

燕市

古市平沙靜荒村隱薜蘿西人今不見遷客暮經  
過禾黍先秋熟菰蒲近水多空懷慷慨意回首一  
悲歌

過涿州

翰苑稿卷十一

十一

行行臨范水風急正揚舲接樹鳴蟬合連畦晚稻  
青土腴傳督亢人遠問鄴亭鄴道元注水經處久客歸心  
迫無眠待曉星

晚過雄縣

雄州接鄭鎮風景望中賒樹底鳩呼雨村傍人賣  
瓜危城還面水古戍亂飛沙路熟車偏穩昏直  
到家

入境

喜入任丘境車聲歷歷開纔過扁鵲廟忽覩壽王  
臺計拙功名薄愁深髮髮催還同蘇季子金盡却

歸來

抵舍

上堂家慶畢灑掃啓前軒邑令還相問交親各到  
門乍歸翻似客訊故轉驚覓檢點藏書在仍堪細  
討論

省祖墓

六載違鄉曲歸來省墓門承家思願祖不祭愧  
慈孫暮雨寒楸色殘碑斷蘚痕音容難再覩啣痛  
欲何言

省先母邊太孺人墓

翰苑稿卷十一

十一

松柏斜陽裏孤墳暗晚烟痛無回白日恨不及黃  
泉負米何由得承恩亦枉然劬勞懷母德遺憾  
有終天

宗族

久客疎宗族朝來聚一門兒童渾未識父老喜猶  
存列坐依行輩分酬共笑言承家念忠厚同姓古  
尤敦

鄰舍

鄰舍忻相見鄉風依舊存槐青原覆井瓜苦亦當  
門邀客過茅舍呼兒出酒尊數言城市遠蔬菜愧

盤殮

寄同年諸子

鄭城水長乍浮篙白露朝寒裏緼袍虎豹守關情  
乍隔鷄鶩得路勢初高聞彭美門張武承米紫來李公凱皆還官空庭  
過雨憐幽草多病經秋長二毛欲問近時高卧處  
柴門有徑沒蓬蒿

懷朱恢音使君

京風獵獵早秋初尚憶槐衙憩客車避暑正思河  
朔飲烹鮮且食海門魚朝廷命下重移鎮田舍  
人歸懶寄書惆悵比來添足疾相尋空擬坐籃輿

翰苑稿卷十一

圭

重過東園呈李性符內舅

步履東園近柴扉向夕開秋花紅暎草古壁翠生  
苔樓迴驚新構松高憶舊栽主人含笑出荒徑拂  
蒿萊

又

四壁圖書在畱人此故堂驚心鬢髮改憶別歲年  
長斷蘚侵陰井回流澣石床悠然生遠興咫尺即  
濠梁

又

料素亭名好深秋再到時菊高含細蕊松老發橫

枝小子能通客厨人問煮葵當年楊大令晚飯共  
題詩

又

十載懷幽勝歸來得重過高林喧暮雀小沼冷秋  
荷白日流年促黃泉故舊多傷心憶殷史殷橫四史真常  
遺恨邈山河

又

到此真忘返斜陽草閣西花添南國種壁有舊年  
題折竹供茶竈通泉灌藥畦和期新酒熟還飲醉  
如泥

翰苑稿卷十一

古

九日學杜戲東李舅索菊

李公素有陶公癖種菊東籬待此辰門外不聞攜  
酒客堦前偏見乞花人

又

十年薄宦乍還家三徑荒蕪柳漫遮見說東園秋  
色滿朝來分得數枝花

陵城弔古

按志陵城本漢之阿陵城東漢大將軍存今縣城西有大塚幾一畝曰任大將軍墓春秋有祭夫其名以理斷之必光也古者呼墓為丘縣名當本諸此土人不察妄以爲任姓丘名無稽之甚故末章云云

沈沈秋水欲平堤風過寒林鳥亂啼當日封侯客

何在阿陵城上草萋萋

又

水打週遭雉堞平村名依舊號陵城可憐漢主酬  
功地蘆葦蕭蕭雁一聲

又

雲臺事往已千秋衰草黏天憶故侯唯有漢時明  
月在夜來還照廢城頭

又

百雉封疆業已殘滄桑更變總無端將軍何事憐  
抔土午夜還聞呵宰官

明季邑令李廉仲議取仕  
將軍墓土增城夜夢丈夫

十月一日祭先母墓

曉日西村路秋光嘆已殘烟深原樹暗霜老墓門  
寒寸草心空結終天報轉難送衣隨節序

郭俗是  
日剪紙  
爲衣燒於墓  
前日送寒衣回首恨漫漫

叢碧山房詩初集卷十二 翰苑稿

任丘隴 壇雪嵯者

元夕馮方寅招同彭美門李渭清張毅文寓  
中同飲

元夕風光好春燈照酒卮他鄉難此會久坐欲無  
辭妙唱調絲管離心感歲時向來同舍客大半去  
京師

過朱竹垞寓

之子未歸去春來喜更過流年驚壯在白髮奈愁  
何小徑環奇石高簷帶女蘿庭除儘清絕偏只憶

山阿

晚過渭清小酌

一別京華隔歲回故人相見且啣盃燈前更讀新  
詩好怪爾飛揚跋扈才

送張毅文檢討歸淮上

草色如烟柳似絲河梁攜手恨何之從知世事多  
翻覆不分春風有別離他日相思人共老此行忍  
說會無期孤帆日斷山陽道長蓬休吹動客悲

又

十載金臺故舊稀君今何意重相違漢庭幸免長

沙瀟澤畔終憐屈子歸筆削有懷書未就風波回首事全非嗟余亦是傷時客一曲陽關淚滿衣

### 殺文歸再賦

微雲疎雨下河干千里鶯花伴客還別友聊斟燕

市酒結廬新買鬱洲山

山在廬山東北海中峯折巒奇秀張子別業在焉

腰當路將何補髭髮陽阿好是閒明日便應辭

帝里石生無事馬蹄閒

### 送陳際唐赴雷州任

風土茲方異孤城枕水隈炎州無馬過臘月有花

開窮洞黎人住帆檣海舶來使君饒意氣揮手下

翰苑稿卷十二

### 金臺

又

遠送臨岐路離心怨馬嘶幾年同聚首今日惜分

攜細雨黃茅瘴炎風錦石溪輕舟經過處休聽鷓

鴒啼

### 送毛大可檢討假歸蕭山

潞河南下繞金臺柳暗河橋送客杯丘壑關心君

獨往風塵滿眼我重來啼鶯已厭分離苦芳草何

時懷抱開倘過山陽莫聽遠同人零落總堪哀

又

帝里風光此重過故人爭忍唱離歌歸懷無那青

山好欲別其如碧草何握手可憐春日暮當盃莫

惜醉顏能孤舟一去三千里回首江干聞薜蘿

### 送彭孝緒宰河間

銅章初作宰鞍馬下金臺地是東陽國人推作賦

才隔筵黃鳥嘯細雨杏花開幸接吾廬近離歌莫

漫催

又

漢代分王地高城枕水洲草荒鉞弋宅

鉞弋夫人河間人

禽噪小毛祠

城北有使客爭郵舍居民敗水涯遙

翰苑稿卷十二

憐行縣日菱芰正參差

又

計君入境後余亦返柴關蔬菜從人灌蒿萊懶自

刪長貧寧斷酒多病恰投閒車騎能相訪論文水

石間

又

附郭依東郡高槐覆縣門魚蝦爭早市桑棗隱前

村小吏分曹入山禽竟日喧賢王留遺澤淳朴至

今存

### 春日歸興



宣武門西日已斜山村處處放桃花流鶯似喜人  
歸去一路啼聲送到家

又

鄉山歸去趁花開載酒看花定幾回更擬登高舒  
倦眼題詩還上壽王臺

又

疎燈寂寂照單帷冷雨瀟瀟寒轉遲昨日窓中聞  
布穀家山忽憶種田時

又

芳草萋萋接鄭州長安回首放春愁山妻不怪歸

來晚一笑殷勤解敝裘

又

春雨連朝歸思賒東風拂面柳枝斜最憐小第多  
幽興遍向窓前種野花

又

踏雪辭家上帝京歸來門巷柳枝橫家人休笑  
黃金盡白髮還添三五莖

又

鶯聲恰恰柳依依舊約曾訂三月歸小婦閨中應  
記憶挑燈連夜製春衣

又

白洋水長沒苔磯銀鯽春鮮帶子肥寄語南鄰諸  
釣侶長竿收拾待予歸

白洋淀名

又

魚君陂上浪花浮芳草啣烟覆遠洲多少漁人歌  
水調垂楊樹下半停舟

又

桃花半放日初晴水色盈隄柳向城最是家山好  
風景可憐客裏過清明

清明後一日喬石林侍讀招同年諸子花下

小集

滿樹花爭發經時鳥自歌流年悲老至芳草喜春  
過酒爲同心賞詩憐送別多故人餘幾在不飲欲  
如何

喜友人約遊西山

西山舊是曾遊地三載相思似故人潭柘峯頭雲  
乍散石經洞口草還新身閒正好攜雙屐客病偏  
能踏軟塵願得追隨騎馬去淡烟高柳記前津

有約遊西山阻雨

聞說看山喜欲狂經宵不寢着衣裳陰雲向曉戎

戎暗急雨隨風灑灑長新翠遙憐添遠岫衝泥真  
怯問前岡客愁好放無由放寂寂神傷一草堂

京邸初度前一日有感

春歸夏轉又經旬京國重逢初度辰萬事蹉跎已  
華髮一身漂泊愧鄉人長貧未敢輕微祿時余候補在京  
人客惟應念老親蒲水波平蒲葦綠可憐無計問  
前津

又

紅藥翻堦晚色新宮槐葉長碧初勻誰憐瘦馬衝  
塵客曾忝西清侍從臣故里田園荒已久天涯僅

翰苑稿卷十二

六

僕強相親明朝又是生辰過鏡裏愁看髮似銀

家職方兄署中爲余作生日感賦

羈栖粉署已經春潦倒何當記誕辰單服恰宜初  
夏日香醪重醉罷官人關情信莫如兄窮薄俗相  
輕有賤貧燈地更闌重進酒感深翻欲一沾巾

送劉仲素宰靈川

靈川山縣小地隔桂州西人事憑鷄卜鄉風葉鬼  
妻問程天共遠念別意都迷相望京華路何時手  
重攜

送李愚庵洗馬督學圻內

漢家文物首西京新簡詞臣出鳳城纔向殿中  
分講席李新點又從輦下領諸生傳經此日須劉  
向卧病何人問馬卿翠節遙遙看漸遠斜陽啼鳥  
倍關情

又

神京自是人文地持節偏勞鄒魯賢翠節青分官  
舍樹宮衣香染御爐烟驪黃物色思燕市絲管  
喧闐悵別筵却憶右安門外路柳塘載酒更何年  
癸亥春余與李渭清高阮  
僕及李同爲柳林之遊

謝客

翰苑稿卷十二

七

窮栖仍陋巷謝客掩柴荆迂拙功名薄周旋禮數  
生至今慚少作無取近虛聲日暮聊回駕君當恕  
我誠

五日書懷

閑過四月逢端午細縷菖蒲薦酒卮多病喜當儲  
藥日頁小正是  
日蓄衆藥不才真負好文時幽居漸喜交游  
少將老偏憐節候遲擬築菟裘娛暮景何人肯寄  
草堂貲

又

脫却朝衣換綵衣芳華新沐上庭幃君恩擬報

心長在子職堪供願不違懶乞靈符隨節序聊呼  
濁酒叩鄰扉 高堂依次稱觴罷勸兒酬過夕  
聊

夏日書懷

晴日延炎景閒庭閉竹扉病身偏苦暑賢客恕披  
衣守拙從吾好高眠與世違忘機憐野鳥相狎正  
依依

又

雨餘天氣爽地敞野風過散髮依高樹投竿向夕  
波微生遭 聖世失路任狂歌取醉饒尊酒休看

髮欲皤

又

小院雜花滿閒居事事幽枯棋消永晝濁酒散深  
愁顏馴悲難遇相如已倦遊逍遙遂疎懶於我更  
何求

又

露坐憐疎豁移床就竹陰山風吹散帙暝色下栖  
禽人世閒難得年華老易侵若柯存至理飲啜靜  
相尋

又

高卧憐荒圃蟬鳴日已闌大言誰自放直道古尤  
難移石通花徑臨風試簪冠江邊有香草欲往畏  
波瀾

又

雨後熱猶甚蒸身畏薄絺青山知計晚白髮嘆吾  
衰入世慚真懶娛情託小詩秋風茲不遠似欲慰  
支離

决隄

傳道黑洋口雲雷入夜低驚風催急雨駭浪决長  
堤人哭奔高坂魚遊入斷畦秋禾看俱沒何以慰

烝黎

又

百丈唐堤决洪濤欲拍霄高禾惟見穎平地乍浮  
橈狐兔奔無處魚龍氣轉驕淫霖終不斷千室苦  
漂搖

蝗子

出土新蝗子行跳已自諸人驅終不去烏飽竟無  
食過隴多於蟻食甫快似蠶何時長雙翼飛徙任  
東南

飛蝗

六月初八日飛蝗蔽天聲  
聞數里落地禾草俱盡

何處飛蝗起連翩蔽遠空聲兼千刃瀑勢亞九秋  
風禾黍經過盡驅除計已窮老農方痛哭里胥叫  
門東

苦雨

愁雲連日結伏雨密難開床下鳴蛙入門前野鴛  
來不眠防屋漏數起問垣頽還解添幽興盈堦長  
綠苔

又

暑雨經旬下涼風憶緼袍幾薪烟俱濕畦菜價偏  
高沼溢魚爭逸巢傾鳥乍號衝泥無去處危坐首

空搔

又

莫解蒼天意民生此重難陰雲終不散積雨幾時  
乾屋上生青草階前送急湍還聞禾稼盡愁絕起  
長嘆

懷式洪兄時逮問未結

晚得汾陽報愁心起萬端官卑蒙譴易家遠望歸  
難濁水千層浪青山九折盤空懷在原意欲往路  
漫漫

又

兩載汾陽縣清操衆所知矢心徒自苦欲罪豈無  
辭家遠身兼病時艱髣有絲西來消息斷悵望益  
塵其

彭孝緒明府過訪

田舍歸來久開門絕送迎故人官近縣鞍馬問柴  
荆石徑逢蒿滿村童應對生誰當念淪落枉道見  
君情

又

養拙依鄉曲同人見面疎君來當七月秋色滿吾  
廬甕底饒新釀園中足晚蔬偏憐有公事日暮強

回車

朝來

莫得汾陽信朝來繫我思皇天誰可問廉吏古難  
爲未解豺狼怒空深鴻雁悲傷心西向人似見髣  
如絲

懷陶孟庵刺史時舍弟璽赴晉州便寄

西風搖落正堪悲滿眼關山怨別離故國遺封傳  
鼓子美人秋水隔蓮池形容漸老奔馳苦書札經  
年問訊遲負笈遠從憐季弟好依絳帳說相思

門五

帶碧山房詩初集卷十三 翰苑稿

任丘麗 塏雪崖著

東征

門禁迎晨起家人送遠行長貧失寧處多病怯東  
征淒切看兒女丁寧託弟兄可憐回首處十里見  
鄉城

遇舊

一出西清遠侍從秋蓬無帶任閒身疎狂漸老終  
難改浪跡相逢轉見親豈卜公孫終漢相絕知長  
情重鄉人

來往談笑還思在比鄰

贈鍾聖輿明經

世業燕山舊衣冠念汝賢移家峭湖曲學種謹陰

田一聖主開東觀諸生得伏虔客中憐寂寞情切

見周旋

又東聖輿

世路憎余拙逢迎覺汝賢他鄉桑梓重白髮歲時  
遷黃菊迎佳節寒蛩噪晚天生涯惟爛醉高卧酒  
罍邊

贈張中丞南溟

城上高樓俯衆峯嚴疆十二舊提封中宵紅日生

滄海半壁青天削岱宗地接神京資鎖鑰人期

黃閣補山龍從知上理惟清靜緩帶斜陽報鼓鐘

又

青齊亦是東郊地人比君陳作尹年海上樓船通  
賜履軍中金鼓報開筵村原日落收禾黍斥堠人  
閒息煙烟爲說封侯還有待丈夫祇合數張書

又

侯山阻海古名都副相權尊漢大夫王室共推羊  
叔子霸功真陋管夷吾喜從鈴閣親雄略愧說

朝廷棄腐儒內召待君三日後

唐制宰相初拜第  
三日入政事堂升

官好期拂拭出泥途

贈安靜子

愛此山川好東行亦偶然逢君如故識持贈有新

篇相約二子窮探七十泉

濟城內外共  
七十二泉

論文肯

重過呼酒向籬邊

又

遭遇真難料沉淪惜此賢名從東國老詩許萬人  
傳豈乏長楊賦終遣孟浩然相將感身事嘆息向

霜天



晚過大明湖

湖上波清潦水收，危梁百尺跨湖流。  
蒲影靜千門晚，砧杵聲催兩岸秋。  
歌管隨風來遠肆，水禽帶雨下寒洲。  
燕雲直北關山隔，一望蒼茫動客愁。

望華不注山

崑崙碧石聳孤棱，終古青天一樣承。  
竟日雲烟生絕頂，有時雷雨過中層。  
每當倚檻看無厭，幾欲扶筇病不能。  
應是山靈謝逋客，千秋祇許謫仙登。

又

郡城東北有高峯，極目中天積翠重。  
峭壁孤撐懸日月，長河雙控鎖蛟龍。  
還聞倒景浮滄海，定擬盤根接岱宗。  
病體漸強行步健，終期放眼出塵封。

翰苑稿卷十三

三

趵突泉

三泉出地凌噴薄，乘興貪看坐石橋。  
銀箭曉傳聲不斷，鳴壺秋老氣偏驕。  
泮溪野鳥爭來往，倒影青山自動搖。  
見說我皇題碣後，甲子聖駕幸泉上題漱滿二字

亭前夜夜有龍朝

趵突泉亭上恭瞻 御書有感

聖主鑾輿東幸日，翠華曾駐此亭邊。  
忽瞻畫棟懸題處，尚想金門侍直年。  
龍舸台登西苑內，宮衣

賜出御床前。只今憔悴臨溪水，顧影神傷一點然。

又

百尺丹亭對水濱，亭中忽覩御書新。  
龍顏想像揮毫日，蓬髮稀疏感慨辰。  
兩載班聯違聖主，三秋風雨滯孤臣。  
雲山北隔天關遠，極目清波動白蘋。

濟城秋夕

百雉巖城枕水隈，繁華彷彿似金臺。  
高樓吹角三聲壯，晚市燒燈萬點開。  
小妓彈絃月初上，鄰人扶醉夜深回。  
柴扉靜掩燕山客，不聽秋蛩亦可哀。

翰苑稿卷十三

四

百花洲上同聖輿作

步履沿沙徑，尋幽過夕暉。  
戲魚衝浪過，沙鳥背人飛。  
世態今時薄，他鄉故舊稀。  
知音遇鍾子，濠濮興依依。

歷下城懷古

春秋晉平公伐齊歷下卽此處

廢壘淒涼濟水邊，平蕪十里帶寒烟。  
劫來燕趙悲歌士，重感春秋戰鬪年。  
古道飛沙沉斷鏃，夕陽冤鬼哭荒田。  
可憐伯業今誰在，回首千秋一惘然。

野望

濟南城高倚秋空七十二泉暗相通山川不改萬  
古色人烟猶存大國風寒蘆艸香藏密雨朱柿點  
綴垂深紅燕南狂客狂無賴大叫呼酒過籬東

寓中東劉司業宜人前寄

劉與余同  
時被謫

我來訪勝過東岱君亦褰裳出里門人世行藏那  
可料他鄉親故正堪論從知直道難今日得遂閒  
身亦 王恩把酒休談前歲事風波回首尚驚寬

惜湖秋詞和聖輿韻

性癖耽幽類野人欲從湖上卜新鄰青菰紫蓼閒  
相對漉酒偏憐有葛巾

又

翰苑稿卷十三

五

山暝烟深一鳥飛誰家稚子候柴扉漁翁繫纜門  
前樹提出船頭銀鯽肥

又

霜打枯荷卷半葉風吹隄柳亂長條少年不解悲  
秋意月下吹簫坐石橋

又

僦居湖上愛清閒竟日無人門自關忽漫天邊聞  
過雁歸心一夜滿燕山

晚晴并東靜子

有約尋山待舉盃涼秋病客自徘徊天涯知己難  
相聚老去登臨更幾回寒雨正愁騎馬滑齋鐘忽  
報晚晴開明朝定有新題咏直畏安生敏捷才

七忠祠

相傳靖難操戈日守節捐身有數公古碣猶存侵  
斷蘄空塔向晚急寒蟲中宵風雨英靈會隔代春  
秋饗祀同遙問祠堂禮遺像松聲蕭颯恨無窮

鮑山管鮑分  
金處

丹嶂凌空繞暮雲分金高義古來聞貧人何處逢  
知己泣向秋山禮鮑君

水心亭

卽歷下亭

翰苑稿卷十三

六

愛此湖亭古猶存歷下名菰蘆分夕照絡緯共秋  
聲逝水悲人代浮雲悟此生游談當日客抵掌苦  
爭鳴

大明湖感興和安靜子

湖亭菊放酒新芻興起呼尊典敝裘世路何心仍  
浪跡人生得醉卽良謀荻蘆向晚開殘照風雨橫  
空送晚秋歸去吾鄉原水國白洋浩蕩沒輕鷗

又

霜老澄湖散晚烟黃茅白葦正蒼然感時氣盡悲

歌裏望遠神傷落照前籬菊乍憐佳節近盤餐真  
愧主人賢寒林颯颯西風急愁聽驚鴻叫渚田

贈周燕客別駕

吏隱周公子高秋相見時典衣朝乞米隱几自吟  
詩節偏黃花放天寒朱柿垂由來安淡泊清畏郡  
人知

又

題輿名絕重獨冷似寒氈大雅從家學清操出少  
年計餐分祿米好客賣鄉田鼎餽叨兼味吾慚仲  
叔賢

又

衙靜槐陰直秋深岱色高彈琴掃松逕薦酒擘霜  
螯詩妙過工部官閒似馬曹飛揚饒意氣時看呂  
虔刀

又

佐郡三過歲蕭然七尺身嗜魚同魯相投轄有陳  
遵名豈官場著家因文字貧風塵念遷客愛敬出  
情真

重陽前一日登嵒山湖亭卽子美暫如臨邑

懷李員外處

客中遇節偏高興况有黃花映水開異地山川饒  
在眼餘生天地幾登臺湖聲東注滄溟下秋色高  
連泰岱來亭上題詩憶詞伯低回重感少陵才

九日鍾聖與攜酒招同安靜子千佛山登高  
郭外山高倚碧空良辰登眺幾人同寒原日落湖  
光白絕壑霜多柿葉紅秋色可憐黃菊裏世情且  
付酒盃中天涯我亦思歸客休聽寒蛩噪晚風

又

深秋晴色似初春置酒高崖感令辰籬下花開霜  
後菊天涯吾老眼中人山僧送茗勞清供古殿懸  
燈識淨因擬欲結廬依惠遠淨名久矣厭風塵

又

對酒看山興自豪歷城南畔萬峯高寒岬烟歛出  
孤樹湖水霜清落晚濤浮世還消幾兩屐埋身須  
傍一人陶茱萸漫把同君醉明日誰憐馬足勞

留別鍾子

千岬霜老晚烟濃入客將歸恨轉重旅舍題詩頻  
唱和青山款酒數追從臨岐忍說今朝別後會寧  
知何處逢回首不堪重悵望濟城十里暮雲封

留別安靜子時安亦將東歸

匹馬蕭蕭晚渡河，追隨風雨憶經過。  
離苦世路心傷感，慨多漢室久知疎。  
賈董故人從此隔，羊何穆陵東去關山遠。  
極目雲山繞薜蘿。

晚次馬砦

齊北秋深行客少，林深徑仄暗驚魂。  
將殘日脚荒荒下，不盡蟲聲細細喧。  
幽谷風回搖白草，野狐人立出黃昏。  
忽瞻燈火前村近，爲語山翁莫掩門。

過景州

廣川南北道來往，嘆相仍日冷舍利塔。  
烟荒蝦蟆陵，衝塵悲老馬。  
掠野迅蒼鷹，正欲投人處。  
疎林見

遠燈

晚歸邨舍

距城三十里，天色已黃昏。  
自知鄉路熟，策馬向荒

原

又

大吠知近村，歸來夜昏黑。  
族老起開門，驚喜動顏色。

張碧山房詩初集卷十四 翰苑稿

任丘麗 塏雪嵯著

菊下獨酌

遠客行復歸，入門喜秋霽。  
寒蟲伏草根，落葉下庭

砌。萬卉各已凋，黃菊時爲帝。

淮南子是時爲帝者也言當其時故貴

老幹挺扶疎，花葉自相綴。  
經霜色逾妍，寒香襲衣

袂。愉悅偃東籬，濁酒時自貰。  
誰能共歲寒，爲君結

幽契

寄陳謫公

陳子今安穩，斜陽恨望間。  
濤聲寒易水，秋色滿狼

山。念別經年歲，封書斷在還。  
客顏如舊否，吾已鬢

毛斑

又

聞汝安高卧，秋光遍一園。  
吟詩過白日，避俗掩蓬

門。岸幘疎籬下，啣盃老樹根。  
相從憐未得心結，欲

何言

偶成四首

七字雷田推老手，自彈古調寫天真。  
壽光安子非

知已強爲干鱗認，後身

李雷田名澄中山東諸城人工詩古文常夢人持文

遺之曰此君舊作也李爲易數字解猶記其半因筆記之後讀于鱗集乃其遊太華山記中語也安

靜子曾見于詩遺  
像云酷肖雷山

又

八家文體原高調競唱同聲詫異聲却笑蕭山毛

大可苦將心力學西京毛大可名奇齡浙之蕭山人文章有奇氣深得司馬

子長之妙

又

文章六代歌詞宋調態風流誰得兼短曲長吟一

千首至今此事屬陳新陳其年字維松江南宜興人十神俊逸多韻同人所

為髯兄詞曲千百贈炙人口而四六九妙勝於宋人

又

翰苑稿卷十四

二

施公詩律耐長吟高子推敲太苦心竊向名山休

浪出有時人起問唐音施愚山名問章高阮懷名

宋元二公稱守唐人之法

補官日入朝謝 恩恭紀

此生已分泥途老 聖主恩深荷再收戀 關還

依門下省隨班真忝鳳池頭朱旗影動交 天仗

寶鼎州濃護 冕旒拜下千秋原定禮微臣持此

詎云酬

初入中書舍有作

六年侍從西清地調補新歸石版垣幸免梁鴻終

海畔且同爰倚隱金門驚坡地阻疎僚友微省官  
閒近 至尊重喜高堂沾祿養不才何以答 君  
恩

除夕家職方兄宅中守歲

迎歲重開晏驚心一悄然幾時離故國明日又新  
年登几辛盤在傾尊柏葉傳含情念親舍悵望白  
雲邊

又

歲月催人老堪憐最此宵添燈傳柏酒爆竹走山  
魘孤館愁清坐家筵喜見招笑言期遠且同上

翰苑稿卷十四

三

紫宸朝



序

臞子雪崖官京師退食之暇輒閉戶吟咏人情物態境會時序之所感觸靡不寓之於詩故其詩最富官翰林有集官舍人有集官工部有集今年夏以舍人集見示則其左調中書時之所作也余受而卒讀大率根柢於少陵而出入於盛中唐之間故其風格蒼老神味淡遠卓然自名一家夫庖丁之解牛梓人之削鐫僕僕文人之承蠅不過久則熟熟則工且巧雪崖之於詩口不停吟者無虛日庶幾歷久而熟故其工如此乎然而雪崖之詩

舍人稿序

一

之所以工則不端在此也雪崖之詩雪崖之人爲之也今之在京師者大都役志於紛華奔走於聲利其神明之地營營逐逐無有寧晷卽欲托足於風雅強作性情之言間遠曠達之語每格格而不吐蓋其人不如是而欲其言如是是安得有詩哉雪崖原本忠孝所勵者學問所樹者人品升沉得失一以委之義命凡聲利紛華之可慕可悅者舉不以介其胸中則其性情乃真性情其閒遠曠達乃真閒遠曠達興發成吟直寫胸臆不求工而工益至焉故曰雪崖之詩雪崖之人爲之也不然若

承蠅削鐫者志有所紛神有所役則其工巧必不能至又烏令見者驚猶鬼神乎憶乙卯之秋余與雪崖同舉京兆爾時同人畢集論文角藝談譙流連極一時之盛比來落落望若晨星其間之升沉得失不特聚散今昔之感而已惟雪崖之澹泊寧靜隨寓而安二十年如一日而其詩亦日以工然則讀雪崖之詩者因以想見雪崖之爲人於其詩之所以工思過半矣康熙甲戌夏六月浙西同年弟曹鑑倫序

舍人稿序

二

夢碧山房詩目錄 舍人

卷一

丁卯京集詩五十九首

卷二

戊辰京集詩三十八首

卷三

己巳家集詩十一首

卷四

己巳河南詩五十六首

卷五

庚午京集詩四十一首

卷六

辛未京集詩一百一十五首

舍人稿目錄

夢碧山房詩二集卷一 舍人稿

任丘龐 璽雪崖著

丁卯元旦

四隣爆竹驚酣睡起著 朝衣坐夜闌豈有椒花  
酬令節強斟濁酒敵宵寒黃楊閏轉過今日丙寅  
月朱字門題改舊官却憶家庭諸弟妹一堂笑語  
共承懽

元旦入 朝馬上作

金闕鳴鐘萬戶開五更欲盡小童催休看白髮絲  
絲長且喜春光冉冉回老馬尚知前度路朝衣不

舍人稿卷一

改舊時裁一官底大偏相戀笑殺何公往復來

東衛紫極舍人

掖垣西下亦清班雨雪追隨共舍間華髮七年依  
魏闕黃河九曲憶秦關省中視草聽鷄入寺裏看  
松踏月還衛寓慈仁寺內樗散如余君不棄春盤佐酒趁  
朝閒

元夕前一日米紫來中允招飲

街鼓千聲月欲圓 帝城烟火似前年微官苦戀  
有何意故友相依劇可憐把酒休辭良夜醉觀燈  
真上米家船三更騎馬忘歸去貪看銀花萬樹鮮

又

元朝已過元夕近景色關心興轉除不分年光催  
老大且看燈火闌繁華十千美酒浮仙液九陌輕  
雷走鈿車爲語諸君休惜醉明晨不擬上官衙朝  
十五十六日免  
各官入衙辦事

身事

尚作京華住重嗟身事難養親貪薄祿戀主就  
卑官寒食愁中過家山夢裏看寸心真似結盃酒  
詎能寬

送徐電發檢討旋里

舍人部卷一

沿堤芳草翠初勻千里孤舟問去津中歲情懷常  
惡別殊方花鳥況逢春回思獻賦蓬萊日偏感行  
吟憔悴人我亦前年舊遷客臨歧執手倍沾巾

又

沽酒河亭花正開勸君莫惜盡餘盃青山有路堪  
長往白髮何心悔再來故里好留三徑在全家喜  
并一舟回却憐十載同朝客瘦馬衝塵亦可哀

送王省齋觀察赴天雄兼訊袁杜少編修

勅書新領下燕臺翠節朱旛千里開瓠子河邊青  
草合百花塢裏早鶯催清時障塞無烽火晴日登

臨有酒盃爲問袁生高臥處春深應已沒蒿萊

張存源戶部乞養歸陽城賦送

宣武門西倒酒尊美君此日返鄉園高堂白念慈  
親老北闕寧忘聖主恩梅雨過溪雲乍暝萱花  
垂砌夏初繁慚余有願何時遂前路相看欲斷魂

午日偶成

又逢令節在長安曉沐芳華未著冠念切庭闈嗟  
遠道貧賤升斗戀微官朝來不改前時懶去住  
翻憐此日難猶有阿咸堪共飲昨姪韓  
在寓聊呼濁酒  
罄清懽

又

舍人部卷一

佳晨初起浴蘭湯短袂單衫薦曉涼既有絲絲能  
續命何妨白髮更爲郎酒錢屢乞逢司業屬近公  
編修送  
儀羹餅長齋笑太常且喜官曹閒似昨攤書竟日  
坐匡床

擬送張肅昭頒 詔粵東

九重命下換征裳衆郡交城道路長乍睹雙旌離  
輦路遙隨四牡到蠻方千山霧雨枕榔暗八月秋  
風荔子黃他日題詩尋古蹟五羊雲樹正蒼蒼

送孟枚先觀察赴通州

多病京華仍送客迎朝騎馬 帝城邊軍前金鼓  
趨騶吏河下帆檣並米船戀 闕情深依舊省離  
心日暮起秋蟬誰憐酒盡分攜處雲樹蒼蒼暗晚  
烟

送符麓菴守石阡

石阡何處是萬里阻燕關山勢連銅鼓人烟雜白  
蠻時平甌脫息地僻簿書閒興到仍呼酒高吟翠  
竹間

又

天外一麾遠蠻方舊俗非疎籬竹鷄入晚市女郎  
歸後會知何日臨行更挽衣十年京國意寥落寸  
心違

和紀孟起都諫立秋日喜晴之作

連日陰霖今日晴高梧一葉下秋聲餘炎未擬收  
團扇小飲聊堪近短檠騎馬正愁前路滑來詩真  
接曉風清多才信有黃門客欲和新聲愧未成

送李舊爲宰河內

騎馬衝泥出離亭送客行交新憐異地酒盡惜長  
征老樹天眞觀青山碗子城遙知相望處千里暮  
雲橫

聖安寺同李渭清公凱朱錫鬯饒別曹子仁  
秋光滿鹿苑松杉生畫寒曹子將告歸攜酒追清  
懽相將二三子中坐發長歎物情見銷落世路憎  
波瀾夙昔同心人幾復在長安胡爲感尊鯁嚴駕  
越江干念余與之子殊形託肺腑肝五載共直廬斯  
夕且盤桓良覲疎分曹況隔瀟湘寬蔓草色已變  
寒蟬啼欲殘石堂開晚磬白日隱林端此會那可  
再盃到勿辭乾同心感離析人生此實難

送李吉占宰容縣

十載託兄弟相憐獨有君一官還抱病萬里悵離  
羣黎嶺無秋雁蠻溪足瘴雲含情感流水鳴咽不  
堪聞

九日同戴九萬杜令式萬壽寺登高

良辰忽動登高興出郭風光處處幽白社乍憐雙  
樹古黃花又見一年秋多才杜牧誰輕薦善病相  
如已倦遊回首鄉關驚歲晚寒雲斷雁共生愁

又

地遠風塵靜不喧蕭蕭落木滿祗園興來倍喜逢  
佳節愁被偏憐有酒尊遊子過橋仍戲馬山僧送  
客白關門蒹葭無限烟波好明日還來問水源

重陽買菊數本獨對小酌

四十八度重陽日今日重陽倍可憐  
年往曾無還少法官貧寧惜買花錢  
鄉園路隔寒雲外鴻雁秋深落照前  
獨把一杯揀薄醉滿庭風露月娟娟

九月十二日大司成曹峨嶠以太夫人誕辰相招諸同人並集觀劇

九日雖過餘興在招邀騎馬晚能來  
黃花留共同人賞春酒重爲阿母開  
新曲調高饒可聽嚴城漏下莫相催  
年年此夕風光好常得尊前待晏回

題臧介子舍人中秋玩月圖卷

舍人稿卷一

梧桐露重晚風清客邸逢秋倍有情  
欲向樓頭舒望眼月華偏似故鄉明

又

憐君苦愛中秋月宦海飄零幾地看  
閒按書圖追往事此年此夕在長安

挽馬天衡

常侍前朝貴平生意氣多殘年今日盡  
弔客幾人過空院喧山雀涼風動薜蘿  
茫茫百端意流恨滿山阿

又

死去應無愧悲君歷苦辛田廬無舊業  
老病只孤身僮僕分遺物床幃掩暗塵  
笑言思昨日觸目一沾巾

送曹子仁檢討和渭清韻

官貧性懶惟高臥送友今朝始出門  
故舊人稀悲去國遭逢事往憶承恩  
北風忽送千山雪長路空驚九折魂  
此別何時重會面筵前莫惜倒殘尊

又

仲冬北地寒尤苦大雪連天送客歸  
白髮驚心時欲暮故人攜手願重違  
簷前翠竹陰仍滿江口黃魚鮮自肥  
今日憐君歸計好春明我亦解朝衣

舍人稿卷一

七

至日早朝

閭闔門開九禁通東方曙色霽曠曠  
日躔乍喜同南陸典禮先傳拜兩宮  
寶扇影搖雙闕外仙璫聲徹半天中  
太平有象徵雲物慶賀還應萬國同

又

天開子月一陽動典禮輝煌比歲端  
玉檢金函來萬國鵷行鷺序引千官  
珠旗盡向階前繞龍衮遙從殿上看  
何幸小臣逢盛會光華復旦誦尤難

至日咏懷



年光忽忽逢長至曉日初晴上北軒殘雪尚留堪  
對酒早朝纔下使關門冷署幸無官長罵尺書枉  
用故人存才微家遠思偏切一體 君親欲報恩

又

纔從君王迎歲回煖寒旋自醺新醅官同岐路悲  
南北余以謫官宜陞京堂老畏流年有去來幾處  
朱門盈賀客殊方雲日紀靈臺偏憐節候驚時物

小樹香梅半欲開

又

過眼年光冬復半一陽初轉氣尤寒同人莫怪朝

舍人稿卷一

參嬾卒歲偏愁衣褐難板屋增寒憐僕臥匏尊無  
綠惜孟乾殘書未厭消長夜爐火更深坐自攤

又

短景微增候欲新自呼濁酒對佳晨乞錢曾說蘇  
司業送米今逢徐舍人徐藝初同官有德疎懶只應揀共

棄才名何有轉相親謀生豈合無長計受惠惟多  
愧此身

又

千門寒色曉蒼蒼館舍爐紅酒正香且喜愁窮逢  
此日休驚歲晚是他鄉 紫宸朝罷仍呼友薇省

官閒更舉觴爲念人生在行樂任從白首笑馮唐

又

至長長引客愁生南望虞丘路幾程風定虛溝千  
樹直雲開督亢一川晴中年倍覺憐兒女多病何  
堪阻弟兄谷口子真應笑汝苦食升斗廢躬耕

寄趙子子孝廉

吾友趙生慷慨士十年鄉貢未承恩家貧強借西  
隣米客到頻呼遠市尊瀛海分廛還共社扶風受  
業本同門趙與余同出楊維揚先生本房亦知卒歲艱難甚冷暑  
既寒愧具論

舍人稿卷一

挽孝廉趙贊陽先生

趙望山人安貧樂道不就塵仕

竟有斯文歎邦家惜此人一經從白首八口任長  
貧德行思陳寔儒宗失賀循傷心憐世好淚下欲  
沾巾

送劉六皆守思南

聞君領郡思南去臥病心傷出餞遲雨雪何堪逢  
歲暮雲山無那悵生離濤聲夜轉巴江水社鼓春  
喧馬援祠他日題詩憶劉尹風流長感月明時

鄉中送米不至

乞糴鄉閭日已久盈車不見送長安年豐穀賤市

還滿水澗冬深路儘寬  
虛擬奔雷爭迅速翻同出  
谷勢艱難連朝側聽無消息  
重怪家人問曉餐

早衙

朝寒高臥臥方穩  
又被人催上早衙  
臘日漸高喧市井  
城門乍啓擁柴車  
蛟冰凍合一條玉  
鴛瓦晴分五色霞  
影過花磚餘懶在上林  
久已散宮鴉

同李渭清宋稚公訪馬貞乾評事留飲

馬君七尺奇男子  
放廢無端惜此身  
何處得錢仍喚酒  
偏憐過午苦留賓  
不疑曾是偷金客  
馬坐推稅缺額  
失宋玉原來作賦人  
時讀宋子近作  
更愛東山李供奉  
尊

前笑語盡情真

太皇太后違豫  
上素服躬率羣臣步禱

員丘恭紀

南郊特舉禮尤隆  
儀仗宵傳出禁中  
羣下暫收蒼玉佩  
至尊重謁上清宮  
虔將九獻明歷意  
祈保千秋聖善躬  
一氣關心念文母  
應知舜孝比難同

又

吾皇大孝超千古  
步禱祈靈太乙壇  
龍趾親移來御路  
齋衣聯隊走羣官  
應知帝座精誠格

似聽山呼  
玉體安懿德同天依  
聖母千秋萬歲共承懽

又

孺慕情深感至尊  
告虔駕出太清門  
陳詞祝史揚清唱  
執籥羣公肅駿奔  
上界居高惟太帝  
一人有道託曾孫  
感通合在無言內  
達孝弘慈兩足論

又

太妃懿徽人共仰  
南郊降禮古尤稀  
金根免御宮中駕  
火藻朝更殿上衣  
致禱身心原自切  
先天

孝德詎能違俄聞  
玉體還清泰臣庶懽聲滿

帝畿

又

太乙壇高倚建章  
漢宮祀事總荒唐  
詎聞明發懷王母親見  
齋宮禮玉皇  
寶鼎烟濃香泛泛  
瑤階霧靄樹蒼蒼  
史臣操筆應詳記  
孝德堪垂奕禩光

典書應友人之急

春山潑墨愛營丘  
久挂清齋供臥遊  
舉火乍聞朝日窘  
質錢聊應故人求  
綵車乍具輕輕轉  
嵐霧虛憐欵欵收  
曾說王公無長物  
蕭然環堵自風流

送朱德園觀察赴饒州

錢唐江潤通彭蠡兼領名州赴水涯坐擁牙旗開  
幕府手持龍節出天家班聯十載依黃閣冰雪  
連朝送使車惻悵故人騰路去可憐白首困京華

東岡公度大行借米

乞米長安苦不足故園價賤劇堪憐青蚨已辦歸  
鄉曲白粲何時到客邊有約已過長至日連朝眞  
阮在陳年比隣高義能相濟霧露中厨見曉烟

米盡再借

前朝借米今朝盡復請發棠棠復開乍喜秦舟能

舍人稿卷一

注

再泛却慚顏帖是重裁供食白粲傾囊出乞火青  
童比舍回念切同心方鄭重官貧肯受外嫌猜

題童鹿遊滄浪濯足圖

長安十丈苦風塵美爾披衣得任真到處滄浪堪  
濯足只應難得是閒身

鄉間送米至

瓶空鼎罄正愁余戶外遙聞駐犢車滿載喜看高  
號米平安兼接小兒書連天冰雪偏能致數月舖  
糜幸有餘一飽吾生欣已足長歌寧敢數無魚

鄉車旋里以俸米寄獻老父因念壽辰聿

過新歲又臨瞻望南雲尤增眷戀

官卑祿薄無餘物乞米還分寄故園久曠耕田慚  
子職聊充餽粥自君恩庭闈笑語添籌日弟妹  
團圓獻歲尊翹首南天遙悵望斜陽寂寂欲消魂

念四夜偶成

披鏡憐雙鬢流光可奈何一官慚不達去日苦偏  
多舊曆看無用新春又重過呼童除濁酒適意且  
高歌

又

祀竈聊隨俗明燈照眼新可憐今夕酒還醉異鄉

舍人部卷一

注

身氣弱寧辭病官卑豈救貧何爲久留滯回首愧  
鄉人

又

轉覺新年近經營事却非苦寒纔臘轉畏老又春  
歸尊酒方堪把明星漸欲稀君門應已啓趨走  
問朝衣

叢碧山房詩二集卷二

舍人稿

任丘龐 豈雪崖著

太皇太后挽章

懿德齊文母開疆鐵嶺東丕承 神祖共翊運九  
人同殂落傳宮禁哀號遍國中史臣思紀述執管  
恨無窮

又

鳳駕遲明發英靈衛百神人哀同喪妣天慘不成  
春會送雕題集連行祕器陳 五龍亭畔路從此

罷清塵

五龍亭人  
皇太后避暑處

又

九獻宮門畢笳簫輟輅輿含飴悲事往曳綈繼今  
稱風雨思 文和松楸戀 孝陵遺命殯依遙  
世祖陵  
瞻柏城路慘慘暮雲凝

又

忍憶千秋夜深宮 母德尊嚴除還正朔付託得  
神孫繪粉靈衣濕鏤金象物繁亮陰三載意其足  
報慈恩

又

聖壽七齡外慈恩五紀寬朝臣紛雨泣高旄動春

寒翠柏山靈護 元堂玉座安 天顏哀毀法隆  
絕路人看

寄丁雁水觀察

君從贛口移荆楚駐節重經兩載餘但使長看黃  
鶴月無妨且食武昌魚艱難倍覺懷知己疎懶翻  
憐絕尺書渺渺湘江春水闊斜陽悵望一愁予

送及佩章秀才還交河

十載同心託弟兄長安沽酒倍含情高名莫倚經  
五晏及見知于李  
及見知于李單綖誰當重鵬衡世路無端空  
按劍鄉田猶在且歸耕可憐相見還相別愁聽離

亭二月鶯

孫潛軒國公書舍新成索題

兎園舊地 先皇賜公所居即義王府  
世祖皇帝勅建精舍新開  
一畝餘旋展藥欄栽野竹重添水藻蓂文魚深嚴  
近接三公府文雅初瞻萬軸書欲賦良遊無妙思  
白頭授簡愧相如

又

禁城晴色霽餘暉門館人稀一鳥飛碧樹青連小  
山桂雜花香撲令公衣 朝回秘卷閒常把客到  
名園坐不歸幸值太平無事日玉壺春酒莫相違

又

草堂新結憐幽折蒲倚竹床坐自隨久識將軍容  
揖客豈知王子善吟詩酒肴向晚家旋辦花樹連  
行手自移最是春光看不足山桃低放入簷枝

送張晴峰少參赴榆林

五載吳山怨別離風塵回首髩如絲秦關此去三  
千里再得相逢又幾時

又

故人持節秦中去一曲離歌恨不休極目雲山千  
萬疊相思何處夢葭州

舍人稿卷二

又

宣武門西下使車鶯花悵望意何如故人此去常  
相憶莫惜榆關一紙書

初度日宋雅公賦四詩爲壽依韻奉酬

評事宅中初見日憐君意氣自孤騫論交有道纔

傾蓋問疾關心屢過門愛逐蒼頭分茗飲

宋喜嗜茶與余

同慚看畦菜出盤殮相板各說高堂老俛首燈前

憶故園

又

入夏經旬尚薄寒曉風庭院怯衣單清齋竟日掩

佳客白髮十年耐冷官自晒形骸同土木虛勞贈  
句比琅玕尊前月上休歸去旅邸應憐會聚難

又

疎慵自喜逢迎少晝掩蓬門長綠苔彌勒有龕聊

共住

余齋中供烏斯藏佛

飽尊對客且須開故人不厭微官

老令弟頻推小宋才已約入都同過訪晚涼還擬  
走高槐

又

四月榴花開欲勻花前酌酒見情親年華遞轉悲  
流水馬齒增長愧此是薄劣何當勞記憶笑言聊

舍人稿卷二

取慰風塵披衣莫厭頻來往好友難逢是一真

送趙旦復遊閩中

良會那可常遠別已及期遊子戀舊交執手與我

辭此行既越地炎荒海一涯共人多文身出入同

蛟螭孤身萬里外懼爲道路欺君子存忠信勉

隨時宜自珍寧可磨柔謙終自持朝濟桑乾水暮

宿督亢陂君能保歲寒焉慮歸來遲

又

閩海不可極塵沙暗平原此去萬餘里何時反故

園衣食驅壯士孤蓬棄木根所愧在至交力難難



相存伍員乞吳市食其就監門賢傑肯未遇往往  
既衰殄隱忍隨時會吾道常自尊人生感意氣離  
合安足論

又

鴻鵠輕千里男兒志四方人生不得意焉用守故  
鄉慷慨呼僕夫中夜促行裝南行陟幔亭高標插  
穹蒼奇峰三十六羅列爭低昂長揖武夷君傾壺  
出瑤漿半酣激長嘯神氣何飛揚濯足九曲流晞  
髮陽阿傍寧知同心人相思懷永傷

哭和風嘉舍人

舍人稿卷一

五

一官嗟白首十載近黃扉趨走生涯苦田園晚計  
違殘書收敝篋歸視賣朝衣有泪爲君盡傷心看  
落暉

又

憶昨逢君處層城晚照開攜行金闕下同哭  
梓宮回尚作招尋約寧知死別催黃泉痛倉卒腸  
斷有餘哀

又

不忍聞君死驚心淚欲殘兒生方在抱老死未遷  
官細雨銘旌濕春風旅襯寒歸魂望鄉隴寂寂抱

辛陵

又

將老失良友妻其怨弗勝待炊分祿米借宅感山  
僧僧舍薄宦虛相誤浮生信可憎茫茫九泉路  
有夢亦難憑

送霍晴嵐攜家歸澤州

忽得津門信聞君歸興長前行領兒子將老憶家  
鄉知足倚人內投閒一水旁還尋舊隣里丘壑共  
相羊

又

舍人稿卷二

六

廿載經營就山居志不違園留三徑在老博一官  
歸問訊通作今八墨換旅衣往來呼斗酒談笑對  
斜暉

又

清明歸路好野麥綠初齊悽愴思先壠提攜伴小  
妻山連巘嶺北宅枕潞河西一榻松陰下閒聽翠  
鳥啼

書鍾文子先輩傳後卽東令嗣聖輿

先生辭世經多歲風節猶傳似古賢客久已拋章  
杜宅官貧莫買誰陰田摘園樹老留餘韻華嶺秋

深見晚烟今日相逢阿戎在一尊妻絕話當年

午日欲訪蜀公友人留飲不果

客中忽忽過端午三百流光半欲殘轉惜浮生老  
將至從知佛法遇尤難擬親杖履求真諦偏有逢  
迎笑冷官苦被同人泥共飲花宮咫尺阻清懽

若之上人數問余疾兼約過寺感賦

不到招提經兩月繁陰入夏想高槐關心支遁還  
相憶示疾維摩信可哀棋局偏宜松樹下香烟常  
入講筵來何時繫馬山門外愁眼逢君更一開

送家錦里兄權稅崇明

舍人稿卷二

七

崇明不可問海氣隱孤城積水生潮汐離心感弟  
兄鳴鼉吹巨浪小吏把前旌千里天南道炎瘴念  
此行

又

家貧阨薄宦身弱病相侵正抱窮途恨難爲遠別  
心情隨原鳥切夢逐海門深旌旆悠悠去含情託  
短吟

又

立馬臨岐路斜陽未忍回亦知別離苦無那簡書  
催水舍郵籤報洋船估客來公餘一盃酒鄉思莫

深哀

述舊寄安靜子

丙寅遊東山慰馬濟南城喜得鍾士季因識安期  
生論心傾蓋間投分如弟兄探奇華不注弔古歷  
下亭鬱鬱佛山高在佛山潭潭峭湖清往來釣突  
泉側坐聽龍鳴酒酣逸興發長嘯氣縱橫汝唱予  
有和我歌子復展一別如風雨兩載隔燕京改官  
歸青瑣染翰趨承明良無逢時資頗爲流輩輕阨  
窮過展季唇舌愧君卿五侯不造門七貴寧通名  
忽憶曩時友伏處託柴荆雜花繞曲砌高柳蔭檐

舍人稿卷二

八

楹隱隱蒿萊間時聞讀書聲相將兩男兒討古窮  
精英科頭臥北牕竟日無逢迎思君令人如緬焉  
抱深情

過聖安寺有悼郝中翰

古剎幽偏宜盛夏去年曾此憩閒身清談喜近竺  
高坐白髮重憐郝舍人竟日圍棋隨徑竹有時澆  
酒脫頭巾眼前依舊論心地似隔山河無路親

寄石左丞念憲

帝里僦居常共巷年與一別阻天津故人連歲稀  
書札倦客逢秋乞病身乍喜年登開酒社從無吏

下嶺舂陵鮑魚正美尊絲滑穩臥蓬軒未厭貧

留別羅大行西溪

白蘋風動起微波秋草連天客渡河多病自憐歸  
計晚別情無奈故人何 金門待漏時聯步蕭寺  
尋僧每共過更愧題詩遠相送幾回吟望隔烟蘿

彭美門學士奉 命祀闕里使道枉顧

俎豆尼山重詞臣舉祀初別離憐好友風雪枉吾  
廬龍節隨 王命隣人看使車全家承問訊感歎  
意何如

張大行肅昭頒 詔淮上道經任丘遣使問

舍人稿卷二

九

訊余病不能走晤兼有所感并書見意

聞道皇華客乘輅此地過名家出燕國使者得隋  
何 帝德昭無外臣心矢匪他 思綸光幕府行  
李向淮河雨雪千山道馳驅四牡歌 龍亭回晚  
照絳節映林阿休駕依信舍含情問薜蘿嗟余勞  
造化撫體厭沉疴暫假辭薇省閒居卜邵窩含沙  
偏有伺尚寐戒無訛將徙東方翼終操入室戈青  
雲餘悵望白髮任蹉跎悠忽形骸累年曹歎息多  
獻芹殊自鄙適館悵如何

叢碧山房詩二集卷三 舍人稿

任丘龐 塏雪崖著

元旦家居口號

盈庭燈火照輝煌柏葉香濃共舉觴記得前年此  
時節九重金殿賀 君王

又

薄宦經年笑此身歸來重喜遇新春家儀秩秩先  
諸弟柏酒雙雙獻 老親

又

纔從堂上賀年回弟娣連行各到來阿弟拜兄娣

舍人稿卷三

拜嫂一門和氣逐春開

又

華燈簇簇重開筵佳婦佳兒奉酒前齊祝耶孃身  
體健雙瞻白髮過年年

又

阿宜五歲憐嬌小梨栗常從伯父求也說今朝新  
歲首學人跪拜過床頭

又

平頭奴子小奚童願祝新年好事同長得酣眠飽  
食飯等閒莫觸主人翁

又

往來親友交相賀舊俗從更一駭然寸大紅箋書  
姓字家家顛倒貼門前邑中賀歲舊用紅片簡或  
門設紙筆通記今竟用小

過樂上人菴中

偶憇依開士禪房分外清攝心持有戒觀法得無  
生落日寒林淨懸燈古殿明空知寂爲樂回首愧  
營營

再到河間別孝緒

又向京華去重來念故人鶯花偏悵別行止不由  
身遭遇咄顏駟流年誑買臣喜君新報最相待立  
通津

彭美門學士自山東回再承惠問余偶出失  
祇待

東山殷祀畢日色改春溫偏以趨朝便重過故  
友門偶然耽野興遂失禁行軒歸臥茅簷下懷情  
那可已

與高子修刺史話舊

快安沽酒訂盟日羣展追隨共後先淪茗時過高  
閣下時余寓慈仁寺題詩閒倚占松前同心一別驚風雨

華髮相逢感歲年幸喜分符依孔邇相思騎馬到  
城邊

叢碧山房詩二集卷四

舍人稿

任丘龐璠雪崖著

途次修武張慧生大尹款留卽席

雍城亦古國風景至今存  
流水環山郭荷花入縣門  
俗貧常寡訟戶少不成村  
桑梓情偏篤驚慙繫客軒

道經山陽城有感

人生聚散傷心處彼此千秋共  
一時我有故交零落盡  
黃公墟上莫題詩

偶病憩河內

舍人稿卷四

暫從河內駐征輪  
茅店炎蒸氣不伸  
浮世交情誰獨重  
窮途僮僕自相親  
無媒仕路憐將老  
多病生涯患有身  
攬勝橋邊遙悵望  
鄉關渺渺暗傷神

途次遇李吉占從弟詢容縣

屬廣西梧州府

風土并

李近況喜慰有寄以詩代書

嶺南一別經三載  
消息初從河內傳  
百里人烟連市井  
四時花鳥自山川  
休看風物悲吾土  
喜說身強過往年  
道路匆匆逢令弟  
憑將詩句到天邊

早行值雨避僧舍

六月行程愛早涼  
平明僮僕捲衣裳  
那辭避暑留

河朔河內令李爲爲憶同人赴洛陽北舟次爲河  
劃地奔雷纏急峽  
漫空凍雨溜前岡  
山僧煮茗如相待  
一笑開門坐竹牀

雨中渡黃河

雲垂水立浩漫漫  
一瀉還應萬里看  
雷電纏空低伏雨  
鼉鼉蹴浪起驚湍  
輕身未厭風濤險  
薄俗重憂行路難  
擊楫中流忽已過  
前村烟火出林端

千祥菴

在洛陽東城外

中贈了寒上人並寄憫忠寺

若公老友

相見不相識  
通名久共語  
幾年同冀北  
一笑遇河

舍人稿卷四

二

南留客分禪榻  
焚香禮石龕  
遙憐若開士  
寂寞守經函

贈汪舟次太守

獻賦當年近紫宸  
班聯濟濟共相親  
殊恩特

拜二千石  
故舊常懷五十人  
雨雪天中行郡日

戊辰冬

風濤海表泛槎辰

汪曾出使琉球

茫茫世事誰能

料無限  
升沉感此身

又

使君高卧意何如  
洛下風烟駐客車  
道路重分千里外  
弟兄遠別五年餘  
清時莫薄淮陽守  
白首誰



徵太史書惟在吳公留治績賢聲前後足相於人  
吳公再見云

郭氏園林  
金吾郭五宗別業在城中西北隅亭臺剗折竹樹蔚然有山林之致  
訪友初過洛炎天駐客車偏憐池館勝肯借故人  
居竹密惟通鳥花香欲襲裾從來說西宅  
西宅潘處在洛水之南岸於此復何如

又  
別業開雲水幽偏足自娛掃牀留故客命酒出中  
厨樹愛雙桐老山憐片石孤高談饒意氣應數郭  
金吾

舍人稿卷四

三

又  
亭小疑浮出滌洞水一涯古藤牽細蔓獨樹發高  
花竹几攤書穩匏尊引興賒人生原逆旅得住卽  
吾家

又  
旅邸真無事微吟倚檻前晚烟浚灌木暗露灑香  
蓮就月頻移席留僧喜近禪此間差可樂鄉夢莫  
相牽

又  
身病怯長路閒園借小安松涼收枕簟地僻不衣

冠悟道觀朝樞臨流憶釣竿鄉山吾去後花月好  
誰看

又  
怪君久不出應戀水雲居興到親澆竹閒來或枕  
書薄田惟種秫小沼自生魚向夕一尊酒翛然與  
世疎

又  
負性耽幽僻娛情得此園澆花穿露井度水踏雲  
根司馬才何有嵇公懶獨存故人仍謬敬車騎屢  
過門  
汪太守隔山一至寓

舍人稿卷四

四

又  
一夏又將盡他山老客栖新篁凌檻出野鳥背人  
啼對雨思鄉賦閒遊愧小妻東都望瀛郡猶隔汴  
城西  
時擬至開封然後北歸

又  
洛下多人士逢迎靜往還吟詩常過日映竹獨看  
山歸計終難定鄉心豈暫閒壺觴勞地主朝夕共  
追攀

又  
層軒暑不入雲水湛清幽綠重看江橘紅垂有石

榴生涯常作客物色欲先秋何日山資足歸與卜

一止

葉元平見訪不遇留詩相贈依韻酬之

探幽偶向東城去求仲還開到舍邊異地雲山遲  
悵望炎天希展枉周旋喜無題鳳含微刺謬許吟  
詩似古賢暑退秋歸堪對酒終期共醉碧梧前

洛城立秋日

十日閒愁愁不開上東門外強登臺家鄉悵望千  
峯外秋色蒼涼一葉來天地何心常作客河山無  
故白生哀銅駝金谷空陳跡古刹鐘聲莫設催

舍人稿卷四

聽洛河水聲

洛水來何急滔滔繞郡城經年流不盡入夜聽尤  
清颯颯疑山雨瀟瀟亂竹聲誰能識此意川上共  
含情

和孫扶蒼見贈

旅館新秋少客過留君沽酒且高歌貧憐孫楚才  
名重老厭馮唐白髮多洛市風塵淹驥足鄴亭烟  
雨戀魚蓑客中莫惜頻來往計日輕裝又渡河

金谷園在洛城西三十里

落日照寒流黃草蒙沙阜齊奴有別廬相傳此洞

口當其全盛時登臨集寮友果樹列前軒藥草延  
砌後笙筑相間作清唱激林藪紀氏名書官設罰  
惟用酒凋落合有期性命焉能久著後託詩篇什  
名遂不朽

晚登九龍臺望邙山有感

遠客逢秋心易哀斜陽多病復登臺燕山悵望無  
書札洛下招尋有酒杯古刹焚香僧定後高城吹  
角烏飛迤北邙松柏傷心地回首浮生萬念灰

初秋郭雪樵携酒同令姪五宗賈小彭文學

招遊周公祠納涼

舍人稿卷四

今夏夏熱秋轉熾白帝失柄祝融驕心煩氣喘燥  
欲死郭君置酒來相招周公祠下新涼好乘朝走  
馬踏秋草洛陽才子賈生孫小阮金吾同就道羣  
飛螭架何堂皇老槐落花覆堦黃分漚定鼎業不  
朽袞衣赤舄揚靈光殿後雙楹接殿起豁達長風  
來萬里披衣乍覺纖絺輕縱飲寧論觥籌駁殿西  
小開高崔嵬趾趾荒磴延蒼苔太室一柱排突上  
御砦如日砢研開伊水逶迤洛水急邙山日暮陰  
鬼集直是當時豪貴人寂寞榛荆空悲泣噫噓嘻  
今古茫茫等逝波燕山遠客髯已播功名富貴草

頭露泥有知已同高歌相看不飲欲如何

晚坐書懷

林溪地僻欲黃昏已有蟲聲遶砌喧不見鄉書來  
雁塞空看秋色滿龍門開闢日夜人將老失路悲  
歌性獨存洛下年光亦蕭索一燈潦倒對殘尊

贈尚若日

尚生望古真狷士洛下飄飄歎轉蓬幾處書傭輕  
寶舉何人文似識楊雄一屢授土終難墾尚聞人  
隨衆屯  
田貧不三十無家詎屢空尚年踰三  
旬未娶說與憐才汪  
太守急爲設策救途窮

舍人稿卷四

七夕邀葉子過飲不到以詩來戲答原韻

竹樹蕭森日又晡重逢佳夕旅情孤漫陳瓜果羞  
兒女強設盃盤待酒徒免俗未能聊爾爾高歌何  
事感吾吾誰憐不乞天孫巧一拙從教老是夫

早秋龍門懷古

設險驚伊塞千秋王氣遙川流回左側天關插層  
霄牲璧追神禹河山送列朝斜陽憑弔處草樹正  
蕭蕭

又

關口通南北風烟萬里收山連楚塞遠水向洛川

流古樹分殘照涼蟬報早秋昔人遊賞地蕭索動  
閒愁

又

重崖突如壁一道豁青天石壁層層佛兩崖刻鑿  
佛像無數  
山根處處泉人烟通洛下風雨會嵩巔客路驚奇  
勝題詩紀歲年

同諸友登禹王閣有感

岿峩丹閣倚層空疏鑿千秋誌禹功洛志載禹鑿  
伊闕以通伊  
水關塞龍歸喧峽口嵩高雲斂出天中客程欲轉  
梁園駕鄉信猶遲碣石鴻醉倒尊前憐勝會天涯

舍人稿卷四

能得幾回同

賓陽洞小飲念劉鳧山不到

曲折緣苔磴探幽到上方懸崖通佛日苦竹隱僧  
房陰壑魚龍冷清秋草木黃銜杯此地好疎懶笑  
真常

白樂天墓

在龍門  
東側

少傅唐時傑荒墳對水濱老充鄉社長詩壓故時  
人松柏摧孤樹狐狸託近鄰高名果何用遙望一  
沾巾

過安樂窩有懷邵夫子

愛邵夫子千古真達生讀易忘寒燠元化洞幽  
精理明數豈違道足物自輕結廬洛水上安樂非  
虛名吟詩何必苦逍遙暢心情

### 平泉墅

訪古問平泉所見但荒草思哉贊皇公承先事締  
造花出日南嶺鳥來隴西道作書戒後人木石以  
爲寶寧知崖州行厥躬不自保我來當清秋露白  
風浩浩岸谷尚未移故物跡已掃披荆覓殘基漫  
滅誰能考

### 晚出銅駝街

舍人稿卷四

九

落日東城外荒荆沒斷垣銅駝已不見況復問宮

門

### 對月

傍晚增微涼草蟲鳴不歇空階重徘徊愛此梧桐  
月

### 登邙山望漢諸陵有感

北邙多古墓細碎誰能窮圓山起西北纍纍積豐  
隆云是漢諸帝骸骨託其中繼體中興後勢位何  
尊崇盤龍護寶座丹鳳繞簾櫳金殿臨御階拜下  
俯王公過闕誰敢顧出入同鞠躬住世無長年龍

去悲遺弓往往無牧人磨刀并其宮勢隔分雖殊  
理感情亦通念此愚賤軀誰堪問所終日暮歎息  
去鳥雀呼悲風

### 寄耿迺菴先生

北闕蒲輪承召日風光回首數經秋廣川自昔  
知難遇司馬於今亦倦遊家近名山堪送老道成  
白髮更何憂偶從洛下逢高業見說平安慰客愁  
若劉見山有贈兼別之

久住原非計將行意轉遲交情投異地送別感新  
詩道路成吾老雲山繫爾思離歌聲自苦況值早  
秋時

舍人稿卷四

十

### 留別洛下諸子

洛城木下水微波白露迎朝初渡河歸客休憐行  
色晚輕裝饒有贈詩多雲山遠送終分手世路難  
言且放歌爲語諸君須努力人間歲月易蹉跎

### 寓中同郭五宗話舊兼留別

往者在輦下塵市苦闐喧共賃慈仁舍東西對寓  
門官事雖分曹出入同禁垣退食有餘暇步趾  
互扳援更携馬常侍馬名雲從明季禮監南司情好如弟昆  
看松常握手見月必開尊歡樂難久長分飛慘心

魂君行感夢我寂寂歸山樊余亦困風波仕路見  
覆翻改官中書省重承 聖主恩馬老遂云歿魂  
魄守孤播生離心已折死別聲復吞念我平生歡  
獨處寡笑言以茲實倦遊養病乞田園故人東都  
守意氣頗孤鶩相思聊命駕千里驅行軒嵩山峯  
留遠客供給接養癯今夏盛毒熱日氣赤如燉汗  
流氣不蘇躁急結煩冤賴君池館勝清涼能自存  
睡吟修竹下暮倚青桐根西風催歸思僕夫回北  
車世事如江河一往誰能反感子殷勤意欲語難

舍人稿卷四

士

真論君其勗高節永念託瑱璠

白馬寺

漢明帝遣蔡愔等西域求法遇摩騰竺法蘭以白馬馱經及釋迦像赴震旦愔偕至洛陽建寺遂以白馬名舊有南北二臺遺址尚存

經傳白馬古剎出層霄大法傳西土高臺起漢

朝松杉依曲徑龍象護懸橋尊者仍陪祀千秋共

不昧摩騰法蘭像

宿袁紫宸山莊

石居聊避地客到旋開關鳥散簷前樹秋生檻外

山風塵惜屢別身事厄時艱尊酒燈明裏爲君一

仿畫

又

洛陽憐數會村舍約重過有底關情極其如遠別  
何幽林移颺颺秋水假鼉鼉莫話前宵事偏增歎  
息多時遭盜

鞏縣道中

重崖橫欲塞箭括一門開嶺勢環相抱河流側讓  
迴我車愁屢折我馬歎虺頽忽覺崎嶇盡狂歌晚  
興催

汴城晤王崑石觀察言下有感

世事已如此吾曹且奈何閉門高卧足把卷夜吟

舍人稿卷四

士

多荒徑存松竹秋風到芰荷相逢憐道氣斜日一

長歌

宋故宮

宋代皇都此汴中滄桑回首歎何窮可憐花石繁

華地草屋河沙壓故宮

金明池懷古

池周世宗開宋太宗用習水戰今廢元人工版明有金明池遺址

今朝親到金明

池金明水洄形勢在極望不見東西涯憶昔卷中

多景色瑤宮璇室光離離北接長河爭澎湃西影

太室涵參差龍舟天矯張鱗鬣壯夫擊鼓揚旌旗



回首北何叫漢武氣象欲壓昆明池周祚忽移宋  
社屋滄桑轉眼萬事非神龍一去波濤靜洲渚無  
光留空陂涼蟬聲急草蟲苦白沙如雨隨風吹燕  
山孤客好感慨白頭蕭颯來題詩人生萬事圖久  
遠繁華肯憶凋落時天地無情會歸盡太山東海  
同遷移行年五十見事晚獨乘驚馬將安之

長獄

在城外西北宋  
道君皇帝建

峯壑頽殘汴水邊斜陽秋草殢寒烟淒涼樵牧聞  
歌日想像鑾輿望幸年花石八方歸御苑夢魂五  
國阻冰天縱使化鶴來華表城郭人民不似前

汴城雜興

舍人稿卷四

三

汴城秋日霽晴暉風捲河沙上客衣五土鄉音生  
曉市萬家新屋敞烟扉宋朝宮殿無踪跡周邸樓  
臺有是非極目西來山色在千峯嵐翠接霏微

又

雉堞逶迤帶晚霞西風涼吹動悲笳樓迎太室孤  
峯出城背黃河九折斜原草久荒公子墓市塵誰  
問賣漿家殘燈獨夜開尊酒岐路萍踪處處差

又

斜陽吹角動燕樓景色蕭條此浪遊燕塞河山迷

遠望梁城風土入閒愁陰雲不降三秋雨賦斂空  
深萬室憂爲語諸君須作意雁鴻合有稻粱謀

又

繁臺倒影入秋晴鐘定長衢市語清草榻難呼羣  
僕睡孤燈自照一蟲鳴依人計拙離鄉土當路權  
高賤客卿千里燕關殊未遠明朝便擬出梁城

舍人稿卷四

十四

叢碧山房詩二集卷五

舍人稿

任丘麗 塏雪崖著

庚午人日晏集

家居重改歲獻節此開筵待客占人日分支紀馬  
年比鄰通欵洽禮數共周旋生菜青絲細銀魚雪  
片鮮直應依故舊那合背林泉嚴假旋將滿離心  
忽暗牽放歌饒病後屢舞起尊前酒蓄重陽釀燈  
先元夕懸他時應悵望卽席好留連拚取今宵醉  
休聽曉漏傳

齋中聽雨有會而作

舍人稿卷五

零雨從東來浮空漫浩浩大哉皇天仁庶族回枯  
槁簷霽何淙淙庭圻宛行潦浸淫階砌間爲我生  
春草竹樹發華滋葱蒨顏色好坐久無餘聲虛堂  
失昏早轉覺耳目寂萬機寢懷抱發育感自然有  
爲非至道誰能方寸中冲夷常自保

初度日放歌

十年貨遍長安居故園舍在同蘧廬去秋身病懇  
乞請 天子暫許離中書四月始望吾誕日家人  
設席清增除行年五十又一歲顛毛種種身簪條  
朝來北堂初進酒跪拜欹側筋力疎 老父微歎

老母笑見曹乃弗渠爺如弟姪紛紛共稱壽何以  
燕之鷄豚魚松竹影移日將暮中座不飲生躊躇  
苦戀薄宦因奔走不安時命何其愚策足要路須  
巧力多金高位非吾圖迂拙頗遭時輩訕人生何  
必拖青朱眼前假限又將滿趨裝行且還京都重  
謀歸計俟後命庭幃終擬陪歡娛好備鎌刀浚深  
井看余學圃城南隅

讀書臺懷古

步出城北郭東望讀書臺相傳吾丘生故宅臨河  
隈文學動人主徵召出蒿萊嚴朱起同時聲華震  
八垓我來披荆蕪懷古欽雄才空見濡水流斯人  
安在哉大雅不復作回首令心哀

贈一覺上人

花宮雲樹覆青烟香饌分供上客筵僧臘再添憐  
此日松陰無改似前年戊辰會曹山嫡派能傳法  
麗老家風舊喜禪未了官緣慙再出相留棲息感  
君賢

張柳塘舍人假歸

童稚盟心雁水前送君此去更悽然閒階月上論  
文日別苑花開載酒年正擬同朝陪笑語重因多

病乞林泉程途頓說家鄉近消息須傳到客邊

送秘仲負祠部權稅蕪湖

故人持節向蕪城驛路南天半水程多病漫愁前路遠一尊且喜晚涼生水門帆動商船過桂樹花開客署清華鼓遙傳邊塞急故園回首倍含情

送申敬敷宰宜陽

一曲騷歌咽不休故人試宰向中州魚龍氣靜黃河夜禾黍涼生少室秋百戰烽烟連絕塞十年風雨畔牢愁酒闌日暮分携處厭聽驚鴻叫遠洲

重陽前數日東登舍人宣之

舍人稿卷五

三

貧中難負重陽節強插黃花徧客居君但能來就秋色相留燒笋借僧厨

又

今年九日有花開新釀牀頭旋醪醕更說登高此地好寓居東畔是香臺

爲先職方兄寫二十三年 覃恩敕軸

鳳池初授草擢管涔沾巾忍把郎官軸空悲畫省人紫泥承寵日白髮蓋棺辰十載長安舍憐余意獨真

又

八年司馬署千里異鄉魂見差前病卒楊州松柏添新塚綵綸感舊恩精靈應不泯官號念如存萬事非君有持茲慰九原

又

草就重披卷悽悽意不禁官憐郎署老人隔墓門深一命承天語千秋慰子心雙親膺寵贈感動夜臺吟

九日雜興

今年九日又京華旅舍幽偏興轉賒近寺喜聞雙樹法官貧強買數枝花鄉田禾黍收新粒關塞烽烟息暮笳如此風光吾不醉那能愁坐作生涯

舍人稿卷五

四

又

千林黃葉雨蕭蕭籬菊花开又此朝故國經秋三徑阻殊方多病一身還家貧差喜高堂健嬉戲偏憐稚子嬌惟有此情消不得空庭徙倚益無聊

又

清秋佳色滿晴空天子朝居御苑中見說稱觴先聖母時皇太后同幸暢春苑更聞戲馬出離宮隨班近侍收封奏振旅將軍論首功虛點班行無事日甘泉欲賦愧難工

又

招提地古少經過良友相逢感慨多

米紫來携酒過寺呼共飲

九日筵前悲聚散十年意外各風波黃金結客心猶在白髮催人老奈何欲向空門覓消息免教身世兩蹉跎

又

客邸今晨樂不勝太平風景興堪乘八方貢士升

京兆鄉榜前數日

三捷全軍奏白登過市何人狂使酒

隔離有客喚尋竹開官偏少閒筋力臺上題詩我未能

又

舍人稿卷五

五

古刹樓高遠市塵斜陽紅樹關鮮新千秋令節傳今日幾輩登臨憶古人已識浮生同逝水急須行樂及當身何心更灑牛山泪百度懽娛減一巡

又

燕臺南下草萋萋漫把茱萸意欲迷羸疾關心惟弱弟寒衣送遠待山妻離鴻厭聽中宵過歸路愁看落日低相見無由聊寄訊鄉書一月幾回題

又

搖落西風萬壑哀十年客路老金臺桑乾水落魚

龍夜碣石秋高鴻雁來老衲圍棋閒對局鄰翁泥飲暮啣盃浮名身外何須問取次常憐笑口開

又

忽忽京華又暮秋興來今日復登樓百年抱病漸朱帶三仕爲郎笑白頭好夢未須貪昔昔結亭只合號休休故園諸弟知吾意修竹新開一徑幽

登宜之舍人趙素臣秀才過訪畱飲

西山寒色起秋烟客舍甯賓也可憐蔬菜厨空無好味柴門地僻辱高賢白頭偏落叅軍帽沽酒新分司業錢疎懶如余君不厭衙叅無事許高眠

舍人稿卷五

六

又

到門有友喜相將一笑開尊共舉觴孤客悲秋歌欲放寒花插鬢興尤長生憎落葉辭高樹不分齋鐘報夕陽耳熱酒酣重起舞阿奴狂自舊來狂

懷李渭清雲南典試未回

翰林才望滿京師客舍逢辰靜有思萬里雲烟迷脊九九秋風雨會滇池殊方尊酒詩成後還夜情人夢到時未及吾來君已去予今重悔別家遲

題對山圖贈別李吉父侍御

生事堪高臥田園懷素心斜陽寒樹遍秋色閉門

深酒熟新收秫狀橫舊買琴青山僥近眼相對短  
長吟

有感

參知黃閣分原尊十載曾同沐 主恩屢走自應  
驅瘦馬相過漫擬賦高軒前呼累月空傾耳飛帖  
今晨始到門不是貴人多失記時移身賤不堪論

僑居

僑居依古寺落葉閉門深棋共山僧下詩偈小第  
吟年華從老大仕路任浮沉昨日鄉書到平安慰  
客心

舍人稿卷五

七

莫州有坊曰昭君故里按志齊神武第 子

妃婁氏小字昭君莫人非王昭君也行人有

以青塚琵琶引之者因作此詩以正其誤

婁氏女兒家莫上長成窈窕作齊嬪無端偶合昭

君字幾誤當年出塞人

又

昭君同字不同姓莫北荆南各一方說與行人休

錯認琵琶馬上是王嬌

燈下同弟重作

疎燈分靜照瘦影可憐生有底嫌吾弟無端似阿

兄度朝惟一飯把卷過三更偶說家關好低回免  
有情

小至日懷徐勝力

相待京華久仍遲使節歸蠻方無雁過段琯有灰  
飛白髮年華過青雲故舊稀子懷那可道渺渺立  
斜暉

又

相知君獨早十載共京師編紵訂交日蓬萊獻賦  
特別離傷歲晏雨雪念歸遲道意惟尊酒淒涼強  
自持

舍人稿卷五

八

又

古道曾相許論心憶舊盟登堂同拜母序長合稱  
兄十載承明直千山貴竹行天南懷使節愁共一  
陽生

懷思南守劉六皆

一作思南守京華隔四年歲時人自老詩句好誰  
傳乳犢沿谿舍牂牁下水船路長等竹密無夢寄  
君前

懷李吉詹

前歲中州道相逢今弟來重開筋力壯無那鬢毛



催雪片經冬少山花遍地開官閒一盃酒曾否憶金臺

同蘇鈍夫臧介子出鹿亭晚過憫忠寺訪若之上人用壁間韻

勝地松杉引悠然出世間懸燈開古殿倒景下寒山晚磬聲初歇雲房靜自關官閒笑吾輩終讓老僧閒

陳繡峰戶部以海魚松茗見遺

魚吾所欲茶吾癖遠餽兼承感歲闌久得傳經同陸羽不勞彈鉢效馮驩筵中酒寧憂渴午膳炊羹好並食千古清風懷仲叔空食口腹愧交催

除夕同信公弟寓中守歲

聲聲爆竹漫相催臘盡長安春又來棲萼有詩聊共和梅花向曉直須開休思鄉舍經時別且進屠酥最後杯五十爲郎信衰晚寸心猶擬報涓埃

又

我來帝里夏方半轉眼年光臘忽殘饒有高歌倚弱弟那無濁酒佐辛盤墻陰雪濕旋開凍墻下松青好耐寒自晒疎慵朕酬應宜人暢合是閒官

又

家家競辯窮年供中舍先生閒自如摩詰有心耽寂樂龐公賦性愛風疎身經三仕仍郎署老戀雙親想舊間唯有此情長不解纔隨臘去又春初

叢碧山房詩二集卷六

舍人稿

任丘龐 塏雪崖著

元日試筆同信公第得辰字

青陽乍轉入初春萬國朝元又此辰疎懶性成寧  
作我風塵宦薄強隨人他鄉兄弟一尊共 帝里  
衣冠萬戶新白髮漸添筋力減茲生何以報 君  
親

元旦早朝

星回斗轉禁城隈聞闕鳴鐘次第開萬里條風迎  
曉入 九重春色白東來卿雲擬上昇平頌湛露

先沾獻歲杯

是日  
舍人稿卷六

聖德如天期共報一時拜舞

咏康哉

春日過西海子恭望 瀛臺有作

太液環西苑東風解凍開遊魚吹沫出垂柳放青  
回樓迴宮雲護春遲晝漏催當年陪 賜晏龍舸

上 瀛臺

過白塔寺

鷺嶺逼湖水諸天儼上頭鐘聲傳遠岸塔影漾中  
流內府香花盛番僧咀梵幽誰憐空寂地曾是舊  
粧樓 寺即蓮后院  
粧樓故址

送蔡方麓中允歸省

方春不可別知子戀庭幃 詔下辭鸞掖歸來換  
綵衣江魚衝岸躍烏鳥趁朝飛余亦懷明發長歌  
愧式微

張穀文約同桃園看花及期別出余獨往取  
醉張以詩責負約兼訂後期戲用來韻答之  
食赴看花約相過及早晨掩關重卻客獨往詎需  
人一盞前村酒千枝古洞春傳言謝張子再去恐  
迷津

寄萬仙期明府

舍人稿卷六

金容城裏傷初別宣武門西憶再逢幾載同心餘  
悵望片時握手失從容江連赤壁風濤濶春到黃  
梅黛色濃一入中垣重乞米三年辛苦歎書傭

嘉魚令歌

有序

粵宗右魯兄宰嘉魚夏寇變力捍孤城請鎮  
兵誅賊事平撫軍薦其才竟以親老乞歸歌  
以贈之

武昌城頭鼓聲起三千官軍化賊子白馬盟成氣  
已和劫質官吏掠城市逆旗指處天爲昏男逃女  
避哭聲吞湖北郡縣五十二孤城唯有嘉魚有賊

來通城令宰怒手劍登埤氣如虎仰攻四面羅紅  
中告急中宵馳白羽洞庭飛渡援軍來魚料山前  
大會埃我師賈勇賊師懼雄劍一動冰山摧長鯨  
授首江漢定論功首上嘉魚令倚問回首念庭幃  
拂衣却請還山徑嘆爾區區今之人口談節義心  
非真誰能臨危不愛身誰能辭榮不遺親吾兄至  
性何箇輪功成揮手離風塵高堂白髮供昏晨獨  
才見松柏蒲柳同生植未遇歲寒那可識

清明偶成

寓僻無人至詩成祇自吟白頭方歎老令節更驚  
心餒粥香隣舍鶯歌喜上林年年逢此日微雨灑  
輕陰

春日感興

春深草色上階除抱病經旬掩戶居家儉常容頑  
僕悍官卑能使故人疎孟乾蘘甲尊無酥帙散青  
縑案有書聞道西山花事盛出門虛擬問籃輿

又

僧寮幽僻遠層城借我安居遂嬾情半世浮名吾  
白髮一年好景自清明即看花鳥愁仍劇若望松  
楸恨轉生靜掩齋房初絕粒短簫休聽賣餠聲

又

惠連詩思自清新相伴西堂又暮春聽鳥有時依  
綠樹尋僧隨意過東隣兩人各瘦翻憐第五斗無  
多好供親敢薄中垣輕寸祿我來原只爲家貧

又

官貧身病依僧舍只似枯禪不似官廡下聞經憐  
書靜松間過雨畏春寒食輕自信除葷易累重方  
知出世難茗椀香爐聊自適休將閒事擾清懽

送伯達姪下第歸陸川省侍

才大成須晚歸途好自憐白雲陶令舍其父爲春嘉魚尹

舍人稿卷六

四

水孝廉船翠竹齊人面竹根對節處蒼苔綴壁錢  
稱觴家慶好重賞舊林泉

又

嶺南萬里道君去倍關情啼鴂三春暮孤帆五兩  
輕讀書精舍近扇枕暑風清回首憐癡叔白頭宦  
未成

又

知有庭幃戀寧爲失意嗟行板燕市柳歸看日南  
花白哲人猶少青雲路未賒三年重上計偕爾到  
京華

送陸使君繼卷赴瀛郡

南國才名大陸多，  
襄帷前路恨騷歌。  
皇輿近屬今三輔，  
禹貢猶傳故九河。  
鈴閣畫長紅藥放，  
槐庭吏散乳禽過。  
郡人錯比張君政，  
隴麥園桑奈樂何。

戲東宋稚公孝廉

官貧身病託僧房，  
草長閒階履跡荒。  
今日龐公疎宋子，  
當年杜老怪韋郎。

送李廣寧使君赴山左

故人尊酒舊相邀，  
秋水荷花倚檻饒。  
他日夢中應識路，  
衙齋還傍嵒華橋。

丙寅余到濟南鮑運使相招伏署中故云

五

春日同張官贊樸園李侍讀渭清學士公凱

丘檢討季貞臧舍人介子張大理毅文集桃

李園分韻得元字

風塵絕不到久坐，  
倚晴軒檻外啼鶯。  
合筵前戲蝶繁韶，  
光春欲去白髮興猶存。  
正爾憐嘉賞林梢日又昏。

送毛遠宗下第旋里

誰憐不肯住，  
一棹返江津。  
寂寂收書卷，  
悽悽別故人。  
荆花牽弱弟，  
綠服戀慈親。  
有愧臨岐送，  
君應恕病身。

寄毛大可檢討

檢討今安穩，  
別來又幾春。  
家貧收芋栗，  
宦薄謝風塵。  
白髮新添子，  
青山近卜隣。  
晴窗著書暇，  
應憶姓龐人。

擬駕幸南苑閱兵應制

時將行邊大費軍士

鳴鞭臨上苑，  
左仗肅軍儀。  
欲偃千秋武，  
先揚長子師。  
蛟龍經畫角，  
日月擁朱旗。  
變化開雄陣，  
驍騰起健兒。  
弓鳴看落鵲，  
劍鋌欲剗犀。  
商后崇先賞，  
軒皇戒後期。  
即看選日出，  
萬里靜邊陲。

送陳其白宰漢川

舍人稿卷六

六

百里江山古巖城，  
漢水邊朝雲神女館。  
夜火洞庭船少婦，  
能裁稻江魚不計錢。  
丘原連橘樹井落密人烟，  
保障須良牧。分符念汝賢家聲，  
季方著陳子其年治譜太丘傳，  
高柳斜楊外殘春，  
把袂前簡書懷往路，  
載酒悵離筵。驛舍西通楚，  
鄉心北向燕。馬鳴聲漸遠，  
回首一凄然。

述舊懷李華西太守

幾年京邸憶追隨，  
相得官閒引興奇。  
處處花開同載酒，  
時時竹裏共圍棋。  
蠻方客去無消息，  
碣石鴻歸有夢思。  
幸託故人乘傳去，  
一緘聊與寄新詩。

送孟蘭谷之任連州

此去連州地南隣瘴海濱  
椰醴漿作酒楓黑樹呼  
人前路悲殊俗辭家戀  
老親離情那可道回首念  
王臣

寄張晴峯觀察

時備兵  
榆林

西望榆關道路賒驚風颭颭起鳴沙  
傳言盡道邊  
州冷四月庭前可見花

又

積裏春深候雁還故人消息到榆關  
轅門高臥收  
金鼓烽火連年靜黑山

舍人稿卷六

七

同張樸園前輩李渭清公凱張毅文及信公

舍弟增壽菴看牡丹

朝回邀客喜清晨  
首夏風光自可親  
尚有名花開  
勝地休辭濁酒閒  
南隣村舍過午香  
厨候野唱連  
行賽社人棋局未收  
餘興在數聲書角起  
重闌

午日以俸米送顧適園

艾葉萋萋曉市香  
酒滔夏景入端陽  
綠絲繫臂憐  
今日白髮隨朝奉  
末行敢望  
宮衣來  
上賜重  
分玉粒出官倉

是日領奉  
季未到

洪恩不擬私生受餉

爾山厨好共嘗

又東適園

滴滴糟床新酒香  
興來呼客倒壺觴  
老逢令節情  
偏戀人遇同心話  
信長顧況吟詩憐  
逆旅龐公借  
宅喜僧房朱櫻角黍饒  
時物痛飲狂歌到夕陽

張樸園齋中值雨

性懶少過從興來念同調  
剝啄久始通山房何僻  
窸鳴禽閒相和花樹爭  
綽約造幽開塵境靜者心  
恒妙發論感天人時時見  
精要或復著一局或復  
舉數酬不知山雲生雨來  
忽激激白日匿炎暉庭  
積靜流漂陰晴變俄頃  
人事焉能料薄暮衝泥歸

舍人稿卷六

八

出門各一笑

張肅昭侍御以書見訊感賦

成敗那可期萬事取諸已  
男兒有本心義分常自  
矢猛虎橫負嵎壯士寧不  
恥奮力起一擊搖落從  
此始蕭艾亦已腓焉能恩  
蘭芷秋風蕞菜熟長嘯  
歸田里朝看恒山雲夕釣  
雁河水浩浩十畝間逍  
遙率吾履

又

鴻鵠一以舉四海信縱橫  
同有視鸚鵡日夕徒營  
營念我平生權膠漆固中  
情孤居感離索再見庭



草榮在遠獨不忘手疏寄京城軫我以多病勗我  
以令名言簡意彌長三復見真誠書紳永爲佩藥  
石安可并

同渭清出郭訪晦巖禪者

花宮臨水岸地僻絕風塵有約思開士披荆領故  
人觀生知本幻問法悟同真幸託津梁近相從結  
靜因

又

久息馳求念端居契本因草荒門外路烏狎定前  
身侍者形容古山厨供養貧偶然談論洽隨分更

留人

舍人稿卷六

九

又

一輩稱禪客誰爲本分人心依無相住家比去年  
貧映日松陰直眠堦犬性馴自今來往慣勝義好  
重詢

送張洙公少叅赴武昌鎮

昔余與之子同籍升天衡師承既共受張與余同爲楊維揚  
先生本意氣仍相孚君就壽官列余向承明趨驛  
駟鳴躍去哀此轅下駒一跌不復振中路空踟躕  
喜哉能奮發建節臨楚都男兒志建白良願幸克

俱嚴駕戒前路相送城南隅臨歧重分手分手毋  
嗟吁膠漆情不解寧限江與湖雜佩非所贈相期  
崇令圖

偉載上人有贈次韻奉酬

花宮遣使趁清晨問我茅堂意獨真老子向禪原  
俗士寒山有句亦詩人遙聞出郭支藤杖先擬焚  
香拂榻塵多感瓊瑤來遠贈空階吟倚月華新

老郎吟

爲郎身老心何堅鸞坡徽省通周旋風塵奔走逾  
一紀有官雖調原非遷客亭草長深一尺經旬高

舍人稿卷六

十

臥慵朝天盤中不知肉座上久無甌憎我莫須笑  
愛我莫須憐豈有男兒厭貧賤升沈分定由皇天  
米盡鹽空突不煖典衣適得三百錢東寺老僧閒  
過訪開枰對奕情懽然且買餅餌過今日世事誰  
能計百年

送馬昂千赴瑞州郡丞任

六月天南道炎塵夾路飛虎符分豫郡鏡吹下京  
圻荷氣浮蘭櫂江光映葛衣華林啼鳥合華林山在郡城  
西章樹雨龍歸章樹潭最深此別山川隔他鄉故  
舊違前旌行漸遠回首重依依

蒼鷹吟

蒼鷹饑嘯盤高空勁翮如鐵凌長風肉視凡鳥心  
豪雄飽棄毛羽塗血紅長養身命須攫取人間乃  
有信天翁

送蘇耳鼎職方假歸省親

綵服東歸已有期追陪事往念將離春風花徑開  
尊日夜雪禪龕並榻時千里尚憐鄉路近一官真  
耐省郎遲蘇任國學人承恩美爾趨庭好子舍  
殷殷動我思

偉上人枉顧因訂出郭之期

舍人稿卷六

七

剝啄驚殘睡通名一刺新喜看蓮社客來訪草堂  
人蕭灑披詩卷偉公以詩疎狂岸葛巾東林重有  
約杖履更相親

暑日屏居偶然成詩

九市紅塵滿出門何處行寧防嘲熱客兼可息勞  
生散髮依松蔭支床待月明泠然晚風至懷抱有  
餘清

又

炎燄那可避閉戶稍應宜好客休相過絺衣懶欲  
披困來隨伏枕興至或圍棋日下多新事詢余總

不如

又

懶出愁炎景深居學閉關案拋書不帙徑沒草休  
剛入肆求蔬菜留僧話遠山自公揮翰罷蕭散有  
餘閒

小子

小子偷過市攤錢買草蟲入朝鳴不斷在野興還  
同餒養求生菜防閑閑竹籠時來有呼喚真惱主  
人翁

戲荅周稚樸洗馬有贈

舍人稿卷六

七

越女織越羅皎潔勝冰雪裁作近體衣寧畏三伏  
熱

又

案檀截作筯重以白金鑲客盤縮首猶自笑不相

南

又

龐公單外客寄住老僧房珍重香囊贈不知付誰  
行

又

一別三年久衰謝那可看多感故人意特計紫金

州

遙哭寶坻杜相國

黃閣歸休日青門出餞時誰知一朝別竟作百年期賓客東山散松楸夜壑悲傷心重掩袂不覺數行垂

苦雨歌

桐葉秋傳第一日大雨翻空雲如漆從朝抵暮暮復朝街頭溜急深沒膝城頭鼓歇城門閉平明上朝家人催門內水流趨門外驚波洶湧騰奔雷憶昔鹿城逢秋雨淫淫十日不肯住屋中張蓋聚同

舍人稿卷六

三

學泥滑沽酒輕長路又憶癸亥三伏中入朝值雨全雨同虎坊橋東水一丈街心淹死十五童今歲從春缺雨水小麥焦枯大麥死官吏諱荒急徵糧增耗唯多日敵比皇天降澤胡不均當去年旱潦災田里單帷不障雨淋身長安門外屯朱輪祖生真從屋漏出油衣氈襪伊何人投罷朝單吾且去今日未可揮絲綸

送李伯合戶部出守都勻

萬里西風動客裳一麾秋色到黔陽交情忍憶十年舊夜雨重添七月涼箐竹和烟迷翠嶺蠻歌犯

曉起滄浪雲山杳杳征車遠何日徵書下帝鄉

秋夜感懷李高陽杜寶坻兩相國重有悼歎

當年居政府李杜本齊名相繼歸長夜何時見老成寒烟紫宿草秋雨灑銘旌失路憐知己通宵恨不平

又

贊皇能繼武故相文鴻漸亦同升世好聯姻姪李長子中朝重股肱典型傷共遠矜式欲何憑卽秋蟲晚悲來更不勝

哭同年劉介菴侍御

舍人稿卷六

四

生死古無常百年誰定期吁嗟傷吾友長與人世辭三載立柏臺岸然豎風儀必遇富言事亦能進直辭苟言希容悅慮為後世嗤君年雖就暮精力未及衰皇天棄老成理數無乃岐要津不救貧辛苦徒爾為寡妻將弱子歸路有餘悲

又

劉生際晚達持重見通儒嶽嶽惠文冠正色肅當途沉靜懷遠畧蕭然常自娛寧市朝廷權私植身家圖造化厄貞士厲疾迫其軀懷抱一未展年命忽焉徂青蛭鳴寒砌白露塗庭隅感此重傷心

已矣吾道孤

陸義山太史典試閩中爲其外祖父金諱兩  
公重修祠宇有感于心賦詩贈之

金公古遺愛開府臨八閩舊祠倚絕壁享祀昭明  
禮此地滄桑後干戈重相循輪奐久傾仄遺像生  
埃塵怪泉桷危棟鬼火吹青燐故老增流涕力屈  
志莫伸陸君持節來校士南海濱咨訪念所出瞻  
拜泣沾巾改祠西湖傍照耀湖水新亦有譚太僕  
亮節許同寅持衡領多士藻鑑頌如神古來有功  
德皆得食于民以茲合俎豆豈曰非通論興廢理

舍人蔣卷六

五

之常繼起實在人浮俗薄天性私已遺所親誰能  
念宅相孝思周重姻我聞三歎息歎息感我身生  
小嬰疾患儒門出卑貧惟我外大父憐愛如掌珍  
飲食兼藥餌絲髮皆情真生前盛官號沒後委荆  
榛自我辱通籍悠悠二十春時命良不猶所遇仍  
多屯懷恩空在念欲報恨無因唯君兩世戚廟食  
獲重申頌君兼自愧衷情難具陳

送顧亮文暫歸省母

時其父在都

西風動歸思一掉去金臺旅館牽衣別慈幃應  
夢回人隨南雁遠秋逐布帆開客邸尤憐汝春明

好再來

聞 祖母李太孺人訃哭于京邸

家信傳因變開緘泪滿衣方懷北堂慶八月初六日壽辰

忍乘幼孫歸陸景情空切景事祖母夙心喪崔駟志

轉違駟曾祖母以黃泉無路入何處未音報

又

呼天伸一痛慘極不成音行列諸孫長恩沾 大  
母深養生無厚供送死阻躬臨縱有椎牛日終難  
慰此心

又

舍人蔣卷六

末

前歲辭 王母精神健白頭一行成永別再見更  
何由忍料年難待空悲命不猶銜哀念虞誦誦以  
老不負罪比山丘

哭妹

妹適邊氏未久病卒

聰明推阿妹最小得 親憐木屐方新嫁蘭房竟

永捐懷余傳病後憶汝倍生前心解哭無益悲來

重泣然

又

一病憐吾妹云亡報早秋悲深腸俱痛家遠夢難  
求骨肉埋黃土庭幃念白頭此時應憶汝相對泪

長流

送孔兵曹奉差北新

衰柳帶鳴蟬秋山淡晚烟故人持翠節別路向江

天急管催終晏離心入隔年悠悠旌旆遠悵望一

凄然

過崇效寺訪雪塢上人

返照開初地登堂識道心雜花綠砌放野草閉門

深架列穀皮帙牀橫焦尾琴松風晚披拂瀟灑滌

塵襟

前有猛虎行

舍人稿卷六

七

前有猛虎嘯後有餓豺鳴恃其爪牙利呀呀欲相

攫所甘在人肉焉知畏神明空山日欲夕獨立重

屏營自慚鷄肋軀焉令谿壑盈氣類與我殊理直

莫由爭二卵誠有瑕三級何足稱行止信有命怨

尤非余情塞翁朝失馬禍福亦未明

哭崔檢討宗五

崔諱如岳獲鹿人乙卯舉人  
召試博學鴻儒授翰林院檢

計以左調  
歸卒于家

尚憶論文約那傳凶問來十年辭玉署一別卽泉

臺暗壁蟲聲苦長林落葉哀空庭哭君處迸泪滿

蒼苔

又

昔君同翰苑志氣切中孚對草分官燭連鑣問酒

壚風波曾共濟生死竟分途寂寞傷吾道哀吟意

轉孤

又

淪落一生盡淒其百感興蓋棺無白口弔客有青

蠅病剝年非老文奇命可憎素車吾負汝西向恨

難勝

又

已歎追陪阻重嗟生死分千秋仍逐客十人託孤

舍人稿卷六

六

墳恨繞渟沱水冤凝抱積雲重烏偏早逝崔長子補諸生

先誰爲守遺文

重陽前數日買菊漫興成詩

閨月寒偏早朝來乍隕霜煮葵供午膳買菊待重

陽身世慚華髮雲山憶故鄉茱萸宜獻壽那得赴

高堂

又

落葉隨風下黃花照眼新霜寒欺衽褐宦拙愧時

人乞米遲朝憂尋僧過比鄰天涯憐弱弟行坐共

相親



又

插菊依荒砌寒香引興饒佳辰猶有待良友已先  
招高臥頻中聖狂歌懶上朝年光真可惜同舍說  
相嘲

又

西山秋可望斜景萬峰開巖際黃花發天邊白雁  
來賣糕從舊俗泛酒待新醅何處堪登眺還尋郭  
隗臺

又

白髮經三仕僧房住二年鄉車秋送米內府月支

舍人稿卷六

九

錢菊向園丁買盃同好友傳升沈聊任還不擬問

高天

又

蒼黃羣木變秋色到城隅野菊交霜遲柴門對酒  
猶直應開笑口卽復哭窮途明日重陽過一尊尚  
可呼

弟重歸省

自到京華舍相依又一年  
商堂應問我莫說病  
如前

又

兄弟難爲別涼秋感倍深可憐今夜月兩地照離  
心

雪塢上人出所藏錢選花鳥畫冊索題分得  
梅花爲賦長句

花枝欲動鳥欲語誰者爲之錢舜舉雪公愛比蘭  
亭真七寶經函秘藏貯朝來示我索題詩五色照  
眼光離離我披一幅一呼絕就中尤賞梅花奇此  
花不與凡花伍冰雪漫天飽辛苦南枝幾朵報先  
春等閒桃李色如土去年買梅寺東廂龍髯虬臂  
一尺強骨格欲並章華古幽韻不減羅浮香今年  
十月已含萼生意欣欣向山閣形容宛與此畫同  
只有枝頭少山鵲天寒地凍無風沙杖藜好過麗  
公家入門一見應大笑牕前倒影看橫斜

燕臺弔古

劉黃真

諫議題碑字欲殘文章遇合自來難直言未許登  
高第朝命徒勞贈顯官日落青山啼鳥靜烟連紫  
棘墓門寒汗顏肯作當時語今日仍應望古看

又賈島吟

峪口荒沒野榛當年曾住苦吟身登樓有誤輕  
負卜心佛猶能起後人一脫空門旋及第再經官

路只長貧盛名坎塲從來事落木蕭蕭歎轉新

又 李卓吾集

苦封卓老殘碑在憑弔傷心駐客車舉世無人識  
奇士將金何處買焚書身雖可殺名難掩道豈全  
非氣未除知爾精靈猶倔強悲風颯颯動寒墟

喜雪行

渾河凍急蛟冰裂老鵝啄冰飛作雪上衝騎馬行  
復休路滑重防板齒折前者趨走右足傷子春負  
痛行踉蹌官閒無事且高臥却看落絮神飛揚吟  
詩何必灞陵道煎茶須學陶家好青山老去別有  
情瑤華滿地休輕掃飛蝗已損今年秋遺種還抱  
來年憂黃金難買此雪大黍稷有望豐西嶠老子  
興發自今日手摺朝衫重出質嚴風吹面比刀毒  
健僕出門如馬疾得錢沽酒鳴鳴歌寒空不動雲  
嵯峨堆銀浮玉看不厭酒酣耳熱奈樂何

出直後過登宜之

多時病足今方愈風力重增雪後寒旋着衣裳趨  
內府好乘車馬問同官書籤插架齊新帙庖饌留  
人過午食不是城門妨出人剪燈還擬盡餘惜

宜之齋中喜識何公權

官衙西下路透迤雪滑行與亦不遲正擬登堂逢

故友却從傾蓋得新知論年直愧龐公老賦句初  
看何遜奇他日城南肯相訪煖寒有酒共君持

訪張敬止廉使

西郊從未到買宅喜幽偏寒影交鄰樹喧聲遠市  
塵相看憐白髮細話感當年多少風流事空存唱  
和篇

追悼張淡明方伯

尚作平安問云亡痛一呼泪應今夕盡老覺寸心  
孤少賤慚先識顛危感共扶冥冥知有負遺恨失

生芻

又

直聲留北闕遺愛滿江西正想山居好寧知墓草  
齊斯人難再見天道竟無稽野鳥何情緒斜陽故  
故啼

又

一意甘清白薰蕕共苦辛民生徒誦德君側自  
無人青史誰能紀黃泉氣未伸應憐故時客掩伏  
獨傷神

又

數過依烏府多特別晉陽已應悲聚散寧忍見存  
亡舊好言難盡茲生根並長明年寒食日終擬哭  
山岡

挽送梁相國喪視歸真定悼懷五百字尊存  
元言

寒空慘白日巷呼驚聞喧遙遙輜車發會送出都  
門前途列鼓吹夾路引幢旛輿蓋像生儀製布何  
其繁送客盡朝貴白衣如雲屯此行送者誰中

朝丞相尊丞相恒嶽秀神降滹沱原奕奕公侯後  
公諱夢龍  
前兵部尚書王友聯金昆公兩兄  
俱八座讀書見精理百

家歸一元博物析真廣公賞金書海內第一吐辭皆瑣

璠高咏激粵嶠公有使  
粵詩刻妙唱發棠村公有案  
村詞刻憶昔

先帝朝開館同西園維時風雲會河北才獨著

王李既挺出宛平王文貞  
高陽李文勤楊魏爭高擢楊鉅鹿翁  
龍魏恒鄉

相維公展雄才伯仲互追扳嶽嶽七尺軀懷抱合

渾淪憐才如不及中立絕與援幾見冰山折終無

涇水渾五省歷尚書公歷戶禮兵  
刑工尚書三公起座論每

當休沐暇滿灑坐前軒請謁無俗客興至或一尊

戲謔披卷帙風雅獨相爰舉世推仲舉其誰疑公

孫緊余鄉曲士山斗風所尊千木出西河潛臺有

子言傳習非親授道義實淵源六載承明直三年

翰林中書皆以  
中堂為堂官

追隨效趨奔

門牆詎敢辱顛連志尤敦屢歸請學圃一飽恥過

藩寄栖祇垣舍和光混諸髡應訝饒同朔寧知病

非原速饒驚歲月窄轉笑乾坤周親不我顧焉望

故舊存丞相獨高義每見色愈溫謬贊所作詩昌

言倚重閣每遇公于朝輒問  
近詩過加獎贊時復啟東閣命酒

出盤殮坦然露懷抱明壽開吾惜世路防嶮巖人

情易覆翻招尤雖非一多口為本根四語公  
命諫詞欽茲

桐子命至今服無諛妄哉天不弔老成今安存所

賴賢良相調燮回臨臚上以率百官下以惠元元

展茲邦國活寧惟感私恩忍見輿觀去執紼哀聲

吞悲風增慘烈流水咽潺湲風悲有時息流水何

時反生存託華屋歿後委荒蕪崇班竟奚益故事

安足言歎息晚歸來五內結煩冤

送姚華曾歸省

思親聊引疾前路問鄉車戀關心長切承懽意

轉賒行將衝臘雪歸及看梅花送別翻新曲為君

賦白華

又

亦有家園夢懷歸未得歸相看岐路別轉覺寸心  
遶岸柳衝寒放林鳥趁曉飛稱觴春酒熟美醕正  
依依

袁杜少編修寄木瓜數枚賦謝

華華黃金實繁繁含馨香騰茲江南珍何由到朔  
方佳人多好懷古處情彌長開籠感嘉惠觸手生  
芬芳思君比顏色金玉表其相思君比言詞蘭臭  
齊所將盼睐增愉悅懷抱何時忘

冬夜觀書有會而作

冬日夫何如功訖食與鹽人生百年期日夜各相

舍人稿卷六

蓋

半日短夜則長分陰寧可玩繼晷以蘭膏披書恣  
靜觀作者心獨苦糟粕語尤誕天寒星漢高沉沉  
漏將判虛室如鬼吹氣嚴僮僕散疲極苦自禁方  
情託患難心往形欲死神會未忽泮欲語詞已窮  
喟然發深歎

偶然作

萬物更變化一體由自然無爲安可希有爲性逾  
遷至人得真宰與物無後先規矩在掌握面勢成  
方圓趨避理則存吉凶聊隨緣大禹行無事古今  
稱智焉

韓鶴汀招同沈竹西元其雪塢上人小集  
分得侵字

酒熟重邀客天寒共對閣愁纔欲放飛雪莫相  
侵多病憐司馬清談喜道林主人饒逸興分韻索  
長吟

對雪有感

大雪滿天地照耀生虛白飄飄隨長風漫漫混晨  
夕家僮掃不及庭除見堆積飛灑足散懷出門將  
何適去冬遭陽亢民間食無麥況乃秋冬蝗遺種  
在阡陌聖之入黃泉理合用數尺相傳雪深一尺

舍人稿卷六

美

深入黃泉則天心詎傷慈匪類無足惜二麥熟可  
不復出大田種亦易所念市賈猾物價必涌益長安多  
食人饑寒欲焉慰朱門庖厨豐梁肉恣狼藉驕僕  
厭餘甘愛犬飽殘炙人我分既殊貧富情自隔軫  
此目前急焉待來年獲無力爲普存憂心悄相迫

雪後過菜市戲作

拍街一丈雪消作五尺泥人烟趨要路喧闐日中  
齊行者誰肯讓蹴踘還相擠少年赭白馬倏忽變  
鐵騾佳人茜紅裙彷彿爲皂綈肩輿行更難有若  
觸藩抵轉側多抵搶安能免訶詆捷徑易窘步紅

途少輪蹄考祥視所屬持此代提撕

永懷

再來京華游奄忽將二載託寓喜幽偏踪跡聊自  
晦微官叨主祿職務安敢廢陳力就揮翰未覺  
後同輩退食有餘暇卷書常相對故識多顯達造  
門不請內豈誠見鄙薄自顧慚穢穢禦寒以羊裘  
佐食惟蝦菜興至或長歌歌聲何慷慨紛華信可  
慕吾鼎吾自愛高明招鬼瞰厚積滋人慙升沈亦  
無定義命知有在忍令蘭與芷化為蕭與艾逍遙  
保吾素君子戒行悔

舍人篇卷六

夜夢臥室邊今室韓同坐余側邊笑言如生

前徐起云爲余作炊而余遽寤

結髮從吾賤云以痛腹悲那堪今夕夢直似下山  
時緣素休相比恩情兩不疑新人渾未識怪爾問  
是炊

又

靈爽來何處中宵夢欲真可憐身後意不如眼前  
人思遇誰同寵遺公六載糟糠汝共貧傷心兩行

泪點點漬重裯

大夜復夢邊猶人同話女兒在傍若不相識

賦以志感

此夕憐君重入夢衣裳無改坐床隅愛緣直似忘  
嬌女言笑翻增戀故夫一念情歸同歷劫百年事  
往亦須臾分明已作三生會痛迫心傷夜欲徂

鄉人寄葫蘆二枚賦以解嘲

絕生有苦葉託體圓西隅雖蒙主人顧未得高架  
扶抱此尋尺蔓焉懸五石瓠秋來亦結實長大與  
升俱同荷造化力母爲笑區區願言託良工雕刻  
成尊盃挹之可以飲提之可以沽信乏江湖用知  
免落虞感此珍重意藏之筭與櫛中流倘失船  
千金重可需

舍人篇卷六

天

雪後同韓鶴汀一覺禪者集雪塢丈室得陽  
字

風吹殘雪滿衣裳有客招尋興倍長路滑何妨呼  
蠟履官閒只合話僧房板催別院消中飯禽下空  
階噪夕陽無事漫從樓上望淡烟寒樹似家鄉

喜得信公弟家報

客愁不出門寸心常草草顧影惟一身有懷欲誰  
道忽接令弟書書詞喜詳到上報老親安下問  
阿兄好次言家務煩料理有阿嫂小子勤句讀不



復爭梨棗大兒病新痊山房事研討僮僕守約束  
隣舍無生惱俗以不通假爲生惱續及雨雪大祁寒增怨懊  
縣中急勾銷追呼橫里老里中百餘戶吾家完獨  
早餘粒在倉困餽粥猶堪飽得此聊相慰則吟展  
懷抱

### 短歌行懷麓公弟

有弟有弟客晉陽天寒歲暮雨雪長嶺路窈窕回  
羊腸猿猱無踪飛鳥藏馬毛如蝟四蹄僵天風吹  
汝薄衣裳引領西望心悲傷願得早來歸故鄉晨  
昏菽水隨高堂

舍人稿卷六  
寄劉元歎大尹

積雪寒生曉日新相思南望杳風塵千重嵐翠連  
王屋九曲河流滙孟津病後夢魂愁遠道花時尊  
酒憶前春封書未竟燈光地十載心期詎易陳  
十一月二十八日 先母邊儒人生忌日感

### 懷

慈幃厭世後三十二經秋初度空相憶稱觴竟末  
由泪逢今日盡恨合此生休毛羽憐烏鳥吾真愧  
汝儔

### 又

子月垂將盡空庭大雪飛生辰 慈母背松柏墓  
門違道遠思偏切宵寒夢轉稀不如泉下婦魂魄  
得相依

### 哭姪韓二首

云

韓字希龍七歲忠厚依余若父  
不幸以疾卒聞計慘傷詩以志

客中忽漫來凶問不信黃泉少壯歸魂繞松楸知  
有恨貧遺妻子欲何依百憂自汝遭孤苦韓少失父母  
一死從誰問是非白髮傷心達歲晏寒燈獨照泣  
沾衣

### 又

舍人稿卷六

辛

人世諸艱寄汝過泉臺一死竟誰期空思重舊相  
依日無復家庭再見時易簣難忘惟叔父遺言有  
託是孤兒明知老病妨哀損痛迫心來那自持  
何子公權攜近作過訪草具相留

遠道兼冰雪重勞過草堂避人同野處供食只家  
常才喜看英妙詩慚問老狂往來難屢聚相對惜  
斜陽

### 撲滿

俗呼爲  
問確

託資本泥滓蠢然蟠其腹曾入丞相室公孫弘拜  
相人遺劍

中撲滿別出陶氏族陶器中最下  
故曰別族有癖等和嶠孔

方性所黷可人不可出聚歛爲私蓄惡非封豕倫  
情與養養副惜哉器量狹盈滿招顛撲守財爲他  
人自取隕身辱明哲識禍本卽物示警觸盜生主  
人憎鬼伺高明屋乃知簞瓢子屢空以爲福

舍弟蠟送米蔬等物至京遂留過歲

家鄉往返余憐汝取辦周詳汝念余客邸供食宜  
悅栗宰盤獻節有園蔬北風不阻連朝雪長路能  
驅滿載車更喜關情留共住重添形影伴離居

京邸恭值 老父壽辰有懷

青陽初應律 南望曉雲明遙想高堂晏難

舍人稿卷六

三

爲游子情和風移酒味華髮喜春晴獻壽且前席

無由去 帝京

除夕前三日韓鶴汀雪上人小集因過一公

丈室

雪消門巷擁泥沙良友相逢興轉賒白髮滿頭吾  
獨老青春幾日歲重華酒沽小市難成醉梅亞寒  
梢欲放花更喜又公鄰舍住追陪同聽演三車

除夕咏懷

向夕開尊酒燭光照客扉朝元依 帝闕獻壽阻  
親聞故國經年別新春臨日歸家貧耽薄祿去住

別心違

又

又復過殘臘依然笑瀟裳身疏思樂何客久憶家  
鄉窮豈文能送年知齒更長屠酥傳故事吾亦倒  
吾觴

又

亦設椒花供還看燎火明老偏憐節序貧不廢人  
情有酒懽僮僕無家念弟兄前年此時候聚首話  
深更

又

舍人稿卷六

忽覩桃符換重驚物

多病後旅况一燈

前日乞顏公米誰分司業錢寧惟守今夕愁絕久  
無眠

又

比公營年事孤居靜掩扉病多情緒減宦薄應酬  
稀市酒消殘臘朝衣待曙暉氣衰常畏冷辛苦耐  
春歸

又

鄰舍傳觴會更深笑語清遙憐家室樂偏感旅人  
情病覺形骸累愁隨節序生故園兒女在隔絕歎

浮名

又

守歲京華舍辛盤菜縷鮮客居惟弟共酌酒更誰  
先僧送祈年疏僅分厭崇錢遲明騎馬出僕僕笑  
周旋

叙

雪崖先生賦才卓犖博極群書在諸生時即與余  
交相善其爲制科文真氣磅礴淋漓激楚一切靡  
曼鉅釘粉飾之習不以泥其豪端間寄興于詩一  
如其文余每晤雪崖必索讀之更相唱和以永朝  
夕緬懷往事蓋三十年于茲矣洎與雪崖齊年入  
翰林締姻亞顧余以待直

內庭

而雪崖改官郎署不獲鵲鳴風雨汝倡余和如  
疇昔已一日特携一編以示余曰此余近年所得  
詩也余之詩不敢求奇

並不敢苟同

于古人任心而出以自

3

謂乃有矜之者

欲得而觀之而弗能給也復有二三同志欲代而  
授之梓君盡爲我序之久矣夫余之不得讀雪崖  
之詩也自公之暇取而卒業焉其格益老其法益  
嚴情文相生寄託廣遠深有合于風人之旨至其  
真氣磅礴淋漓激楚猶可想見當年制藝之餘也  
則由于天性過人故于靡曼粉飾之習不假思索  
耳東坡先生有云蘇李之天成曹劉之自得陶謝  
之超然蓋亦至矣其所謂自然天成者雪崖庶幾  
焉亦以其任心而出不求苟同于今人故不

古人不苟同于古人故不違于古人也雪崖之  
集既成人得而共見之即得而共愛之余又何多  
贅乎同郡靜海年春弟勵杜訥拜撰

序

序

甲戌春三月麗工部雪崖先生招同李良齋侍讀  
飲其寓少間侍讀命余序其文先生生命余序其詩  
予何人斯敢承此任雖然使予不可序兩先生之  
詩與文而兩先生命余序之則兩先生非惟不知  
予且并不自知其詩與文矣予故不辭先序侍讀  
文送其歸田復四閱月尙未序工部詩困於病也  
秋風漸高將買舟而南欲振筆序先生詩而究不  
能無已則有二言焉夫今之號稱學詩者多尊宋  
而誹唐吾不暇分左右但使吾詩不根於

工部詩序

忠孝悱惻之性情而貌爲風流蘊藉卽無三唐  
兩宋吾見其朝榮而夕墜耳欲傳永久得乎先生  
之詩以忠孝悱惻爲之根夫人而知之其風流蘊  
藉又陶兩宋而鑄三唐而獨踞少陵之室欲不傳  
得乎此亦夫人而知之也所異者聞人奇士曠代  
一遇唐有李杜今有麗李乃太白以詩名翰林少  
陵以詩名工部齊驅並駕交同昆弟蓋自唐以後  
未之復見也先生與良齋同中博學弘詞科同官  
翰林旣而良齋屢遷至侍讀先生忽左遷歷俸爲  
工部郎兩君正倡和無間侍讀復左遷部郎太余

真不能無怪於造物之多謫也夫昔之李杜翰林耳工部耳不能互相易也今之侍讀則太白其姓太白其詩太白其官而且過之而忽易其官似少陵今之工部則不少陵其姓而少陵其詩而少陵其官而其初則又官同太白小異大同參差一致而兩人交情縈縈復不啻如手足觀今工部贈答侍讀諸詩纏綿婉孌視敏捷詩千首飄零酒一杯冠蓋滿京華斯人獨憔悴諸作不復有古今人之辨則兩先生者謂非皇天老眼故簸揚其間以成盛世風雅流傳之佳話吾不信也或曰先生之詩則少陵矣今之龐李則李杜矣奈經術未之展何余曰經術盡展則天地之氣全矣昔之李杜今之龐李遇而未盡遇也固所以應天地之缺者也今侍讀歸矣先生自公退食終日焚香靜坐吟咏自喜塵世奔逐之士不敢過其門則又補天地之缺者也誰謂先生僅以詩傳哉先生與侍讀俱慎交接余既獲與之遊而又先序侍讀文而又序先生詩余滋幸矣秋七月中元後四日古鹽濱後學宋恭貽拜州

鐵碧山房詩目錄 工部

卷一

壬申京集詩五十五首

卷二

壬申京集詩六十九首

卷三

癸酉京集詩七十六首

卷四

癸酉京集詩九十九首

卷五

甲戌京集詩一百一十二首

卷六

甲戌京集詩七十八首

卷七

甲戌京集詩六十六首

卷八

甲戌京集詩八十五首

卷九

乙亥京集詩一百一首

卷十



乙亥京集詩七十首

卷十一

乙亥京集詩六十九首

工部稿目錄

華碧山房詩三集卷

工部稿

任丘龐 增雪崖著

壬申元旦候 駕

燈火輝煌照禁闈 鸞旗拂拂曉風翻乘時首御

蒼龍駕獻歲虔將柏葉尊九譯離題趨正朔千秋

寶曆啓神孫

歲前皇太子誕子

自慙薄劣陪郎署十載優

游荷 主恩

元旦同二弟礪寓中度歲

京華歲盡又重來爲伴離愁故不同諸弟連行推

汝長百年過半歎吾衰盤中薦節羅生菜屋裏迎

春綻早梅臘氣全消春色動一尊談笑向晨開

又

去年今日吾同季

辛未弟聖在寓

今日今晨仲共吾有弟

迭來添旅伴無家幸免歎身孤青春騎竹思童稚

白髮傳觴對老夫慶節依然拘禮數燈前含笑一

相扶

又作示弟礪

汝承 嚴命到 皇州顧復恩浚念遠游寧以卑

身逢歲首直防多病起鄉愁才微久耐官曹冷家

儉長懷菽水羞聞說春來有遷轉好增祿米緩朝

誅

雪上人招同孫舍人靜潔韓鶴汀張鳳舉兩  
太學菴中卽事

相招古刹喜幽偏松徑新晴散曉烟風曆開春方  
五日京華作客又三年余庚午入都香傳芳樹分清供  
琴引條風入素絃第一良朝逢勝友笑談寧惜久  
留連

新正九日招李渭清侍讀小飲

興來思對酒春至欲成旬供給無兼味招邀枉故  
人雪消流水漫花發早梅新庭戶饒閒靜相將任

我真

又

陽坡生細草晴樹帶鳴禽正直新春景偏牽欲別  
心時李有歸志感時驚物變算老畏年侵坐對憐知己  
庭除下夕陰

書請 老父入京得回信志喜

使者將家信傳言喜 阿翁今春神更旺前月耳  
回聰老父重聽已久歲前忽愈送客拋藜杖應門喚小童北來  
重命駕計日到京中

韓鶴汀惠茶賦謝

安州乾茶古所貴好友分贈遙相將久患中消同  
司馬難禁癖嗜似渴羌命賁有經依舊法挈壺對  
使試先嘗苦吟從此得無睡一窻合移近筆牀

書服安州乾茶二斤體中煩悶頓除

詹翁大生過訪翁善琴寓中闕此器同詣雪  
公丈室就彈紀興

荒居承過訪晴日好鳴琴人歎相逢晚情移一往  
溪風疎憐古貌地靜喜空林幸有知音客何妨遠  
共尋

花前同渭清對酌

小樹梅花欲滿枝故人相對且銜卮莫令明歲花  
開日空憶今朝把酒時

盆梅盛開邀鳳舉鶴汀雪塢同賞

數枝梅樹小開亦在春先欲踐看花約寧辭沽酒  
錢人來香界內興發夕陽前俱是能吟客新詩定  
幾篇

同諸子飲鶴汀齋中乘興過憫忠寺訪若之

上人抵暮而歸

醉欲停杯興未休名藍地近好同遊僧能淪茗閒  
相待客喜圍棋晚更留曲徑春歸芳草綠高樓鐘

動梵聲幽笑談竟日依知已不覺風塵放旅愁

花朝過鳳舉小飲鶴汀繼至出新作共讀用其韻

閒尋好友趁花朝庭院無花興亦饒幸接比鄰來  
最熟寧須折簡重相招清尊有酒愁先破白髮狂  
歌氣未消更喜君平詩句好幾回披玩倚晴霄

寒食望先母墓有感

反哺無緣再報恩兩年寒食阻鄉園慈容已痛  
松楸隔不見松楸更斷魂

清明日同鳳舉寓中小飲

工部稿卷一

四

榆火千門散曉烟憐君步履到窓前留餐旋作麗  
公黍沽酒新分內府錢興好那應嫌僻地情多自  
解惜流年才思怪爾縱橫甚漫倚陽春有和篇

又

晴林啼鳥喚朝眠旅邸清明亦可憐滿碗寒香傳  
杏酪數枝新翠放榆錢不辭粗糲留佳客自笑猖  
狂託老顛人世風光易流轉賞心只合取當前

郊外卽事

草色萋萋接遠川紅英紫萼競芳妍清明不負柳  
佳節白髮何心歎老年夾路鶯聲迎曉日隔村菲

屋起炊烟酒旗歌扇留人處痛飲寧論斗十千

讀王少宗伯吳先生清明感懷詩即次原韻

紫陌紛紛曉騎馳良辰花柳鬪芳枝朝回門館無

私謁興到篇章有遠思楚國風烟迷故壠公黃江

南朋輩阻銜卮公通家金陵慙余亦是離鄉客吟詠情

浚侍坐時

崇效寺賞海棠得侵字

二月已過三月臨浮雲向午散輕陰看花又是一

年事對景空驚半老心香閣地高宜遠望開闌草

工部稿卷一

五

長足幽尋斜陽樹樹巢禽入回首鄉山超越吟

題畫

青鳥西來伴侶稀斑斕五色好毛衣一枝暫假棲

初穩不逐榆枋取次飛

初入水曹書懷

一從獻賦五雲邊珥筆班行取次遷官滿又離門

下省家貧寧羨水衡錢客亭騎出先朝日郎署人

歸帶暝烟簿領司繁愁未給餘閒何有到芸編

又

十年用頓阻波瀾見說遷除亦自歡誰識賈生原

逐客遙憐杜甫是同官司存官府徵求劇事涉河渠會計難一跌再收 恩不淺微躬何以荅朝端

又

除書朝下水丞新喜似毛生捧檄辰乍改冠裳憐再命重增祿米奉 雙親何才濫託含香署垂老空憐題柱人筋力猶堪効奔走敢將疎懶任吾身

又

才微力薄未辭勞謾說何郎在水曹趨走連朝詩總廢簿書滿眼氣全消竊應有鬼兼多病壯不如人又二毛差喜平懷依仲蔚

醉隱

又

司空分署效趨馳愧說前賢不拜郎豈有獲衣來侍史長隨啓事上明光移居就近終難卜退食過中每未遑回首西清清切地公餘文酒日相將

又

班聯畫省喜新除總屬冬官領尚書此日山郎並趨走當年太史志河渠聊將赤管供箋奏敢望青緣賜直廬莫信魏舒輕碎務書生強半是迂疎

又

西垣習懶任文離水監喧繁那更宜官似馬曹仍白笑心同海客漫相疑久攻文史知無用一割鉛刀會有時兩仕爲郎經十載諸公莫怪髭如絲

送任在菴守登州依留別韻

吾聞東海郡北向拱 神京蜚氣朝成市潮聲夜繞城魚蝦半蔬食棗栗作人情一變看齊俗知君政化行

又

風雨憐同好當年共玉堂送君今作郡老我重爲郎別恨歌聲短情牽道路長論文有尊酒何處問

任棠

送董馨聞宰安定

捧檄同毛義分符去故鄉官寧卑小縣貧自念高堂日影低秦樹嵐烟上葛裳送君饒意氣不擬賦河梁

周蓉湖通政得貢 上新茶寄親賦詩索和

依韻奉酬

四月江南御薜香一旗乍展雨前芳估商未敢爭先市驛使初來貢 上方呈樣黃門傳故事

有副封獻通 分供白髮喜新嘗隣介子舍承歡近政口機茶

請道去聲無從愧正長

又

投來七字比琅玕爲寄新茶出六安分食感齊

金闕賜開緘喜動老人看南陔久缺誰堪補白雪  
彌高和轉難邇日文園正消渴先嘗無分到微官

荅人

懶性龐公髯已班一官偏入水曹間鳴鐘乍動行  
趨府退食纔歸便掩關生客未容通姓字高僧好  
與話溪山公庭事畢無私事猶得清齋半日閒

貴客

未許應門報褰簾忽入來披衣容懶慢開局重徘徊

徂客是王孫貴吾慙水部才坐談渾不厭倒影徧  
蒼苔

又

相逢非素識隆準辯王孫氣體居然異風騷宛欲  
存才微強授簡地僻漫停軒他日經過便還期  
免圖

又

乍觀衣裳濕還知冒雨來留賓無旨酒繫馬有高  
槐老任疎狂性詩慙敏捷才齊統索題贈取次莫

相催

偶過崇效寺高羽士潤生先在鶴汀繼至喜

而有賦

似有前期在同來話草堂人兼方外好日比小年  
長竹影侵棋路蛛絲挂筆牀涼風颯然至瀟灑透  
輕裳

又

密葉交槐蔭繁花映竹籬蟲絲輕不斷蝶影款相  
追室靜惟支几人來好賦詩得閒卽過訪涼榻莫  
須移

友人新宅成賦贈

卜築憐幽勝斜臨御沼西迎門蒲葦綠竟日木  
禽啼花藥分畦種書籤傍架齊知君休沐暇高枕  
有新題

崇效寺中再晤高羽士有贈

尚憶春前會還於此地逢多時餘想望長日正從  
容淪茗分禪榻彈琴對古松何當示真訣揮手謝  
塵踪

羅大行西溪相約過崇效寺爲索負人所阻  
以詩來謝賦此奉荅



招提有約共登臨日出將東散曉陰風雨經旬希  
見面茶瓜作具好開襟何人收債妨高興別院尋  
僧負夙心曾憶前賢感稱貸祇今此事屬朝簪

又

會期訪勝待朝興忽復詩來謝不能安得金錢酬  
債主空遲車馬過山僧官無簿領還堪喜戶有追  
呼亦可憎興在與君重卜日上方有路好同登

久不晤張樸園賦詩見懷兼訂看花之約

東帶朝朝入公府高齋不到已經旬風塵焉敢辭  
勞吏談笑偏憐阻故人竹裏楸枰誰共下牀頭書

工部稿卷一

十

帙自相親城南此日荷花發可許相隨一問津

夏日同樸園鳳舉鶴汀出右安門看荷花卽

事

五月新荷繞岸香看花有友喜相將自公難得今

朝暇出郭寧辭去路長興至幾回呼市酒倦來隨

意坐僧房傍人指點梁園近

裕親王園在巷之南

竹樹森

森半過牆

又

結伴閒行信馬蹄祖家園子游清溪花如待客亭  
亭立鳥似徵歌恰恰啼適意圍棋忘勝負隨綠巾

脯愧提携輕雲欲合微風起葦葉蒲梢一色低

又

前年此地看新荷乘興携壺喜更過漁子停舟依  
綠樹水禽得食戲晴波掩關難喚殘僧睡卧路猶  
喧醉客歌盡角數聲城闕晚重來有約定如何

渭清傷足走筆致訊兼訂過寓之期

信有天難問憐君久閉關何應添足疾直似妒身  
閒酒興從來少詩情強欲刪未能趨笑語愁莫鬢

毛斑

又

工部稿卷一

十一

連朝疎問訊步趾想輕安隱几書仍著還山計轉

難天心疑齒莽世路信波瀾爲子藏尊酒相期看

藥欄

夏日何公權再過同飲

倚居依陋巷寂寞自能甘大暑憐之子衝泥到舍

南蓬蒿幽徑熟姓氏小童諳喜是論文友清言勝

盍簪

又

不擇居停僻松陰傍鹿園喜聞鐘磬響幸免市廛  
喧客坐除巾帶童來奉酒尊枰食非盛饌酬酢更

無煩

又

又得同攜手相依笑語新  
厨貧惟作黍日晚更留  
人詩律慙深問交情喜  
獨親誰能輕遠道來往  
似比鄰

又

密樹連雲色驚風亂鳥音  
清談猶未盡暮雨欲相  
侵道合無南北何予情真見古今  
草堂獨歸處暝色向君淡

吳雲青自浙中寄詩扇手書見訊依韻奉答

工部稿卷一

七

故人別後悵離居越水燕山音問疎  
顧我一官非得已憐君高卧復何如  
炎風正喜齊紈扇龍伯驚傳水府書  
寄書人有覆舟之厄書讀而未損二十年前風雨意空庭吟望倍踟躕

崇效寺看新竹得青字

雪公饒逸興乞竹補閒庭忽有山中趣  
重添檻外青脆應防稚子疎可度流螢  
得暇還來看禪扉莫浪局

紀可亭枉過未得答賦此致意

身慵性僻怯風塵只合山僧共結鄰  
白髮知從三

仕老才微長得一官貧往來情切憐姻亞  
可亭父門友趨走心傷逐衆人幾擬過君猶未得  
離情悄悄欲傷神

雪止人於院中栽竹數竿索賦

自是貧簞種移栽祇樹林青分雙樹色  
悅可衆人心曲室通幽響閒階送好陰  
風塵輸老衲相對正開襟

又

幾日不相過驚看竹徑成迎門見高節  
當暑有餘清翠色交松樹繁陰駐鳥聲  
鄉園數竿在對此倍含情

工部稿卷一

七

含情

偶成

性懶官貧生事微朱門懸箔往來稀  
僮歸遠市歡携酒人退公衙靜掩扉  
小草當時爭弄色野禽得意不停飛  
坐消長日惟高詠一拙從教與世違

蠶魚歎

鯨鯉鯁鮐皆在水雖許名魚縱不似一  
脉遙借書中生小焉識書中字雀卽有  
角鼠有牙誰謂蠶魚實無齒織滑疾溜  
頗自矜十斛芸香薰不死腐儒生計原  
靡他連牀滿架青編多垂頭對書空歎

息辟除無方奈爾何

李渭清將歸山左同過崇效寺昔曾餞曹子

仁於此重有感歎

秋色精藍近同來得許詢那堪將別意重感故時  
人楚水書難得齊州恨轉新山僧長自住回首歎  
風塵

工部稿卷二

叢碧山房詩三集卷二

工部稿

任丘龐 增雪崖著

立秋日同環璽兩弟侍 家大人小飲

六月廿六

寅時  
立秋

月令過將半天時序不違雨聲隨漏盡秋色向晨  
歸午夢清蒲榻涼風健葛衣庭陰堪命酒洗腆奉  
親幃

又

一葉新秋下三杯意興寬未應餘暑退似覺曉風  
乾物候將歸雁人情欲向蘭膝前兄及弟言笑共

承歡

工部稿卷二

對鏡

五十非衰暮鬢眉滿鏡蒼竟同顏駟老還就水曹  
郎自顧猶嫌拙人前那見長祇應營負郭歸去事  
耕桑

幽獨

幽獨還相問前賢貴有稱空知三不朽甘處百無  
能救水羞人子文章讓友朋班行長跼跡獲上欲  
焉憑

寄懷李廷肅邊二玉

奔走聊隨分浮沉任此身山來不材木畏作指名  
人養老資微祿懷歸憶舊鄰何時家計足談笑日  
相親

袁杜少編修惠顧贈詩依韻奉和二首

閒庭暑氣薄雨後晚涼新有喜携詩草重來問故  
人獨行常迂俗多病不離身自顧殊無取相憐欲  
卜鄰

又

門外車常少塵中事日新百難歸水部一拙愧時  
人淡泊從方外浮沉任我身相依有知己幸免歎

無鄰

送洪陟子赴甘肅道任

玉勒青驄出鳳城安西使節付儒生時流漫擬爭  
先路聖主終常用老成塞上霜威回雁陣關門  
日色冷龍旌知君自有安邊策既脫秋閒五郡兵

送勵令式旋里兼寄高方水兄弟

白露家園近憐君得暫過荒村喧社鼓舊沼帶殘  
荷梁稻鄉田熟親朋夜話多士廉兄弟好高詠近  
如何

渭清約同孔東塘重過雪上人得秋字

絡緯聲催草樹秋良朋乘興約同游不嫌勝地頻  
來往惡說同心有去留直道還應男子事新詩合  
向古人求寒花翠竹饒經眼誰爲半曹減唱酬

送錢越江學士靈視歸葬松江

素旄乘朝發悲風結晝陰痛傳孤子泣慘入故人  
心敝篋收殘卷空名託翰林雲間歸葬處遺恨大  
江深

又

尚憶平生任鬚髯未作翁興豪杯竿內身健弟兄  
中斯疾因何得行年遽自窮忍看輿視去迸汨灑

西風

送左正之宰涉縣

尚是相州地羣山繞縣堂那應輕小國且喜近家  
鄉秋色通王屋河聲帶濁漳無勞詢治法前政有  
黃香

送李渭清侍讀歸山左

黃葉齊州路鄉山此日歸離歌何太苦好友見應  
稀世道饒翻覆吾徒有是非承恩懷既往寥落  
寸心違

又

幾載同風雨心期矢匪他相看人共老此別恨如  
何地數追隨徧詩存唱和多從今望君處渺渺隔  
烟蘿

又

獻賦十年久持衡萬里回風波何白起時命未須  
哀且向東山去閒看黃菊開遭逢好文主莫擬老  
蒿萊

恭送 老父旋里賦懷六十韻

自我辭鄉曲兩度移秋霜中年寡所慕有懷惟

高堂作書迎 老父情詞備周詳 老父惠然來

工部稿卷二

四

灑掃清齋房房中何所有角枕竹方牀牀頭疊素  
衾爐內爇名香羹饌既羅列長跪稱壽觴小弟隨  
侍側刺刺話家常朝出赴公府暮歸繞膝傍不赴  
良友召那入游戲場朝朝還暮暮歡樂殊未央四  
月生王瓜五月沸蜩蟬六月芙蕖放七月西風涼  
日往復月來運序何奔忙白露塗前庭八月鴻雁  
翔潦水俱已涸道路平且康老年轉惜孫感時懷  
故鄉慈心詎忍違卜期戒行裝我手整歸囊我心  
如探湯念我櫻迤疾肌膚日羸尪纏綿廿餘載壽  
命焉可長承歡日恐短何事尚他方卽欲隨 父

去內慮重遑遑我家產業薄豐歲艱炊糧同胞三  
四人生計同荒唐老人愛少子焉免愁榆桑希將  
尺寸祿求田墾平塢兄弟並力作秋收貯一倉寧  
冀有贏餘各足飽糟糠以此安親心吾分庶少償  
水曹司出納會計慮弗當下則畏友朋上則凜  
王章迂拙安薄劣羞澁垂空囊進退視郎署有類  
觸藩羊朝送 老父出僕馬少輝光羸畧巾柴車  
孤憤任服箱西出彰義門南望大石梁寒蟲不住  
鳴草色雜青黃斜日隱高柳塵沙浩茫茫嗚咽桑  
乾水宛轉遊子腸石梁不可越王臣戒出疆車前  
別 老父欲別仍牽裳強言飾笑語恐增 老父  
傷與人驅車去車聲何琅琅聲聽雨不接泪下如  
連璫仰視林間鳥反哺逐同行而我非人子不能  
相扶將騎馬旋入室四顧神惝惶人言屢失荅置  
物旋已忘似飢食不下披卷如而牆四方男兒事  
志氣自激昂胡爲垂白子作似嬰兒行強起達人  
觀聊振丈夫剛前心甫欲寧後念忽復狂何以解  
我憂悠悠呼穹蒼人願天必從我願豈無量生計  
擬裁足言歸利豐坊桂巖可棲遲濡水流洋洋布  
衣裘瘦骨脫粟塞飢瘡庭幃常聚首富貴非所望



送倫子受赴澤州任

北闕承恩命西行指冀方一麾初領郡五馬更  
辭鄉誼託同方重情隨去路長離尊那可醉斜日  
自生涼樹樹棠梨熟叢叢野菊黃河流潞沁水坂  
道入羊腸韓國封疆古唐風土物減懸知爲政易  
高卧似淮陽

九月初六日買菊紀興

居士心情老更顛牀頭金盡突無烟忽聞賣菊人  
過戶走向鄰僧苦借錢

又

野菊團團密似蓬淡白淡黃紫間紅也學西街周

太僕

謂周落湖也

數枝亂插小籬東

又

葉落庭槐噪晚鴉籬邊把酒興偏除最憐節氣今  
年早未及重陽已放花

御能一覺兩上人過寓看菊

小僕街頭買菊回繁英歷亂向人開饒憐籬畔添  
秋色引得山僧過院來

又

低枝小朶密層層滿眼寒香興轉增莫道淵明偏

嗜酒不妨資茗待高僧

九日張樸園邀同高公園登高以赴他席未  
與賦懷兼次張詩

幽尋聞說名園好菊繞東籬水一方却顧前期從

別請

柳巖經先

翻憐勝地阻同行筵間中酒誰先

醉野外高歌興自長定有新詩酬令節分箋不見  
到山房

家園入憶

客署逢秋頗懷故里一草一木宛在目前奮

飛曷由緘情莫告溪竹剪燭各紀以詩使讀

是詩者謂物猶如此則余之感滋深已

柳

遠慙陶令宅種柳亦當門又是三年別空憐合抱

存聽鶯曾倚杖就蔭屢開尊此際蓬搖落淒涼那

具論

柳

西閣雙檉在青葱望眼中花繁常得雨葉細不禁

風驗性供醫用呼名與柳同歸來應有日及爾老

牆東

青桐

青桐吾手種亦在小山傍故園憐余遠逢人間改  
長今秋能出檻來歲可過牆加意防冰雪條枚弱  
易傷

丁香

丁香原北產春至亦開花弄色寧殊衆懷香信獨  
餘無蟲憐葉苦有月喜枝斜堂背瞻青荷前年只  
半遮

竹

徑竹生常弱三冬北地寒由來存雨雪不敢忍艱  
難筵筍時穿砌抽梢合出欄中林吾欲老留簪製

高冠

紫芥

青青隨地出花發獨先春密朵偏憐紫微芳稍帶  
辛易生人不重小食味堪親庶草同零落悲君霜  
露辰

石竹花

年年根自續隨意繞山居夏至花爭發階前錦不  
如臨風渾脉脉與蝶共蘼蘼有喜宜吾懶叢生免  
川鋤

菊

愛菊還成癖東籬舊有栽一官三徑阻九日幾枝  
開對景心相憶逢秋首重回留根莫教損我欲賦  
歸來

秋蘭篇

秋蘭本香草託根於野田紫莖含夕露綠葉揚秋  
烟兔絲無根蒂引蔓迨其前蘭性自芳潔誰與結  
纏綿側見蕭與艾氣類遙相牽青黃互倚託孤芳  
良可捐繁華能幾時運序忽已遷霜露塗廣野惟  
悴一靡然蘭生獨不化懷抱何由宣幸有青松枝  
可以共周旋

工部稿卷二

九

同李渭清袁杜少沈竹西韓鶴汀及若之一  
覺諸神侶集雪公丈室晚登西閣李首唱題  
壁依韻奉和

萬樹凝寒色千山送落暉登樓重有會携手願無  
違季前於此作別天運看來往浮生多是非相依  
愛閒靜徙倚欲忘歸

山僧送柿

山柿淡秋熟拈來軟不禁香分開士供悅可老夫  
心觸手紅相亂沾唇冷欲侵連朝愁內熱食罷起  
長吟

訪張樸園侍讀携同過令弟涵白正字時教

文大理先在卽事成詩並東戲大理

擬從太史西園飲却倒東家正字壺熟識未須勞

折簡盤餐何事費中厨淵明菊好花爭發平子棋

高爽屢輸重欲聽歌無那晚宵行有禁畏金吾

公餘

官匪他途進年驚旅髻催以貧常近賤惟病早成

衰事主才何補思親首重回公餘門自掩高

卧未曾開

九月晦日作

工部稿卷二

要津策足笑無能懶性難回每自憎計口常分太

倉米問官似是水衡丞門前投刺稀朝貴座上談

禪有衲僧十月宵長長亦好不妨把卷坐添燈

袁杜少編修招同若之一覺御能雪塢諸上

人齋筵卽事

東明太史未全貧香饌登筵色色新遍請高僧來

上剎還邀居士過西鄰兩株松樹青連屋十月黃

花開向人竟日陪對支許笑談相得任吾真

送孫靜潔舍人假歸輝縣

懶遂逢迎與世違相逢各說解朝衣自慙此事輸

孫楚纔賦歸來便已歸

又

共愛雪公茅屋好尋常招約卽相親他時再赴雪

公約屈指同心少一人

古意遣懷

捕鼠顧騏驎未若狂與狎補履貴干將不如兩錢

雖生材原自異爲用各有宜莫以桃李花棄此松

柏枝松柏無豔色能保歲寒時

又

東家好男兒膂力逞方剛橫行日中市使氣少年

工部稿卷二

揚一語不順意抽刃直相當利器寧汝有殺人須

自償世間橫死徒往往皆強梁

贈高子履公

阮懷太史  
季子也

下直方高卧有客來叩門云是故人子相逐開前

軒拜跪重父執辭氣恭且溫昔余與若翁十載同

禁垣出入明史館遊戲平樂園論文達日夜綢繆

如弟昆秋風引歸思臨岐手重捫誰知一朝別竟

作千秋論今來兄吾子宛我故人存相留永今朝

爲子治盤飧厨薄無好味聊復進一尊有辭靡不

盡終晏禮彌敦古來盛德士咸足及子孫若翁遺

澤在世業寧終屯源遠出長流茂樹發深根贈子以自勵行矣志余言

### 盆松

一樹纔盈尺離奇古態饒窮山多雨雪曲室且逍遙落落存孤直青青耐後凋從來推大隱不必遠公朝

### 贈安福縣丞沈適

有序

沈丞先職方兄館客也會於壁間見其書法心識之頃以解竹到部見姓名問之果是時年已七十二矣潦倒微官風塵奔走雖非素

### 工部稿卷二

識而殷然有故舊之感因贈以詩

白頭仍佐縣貢竹到長安我自憐儒素人猶卑小官嚴程連日夜上水歷艱難翻憶傳經席端居授館餐

又

相見雖今日臨池知汝賢還同許丞老差少沈郎錢輸納完公事回空有使船北風前路順歸及度新年

### 送少司空年公開府湖北四十韻

屏翰新開府提封舊楚都山川饒近蜀舟楫半通

吳黃鶴傳今古朝雲信有無村村連橘柚處處長

菰蘆水陸交雄鎮要荒扼要衝將求耑闕寄須具

濟時謨帝簡誰次副公才展合符從龍起豐

沛繩武繼司徒明戶部尚書諱富自率冬官屬還欽底績

殊河流歸淪濬經費謹銷銖小吏屏奸詭羣工効

誦呼淵懷涵水鏡清節映冰壺每遇軒前奏遙聞

帝曰俞咸將稱一德久矣結中孚塏也生燕鄩

家聲愧魯儒偶然貢京兆亦未脫蓬樞負耒勞難

任焚膏志敢渝恒差爲篆刻或謬許書厨徵召

偏承薦詞林竟濫竿量移仍造次置散且歡娛遂

### 工部稿卷二

補中垣列旋隨水部趨匪躬思蹇蹇暇豫笑吾吾

考願陽城下名嫌吳祐汚有官陪畫省無室混僧

芻舌在依前強骸存自幼癯中年先就老再出本

非夫那足垂青顧重蒙引手扶吹噓回羽翼提拔

免泥塗直惜桐爲爨寧推屋及烏知淡一人在感

切二天俱下體纔堪託行期又欲徂霏霏看雨雪

悄悄悵分途內殿頒盧矢前驅執大受輕裘臨

夏首吹角動樊桐此地經兵燹斯民隱毒痛移風

回染俗省斂裕征輸政教知同善剛柔喜並敷霜

威消巨猾冬日照荒隅物色忻將起蒸黎慶再蘇

惟公崇令望麟閣待新圖

張鳳舉自大同回邀同一公過寓閒話和鳳舉韻

寡交存僻性惟子託知音一別過三月相思費苦吟市酤味薄剪燭訝更深聚散何因地還將問道林

又

喜君謀已就返轡自雲中寒暑客中變懷思意內同茗柯宜雪夜酬答有支公偏畏金吾禁頻頻問小童

工部稿卷二  
題前侍御張公傳後

張名任學四川人懷宗時闖寇亂河南憤武臣選懷自請討賊改階總兵屢有戰功當事忌之坐事罷歸鬱鬱死野史以改武非本志淡文巧詆余讀其傳而哀之因題長句於後中州事往尚堪驚侍御臨危自請行直以干城無猛士却看裏甲是書生一心耿耿懷孤憤衆口悠悠豈定許欲責成功仍掣肘九原松柏恨難平

送張元公宰汜水

北風捲地吼聲起白狐揚裘貂煖耳關山東合鳥

崔稀送君作宰向汜水我聞今之汜水古成臯大河背郭翻黃濤蔓延平沙征戰地漢王遺壘生蓬蒿又聞有明末李鼠盜驕殺人不數量澤焦狐兔生兒住空屋叢藁灌莽增蕭條我朝培養五十載鴻雁無驚田疇改耕鑿信知由帝力拊循終自須良宰昔君握筆佐水司趨走爭先夜不睡每至府門門未開人稱天亮作別字難事多經身請先宮中府中誇汝賢豈有長才宰百里不與四長同流傳感君情淡心相許齒余呼兄弟呼汝王事有程惜將離盧溝橋畔徒延佇尊酒已盡歌停聲青天覆路寒烟平僕夫催促始分手我馬長嘶君馬鳴

冬夜偶成呈吳處先生

自入冬官署棲遲又一年長依開士室猶索賣文錢大雪交新序嚴風向曉天敝裘深可念出典自春前

又

自陋拙成癖班行矢匪他披衣有趨走懷刺少經過味薄中厨繼宵長晚課多吾師信知己苦行許頭陀



至日對雪書懷

年年候 駕詣天壇今歲今晨暫遣官免著衣裳  
伴趣走敢將雨雪畏艱難愁當窮日愁應盡病值  
閒時病亦安只有高堂增遠念傲裘那可禦朝寒

又

一歲流光垂欲盡縱房應候動葭灰寧辭人向客  
中老且喜陽從夜半回視草暫寬今日直酣眠休  
聽曉鐘催家僮解報侵晨雪相賞還應問酒杯

喜杜少雪中相訪因携詣一上人茶話

卧看飛雪自晨興忽報君來喜不勝未許呼尊稱

工部稿卷二

七

酒客偏憐賁茗問山僧寒空飄灑千花亂短晷從  
容一線增爲說明朝重有會棗林風景興堪乘

雪夜讀宋武葵詩集有感

江南江北悵離羣遠道無因夢見君一盞孤燈兩  
行泪斷腸風雪對遺文

同宋東來小酌

猶憶當年作賦翁慈仁唱和幾回同死生一別無  
消息悲喜尊前見阿戎

寄贈張總戎又南君侯

世掌戎機閫畧優安西白馬自風流文身志紀無

諸國鐵券馳封博望侯十載坐清閭嶺箭千帆夜

泊海門舟空憐楚客歌蘭汜九曲無因問遠遊

又

南天極目見江雲萬里州波淼不分他日朝班

識廷尉公以大理卿榮侯爵何時幕府揖將軍哨臺警絕消

烽火畫角聲嚴避鳥羣散帙投壺饒逸興燕公詩

好更誰倫公工詩著作甚富

又

靖逆功高彌宇宙哀賢有詠欲盈車曾慙太史無

佳句遠荷將軍有報書余前有挽詩公以前有挽詩閩海風濤連

工部稿卷二

七

浩蕩燕臺雲樹隱蕭疎懷中出入過三載幾度披  
吟意有餘

又

報國家傳一劍多門排衆戟舊經過西京人物張

公子南國勲名馬伏波軍旅難忘重作賦賓筵有

興更徵歌不才獨滯郎官署悵悵風塵奈老何

挽魏宗丞繼伯

晚節心逾苦殘年病有增我猶憐古直天似薄家

丞素旄千山道歸途十月冰交情見終始相送幾

人曾

又

有官非不達一病竟難痊老賣京華宅叨系居士  
神素心惟我共遺草更誰傳古寺同遊處經過獨  
泣然

轅駒行

赭白馬瘦骨見節炯炯轅中一段雪蹠蹠自許行  
步工一入轅中形醜拙道逢相者爭舉肥尾脫毛  
焦欲焉說此馬昔在天閑中九逸八駿出入同黃  
金鑿鞍錦作障顧影時時驕撼鬃隨行每立赤墀  
側見者爭誇好毛色學舞登牀久自諳引重服箱

工部稿卷二

六

從未識不信服箱多苦辛縱橫鈎幹交纏身高輪  
一仄四五動猛氣欲盡百體振官行有程刻不暇  
鐸聲不吞趨坂下局促每憐草駒逸形容頗遭盲  
馬罵上坂難於上青天寒空漠漠連蒼烟欲前忽  
却車反復主人荷荷重加鞭山道人稀日將暮何  
來伯樂忽相顧相顧坂車悲且哀流涕痛呼胡爲  
來曾是君王仗前物鹽車取用非其材慙慙解絆  
幕其脊晏相何心憐越石昂首仰天纔一鳴萬壑  
千巖莽蕭索君不見黃雀化爲十五童玉環親獻  
山家翁又不見隋侯療蛇蛇病瘳口銜明珠奉隋

侯況此馬者上應房星與天咽雖號號雖喻氣志  
淮南子馬醫也願得贖身脫轅中千里追風爲  
君試

荅信公弟有寄

思兄重寄札歲晏不還鄉老惜同胞阻愁牽午夜  
長家貧留舊債官拙只空囊無計堪相慰長吟意  
未央

除夕

椒酒逢除日稱觴憶老親那應貪薄宦長作不歸  
人

工部稿卷二

九

又

一歲又將盡邪心滿落暉紅顏慙小婦三載望將  
歸

叢碧山房詩三集卷三

工部稿

任丘龐 堽雪崖著

元旦早朝

律轉陽回入首春禁門唱徹散鵝人龍蛇影動交  
天仗鴛鴦班齊向 紫宸歲紀八荒同正朔日  
華五色映重輪 是日舉行東宮禮 河清海宴千年慶獻頌  
無才愧小臣

人日周蓉湖太僕宅讌集紀事

千門彩色媚晴春良友相招倍覺親獻歲饒憐尊  
有酒開筵偏喜日名人投壺角奕情俱暢戲語莊  
言意總真久坐無愁歸路遠燈光遙共月華新

工部稿卷三

徐學士勝力招飲感賦

長安晏會競初春學士開尊款故人市鼓忽驚隨  
處滿花燈又見一番新錦堂坐密聯簪紱華髮交  
深憶賤貧二十年來風雨共相看那得不情親

邯鄲才人嫁爲所養卒婦

邯鄲有美女窈窕共知名回眸纔一笑百媚宛然  
生妾命原自薄君王豈無情結束歸廝役顧影猶  
盈盈昔爲人所妬今爲人所輕

喜同年趙子至

同心憐至友京國喜重過漸覺容華改其如屢別  
何風寒連日甚雨雪一春多正有尊中酒相將起  
沽歌

又

雪消泥又滑何事到長安將子淹高第如余困一  
官年華同老大出處各艱難欲話從前意相留只  
菜盤

盆梅盛開

愛爾孤根好花開忽滿枝恰逢春日媚已免歲寒  
欺客至頻呼酒官閒自咏詩東風時入戶香氣縈

書帷

工部稿卷三

喜劉長馭至兼讀近詩

爲怯衝泥堅不出披裘鬱鬱坐晨興青陽令轉仍  
飛雪故里人來乍得朋談笑還應呼市酒居停偏  
喜借鄰僧吳山越水供題咏俊逸參軍許並稱

同杜少過一公文室長馭繼至

清晨有約過精藍聯步衝泥興轉酣禪客烹葵同  
喜食龐公作黍竟虛談雪消草甲穿幽砌烟繞松  
枝逗夕嵐一笑褰簾劉尹入閒將名勝說江南

別故寓

愛此居停僻高簷遠市城三年曾此住一別豈無  
情夏想南風入冬憐曉日明短牆還近寺早晚過  
鐘聲

移居

欲就新居去偏逢雨雪時喜無多什物幸不費搬  
移筆硯應常用茶鑪莫暫離衝泥還共笑吉卜信  
前期

又

官貧何事好最好是移居舊戶成虛掩新階喜乍  
除衣遺頻典盡囊值久空餘比似投巢燕偏多數

工部稿卷三

三

卷書

已就新寓紀興

僦居何必廣來往喜通衢客坐客雙榻家炊共一  
厨買蔬依近市呼酒過當墟更有南廳好攤書任  
老夫

又

舊居原近寺新舍復鄰僧有住非常法隨緣是上  
乘巷衝車袞袞空密戶層層除却公座門闌出  
未會

無爲

人生那免事無極當無爲自是龐公法還就水部  
詩春來多好日興到卽良時鹿苑堪幽賞同心預  
有期

李渭清果至

送行曾有賦當日去長安好友寧堪別人生此實  
難久要能不忘乍見忽成懽欲話相思苦斜陽只  
易闌

又

舊有春前約君來果應期寧能長共處聊得暫相  
隨別業分兒子重游感故知風光寒食近正是賞

工部稿卷三

四

心時

袁杜少招同李渭清袁士旦張鳳舉集雪塢

禪院得刪字

時渭清歸  
自山左

東林風煖鳥聲閒不惜提攜此共扳已喜遠公客  
嗜酒早知高閣好看山爭春小草沿階出去國孤  
臣隔歲還竟日淹留情未極花開重擬叩柴關

送劉長馭赴開州

又向涇渭去同八白此疎相看俱老大屢別愧鄉  
間雲樹千山外鶯花二月餘到時遙北雁須寄數  
行書

又

共君屢有別此別恨難任道以詩書合情緣孝友  
深白頭長作客青草倍傷心無限臨歧意相將託  
短吟

長馭經滑縣便寄王敬一

風雨憐吾友山川間客居幾時重聚首連歲不通  
書物色春初變顛毛老漸疎君過憑問訊契濶意  
何如

儒生

十載朝班後儒生氣未除病常親藥餌老不廢詩  
書漸喜過從少得閒退食餘北牕晴日滿高咏自  
相於

工部稿卷三

五

一百五日同李渭清袁杜少張鳳舉袁士旦  
雪塢一覺兩上人棗林看花得陽字

芳草青青夾路長良朋步履緩相將好花爭趁清  
明節垂柳斜連白紙坊髣髴已揀人半老盡觴無  
那興偏狂高歌一曲頽然放厭聽家僮報夕陽

清明陪渭清東塘杜少南廠卽景

良游當及時晨起命僮僕同人夙有期載酒試春  
服南尋陶正坊烟光媚草木緬懷邈在昔埏埴起

平陸時日延古今高下變陵谷人生寧幾何風塵  
長局蹙山水向夕佳清暉蕩心目杯行誰當遲妙  
論迭往復逍遙歸去來長吟聲相逐

馮方寅過寓留贈次韻奉和

花時仍懶出鎮日掩茅亭予自憐同調人猶怪獨  
醒接談雙鬢白對酌一尊青莫信尊生論吾身是  
委形

解中桑

桑生比嘉樹託體宜中阿細葉飽春蠶文彩成綺  
羅顧此陶正署土少瓦礫多高枝自拳曲生意強  
婆娑美人不相知青青當奈何

工部稿卷三

六

土假山

北廠陶家場突然見峻嶒挺植爲用多餘礫成岡  
陵春風一朝發草木蔚然興蒼翠含衆色鬱確無  
騫崩大哉帝王力造物有兼能

方寅許遣力爲編籬詩以促之

已從京華居不忘山中意環步茅堂下數尺存隙  
地擬欲安疎籬耳目增幽致我手常苦拙焉能見  
設施君家小奚童聰明多能事不惜結構勞借手  
成余志材小亦易求應用靡弗備徘徊庭砌閒何



爲獨不至

雪塢招同李渭清侍讀張振六通政並令弟

鳳舉袁杜少編修韓子靖孔日孔東塘博士

袁士旦秀才一覺上人看花卽事

柳湖西面絕清幽古刹春深取次遊興到無妨呼

市酒花開偏喜近高樓天銜嶺色排牕入鳥背斜

陽選樹投竟日筵前對支許新詞袞袞愧難酬

柳湖在宣武門南卽今聖安寺前是也

同模園子靖崇效寺看花

勝地風光好招尋杖履偏人依芳樹下鳥語夕陽

工部稿卷三

七

前對景羞華髮銜盃憶往年題詩多故客今日幾

常筵

同徐勝力李渭清公凱兄弟陸義山丘季貞

馮方寅袁杜少勵令式看花紀興

綠陽夾路引斜風選勝閒遊野興同到處時聞啼

鳥轉重來還及海棠紅東林嗜酒客元亮茅屋題

詩就已公更上高樓舒望眼青山無數夕陽中

再過崇效寺看花同龍改菴袁杜少

一歲名花幾日開看花日日寺中來肯將多病虛

春事且共同入問酒盃檻外晴雲閒自卷林間飛

鳥暮爭回浮生何有須行樂潦倒風塵亦可哀

花下懷韓鶴汀

舊歲看花上寺樓題詩韓偓最風流朝來重有看

花會人去青山隔應州

模園侍讀函白正字招飲花下

古刹頻過趣不稀吐華樓下坐斜暉寧辭濁酒深

深勸已見殘紅片片飛老去尚餘幽興在春來肯

與賞心違重看又是經年事盡醉無妨乘燭歸

對落花

昨日花正好今日花已飛留連且莫去猶能點客

工部稿卷三

八

衣

又

花飛情無那寂寂坐銜卮醉中櫟落盡直當未開

時

又

今年花已落明年花更開爲問看花客老去幾時

回

袁杜少張鳳舉邀同雪公訪一覺上人重過

柳林感賦

十日不見覺公而清晨遠訪過南院入門一笑賓

圭同小摘藤花供香膳齋房飯飽思閒行柳林地  
僻多幽清吾曹興發僧步健高屐大袖誇身輕桃  
李園荒跡如掃崇效看花花已老花閒花落須臾  
間始知柳色青長好柳邊流水連方塘垂枝倒影  
搖滄浪疑有蛟龍蟠深黑風雷欲動雲茫茫此地  
曾經載酒過池下看魚池上坐詩成還憶高李賢  
年往空傷楊柳大人生會聚無常期當前不樂須  
何時天昏日暮各分手明歲重來知共誰

爲李渭清題驢背圖

十年金馬客行李一囊書遂返東山舍還騎惠子

工部稿卷三

九

驢青雲吾道薄白髮故人疎前路聞啼鳩心傷蕙  
草徂

又

驢背且逍遙山行趣自饒其人如蒯子有友想公  
超水畔鷗堪狎林中隱可招此時吾憶汝風雨正  
無聊

挽若之大師 有序

若公名淨慈豐潤人童年出家住京師憫忠  
寺爲知客謁 世祖皇帝于椒園而呈詩偈  
貧居一室恬然忘老余與往還十二年未常

談及愛憎事真有道者人不能識也今春病  
嗽雖喘急不親床席談笑喚侍者取衣服訖  
而化惜不長留爲時矜式而俾余失此良友  
也因作此詩以誌悲悼云

若公龍象器爲善由天資寄跡憫忠寺肅穆奉清  
規有德自有言真率多好儀被召謁 先帝矢口  
呈新詩賦罷已不記今人能誦之遇事乃敢前退  
處卽無爲一室四十年屢空常自怡富旣不相枝  
愚亦不相欺寺中三百衆居無愛憎詞曷來示微  
疾忽與人世辭平生念斯人身世兩俱奇心行賢  
法合不與賢法期應化衆人中不爲衆人知不知  
安足問妙湛一總持若公今尚在此理不須疑  
春盡日渭清杜少士旦鳳舉雪上人同赴覺

公齋看藤花

崇效海棠開已罷山僧有約看藤花多情似解留  
春色垂老難禁戀歲華石竹叢低爭習蝶長楊葉  
密不通鴉坐貪閒靜忘歸去城闕遙銜落照斜

同人集覺公禪院徐勝力不期而至暢談抵  
暮方歸

有約清齋過遠公故人遊校偶來同相看木屐春

光晚一院藤花細雨中

花事

花事今年滿上林  
酒人道伴共追尋  
東園茗飲西園醉  
不負春光是苦吟

三月二十九日

三月月終逢小盡  
羣芳黯淡總傷神  
東皇何事歸偏急  
減却人間一日春

與杜少邀同年諸子過增壽菴看牡丹

遠公門外集輪蹄  
借榻邀賓愧薄攜  
芳豔喜當三月後  
好山多在夕陽西  
總揀白髮身猶健  
莫惜青

工部稿卷三

十一

尊醉似泥餘興尚存  
誰便去柳林重踏翠陰齊

遊 裕親王園同蘊上人王六翰張樸園兩

太史凌靜菴秀才

勝絕傳梁苑  
山僧領客過  
入門揮從騎  
緩步踏青莎  
小榼重攜酒  
深林好放歌  
茲遊須盡興  
風日恰

清和

又

不禁遊人入探奇  
到雪宮開枰宜水閣  
下榻得園公  
臺榭分多處  
壺觴各一叢  
軒牕愛疎豁  
面而領

清風

又

活活泱流入菁菁  
蘆荻饒還貪  
尋別館真怯度危橋  
跋浪長魚健  
盤空俊鶻驕  
力稀思藉草  
我友更相招

又

何處公侯貴  
來從兎苑西  
呼鷹上高坂  
逐彈過長隄  
小旆迎風展  
前行立馬齊  
相逢設相問  
聊聽水禽啼

又

忽憶鄉園在盈盈  
五淀傍舊多  
隨岸柳亦有釣魚

工部稿卷三

十一

床對此林泉  
好曾余野興  
長何時遂歸計  
小築近滄浪

又

長林歛暝色  
吹角動重闌  
顛倒收殘榼  
東西散醉人  
賞心隨境往  
塵事逐時新  
回首問禪伯  
空門理自真

鐫兒送 老父入都後旋歸鄉舍恐其年少

遠離尊長或至放逸特誠以詩

隨侍來京邸  
言歸返故園  
得閒須把卷  
無事莫開門  
不忝陰晴課  
親朋禮數存  
家貧念甘旨  
未合薄

鶴豚

又

緩急家門事支持量有無小心承 大母努力供  
官租輕薄休相近中誠自可爭少遊前誠在三復  
未應誣

又

諸叔兼諸弟周旋託至情直將視猶父莫漫負賢  
兄暑逐南風盛涼迎西候生阿翁歸計定須汝更  
相迎

贈聞谷老人時在崇效寺講維摩經

工部稿卷三

圭

西來閣下乍相親行住無心總任真座上恰談居  
士法會中偏許姓龐人數聲磬發諸天徹一縷香  
薰遍界勻亦擬依君同靜處等閒未易脫風塵

奉和劉長馭寄懷之作

尊酒京華共笑歌鶯花滿眼興婆娑一年景色惟  
春好千里雲山奈別何靡草漸看佳節換黃梅偏  
覺晚陰多幾時同返虞丘駕杖履相將老薜蘿  
署中見土假山有感

獨坐倚虛牖突然見崢嶸細彼千仞勢實出一簣  
生半頂過飛鳥向下瞰層城磅礴抱真氣直與西

山爭聖人戒自畫君子恥無成對之三歎息仰止  
有餘情

端午日呈獻 李大司空十四韻

大火交南正佳辰紀數中應時合間氣有誕必材  
雄學士三公貴司空九棘崇小心承 聖眷正色  
表和衷肅肅看諸署殷殷厪百工相無遺瘦馬音  
獨感焦桐久已叨顏鑄寧惟託棟隆盤根仙李遠  
懸矢孟嘗同艾葉通佳氣蘭芳沐曉叢開筵華館  
北吹管藥欄東客赴稱觴會人收放鶴籠選詞徵  
妙曲揮扇引清風槐蔭沈沈碧榴花豔豔紅菖蒲  
宜泛酒持獻意何窮

工部稿卷三

古

午日招友人不至獨酌成詩

陰雲晶晶散長空隱几微吟小閣東百歲幾消端  
午過一杯偏少故人同却看艾葉垂垂綠忍負榴  
花灼灼紅有底相招不相顧閉門寂寞似楊雄

寄四弟璽

去年相伴在京師清簟疎簾午晝遲喚僕有時爲  
貰酒留僧偏喜共圍棋微官愧我頭先白多病憐  
君體更羸一別鄉園俱寂寞斜陽杳杳獨吟詩

卽事吟

卽事非真亦非假上東門外雙走馬  
魏甌如山雜  
瓊瓦延公中堂僕前厦玉壺有酒爲公瀉手擎肥  
炙口嫂罵擁擁腫腫何爲者徐看打魚坐柳下

蒲扇吟

採採秋澤蒲乃在河之隈束縛等積薪焉能色不  
變蟬鳴五月交祝融播炎焰茲時重見收苒苒何  
倩荷以此尋丈質結爲盈尺扇縱橫見文理提攜  
僥輕便披襟纔一揮南風冷然善濁塵可以屏蒼  
蠅可以遣有川斯爲佳誰云出處賤

曉入道場卽事恭紀

工部稿卷三

圭

嫋嫋仙音動遠空天花繚繞梵王宮一堂法侶威

儀接兩省官僚拜祝同

兵工二部同舉

金鼎烟濃香泛泛

青山翠合雨濛濛羣心有慶陰陽順萬歲千秋奉

聖躬

齋中避暑

平生愛閒靜結念在幽獨退食掩吾關蕭然如深  
谷所居雖暫借亦裁數竿竹騷屑作雨聲動搖揚  
新綠手把一卷書逍遙坐自讀未覺夏日長寧知

三代燠

又

上衙理公務下衙展高臥容膝聊自安焉川華屋  
大朱魚戲盎中草花映戶左咏吟性所耽興至時  
復作迂談誰能采拙人易見過閉門寧養晦幸免  
熱行呵

白崇效歸遇袁杜少再返借山一覺亦至暢  
談抵暮兼聞雪公觀蓮之期

相尋來竹徑相別下香臺有喜同心至旋從牛路  
回風流接寒拾談笑洽宗雷更作城南約看花趁  
水隈

苦熱行倣齊梁體

工部稿卷三

圭

炎帝行時令鶉火正南方其焰燔金石其氣蒸穹  
蒼田禾葉半卷飛鳥翼難張汲井井水溫扇風風  
不涼單絺擬冬裘石榻同火床對食未及喫汗下  
如流漿火雲無時滅繁星燦爭光澄水詎有帛辨  
暑徒傳觴浴沂果可得吾與點也狂

苦雨行

六月甫旣望黑雲向夕屯崩雷驚地坼雨下同翻  
盆瀕洞淵一注焉能辨乾坤飛電光相燭平地洪  
濤奔壅戶防沉窺危坐愁崩垣此時念在野禾稼  
秀旣繁穀者民之天卒歲仰養殮積潦橫漂沒室



家焉自存天高聽豈及情迫徒叫開轉慙一郡署  
子位未爲尊饑溺非已責杞憂安足論

贈李莘起

才吏未易得三級重削爵賞罰分白殊古今有舛  
錯李子慷慨士致身由經學試宰託江鄉汙俗染  
舊惡輕身入虎穴忠信感莊躋天高聽不及中途  
成落適來客京華僧房養寂寞將圖勾漏請聊  
賣韓康藥公餘貰斗酒與子同斟酌桑榆猶可取  
神龍寧久蟄不聞雲中守一跌終溝壑

雨後招李吉詹柴駿處寓中話舊

時李抱病  
柴值齋日

工部稿卷三

七

蓬軒延二妙伏日隱輕雲歲往憐長別朝來喜共  
羣休文原善病何瘳更除葦相得同清坐高談過  
夕曛

連雨東渭清

公有西  
河之感

潦水溝渠滿淫霖日夜新衝泥阻前巷裏飯愧同  
人室漏寧無苦鄉愁邨更論重妨牽舊痛悵望一  
傷神

韓鶴汀致書雪塢並承惠問感而有賦

雁門山右郡三伏少炎蒸絺綌徒空設瓜蔬得未  
曾避人成遠別訊友託山僧有喜依兄母承懽慰

寢興

久雨 上命道士建醮祈晴恭紀

積雨懸高空天漏無時休庭除爲江河在屋如在  
舟建瓴瀉不及滴漚沱衾裯米薪涸高價男女坐  
空愁聖主知民艱軫恤意獨周祈靈集羽士禱祀  
陟崇丘精誠格上帝帝用殲蚩尤陽光伸一照沴  
氣歛然收炊烟出茆屋禾稼起平疇居者無怨咨  
行者有歌謳生逢堯湯世水旱何足憂願言奉我  
皇萬禩與千秋

問風

工部稿卷三

六

庭窄如火井流汗漬輕紗空搖白羽扇涼風在誰  
家

過孔東塘寓

我愛孔高士隨寓安數椽山花繞庭砌灼灼何翩  
翩客堂正南向靜室占西偏室中何所有滿架羅  
青編歌鐘陸氏鑄羌篴漢時鐫古色令人爽溽暑  
一冷然悟物存妙賞談理見真詮茗柯引清興不  
覺白日遷權門多拘忌豪門足腥羶幽偏性所悅  
及爾同周旋

雨中望友人不至

積雨無時歇屯雲密不開  
砌堂停潦水古壁隱青苔  
遺興宜棋局乘涼憶酒盃  
街泥應沒屐那得故人來

和龍改菴移居韻

將軍巷內總幽偏大理居停借數椽  
篋笥饒看何所有詩書漫卷一迢然  
茅堂乍住生新趣熱客休過攪困眠  
更買山花栽隙地雨餘紅紫各爭妍

禪院避暑

愛茲禪院好每到卽忘歸坐處依修竹  
狂來解葛衣高槐倒影入野鳥趁羣飛  
忽聽鐘聲發冷然欲

工部稿卷三

九

息機

招李渭清陸義山袁杜少小飲

晨光掃幽徑有約故人來伏雨經旬阻  
閒愁一笑開中厨炊黍熟小子買蔬回  
更喜乘餘爽相將問酒盃

叢碧山房詩三集卷四

工部稿

任丘龐 壇雪崖著

送孔東塘博士奉使歸闕里臨摹御書

十韻

聖道光千古懸題感至尊分輝祈翰札  
選擇使慈孫既允成均奏爰驅博士軒  
西風回暑氣霽日下秋原練練鄉山近  
蒼蒼驛樹繁將誠省筵几惟謹奉輿璠  
悽愴懷先德賢勞荷主恩鄰人看翠節  
稚子候朱門宅舍因公入宗親以次存  
此行多盛事沽酒待君論

工部稿卷四

一

喜傅去異選得汀州兼懷汪舟次按察

傅子慷慨士生長常山陲見事如風生  
一往不可羈領郡去萬里談笑輕一麾  
汀州濱海地非才未易治故人汪伯子  
司臬近在茲其人如伯樂將子喻鐵驪  
相知在一見投合安足疑獲上良有端  
足以達所爲憶與汪君別亦在清秋時  
西風吹洛水五載阻光儀相逢倘相問  
室遠同爾思

葦箔

五尺長垂素節饒斜風疎翠欲相招  
先生舊是滄浪客未合時來賤緯蕭

凡枕

陶枕堅完得未曾綠沈色沁玉壺水珊瑚信美非  
吾有取次酣眠免曲肱

布被

紫色花綿巧績成裁衾還待北風生未應東閣欺  
賓客只合牛衣比仲卿

簌竹

簌竹青青未作叢移栽新向小牕東相看自有清  
涼意不借齊紈扇底風

瓜架

瓜架  
工部稿卷四  
二  
翠蔓黃花映客扉西風欲動影依依尋常出入看  
瓜苦也當家園一半歸

草蟲

去歲南村看稼時草蟲唧唧遶疎籬閒庭忽漫傳  
清響禾黍秋原繫客思

送傅去異守汀州

生小託同方老大始相知相知曾幾何回首驚別  
離君今出守地越在閩海涯風波踰萬里後會焉  
能期把酒上金臺南向望武彝白露塗野草落木  
正參差君如隨陽鳥振翼忽高飛我如深秋蟬抱

葉增餘悲河魚不入海誰與寄相思

京邸晤及佩韋

呼酒上鷹臺壯懷各在抱中間數離別一見一回  
老念子伏草間殘編耐搜討余亦困京華風塵悲  
潦倒升沈詎由人有聞當及早君子尚躬行自得  
由深造努力事秋實相期無草草

喜女婿邊淮入京相省

暑雨沿長路衝泥到帝京關情寧半子合愛引  
同生署裏增懽慶尊前見老成相留且莫去風雨  
伴秋清

贈大西天住持沙門

法地因公入秋清絡緯催花薰行道石柳菴誦經  
臺梵帙教僧讀齋筵共客開飯依憐佛日金界久  
徘徊

劉長馭寄贈方竹杖

亦是琅玕節稜稜見直方何應蓮幕客肯贈水曹  
郎託喻心仍愧扶衰意轉長行年將六十遲我杖  
家鄉

荅韓鶴汀自應州寄懷之作

空庭日日長離憂節序關心念舊遊白髮客從燕

市老青山人隔雁門秋那無好夢深宵人忽有新  
詩遠路投章曲依然讀書處幾時還住屋西頭

遙瞻 聖駕幸府檀寺

曉向花宮去行沿 御沼傍水寒波澹澹霞晚葉  
蒼蒼舟穩神龍負帆迎慧日長吾 皇重民瘼奉

法禮醫王

請大西天印事留偈時沙門和土爲小浮圖  
十萬上命付陶火以

堅之余監  
督其事

刹刹因王造塵塵見佛身發心功德主祇命姓龐  
人有相仍非相同真始見真願言稱 聖壽八萬

四千春

工部稿卷四

四

秋日感懷

戶外逢迎少斜陽不捲簾懶應難自強真亦畏人  
嫌物色秋霜變生涯老病兼明知歸去好三載此  
重淹

又

連日無公事披衣喜地偏客來重對奕僧至或談  
禪露笋階前出秋窵檻外懸居然成小隱何必問  
林泉

又

五十爲郎日朝回繞膝前重尋小兒戲偏得 老  
親憐易裕先秋節謀甘有伴錢晚涼堪進酒故事  
話當年

又

籬邊秋色滿瀟灑愛吾廬座右安茶具牕前展佛  
書病將諸趣減貧與世情疎直有吟詩癖朝來未  
擬除

又

出卽尋僧舍閒仍喚酒備有官何必達吾好直須  
從落葉隨風下寒花帶露濃秋光足幽賞感激怪

工部稿卷四

五

吟蛩

又

茅舍南村在西風想物華看人刈新穀帶露摘秋  
瓜虛願何時遂浮生似有涯空將留滯意徒倚羨  
歸鴉

又

班列臺郎後居依杜曲邊那無五斗米直少一囊  
錢坐隱烏皮几閒看秋水篇忘言笑莊叟吾意會  
先傳

又

西風次日夜寒色欲相侵老大請人事艱難長道  
心授永驚月令納稼畏秋陰辛苦同胞子愁思未  
易任

又

世路增多事羣情只自迷升沈寧有定可拙數應  
齊官舍乘朝入衙食取次攜公餘少私謁高臥免  
棲棲

又

退朝人事靜秋色閉門中策策鳴寒樹嚶嚶亂草  
蟲年華流水去趣走衆人同何物堪消遣衙孟問

醉翁

工部稿卷四

六

喜大甥邊溪以應舉至舍

計日知將至行裝忽入門情深依舅氏別久話家  
園孝友聞人說文章共我論高秋健蒼隼一擊起  
平原

露坐與婿淮甥溪閒話

命酒當壻砌情親好共談家翁慚樂廣乃舅得羊  
曇薄宦終無趣長林固所耽如何疎骨肉頭白不  
抽簪

斗秋前三日徐勝力李公凱學士渭清侍讀

盛義山丘季貞宮贊袁仕少編修龍改菴大  
理馮勉曾行人公譙家大人于周容湖太  
僕宅中燈隱侍賦謝

滿院花開秋色新花間置酒趁良辰不才有愧附  
同氣推分偏承到老親竟日笑談陪綺席當年  
侍從共風宸交情此際應重見醉飽歸來感更  
真

長安中秋侍家大人玩月

中秋月色明如畫水部庭前冷似冰欲喚傳觴無  
剩客饒憐獻節是殘僧童顏老父誇希有白髮

工部稿卷四

七

又

今年今夕月華瓜果開筵奉老親直喜稱觴依  
畫省敢將靡盬賦勞人狂歌啞啞音堪笑屢舞僂  
僂態轉新有約相期赴公府衣裳顛倒問清晨

懷喬侍讀

帝里相依情頗親淮南秋草幾番新風波有感從  
前事零落空驚見在人把酒良宵那可得裁書遠  
道苦無因誰憐月下行吟客獨倚寒江怨白蘋

呈少司空徐青來先生



五百當名世吳山起人賢聲華當代滿文字後生  
傳寔至心逾下思沈氣每專振綱飛白簡曳履上  
高天任總百工劇勞爲四署先敢將論故舊喜得  
奉周旋前輩通師誼分曹託屬員頭多顏鬢髮床  
少鄭虔甕一拙才何有長貧志益堅衆中常自鄙  
格外獨相憐體絕驚非分思深擬重鐫氣蘇秋漢  
表心曠夕陽前燕去辭梁棟鴻飛遵渚川桂寒香  
莫莫菊秀露涓涓姓著西園內宅依韋曲邊喧喧  
揚妙曲秩秩啟初筵珠履塔前綴金章座上聯典  
來重改席觴至更如泉紅帶搖燈影青絲裊篆烟

工部稿卷四

八

宵分看月出斗轉見參懸主唱吹笙什賓酬醉酒  
篇迂疎何以報葵藿仰長年

同李渭清陸義山袁杜少訪雪上人遇留

詩用李韻

未知乘興去良友此重過白日禪房靜空庭秋色  
多行童留熟客松茗引長歌石上題詩罷涼風滿  
薜蘿

送別吳自修

告別不須悲有懷爲君道人生一世間適意以爲  
賓客久生憎嫌士貧常草草儒術豈謀身馬川長

枯槁多貲取高位魚鹽計自好滔滔視目前改圖  
當及早與子非影形誰能相對老江湖不隔心風  
雨通懷抱

又

飄泊何所成君歸亦余意胡爲送將歸握手重揮  
泪念我性質直夙昔好名義勢屈道莫展輕薄苦  
相諄往來相慰藉感子情款至臨歧心已孤俯仰  
細天地涼風日夜吹草木一樵悴離鴻尚有悲斯  
人況同志已已吾道窮三款增餘嗜

楊恭士過訪喜贈

工部稿卷四

九

喜見新詩好長吟意倍親自惟存古法未擬向時  
人有禮承先施何才動下詢看君用心力衰老欲  
奚陳

煤坯爲風雨所漂歎

屑煤和土焉能堅支墮釀火同薪傳價輕易取排  
相連戎戎化作雲滿天蒼皇似來催詩篇凍雨如  
軸翻堦前烏龍倒地聲甍然黑水橫決華陽川須  
臾解散隨流去嘆息三百青銅錢

送楊恭士歸湖上

蛾眉不自畫王嬙失容光荆石不自言卞生懷苦

傷俯仰觀古今天人兩茫茫楊子南國秀讀書窺  
姚黃聰明淨秋水有作必擅場比來不得意西湖  
歸草堂念子如黃鶴羽翼當分張一舉數千里何  
時復來翔願言一尊酒日暮遵河梁與子訂久要  
平生幸勿忘

行路難

身從版築役搯作赴薊門官書雖同限分界亦各  
存勤者畏鞭打纍纍成高垣清者自翔翔畚插誰  
爲捫十分未三四成功安足論面勢宜有怒怒訶  
一何喧詎謂訶者過惟增勤者冤桃僵李可代涇  
濁渭亦渾悲心視懸瓠焉望相爲言

工部稿卷四

十

古意

飛騰輸粟客辛苦負薪翁家財足致身何必文學  
通側見雙孤雛閑入鸚鵡籠飲啄雖共處文采終  
不同

祈天

生怕陰雲起時時望遠空祈天莫作雨老父在  
途中

聞弟墮旦夕入都喜賦效康樂酬惠連體並  
用原韻

我淹黃金臺君依白馬峰憂來望故鄉用老增衰  
容茂事又將暮子舍幾時同臨食不能咽離緒填  
心胸

又

心胸正鬱結使者忽至斯言子秣其馬先期報余  
知落葉滿周道斜日照驅馳空庭屢延佇遲爾話  
別離

又

別離念昨歲秋色在西山西山秋復遍別意重相  
延豈無友朋會終感春令篇家貧念生事非汝誰  
爲言

工部稿卷四

十一

又

誰言長安近行色重遲遲計里數來路刻日念前  
期老父促駕去馳驅繫余思庭幃報安穩慰意在  
今時

又

今時屆重九秋色堪同遊山梨翻紅葉籬菊綻黃  
苞登高攜汝手嘯咏何陶陶相將展清興鞍馬勿  
辭勞

奉荅少宗伯 吳盧先生秋日見贈原韻

退食斜陽裏作來問寓居詩篇桐子命筆札右軍  
書性任疎慵慣官經放棄餘長吟感知己百過倚  
茆廬

又

未敢輕郎署真慚生計庸養親宜肉食乞米佐  
家春才薄將何取知深轉見容每來趨教日城闕  
動疎鐘

馮方寅招同諸子飲花間余以公事不及赴  
更訂九日之約

探節迎黃菊開尊泛夕涼更慚成俗吏有底負秋

工部稿卷四

三

光詩憶羣公好歌傳小史長重開釀金會必擬就  
重陽

九日同馮方寅袁杜少龍改菴劉芋白登妙

光閣

不逐朝參去探幽惜令辰蔬香黃蝶亂人老紫萸  
新連序看流水浮生笑此身清閒愛初地良友坐  
相親

又

登輿斜陽外探奇老力增黃花如有待高閣更須  
登掠草鷹抄兔銜蘆雁避矰西山寒更碧百里見

岐嶺

又

蔓草翳深徑披尋野興長地偏隨步履僧懶不衣  
裳秋瓠垂垂綠寒花細細香孤亭依密樹真怯晚  
風涼

九日同人晚集芋白寓中

日入燈光續黃花映綺筵蟬聯狡童曲

劉家童燕

婉定情篇劉新善謔乘殘醉忘形入小年重陽風  
景好莫惜久留連

又

工部稿卷四

三

有留且須住笑語更相親忍令重陽過且看菊蕊  
新青尊爭永夜華髮鬪精神劉尹風流甚將無惱  
故人

送周蓉湖太僕假歸省親

秋風歸興切相別在今晨拜命辭丹闕承懽念  
老親霜清楓葉下波冷蓼花新余亦懷明發羈棲  
愧此身

又

行色匆匆晚離觴細細斟趨庭人子事惜別友生  
心水靜江船穩烟寒驛樹沈南陔有佳句寄我短

長吟補之故云有

喜弟壘至都

有來寧道晚執手慰離情道路將嚴命平安報  
阿兄厨人供晚食草閣續殘燈瑣細問家政鄉思  
一半平

又

今歲多淫雨泥深擁道隈不辭騎馬滑直以愛兄  
來白雁先霜過黃花冒雨開秋光正堪賞及爾醺  
新醅

過營湖寓感賦時得省親假將歸

工部稿卷四

西

幽賞偏憐同鄉宅三秋紅紫向人開尋常步履依  
花檻取次談諧共酒盃綠服行看萊子去輕舟先  
送謝娘回良朋勝地關情甚相訪還能幾度來

馬衆瞻攜詩相訪余偶出關展待賦謝并束

曉巖

日日朝回坐夕陽偶從西寺踏秋光非才有愧稱  
工部佳客偏勞問草堂未及逢迎高屐返漫持詩  
句夜吟長已謀斗酒呼平子乘興同來倒一觴

贈秋浦曹氏

高賢依勝地千載仰清門五柳風堪接青蓮跡尚

存今人自和遊衣冠饒近古族姓自成村家學源  
流遠無由與細論

曉巖衆瞻過寓小飲

門庭靜掩足清幽豆蔓匏藤晚未收南國人來成  
小集東隣酒熟喜新筵偏嘆落葉喧寒雀不分黃  
花對白頭公暇相留賒一醉狂歌颯颯動高秋

鼎望過訪

閉門寂寂似山阿鞍馬王孫此更過市酤不嫌留  
貴客新詩偏喜引長歌黃花向晚垂垂放絳葉迎  
霜故故多使者筵前屢催促層城日暮奈君何

相逢行贈勵令式

工部稿卷四

圭

分司馬走塵遮面層城咫尺隔親串朝來送客一  
相逢前執汝手吾手戰甚矣吾衰志欲盡騰踏念  
切後來彥子生七齡咏鳳皇敏捷親許昔劉晏三  
冬學書書又足揮灑能事如飛電天子求賢非  
汝曹升書莫達金鑾殿螺螄蛉竊化生獐頭戴  
角賦聞見人言未厭鬼神怒赫赫王章愁嚴譴  
得之何榮失何辱冥鴻下視憫巢燕卜生有璞終  
見剖端予懷奇詎長賤尊中酒綠菊花黃忍背同  
人虛良醪留君不住爲君歌颯向寒空轆轤轉

信嬾

余情非信嬾徧國熟思中懷刺當何向將言恐未  
同周旋勞長者們候朕奚僮幾見承顏客升公續  
古風

題卓氏傳經堂

高閣臨湖岸風流接一門傳經憶前輩肯構有慈  
孫漁火津頭市人烟嶺上村何當乘興去文酒共  
君論

俗事

俗事誰能免朝寒動北風縫裳催老婢春米課青

工部稿卷四

去

童居處他鄉異營生卒歲同室人還共笑瑣細有

家翁

丁訪菴見過

寂寥楊子宅來往見君情莫以無醑酒還應共菜  
羹高簷銜暮景歸鳥帶寒聲喜得論文友飛揚意  
氣生

過訪勞通政書升

祇謁通名入相迎倒屣來披衣餘道氣作賦信卿  
材塔靜山禽下冬溫晚菊開高言見精理日夕重  
徘徊

再過勞通政

身慵稀過訪有訪卽君家來慣應門熟談深返照  
斜詩篇存雅調雨雪閱年華就正容虛薄寧辭道  
路賒

送張廉使敬止赴山東

鳳毛五采揚輝光張君才大人莫當公侯之後多  
挺出年未二十參臺郎屢典大郡司臬事歌誦至  
今聞諸方昔君先公雅好士食客東南盡才美月  
榑屋裏同賦詩風流再見張公子青絲鞵鞞紫駟  
馬春明射獵西山下舍矢稊兒無一迷割鮮行炙

工部稿卷四

七

飽中野我時猶壯君妙年壁上狂呼徒啞啞人生  
會難別苦易從此東西成間隔昨歲長安再相逢  
君髮一莖兩莖白君已如斯我奈何回首年光真  
過隙司臬大夫古三事煌煌牙緇搖金碧喜君名  
位今已成愧我風塵老無益漢廷釋之君前身齊  
魯從此無冤民濟南是我曾遊處惜湖秋色饒鮮  
新酌突泉水高噴薄華不注峰青嶙峋吟詩往往  
留筆跡年來應已生埃塵倘攜僚屬窮幽賞看題  
猶能識故人

贈徐郡丞



徐侯古長者風期邁等倫往作華容宰實心事  
循奇梅與烏相課樹常苦辛十年挺枝幹翠色覆  
江漚歲獲比橘奴安坐化倉困詎惟食者感聞者  
願依仁超擢見除目喜若平生親余喜誠有爲亦  
不爲一身河間故漢國東與滄海隣壤薄原斥鹵  
盜多以民貧誅之恐莫盡柔之或自馴燕地非楚  
地瀛民猶華民將用昔時政會見薄俗醇衆情齊  
所向枉駕愧薄陳市酒那可醉言笑共一真四座  
分和氣十月見陽春簡書限已及經途不涉旬來  
蘇先相慰作書報郡人

工部稿卷四

大

韓子衡奉母赴安陸太守任兼寄令弟鶴汀  
中丞遺愛留荆楚子衡父曾巡撫湖南郢上風光夙所親竹  
馬爭迎故公子板輿重覩太夫人含烟岸柳將舒  
臘弄色江梅欲放春署裏忽聞歌白雪詩思應許  
惠連新

述懷贈張德昭并致令五弟肅昭侍御

相思常在念相見忽不識歲月易遷流焉能駐顏  
色稱名執余手寤夢交惶惑憶昔過君家年富饒  
強力美酒呼我飲美味強我食三盃狂興發謔浪  
亡檢飭吾子在當筵終始一溫克少年器宇成端

然見士則一別二十年倏如鳥展翼喜子鬚眉長  
慚我形骸黑朝廷容醜士老馬戀芻秣恐爲流輩  
憎掩關聊自匿轉覺故情深枉駕迂相卽有來曷  
匆匆日夕返前軾白眉欽令弟林臥無消息斧柯  
不在手延蔓生荆棘入門憑問訊之子猶邦直

送王伯起守順慶

蜀道憐君再剖符王前在綿州刺史華輿奕奕出京都往  
來不改山川險聚散空驚歲月徂落日鄉心懸督  
亢殊方歌曲起巴渝重關飛度愁高鳥欲附音書  
肯寄無

工部稿卷四

元

曉巖招同李漁村龍改菴小集

風流張仲蔚好客自當年老至轉無奈貧來時復  
然入門清几席酌酒話神仙高興爲君發飛揚落  
照前

又

斜日仍呼酒留權劇可憐難逢同調客不惜賣文  
錢宅背千人市林昏十月烟吾將卜鄰舍來就爾  
東偏

猛虎謠

猛虎不顧豹但採羊與獐豹怒東走訴海若海若

伴笑聲郎當羊獐澤處豐水草肉實骨脆多脂肪  
維公一何苦獨向南山藏七日不食肌膚瘦文彩  
焉用充枵腸冤魂寂寂沈木府虎飽終得眠山岡

雪中黃菊盛開感而有賦

燦燦黃菊花凌寒賦異胎元冬建子月映雪數枝  
開枝亦不在大花亦不在多緬彼桃李樹紅紫紛  
旖娜豈無三春賞歲宴當如何

兩禽謠

鴟鴞喜夜黑鴟鴞求天明北風索索掃枯木中宵  
啼嘯各有情鴟旦苦寒鴟飽同生異命焉能爭  
陰陽往來如轉磨眼前又見長至過晝增夜減聊  
復那鴟鴞收聲且高臥嗟爾鴟鴞有目不見長饑  
餓

雪塢招同諸子齋筵卽景

懶出真違俗幽尋喜趁僧況聞集勝友那惜踏堅  
冰樓迴堪同倚松寒欲自矜西山晴色好紫翠竊  
千層

又

記有前期在相過惠遠庭先春梅欲放戴雪竹猶  
青已飽中時飯還談上品經坐深重淪茗自起發

新瓶

十一月十九日同人集寓中見黃菊未殘各  
有賦贈勉裁小詩並呈諸君子

仲冬闕重陰芸生各值否菊亦并之族過時獨不  
萎翠葉綴長條幽香飄細蕊雨雪分應齊堅貞能  
復爾持此歲寒心願言託君子

題黃大海雪溪圖

疊疊雪溪山活活雪溪水收之尺幅間曲折皆相  
似林樹飄欲動烟嵐隱然起茅屋無四隣遐想幽  
棲士安排以入造化物通原委丘壑性所存披對

誰能已

冬夜吟

是夕冬夜

冬夜沈沈愁相催老眼失寐通宵開三足之鳥凍  
不出燭龍銜火何由來只恐伏陽終閉塞羣陰剝  
蝕傷靈胎運極數窮理必復冥冥漠漠中宵回旋  
轉洪鈞鼓橐籥一爐六瑄齊飛灰天子南郊薦  
蒼璧太史載筆升雲臺青春雖遠消息動寄語楊  
腸休深哀

放歌行同李漁村陸義山袁杜少飲寓中作  
欲雪不雪屯高空寒林颯颯吹長風一室獨坐神

黯淡我友意興將無同急鞭高馬來相就囊中三百  
錢青銅盤有鯉魚壺有酒狂呼大笑何其雄尊  
前不問門外事能者奔走如飛蟲得失天定非汝  
計微幸詎合虛相蒙銜蘆寒鴈思避繳沿江莫徭  
還張弓忽憶崇效松杉古翠藹遙與西山通諸君  
歸去且酣臥明日登樓攜遠公

鐵脚行

鐵脚微細託羽族雖滿腦髓無多肉濱海田荒籽  
粒稀俛啄蟲沙背欲禿決起低搶逐同羣喜近叢  
薄少集木下人無患何所仇人食小利還相求漫

工部稿卷四

重

空一網數百翼駢首遠供金盤饒我友好我分異  
味舉箸欲下仍復投我爲此烏嗟未休君不見倉  
中雀穿公之屋飽公粟網羅無虞恣鳴躍不忍飛  
同一處樂

程禹三歸自秦中見訪喜賦

客舍何時返相攜意不禁山川憐久別雨雪感歸  
心慷慨秦州咏悲涼塞上吟論文須十日臘酒正  
堪斟

感舊贈顧亮文

適園子也

君家先子千秋士蕭寺相逢數論詩謬許詞場稱

執友生從門下託孤兒適園在川屬就余遊笑言已痛人難  
再尊酒猶憐汝共持此日一編須努力九原松柏  
慰心期

孫樹峰庶子見訪失祇候賦謝

騎馬乘朝去門前好客來何常輕雨雪有底負趨  
陪人事驅馳廢年光髣髴催相邀肯重過預擬貰  
新醅

歲暮行

歲暮北風聲正厯后土凍擘龜文開重關晝掩不  
敢出瑟瑟縮縮空徘徊忽起狂笑公何駭我有南

工部稿卷四

重

村脫粟米堪換東肆黃脂醅白頭那惜斗筲費直  
須痛飲傾金罍昔時賢達安在哉駿狼之暉不可  
繫狂瀾一倒焉能回舊年直被新年催今人休被  
後人哀海上三山縱虛誕穆王八駿徒馳顏醉鄉  
無訛歸去來君不見郭隗已死馬骨朽寒鴉啼上  
黃金臺

勞通政筵間卽事

寒烟斜日滿林臯有約傳觴典頗豪賓客四筵通  
意氣醉人不獨是醇醪

又

屢把雕蟲為後塵愧無才調遂清新諸君莫信尊  
前語玄晏先生好獎人

又

旋擘黃柑薦酒漿忽聞嬉笑出中堂左家信合憐  
嬌女三歲人前禮數詳

弱息在抱解  
向客平拜

又

送客留髡晚興催憑添高燭照街盃情深偏念蒼  
頭癖卽席重分茗串來

下堂傷脛書以志警

車度太行坂舟過灤瀕堆寧知戶庭間隱然伏禍

工部稿卷四

五

胎氣躁忽一蹶剗然脛骨摧痛酷如生割色變同  
死灰宛轉床席間呻吟一何哀憂齊樂正子行惡  
庾玉臺靜念省所因豈曰由天災聖賢謹細小不  
為諸患媒古來家國憂亦以輕率開世路存陷穽  
俗情多忌猜禍有大于斯凡百戒之哉

除夕前一日鼎望見惠綾綺炙豚賦謝

憂深傷足坐黃昏窮歲風光正掩門趨走忽傳來  
使者提攜有貺出王孫却看老醜慚文繡偏得肥  
甘嫺晚殮推解情真念朋友賢風今日幾人存

又

情深好客惟公子佳惠疊來愧此身未止紛袍  
范叔那須嗜炙問秦人創深自苦防趨走禮重  
慚廢正辰計日尙能還故步會應騎馬到平津

癸酉除夕房中作

家家俱有窮年費我欲辭之亦未能盡典衣裳歸  
藥肆平分祿米施山僧相邀縱少賓盈座自勞  
還須酒百朋任是先生添足疾祈靈猶點佛前燈

又

家筵有喜歲華臨大婦稱觴小婦斟香散黃柑傳  
剩夜光搖紅燭照同心君當不擬烹鷄曲

用百里奚妻事

工部稿卷四

五

我亦無勞牧犢吟懽笑未知殘臘盡春風扶日上  
高林

任丘龐 塏雪崖著

甲戌元旦

一片春光向曉生東風吹落滿層城朝元重啟  
金門會獻壽遙率予含情萬戶焚香交翠霧六街  
人語帶懽聲不才何用求多福長奉高年頌太平

又

爆竹聲稀天欲明深房坐起覺春生梅花自解爭  
先放栢葉何妨最後傾處室有人陪笑語過門無  
客免逢迎一支幸勿成偏廢擬聽城南二月鶯

去歲今年歌

丁部稿卷五

去歲元朝走碌碌上朝五鼓披朝服朝罷還趨貴  
人門竟日疲頓朽其腹今年傷足聊偃床不巾不  
襪潛深屋雙鬟奉酒妻妾陪丈人安坐飽梁肉人  
生得意難兩取禍福如環相倚伏君不見當年黑  
牛生白犢

相見行爲紀可亭勵令式賦

予春下床傷右脚朝起兀坐心不樂紀子纔去勵  
郎來因賀元辰到草閣相見驚悼顏色同慰藉再  
四情款通人生誰最關忻戚父子不處同堂中天

泥如亞吾與汝日暮歸去增忉忉平生相識亦無  
數二子能來展一顧慙慙寄語世上人莫把親戚  
視行路

不得赴雪公招賦謝

舊識東林路頻承支遁詞不因下堂厄恐負隔年  
期花憶禪房早春看白晝遲應憐龐老子寂寞獨  
裁詩

雪公招不能赴并柬在席諸友

喜接同人會新年事有非下床行未得攜手坐相  
違牢落披殘卷沉吟過夕暉此時香飯罷言笑正

依依

丁部稿卷五

擬古贈渭清

白日照愁歎愁歎爲誰生良友當乖離未去猶同  
城同城不相見值茲災患櫻咫尺卽山河積思徒  
縱橫山河分異地良願詎合併

又

在遠猶可歸處貧難爲好潔已畏教言萬里鑒蒼  
昊相與無中人孤芳寧自保採薰雜以蕕謂蕕非  
香草中情不見察離憂宜用老

又



高門多車馬日暮有經過上客黃金爵佳人白紵  
歌此時楊子雲把卷正吟哦高言守寂寞嘲詈常  
苦多仕進由他途誰爲陳四科輕薄得先駕儒服  
空蹉跎歸與覓紫芳窈窕依山阿

又

良會難再得設席奏清琴琴聲一何悲聲悲感我  
心無乃送遠曲值此青春深游魚喜共沼鳴鳥戀  
同林豈無尊中酒日暮聊同斟一曲未及已涕泗  
橫沾襟不惜涕沾襟非子誰知音

又

工部稿卷五  
三  
升高難爲下負重難爲釋漢相多凶終鄧氏亦見  
籍利權不庇身富貴有何益得失寸心中膏油自  
煎迫所以茹芝人甘謝市朝客

又

鳩鳴草不芳鵬呼鳳無德莠言喜出口讒人心罔  
極慈母猶投杼大聖亦去國千古同一時智者自  
不惑餘梁匪所希冥鴻安可弋回翔池上情高舉  
雲中翼

袁杜少馮方寅過訊余疾

忽報高軒過連翩二妙行厨無炊黍待禮失下床

迎負疾憐佳節關心託友生相將承慰藉日夕倍  
含情

一自

一自淹床席新年五日回尚憐非腹疾未敢怨天  
災老衲營齋去隣人餽藥來應知旋有效遊賞任  
徘徊

誰能

福禍誰能定心安憶塞翁事無聞戶外詩且擬房  
中臘酒仍余有春光與衆同良朋能好我留飲莫  
匆匆

工部稿卷五  
四  
招沈方舟溯原兄弟不至

擬作開正會床頭具酒卮足傷寧廢飲舌在欲論  
詩梅白含新蕊松青入舊枝美人期不至渺渺繫  
余思

喜何公權至並東程禹三

負創防迎送招邀喜子來禮寧爲我設酒合趁春  
開隊馬憐羊祜禹三有墜馬之厄因人笑玉臺余以家人負出對客  
相將破愁寂未醉莫須回

招渭清飲鼎望亦至聊成拘體

六日風光入新春前堂初出憐吉辰良犬還能遠

奉使玉臺自解行依人過門有客喜不速行盃到手  
手權相親莫訝床頭少迎送龐公家風無主賓

東杜少

蓬萊獻賦共思波十載長安春復過有酒莫辭還  
盡醉同人眼底已無多

短歌

短歌微吟朝復昏吾患何有有身存即妨美人笑  
蹙者春來不過平原門

人日偶成

心齋坐久不知身市鼓喧喧動早春今日始知添

工部稿卷五

五

足疾登高第一負靈辰

穀日李公凱招集同人不赴重有感歎

首春天氣佳物色同敷腴介壽用此日晏賞追懽  
娛同人有好會下床難爲趨鬱鬱一室間輾轉增  
嗟吁嗟吁寧酒食結念於髮膚舉足憂子春經月  
色不愉離羣感子夏引過誠非誣負創於筋骨良  
會不克俱上以愧所生下以疎吾徒曠懷念米淵  
結歎良未徂

翁尹若過訪

深居日口愁無賴忽喜應門報客來倒屣未能還

出戶上床聊取共銜盃春光近眼知將老懷抱逢  
君得暫開重聽新詩同七發飛揚直欲起摧頽

微酣

軀體那應關好醜且將盃酒賞微酣宮中儀範迎  
痛女船上平安待跛男旬旬縱難爭善步詎諧且  
可任長談社還禮數朝全廢也覺支離大放憨

休嗟

晏起科頭過那無休嗟災患起須臾昔人自重儂  
公子衛國何妨跛大夫奔走材微輸捷徑呻吟道  
在合拘儒敢將儼寒虛時日一卷長披到夜徂

工部稿卷五

一六

題翁尹若春遊小像

遲日生幽興徐行領故人層波千折碧雜樹四邊  
春宛轉移佳境逍遙任我真賞心猶未極漁笛起  
前津

長歌行荅劉長馭白滑州見寄

故人前歲來金臺春風吹雪梅花開今歲花開重  
飛雪故人不見心悲哀頃者下堂遭一躓右足負  
痛成偏跛偃床十日苦面牆眼開忽接雲中字索  
我新詩兼相存我詩漫興那堪論沈雄敢望杜工  
部跋扈直愁李漁村漁村羈棲仍帝里問我時

時來步趾近喜長安酒價平花前對酒常思汝汝  
書顏覺傷轉蓬不記陷身西川中重關劍閣鳥不  
度後有猛虎前黃熊滑州千里路未遠寬放春愁  
飽喫飯同心不隔道路通鯉魚鴻雁時往返

立春日同友人飲

生稊聊隨俗花癡應令祈那知添白髮且喜對青  
春出郭非吾事街盃有故人迴看烟柳放終擬過  
前津

竊兒旋里是日暴寒

覲歸憐小子晨起出長安忽覺春寒重遙愁客路  
難沙深驚馬鈍風苦敝裘單連日情懷惡誰能免

工部稿卷五

七

坐歎

春寒

嚴吹乘春起千家盡掩門都將連日冷還補一冬  
溫西冬暖河不成冰天道通消息人情見覆翻兒童畏龜  
手巷鼓亦停喧

又

東風寒轉厲索索逼春晴日月依常序陰陽有錯  
行穿堦遲草甲坐樹噤禽聲只恐觀燈會遊人減  
樂情

感懷並柬李東臣大諫宋聲求刑部

新年風景已過旬獨抱殷憂愧子春遠市看燈重  
自阻故人酌酒好誰親開憑書卷醒愁眼却對梅  
花怨令辰晴景滿牕甘寂寂始知支節累吾身

又

負創竭來遭一蹶旬餘偃席未能興行看嬖散將  
誰笑坐擁支離轉自憎春酒開筵虛好會花燈有  
約負良朋生平事事堪深省真愧前賢戒履冰

曩昔歌答內人

曩夕下堂遭一什廿日有足不識屢親交問訊直

工部稿卷五

八

到床春酒招邀辭不赴今年元夕盛燈火履舄雜  
還填衢路半坐半臥且咏詩索寞良宵甘閉戶老  
妻爲我顏色悲苦勸節勞謹創痍嬖散還妨他家  
嗤踰躄兼愁官長怒丈人大笑掀其髯兒女子焉  
知其故我身七尺非我有我心所好聊足娛鷄化  
右臂那可逃柳生左肘誰當惡支節解痛猶委形  
功名何關草頭露足雖莫踐手可持況有酤酒滿  
眼酤卿速爲我酌巨觥我更爲卿歌長句獨不見  
漢家卿相多貴人唯有相如留詞賦

和渭清韻再寄長馭

載酒金臺別故人書來隔歲感愁身却看楊柳懷  
他日次寄梅花非我春野潤鵲川迷故井流漸孤  
子恨前津顛毛反爾垂垂老無計同歸住比鄰

李丹壑編修招飲不赴

元宵已過逢燕九婪尾春盤用此時欲就傳觴同  
既醉却看折簡負佳期筵間度曲思繁會榻上微  
吟託擁離爲待身輕拋杖去一尊重擬共論詩

長歌行送李渭清歸山左

鴻飛萬里忽東逝海霧冥冥垂雙翅離亭白日曠  
微陰獨客東風起寒吹留君不可別君難萬感交

工部稿卷五

九

迫一灑泪十載長安接寓居往來情好託昆季學  
窮墳典吾所師量涵嶽瀆誰能器經綸有道出通  
材堯舜君民豈難致江湖日落足風波林谷陰深  
縱魑魅含沙暗射非汝防千里霜蹄突一躓已聞  
澤畔放屈原又見長沙驅賈誼子雖遷謫終在朝  
聖主恩深非遐棄應看龐子鑒不遠詎薄臺郎  
甲下位鄉里小兒驟發身多負聰明少識字忍能  
白日欺老成刻覈酷深喜生事我曹垂首方孤立  
局促焉能展設施此日東山正早春桃能紅楊  
柳翠九仙菜甲青可擷東海魚苗鮮可食富貴於

我何加哉人生萬事惟適意山梁雌雉早見幾余  
亦浩然有歸志君去山中結構成好釀秫酒蓄鹽  
豉待我青鞋遠徂尋超然臺畔同君醉

不到書舍廿餘日矣朝始扶杖一過值馮方

寅沈方舟至留飲戲成二首

內舍乘朝出支離笑乃公扶持倚藤健踰踣似夔  
雄拂几書重帙看梅蕊漸紅還聞佳客至置酒命  
奚童

又

不面經旬日逢迎喜倍深商羊行且舞木客坐重

工部稿卷五

十

吟小樹生春色良朋愜素心風光晴更好牕外有  
鳴禽

見沈孺人遺蹟感賦并示方舟溯原兄弟

沈氏有賢偶多才擅女師流傳空見畫在日獨工  
詩駐世無長算同懷出好兒逢人稱母德悽愴泪  
長垂

喜晤張錫原

之子何時到憐余問榻前入門翻一笑念別已三  
年紅蕊看梅樹青銅足酒錢卽看行履健踏賞遍  
晴川

又

風流憶張緒乍見復相疑笑子鬚如戟知余髩有  
絲話長因久別景好喜春時花柳千林色招尋預  
作期

張禮山工部過訊失晤賦謝

造次成斯疾沈吟閱兩旬有招原自我相恤感同  
人淪茗思高論看梅共好春回車憐日暮寂寂獨  
傷神

野田雀

野田雀苦饑官倉雀苦肥倉雀語田雀何不一處

工部稿卷五

十一

飛田雀再三辭我志與子違官倉有餘粟羅網還  
自稀網稀粟可飽終恐損毛衣

老父書來垂憫足疾益深不肖之罪賦以自

責

弗戒堂前地追思只自尤不圖經月疾遠作老  
親憂慈旨勞相訊創痍看漸瘳書紳長此佩奉  
足敢輕投

早春咏懷

正月看將盡烟光憶郭西野橋春水動晴樹乳禽  
啼一馬吾仍有雙柑酒可攜花朝應已近踏賞遍

長隄

又

啼鳥催晴日披云趁曉興春回看物變老去覺情  
增久別憐兒女多艱憶友朋鄉山望雲樹只有倚  
枯藤

又

獨坐驚時節良游憶往還烟生棗林樹春到聶冢  
山山在宣武門南聶氏所築莫著青鞋去空憐白日閒幸留尊  
酒在緩酌破愁顏

又

工部稿卷五

十二

前歲居停好幽清託北軒鐘聲聖安寺草色柳湖  
村奕局常攤几山僧每過門優游自公出未覺有  
塵喧

又

已是開正後新紅未上枝花應逢間晚老敢怨春  
遲待賞留佳醞偕行數故知流光安可負即取慰  
心期

又

正有正堂夢忽傳舍弟來翠穿春草出紅綻早梅  
開瑣細詢家事丁寧命酒盃閒遊動高興須爾好



相陪

永懷

日月不暫停今古迭成代來日非今朝往者焉能  
再盃酒樂當前勿用常慷慨人生如不死白日應  
無悔長生求神仙松喬今安在安排由大化去來  
兩無碍此身猶委形身外當何愛

又

蒼鷹志在搏凌風有勁翮鷁志在魚莫信羽毛  
白公子喜朝間輕衣趨南陌操弓挾兩丸顧盼思  
一擲黃雀銜花來翩翩何奕奕此鳥知報恩誰能

工部稿卷五

圭

竟彈射

又

江河無定波白日變陰晴嗟彼浮薄子廣已用聰  
明時來多苟得訑訑自驕盈風波一失勢宛轉無  
聊生孔聖歎欬器趙氏憂三城大禹不滿假千秋  
足令名

又

愛畏相因緣寵辱互爲根張弓見天道昧者空扳  
援瞻懷念遠祖於忽託琴言德公有時哉不可爲  
見幾於鷄豚一舉黃鵠翼飄然歸鹿門粗此嘵嘵

食安用存吾存

又

飄風吹衣裳浩子吾將行六合誠拘墟願以窮不  
名中途逢若士一遇如平生引手接我上騰舉凌  
玉清手弄若木枝耳聽鵲鷁鳴下視見人世傾奪  
方縱橫吾今去爾遠好惡莫相爭

又

翟公朝在官門客密于蓬翟公朝謝官羅雀門前  
空客來爲廷尉本不爲翟公貴賤勢已移交情安  
可同張劬及范式恒譚遇楊雄結交緣道義誰能

工部稿卷五

古

變始終

又

富亦不可極樂亦不可過縱樂苦所歸富者怨常  
多膏油處鼎中熬煎常奈何昔時夸毗子意氣回  
江河黃金與紅粉充斥窮搜羅豈知韞上鷹化爲  
燭上蛾積燭還自焚糜爛歸山阿道逢負薪翁九  
十猶行歌

又

松柏多孤直桃李亦夭妍木直來先伐美色受人  
譖斤戕其根板援折其顛涕泣顧枝葉何時復

但迎禍患山我身伊誰執其愆何如不材木擁腫  
終天年

又

古貧斯可仕今仕不可貧長袖乃善舞士貧誰爲  
親卜式牧羊子多財發其身往來長安道裘馬何  
鮮新傾心奉時貴日用百千緡一言動南北響答  
常通神野鵲知天風長魚喜逆津鬱鬱倦游者乃  
是著書人

招渭清杜少飲寓中

人生如浮萍世路卽洪波漂漂無根蒂聚少散常

工部稿卷五

五

多聚時不盡懽離散當如何節氣感首春東風鼓  
陽和鳴禽交好音枯枝變青柯白日不待人美景  
易蹉跎聊呼心所親飲酒共高歌

思友詩

朋友非天屬連類託五常風人思將伯裨益良無  
方嗟余抱足疾逾月閉閨房典型曠弗接箴規誰  
爲將撫躬思已過中夜獨徬徨胡來喜晴和扶杖  
出前堂灑掃清几席拂拭潔兕觥君子惠然來好  
我示眉行

紀公選屢過問疾

東風寒轉甚雨雪密難開知予關情極銜泥數問  
來吞浮黃蠟酒紅放草堂梅拄杖朝能出論文待  
舉盃

送閭谷受請暫赴順德講席

千里邢襄道風光入早春前行懷一老有出爲斯  
人永泮溪流漫青歸草色勾生公留故里法師鉅

使者送閭公回再賦

有送山僧去人歸問郭西草應生處綠鳥憶舊來  
啼賢首傳先法津梁接衆迷松枝回向日一笑手

工部稿卷五

六

重攜

晦日唐人以為節  
晏賞賦詩

一歲青陽轉昔人愛此辰雲寒重作雪月盡不知  
春岸柳猶含甲林花那見新似憐行未健留賞待  
余身

舍弟重入都探疾

重騎羸馬到金臺二月東風寒轉催踏雪未辭行  
道苦關心直爲愛兄不髮膚在我應知罪步履因  
人亦下哀賴說高堂各康健燈前懷抱一時開

支藤

仲月風光好支藤意悄然游魚爭上水野馬散晴  
川疎懶妨人事蹉跎惜歲年不堪雙白鬢颯颯夕  
陽前

二月二日

高林上初日晴色剴然開大澤蛟龍起長空鴻雁  
來春光先着柳花信已驚梅踏賞堪乘興頻頻問  
醅醅

春望

草色遍芳洲鄉津一望收有時須把酒何地可埋  
憂當路誰青眼微官自白頭春光行過半歸計轉

工部稿卷五

七

悠悠

送友人遊湖南

春日難爲別他鄉去住情相看雙白鬢各是一浮  
萍薄宦慚無補名山美此行楚中詞賦地知子有  
逢迎

又

南楚千山外春光二月初有行非故國何日接來  
書客舍炊紅米江船買白魚啼猿聲最苦切莫近  
蓬廬

又

行色蠻方遠鶯花別恨牽離歌燕市酒獨客楚江  
船洲暖正香草村孤隱櫟州衡陽遇回雁書疏定  
須傳

一公招同袁杜少馮方寅及信公舍弟齋筵  
卽事

臥病經春未識春禪關再至覺鮮新山禽坐樹啼  
相續草甲沿階翠欲勻行履尚憐非故步笑言且  
喜對同人茗柯遙憶年前會回首風光又五旬

同李渭清袁杜少馮方寅程禹三沈方舟舍  
弟璽過法華道場紀事

工部稿卷五

六

二月春深煖漸回東風吹綠遍香臺探幽有約同  
人集聽法還攜小弟來馬蹴輕塵過遠市鳥懽晴  
日上高槐閒心正爾就清賞城闕忽聞畫角催

李丹壑編修過訪

車馬經由地柴扉晝不開獨憐梁苑客重過草堂  
來生理貧猶故年華老更催欲留無旨酒談笑踰  
時回

又

春至了無趣愁懷似草新長吟聊漫興屬和愧同  
人老懶終違俗交情喜獨親素心今有託來往詎

辭類

郭西

送客乘朝向郭西  
敗家村舍俯清溪  
隄邊楊柳交枝綠  
屋上晴鳩相對啼  
野肆壓糟香滴瀝  
遊人藉草落提攜  
明晨亦擬呼朋過  
未飲先揀醉似泥

接右魯兄家信并詩喜賦

深房寂寂意何如  
足疾憂增萬感餘  
雨雪不生春草夢  
封緘初得日南書  
人憐族姓諸方少  
地阻山川一面疎  
近喜阿咸報消息  
新詩吟咏坐相於

西郭卽事

工部稿卷五

十九

青青草色漫河隄  
烟籠長楊鳥亂啼  
斜日半銜孤塔上  
羣山遙拱禁城西  
白知白髮春難負  
莫惜芳尊客共攜  
好景當前須盡興  
微官何事苦栖栖

齊中梅花復開感而有賦

愛汝凌寒質扶疎  
一幹斜三年曾伴客  
正月自生花室小  
香能滿燈明態轉賒  
賞心時問酒盃底  
泛晴霞

又

好花如節序紅蕊入朝看  
歲往成吾老春遲念汝寒  
素心終不變陋室共相安  
興起爲君咏低回日

欲殘

又

梅花亦自守  
偃蹇託孤根  
但喜先春發  
寧須萬朶繁  
相看常過日  
欲贈忽忘言  
更倚山松古  
堅貞許共論

二月十六日大雪

節序春過半  
凝寒雨雪驕  
漫空飛不盡  
若地凍難消  
草甲何由坼  
花期轉自遙  
愁心雲共結  
把酒亦無聊

雪中訪一覺上人杜少先在

工部稿卷五

三十

陰雪渾難耐  
禪房問遠公  
忽看良友在  
應識寸心同  
綠重庭前栢  
寒兼日暮風  
到來清淨地  
談笑意無窮

送翁尹若旋里

送客逢春春正芳  
紅亭載酒意何央  
離歌欲放生華髮  
行色難招滿夕陽  
有恨山花仍爛熳  
直嫌舞蝶太輕狂  
孤帆一別知音遠  
風雨誰同話草堂

上巳日同袁杜少李升壑飲馮方寅宅中

東風吹柳枝  
斜老去馮唐興轉賒  
已喜招邀逢令節  
更憐卜築似山家  
當筵醉客調醒客  
繞屋紅

花映白花何必蘭亭稱盛會題詩重許記年華

又

閒塔草色翠初勻序轉重逢修祕辰不分流光欺  
白髮且揀痛飲對同人眼前好景饒堪賞世上浮  
名總未真見說清明期已近追隨更擬賞餘春

送丁勛菴赴汴中

離亭酒正熟岐路落花飛他日相思極同心此會  
稀風期憐好士晴色變春衣鄴下通梁苑憑君弔

夕暉

又

工部稿卷五

三

尚覺春光好偏憐獨客行斜陽芳草碧野水淥波  
生良晤何時再殊方此別輕刪訂千載事應見一  
書成

為陳宿峯工部題畫

羣山莫莫離哉青萬木陰森中有亭流水欲動雲  
冥冥野鶴飛來窺沙汀我本麋鹿落塵網披對悠  
然結真想何時買山如此圖藜杖芒鞋甘長往

寒食

長枴莫曉烟平抱病強從郭外行佳節可堪愁  
裏過鄉心休向酒前生花為逢閨留春色鳥解邀

靡續好聲疎懶比來人事廢風光難負此時情

清明張樸園王素臣及舍弟璽城南卽事

曉日鶯啼不惜聲垂楊烟暗杏花明且看景色餘  
春在休信流年白髮生狂興難消歌自放故人相  
見酒重傾夕陽欲下山雲起風雨焉知天地情

過張鳳舉

不到高齋久名花倚檻開好懷今日盡遠別隔年  
回自喜嘗珍果何須問酒盃晴牕展書畫幽賞共  
徘徊

暮春歌送沈方舟赴汴城

工部稿卷五

三

千林綠暗春將歸野蠶作繭天絲飛旗亭欲暮微  
風起無數楊花撲人衣沈郎行色何瀟灑青絲鞋  
鞵緒白馬倚馬題詩別故人翩然遠赴梁城下梁  
城城北臨黃河白浪側捲雷霆過宋宮花石那可  
見日暮坡頭烏尾訛我昔曾爲大梁客十日郵亭  
心不憚陞戟未見有逢迎鼎肉徒勞繼朝夕信陵  
公子安在哉沈郎無事當歸來帝京四月芍藥  
開千紅萬紫圍臺行汝載酒城南路暫時分手  
莫心

聖安寺餞別宋維德郡丞



北地春將晚東林花木飛開筵依梵宇佐郡得京  
圻意氣通醇酒光風動袷衣化行知有漸封壤幸  
相依

又

雨過青苔靜庭幽白晝閒春光來鳳闕行色向狼  
山風動花驚鳥雲移月對關題輿從此去何日得  
重扳

又

股肱開上郡人物出高門已奉中丞訓新承聖  
主恩佛香沾綺席松色映清尊司馬行春日荏苒  
那更存

送黃東山守思南

千樹紅飛撲錦鞍斜陽金鼓發長安前行寧畏程  
途遠將老偏增離別難鷄骨有靈那可信蠻山無  
樹不中看窮荒事簡堪尊酒緩酌微吟日欲闌

招李渭清袁杜少宋稚公張鳳舉同飲

長騎羸馬向風塵眼底年光入暮春  
興減老來倍覺故人親飛花散蕊飄前席獨樹分  
青過上鄰市酒菜羹君不厭相憐愛敬出情真

同宋稚公李仙李飲渭清宅中

白日春將暮閒庭草自生幸逢新酒熟且對落花  
傾世事誰堪問天心古不平始知前背意痛飲欲  
逃名

又

好友難常聚殘春尚有情遊絲牽細影嬌鳥弄餘  
聲把酒狂歌發談詩晚興生升沈原分定何事苦  
營營

訪谷寧老人

舊識香林徑重來耳目新鶯情不避客花晚欲留  
春室靜生幽氣泉香浣俗塵何當共禪伯談笑日  
相親

贈靜牧上人

風流牧開士善書不求名石畔花能活松間鳥欲  
鳴冥心通有象了法得無生偶與論經義玄言四  
座傾

韓鶴汀於安陸署中築雙松書屋賦詩索和

依韻奉寄

客憶燕山別書從楚國傳編茅初作室高咏自成  
篇地近殊風雨情深感歲年相思人不見題罷一  
斐然

題秋江獨釣圖

浮雲貴焉足美平地風波何處無一葉輕舟從此逝輸他安穩定江洲

喜陳星占登第後過訪

廿載同門友相逢喜不禁那言登第晚且遂讀書心草具留中飯長談下夕陰孔璋詩句好肯贈故人吟

殘春辭

莫恨殘春景殘春自有情野蠶成細繭乳雀啼新聲日下楊花亂風前麥浪生牧童驅犢出高唱喜

朝晴

又

莫恨殘春景殘春趣不稀青看梅子大黃有菜花肥赤日開團扇輕羅換袂衣林間與水際流賞興無違

又

莫恨殘春景殘春樂事多簷藤垂紫穗野沼散青荷蜂子分王出山苗起浪過更憐微雨後庶草滿坡

張鳳舉招同袁杜少韓維藩花間作

身備尚有看花興況復看花共酒盃繞檻光風和翠幙半廉雨氣雜香來流年已見芳春盡好友難逢笑口開屢舞一前渾自放天昏泥滑不知回

送春

九十春光盡東風落照斜餘情寄垂柳別緒逐飛花物色隨時令衰容感歲華啼鶯聲已歇羣噪怪林鴉

羣碧山房詩三集卷六

工部稿

任丘龐

璣雪

四月一日兒園桃猶花賦之

首夏驚桃夢繁紅映水隈誰云芳草歇猶有好花  
開結子甘從晚東風肯受催相憐感時節樹底重  
徘徊

谷上人招庵中看花

雨後金沙軟披尋喜盡長雜花通曲徑亂石起高  
牆泉美汲靈井吳天寺井泉為京城第一林幽發妙香何常有  
招約良友快相將

又

工部稿卷六

谷公說法地瀟灑倚層城掃逕雙林靜焚香盡空  
清雲啣孤塔動日帶遠山明野性耽幽賞狂吟坐  
石坪

又

不信春歸去餘光寄梵宮烏啼溪樹裏人坐百花  
中露茗供狂客香齋飲小童題詩擬相贈麗藻愧  
休公

星占再過

眼底風光又過春重來握手覺情親厨中隨意供

疏飯座上忘形到主賓言笑尚思當日會鬚眉真  
改次寺人喜君有志終能就苦川文章致此身

陳子三過

又從門外駐高軒相對一盃日欲昏官序卽今差  
拙宦故人偏喜聽狂言十年懷抱朝全放四月鶯  
花晚更繁恰值省中公務少奇文不惜共君論

和程禹三長安春暮

東風九十又將闌節候偏憐北地寒杏蕊飄香桃  
夢放煙光不信是春殘

花隱亭上餞別李渭清

工部稿卷六

風雨追陪地幽偏愛此亭鄉山成獨往樹色爲誰  
青情迫言難盡煙深畫易冥欲忘分別苦只有醉  
無醒

又

有會仍亭畔空階轉綠陰相思他日淚惜別十年  
心地隔山川遠人兼老病侵中林失羣鳥向晚亦  
哀吟

招陸義山徐勝力李公凱袁杜少園俱卽

仙米米山勾漏

炎天何事消長晝只有圍棋山閣中仙米遙從勾

漏得午餐堪與故人同開懷那可無尊酒解帶偏  
宜對色風未息工徒休擬去市塵如雨正濛濛

爲樂存事工部賦

畫省郎官髣已絲獨將慷慨樹風期累貽一已方  
知誤善在於今那可爲脫臂蒼鷹終自遠伏轅老  
驥苦相羈念存市道非吾黨輕薄何心轉見嗤

送陳宿峰太守赴任

三年聚首冬官署忽把一麾出帝圻作郡自憐  
東海近臨岐重惜故人違黃梅過雨看將熟乳鵲  
穿林乍學飛遙憶嵎湖行郡日綠荷香沁使君衣

工部稿卷六

三

張樸園過寓小飲

思君君忽至真足感同心移席當幽徑啣盃下夕  
陰世情朝益變吾道慨方深顧彼滔滔者惟應託  
醉吟

贈大司空李醒齋先生

嘉節蘭湯會恢台氣象分家聲原北海生日並田  
文正色倡僚屬傾心奉聖君雕蟲慚末技獎藉  
每慙慙

六

盛代多賢佐如公得未曾氣充渾敢任功大更無

矜放誕容司馬清操念許丞迂疎何以報只有誦  
岡陵

午日城南書懷

仲夏時物盛滔滔暢生理綠樹結重陰鳴蜩從此  
始端陽風日佳言涉長川汎羣情向蒲艾誰爲顧  
蘭芷狂歌激長風悲心邈千里懷情苟信芳不知  
良亦已努力保幽貞持茲謝之子

又

有出非前期遵彼河之濱梅子亞枝黃蘆芽映水  
新艾臭非香艸時來見采紉獨立感物變含意莫

工部稿卷六

四

由申行歌答四野來往多遊人遊人良復多要非  
心所親

又

中澤何所有芳草正敷愉采之欲遺誰所思天一  
隅我無奮飛翼何由致長途馨香情所止日暮增  
踟躕傷人未知心顧謂士也愚

午日合藥

南正會天中電景叶元吉古來養生家蓄藥用此  
日藥公情所畏黽勉學餌木挹彼溪澗泉浸此內  
谷質糗比青楓同色共雲母匹一七開玄關神明

守中如惕然自骸間疾灑然失大矣神聖功其  
以難單述

贈賈青南同官

好立忘年憐賈至遷除 命下喜相將鄉田共屬  
河間國官署同叅水部郎直日臨窗看奏草有時  
聯步上明光省中吏靜松陰轉退食優游喜晝長  
未與豐臺之行沈方舟醉歸見訪且誦新詩

為和原韻

豐臺芍藥甲京師千畝天韶競此時載酒忽逢連  
日病看花空負一年期斜陽隱几憐高臥殘醉過  
門感故知見說良遊能盡興風流妒煞沈郎詩

久不悟勞通政

大雅今誰作相思意頗餘絕知居處近翻得往來  
疎束帶疲趨走分曹困簿書無由接高論惆悵欲  
焉如

蘇舍人一庵司吏部鼎臣同日分招戲占

往往思相聚開筵幸有期不謀憐故友相約恰同  
時未煖東隣席旋傾北舍卮書生傳謔語命在直  
堪

聞徐勝乃同諸公直日承 恩喜賦

曉日明 金殿薰風滿樂欄詞臣分直入 聖主

霽容直作賦推公餘通經得并丹一時慶平聲道不

千古嘆才難有喜聞 天語連行拜 睿翰傳觴

來捫馬供食走中官德並高天迥恩兼 少海寬

時 皇太子 賜酒果右文忻盛世身受擬同觀

擬賦得膏雨潤公田應 制

夏正春將半輕雲結清陰人間同望歲天意早為  
霖霧氣屯龍隤雷聲繞鳳林青禾泥不亂黃壤入  
尤濞農父披蓑出村童荷耒吟私田沾並及大稔  
待秋臨

擬西園翰墨林應 制

盛世崇文教 離宮西極開圖書原册府棟宇自  
蓬萊玉軸琅玕並湘函錦繡堆說書稱一德獻賦  
進群材謁者親傳膳詞臣對舉盃登瀛傳勝事千  
古此同推

過李公凱寓有詩見贈依韻奉酬

有出堪誰訪憐君此獨過官閒詩律細樹密晚涼  
多小食移珍果長談對茗柯隨心碁數局日口奈  
余

又



收枰餘興在有去復如何留客阿戎好本以事他山命子相  
狂談龐老多虛庭斜景退高樹晚禽過別舍  
尋返含情寄三歌

恭擬金蓮花詩應制

如蓮微具體枝葉翠相將舊產金仙界新移御  
苑傷黃能存正色香自表孤芳一遇君王賞名  
稱遠共揚

恭擬讀上觀渾天儀器詩應制限九佳

尚象璇璣設周循度數偕四時行自順七政運無  
乖已命司天職猶殷聖主懷在衡調玉燭長此

戴堯階

工部稿卷六

擬賦得衣露淨琴張應制限微字

日入收琴動閉庭夜色歸披衣耽露坐望古託金  
徽好鳥栖常定高雲靜不飛聲音通治化此理自  
微微

恭瞻上賜李太司空御書有紀

一代明良會千秋翰墨光承恩來內殿披卷帶  
天香雷電交馳逐蛟龍互喻張汾兼前代聖藝絕  
後才王葵鼎彌尊重星雲共喬皇三嘆驚未石  
殊錫待非常功敘司空懋聲華北海長奎光動東

壁鴉火映文昌價豈連城擬珍宜什襲藏小臣欣  
共觀薄愧揄揚

擬賦得步禁朱櫻出上欄應制

上苑含桃密作叢年年結實御欄東枝頭間綴千  
並盤裏紅堆一色同近侍薦新開寢殿羣臣承  
賜出皇宮輕盈欲拾憐嬌茜成熟獨先六果中

擬上時出南郊憫農應制

青帝臨芳甸蒼龍繞近圻宵衣勞聖主稼穡念  
民依碧樹分宮扇晴雲護袞衣一遊將一豫千  
載並光輝

工部稿卷六

午睡起有懷

長日昏昏眼倦開空堦倒影下高槐故人應厭京  
華苦別後經旬少夢來

歸義寺齋筵卽事

已訂東林約寧辭冒雨來綠添藤架重香逐槿籬  
開阮藉猖狂著休公麗藻推長談苦消渴茗飲足  
徘徊

恭擬夏日內殿應制

丹陛深嚴散紫煙詞臣珥筆共翩翩雲開北闕清  
堯日風引南薰叶舜絃侍直曉隨中使入題詩親

獻 御牀前湛恩此日懽無極既飽同聲歌萬年

贈劔頭陀

湖南老行脚白髮笑頭陀一見形容古還知道氣  
多晚烟交徑柏細雨浥庭莎從此山門內相尋幾  
度過

與純上人話舊

聚散本無定相逢又此時誰憐半日話已是三年  
期自我身仍瘦看君髮有絲清談雜疎雨前路得  
歸遲

又

工部稿卷六

九

風塵消白日老至將如何向法心常在浮生事轉

多故人乘化去

聞蜀公歸寂

山鬼望昏過

時有

莫怪麗

居士牢曹起放歌

恭擬 上讀貞觀政要有作應 制

我 皇惜寸陰上理日乾乾心企古帝法不遺後

王編文皇啓唐祚實亦一朝賢政載史官筆書紀

貞觀年 睿覽見節取興言成佳篇虛懷不自聖

大化日逾宣典謨有同歸餘者焉足傳

杜少招同蘇濟夫張鳳舉飲寓中

炎風赤日起塵埃好友相招命駕來入戶絺衣旋

白解當盃漾酒莫須催百年已見顛毛白一月幾  
逢笑口開別有盃簪聯盛會飛揚合讓出群才

讀李渭清士癸詩刻有感

漁村歸後詩壇冷舊刻空看壬癸編遠別已傷千  
里外故情重感十年前僑居比舍頻相過盃酒良  
朝每共傳事往境移追不得爲君汨盡夕陽邊

閏午日歸義寺納涼

五月再過逢五日蘭湯重浴暗香浮繁華莫覓龍  
舟戲蕭寂偏宜鹿苑遊大草離奇得懷素新詩麗  
藻見湯休法門自是清涼地坐久蒲葵扇欲投

工部稿卷六

十

徐元賓過訪留詩答依來韻

伏雨闌風密不開衝泥早出暮方回貪尋蕭寺山  
僧話空枉南州高士來樗散何心偏見訪琳琅有  
句謬相推偶然官牒同工部敢望當年杜老才

寄宗定九

愛松舊託慈仁寺步履曾經問寓居千里人歸楊  
子渡十年音阻薊門書不才自愧風塵老高臥應  
憐著作餘相遇遠公說宗炳江天悵望暮雲疎

爲張斐詠題畫梅

冰雪爲心自一枝相看隱隱動相思故人舊有江

南贈彷彿春光寄到時

西城別墅十二咏

爲王少司農阮亭賦

石帆亭

危石如揚帆孤亭一舟穩舟亦竟不移帆亦竟不  
卷多少望崖人斜陽空自返

樵唱軒

層軒依山頂山幽盛條枚時聞采薪人勞歌遞相  
催樵風無順逆向夕四邊來

半偈閣

靜士好獨居今昔同隱几萬象分則殊觀心無別

肯半偈良已多堪笑具胝子

大椿閣

高閣因嘉樹其幹摩蒼天馨香供採擷可以介長  
年眷言念門子爲補白華篇

小華子岡

拔地成高丘嵐烟變昏曉好鳥不安栖幽人好遐  
眺登臨足散懷無爲分大小

小善卷

造步不必濫栖真不在大緬此方丈室冥心託  
坐天地猶吟哇無名語則那

春草池

小草知節序青青池上歸但覺顏色好誰云  
微能將一寸心歲歲報春暉

三峰

靈氣忽結聚鬱確如涌起亭亭各自矜落落不相  
似卽此是神山河曾隔弱水

嘯臺

登臺弄明月逸興遙然生仰面激一嘯十里聞音  
聲音聳人未識皆言鸞鳳鳴

石丈

孤石何嶙峋屹然見一老雨雪情所安顏色常自  
好不信崆峒山廣成獨得道

竹徑

閒逕種幽篁植樂欲盈畝嫋嫋續風音青青圍戶  
牖愛爾抱高節歲寒當共守

綠蘿書屋

結廬依薜蘿枝葉交相屬映月散虛白攤書借微  
綠時聞軒中人長吟聲相續

和杜少約遊崇效寺韻

伏雨下無時香林動客思檐藤添翠色徑竹發橫

枝欲去應攜酒相招况有詩此中堪避暑談笑定歸遲

張通政六筵間作

伏日炎風滿黃門逸興長邀賓開菌閣却暑薦冰漿天際奇峰出林邊翠蔭涼高軒洞前後披豁接幽光

又

十度長安夏同依鴛鴦行中間更聚散將老愧行藏我自甘疎放公偏怨醒狂興酣重起舞草樹共低昂

又

避暑傳河朔朝來亦舉觴流連同笑語脫略解衣裳樹倚孤桐碧花傳百合香輕颺度簾隙既醉喜微涼

久雨簡同年諸子

幽獨情難展陰雲密不開漫空翻白雨劃地颺長雷上漏移牀避盤渦繞砌回盈尊有家釀誰與其卿盃

又

匝地陰雲合連山雨脚排聲厯如倒井漲急欲吞

階鶻鶴音相和蛟龍氣轉乖閒愁難自遣兼起故人懷

又

一雨經旬久門庭阻過尋寂寥轉危坐蕭颯發離心書潤青縑帙絃弛綠綺琴闌風終不反何以散重陰

過馮方寅居

旬餘未過馮飭宅雨後重尋花隱亭入耳蟲聲如在野盈階樹色不分青人逢好友懷先放座引涼風酒自醒此景長安非易得來朝還擬叩柴扃

雨中直歸口占

偃牀知有戒陰雨更無違課役工徒少看題案牘稀郎官會食罷城闕踏泥歸潑水侵輿入沾濡上葛衣

又

朝來詎解遠陰雨密難開已作衝泥出還成破浪回浮街三尺水赴壑百重雷持此問麗老勞勞奚事哉

送丘洗馬季貞假歸淮上

十年兄弟共京都白髮相看皆老夫每惜風塵稀

見面可堪盃酒卽長途 恩深北闕情難忍人到  
鄉山病自蘇爲說身強宜返駕如君未合戀尊

苦雨

伏雨朝逾急閒庭漚作渠排檐看瀑布架板度懸  
除滋翠偏宜竹蒸微畏損書出門盡泥滓愁坐欲  
焉如

又

淒淒疎復密霎霎暮將朝未慮居爲沼卽妨稼損  
苗魚飛上高堰鳥伏集溪條千室艱難甚愁咨詎  
易消

工部稿卷六

五

又

近接家山信淫霖此日同競傳娶龍女平地作蛟  
宮碧蘚侵堦畔青禾沒水中秋收知又薄焉濟客  
途窮

又

暑雨長無歇民艱將奈何屋廬愁欲圯市價苦增  
多莫解蛟龍鬪空聞蛙黷歌水曹不知水庭砌隱  
成河

雨後過香林亭

久阻香林遊重尋香林路雨後靜翳塵瀟灑明余

步雜樹無行次好鳥遙相顧山桃子紫紫丁香葉  
如聚繁花憶春前濃陰憐夏暮小坐披衣襟晚風  
冷然度炎燄既不侵雲水澹成趣逝者感如斯當  
前獲吾素向夕鐘聲來嗒焉發深悟

孔雀行

君不見碧海仙人乘赤鯉化爲孔雀如好士山鷄  
澤雉不敢親何來老鴟突相抵子五母六拉颺飛  
醜類請張非分理豈無鳳皇爲汝君梧桐千尺高  
不聞豈無鸚鵡爲汝友空張老拳禁其口有鳥有  
鳥亦汝奴天昏地黑尾畢逋么麼焉知情所向往

工部稿卷六

五

來啞啞聞高呼平地忽起波濤渾人情物理那堪  
論魯國盜跖欺孔父淮陰惡少陵王孫聖賢往往  
遭橫逆山精木魅騎黃昏天門欲開談蕩蕩東方  
漸高紅日上孔雀且忍須臾時看爾鸚鵡盲何伎倆

過王叟舍

相逢握手各忻然愛爾城西居上賢貧去尙留方  
丈室老來獨向一乘禪服勞孫子看家法隨分蔬  
齋供客筵壺醴清談成久坐炎光不覺夕陽偏

大京兆劉怡齋讌諸同鄉余以他事晚赴

避暑張高晏邀惟東閣中鄉情聯大府舊好託群



公偏覺趨承晚徒煩後味豐濫漿浮椀碧禮有滌  
沈李映盤紅盃尊無行次詆諧任異同齒先一左  
首心愧五旬竟向夕過山鳥迎秋叫草蟲歸雲微  
帶雨雜樹細生風月上人皆醉途乾騎漸通相將  
展懷抱高咏興何窮

陸義山特簡學士喜賦

廿載鸞坡借一枝閉門高咏亦余師聊將義命安  
吾素直以文章結主知奏議乍看新內相科名原  
是舊宏詞那無善巧爭先路寧靜承恩轉自奇

叢碧山房詩三集卷七

工部稿

任丘龐堽雪崖著

立秋日送鄭修來侍御假歸

梧桐葉下早秋生雨滑風清此送行朝值太平  
無闕事人因久別動歸情往來兩地牽家國聚散  
臨岐感弟兄知汝病痊全勿藥北堂有喜卽身輕  
鄭以省母託已病請假故云

勞書升通政藝蘭數本隔年花開特盛繪圖

賦詩敬次原韻

素心結契託芳蘭藝植寧辭灌溉難花比去年重  
較好根依客土久能安懷香自逐光風轉綴佩休  
同庶草看更喜僧繇寫生手山房吟倚足槃桓

立秋第二夜懷王澹人通政

暑氣非全歇秋風漸覺清貪看良夜色忽起故人  
情殘月轉危坐芳尊只獨傾王克饒博辯著論會  
應成

雨後過石林寓

有期寧不顧雨過水涓涓就下衢如港乘來馬似  
船添燈驚白髮把酒惜流年爲語草玄客書成莫  
浪傳

又

秋至門仍掩蟲聲雨後多亦憐人事靜其奈獨愁  
何消日憑書卷題詩憶薜蘿吾廬饒自近談笑約  
相過

秋夜讀道德經

一雨携秋至蟲聲向曉歸暑消青瑣闌氣爽白蕉  
衣燒燭差堪近攤書願不違同塵思老氏此道未  
云非

贈王少司農阮亭兼謝枉顧失祇候十二韻

夫子邦之傑瑋璋挺上台精心紆國計學古發卿

二部稿卷七

才詩律人皆問勞謙世共推忘形通有技汎愛及

凡村戶外投書入朝端奉教回方將借玄宴詎敢  
託王駘曉日直廬去高軒長者來應門虛祇對倒  
屣失趨陪題鳳饒知免鑿坏那更猜三朝霖雨歇  
六月晚花開塵覆茅齋榻陰移露井槐歸遲思雅  
度繞砌獨徘徊

同賈青南過馮方寅寓

大火倏已流西風泛微涼駕言踐夙約訪友宣南  
坊入門見草樹索索變青黃秋卉自娟潔紅紫競  
餘芳物候各有宜愚者昧其常自我挂通籍十度

移星霜官次雖少遷前路猶茫茫歲月不假人蹉  
跎良可傷聊應與知己長歌倒壺觴

答徐元賓

趨走逢朝暇清談佐一卮開筵無俊味投贈枉新  
詩暑氣回單綵秋光到竹籬相期肯重過幽賞最  
相宜

寄張肅昭侍御

秋風易搖落長年多悲情已復感時節兼之懷友  
生郎署局顏駟澤畔困屈平理弱嫌白拙導言詎  
能貞

又

陰陰日暮雲漫漫南北道遠不可思思多令人  
老時休賤蛾眉朱顏爲誰好努力崇高節知希以  
爲寶

又

秋聲四邊來旅序驚遲暮情感不但一憂思寧有  
數蘭蕙委幽谷榮蕪延當路誰能改前修周容以  
爲度

又

十載長安道與子同心期枉用前時好祇益今時

悲明明中天月不照桐樹枝桐枝念鳳鳥何當復來儀

又

今往悲運促愁來怨日長夙昔同心人參辰兩相望把酒不能醉狂歌不成章思君若河漢惜哉無津梁

送馬衆瞻歸江南

一雨涼增秋氣清聞君歸思滿江城市帆此際憐孤往醇酒何時好共傾前路空看芳草歇離憂偏迷曉蟬生蒹葭白露無南北回首伊人兩地情

工部稿卷七

四

自題讀書秋樹根小像

庭畔傳經日清秋落葉初有聞時倚樹退學更看書供養貪天祿承歡阻舊廬風光常在眼歸計問何如

又

書舍依堂背西風老樹邊何時歸負米盡日坐開編圖書渾如昨鄉心只自懸趨庭兼問寢踈曠又經年

題孔東塘寓見秋花滿庭賦贈

半畝城南宅幽偏好物華斜陽百蟲語秋色一庭

花窺兒依中隱儒風出世家坐來分靜氣談笑意偏除

又

種花延晚景小院滿秋光向日分多色臨風並一香賞心看不厭高咏興偏長趨走逢餘暇重期間草堂

送宋稚公下第歸養

西風颯颯高雲涼千林葉落啼寒蜚秋氣中人懷故鄉我欲贈子無衣裳平田禾熟煙漠漠前飛鶴鴈後燕雀布帆獨掛歸去來白髮承歡依山閣飯

工部稿卷七

五

菽飲水胡不樂

秋樹歎

庭樹方三月葳蕤多容光美人坐相悅行者矜勞徕一夕涼風發青女散嚴霜柔枝改勁條翠色變萎黃忽如中年人朱顏就老蒼節候日夜移凋枯良可傷焉能長春時爲君增慨慷

哭喬石林于京邸

寓居余最近來往數相將踏屐衝秋雨添燈話草堂死生今日隔懷抱幾時忘落葉看人世飄飄信可傷

又

長林聊自適又復到京圻骨月生前別田園歿後歸君知憂患盡我痛故人稀南向白田路愁雲慘不飛

又

有賦升鸞掖無家就夜臺牢愁才不展厲疾命堪哀注易通消息所著有喬氏易觀生識往來忘情余未得汎下濕蒼苔

登崇效寺閣和袁杜少

登樓忽發興杖屨到禪棲獨客感何事秋聲來自

紅柳橋

六

西晴雲雙闕迴斜景萬峰低賦手憐玉粲揮毫取

次題

閣上懷友次杜少韻

獨上高樓返照斜秋光回首悵年華聯吟不見當時客繞逕空憎滿眼花欲脫樊籠寧有術苦遭風雨怨無家爭知縲紲猶安處何限悲情入暮笳

柴芝歌

室中何有書滿床靈氣蔓蔓生柴芳仙草無根得者昌主人絃歌樂未央

又

室有柴菌命以芝形如華蓋斑離離不于山谷于書惟天降靈瑞誰能知

送覺上人越謁本師

越水三千里清秋八月時辭家初作客得法更從師巖壑山陰好煙霜塞鴈遲知君經過處取次有新詩

又

前歲平陽老傳衣到薊門殷勤垂記薊跋涉蒼深恩秋色楓香樹人煙紫蓼村法堂相見日親切更堪論

正都稿卷七

七

中秋賦獻左司空李貞孟先生十六韻

環宇中州會名山太室標兩儀鍾正氣五百應昌朝大雅梁園作風期仙李超波濤終利涉羽翮曠扶搖丕績宣冬省真清率屬僚有容渾自大居上乃無驕衆凝屏櫟散心偏惜篆雕將恩施不報于故念尤饒禽假湯餘羽桐收爨下燒絨情矢嘉德生甫記良朝白帝分秋令銀蟾吐碧霄影隨松幹直香接桂花飄錯采連瑤席諧聲比玉簫盍簪佳客並豐膳大烹調醇酒看公瑾長年得子喬如恒規有象著頌託風謠

寄毛大可檢討

沈子南旋日相詢有寄書沈方舟歸有寄山居知己定卜  
髮近何如家食收菰米湖鮮割鯉魚優游謝人事  
來信莫應疎

月夜有懷再寄大可

序轉秋過半閒階坐苦吟可堪今夕月重感故人  
心露浥蒹葭色風傳蟋蟀音空持一盃酒室遠爲  
誰斟

中秋招閻公度蘇茂弘寓中看月

高林欲暮散輕煙待客臨階啓夜筵白露驚心秋  
已半清光照眼月初圓狂歌那復分賓主痛飲何  
須問聖賢相對陶然歡自足誰家急管雜繁絃

工部稿卷七

又

官貧性癖耽清興斗酒良宵尚可謀況有同心來  
二妙肯將好月負中秋朝廷仕宦誰偏巧人世生  
涯本自浮賓客庾樓那更在當年觴咏亦風流

袁杜少招同陸義山過雪公丈室余抵晚方

赴遇陸于途袁亦散去仍詣雪公坐談良久

披衣日日狂趨走有友相招向法臺薄暮方携鉢  
興往中途恰值故人回高車已去誰能挽竹戶纔

關喚却開獨與山僧消茗飲空階月上重徘徊

題樸園圖卷

園在磁州城外而山環水景尤  
天然大司成張公先墅也近復  
增修繪圖徵  
題爲賦四首

質性耽幽賞披圖得此園沿河安曲檻傍嶺起層  
軒卽事人工少娛心景物繁依稀喬木裏似有早  
蟬喧

又

誰寫辟疆勝晴軒展對初川原分黍稻衣服別樵  
漁徑想尙書履園公祖前大  
司馬翔建室藏太史書公文前  
翰林庶  
吉擬求鄰隙地相傍結精廬

工部稿卷七

又

往往開名墅人殊境已遷幾聞增綠野當去世廢  
聲平泉堂構君家接風流海內傳滄桑終一姓不獨  
美山川

又

張侯好別業撫景索題詩花雜不分種竹繁欲作  
籬丹青饒善手麟趾領佳兒公子丙厚  
甲戌進士莫羨藍田  
勝千秋更足推

勵令式過寓誦近作有贈

過門承遠訊兼肯誦新篇感慨由鄉土韓文燕趙  
多感慨悲



歌之風騷出少年壯行猶有待向學自堪傳寥落  
高劉後高適劉長卿粉榆見汝賢

秋晚書懷

無才趨走欲如何門掩清秋鳥雀過滿院西風摧  
落木一天涼雨倒殘荷郎曹何地客依隱子舍關  
情託放歌聞說鄒山禾稼熟遂初欲賦恐蹉跎

蘇茂弘招同袁杜少陪田綸霞侍郎寓中雅  
集並呈侍郎

舍人孟學早相期司寇軒車亦不遲興到原非真  
愛酒情深偏肯細論詩菊知近節垂垂放席爲留

工部稿卷七

十

歡故故移十載長安茲會少開懷休問夜何其

見市有賣菊者偶成口號

今年節氣異前年八月忽如九月天廟市叢叢爭  
賣菊無錢卽買插籬邊

晚歸表弟邊綬卿爲買菊置齋中驚喜有賦  
退食纔歸暮景深黃花照眼見蕭森草堂忽漫生  
秋色濁酒難禁起夜吟表弟他鄉情更切流年白  
髮老相侵囊中何處關錢在強買高枝慰客心

重陽前三日招浦副工費葛陂徐元賓于公  
詒程禹三曹渭符何公權虞武通暨綬卿表

弟崇效寺登高

凄凄風景逼重陽預擬登高向法堂忽有園丁奉  
送菊轉憐佳客坐飛觴香烟縹緲浮金界霧樹蒼  
茫接大荒眼底相看吾老矣流連一倍惜年光

重陽前二日孫樹峰招飲

高會昨朝趣已賒興來今日又君家能文自合推  
孫盛落帽先防似孟嘉晉書孟嘉落帽桓溫命  
孫盛爲文嘲之故云天  
近重陽常帶雨菊經閏月早開花招尋迭用成賓  
主不遺白頭負歲華

重陽前一日招張子大袁杜少過馮方寅寓

工部稿卷七

十一

賞菊

聞君籬菊好乘興晚猶來酒許携朋載花寧自我  
裁暗香分四座寒影動深杯忍待佳辰過先期取  
醉回

又

籬畔幽多趣清談興轉賒暫來分主席相賞乃吾  
花醉後歌應放歸遲月已斜明朝無去處重擬到  
君家

九日同官約遊黑龍潭不果集飲江魚依宅  
中

自公期早出與馬問前溪今節他鄉會同心四署  
齊衝風愁遠道醪飲借幽棲亦有黃花賸還拚  
似泥

又

不向城南去還登小謝堂一官雙白髯百歲幾重  
陽簡禮饒驚俗高歌轉放狂陶然餘興盡何必問  
前岡

九日有懷用令式韻

登高傳令節遣興強追尋豈少同人會難消久客  
心花慚黃菊放眼睽白雲深獻壽常年酒初觴是

我斟

送程雲峽赴貴州經歷司

三秋時已暮萬里送君行蠻種各爲俗童山亦有  
名高才常共許長吏謾相輕倘過龍標地應深憑

吊情

又

往往思相晤悠悠遂至今黃花猶在眼遠別若爲  
心異俗增間見同曹足醉吟南荒苦炎熱最好是  
秋深

又

文物當今盛箚煙貴竹新遐荒亦王土小吏用  
詞人簿領朝多暇詩書分自親朝正逢使者寄  
望來春

方寅饋蒸鳧賦謝

署冷官閒廚自貧何來蒸鴨惠余身中餐一飽堪  
生受不比猪肝出邑人

秋日感興用雪公韻

久客悲涼秋落木懸風雨葉落有時窮客愁誰能  
數引領望故鄉三星帶茅戶願逐南飛鴻惜哉無  
毛羽

又

寒暑有定序焉能長不秋飛蓬問草蟲嚶嚶欲何  
求修短天所爲愚者徒煩憂及時用爲樂美酒炙  
肥牛

又

北里剝梁肉南里艱藿藜人世無百年貧富各暫  
時志士畏日月爲善如無期良苗秋不實將爲稊  
稊嗤

又

衆人藝春畦楚客營秋圃春芳以春殘秋芳耐霜

露此時坐東籬色香淡成趣落英奉君子初心良不誤

又

倦鳥望故林涸魚阻舊水所處非我鄉咫尺卽萬里萬里猶可歸無家爲誰倚感此不成眠中夜三四起

程禹三徐元賓過寓

寓舍荒仍僻霜風路擁沙何來高士駕同過老夫家小食慚寒具窮秋愛晚花偏饒清興在歸騎逐昏鴉

工部稿卷七

十四

耿孝廉瀕入都見訊兼示潢洛兄弟

白日秋向盡霜風急于射耿子惠然來問我城南宅床下展再拜起居勞去聲父客從容應對閒詩書氣克溢念我平生人悲喜動精魄攻苦窮天年九舉不一獲幸子兄弟賢次第各通籍瀕兄漢弟濟相次領鄉薦遺澤施後昆足以慰窶窶吾老困簿書郎署傷偏迨間情賴盃酒黃花猶可摘將子無且歸相留永今夕

荅柯南陔二首

吾宗居士後奉佛笑支離老去仍貪祿忙中不廢

詩無生徒浪說有贈轉相推枉顧虛高駕翻隣退食遲

又

江左門風盛曾聞大阮賢名偕群從著詩許老夫傳南陔叔巨川玄晏吾焉敢桓譚竊勉旃文成須細論携草就君前

讀李公凱買菊詩

李公澹蕩人任真余所師俸錢買黃花秋色生東籬高吟望彭澤千載遙相思人代有遷變時物無改移今花由古花古時亦今時興來還相就與爾同心期左手持盃酒右手把菊枝我是隴叅軍試問君爲誰

工部稿卷七

十五

張碧山房詩三集卷八

工部稿

任丘龐 增雪崖著

頌三十四年曆

冬首頌王正擗歸意不禁未春先見曆來口信驚  
心歲數增將減時行古自今悠悠信生理不擬問  
升沉

以新頒曆寄家中感賦

辭家頻改曆五度寄新編余庚午入京今甲戌歲月傷心過  
庭幃望眼穿年光兼喜懼日用自熬煎菽水何時  
足晨昏侍膝前

工部稿卷八

送袁武若司訓大城杜少編修子

策仕依章武孤城五淀餘學田收晚稻午膳煮河  
魚士朴尊師表官閒讀父書三冬文史足騰踏好  
相於

又

我愛儒官好依棲近鳳城鄉風原不改師席自爲  
榮冬淺留黃菊厨貧祇菜羹天寒一尊酒聊見世  
交情

退朝

退朝人事靜斜日照寒林餘暇休輕擲新詩暢獨

吟金門中隱客白髮故鄉心幸喜兒曹長庭幃事  
可任

招孔東塘柯南陔集雪塢文室

勞人爭短景餘興趁香臺欲誦南陔句還邀魯國  
才生涯看白髮事業付淡杯幸遇同心客相將笑  
口開

又

負性從疎野邀賓借鹿園朝閒宜小飲地僻任狂  
言寒日松逾健嚴霜菊尚存賞心猶未極山雀噪  
黃昏

工部稿卷八

題陳聖功畫菊冊子

開到黃花秋欲闌圖成細蕊與人看春花不是無  
顏色未許山窓共歲寒

又

含霜帶露足風流寫出東籬景色幽未是有心於  
晚節他花原自不禁秋

東龍改菴

四序初冬候行年五十身將衰憐短日沽酒念同  
人應憫先朝下黃花向晚新更留棋局在幸勿厭  
街塵

早朝仙雪

啓事隨班入方朝大雪來寒增仙掌重花撲侍臣  
開豐歲占先兆雲生仰共培 皇心應有喜願進  
萬年杯

又

飛雪及時降彤雲密不開迴風飄玉砌闕色上宮  
梅競掃千夫急傳呼中使催白頭似司馬獻賦愧  
無才

左臂吟

早起入朝天雨雪冷風如箭射骨節左臂忽中苦

工部稿卷八

三

痛生歸卧牀頭神不悅忽起大笑聲胡盧龐公無  
乃爲形愚木客能行商羊舞獨脚有民成國都四  
支幸饒三支在上體下體寧差殊不見當年杜陵  
叟右臂偏枯用左手服勞尚右覺我良揮毫拈箸  
焉足醜人生百好那能齊造物非我何悽悽縱令  
變化成雞去吾將求爾中宵啼

送張子久司訓延津

祭酒張樸  
兩弟也

相送之官去衙舛傷棗城職無牽俗務道在長諸  
生雨雪懷前路山川引別情思兄因及友問訊致  
餘聲

寄高愚谷觀察

奎叢西望極蠻方多鎮東山近我鄉秋水江湖  
自阻佳人懷抱幾時忘空驚歲月生華髮不改迂  
疎作省郎爲說朝回重閉戶三更高詠亦荒唐

送程禹三暫如光州省親

趨省當歸去前程問汝川近鄰黃歇宅新買弋陽  
田我白憐家慶人尤美錦旋經過伯倫墓將酒奠  
前賢

又

冰雪冬初盛家鄉計里回雲移中岳近日出五關

工部稿卷八

四

開獨客憐吾老吟詩念汝才汝南人物地多識姓  
名來

又

朔風朝更急策馬向河津雨雪輕前路庭幃念老  
親有期需試宰暫假作歸人言笑聊分手重來訂  
早春

塞上吟

塞月荒荒鼓角悲黃沙白草正迷離尋常也說邊  
關苦不到邊關未盡知

又



塞門風急雁聲哀小戍邊關老未回直是鄉心志  
不盡求人莫更寄書來

又

上石角弓鐵兩褶邊烽未靖守河湟男兒須向沙  
場死不上山頭望故鄉

又

軍中宴罷偃軍旗橫笛歸來馬上吹忽見骷髏還  
下拜何人端不負男兒

李公凱學士抵晚過寓同馮鹿田陳聖功小

飲

工部稿卷八

五

衝泥早出趁朝回遲友空庭創景催高唱忽聞詞

客入連行恰值畫師來馮陳皆善畫各出冊頁同賞意關飛動

看雲水語帶談諧送酒杯最喜初冬寒尚淺一燈

相對菊花開

懷李廣寧使君

河間一作東西別歷下頻更五六年髣髴漸增老

將至風塵欲往會何緣雲中莫寄新書札壁上猶

存舊和篇却望兼葭怨秋水夢魂長繞崑湖邊

朝回不及赴恩上人約並示杜少鳳舉

泥淺填委巷大雪更靠靠趨走傷心盡追陪老力

稀山僧期不顧良友願俱違高卧幽窓下空聞野  
鳥飛

不寐

不寐頻移枕宵寒念久陰愁無酒可破老有病相  
尋月影失通照烏啼多苦音百難常卒歲惟付短

長吟

司空移居歌

為李醒齋先生作

營宮造室司空事却笑司空賃舍居昨日街西今  
巷北年來只有改門閤

又

工部稿卷八

六

雪後泥濘一尺餘司空即日更移居高車連載載  
何物萬帙千函祇舊書

又

庭後庭前淨掃除還乘吉日就新居尋常家具隨

安佈華閣中間供

御書

夏五月賜御書天馬賦

敝裘行

長安雪後北風發慘帶鋒鏑刮肌骨綿力欲折錦  
縫開惟仗大裘收寒厭我有裘名舍利孫文豹為  
弟貂為昆服之將幾二十載毛禿色壞煖性存此  
時視爾尤可憐忍能拊上成虛懸服章新定等威

在官卑未可披朝 天往開萬曆丙申夏標梅垂  
實天桃謝官書曉山選蛾眉村莊醜女不敢嫁  
孤能言神與通者叶嘯依蒿蓬苦遭網羅責禍  
福筆死無語酬山翁又不見苦李累累周道右板  
折屣辱行人手渣鼻老父不解飲酒筵嘲笑招多  
口虛名受累從來多美惡同號宜同科敝裘委之  
那可道安得黃金求其他北風慄烈奈寒何裘兮  
裘兮寒奈何

經憫忠寺有懷若之上人

憫忠古寺常游地一過山門一斷腸滿院僧徒三

工部舊卷八

七

百眾西廊西下若公房

冬宵引

用宋之問韻

陰雲結今天欲雪望鄉關兮腸斷絕 高堂白髮  
當寒月何用卒歲衣褐缺欲寐不寐宵將中寒鳥  
啞啞啼北風為我謂鳥無太苦吾與爾曹同固窮

又 用司馬承禎韻

拍冬夜兮望陽春陽春遶遶惡煞人北風刮地山  
出雲雪花如手板紛紛客子禁寒胡不返兄兮弟  
兮歲將晚歲將晚兮見無因咫尺鄉關誰道遠

張貞臣學士以公事到部草具舊話

口日披衣伴趨走生平好友見應貳 來東寄  
高駕重說西府共立廬風雨故人心尚爾逢迎地  
主愧焉如相留 卒無佳味滿眼盤食只菜蔬

鼎望許同令叔石齋見過不至

詰朝重有約來訪草堂翁已設中尊待還期大阮  
同輕裘寧畏雪高馬好乘風延竚思公子何時過  
巷東

又

遲雪迎晨掃門扉待客開即防輕騎出故放早衙  
回樹暗山禽集風寒盡角催同心人不至寂寞罷

工部舊卷八

八

街林

題潘工部小像

畫單騎露頂挾弓矢于童山浸水間

我亦逢人求寫照寫來腐態總堪嗤何如靜掃書  
生氣只寫南山射獵時 余係作讀書秋樹根圖

又

平林木落草蕭蕭單騎橫弓箭在腰逢著雉飛須  
命中大夫無美為誰驕

又

尋常結束不著冠角弓羽箭亞繡鞍長安醉月誇  
身手遮莫當場一棧看

又

古語方言那可信鄉風土俗總無憑披圖試看橋  
工部騎馬南人也自能

呈韓學士 慕虛先生

重開 新命出田園祇謁隨行愧及門他日諸生  
吾獨賤千秋夫子道原尊卽看失路陪趨走未敢  
今時犯教言回首詩天感知已蹉跎直有負溪恩

爲常少司空紫侯先生題壁上五桂

何來五株桂乃在室之楣枝葉揚荷色黃花亦離  
離高下各秀終窈窕互扶持乍見忽欲動久視意

猶疑微風度博山彷彿香來時

同胡熙臣話舊

御史宅中相聚日盈庭好友話心期尋常見月重  
呼酒取次看花亦詠詩盛事難留雲雨散同人空  
結死生悲當年故客惟君在握手驚看髮有絲

恭輓 溫熹貴妃三章

德容生自著艱疾欲何言遺囑悲宮婢彌留戀  
主恩黃泉無返路金屋有歸魂形管詞臣在千秋  
起定訃

又

粧樓例不啓鳳駕去何依未待葭灰動時冬至先  
看玉露晞盡衣藏寶篋別殿收靈幃忍見輶車發  
泉臺是永歸

又

應逐湘靈去空驚寶瑟沉 詔停三日發恩結九  
原滾送騎迷愁霧吹笳帶慘音傷心理玉處松柏  
自森森

呈總憲王 儼齋先生

忽報高車入 帝鄉同人出郭遠相將情依丘壑  
饒堪放道在 朝廷那遽忘千里江湖懸涕泪十

年離別兄衣裳不才有待開茅塞趨走風塵祇自

傷

有送余青果者戲題二絕句

兩頭纖纖生絕奇遠託舟楫到京師饒人到口休  
急性從容好待味回時

又

易得相親亦易疎人情物理比還如龐公自解常  
青果陽畫常知暖白魚青果橄欖白魚陽鱚也

夢荆清二首

北風索索掃寒林坐擁寒衾慘自禁中夜故人還

入夢暮年離別倍關心魂來不覺山川隔室遠偏  
憐雨雪淺草閣依然賦詩地何時真對白頭吟

又

夢來何事獨相尋十載金門共陸沈交謝中人甘  
一拙行惟直道託同心少陵趨走傷工部李白飄  
零去翰林愧引前賢高比擬翻嗤朱子未知音  
公序文以李杜  
比余兩人故云

題常司空壁上胡良所畫雙桐歌

胡生畫手今擅場挾筆忽上司空堂立粉如山削  
半壁一揮聳出雙桐蒼直幹凌空走真氣回枝散

工部稿卷八

十二

彩搖青光燕雀偷眼不敢近欲待雲中丹鳳凰檀  
槐梓杞松榆枋衆木凡材安可當良工顧盼心同  
惶擬斲琴瑟調宮商房中四氣均溫涼青女不到  
飛微霜空翠半落沾衣裳主人朝回飲一斗調絃  
安坐歌未央

秋山讀易贈沈登干

隱侯園子澗西頭苦竹長松生處幽讀易經時惟  
閉戶滿山紅葉不知秋

又

小關山閑養真素大易一編經手注研硃不用淡

潤泉自把銅盤採秋雪

又

讀易空山落木時笑他宋玉強生悲秋來秋去非  
天意說與人間總不知

余作敝裘行有服之將幾二十載之句王司  
農阮亭戲云方二十載未敝也宜以見惠若  
以三絕句

晏相孤裘年歲長吾裘相比未相當贈君印日登  
台輔十載猶堪政事堂

又

工部稿卷八

十三

晏子一裘三十載先生原自有鄉風吾裘不惜殷  
勤贈要取當年相業同

又

穎禿毛荒可笑人不堪持上上公身收藏有待還  
山去五月長披好負薪

贈武進令張稚菴

有序

張公汴梁人前壬午經魁選武進令到官十  
日遽辭去優游鄉曲讀書賦詩間作書畫自  
娛今年七十餘矣老而不衰頃以詩畫見寄  
賦贈二首

自昔耽清尚高年興未窮丹青知又妙草聖舊來  
雄十日郎官宰千秋靖節風郵函頻有贈感結寸  
心中

又

高臥看華髮遺榮自早年時平身已隱詩好世猶  
傳卜宅繁臺下爲園汴水邊何由親几杖言笑奉  
周旋

題芙蓉複壁

傷畫石  
及佳樹

託根宜水際花發忽房中豔色驕人面丹青妬化  
工芳香誰可並長傍小山叢

工部稿卷八

三

招友人過崇效寺探梅

聞道雪公室寒梅開欲勻看花動高興折簡報同  
人食借伊蒲饌尊携麴米春吟詩堪共賞勿厭踏  
輕塵

承汪舟次觀察有贈賦謝

洛川移節去閩海又經春誰謂江湖遠無忘落莫  
人同懷齊一視分惠喜俱勻正值連朝急余心感  
是真

齋中紅梅將放

梅樹生長好今冬開未遲經時方小雪弄色忽南

枝影逐晴光動香依甃壁吹紅顏終不變吾鬢又  
添絲

寄徐電發檢討

去國裁詩別驚心八載餘如何千里道莫得一行  
書自覺來人少誰云去者疎南歸逢信使欲贈更  
踟躕

又

行藏那可問懷抱感同深欲寄江南客先傷薊北  
心功名吾道薄雨雪歲華侵尺素情難盡爲君續  
短吟

工部稿卷八

四

同何公權過雪公丈室看梅

年光物候遙相催臘近禪房見早梅老至從教雙  
鬢改尊前且對一花開人依勝地懷先放客喜深  
談晚不同爲說新春消息動寒林啼鳥莫須哀

送張工部假歸

我自懷歸未得歸斜陽送客意重違傷人共指臨  
岐苦應見臨岐汨染衣

陪張樸園前輩馮方寅袁杜少龍改菴飲花

下

小樹香梅冬著花同人趨賞踏風沙饒憐細蕊生



春色那惜淡杯茗物華樓上君山心共遠筵間說  
怪興尤餘棗林不尋東林隘偏喜吾徒醉日斜

次韻荅信公弟

日望鄉書到書來且奈何懷余情孔切憶汝恨翻  
多身在看皮骨心懸向薜蘿無由同子舍忍泪託  
長歌

聞弟信公近詩喜賦

開編忘欲寐喜慰一何淡解用吾家法猶存正始  
音選言無俗調學古見精心好進竿頭步同歸著  
作林

工部詩卷八

同馮方寅袁杜少邀徐陸李三學士龍大理

過雪塢丈室賞梅

臘回春近逼年華喜說看梅開士家四座同心聯  
勝友數枝如雪占先花山僧隨分供蒲饌學士多  
情贈木瓜陸贈雪公坐久渾忘天色暮香林啞啞有歸

鵲

又

三冬欲暮見春花色靚香清好物華客喜蕭閒依  
道院天憐幽賞息風沙圍棋分對排雙局酒榭同  
携出各家麗老留遲留高住狂情應笑兩人除

招顧復齋張棣園前輩張寄亭同年寓中小  
集

強從趨走溷風塵知己無由得屢覩何幸車輿來  
長者翻慙粗糲款同人酒沽寒夜難成醉梅弄幽  
香欲放春乘興不嫌門選僻看花重待話情真

李少司空爲母太夫人八袞稱觴奏劇卽席

賦詩用呈司空

綵綬裝檐氣色新司空獻壽款諸賓瑤觴酒煖疑  
非臘華館燈紅欲借春誰指傳奇爲異事親逢佳  
慶在今晨未應官秩論尊養待侍白頭有幾人

工部詩卷八

過李翰升承欵留同寓朱可亭太史相陪共

飲

出署朝過訪相留意獨真同居憐二妙接座喜三  
人飯煮香杭米杯傾竹葉春長談各不厭斜日未  
回輪

夢侍先祖食魚羹

夢裏魚羹手自供憐孫猶展舊時容分明日用家  
庭事今世今生那再逢

李肅公携酒同解子飲寓中

不盡前宵興乘昏復過門偕行領佳客卜夜載芳

尊世好堪重續新詩許更論餘酣去巾幘耳熱訝  
冬溫

又

一榻週圍坐情投分自親添燈嗤地主借酒勸同  
人梅白將開臘松青欲變春談淡明月上歸路喜  
無塵

題何公權樵雲圖

何郎舊是山中客五載京華行路難憶遍鄉山歸  
不乞人寫作畫圖看

又

工部稿卷八

七

堂背南山秋色分倚闌人在盼斜暉寧知此際京  
華予畫裏看山望白雲

東張工部釣庭索筆

一歲風光看欲盡千門煥彩競新正爲誰辦寫宜  
春帖却向君家乞管城

十二月十九日 家君誕辰遙開壽筵招徐

勝力陸義山李公凱三學士袁杜少編修馮

方寅行人龍收菴大理飲寓中是日迎春

綵仗迎春春復新北堂初度會芳辰度將獻壽依  
家慶欲借添懽有故人梅吐寒香紅乍放菜傳細

綵翠偏勻當前景物饒堪賞願乞高言報 老親  
又

佳辰恰值韶光轉風景何曾間各天亦掃萌堂邀  
上客遙開春酒介長年東郊日暖薰高樹南極星  
明照綺筵兩地懽娛同此會不知扶醉幾人偏

老父誕辰請客寄示諸弟

此日嚴親初度日條風乍轉散輕陰春盤進酒  
宜家宴客署開筵亦于心汝見同懽排雁序吾憐  
助喜聚朝簪直應輸爾瞻依切南望庭帷意不禁  
小除夕同人飲寓中用張鳳舉韻

工部稿卷八

六

京華客老興尤顛獻節邀懽亦可憐殘歲尚餘三  
日臘同心相得五人賢杯香預試屠蘇酒曲好遙  
投白雪篇敏捷揮毫美平子燈前高詠欲忘眠

養碧山房詩三集卷九

工部稿

任丘龐 增雪崖著

奉和王珣湖學士早朝 太和門有感之作

闔閭晴開獻歲端 皇心有慶萬方懽  
鵷班仗久來螭陛甲仗分行對鵬冠  
已喜賦詩同賈至願言卜宅就王翰  
感時懷故饒情思白雪長吟字字安

新正三日雪上人沈一韓寓中小集

薄宦成吾老流年過眼新辭家長作客多病轉禁  
春淪茗留禪伯開尊對酒人登高饒有興預約待  
靈辰

工部稿卷九

勵近公太常譙同郡諸人于內邸

奉常 賜宅傍丹霄門對離宮佳氣饒律轉青陽  
開令節情深問井念同朝相思正擬披裘往高會  
偏承折簡招連日公庭休入直開懷應得末今朝

又

入門携手倍情親眼底風光事事新漫說年華非  
故國最憐言笑盡鄉人孟傳桐馬沾 真賜案族  
春盤帶五辛稍覺東風稀晝漏儘擗高興荅芳辰

又

衣冠鄉里盛才賢事 上肩隨日月邊供奉君依

溫室樹分曹吾少水衡錢往來情好聯姻亞通塞  
官塲等歲年倚酒筵前增故態諸公莫謾笑狂顛

又

宅傍宜春春樹多啾啾野鳥暮相過尊罍有酒情  
無盡城闕將闌晚奈何夾巷懸燈開夜市千門打  
鼓演新歌居停分處同人散鄉夢遙牽濡水波

懷李渭清

雪後風寒春信遲出門騎馬欲何之金臺載酒無  
同調人日題詩有所思愁至難從天上寄途長屢  
誤夢中岐梅花依舊窗前發不忍相看只益悲

工部稿卷九

當來日大難變歌行

當來日大難來日之難又何難自我長安十六載  
夏經暑雨冬祁寒析無餘衣盜無粟索逋纍纍橫  
相干三百六十日復日臘回春轉逢履端豈有美  
酒庖有肉稱觴獻壽胡不憐田家丞相大尊重鄧  
氏銅山差可觀威權莫遣鬼伯去黃金寧買白日  
關百年過半前路窄焉能坐待增愁歎鷓鴣長杓  
鷓鴣鑒一舉還須累十乾身後姓氏那復識醉中  
天地由來寬老鷄撲死鼠拉沓活羽翰俄麟無落  
毛未見軀命殘皇天自留生物養當來日大難來

口之難又何難

晚過李公凱園棋兼誦新詩

雪後寒難犯思君將奈何相憐同所好故作望  
過角奕誰常勝新詩自可歌燈前有春酒調笑對  
婆娑

齊宿次王學士薛殿韻

聖主祈年肅衆官明衣直日倚朱闌衙齋吏靜聞  
宮漏奔走心先向泰壇自喜隨班瞻盛典誰希賜  
被敝宵寒臨期擬有神君見翠葆金芝下彩鸞

陪祀祈穀壇再次王學士韻

工部稿卷九

三

禮祀辰開會從官鐘鳴金闕夜將闌乘輿早命

蒼龍駕祈穀旋臨太乙壇影動朱旗迎曙色光搖  
庭燎散春寒三年趨走臺郎後虛薄真慚接鳳鸞  
相賀行

新正親友趨相賀往返相過還相錯開年十日窮  
奔忙辜負公暇少安坐今者不樂思前春下床負  
創多酸辛人生有足取行履雖疲道路何當嘆

春寒

三冬冷逼望春陽十日春歸冷倍常朔氣橫吹殘  
雪落東風莫放早梅芳爐中火蕪全無力床上人

眠半欲僵虛憶醺顏有醇酒怪囊那可問壺觴

又

臘月前煖頗饒春回雨雪轉飄飄沿河柳色無  
消息遶屋梅花亦寂寥曝日情親那可得披裘分  
絕爲誰驕時禁方嚴千門燈火元宵近禁凍還愁上

石橋

偶過龍泉寺贈澄堊上人

披衣思一出隨意到香臺殿閣春陰滿金銀夕照  
開游方何處外平等見趨陪妙義能相引流連對  
茗杯

工部稿卷九

四

又

夙聞祇樹好今識贊公房相見一何晚浮生有底  
忙禪枝遶過鳥新月上回廊得暇還重訪憐君道  
氣長

元夕前一日雪上人招同袁杜少馮方寅舍  
弟信公齊余偶遇程姪田竟拉共赴時馮疾  
未痊以詩來因用其韻

齋筵作客重携客老興顛狂總不除打鼓人迎元  
夕會看花春在雪公廬長談自覺新知樂臥疾終  
憐故友踈忽接敬通詩句好沉吟相對意何如

十五日袁杜少程姬田雪上人寓中小集暮

赴張樸園筵步月而歸

繁絃急管徹雲宵燈火應推 帝里僥莫信流光  
生白髮儘拚高興蒼良宵家筵好友權相得別館  
同人晚見招食步長街看百戲轉憐月色似乘潮  
雲岫上人屢訪賦贈

有底門常掩師來何所聞長貧仍抱病一拙自離  
羣工部才難稱龐公派已分禪宗與詩律無法可  
爲君

又

工部稿卷九

五

擺脫從方外隨場到國門有過惟一老得句許同  
論問學饒精進聰明信夙根留君愧香饌茶具代  
盤飧

十六夜同韓子靖及信公舍弟飲齋中

開正忽忽過三五續節添燈剩此時蟾魄如輪猶  
自滿銀花成樹各爭奇流光逝水誰能住好友通  
宵坐莫辭白髮重禁幾元夕儘拚名丁付深卮

上元詞

結綵連雲別苑開梨園子弟戲春臺遙知 聖主  
同民樂白叟黃童那不來

又

十重烟火架琅玕變幻神奇有萬端不是今宵來  
上苑外邊白首向誰看

又

翠柱朱欄不斷頭懸燈鼎鼎夜光浮分明萬顆驪  
珠現遍照黃河九曲流

携酒同左湘南崇效寺看花雪公偶出仍坐

飲花下

未識山僧出還同好客來奚童將命入草閣喚人  
開且坐看芳樹相携有舊醅中食飽香飯偏得久

工部稿卷九

六

徘徊

卽晚賈青南同令姪方虎至雪公亦歸

聯步同人至扶筇老衲歸高談添逸興斜日散餘  
暉酒渴重呼茗春溫欲解衣相期梅蕊放還過問  
禪扉

荅程姬田見贈

道繼風騷古所難非才何敢溷詞壇亦知吟味饒  
多事聊遣窮愁耐一官良會再開無盛饌芳辰相  
對感衰殘誰當謬歆投佳句把玩連朝歎未闌

又



金門廿載笑羈遲曼倩誠謂是我師多病日侵休  
問藥同人相見且喻詩寒宵引興饒酌酒卽席揮  
毫有妙思何事老狂不遐棄忘年偏許結新知

赭白馬歌爲鼎望賦

早衙纔下開前軒王孫相訪旋過門牽來七尺赭  
白馬使我一見驚心魂四蹄削鐵竹批耳紫瞳高  
匡割秋水虎脊化鬼光閃騰權奇深穩如好士王  
孫愛重惟親騎團圞錦障黃金羈過都歷市輕于  
鳥萬人競指千人推此馬自是真龍種房宿降精  
赤汗沙駕馭未盡沙場材芻秣猶蒙櫪上寵我心  
說渠知不知古來賢傑常苦饑且飽棧豆無多辭  
他家亦有追風足鹽車上坂方悲嘶

工部稿卷九

七

蘇茂弘舍人送墨露酒歌

蘇君世系神仙後井水桐香汲作酒釀成種種別  
稱名墨露清醇得未有長安飲社連作坊青帘絡  
索交相望甘苦畧分非正味灰漿米汁箋糟床提  
壺買醉爭升斗一輩登徒近醜婦余真好酒如好  
色不遇佳絕不開口宗伯席上曾一傾色奇味妙  
牽我情感君意氣能相送未飲狂興先縱橫君不  
見離離之黍彼誰子講張平地波濤起不忍見此

令心愁無說直須問終蟻又不見東家浚井開古  
坵白骨誰辦公與戾功名富貴到頭盡祇有飲者  
名長留手拍鑿落叫嵇阮渾沌有鄉路不遠吾將  
與爾同樂遊一往名丁誰思返

同左湘南張鈞庭寺中看花

公暇堪乘興青莎引徑斜相招同署客來賞鹿園  
花題勝欽前輩寺有楊大洪扁額傳衣問法家玄言聽不  
倦庭樹落昏鴉

二月一日孫九儀曹渭符不期而至因留小

飲

工部稿卷九

八

獨坐感時序年光入仲春蟄驚蟲豸出甲坼草芽  
新次第來佳客平安問老身無多存旨酒淺酌共  
相親

稍暄

春歸稍暄煖晴日其松爲高僧下門無顯者  
來嬌音憐乳鰕翠色變枯荑好友偏相念盈尊饋  
醪醅

春雪

令轉春分過風回雪片新漫空遲到地透罅暗侵  
人未厭披裘重空思沽酒頻探囊金錯盡那可問

南鄰

挽米紫來侍請

會送嗟吾友靈輻向郭西烟雲同黯慘雨雪重低  
迷黃口憐孤子紅顏哭小妻傷心念身後泉路亦  
悽悽

又

空復多材藝公詩文書畫  
銷篆皆第一誰能返逝魂榮枯自天  
數生死荷君恩公沒後  
賜金為殮累散千金盡終徒四壁  
存情親王相國周恤義堪論喪葬之費皆  
宛平周旋

又

風流出家世儒雅列清班好酒食猶給臨池老未  
閒形骸從地下書畫自人間獻賦同時客悲牽日  
暮還

同赴雪公看花之約次韻戲荅公凱學士

詰朝曾有約香積喜重開勝具先携往于思早復  
來水曹難繼味學士好調梅更設楸枰在寧須後  
命催許渾身形龐小人以為游山  
濟勝之具自嘲于思嘲李

又

僧自設蒲饌吾仍搗酒杯正當春日過忍負好花  
開世事何時了生涯笑幾回眼前看故客落洛感

金臺

再寄宗定九

寄和新詩好長吟意有餘幾時重握手前歲一通  
書鬚髮遙同老鶯花晚欲疎風光迅流轉艱繁歎  
焉如

重過善果寺有感

臺殿依然在年光變早春偕遊人屢異即日景重  
新乳鵲分巢入青莎繞砌勻應門童子大留滯笑  
余身

陳馬行

工部稿卷九

水部郎官大夫後出門不可徒步走昨者探友借  
馬騎奔車突發乘吾右車來蹴馬馬駭怒四蹄蹶  
起如脫兔翻身倒下石橋頭倉卒誰能伸一顧人  
鬼立地驚分途輕裘錦帶血模糊皇天不令腐儒  
死魂來附體頓頓蘇僕本東西南北士道路經涉  
踰萬里太行孟門縱轡過不知大險在都市此身  
於世何重輕賢豪長者重關情傳方愧藥走相問  
垂堂喻馬戒輕行君不見大通橋使李監督早起  
上衙盛結束解衣一嘆玉山頽便辭人寢趨鬼錄  
又不見南鄰姝子劉孺人朝食置筋骸殞身死生

原自無常法誰爲奔馬誰駭輪人間萬事同茫茫  
吉凶由我非荒唐生平過失吾豈免天心示警安  
可忘嗚呼天心示警安可忘

李名觀陽劉孺人方  
齋太史妻也皆隊馬

前後  
日事

### 賦懷呈李大司空

斗酒懽未畢城闕望昏還奔車駭吾馬倉卒誰能  
扳一跌神舍形突如電過山人命信無常生死須  
臾間面目橫折裂衣裳帶血斑與歸見妻妾妻妾  
有哀顏

又

工部稿卷九

十一

有去既不覺有來亦不知一息難自主百歲爲誰  
期驚魂暫來復倪倪猶出出痛苦隱然作四體乃  
吾肌吾身果爲患焉忍增厭離

又

有人叩我門來自司空堂貽我山羊血紫禾結靈  
光其羊本仙種散處黎嶺傍饑嚙芳洲草戲擲萬  
仞岡氣充血亦實能起顛朴傷一七纔入口四體  
回堅強

又

司空敦古處相士不失貧三載率冬官日近日逾

親延譽遍公卿遇我殊衆人聞余遭險厄三歎  
彌真不惜難得藥活茲土木身士生感知已此義  
堪重陳

又

境往益自危生存倍慘傷余情非惡死大義迫中  
腸好文戀聖主垂白慕高堂犬馬力未展菽水  
爲誰將一往倘不歸萬古恨難償感此靈藥力甦  
勉取榆桑未言君親義同懷矢勿忘

示弟

工部稿卷九

十二

嗟馬以輿歸面血猶熒熒幼弟前相持痛迫不勝  
情人事有猝然趨避誰爲明所幸在他鄉免爲  
老親驚生死事尋常收汝汨縱橫死當爲異物生  
則猶阿兄

承諸大人先生問疾感賦

墜馬魂驚半未收險過翻怪此身留殘生再荷皇  
天賜存問頻煩長者憂有辱高車驚陋巷真慚密  
室擁氈裘科頭晏起誰無過沈痛何心敢怨尤  
墜馬後神清悵惘莫知所以小兒自鄉間來  
見之始有生死之感作此

仲春大雨雪沿途消作水小兒胡爲來泥汗黥衣

履見我顏石刺刺問所以語及墜馬時泪落不能止負劍閉一室昏惛隨坐起見汝始欲悲再世看父子

又

反首注石梁驚魂逝萬里天心眷祖德險絕身不死生理徐來復薄傷翻自喜墜馬石上死已驗時汝父性嚴急過愆在一已垂鑒心自知淵水春所履

以墜馬事報知 老父並申慰謝

斜日禁門歸路遲駭車突發馬驚馳雷霆劃地來

工部稿卷九

七

何處人鬼分關自一時幸託皇天存老眼免教白髮哭癡兒身經大險能無恙餘慶蒙休信可知

馬方寅以詩見懷次韻荅之

負劍經旬未出門相思雨雪錯朝昏柳生是患君

奚惡馬患瘡未痊馬逸成災我並論信有盈虛隨氣數

暫進笑語伴諸昆精神漸復春光滿同向花前倒

酒樽

清明遙祭 先靈于邸舍

悄悄寒禁雪後生深房高枕度清明餘生依舊人間世追遠寧忘地下情跪拜企企憐弱弟香燈暖

暖鑒前楹一官潦倒仍多難來格如聞歎息聲

留客

屏處經時患未痊車輿走訊日連翩兩句已放鄧

官假三百剛存酤酒錢板齒憐余能未折深盃留

客好同傳一春雨雪遲花事預擬身強路遠川

送程姬川遭母喪歸里

送君重攜手滿眼惜芳菲正好提壺賞翻伶徒跣

歸櫓烏啼旅夜江水映麻衣千里江南路愁隨落

絮飛

又

工部稿卷九

四

夜雨征途滑君行出郭西花疑含泪放烏作斷腸

啼陟屺情空切還家意轉迷人生懷母德送汝倍

悽悽

題袁杜少禪機詩趣畫冊山水花卉翎毛雜見

世間萬法皆佛理作詩作書無不是即之不可離

即非揀擇何容分彼此此意即今解者誰漆園居

士東明子居士能詩詩以禪更兼愛畫入骨髓色

像合和衆手成波斯大胡開寶市或見長松凌雲

霄或見高山削嶸嶙隱士茅屋翠篠間仙人鵲犬

白雲裏莎鷄叫跳山雀鳴紅花紫花秋不死龍伯

大人相往來驂駕蚪蚪回夜水或言此是居士詩  
神奇變幻出一紙說詩說書總執着是相非相含  
妙旨憶昨墜馬遭創傷十日呻吟失懽喜馬身墜  
者非真我床頭痛者復誰氏披對不覺諸痛忘伏  
枕神游千萬里

題畫石

揮毫誰寫鬱林翁苔蘚僂僂兩雪中我自有心頑  
不轉只應怪爾太玲瓏

讀勞通政書并留別諸詩知行期已定悵然

感賦

工部稿卷九

十五

創臥經旬學下帷黃門歸去有新詩一春雨雪稀  
來往千里鶯花重別離蘭軸分題留和草華堂剪  
燭散瑤卮行期坐聽增惻悵寧待相思說後時

送勞通政假歸省親

驛路花飛啼鳥喧高車得請向鄉園青春別客留

詩草白髮趨庭領弱孫公于京中幾載復生幼子王言勞

出納百年孺慕戀晨昏人間此樂原稀有千古萊

衣好並論

飛雁曲送舍弟璽旋里

兩雁同食宿一雁忽高飛問爾飛何所南去赴庭

幃庭幃我所戀夢寐見容輝身方在樊籠焉能伴  
爾歸

對酒歌

有花還起春風開有酒且斟鸚鵡盃爲懽要取當  
前好休將世事榮懷抱天上陰晴誰可期今日來  
日不相知轉眼未及分哀樂須記前朝墜馬時  
奉答方寅見懷且以慰之

異感同災謾自傷寒侵草閣更禁當春陰不斷連  
朝雪花信猶遲上苑芳意外殊榮難可望人間諸  
苦會須嘗君病漸可吾創復踏草旗亭酒正香

工部稿卷九

十六

短歌行謝劉文起相招不赴

人生何事稱最樂青春好友聚華閣河伯獻鯉金  
托盤新豐酤酒銀鑿落高歌相對百花開角奕投  
壺隨所作劉君文雅真吾徒同懽折簡招狂夫避  
風方學東門鳥奮飛不得空踟躕時創傷未痊方屏處

徐華隱陸義山過訊志感

脫險留殘生呻吟處重帷忽聞騶從來高唱驚牙  
茨故人徐與陸問疾乃至斯入門情自感坐定意  
轉疑僕本北鄙士負性多支離長貧不自恥從事  
屢失時一官困在朝文藝靡所窺學士承相副魏



巍列崇基往來暇巷間降體恐非宜二公相顧笑  
君胡以此爲人生感意氣詎以地分移久要安可  
忘故舊用不遺三歎佩斯言斯言誰不知如矢載  
周道君子義所綬

春日雜興

創臥成吾懶屏居亦自如不冠常對客擁被且攤  
書酒盞渾難舍葷腥欲盡除馬後惡泥深念趨  
走且喜未闕渠

又

生平堪自問難至竟如何囊橐金錢少官場白髮

工部稿卷九

七

多幸無妻妾誚猶有友朋過墜馬留唇齒天應恕

嘯歌

又

一春多雨雪雲日冷悽悽脫險魂初定趨庭夢轉  
迷沿堤無翠草拍路有淤泥歸去憐吾弟弟里愁  
心日向西

又

遇難看交誼偏憐古道存故人爭饋藥顯者屢過  
門春冷遲花事愁多付酒尊何時強步履踏賞問

名園

張子大有游  
裕義王園之約

又

裏創坐高春春寒半似冬荷黍那自放官長頗相  
容法食山僧送雪場長咄香醪上舍供蘇舍人殘  
生饒可幸尤怨擬何從

又

前堂看後舍隔絕似山中帙散愁饑鼠花開問小  
童身羸仍可杖面垢不宜風獨閉簾櫳內寬心說  
塞翁

又

問日重經旬昏昏遇仲春芒屨忘出戶蔬酌每留

工部稿卷九

太

人創在寧無痛骸存自可親未應詩興減意到忽

如神

又

生理源源復風光冉冉徂花傳三月信酒辦百錢  
沽寒盡身應健烟晴翠欲鋪轉憐春事晚留賞待  
狂夫

酬何公權有贈

險絕驚前日關心分獨親子能重贈句吾得更爲  
人居自移來近春從雪後新齋中梅始放過賞莫

辭頻

送劉季才宰長沙

知己不易得別離常苦多一往歸東山十載懷嚴  
阿巖阿時復來良覲轉蹉跎雨雪填春衢災患恒  
不瘥朝聞領大邑試宰湘江波王命有期程夙駕  
興離歌送君萬里行把酒臨潞河潞水流不迴思  
君當如何

又

尊酒不可盡白日忽西馳與子非一身焉能無分  
離愛深情忽割毅然與君辭邑宰非高官發軔良  
在茲男兒建功勲須及壯盛時展子利濟才長沙  
亦易治我留長安道君行湘水湄職業君自勉暇  
當還相思

送李翰升宰南宮

一往憐情好臨岐念汝才吟詩時有和問疾數能  
來老態難爲別離歌重欲催茲行雖不遠回首阻  
追陪

又

此去南宮地人烟四境寬渟沱流不到恒嶽翠常  
看俗喜民仍朴官儉政不難于君見風草輿誦刊  
長安

丘季貞書來用余與李渭清唱和原韻成詩  
見示賦此并寄渭清

丘君吾至友老興發雄才人自前秋別書從故國  
來詩篇終日把懷抱向誰開更憶東山客徃狂戀  
草萊

又

雨散京華客情牽幾地思夢途迷李白書信得丘  
遲益解歸田樂方知躍馬危殘生幸無恙或有見  
君時

春寒行

寒食後三日大雨雪

工部稿卷九

三

往年驚蟄天發雷百蟲出戶花爭開今年日過一  
百六榆火烟新第二宿玄冥侵令山出雲雪花如  
手橫紛紛寒偏羊裘冷于鐵天上有春非我春水  
曹之署冷無邨負劍免入且安臥花信過時賞可  
遲布穀失候憂方大我欲上天訴羲和迎賓陽谷  
無乃訛東風不起北風起凍縮鶉首將如何噫嘻  
凍縮鶉首將如何

李公凱蘇茂弘劉文起自崇效寺道場歸見

訪因留小飲

同向迦文會下來梅花樹下更傳盃笑他示疾維

摩詰竹杖隨巾取次陪

索居

景色三春好深房悶索居福寧希塞馬疾重感河  
魚雜食連朝斷諸輩前月除生涯吾有問天意欲  
何如

送馮敬南赴梧州郡丞任

聰慧能探太史編翩翩文雅自家傳府中從事多  
僚友未信輸君祇少年

又

少年佐郡自風流黎嶺容江亦壯遊舉眼何曾離

工部稿卷九

日下休將萬里看梧州

又

梧州司馬果超羣二十成名海內聞參佐原參司  
牧事令人再見小馮君

飛鳥曲

有序

山東黃君余同年友也司官工部旋由戶部  
郎出爲鳳陽太守於其行也有離索之感聊  
用古體比賦成詩以志情焉

鳥飛何練練生處各鄉縣共託主人園宛轉時和  
見解一園東亦有巢西亦有巢兩巢去幾許好音

這相交解二一鳥飛籠外一鳥閉籠中籠鳥望飛鳥  
何時與爾同解三同飛若可望會須毛羽長當前見  
去留誰能無慨傷解四慨傷亦奚爲努力在一枝何  
用贈遺君臨風送相思解五

奉和李公凱同諸公集崇效寺懷余不至之

作

東風晴吹滿香林翠竹青莎一徑深踏賞空憐春  
色好題詩偏感故人心雪公說法頻揮塵學士知  
音喜聽琴李勝事當前期不顧斜陽啼鳥助  
呻吟

工部稿卷九

再和呈公凱訂後會

朝聞高會在祇林坐掩山齋感慨深一歲青春虛  
過眼百年華髮獨傷心還期身健同呼酒可許人  
來更抱琴偏憶支離留雅味含情時作短長吟

看花行用公凱碧山堂看桃花韻

長安三月春繁華老狂無賴貪看花海棠院慈仁  
中簇似錦含桃園裏天壇蒸如霞東西競走索佳

賞輿尊蠻榼交參差追逐朋儔爭嘯傲十日不一  
趨官衙放浪每爲流輩訕狂歌啞啞饒虛誇自言  
細行不足檢黃金日玉留疵瑕醉卽藉草臥花下

歸途往往過昏形今春墜馬遭折損創傷未合怯  
風沙深房坐閉虛花事客來時問龐公家留客呼  
酒奚童賒今年花落寧可遮明年花開亦不遐留  
取殘生老無恙暫時負賞休咨嗟

孫扶蒼秀才了寒上人同函各札致候隱然  
有疇昔之感

忽有河南客持函問寓居乍開高士札兼得梵人  
書室遠千山外情牽十載餘短長分字數並是一  
懷余

又

工部稿卷九

洛下山川古前年偶寄栖論交方內外訪勝郭東  
西一別人將老相思書並題正當養疴日讀罷益  
淒迷

東王司農

久澗增懷想逢人問起居精神知已王趨走詎應  
踈閉戶三春過殘生一跌餘創傷今漸復預擬到  
堦除

王中齋招同袁杜少陳義馭龍改庵飲寫園

林亭

高臥晨方出招羣託卜山入門寬再拜力疾更追

披芳草何曾歇啼鴛亦自閒多君愛狂客相對放  
愁顏

又

山光延晚色斜日盪微雲花雜香難辨林疎翠欲  
分張燈憐地主把酒戀賢羣爲說藍輿穩歸途任

醉醺

贈中齋刑部二首

四十含香客遺榮忽閉關青山從所好白日有餘  
閒春至看花發林昏見鳥還道書常自把行止載  
懽顏

又

工部稿卷九

高懷放丘壑塵事了無聞獨倚庭前樹閒看嶺上  
雲寄情無俗物眞賞在奇文賀監風流遠千秋此  
見君

將赴友人約先過勉會宅看花座皆少年佳  
客旋就譙所感而作歌

馮君宅子如村莊滿庭花樹爭春陽日日花前集  
親友典衣得錢供酒漿我有經過紆相造杏花半  
卸桃花好朱顏綠髮誰家郎金尊玉斝同傾倒半  
曾相識半未識禮廢拜揖慚病老一床別坐對花

枝眼看行樂心中悲憤年十五二十日看花意氣

如今時今花昔花不異色思我青年那可得交懽

投分須類從老少詎合相形容西家設席遙相待

同行有友聊共載白頭列坐項領斜亦有美酒亦

有花狂談大笑吾已醉而然那復知年華

春盡日雪公招同張樸園馮方寅袁杜少韓

子靖花間讌集

難後經過成倍深強從招約向祇林好花爭弄殘

春色白日空懸故國心良友再逢重對酒山僧乍

會且彈琴懽情未極悲情動啞啞歸飛見夕禽

工部稿卷九

春盡日集崇效遇李公凱不至

齊筵淪茗君思我載酒看花我憶君已惜芳春餘

此日翻憐勝友阻同羣樓邊奕局更相對竹裏琴

聲取次聞爲報高齋行過訪清和天氣好論文

叢碧山房詩三集卷十

工部稿

任丘龐 璫雪崖著

立夏日作

孟夏今日至風起正南方芳草亦未歇啼鶯忽復

藏郊原多林木游子望故鄉林木日夜盛故鄉安

可望誰知游子心偏隨夏景長

長歌行

年少誰家郎奕奕府中歸馬如一疋龍衣作紫霞

飛高戟羅戶外女樂列前墀指顧出尊酒珍錯高

參差座客奉顏色咳唾無不宜多方隨所樂榮盛

工部稿卷十

極一時誰爲雍門子偏令孟嘗悲

送梁山公屯部觀察上荆

紅亭酒正香白馬繫垂楊新領龍頭節初辭畫省

郎景和饒亢直叔敬自飛揚地說荊州重才歸幕

府長剽輕諸楚俗銜要接蠻荒夏寇收餘孽秦川

罷挽糧官宜去豪奪民可念流亡聊喜無旁掣差

堪振大綱天絲晴嬈嬈河水浩茫茫令節朱明轉

輕衣綉光問涅江漢廣相對鬚毛蒼意氣關同

調班聯綴末行直應勤入府未易望腰章疾厄知

偏苦艱辛分獨嘗何時重會面分手卽殊方斜日



悠悠去離心安可量

何子桓過訊留詩依韻奉和

白髮支離歎自今無端災難更相侵情深感子殷  
勤顧詩好增予宛轉吟貧暑留權惟市酒空皆向  
夕有鳴禽阿戎館舍還鄰近風雨頻過慰藉深

立夏後三日桃花盛開招張子大鍾立園何

公權過寓小飲用公權韻

茅舍牆低半欲頽天桃樹小亦從栽繁紅不逐殘  
春老細蕊能留早夏開盡室憂貧仍好客經旬稱  
病且銜孟巷南巷北無多遠幽賞應須盡醉回

又

工部稿卷十

平林綠暗惜年光剩有繁花殿眾芳近眼如看春  
尚在堂前無那老能狂十千美酒餘殘醉三百枯  
基對夕陽家次招邀留雅味風流原自屬何郎

奉和監學士同蘇舍人過寓看碧桃花飲中

聽余論詩原韻

高會曾陪學士家相期茅舍共看花同行更許携  
佳醞幽賞難禁戀歲華醉發狂言多謬誤心知良  
友恕疵瑕舒長莫信清和景餘興猶深過晚鴉

徐華隱首倡過寓看花之約及期不赴陸義

山蘇茂弘悲方寅前後同至痛飲入夜戲成  
惱華隱

茅堂及早士龍來花下楸枰相對開工部留權自  
粗糲舍人趨賞摯尊疊阿誰倡約虛高駕有客乘  
昏索巨盃談笑日闌仍秉燭城頭更鼓莫頻催

送雲岫上人還楚中

不作長安客言歸守故叢一帆長夏口五兩渡江  
風拄杖依然在人情到處同鄉山有新句隨便寄  
龐公

述閒詩有序

工部稿卷十

中書閒官也陳義馭作述忙詩水曹勞吏也

余亦作述閒詩

身從水曹後不信水曹忙有出惟趨府纔歸即偃  
床長跌依佛法隨意錄醫方忽遇登臨約追隨喜  
欲狂

又

退食了無事應門祇閉關吟詩聊過日把酒自開  
顏熱客休通問高僧共往還興來歌一曲散髮夕  
陽間

同人集寓中看花袁杜少以赴偉上人劇筵

不至歸貽長句次韻答之

千林綠滿夏何新東風一掃過九旬天桃小樹強  
弄色花嬌蕊細留青春繁紅照眼疑春住同人沽  
酒依花樹知君禪悅別有情掉頭獨向東林去東  
林子弟各當家忽如天女來散花共倚蒼松聽妙  
曲那看紅樹樹流霞士龍飲酣飛壯思陸義揮毫  
首倡催題詩許公縱橫稱大手蘇茂敬通揆藻亦  
不遲馮方茅堂濟濟爭風雅盡樂極懽醉花下寧  
知炊黍姓龐人猶憶千言袁倚馬

同袁杜少飲公凱齋中讀白奎山人詩說當

工部稿卷十

時軼事

李郎方今風雅之所託數朝不見情弗樂西鄰袁  
子素心人相招同來坐茵閣何用消夏排枯棋葡  
萄美酒金屈卮少兒幼孫出見客魚魚雅雅多令  
儀夕陽倒景冷風善信手案頭抽書卷一編驚見  
白奎詩雷霆霹靂供驅遣狂生之言狂哉癡高官  
厚祿受者誰肉食紛紛歸新主濠梁布衣奚哭爲  
一朝亡命櫻網罟弋人對之不忍取野死長拚委  
江湖餘生寧料還鄉土獨不見武王不怒首陽生  
聖朝豈殺閭古古

題劉天馥秋山抱琴圖兼呈老友文起

桂樹離離挂秋色少年何人小山側科頭趺坐對  
孤琴鬚眉滿酒仍溫克我友劉君風格美披圖何  
乃逼相似淮南李生爲余言公凱果是他家親父  
子我性畏過時人門劉君古處情所敦相期再過  
草堂去喚出少年共我語

送韓子靖兵部歸省

鞍馬乘長夏嚴裝出帝京暫寬趨府假遙慰倚  
閒情蒲坂川原古橫汾波浪生美君歸計好養養  
意難平

工部稿卷十

五

又

銜盃不成醉懷抱有悲懽君念瞻依切吾增離別  
難前程行漸遠後會日猶寬歸臥茅齋內誰同話  
夜闌

再贈子靖

門間依舊在乍到喜如新茂樹巢鳥遍叢篁解籜  
勻及肩高雅子垂白健慈親膝下稱觴滿知君樂  
是真

答于子虎臣

廿載京華客栖栖笑此身艱難增老大潦倒向時

人自顧殊堪鄙何聞轉見親  
壺觴從簡畧知子恕余真

送李莘起赴陵水縣任

慷慨燕南士風塵半老身  
一官仍小縣萬里別同人  
月令中途變山川入境新  
何時承內召携手更相親

又

行色青天遠孤城瘴海濱  
帆檣通絕域花木續長春  
種別人呼馬山深樹有神  
潮州鄰壤近香火退之新

工部稿卷十  
同雪塢雪潭兩上人豐臺看花

晴色憐初日看花出外城  
余仍念前約僧自解閒行  
雜樹交新綠幽禽送好聲  
平生耽野趣心迹一時清

又

好景遙相引閒行足放顏  
溪流隨曲折岡勢共回環  
戲藻魚苗亂穿林雉子斑  
豐臺知漸近宿客把花還

又

徐行沿草徑隨意過山家  
野老從爭席吾曹且看

花高飛憐燕雀小食供茶瓜  
蕭散除巾帶幽情一倍餘

又

覆井槐陰合連畦芍藥開  
人依深處坐香逐四邊來  
勝友同清靜狂談免忌猜  
城中無此樂童子莫相催

又

騎馬籬邊出依依晚色幽  
地移風景異人去賞心留  
白髮行將老青山始欲愁  
何時免羈束隨處託優游

工部稿卷十  
田綸霞司寇招同袁杜少蘇茂弘龍改庵飲兼訂崇效寺之約

秋卿堂前紅藥開秋卿召客  
雨亦來微風泠泠透竹箔  
雨香花氣添金杯此時不醉  
胡爲哉主人官大能好事酒  
酣忽憶棗林寺老槐十丈新  
綠濃欲就生公談了義

放歌行贈劉文起

劉生雅士恭且溫胸饒奇趣  
道亦存性非嗜飲好釀酒官  
是行人長閉門我來一尊必  
傾倒謂我同與我好飲亦不  
醉交無爭狂談大笑開懷抱人

生適意隨所宜，官大位須何時支。離自放不覺  
醜，捷徑可向誰從知。我住京華年獨久，事變翻覆  
無不有。操刀屢見趨先割，遭傷往往皆能手。君不  
見桃花李花三月前，各將顏色爭春妍。春風吹開  
亦吹落，祇有松柏長天年。

有感贈友

雷陳去後無朋友，慷慨於君見獨行。身犯波濤存  
直道，人從生死見交情。回天已荷當前力，通國應  
傳此日名。我亦當年任助客，貧看諸子愧縱橫。

過趙君留贈

工部稿卷十

乘曉過門門已開，中厨待客盛尊罍。人看一面新  
知好，情比十年故友來。願我疎狂那足取，承君古  
道謬相推。爲言內沼荷花放，重向高齋醉幾回。

同信公舍弟何子桓公權父子飲立園寓中  
半畝城南宅，幽偏愛此時。竹生當路笋，柳吐入簷  
枝。吾自携家弟，君仍帶好兒。主人有佳興，呼酒共  
論詩。

又

迂疎常懶出，有出卽君家。別院過啼鳥，沿階放野  
花。人閒重對奕，酒渴屢呼茶。不覺斜陽下，投巢噪

晚鴉

同陸義山徐勝力袁村少玉珣湖李公凱集  
崇效寺看新綠鍾聖與自山左至相留共飲  
乘涼有約憶前期，爲愛雙槐就遠師。細草如鋪分  
綠蔭，幽禽相狎度高枝。濁清各出一尊酒，黑白平  
行兩路棋。更喜故人來輦下，風流好與共論詩。

又

堆綠如山自出奇，蜀葵花發更千枝。同人露坐連  
高榻，老衲開厨供午炊。不斷高談添遠客，翻乘殘  
醉和新詩。拳拳月上明東嶺，走馬天街未厭遲。

工部稿卷十

有約同陸義山游目耕園不果遂由呂仙祠  
至崇效寺飲酒奕棋抵暮而歸和義山韻

騎馬重憐返右安，同人有興喜游般。梁王苑裏成  
虛約，仙客祠中好暫觀。情熟還應尋雪塢，朝閒那  
可負棋盤。呼尊尚覺吾廬近，一簞纔傾意已懽。

王珣湖招同徐勝力李公凱袁杜少陸義山

游 裕親王園

出郭懷前約，梁園伴客過。興狂隨步履，路熟  
池浴鴨。溪邊聚鳴禽，柳際多自來。饒野性，對此奈  
余何。

又

親王闢人隨內史來回廊增窈窕飛閣倚  
崔嵬穿壁新篁過編籬紫槿開題詩紀佳賞偏少  
士衡才義山以事阻

又

池館經行處風光異昔年當墟添酒社賃棹有湖  
舡樓迥全無暑林深不見天坐來驚物候嘒嘒起  
新蟬

又

西北黑雲起翻盆雨勢橫游魚沉不見沙鳥自相  
驚

工部稿卷十

十

驚濕水侵筵濕涼颺着體生傾壺盡餘興耳目  
尤清

又

日暮行將返林巒雨後新餘飛猶滴樹一滑正愁  
人風景誰常住經過跡易陳出門小延佇渺渺暗  
傷神

同人携尊花隱亭就別馮勉曾

花間行樂地此會覺淒然豈復無尊酒難堪是別  
筵愁先離唱起心共夕陽懸說歸期邇悠悠更  
隔年

又

將離未成別携酒爲君過人覺同心少愁增白髮  
多關情念薪木慰意強懽歌信有相思苦君休戀  
薛蘿

義山未與日耕園之遊賦詩見示用和原韻

出城有約伴閒游王子園林清且幽幾處亭臺  
通曲徑千畦秔稻接平疇傳盃偏少一人醉猛雨  
忽成五月秋岸柳溪花供勝賞放懷誰起異鄉愁

爲蘇茂弘題畫冊

我有佳山心未審何山好蘇生示此圖幽絕愜懷

工部稿卷十

十

抱雜樹帶茅軒芳洲多香草靈境不易違五嶽窮  
搜討應圖獲其真勿爲俗人道庶幾吾與汝同居

成二老

平陽歎

吉凶茫茫那趨避驚人聞說平陽事朝爲城市暮  
丘墟慘禍無端起平地后土職載資常寧何以感  
之增不平怒激釣軸甘一洩雷霆霹靂互相爭官  
宇崩摧民舍圯婦老幼同時死伏屍沈壓無人  
收穢氣腥聞數十里百年郡國幾殘破獨有此方  
未摧挫無乃氣數有乘除災以發遲積轉大幾處



流亡艱糗獨有此方底且富無乃鬼神忌滿盈  
可憐糜爛及家畜意嘻吁皇天降鑒曾有無死者  
豈盡皆凶徒混濁善淫等不辨濫殺何忍冤無辜  
死者慘絕生者苦 詔發金錢出外府天地外錯  
失常行補救獨將勞 聖主

送張子玉山赴濟南

正喜新知好還聞歷下行題詩趨作別携手若爲  
情著酷憐長路官貧愧友生少年才具美應合有  
逢迎

仲夏日王阮亭先生招同袁杜少龍改庵雅

工部稿卷十

集用鏡湖五月涼爲韻

釀酒滿玉缸酒熟澄如鏡避暑宜傳觴延客掃花  
徑伯高揚妙曲袁生擅雅味笑余蠨蛸人何當同  
謬敬

又

王公性澹蕩所好與時殊閉門謝熱客得酒召吾  
徒高言談釋老兼之及江湖一從席上酌奇聞增  
所無

又

一往滯京華再來儒益腐滿眼班聯人識一不識

五英發各當時酬拙足數唯有王司徒無酒爲  
我酌

又

去年飲君家白露溥秋月今年飲君家鳴蜩沸林  
樾時序不假人吾生免華髮斟酌用爲樂長歌正  
激發

又

庭陰起清吹移席就晚涼客醉亦不去主懽自浮  
觴狂言涉微謔一笑時聞堂同心紀嘉會聊用託  
詩章

工部稿卷十

上右司空李木庵先生

上理資經術詩書起化淳 君王重文治簡在必  
儒臣近補冬官闕還推學士身才名一往大意氣  
向來真賢友兼南北佳期迭主賓題詩開畫卷載  
酒趣花晨陶鑄依前輩追陪辱後塵鄰侯骨自貴  
賈誼命終屯兩入中書舍三過水部春直添潘岳  
髣無改范丹貧裘馬慚時彥風塵愧故人蟬聲吟  
乍合槐穗吐初勻地分傷睽隔年華閱苦辛那期  
考工地再接典型新老馬鳴相向勞薪氣復振趨  
承忻有近教誨喜能傾仙李連枝茂龍門仰望均

一堂期共濟三妙分相親正色臨華省傾心奉  
紫宸經綸知夙具霖雨慰斯民

述懷

身在不厭病朝寤不厭貧我本愚賤士文章得進  
身屢仕皆京職未識遠道塵月分五斗米取用養  
雙親兄弟既無故妻子絕喧嗔蔬菜聊足飽何  
必魚肉珍布帛聊足煖何必綾錦新郎曹聊足貴  
何必權要津酒爲朋友費詩道性情真已感朝  
廷德兼願天地仁誰能長鬱鬱蘊積損精神

奉和阮亭司農借諸子游崇效寺看棗花二

首

探幽入棗林林深花氣滿花氣能娛人好客多情  
欬口吟白雪曲手弄青樓管題扇贈山僧風流誰  
能慕

又

懽燕易爲夕餘景灼青林望古懷支謝卽事還自  
今古今俯仰間一往焉能尋從游多英彥有酒聊  
同斟誦詩感作達三歎起予心

賦得五月賣松風人間恐無價

嘒嘒鳴蜩毒熱新松枝微颺午風勻此間好是清

涼境遮莫鋪金肯售人

又

閒傍蒼松支短牀南風清洒透衣裳熱中第一清  
涼散休把千金比禁方

又

豈有炎燭到閒壺松風涼吹沁肌膚上真自署仙  
官錄曾許輸金納得無

又

南薰灼灼自天中五粒陰多障遠空莫怪山僧開  
橫口快哉不數大王風

大雨不得往

陰雲壓簷黑飛雨亂縱橫望去無餘見聞來但一  
聲注塔連砌沒灌室與床平空有同人約焉能踏  
屐行

六月初九日大雨口號

何年無暑雨今雨太驚人氣似錢塘怒聲傳澁澗  
真匹鞦浮出戶壁挂倒過鄰上漏無乾處漂搖歎  
此身

過李公凱寓出所爲詩快讀賦贈

他家門戶誰輕入一入君家更不同命酒慚余非

飲客論詩于子見天才解人自昔原難得笑口當前好共開競託風騷取佳句苦心刻畫祇堪哀

卽日孫樹岑亦至同飲有作

偶來訪友重逢友雨餘同憐惜鮮青人自忘形那  
賓主酒不泥飲任醉醒長句原推李太白能書合  
數孫過庭我有裝成冰雪卷相從二君乞典型

連雨李公凱東訊依韻奉荅

重陰失朝暮獨坐奈愁何莫補蒼天漏生憎白雨  
多草廬疑近宅委巷轉洪河問訊憐吾友奚僮晚  
更過

又

工部稿卷十

六

上漏下仍濕漂搖患苦多故人重念及有贈感如  
何引紙開愁眼連章擬和歌幾時晴日出羣屐互  
經過

苦雨懷何子桓

雷雨中宵急晨歸怒轉餘溜堦疑倒井盡室恐爲  
魚沈灶妨朝爨排窻駢卷書何郎單外客愁悶又  
焉如

常少司空奉 旨粵東勘事

官分職守謾相爭 帝簡惟良折獄行萬里山川

隨便節十旬風雨併歸程嶺南景物何心賞陸賈  
行裝依舊輕入奏 天顏應有喜平反立見是非  
平

述感呈常少司空

御史宅裏識面目水曹署中視草時古道于今將  
誰問風操當代真我師不棄許丞憐小節偏容司  
馬太支離用謝夷事虛薄何能有報荅寸心耿耿長自  
期

劉文起惠花樹

紫薇灼灼喜新栽昨日看花共把盃誰似劉君真  
好我一株分送草堂來

游目耕園和華隱

風塵長與素心違極目西山入翠微老去悲歌渾  
自放忙中游眺未全稀籬邊把酒憐徐邈橋上題  
詩憶陸機爲說梁王不禁客興來重擬歎朱扉

鼓碧山房詩三集卷十一 丁部稿

任丘龐 堽雪崖著

立秋日書懷

年光如水暗相驚，獨坐幽齋見曉晴。  
炎景尚留餘暑在，涼蟬忽叫早秋生。  
庭幃眷戀情空迫，歸計荒唐晚未成。  
稍喜西風新殺熟，家炊聊得緩經營。

木庵司空別墅登石爲山，濬地爲池，有天然之致，詩以紀之。

九何功成後，蒼然擁碧岑。  
退朝門自掩，在野興俱深。  
魚樂依新沼，禽閑託茂林。  
會心寧在遠，倚檻發長吟。

又

結構存真賞，青山引興奇。  
閒雲生複岫，潦水聚平池。  
朝暮看無厭，陰晴趣各宜。  
風流懷謝傅，千載共襟期。

又

一山平地起奇秀，似飛來芳草何曾歇。  
秋花相映開彈琴，增逸韻對酒引深杯。  
故客憐余在，西申同社諸君惟余與過從，許共陪公在都。

陸義山得詩將歸，欲過雪塢丈室，作竟日談。

爲約徐李袁諸公同至

共約清齋就遠公，松杉滿院動西風。  
地爲熟過情偏戀，客以將離感未窮。  
棋局好須終日對，酒盃更得幾回同。  
故人別後天南北，應有相思在此中。

又

西風乍起動絺衣，淪茗禪關事已非。  
白髮驚看人共老，清秋忍說送將歸。  
追陪故作終朝聚，笑語先愁他日違。  
最是此情空不得，山僧相對亦依依。

過常司空別墅，並贈重舉會遠兩兄弟。

城西章曲宅，景色自幽奇。  
池問何時鑿，山疑有處移。  
禽閑啼不住，客喜坐來遲。  
隨意開尊酒，交懽託在茲。

又

自是司空第，翻疑隱者居。  
嵐光深戶隔，竹影散圖書。  
白日晴初放，秋花紅未疎。  
多君兄弟好，意氣足相於。

義山數枉顧，失接待有賦。

郎曹日日窮趨走，門外高車枉故人。  
自惜將離重索會，可堪數過不相親。  
清秋風雨情何限，永夜悲歌感是真。  
咫尺逢迎仍錯迕，况言別後阻江津。

過李司空別業題

祇謁通名入應門更不難竟忘今日分直作故人  
看餘暑消松茗長談倚藥欄背堂啓書舍竹石妙  
能安安言安放也杜詩  
竹石如山不敢安

又

登道紆回轉高樓足遠觀圖書疑世外笑語自雲  
端山色迎秋碧泉聲帶雨寒論文久踈濶重此奉  
餘懽

蘇茂弘相招崇效寺陪田綸霞侍郎

招約憐吾友趨陪喜侍郎選閒宜道院高會託文

工部稿卷十一

塲秋覺松風健晴看草露光入門懷抱放踈野趣

原長

又

朝天曳履下入寺續前期逸興披荒逕徐行領少  
兒浮瓜消剌暑對局賭新詩何必東山墅風流各  
一時

又

蒲椅周圍布雲坐敬靜觀靜觀堂名王  
覺斯所題情真少拘  
忌禮簡不衣冠中舍肴饈美東林酒戒寬懸題看  
墨玆應合數文安

又

別院通幽徑蓬蒿媚晚烟累累瓜欲熟纂纂棗初  
懸高塔留孤砌荒臺剩一邊誰能感興廢吾樂取  
當前

又

晚興重移席西風露坐清未應林葉下忽有草蟲  
鳴白髮寧辭老蒼天故不情酒酣聊作達調笑恕  
狂生

又

殘照松杉斂傳呼車馬喧客歸分委巷僧入閉閒  
門大雅君堪託高名衆所尊還將問詩法卜日過  
前軒

工部稿卷十一

送雪潭法師赴南海

年少嚴持戒談經上法筵虔心皈大士結伴起秋  
疽海穩魚龍夜霜清鴻雁天音聞會精理好爲此  
方傳

送陸學士歸休

昔君在郎署悠悠三十春嘉遇起一朝立登要路  
津前程詎有極主恩方自新何當急流中忽爲  
勇退人白露塗廣野促織鳴清晨長行在此時携



手出城闌明知不可留感茲心所親

又

往昔亦有別祇覺今別悲昔別有還日今別無返  
時昔者年猶盛齒髮行已衰人命若朝霜修短誰  
爲期越水距燕山各在天一涯我思君不見君思  
我豈知何以無永懷幸有酒盈卮酒亦不盡行  
道空遲遲

又

有行念君遠長歎增余喟好爵豈不榮高名時所  
忌賜車懸東廂初服反薜荔朝尋道者游暮與

鄰人醉越中山水佳逍遙足肆志惟窮生惜時

時隱相思

袁烈女詩

杜少太史從女孫太史爲之徵詩因爲賦

桂樹不生棘嘉禾不作秀袁公節義門女子亦知  
守有身雖字人遲歸未成婦男死奔其喪衰麻甘  
蓬首服除生亦捐同穴迄無負處士耻工姓長往  
亦間有事出巾幗開大節尤堪取渠家太史公敘  
記推老手內舉寧避親乞言託不朽三歎感遺烈  
作詩報良友

過若公故居有感

禪房依舊在竹外掛當門空禮眞僧像誰酬居士  
言悲懷相向盡神理悵何存猶設香花供沙門見  
子孫

送王念詒定省歸浙中

常時一尊酒言笑交參差今日一尊酒中心愴欲  
悲尊酒豈不同所感在別離長年多苦懷况值落  
木時草蟲鳴嚶嚶四野涼風吹是我同心人舍我  
欲爲之臨岐強執手宛轉前致詞高堂情所戀有  
行誰能遲

又

工部稿卷十一

行路宜清秋游子趨庭幃尊酒未三巡別客換行  
衣君如雲中雁時至起高飛我如檻中猿焉能及  
爾歸已感明發心重惜故人違思鄉兼念故鄉往  
憎予非輕帆逐下水南向徒依依望君倏不見惆  
悵返荆扉

招陸義山徐勝力李公凱袁杜少蘇茂弘劉

文起賈青南盛鶴田小集鶴田有贈賦荅

行雲初斂見晴霞好友相期過我家氣爽茅堂堪  
命酒泥衝委巷各停車奕園對展窻前局秋色新  
開雨後花貽贈愧憐武林客直須說項遍京華

送陸學士山都兼寄張毅文則蓉湖汪東川

涼風颯颯動輕蘋一上河橋一愴神折柳生憎南  
去客揚帆不見北來人暮雲望斷吳江樹秋水愁  
牽越絕濱沿路憑君語諸子時清未合戀鄉尊

禹三過訪以他客在坐不入

草堂有客苦淹留辜負君來巷北頭門外堂前成

間澗誰言千里是光州

禹三新從  
光州來

讀少陵集偶成

風騷原大道作者託千春世共矜新唱吾猶愛古  
人情辭須自達刻畫易漓真問法少陵在遺編正

可親

工部稿卷十一

七

荅王松壑留別之作

大雅如君少風塵事孔多勞人倦趨走良覩悔蹉  
跎秋色懷前路離憂起贈歌相思寧異日先意感  
烟蘿

張毅文入都旋別去

有來曾不住一棹近江潯未解相思苦重驚惜別  
心兼葭秋欲半將侵把酒誰能醉寒蟲四  
壁吟

秋雨歎

夏雨雨多怒秋而雨多愁怒盛猶易解愁結何時

休上視不見天下視如泉流艱哉北門子輾轉屋  
西頭宿春非我有故衣歸人收萬卷斯在眼一飽  
焉能謀奮欲出門去及門旋復留仁祖今豈存司  
業風已倫裹飯非可望蒙袂欲何投室人有交謫  
聒耳徒啾啾吾饑未七日母爲昔賢羞

劉吏部筵上作

積雨連朝盛晴光向夕開垂紳佳客並度曲伎人  
來紅蠟明高燭香醪引巨杯劉生慷慨甚重覩漢  
庭才

又

工部稿卷十一

八

換羽重調管留懽更挽衣君情寧有盡吾醉合先  
歸月色近佳節螢光逗夕暉還妨前路滑緩駕返  
荆扉

送程禹門舍人假歸省親用襄州唱和韻

又挂輕帆向水濱緇衣空染帝京塵一身何事  
頻南北兩地關心是子臣後會有期那可定清秋  
作別歎方新年年寒上多歸雁莫惜附書與故人  
八月十四日江繕部約游南廠大士庵以雨  
失期

往來爭獻節三五重  
秋期問遣貧全廢  
招邀遠不辭  
綿綿遭苦雨  
滑滑阻深泥  
曲折禪關路  
休嫌到獨遲

又

雲黑失朝暮  
蕭蕭雨更催  
心食初地好  
人識舊官來  
余曾監單駕遲將及群公與盡回可憐遭泥飲  
雅意負追陪

中秋前一日蘇茂弘招同李公凱袁杜少閻

公度劉文起雅集值雨

中秋明夕是  
逐賞集吾曹  
陰雨朝難歇  
狂歌興轉豪

工部稿卷十一

孟行同引滿  
奕展各爭高  
何必今宵月  
尊前照

二毛

又

序逼良宵近  
雲深得月難  
應嫌光未滿  
不許客先看  
草閣聊圍坐  
佳肴好共餐  
直須費高燭  
隨分到更闌

又

節物饒經眼  
壺觴晚興新  
秋雲終不散  
天雨故留人  
好友寧同里  
交情共一真  
尋常思聚首  
况復值佳辰

中秋喜晴

向夕陰雲斂  
浮空月色幽  
人同賞佳節  
天與作中秋  
眼眩金波動  
身疑銀漢游  
增予興不淺  
嘯咏一登樓

又

已得天休雨  
重憐月有華  
清輝連九闕  
高唱起千家  
露下蟲吟好  
更深樹影斜  
壺中饒美酒  
獨酌興無涯

十六夜招浦副工盛鶴田曹渭符寓中小集

用少陵秋月仍圓夜爲韻

工部稿卷十一

八月甫旣望  
孰云非中秋  
團團蟾兔光  
依然在當頭  
晏賞已昨朝  
餘興未暇收  
撫景及茲時  
嘯咏呼同儔

又

良友入我門  
携手興勃勃  
更將前夕心  
還向今夕月  
圓魄正中天  
萬里光未歇  
何以貫清懽  
尊酒爲君發

又

今夕此何夕  
二八紀初興  
好客促一席  
有酒溲如澠  
露坐情自放  
高唱重相仍  
不分賞佳節  
獨以三

五稱

又

白髮誰獨長秋月也尚圓今我不爲樂來歲是何  
年牛渚徒一泛庾樓失重筵古人倘有知將母悔  
生前

又

明月生有常盈虛相代謝昨夜猶今宵來宵非今  
夜古游思秉燭况乃光堪借厭厭取醉歸君子無  
速駕

十七夜月下有感

工部稿卷十一

四序各有月月盛必秋時古今稱佳節晏賞恒于  
斯三五蟾兔滿二八蟾兔肥今夕甫隔夕光景來  
何遲仰首視中天厥魄已微虧萬戶聲寂然草蟲  
叫前墀盈虛固其常人情恒因之誰能永繁華當  
盈宜重持

和王琬湖秋日旅懷

秋老東籬菊欲花看花何事感年華饒憐紅紫商  
量放莫惜壺觴次第賒唱和依然留故友趨睂軒  
緩上官衙丈人自是經綸手未合清時苦憶家

買菊次勵令式韻

幽賞心同愛菊翁君家我舍一時共過君我擬披  
衣往訪我君須騎馬來囊誰尚能賒濁酒情况那  
惜破蒼苔只愁高車難得出入嚴關畫角催

對菊再次令式韻

彫盡群芳見菊開居停暫假亦須茂臨風乍覺寒  
香遠滿眼初看秋色來自喜過門無俗客有時高  
味坐荒苔賞心轉愛重陽近一任蕭蕭髮髮催

九日同張樸園徐勝力李公凱三學士賈青  
南員外蘇茂弘舒岷懷舍人劉文起大行舍

弟信公秀才各携酒肴集黑窑廠

工部稿卷十一

三

草樹三秋晚蒼黃變色新同人聊得九卽日未成  
旬訪勝過禪院登高強病身居然林壑趣何處有  
風塵

又

已覽雙林勝還過一水傍髮疑今日短菊似去年  
黃負性耽踈放群公恕醒狂長歌非孺子興發爲  
滄浪

又

促席依高岸溪流向客清傳食同會食進酒各稱  
名誰獨非朋友言仍弟兄興來思共泛只少一

舟橫

又

賞心隨節序放浪自當年不改儒生性皆逢官長  
賢黃蟲伏亂草鴻雁度高天斜日聞歌笑何曾簿  
領牽

又

涼風夕吹急遠嶺暮州凝刺酒沾輿隸攤錢施衲  
僧山川長不改日月通和明歲各强健重期此  
共登

九日書懷

工部稿卷十一

上

采擷黃花賸飛騰戲馬場衰憐行樂晚貧豈勝遊  
妨招約爭先出提携各有將無供余白晒亦得醉  
壺觴

又

亦謂遊不遠其如未得歸一貧從祿仕幾歲別親  
闈秋熟思收秋天寒想授衣今辰宜獻壽遙望寸  
心違

又

野曠心應遠良朝歎轉新年年仍故物歲歲異同  
人前歲與李渭清馮郭葉黃過半蘆花白欲勻所  
人方寅同飲于此

恩悲宛在渺渺馬州

又

趨走風塵內京華歲月深有遷終下吏無枉是初  
心節往身將老天寒病易侵茱萸宜挿髮種種不  
勝簪

呈馬大司農十二韻

今代論世濟如公信獨推智深謀自斷道廣用兼  
該魚水千秋合風雷一氣回共欽公輔器暫借度  
支才九賦適成式群僚仰妙裁上朝仍曳履對客  
更銜杯宅有山林致門無市井厄奇峰當戶出黃  
菊向人開嶽嶽懷邦直休休納衆材二天忻並戴  
一刺展初來樛散時何補支離心尚孩典型從此  
近努力効趨陪

江補齋通政新栽竹生笋和韻答左湘南

聞君新種竹生意發深根不獨添枝葉兼之長子  
孫繁聲亂疎雨翠色動清尊我有王猷癖相看欲  
過門

和同官金洪濤咏黑白鷄韻

形隨黑白分顏色氣託玄黃應化生飲食同蒙主  
人德五更各爲天下



又

成形有色雖分體具德無偏自共生夜半可憐風  
露冷扶桑喚出爲詳明

又

羽毛三百同依鳳高唱朝朝候日生何必輸羸綴  
金距自然黑白見分明

賦得老樹空庭得

貧窶易爲居隨寓託放宕晚賃京華宅屋屋如羅  
崙直庭一樹直綠徒匡當老樹挺其中塞門小  
屏臨喜爾爲我有蒼然覺神王栽植何年月交離

工部稿卷十一

七

莫名狀曲枝不中鉤長枝不中杖造物無檢束顏  
然以自放亦蒙日月照時與風雨抗桐椅尚不希  
槲棘焉足況余亦擁腫人奇服秉微尚蹇滯從一  
官有如牽陸舫乞米那得餘用物一無長晏坐託  
心齋嗒然忘得喪爾豈知爾形我自無我相以此  
痴僂身相配成交讓興至發長吟風氣日逾上有  
客來叩門謂是陶元亮就我麗參軍森森足共張  
隔牆過濁酒懽然雜漉浪少陵秦州寓老樹故相  
傍不知今有無遠道莫及訪樹古詩尚傳將無同  
此樣余本麋鹿性林大情所向寄舍比少陵吾志

亦足償借徑遠出樵材謝良匠樗散廢自存斧  
斤末相忘運會理之常榮落奚招悵孟冬十月交  
冰霜凝在望努力保歲寒及爾各無恙

題盤山圖并寄拙菴上人

我夢盤山已十年披圖如在萬山巔何時拄杖尋  
師去再証龐家居士禪

又

盤山岩壑寫同真馬老今來住後身他日相逢定  
相識笑余還作牧牛人

用馬大師懶  
安道老耆事

工部稿卷十一

七

叢碧山房詩卷之十一終

序

余少壯愛讀白陸之詩。眩景慕狀益癖嗜。每當  
佳節。恹鬱留春。莫解之際。一攤卷。心目曠怡。不異  
塵疴之去體。余齋僅三間。日眠食其中。欄榮下置  
柳。以衛餘地。二三笏種。鞠數本。室以內。無長物。贅  
絲。禪榻。風雨蕭然。几上白陸集在焉。此外白華。湯  
嚴二者而已。它書皆束度。高閣。卽陶淵明詩。亦不  
一寓眉睫也。淵明之詩。要當與一丘一壑者共之。  
若夫白陸之作。掉臂遊行。脫手都有。生趣多至數  
千百首。隨時卽事。無非快境。殆所謂近於道者與。

戶部稿田序

杜少陵詩。非不多。且深。其大致悲天憫人。雉噫鳳  
歎。憂思約帶。聲憤無慘。勢必苦吟。髭斷不免。於未  
陽之一夕。雖崛奇之氣。不以千載讓。人而餘類之。  
謂亦隨之說者。謂天寶之季。遭遇使然。王右丞生  
亦同時。僅傷心野煙一篇耳。詩之得于性情者。各  
異。遭遇非所論也。余之所以嗜白陸。蓋於詩外求  
之矣。雪崖先生之詩。其權輿未嘗不白少陵。入力  
厚而思沉。久之漸造平淡。無鏤金錯采之痕。而饒  
初日芙蓉之致。詩之多勝於白陸。茲以第四集示  
余。吹氣若蘭。弄驪取珠。斲輪匠心出之。以自然風

枿花落水散苑疎。不以當其快境也。雪崖臞羸。善  
病。然香掃地而坐。旬日不飮。病良已。人強之飲。不  
過蕉葉三合。吸萍湯。則十倍玉川。間與至棗花寺  
僧房對奕。日暮忘歸。恢諧嘲笑。似東戶。曼倩。郭舍  
人之流。再與之揚。花今古縱懸河之辯。聽者豁然。  
自是君身有異。骨世人。都得知其故。雪崖之謂也。  
余齋中白陸而外。又安置雪崖此卷。白陸篇章。實  
與余衰暮相宜。是以篤嗜之。雪崖兼香山劍南之  
妙得之。參悟而近於道。如伯牙學琴于成連。刺船  
至海上。披聲泊沒。山林杳冥。作水仙操也。余將以  
薔薇露浣手。並南華楞嚴。昕夕披讀。一過矣。濟南  
田雯誤。

戶部稿田序

叙

言心之聲也詩則出入風雅尤言之文者不根諸性情之正備興觀之旨又焉以詩爲余嘗持此論古人之詩竊自惟知識淺鄙未敢舉以示人亦不敢自以爲是同年任丘龐子以詩鳴海內者顧獨心許余說十數年以來相與切劘訂證益聞所未聞余乃稍稍自信及取龐子之詩徧讀之自朝堂之紀述家庭之詠懷以至交游贈答高會流連寓言託興于山水花鳥上下若干篇遇不一境詩不一格大要以發乎情止乎禮義言其所欲言與所

戶部稿李叙

一

不得不言而已求所謂牽率而苟作者無有焉乃知龐子之自爲詩與持論無殊指而至性勃發于君親兄弟朋友之間不汲汲于榮利而有以自守亦悠然遇之于其詩蓋詩之工不工由性情之正不正然性情非可比而同有龐子之性情而才足以濟之道足以貞之斯以有龐子之詩也今海內言詩者旣莫不以任丘爲宗後之人豈遂無稟溫柔敦厚之教自淑其性情者乎則龐子之詩之必傳無疑也余爲詩才力遠不逮龐子幸持論不刺謬而旦暮相見龐子又以其所自得者勗余不少

客余亦心折焉而信之更唱疊和實登良友茲龐子且出守閩中山水奧區足供高詠東南風雅之學其興矣乎余則俛俛何之殆不勝離羣索居之感也已故序其詩而並及之如此山陰年弟李鎧

戶部稿李叙

工

叙

波浸魚陂平野膏屯沃壤青交桂樹蒼巖葉簇香  
林縣借中郎之名才生顓邵臺有讀書之號字錯  
吾虞扁鵲以藥王流傳從知自古韓興作詩傳繼  
起於茲有人任丘雪崖龐先生者世繼山民文成  
宮樣書升桂榜早蹀躞於孝廉之船賦獻蓬萊更  
騰踏於木天之署名除 御筆共美爲 天子門  
生書紀前朝咸目爲千秋信史君子原知不器大  
才寧局一官所以調補紫薇之垣獨掌龍章鳳詔  
屢分尚書之署兼綜賅布竹頭竊謂視草或廢長

戶部稿吳叙

吟寧知趨府不妨高味稿分四部言成一家于以  
有叢碧山房之集也慨今詞宗滿地騷客如雲究  
其體裁誰爲大雅按其音節莫叶元聲兼之泛寫  
烟雲強牽花鳥偏盲自喜翻嫌雙目爲多謬語無  
倫莫覺通身是病搜難字僻事爲奧博何其性情  
誤淫詞俚語爲真切烏知禮義詩幾亡矣誰其正  
之先生明道立誠依經辨志義要情理之盡聖人  
復起而不以易其言景取耳目之前物象雜陳而  
各能極其致不勦襲漢魏而體全漢魏不持剝杜  
陵而神肖杜陵古調自彈陳言盡掃起沉迷之痼

疾允稱字裏金針回旣倒之狂瀾確是行間砥柱  
窮索莫盡其旨趣罕喻莫殫其形容洵堪作則千  
秋詎止起衰八代已哉僕風寒易水聊爲屠狗之  
歌石爛南山祇是飯牛之曲所幸居非異域生託  
同時瞻彼天樞星宿則高聯箕尾較其行輩庚甲  
則畧似楊桓明知夫正印單提宜求法器乃不乞  
名人作序下委狂生重承屬命花前率爾揮題卷  
首第慚鶴膝烏稻前播秕糠何異狐腋黃裘外緣  
麻桌飛蠅附驥願隨萬里之長途鑄佛鎔金用顯  
當前之法像北平後學吳穆鏡菴撰

戶部稿吳叙

二

卷一

乙亥京集詩五十七首

卷二

丙子京集詩九十首

卷三

丙子京集詩五十九首

卷四

丙子京集詩七十首

卷五

戶部稿目錄

丙子京集詩七十一首

卷六

丁丑京集詩八十六首

卷七

丁丑京集詩九十六首

卷八

丁丑京集詩九十二首

卷九

丁丑京集詩九十四首

卷十

戊寅京集詩五十七首

戶部稿目錄



叢碧山房詩集卷之一

戶部稿

任丘龐塏雪崖著

游寄園五首

見說園林勝追尋興頗饒居停纔隔舍地主舊同朝  
早有良朋約還承折簡招添衣防暴冷今日是

冬朝

是日  
立冬

又

幽徑憐初到相隨熟客來洞房移曲折山勢各崔嵬  
黃葉三秋盡寒花十月開天然林壑趣徐步共徘徊

又

臺背寒山翠樓當夕照明賞心隨處得烟景逐時更  
落木畱松色題牆認客名憑闌聞鶴唳何有世間情

又

徑轉得華閣清幽自一天書多寧計卷樹古不知年  
著述才難盡林栖惜此賢升沈感公昔世事總茫然

又

已覽林泉勝仍憐意氣真地偏容大隱天與作閒

人對酒歌兼嘯吟詩冬復春看君高臥好回首愧風塵

又贈趙恒夫司諫

身是蘭臺舊心同出世間去官寧脫屣買宅且爲山  
宇內誰非寄人生好是閒風塵將雨雪只有不相關

又

養閒同避地林臥不開關白口耽高味清尊發妙顏  
教童調野鶴移石補青山偏愛疎狂客披衣共往還

呈大司農陳說巖先生

分曹初就列束帶喜登龍加禮驚非分虛懷見有容  
拘牽慚吏俗沉痾笑書傭授帙看精義千秋仰正宗

承惠尊聞  
堂文集

又

未知陳仲舉入室想風期事業歸公望文章作世師  
逢迎無雜客獎藉有過辭不鄙經公節書紳益自持

題陳聖功爲一公書百花幃子歌

少年好道陳居士口不說法用手指名花種種筆

底開一莖一葉含生理冬歸天地同明藏百花宛  
在生公房入室紅紫驚人眼坐久依稀聞妙香生  
公指點問龐老園林錦錯長安道買花不惜傾金  
錢他花何似吾花好一花開後一花新當花誰解  
看花人南泉陸亘通消息他花是夢吾花真肯信  
繁華卽寂寞居士教外傳別學他花有落爲有開  
吾花無開亦無落

送葉存表辭官歸里

黎陽領多士古田宰專城學道多好懷所過有賢  
名一被明廷召分曹佐冬卿出入禁闥間星霜  
五度更富貴非其願泉石有夙盟稱疾解長組去  
就何其輕爭飛笑燕雀焉知鴻鵠情

又

馮公老郎署姓名傳千古當時巧宦人同爲草木  
腐葉子浙中傑守身不踰矩捷徑有多途儒行盛  
善價一官未能遷束身還鄉土軒冕何必貪樵漁  
以爲伍引泣笑馮公甚矣子之迂

又

爲儒良可厭處貧尤堪悲謁促郎曹間與馬無光  
輝不受中人憐頗遭輕薄嗤君爾我亦然我畱君

獨歸手攀金臺柳目極浙江湄勒絆脫纏縛君馬  
輕于飛棧豆戀餘秣我馬無乃痴

又

余畱非本心君歸亦余志胡爲感臨岐悲來不自  
閔滔滔眼前人好惡與余異蕭艾自言芳美服增  
多忌幸與子同心相將勵行義君去誰與鄰况當  
老將至有別卽今朝再晤擬何地瞻望一茫茫相  
思從此始

喜潔上人自揚州至力疾相陪

強起出深室相迎一笑開易生居士疾難得上人  
來遠路經風雪蔬盤佐茗盃法言真自妙神氣卽  
時回

紅蘭室主人風雅好士欲識余乃以館客朱  
贊皇來命之曰子行卽吾行也禮等先施則  
義宜往荅因作此詩並謝贊皇

士前王未肯將命託謙辭代造余何收賢勞子  
至斯貧居憐憫遠來憊愧支離此義焉能負承顏  
預作期

賈青南員外招陪冬省諸公飲寓中

東省盍簪會相招念老慵地分情未隔病在強顏

從不食過三日衝寒禁聲首冬黃花猶未落雪裏  
挺秋容

又

抱病增吾醜趨陪興轉長冬溫花更發釀熟酒初

香座上看華饌言中見老狂時方禁食而談甚三壯諸公怪之故云

年風雨意情好正難忘

同袁杜少過聖安寺與雪塢一覺閒話

忽有尋僧興還偕好友過懶朝暉自放扶病奈余

何雪裏饑鳥聚林中午磬和入門憐二妙相對笑

言多

戶部稿卷一

又

方丈幽仍密誰知十月寒漬梅醉俗客一公以酒浸楊梅食

余遂至大醉煮菌飽僧食久向空門靜深經世路難

老親須祿養未合捨微官

袁士旦入京值余病袁亦旋病作此奉東

相尋各未值相問病還同居豈山河阻情增離別

中重陰連日雪寒吹一天風稍待新晴熟期君過

巷東

李公凱過寓相訊

室遠貧兼病朝寒雨雪多交深垂有念日暮更相

過休食嫌非法防勞緩放歌情辭餘鄭重此意感  
如何

李公凱筵上戲作

時辟穀數日力疾以出

每聞招約喜津津癖性嗤余太不倫眾裏專能開

笑口筵前慣作看食人黃花有色香堪賞綠茗無

醺分可親憑取諸君休問馬家養一馬已賣去厭亡誰信

大夫貧

買竹行爲韓戶部賦

衆人買花君買竹亂插居停學空谷白日長懸風

雨聲晴窓遙借滿湘緣竹名君子直中規花如美

戶部稿卷一

六

女奴多姿世人好色不好德歲寒相保屬阿誰雪

後朔風怒如吼煖寒恰熟黃脂酒邀我嘗酒兼看

竹滿院青青得未有君不見太山之松凌高空用

爲梁棟成楚宮良匠採竹伐其柯縛結爲亭功略

同又不見嶧陽之桐長千尋斲爲琴瑟揚古音良

工截竹鏤作管吹之亦解學龍吟虛心苦節非無

用美名久被風人誦知君買栽有深情春華易老

何當重余亦愛竹勝愛花癖較王猷增倍除老興

狂發懶不待相看日日過君家

呈勤郡王二首

天潢今貴胄大雅古賢王好學心常下崇儒勢盡  
忘非才仍右坐設酒得先將寵遇思枚叟情文擬  
更長

又

西京文學盛司馬獨稱雄獻賦武皇側陪遊梁苑  
中斯人何敢望所遇竟相同未授尊前簡哀遲忽  
老翁

同人集崇效寺金素菴同李公凱就訪于禪  
室因畱共飲

戶部稿卷一

七

偶爲逃禪出良朋引客來支離慚就面樗散擬何  
才且共羣公飲聊斟小市醅應知不返棄賸踏亂  
塵回

蘇茂弘見惠宣木瓜賦謝

問名以瓜著不與蔓生倫妙絕南州產偏貽北地  
人香堪蘭蕙並色借卷書勻對爾懷嘉德晨昏佳  
共親

謝毛煥文惠木瓜

好我情偏重傾筐喜不休豈能瓊玖報忽有木瓜  
投正色堪幽賞芳香耐久畱相憐如素友長對  
西頭

同人過崇效寺和公凱學士

乘興擬何處香林不厭重騎行諳曲徑客到及齋  
鐘童子掃殘雪山含暉古松無妨載尊酒老衲故  
相容

又

識面來新客忘形有故人畱連移白日潦到笑言  
身問法生原妄銜盃樂足與談空兼說鬼送難往  
來頻

西閣晚眺

戶部稿卷一

八

縱目高樓上幽奇一眺間斜陽薰遠樹積翠擁寒  
山勝地堪長住浮生不自明早朝同待漏促駕出  
禪關

咏木瓜

尚是筐中物名偏著國風禁寒聊自異不食將無  
同蘭室聞先辨金盤望若空離離映黃髮喜絕阿  
家翁

本朝家法善于前代宗藩既盛且賢亦復

過之偶閱紅蘭詩附題于後

漢代盛宗藩大賢曰獻王令問擅千秋史冊紀尤  
詳我朝家法正諸王盡才良側聞紅蘭美克

紹河間芳被服自儒雅舉動欽典常細函擁百城  
珠玉煥詞章王前容傲士謙尊道彌光白法具辯  
才大僧不敢當三嘆披瑤草風雅仰托揚麟角振  
公族翊運贊我皇

東耿又文

風雨生增問濶多移來新舍喜如何門通委巷  
西近人擬披衣朝暮過濁酒能除消末夜老懷欲  
放倚長歌同心相見且爲樂歲晚流光等逝波

穆雲壑見訪闕展待賦感

有客問柴荆披衣將出迎經過疑錯誤潦倒豈才

戶部雅卷一

九

名忽得新知樂偏無濁酒傾好懷言未盡吹角動

高城

送虞武通歸

嚴冬建子月前路若爲行正值苦寒候難爲長別  
情歌憎離曲短日畏夕陽橫老去憐朋友何時更

北征

相招毛煥文岑青巖盛鶴田程高三何公權

陪張樸園學士崇效寺看梅花寓中飲酣遂

不果行

過門擬赴香林約高駕情經白紙坊有酒見同文

字飲看花何必老僧房心存古道渾忘貴語雜齋  
諧不厭狂取次分題畱雅味翻憐勝事在茅堂

又

一堂舊好及新知談笑謹然忘所之寧以看花傷

歲暮且圖酌酒話心期盤食味薄誰堪飽雨雪朝

寒坐莫辭樂事無方隨興會放懷何地不相宜

和田綸霞侍郎同龍石樓比部晚飲寓中

德州酒美許人嘗佐酒新詩老蜀薑別有風疎喜

司寇僑居渾似水雲鄉

又

戶部雅卷一

十

樂句纔分喚奈何龍郎音律叶陽阿龍有斐花只  
夢傳奇

嫌家伎無新調不遣參軍教唱歌

又

飲酒賦詩重待旦精神意氣老偏增學君小作三

更坐趨府人催病莫興

過雪公丈室看梅喜孫靜紫舍人至彈琴茶

話

至後陽生春欲侵看花又復到香林寒梅不改枝

問色白髮空驚歲暮心千里忽憐來故友三年重

此聽清琴流連未盡尊前話松柏蒼蒼落夕陰



金素菴携具出城邀同李公凱袁杜少過崇  
效寺看梅花

聞有梅花發招尋古寺西途長輕雨雪家儉費提  
携春色三冬見懽心四座齊深情兼勝賞即事有  
新題

又

好事佳公子風流別有情看花借僧舍就客出層  
城饌喜蒸狔美盃憐漉酒清開懷同一醉頓覺病  
身輕

樸園前輩過寓同信公弟小飲

戶部稿卷一

滿庭寒色晚蒼蒼知己重來問草堂倒屣將迎旋  
入戶拋書一笑各登牀室無俗物覺神爽案有情  
尊引話長僑寓相連會不遠沙平月皎醉何妨

雪上人招同袁杜少陳義馭看花鍾立園携

奕具至流連抵暮

舊歲將闌新歲催喜探春信到香臺卽拚白髮連  
朝病忍負梅花一度開老衲早期燒笋待故人前  
駕載棋來放懷合是蕭閒地日暝鴉栖未忍回

紅蘭室公譙詩得魚字

公子敬愛客一往情有餘吉日叶良辰張樂臨玉

除官梅照臘酒金盤高華疏饌至不待供盃行誰  
當徐興發唱高言得意爭疾書諸賓誦有臺主人  
歌嘉魚一日足千秋其樂洵只且

又

公子敬愛客終晏情相於揆藻逞上才雅雅何魚  
魚王猶陳思王諸子乃應徐風流各一時誰云个  
不如自我忝嘉招吐詞非璠璣深感 公子眷深  
荷公子興懽樂寧有極城闕限室廬晚吹起譙樓  
斜日獨愁余

送閻公度大行 願詔江西

戶部稿卷一

江西周道遠四壯動雅歌殘臘筵前盡新年馬上  
過人烟隨處異春色向南多良友蔬盤會相思奈  
子何

又

解網商王意獨和漢主心 天書三殿降恩澤九  
江深春逐前旌轉星占使者臨茲游良足壯寧爲  
橐中金

又

宣贊禮文畢如歸賓館開懽聲萬戶滿晏賞百花  
催膝際今無恙閻公此再來登臨能作賦不借子

安才

賦送劉文起大行頒 詔浙中便道省母

雨雪歲云暮賢勞念此行馳驅顧周道慷慨得劉  
生越絕山川古 天書日月明有蠲逋補助肆赦  
著寬平拜下官僚色懽呼士女聲回風初上草出  
谷已遠鶯返駕輶軒順經過淮水清望門童稚笑  
獻壽綵衣輕將母區 王事征途展子情誰歌北  
山什千載荷恩榮

愁歌

愁奈何今奈何愁歲月苦去客苦留臘風賈勇聲  
颼颼誰謂雨雪不寒而典敝裘瞻望庭幃腸如抽  
洗腆莫致人子羞仕宦不如牽車牛安得烏鳥借  
羽翼躬耕供職依林丘

又

奈何愁今愁奈何歲月逝矣如流波黑髮漸少  
髮多胡不朝飲美酒而暮酣歌仕無中人空蹉跎  
茹葷果腹生計訛爆竹弗驚山鬼過憤發拔劍舍  
此去歸途自阻非江河

除夕書懷用王珣湖韻

三百流光歲又除臨朝重接小兒書愁同令節貧

無賴喜說高堂健有餘柏酒好拚今夕醉辛盤且  
食故園蔬畏寒偏得春光早綵仗迎歸元旦初

又

桃符處處映斜暉爆竹聲聲送臘歸作我門庭甘  
落寞何人裘馬最輕肥百難也得今宵過一拙寧  
知在計非禮簡不逢官長怒誰言古道近全稀

叢碧山房詩集卷之二

戶部稿

任丘龐塏雪崖著

元旦早朝

是日立春

城邊燈火映天紅  
朝正衣冠待漏同  
鷄唱纔停魚鑰啓  
九關春色一齊通

又

儀衛森森夾仗齊  
曉星落盡起鴉啼  
和風拂面知春至  
片片宮旗皆向西

又

班聯咫尺覲天威  
金殿中間正衮衣  
風嫋爐烟輕不散  
日華映作彩霞飛

又

一官屢改總朝班  
十八年來禁闥間  
共說分符期漸近  
知從何處望龍顏

新正三日招徐華隱李公凱王瑁湖袁杜少

龍石樓集寓中用瑁湖韻

新正晏賞各紛紛  
東鄰賒酒呼馬軍  
餘幾故人同老大  
忍逢令節猶離羣  
一笑一談饒相得  
是實定主誰從分  
莫論吾曹當乘興  
衢歌巷鼓夜深聞

又

今日誰思來日難  
家貧聊可供蔬盤  
一春行樂當前好  
半老餘生尚自寬  
況有弟兄同雅集  
且從斟酌賞清權  
相酬相勸無妨醉  
各說連朝不入官

初五日同人集瑁湖宅用前韻

五日纔過兩歲分  
追陪又喜接同羣  
賓筵潦倒惟居士  
地主風流自右軍  
座上曾無添雜客  
談中適意說新聞  
盈盈尊酒厭厭夜  
未許歸時不醉醺

又

已喜前朝共菜盤  
又從今日續新歡  
狂來不禁歌聲放  
興起寧辭酒盞寬  
新月如弓隨白兔  
春燈似錦上朱闌  
周廻莫厭連宵會  
一過元宵公暇難

張樸園學士携具相過

感遇曲江最有才  
佳辰相念正徘徊  
開厨莫辨先生饌  
載酒翻斟地主盃  
庭際白光初上月  
枝頭紅暈已驚梅  
同心自覺言難盡  
漏下三更未許回

初九日宛平相國招飲怡園紀興

是夕大張燈具並試

花火極一時之盛

才微道薄曾無取  
丞相休休故有容  
一往情深來折簡  
臨期更約早相從

又

宣武門南別墅開蒼松翠竹隱亭臺峰回路轉依  
稀記十五年前此到來

辛酉公以入司馬家居召飲于此

又

常從闕下瞻顏色未敢懷私學掃門今日尊前  
親教誨鄉情師誼兩承恩

又

家世龍門比未如帳前問業愧空疎衆中率爾先  
開口乞得青箱太史書

青箱堂文集公父文貞公所著

又

梨園子弟趨前陳綺席東西列衆賓上座不中多

馬齒竟將先酌酌鄉人

又

初筵纔罷引經過仄徑橫橋度澗阿列炬山頭接  
山下朝光輸與夜光多

又

亭亭繡帶雙竿起累累驪珠五色連仰面游人看  
不了火城更在閣東邊

閣前豎竿綴雜色燈如傘大東邊臺上亦綴無數

又

寶匣藏奇待發機笙簫細引火毬飛迷離變現驚  
人狼蜃氣樓臺是也非

閣下架盆子燈舉火則俗人奏樂

又

爆竹銀花併作堆候人把火待時開西山頂上縱  
金鼓掣電奔雷

二雲來關西雜聚炮火轟天而起山頭鳴金以助其勢

又

出賓移席興偏豪新月沈沈夜色高宛轉歌聲聽  
不盡獻酬無乃相公勞

又

不到公堂未識春東風過眼欲成句花燈烟火重  
重見始覺元宵太逼人

又

光調玉燭何人事黃髮番番有少顏長願太平託  
行樂併將醉飽頌南山

韻

初十日同人集杜少寓遲龍石樓不至用前  
十日春風節氣分袁生折簡意慇懃歲時有賞先  
正月賓主更爲只數君美景易過寧避酒同心相  
對好論文到來不見西曹客回首時時盼夕曛

又

當年獻歲此長安笑語叢叢四座譴往事難追同  
夕夢幾人猶在共春盤仍防去住情先戀每得逢

迎意倍寬聞說伯高期晚駕添燈遲坐到更闌

雪上人筵上同袁杜少懷李渭前侍讀用鍾

立園韻

古寺經過一向頻此來偏感物華新青絲細縷猶生菜白朶傳香只探春事往空懷客姓李朝歸猶憶日名人同時故友袁生在說到東山共怡神

元夕前一日同人集公凱寓用前韻

期會前朝憶李君故人相晤不嫌勤登筵可待三回速對局旋看兩路分我短無妨呼主簿公髯亦合號參軍手談角勝仍兼口調笑哄堂時一聞

又

一度相逢一度懽三終百拜禮全寬花燈已足堂中賞火樹還從堦下看那可良宵虛好會休將故土視長安宦成他日分途去總有相思欲見難

元夕赴蘇茂弘舍人招

踏賞寧違俗良游興頗饒百年今白髮一歲此元宵正擬隨人出還承置酒招入門看勝友言笑雜相調

又

乘興尋常過招邀那不來春燈明草閣露酒出家

酌賞最今宵勝懽同笑口開金吾寬夜禁爛醉任扶回

又

逃禪說蘇晉奉佛笑龐公有酒兩人共添年一歲同余與蘇俱庚辰生笙簫盈耳入花火映顏紅此夜焉能負狂歌月正中

十六夜煮茗招雪塢弘慈兩上人陳聖功居士寓中閒話

踏賞爭今夕衰慵笑此翁焉能走橋上只合話房中已約山僧至還期居士同天明祝烟火一法會

真空

十八日彭羨門袁杜少王珥湖龍石樓同集華隱宅中李公凱不赴用前韻

一過元宵兩夜分延懽置酒感徐君訂盟白社誰仍在丁巳慈仁寺盟二獻賦金門幾共羣名試年五十

見在惟他日流年同逝水人間萬事等浮雲李郎有底偏成阻欲問傷心不忍聞

又

花燈不卸更邀懽踏賞雖過興未闌杯酒可能回節序弟兄姑作小團圓山公晤語方增暢李嶠辭



羣信足嘆同氣相關亦相感人間哀樂本無端李

燕九戲白雲觀游人

元宵已罷賞燕九續爲名狂興朝難歇仙宮託此行  
柏觴携剩酒花鼓打殘聲但見冶游者歸來塵滿纓

又

婪尾新正會游人趨入白雲仙人難可見道士總  
成羣士女行相雜歌呼亂不分相逢問佳賞此外更無聞

同人集飲寓中補和杜少韻

春光入歲已三朝獻節稱觴帝里饒尊有香醪  
堪共醉座無佳客爲誰驕不才取用申先敬同輩還訂接次招流轉直須到元夕踏燈隨分走長橋

孔東塘過寓

獨處甘違俗攤書取自娛相憐懷古道偏肯近狂  
夫狗忌何知有深談得所無公餘迭來往吾德未

云孤

題許氏二女貞節傳後

女子懷貞自足稱饒憐義烈出同生兩間正氣長

流轉信合夷齊有弟兄

廿四日同人集龍石樓寓中有懷公凱用前韻

一月逢迎好會勤椒盤婪尾又過君筵仍故客連  
翩至詩川前題取次分偏得舍人來送酒蘇茂弘爲龍送  
至露直憐李白不同羣遲遲春晝消閒話外事無  
關那欲聞

又

明燈移席重般桓草閣春溫乍脫冠情熱寧知拘  
禮數官貧太覺費盤餐生憎有客成多阻相憶當  
杯減片懽憑語淮南李供奉中年悲慟強須寬

填倉日過舒屺懷爲招茂弘同飲

偶來相訪過門東畱客重招好友同取次圍棋聊  
作戲尋常辦飯底須豐未週五日猶正月尚緩三  
年喚老翁古者六十稱翁余五十七春色方新筋力在狂歌叫  
酒興何窮

黃自先過寓畱詩爲贈用和元韻

纔向袁閤客舍回高車重過草堂來論交尚有同  
心在把酒還堪笑口開春色一分看欲盡生涯雙  
鬢苦相催將期富貴需何日樗散由身任不材

又

官閒地僻足徘徊一室懽然兄弟陪弟重相見猶

嫌今日晚言歸那許小童催梅花半放看尤好良

友同時招不來邀蘇茂弘孔偏喜多情黃叔度贈

詩敏捷出心裁

是日東塘晚至飲間爲述時論有感成詩用

白先韻

板度纔歸文舉來烏皮几在更傳杯直憐佳士不

同坐尚有梅花相向開得句惟尋南里客無金那

溷濟時才紛紛裘馬誇先路我輩爲官亦可哀

送左司農阮亭先生奉命祭華嶽江濱

迢迢使節出皇州秦蜀山川亦壯游翠峯如蓮

開嶽色春濤似箭瀉江流輶軒道折旌旗轉竒壘

青歸草樹幽自有精誠通帝意靈風遙識百神

柔

聞公聞余疾携果走訊賦感並謝

關心居士疾問訊到山房杖携珍果開函領妙

香離離分異色種種取先嘗食罷增禪悅深情安

可忘

鍾立園招同袁杜少何公權譙集聽歌

居憐同巷近人喜素心饒每作披衣往何須折簡

招徵歌諸象管剪綵應花朝莫說春愁劇春愁已

暗消

東訊袁士旦疾

一往安儒素經年祇苦吟生應歸有數語莫太傷

心袁筆屬詩集及子見災難減吾知天可證待君

起牀席楊挖分堪任

題蔣波澄小像

西風吹高梧葉葉動秋色樹下科頭人是我新相

識

荅程姬田自泰州有寄

去歲同君別驚心又此辰風光如不隔花鳥自相

親豈復無尊酒偏憐少故人雲中來寄扎讀罷轉

傷神

又

相思終不解相見定何由載酒休乘興看花只益

愁流年成老態多病感同儔佛閣分通處生憎到

上頭

又

牢落京華客逢春獨爾思風塵多難日雲樹兩難

時有贈方形管聖寄大申章託妙詩何當重命駕  
連榻話相思

張肅昭過寓劉捷五益侯不期而來共談抵

暮

有來各不速倉卒笑何如榻畔看花樹厨中煮鯉  
魚春逢今日好話引數年餘相送蓬門外斜陽宛  
欲徂

挽陳孺人李公凱學  
士冢婦也

住世年方富爲災悼彼妹回生無善藥歸櫬有長  
途痛哭憐嬌女沉疴念老姑腹悲知不免魂慘逐

戶部稿卷二

十一

啼鳥

又

列女誰堪傳閨中賢是真百難先自任一味不私  
身正值懸燈夜翻成薤露晨斯人邁斯疾吾欲問

明神

又

老姑病未起家務託堂舅大孝聞人說憐勞與婢  
同百年身未半一疾數先窮欲紀言難盡含毫落  
照中

又

嘆逝因賢淑交親亦慘顏嬌兒未成立故國失生  
還魂怯桃花水身埋馬鬣山不知長舌婦多少在  
人間

又

乃公故好客新婦善持家蓄酒供傾倒傳食辦咄  
嗟云以傷子舍有唁感春華嘆息爲君挽哀音動  
柳車

依韻答何公權留別之作

老懷難寂寞須子共相依勝地每偕往狂言用不  
違逢春翻作別前路未成歸攜手臨中野真疑吾

戶部稿卷二

十一

道非

贈別李漸航偕何公權赴江浦

李子自南來遇我何殷勤有贈辱高言情至自成  
文往來共杯酒快論廣所聞州花二月佳百卉爭  
芳芬遊賞宜此時胡爲返江濱何子吾所畏挾藻  
屬天雲共濟託一舟好士喜同羣新知詎可別舊  
好重當分攀柳不忍折佇立盼斜曛

慷慨歌謝雪塢借羸

問家之富數馬對馬少猶堪以驪代誰爲有家兩  
俱無欲買囊慳價滋倍囊慳價倍可奈何龐公竟

陳雪公慨雪公有驟青其聰腕促蹄高勇且駢許  
我牽來服革車不惜神駿真割愛犬馬微忱藉小  
償古道于今喜猶在君不見寒士糝藜腸不充豪  
家魚肉生蛆蟲安得天下朋友皆如雪公者相通  
有無誰困窮

過孔東塘留飲蔣玉淵適至同聽樊生彈阮

喜賦

乘暇偶相訪春光引興深沿堦上青草別院過鳴  
禽人好憐新識絃清愛古音何當損肴酒情至起  
高吟

戶部稿卷二  
花前短歌

草堂昨日梅花開主人看梅日銜杯草堂今日梅  
花落別置梅花看桃萼賞心原自因花移有花莫  
悵花開遲獨不見四序無言成功退人間富貴各  
一時

陳求夏過訪留同何公權飲花下

昨日已相見重來問草堂君情真款命吾懶信荒  
唐正值桃花放兼之春酒香且畱同小飲談笑有  
何郎

又

杜老吾何敢頗同一往情樹從前歲乞花又此時  
榮杜有乞桃栽詩沽酒慚佳味論詩畏後生書堂  
差不遠落日莫相驚

內人韓隨余官京師感值暮春有懷 公姥  
製衣及拜寄獻不能致詞索爲代賦爲擬樂  
府二章

采藍染絲織作紵色合東方應時序風和日暖三  
月中脫綿易袂思 阿翁歲歲春衣新婦寄裁縫  
尺寸心能記長短遙知可 翁身願 翁衣着四  
體康強過百春 右春衣曲

又

碾玉花盤金縷絲合製爲簪光陸離停梳臨鏡不  
忍施忽憶奩前侍粧時 慈容一別三春久何以  
遺之高堂壽珍重雙簪遠寄將千包萬裏新婦手  
新婦手獻 阿姆白玉不磷黃金堅方金等玉同  
天年 右金玉簪曲

花前放歌徐華隱李公凱袁杜少賈青南李  
東序同飲寓中作

一百五日東風催吹我草堂桃花開佳辰又憐今  
日過桃花還憶去年栽好花照眼宜飲酒高駕連

翻來好友相畱偏感意氣真市脯未嫌供其醜去  
年今日逝不可追來年今日遠寧可期今年今日  
賞友可遲名園華席始堪樂吾生富貴須有時他  
時富貴當如何斗量黃金大馬馱東皇不賣春風  
返西山日薄悲情多何如卽時一杯花前醉放懷  
拍手同高歌

賈青南員外招同左湘南喬德園李葉封飲  
花下

昨日邀君爲看花看花今又過君家連日花前罄  
幽賞春來樂事何其賒佳客重招喬與左舊是同  
官能好我更喜李生桑梓來殷殷道故促膝坐人  
逢知己花當辰色香意氣同精神啼鶯繞檻似相  
勸杯行到手誰遑巡疎慵頗得曹務簡署裏朝朝  
支手板明知捷徑不敢由見說名花卽開眼多君  
花樹連行栽紅白還應相次開情熟那須勞折簡  
但報開時能自來

賦得上巳日爲清明節和王瑁胡韻

春服朝初易佳辰此合併流觴原上已插柳卽清  
明出郭聊隨俗尋花不指名忽看人祭掃悵然  
園情

又

祓除傳故事賜火著佳譚卽日節相並良游興可  
參青帘招飲客午磬出禪龕花柳城南勝還拚盡  
日探

同東塘飲花下

山閣桃紅又放花烏皮几畔數枝斜懶朝竟日今  
相對畱客非時酒更除春色眼前真可惜浮名身  
外有何加笑談未罄催歸騎啞啞投林惱暮鴉

和瑁胡花前感懷之作

無數啼禽向曙天千門榆火散晴烟驚心白髮逢  
新節弄色桃花似去年中酒儘拚連日病遊惟偏  
少一囊錢故人隔巷不相見來往猶憐有和篇

蔣玉淵相晤京師時年過古稀有二矣自稱  
十二齡童子索贈爲賦三絕句

老馬爲駒合有然古稀童子語非顛試開鳳曆從  
頭看庚甲分明十二年

又

斷除花甲計盈餘童子居然齒髮疎十二布衣若  
莫笑勝他七歲作尚書

又



花甲已過寧更數流年一紀算新週成童自命休  
相笑老子生來是白頭

東鼎望

春事行將晚春愁黯不消有思非室遠莫往嘆人  
遙樹底飛蟲亂溪邊蔓草驕題詩圖自遣吟罷益  
無聊

同徐華隱李公凱袁杜少龍改菴飲瑁湖寓  
中得庚青字

林際日初晴尊中酒復清周旋無俗客調笑暢幽  
情樹底山蜂亂階前好鳥鳴興來思雅味倚和有  
同聲

戶部稿卷二

七

又

幽居妙成趣好友喜忘形花放垂簷朵松分別院  
青流光驚物變時事怪人聽只有堪同醉斜陽又  
欲冥

過弘上人院探海棠

自笑疎狂老部郎春來只有看花忙山桃結子下  
香晚又向慈仁問海棠

妙光閣花間作並東靜上人

香林春色好無伴亦須來雜樹縱橫列繁花向背

開山蜂喧不息戲蝶過仍回禪客吾相識清談佐  
茗杯

署中偶成

會計司農署邊荒西粵封入公稀簿領退食信從  
容愛懶情相得非才職可供步趨大賢後仰止愧  
高踪

慈仁寺看海棠歌 鍾立園招也是日同李  
公凱袁杜少蘇茂弘李東序陳義馭王介叙  
鍾命家童吹彈佐酒權飲至暮興至成歌

百花爭春各自媚惟有海棠妙且麗冶游趨賞競

戶部稿卷二

六

茲農車輿蹴踏慈仁寺南鄰鍾子美且思興豪載  
酒依香臺不厭老狂招伴侶昨日今日同追陪略  
存揖讓分賓主彈絲品竹移宮羽歌者有聲花有  
情搖紅漾綠爲我舞此時爲樂不可支銀船散打  
誰能辭呼取長繩繫白日休令金烏還西馳花亦  
不復落客亦不復散笑口同開芳樹間我是真仙  
語非誕誰爲局促長殷憂朱旛翠節何風流高馬  
鳴駝吾將往捷徑恐爲前賢羞浮名我何有百年  
已白首東家開士情孔多從知醉翁不在酒明日  
花前張素筵諸君有興能來否

弘上人相  
訂再遇

憶家園丁香適有以此花送予者感而賦此  
手種丁香好當階一樹斜長離經節序相憶感他  
花多病應先老狂游豈忘家何時依草閣對雨泛  
流霞

數過慈仁寺頃復有舒吧懷舍人之約賦以

解嘲

退食不歸舍看花信所之雖成託勞吏未忍負春  
時約賞偏逢友經過定有詩熟來海棠院童子笑  
狂痴

弘上人招同袁杜少中允杜坦如侍御雪搗

戶部稿卷二

十九

法師齋筵看花

屢過興逾新茲會良非偶上人善交游招邀盡賢  
友頗憐方丈幽豁達闔戶隔海棠正及時紅芳映  
左右風光本無私賞心隨所取不謂慈仁春連朝  
爲我有露茗味自佳何必在杯酒况乃法喜食舉  
筋同一飽新知樂孔嘉故交情彌厚四美幸合併  
曠色惜分手

哭袁士旦

眼底滔滔者於君哭轉哀將無堪一死獨用葉多  
材千古且休論皇天自可猜遭逢有如此志士恐

心灰

又

往往論風雅人中獨許君高名終處士他日感斯  
文四體居然在長呼竟不聞流傳檢遺稿腸痛欲  
奚云

又

一死從單外家鄉遠豈知故人哭君日妻子望歸  
時客久消金錯囊垂直卷詩棺余感王子暴露免  
增悲

勤郡王捐金  
三十棺余始備

又

戶部稿卷二

二十

視疾前朝過談言倚牖東別離憐愛罨勞苦念家  
僅力疾呼書札含悲託老翁袁手書以罨  
與僕相託此情那  
可負永矢寸心中

又

君卿傳故事李子名允春  
宣城人宜尤真久病常供藥云  
公有殯身今時見朋友古道感同人更說秋風後  
歸骸兩水濱

裴碧山房詩集卷之三

戶部穆

任丘麗壇雪崖落

答劉仰山讀余詩集見贈之作

性癖耽聲韻狂吟老不休何堪語風雅聊用遣窮愁  
知已偏相賞高言辱見投長城真可畏家法自隨州

題勤郡王爲朱贊皇畫扇頭蛺蝶

共說當年蛺蝶圖大家點染自然殊前王恨不今王見  
一種風流似此無

唐滕王有蛺蝶圖

劉仰山招同諸人飲寓中分賦得七言近體

戶部稿卷三

雨聲不斷曉風橫有約前期憶長卿樂淵池衣蓋

可着衝泥羸馬尚堪行論心已恨相逢晚對酒仍

牽欲別情

時劉將赴行唐任

他日之官南路去雲山同許

限層城

常煉師觀中看牡丹歸東諸同人

牡丹長羣卉天表挺碩姿京華稱難得園圖稀所

窺飽聞常羽士百本樹仙墀同人易止觀選日許

追隨商量持不央瓊芳半已萎興起聊獨往數朵

猶在枝天韶悅人目暗香徐相吹物少以爲貴晚

發良足奇羽士解余意鄭重供茶罷隨緣自成趣

託賞方在茲寄語諸君子爲樂無前期

顧敬亭以懷古閣詩選見委作序余喜其律

法堅老得古人之意賦贈二首

相尚矜風雅如君詩信稀時名誰最重古道我知歸  
意取詞能達才將法不違余文愧元晏偏許藉餘輝

又

開卷神俱爽長吟夜忘疲定文余豈敢道善意難私  
理熟精文選聲真似楚詞爭新取佳句千古欲誰期

戶部稿卷三

送鍾青藜歸

寄寓依同巷披衣屢過門交親緣世好道在引淵

源

鍾從何公權受業

此別何時見相携更一言致身有書

卷年力正堪論

集崇效寺看新綠應勤郡王啟

雅集來初地微風盪白雲繁花紅已盡雜樹翠難

分惠遠酒長戒陳王詩不羣追隨應阮後吟罷欲

斜曛

奉和李公凱豐臺看花待余不至之作

幽尋誰首倡山郭不同行自阻看花興走煩叩友

情詩吟紅藥句棋冷奕秋枰悵望懷佳賞過時嘆未平

又

不爲銀鞍少寧艱數里程花宜初過雨鳥喜晚來晴善病憎厯老能詩信李生把吟過夜半有悔負深情

賈青南招同豐臺看芍藥有作

四月行欲盡炎景益舒遲年年芍藥花開放必此時駕言適豐臺良友同追隨此鄉不種禾菽花爲生資園圃大相隣紅紫交參差選勝班吾荆羅列出有厄停雲爲我蓋雜樹爲我帷野處多放言時時一解頤何必臨華屋清歌雜管絲

又

野飲興自豪况乃萬花園紅紫如有情綽約揚奇姿墻邊兩高塚借問君爲誰生平看花眼焉能展一窺顧此令人畏不樂欲何爲往者吾不問來者吾不知當前獨奈何白日行西馳好鳥鳴我側美酒瀉我厄狂歌同一放痛飲誰復醉曠懷感千秋稽阮猶可師

招閭公度舒紀懷賈青南蘇茂弘過寓小飲

茂弘不至

時自九月西差回

去時乘臘雪歸日及端陽欲續同人會還開蒲葉觴經過說聞見念別感流光蘇晉門空掩逃禪興獨長

徐勝力養疾僧舍時有殤孫之痛並致唁慰近聞徐學士養疾贊公房憂國形先瘁憐孫痛轉長療除無國手解脫有空王君側須黃髮將哀勿過傷

又

娛老惟孫子哀殤病又牽恩情君忍割聰慧我猶憐生死無常法悲懼有夙緣心空休問業諸症及時痊

又

太上誠難及鍾情獨奈何病憐今日減悲忌晚年多強食卽良藥觀空斷愛河笑談取相慰來往數經過

徐勝力于崇效寺設席爲汪東川沈塵招同人及雪法師相陪

徐公意氣老逾新江子風流衆所親開譙軒依精舍招陪適及故時人十千酒美寧辭醉五月花

開別有春俱是同心聯好會笑言何處不情真

又

東林社集可憐人學士情多強病身別設清齋爲  
惠遠新來嗜酒許汪倫叢篁山檻籜初解園杏登  
盤黃乍勻大笑狂歌誰道晚高槐倒影過東隣

阿眉哀詞

徐華隱之孫  
幼安之子

徐公有好孫小字曰阿眉爲生甫五週秀發足英  
奇秋水剪雙瞳冰雪團膚肌嬉戲繞高堂心識阿  
翁慈阿翁下朝歸解問寒與饑阿翁飲室中歌唱  
勸深卮能識屏風字背誦李白詩尊前見生客對

戶部稿卷三

五

蒼無忸怩不惜解金環寧覓粟與梨我時過若翁  
見汝必抱持靈鳥未成翼已卜高岡儀良木未登  
壑已占梁棟資一朝染厲疾宛轉依牀帷鬼伯來  
相促陰陽爭路歧呼水盥其手呼婢更其衣悵悵  
視耶孃欲訣不及辭九泉一冥冥前路竟何之生  
存託華屋歿後委荒陂噫嘻復噫嘻傷心爲阿誰  
靈鳥殤在穀不及遶天飛良木戕其葉不見棟梁  
時痴兒滿市走智兒去不歸弄物宛在房物在人  
已非渠母倚門號渠耶仰天謔若翁方臥疾冤深  
川潛滋噫嘻復噫嘻殤子母須啼人生在世間花

落隨風吹有生必有死豈爭早與遲五鼓爲千秋  
百年非長期作詩聊志感命也復何爲

答金素公

相違屢旬日一室恒爾思頃者過我門復值對客  
時喜聞騎馬來知子病已瘳欲邀同杯酒去遠不  
及追念子苦向學望古以爲師窮索文選理不染  
宋元詞哲人久不作風雅就凌夷嗟余日衰老力  
薄難自持相期各努力庶川慰來茲

答劉長馭

書中兼及李  
漁村雪法師

遠路承君問索居年來生計轉蕭疎懶朝自厭身

戶部稿卷三

六

垂老謝客強稱病未除家儉那能常得酒日長祇  
有一攤書漁村歸後無良伴冷落東林惠遠廬

送徐道冲赴內丘任

試宰中丘好南行路不賒居人無大姓土物有桑  
麻山縣青多樹溪荷紅放花晚涼問杯酒高味望  
京華

漫成

嘒嘒鳴蜩五月新炎天無處不風塵閉門自信先  
生懶有客曾嫌居士真三百鄉程誰道遠廿年仕  
路只長貧白頭局促郎官後苦戀京華也笑人



題竹間納涼圖

鄉園亦有千竿竹每愛清陰坐味詩今日看君圖  
畫好風塵真悔別家時

孔東塘陸儼庭袁杜少同過崇效寺

高槐堆綠擁禪扉公暇幽尋興不違折簡重邀高  
士過杖藜初見老僧歸閒持茗椀消長日細引松  
風透葛衣何必娛情是絲管蟬聲鳥語正依依

崇效納涼遲友不至

炎風滿眼倦難開休夏還宜就法臺苦竹陰繁青  
覆地蜀葵花發繡成堆豈無濁酒堪同酌有底情

戶部稿卷三

七

人不見來一種清涼晚尤好滿庭綠蔭獨徘徊

賈青南招同張樸園劉文起李公凱袁杜少

王素臣及信公舍弟游柳林暫過一覺上人

旋赴柳下暢飲抵暮

朝傳出郭載尊疊避暑幽尋向水隈善病可憐招  
卽赴好游有興老難回行人翠節西湖返學士高  
車太嶽來相見各爲說名勝坐中懷抱一時開

又

盛夏乘涼何處宜柳林陰密匝清池年年客換非  
前度嘒嘒蟬鳴又一時至後塲園收小麥軍旋凱

唱擁朱旗太平有慶官曹暇盡意先拚醉巨觥

又

荒草芊芊沒馬蹄經過小住借禪棲僧閒茗椀遙  
相待客喜圍棋好自携野處衣冠原可省徐行翫  
屐步仍齊石堂飯罷提壺去隨意濃陰萬樹低

又

行厨酒在旨偏多境僻無人好放歌莫強山僧來  
共坐重憐小弟有同過筵前嚶嚶聞啼鳥水面田  
田長綠荷暑氣炎塵雨俱淨茲時不飲欲如何

又

戶部稿卷三

八

荻岸蘆洲風色清栗畱練雀各爭鳴長繩欲繫如  
年日笑口橫開太瘦生一醉有鄉原樂土百年無  
用是浮名伯倫荷鍾真成達此意難爲世俗明

又

斜陽欲暮澹清暉樹底科頭坐不歸美酒香薰紅  
蘓甲好風涼沁白蕉衣尊前一任言辭放醉後焉  
知禮數非却笑黃蘇兩閒客良晨勝地忍相違

時  
酒齊茂  
弘不至

夏日過一公下院用孟浩然辨玉法師茅齋

原韻

高刹白雲外幽偏足晚涼來經城市遠坐引話言  
長翠柏交幽徑垂蘿隱曲房族生草花好隨意吐  
微芳

夏日書懷五首用元微之長夏懷

高槐楊赤日蒼然抱濃陰就蔭展我書望古情何  
深修名恐弗及頽齡行見侵誰獨無萱草離憂方  
自沈

又

貧家屋廬隘南風不肯度氣衰苦煎蒸惛惛無生  
趣時哉笑所尤俛仰安吾素東嶺新月生清涼在

薄暮

戶部稿卷三

九

又

盛夏草木驕羣葩久寥落蜀葵本賤品弄色比芍  
藥團團搖翠葉累累吐紅萼貽贈非所珍美人欲

誰誑

又

伏風吹開雨淙淙何太急畦卉本弱草零落沾泥  
濕瞻彼庭前竹飄搖能獨立紅紫一時妍高節非  
爾及

又

披襟坐南窓拂琴奏猗蘭豈不念奔走畏此炎汗  
團一曲未及終蕭灑增幽懽富也如可求執鞭非  
所難

妙光閣納涼倣齊梁體

炎曦盛薰爍道院足清涼南風動簷鐸野水滙方  
塘李實丹砂赤槐花金子黃淪壺傾露茗擊瓊罔  
冰漿茂林延爽氣虛室生白光交談見了義倒景  
下夕陽好鳥調清曲芙蓉淨晚妝乘昏促歸騎賞  
心未遽央

自嘲

戶部稿卷三

十

義激同仇捐畜馬徒行不可且騎驢郎曹有祿仍  
支米魯相無權莫送魚入署因人惟盡諾還家遣  
與祇圖書五年書省陪趨走贏得頰毛種種疎

御駕北征凱旋恭紀二十韻

蠢爾輕開燄烽烟報上京吾皇赫斯怒自將下  
都城黃鉞中軍出牙旗犄角行何當辱天討尚  
爾肆殄殱我士如颺發兇徒盡魄驚汗弓誰敢向  
倒刃自相撲血染天山赤尸填瀚海平渠酋悲竄  
鼠新鬼哭空營星指撓槍暗倂看係累并捷書元  
帥報賀表相公成逐北雷驍騎回鑾唱凱聲山川

增壯氣士卒暢歸情鼙鼓雷動鸞旗耀日明折  
衝師武力勝算廟謀精神速經三月聲靈震八  
閩外夷同破膽屬國更傾誠王者原無戰凶殘令  
用征一勞成三逸外攘卽中寧郊勞先開晏甘霖  
應洗兵止戈戎有慶千載頌時清

張相國隨駕北征奏凱回朝賦呈十四韻

關門傳警報天子詔親征敢戰須飛將參謀仗  
老成股肱聯一體軍旅請同行地厭冰霜苦身增  
跋涉輕發奇先衆策料勝協皇情我武威馳下  
羣兇巢穴傾龍顏滋慰悅虎賁動懽聲表賀親  
摘草書功更勒銘由來推吉甫不比得陳平已解  
太原甲旋收涿鹿兵垂衣瞻聖主坐論倚阿衡  
道以疆場廣人爲社稷生勛勩文德著翊贊武  
功成麟閣看圖書千秋仰令名

東田侍郎綸霞

佳句法存誰可問侍郎老手擅詞場睽違已判春  
風隔細論何辜夏日長滾滾飛塵憎夾巷津津流  
汗憊輕裝老楓翠滿山僧院就陰終期倒一觴

連雨有懷王珣湖

行雲鼎鼎去仍回伏雨淙淙竟日催蒼蘚漫侵頻

壁上鳴蛙都入草堂來出門真覺衝泥怯把卷難  
教倦眼開却憶先生清興足新篁閒課小童栽

東友人借米

疊空瓶罄誰從省家衆號饑始欲愁千斛市門寧  
復少一錢囊底亦堪羞有時曾卻壺奴送此日還  
從謝尚求自信交情深意氣不將江水謔莊周

送于鏡濱宰太平縣

邑宰非高秩親民是此官居心惟以愛爲政本無  
難吏事簿書少鄉風土物安大雷山色好行縣喜  
新看

又

越中擅名勝領縣小無嫌地有山川秀人將仕隱  
兼一誠能喻衆六計總歸廉報績他年事殊恩  
定爾寤

張肅昭再入都門以詩相訊卽用原韻

離亭分手憶春初回首風光殘夏餘忽送新詩來  
使者始知好友在僧廬人依靜境情偏逸悟到真  
空病自除君未能來余可往相從早已命巾車

約過肅昭阻雨

松杉地古自天寧寄寓偏宜夏景清舊榻未移人

再到高吟有興句先成可堪入伏通宵雨是日真初伏  
怯衝泥出郭行咫尺相依不相見陰雲愁緒兩縱橫

送袁中允典試浙江

絕徵休兵日多方貢士年文章盛於越選擇得名  
賢到計中秋月行當三伏天綠荷迎使節沙鳥避  
官船水驛依程進蒲帆帶雨懸羣材歸藻鑑哲匠  
見陶甄信道存真賞論文得正傳古風應一變俗  
習好全蜀人盡英髦選歌聞壽考篇歸來梅欲放  
共醉草堂前

戶部稿卷三

三

過田侍郎宅中

衝塵有興還過訪庭院清幽倍可憐石竹花繁渾  
覆地藤蘿葉密不開天熱行那呵疎狂客賦草忻  
看大雅篇隨意杯盤畱食罷高談袞袞夕陽前

夏日雜述用項湖韻

愁雲苦雨漫相將街市泥深一尺泥望國有懷惟  
隱几過門無客免披裳昔邪當戶青青見葛草綠  
堦莽莽長幸喜同人清興在劈箋遙和往來章

又

朝朝趨府裏衣裳土木形骸老部郎不見烽烟貧

亦得長存皮骨病何妨往還畏逐輕肥客變幻慵  
看利達場只有空門消息好納涼時就贊公房

又

深宮高拱五絃張一掃邊塵我武揚獻策未須從  
學士賦詩竊取媚君王雨餘頓覺絺衣爽風過  
微聞野卉香稚子能除鄰肆酒興來隨意倒壺觴

又

炎燄蒸體汗如漿竟日科頭臥竹牀幸免熱行呵  
襪襪聊從高枕託義皇繡殘書帙總無記問過客  
名旋已忘往徑蓬蒿慵不剪任將仕隱說行藏

戶部稿卷三

三

勤郡王府中陪田綸霞

梁園枚馬跡已荒鄴下應劉誰擅場好賢今合推  
王子佳句法宜問侍郎風飄桂殿涼偏好醴泛金  
尊味自長絕知愛客情無極談笑忘歸下夕陽

題朱柔則繡帙集後沈方舟妻

鷄鳴昧旦畱篇什士女千秋尚此風遙味新詩憐  
靜好誰言今古不相同

又

遠山夫人已作古夫人名中眉字遠山李司空柔則孀子今當時家風不墜希真後宋人以詞傳

朱氏多才也大奇

又

窮愁無賴託吟味  
姓氏何當閨閣知  
昨日沈娘寄家信  
丁寧但索雪崖詩

叢碧山房詩集卷之四

戶部稿

任丘龐塏雪崖著

丙子初秋 太和殿垂成羣臣迎鵲吻於正陽門外山 大清門入

寶殿巍巍成不日相迎鵲吻大橋隈雲連馳道雙龍入雨灑金間五鳳開伐鼓遙聞 天樂動焚香親遣近臣來千秋萬歲觀瞻地盛典躬逢喜共陪

又

龍首高標神彩見良晨相逕到 天家千尋待引雲霄上一氣遙連日月華善手工工人皆綴綵賢勞

陶正亦簪花護持 聖主宅中宇端拱垂衣卜世遐

戲東陳健夫

時新娶

近喜陳同甫房中燕婉新生兒應有地晒藥免無人卜宅惟貪靜吟詩不厭貧再過知子好酒食定

爾賓

長歌行贈蔣翁馭鹿

蔣翁梁王舊賓客七十過二頭髮白前輩聞人皆故交能詩海內推詩伯識時不受塵網縛神氣充實面光澤狂發白得十二童痛飲猶消酒一石昨



者過我門投我一書冊上書蔣翁容傍倚鹿一隻  
言尋斧子採五芝身騎白鹿信所適我披觀之動  
精魄人生行年誰滿百既不能遠訪松喬求神仙  
又不能行道立功垂竹帛局促郭曹隨衆人浪擲  
流光真可惜昔賢避地多荊州鹿門舊有先公宅  
待製青鞋布襪尋翁去長林豐草共晨夕

立秋日肅昭招過寓阻雨荅來韻

令轉金天秋氣新翻盆急雨正愁人前期莫踐出  
城約上漏頻移獨坐身乍可笑言違故友生憎甲  
子應今晨淤泥濁水連衢巷不比沾衣是煇塵

戶部稿卷四

二

喜沈方舟自浙中至兼得毛大可書

忽有應門報相迎一笑初良朋重握手老友更傳  
書雨後途仍滑秋歸熱未除爾君聊敘濶貰酒過

鄰居

雪潭法師自南海回賦贈

靈巖拔海起崔嵬絕頂親叅大士回莫信蓮花洋  
水濶蓮花洋水碍誰來

又

普陀巖隔海門深大險當前好試心到得竹林翻  
自笑人間何處不觀音

吁嗟歌

苦雨也立秋日平  
子月餘不止

關風吹雲雲轉多積雨如山增滂沱冷曹無事朝  
須入假牀恐遭官長訶上不見天下無地濁泥沒  
肝愁顛蹉車中之人自言苦吁嗟奈爾與徒何

又

七月已盡八月過晴日較少雨日多碍塞虛空屯  
陰氣晨昏不辨蒼天訛小兒啼饑從者病僮石米  
盡羞西阿我曹有祿且艱食吁嗟奈爾凡民何

又

天漏淋零秋水多百川茫茫爭灌河蛟鼉氣橫潰  
隄出桑田爲海沈高禾人生五穀以爲命祈天無

戶部稿卷四

三

力回天和我不躬耕仍望歲吁嗟奈爾三農何

又

天雨倒注水增波周道浩浩如洪河高原漫沒走  
急漚碾渦有客沈青驪油衣若爲得不漏槃跣力  
盡傷坡坳誰處敝廬坐愁苦吁嗟奈爾行旅何

又

秋逢甲子淫霖多颶脫秋嚴宵枕戈內地雨溫塞  
雨冷穹廬凍徹陰山阿又聞車徒及關返泥深馬  
瘡行蹉跎安居蓬戶惜不蔽吁嗟奈爾征戍何

連雨有懷汪東川

雲卷長天天不開  
愁心如草密難裁  
半秋伏雨無朝暮  
隔巷同人罷往來  
棋可消閒誰對奕  
酒能撥悶懶銜杯  
何時日出尋君去  
談笑相將未擬回

連雨東樸園學士

伏雨綿綿秋轉多  
東鄰西舍不相過  
草堂上漏書難展  
石砌平沈水自波  
但有羣蛙喧野沼  
更無乾鵲噪庭柯  
笑言自阻同心友  
一枕昏昏奈睡何

送鍾立園之官閩中

廿年居京華  
晚交得鍾子  
慷慨性所存  
奇服幼自矢  
素心與我同  
殊形聯一已  
愛君有幽興  
屢過增忻喜  
命酒必賦詩  
對奕頻移晷  
一官得新補  
分符向閩水

戶部稿卷四

四

簡書自有限  
明發戒行李  
懽樂猶未終  
離別於焉始

又

離別此何日  
八月當稟秋  
凜秋能愁人  
况乃失同儔  
鴻雁鳴聲悲  
落葉滿盧溝  
去住各傷心  
王事不可留  
此行長樂地  
地大民亦稠  
君才諳練餘  
寧懼川不周  
所念江湖遠  
遙託炎洲作  
書附鯉魚  
焉能問沈浮

又

沉浮未足慮  
余非久京師  
郎曹年例滿  
前程在一麾  
東西唯君命  
將卜何天涯  
魚來不知方  
有書當付誰  
強言說後會  
後會亦無期  
願盡杯中酒  
分手從此辭  
丈夫志建樹  
勿爲岐路悲  
室遠感聖言  
請君同所思

鍾君二小兒歌和少陵徐卿二子韻

君不見山陰鍾子才  
具奇太丘懷  
縣堪肩隨補官  
何難生子易  
兩值秋風添  
兩兒前兒能  
語音朗徹  
今兒墮地抱  
奇骨吏部門  
前騎土牛  
領縣纔得閩  
海頭之官  
携子何所憂  
一一眉目如  
阿侯長並大  
男呼三鳳  
翱翔雲路  
何時休

戶部稿卷四

五

寄懷汪悔齋方伯

目斷南天秋氣橫  
故人坐鎮海門清  
有懷自苦多年別  
莫往猶憎屢月程  
主功高承典數  
分金道古見交情  
可憐未識閩中路  
夜夢依然繞洛城  
連雨不得往  
東肅昭侍御

十朝十暮雨濛濛  
坐喫行吟一室中  
五子問之應絕倒  
也教泥滓惱龐公

又

我喜狂談君不厭接談屢被暮鐘催若非秋雨經  
旬下出郭寧知幾度來

秋日寄何公權兼及李漸航

南行買棹暮春初回首西風木葉疎豈少八行來  
遠信終憐兩地阻離居晚年倍覺情難放遠客重  
聞病未除意氣幸逢同學重論文晨夕好相於

秋日柬友

名園咫尺接鄰舍坐掩蓬門憶澗阿匝月淫霖難  
一出半秋好景竟虛過山無向背封苔蘚樹有蒼  
黃帶薜蘿何日晴歸更相訪主人交契託羊何

戶部稿卷四

六

寄拙菴上人

結宇千峯外焚香盡日閒秋花延砌上流水到厨  
間野老常聽法啼禽亦戀山何時扶杖去勝義得  
相攀

中秋前一日同李公凱黃自先閻公度劉文

起龍改菴飲茂弘宅中

昨年此日迎佳節招約曾依蘇長公一往流光旋  
自易重來好友幾猶同遙憐舊雨如今雨前歲是  
却對黃翁說杜翁前會自杜眼底秋光看又半西

風颯颯送歸鴻

又

地主留懽意孔殷長空向晚淨秋雲古堦翠濕憐  
苔色高樹晴歸見鳥羣几上圍棋來敵手袖中新  
草出奇文文起以擬娛情我輩非絲竹短味長吟  
到夜分

又

雨餘忽視月華明對景何心感慨生人世隨緣成  
聚散青天當去聲日變陰晴那看白髮蕭蕭短且把  
金尊細細傾明歲明秋重此夕知誰更與作逢迎  
中秋半夜後天晴見月

戶部稿卷四

七

佳節無眠航久坐清光忽接喜如何敢嫌皎月中  
宵出不負流年一度過絲竹重開回晚興壺觴更  
酌續長歌半秋陰雨晴難遇生怪江豚度曉河天  
黑雲片片俗言江  
猪過河以為雨兆

晚晴

雨後天高氣倍清空庭寂寂繞堦行難禁樹色蒼  
黃變無賴客愁日夜生郎署分曹空自老鄉園歸  
計幾時成重聞水溢田疇沒悵望三星嘆未平

老父寄示養生要言恭紀十二韻

人世有壽夭在我不在天逞慾戕生命節性延長

年 老父天縱資動止惟聖賢無言守其中動用  
靡所偏飲食皆有宜起居得其平行年今八十神  
強氣逾堅聰明加少壯步履輕周旋遂與立修家  
道合無間然 大慈憫痴兒垂訓示心傳跪拜受  
真訣勤行矢精專賢蹤可以跂詎惟百病瘥未言  
佩深恩萬世匪所宣

乞米

伏雨連綿過數旬蓬門靜掩苦吟身班行虛列大  
夫後壁立依然處士貧尚緩無衣謀卒歲且圖乞  
米餉今晨家僮入市肩囊返土銚烟生一縷新

早涼

西風八月早生涼南度驚看雁一行異地雲山淹  
薄宦中宵魂夢繞 高堂已愁卒歲無衣褐見說  
淫霖損稻梁菽水關心無善計欲從季主問行藏

秋夜寄博問亭

苦吟龐戶部高味博將軍何日能携手斯人可論  
文涼風千葉下積雨一秋分寂寂當清夜絨情那  
更云

同陳居士過一公禪院

積雨山門阻新晴携友過秋花開漸少黃葉落偏

多畱客下蒲榻呼童供茗柯此中無世法相得話  
禪那

一公見偉上人書知紹平陽席并承注問有  
寄

祖席君堪紹平陽重有光人歸龍象室書到 帝  
王鄉西院情原重龐公誼不忘莫由聽法去道路  
感偏長

贈方若韓

乞米隨行列風霜閱歲寒青雲差捷徑白髮老閒  
官求治當今切得才自古難那今長一卷閉戶只

虛看

懷左都水襄南

古道交相託清言喜共攀一從改郎署便似阻重  
山黃葉雨中落高鴻雲外閒何時貰杯酒對酌破  
愁顏

懷陸義山學士

碧山未歸去羈屐日追隨柳市同携酒僧房對着  
棋相思如宛在念別已盈期南望葉蓂色蒼蒼只  
自悲

又

一吟蟲聲合千林黃葉新難堪遲暮景偏憶故時  
人身老知道壯官高只益貧平生愛杯酒可得滿  
壺頻

又

遙傳江海溢泛濫似堯年未必當湖水能畱種秫  
田謀朝重計口供飲恐無錢指日重陽過吟詩定  
幾篇

寓中同柯寓勉賈青南小酌

洋霖今日歇晴色晚逾新正有尊中酒堪呼心所  
親秋花紅透砌啼鳥暮過鄰且盡當前樂請張任

彼人

一輩

一輩誇能事宵行不憚勞聰明涉文字意氣託錢  
刀浮議爭相尚鮮衣取自豪支離陪出入吾亦厭  
吾曹

招左都水賈比部小飲

滿庭積翠起秋烟雨後晴光倍可憐鄰樹有聲常  
索索寒花弄色自娟娟不嫌草具供佳客欲話閒  
情對遠天菜市東西泥水涸醉歸饒喜路如蓮

聞勤郡王及博將軍集有賦

高皇原自聖龍種各超羣王子工爲賦將軍亦好  
文天才同氣並王與同亭從兄弟也藝苑大名分再見西園  
體長吟過夕曛

懷李渭清侍讀

憶君情自切況值晚秋時落葉齊州冷鴻歸碣石  
悲相望知有處相見杳無期不分十程路音書隔  
歲遲

過白雲寺

不見潔公久經過問鹿園草深難辨路客到始開  
門雨色沉秋樹蟲聲亂石根此中隱禪意莫共俗  
人論

張樸園學士過寓商迎菊之會以詩代柬約

同游諸君子

曲江學士多佳興勝賞偏憐黃菊新一歲幾逢車  
九節同行遍憶故時人酒有更約分携往談笑還  
期末日親欲問登高何處好仙家臺館自離塵

味黃涵齋寓中椿樹

秋老靈椿色轉奇發生曾怪後春期黃公不信廬  
公語材大晚成今始知

又



靈谷分根入帝鄉栽培合自有仙方不逢莊叟寧  
知歲見說初平是姓黃

重九前二日張樸園携酒招李公凱劉文起

蘇茂弘賈青南舒岬懷集常煉師觀中卽事

張公達者意興豪未及重九思登高晚歲風光惜

令節移尊折簡求其曹昨歲登高在南廡野飲雖

豪厭塵埃今朝登高羽士家小有洞天足幽爽曲

逕平鋪五色石回廊阿閣迷來客妖嬈非時攀枝

紅杈桺怪人仙掌碧孤亭正對山崔嵬竹光藥氣

四邊來几案團圓上有饌瓊漿玉液浮寬杯君不

戶部稿卷四

見南中水溢漂城閭錢塘一怒民爲魚又不見吳

松颶風發人屋露處千村聞夜哭長安雨風差未

惡是秋大雨決數旬七月初十日大風拔木吾曹無恙胡不樂逞技矜

能各分行博奕投壺隨所作嘯臺東倚絳霄宮日

光倒景開鴻濛似見羣真朝上帝朱幢翠葆飄霓

虹此時此景難常得紫萸黃菊同佳色羣公酌然

吾亦醉歸路猶憐興未極

九日蘇茂弘賈青南舒岬懷重招過碧山堂

仙觀傳杯爲九日山堂九日更傳杯老逢令節情

偏戀人爲同心喜共陪樹裏頻驚黃葉落樓頭忽

聽收鐘催菜萸強把誰能醉潦倒新詩取次裁

九日飲中慰徐桐軒

佳處何處好登臺有約相尋高士來文字應知憎  
命達黃花那合後時開人生得飲爲真樂仕路無  
媒莫浪哀放眼今朝看往古劉蕢誰道獨非才

買菊

將來數本菊亂插閒庭側坐臥倚窓前端然見秋  
色

又

是菊不在大一等耐秋霜向夕微風發滿院散秋

戶部稿卷四

香

秋晚

雲斂天界高飛鴻肅南度風涼蟲語稀葉落鵲巢  
露小草絕可憐弄色不如故惟有籬畔菊亭亭放

秋圃

題陳雨如遺像

聖功居士父會  
爲道標中軍

此老吾相識披圖竟宛然將軍原尚武孝子舊通  
禪宿草自丘隴香花更几筵持茲問生死何處下

言詮

題顧周望遺像

隔立父傳神  
照有虎頭之風

顧老久云歿觀圖儼欲眞身前畱古貌世往見先  
民絕技傳吳下流風起後人誰爲耆舊傳遺行可  
重詢

又

處士存高節生兒展孝思遠遊携壽像乞贈有哀  
詞善自一鄉著名從今日知典型如尚在感嘆爲  
題詩

余以九月十九日居初九之後而得九當名  
大重陽瞿生乃置酒泛菊卽事成詩

登臨意不盡約賞興偏賒望後朝仍九秋深菊尚

戶部稿卷四

古

花通家託新好續節戀年華重有先生饌卽曹早  
放衙

卽日張樸園學士約同王素臣工部南廠大

士菴登高

風流黃閣老狂達尚書郎

天子初巡狩

是日聖駕出

都龍宮好泛觴人憐舊同調口取大重陽蘆白叅

紅蓼憑欄興轉長

又

斜陽重戲馬風色喜新晴未改三秋序居然九日  
名陶坊依野水佛閣對高城誰謂蒹葭晚蒼蒼別

有情

送陳與可赴辰沅道任

十載同朝列風撻許季方彈琴憐好士看竹愛

禪房超擢沾新命膏車向楚鄉不堪載尊酒相贈

折垂楊

又

西風行欲盡景色楚天幽朱橘經霜熟丹楓背日  
稠人烟臨水驛鏡吹上官舟聞說炎荒地偏宜是  
晚秋

又

戶部稿卷四

古

高門積德後盛代荷殊榮棣萼交枝發麒麟帶子  
行愛人原有道善政不妨清南楚凋殘後來蘇起  
誦聲

接劉長馭書有中秋見懷之作奉荅原韻

獨坐閒庭暮景懸封書遙寄自澶淵能禁憶汝秋

將老見說懷予月正圓旅邸無衣難卒歲鄉園苦

雨不收田同心相望天南北旦夕空增百慮煎

九月廿九日招張樸園徐華隱李公凱三學

士過妙光閣作焚尾重陽會

佛閣崔嵬出萬家登臨携酒興偏賒今朝尚可呼

重九此地猶憐有菊花黃葉頻看簷際落丹萸更  
插髻邊斜隨時隨意成佳賞未覺吾曹負歲華

送秋曲

秋色暮落葉辭高樹黃蟲啼轉急玄鳥去不顧零  
落感羣芳青女一何妬

又

秋光老西風太草草綠奪司空楊紅收都尉棗宋  
玉多苦悲於何寄懷抱

又

秋已歸高原樹影稀霜烟粘衰草白日吐寒暉蓬

戶部稿卷四

宋

轉本隨風來朝又北飛

叢碧山房詩集卷之五

戶部稿

任丘龐塏雪崖著

頌丁丑曆

未盡子年月驚看丑歲書天時曾不住吾老又何  
如身羈郎官署心依故國廬資生取裁足便擬脫  
簪裾

寄贈朱柔則

有序

沈子方舟以余題繡帙集詩寄柔則柔則以  
爲風雅之正書來請遙附門墻從弟子列故

贈二律并叢碧山房集蓋柔則姑氏柴季嫺

戶部稿卷五

夫人故以詩名而沈子又今之作者其淵源  
遠而取資深成材有本非余之所敢竊已

閨中勤向學遠慕大家風才地時應少虛懷分不  
同鄉居嗟異地詩法問衰翁數卷還相寄生平盡  
此中

又

善和喜從夫兼師舊有姑伊人足閨秀老我愧通  
儒泥古未知變違時無乃愚聞風千里外偏肯附  
生徒

東臯別墅諸味爲博問亭歌

東臯艸堂

結廬東臯畔門倚東臯開野花不須種好鳥時口  
來中有忘機客高詠亦悠哉

浣溪

有林宜有泉取清不取深朝從溪上坐暮從溪上  
吟誰謂尋尺技能寄湖海心

香界菴

卜居須卜幽接鄰喜禪境臥聽鐘梵音坐見風幡  
影真香非有界靜者心能領

一枝閣

戶部稿卷五

愛此閣中靜長從閣上居牀可橫吾琴几可攤吾  
書天地自寥闊適用不取餘

暈香亭

環亭花樹合春至各爭芳照眼分多色薰衣並一  
香客來不遣去畱賞共傳觴

竹塢

種竹初作林一室隱幽森經日長不出有時還獨  
吟相期遠相訪因話歲寒心

紅蓼灘

蓼生本小草託根澗之槃秋深能作花粒粒如露

丹辛蒙碩人顧寧辭霜雪寒

嘯臺

將軍本龍種拔地起崔嵬憑眺展一嘯風雲爲之  
開孫登乏勇氣越石終凡材

杏墅

東臯千樹杏歷落無行列青陽三月交盈盈弄香  
雪美人倘相知高枝良可折

川上

幽人心長閒晴川宜緩步沙鳥各一行戲魚交相  
顧何必濠濮游會心自成趣

戶部稿卷五

蒞泉

君家門外泉汴汴何難離有本出不窮取用隨所  
宜願言託淡交千古同心期

北瀨

澹澹瀨下水無波竟日閒荷芰相因依游魚戲其  
間魚樂戲不定觀者亦忘還

懷遠堂

王孫念所出建祠起高原紅墻照綠水翠柏映朱  
門同休光百代宜子復宜孫

老是菴

人謂東臯僻君愛東臯清林泉相結帶魚鳥皆忘  
情結廬得此地百歲復何營

鎬兒赴山左

饑來驅汝去行李向東山月令交冬候冰霜接間  
關寧忘途次苦值此歲方艱望汝歸須早扶將慰  
老顏

孔東塘齋中賦得硯上有塔形

研上浮屠起端然畫出奇于形見堅白經用不磷  
細客至爭相賞尊前各賦詩知君有深意日取供  
書帷

戶部稿卷五

四

招李公凱黃自先蘇茂弘寓中小飲

獨坐懷賢友相招喜並來新醅乞鄰得晚菊入冬  
開日晷寒逾短心情老益孩圍棋兼謔浪不醉那  
教回

東王慢亭宋山言

今年十月寒仍淺菊帶黃花似晚秋難得殊方人  
並至饒饒世好道相投盤飧味薄成虛設言笑情  
深荷久留老我迂疎曾不厭來同許過屋西頭

客有述故山之勝者以詩索和答依原韻

傳經程氏閣百尺倚巒屹浮翠連緇帙清香出菜

欄幽禽空自語修竹好誰看知爾思長切吟詩日  
向澗

又

幾時別黃海連歲滯燕臺風雨懷先墅登臨憶酒  
杯花奇人未識果熟鳥常來景勝有如此歸心詎  
易裁

喜周蓉湖太僕至京

北風索索掃寒柯南地人來喜若何言笑且添兄  
弟好冰霜一任歲時過病憐筋力陪趨走老愛猖  
狂託放歌知子借栖僧舍近好川相訪問禪那

戶部稿卷五

五

又

昔君行李去幽燕雨雪霏霏落遠川節候未殊仍  
十月故人再會已三年休看白髮誰偏老且喜新  
詩汝共傳任是連朝增酒價一尊拚取典衣錢

招李公凱黃自先蘇茂弘過寓同往崇效寺

不果即飲寓中

途長日增短有去且姑留耐可山房酌寧須法苑  
游黃花冬不落啼鳥晚相求主客交華髮任歌笑  
未休

又



樹影分鄰院鐘聲過短墻不知麗老宅何減贊公  
房奕手更番代匏尊取次將隨緣成樂趣世法本  
無常

又

坐深餘興發落日更相將說鬼應無忌談詩不厭  
狂冰霜隨節序潦倒信行藏來日能公暇還過白  
紙坊

李龍公招同李東序飲園中

遶院苔痕靜連牀書帙勻室深風不入冬半菊猶  
新文雅憐英妙顏唐笑老身通門原夙好來往共

戶部稿卷五

六

相親

又

杯殘尊更續榻煖坐相圍好我知偏切狂言不道  
非昏鐘鄰寺歇嚴哨六街歸選日期重過金吾禁  
莫違

臺上

晚景一登臺烟光四面開市人隨地散野鳥認巢  
回日用通消息天心有往來誰能達斯理冰雪莫  
深哀

丙子冬日王阮亭先生歸自秦蜀招同龍甫

岸黃自先汪棣園孔東塘飲宅中用右丞抱  
琴好倚長松爲韻分賦得抱字

嶽瀆千古靈秦蜀萬里道王公祭告歸行裝何草  
草置酒召故人高言展懷抱是日大雪交黃花猶  
未老燈前態轉佳發興恣幽討古來六言詩君家  
右丞好主客數旣叶分賦各屬藁初更月已沈六  
市人如掃他筵逝不留此筵彌傾倒顧盼惜賢羣  
誰忍歸獨早

工部朱近齋招同龍雷岸于章雲飲寓中

今日日晴減沍寒過從有興盡君懽供食太覺庖

戶部稿卷五

七

厨費不飲非無酒酸寬道合同心憐我共詩存古  
調耐人看翻嫌公事來相迫未得深談到夜闌

又東近齋二首

人生知己道原難握手逢君結古懽饒有素心仍  
我輩曾經水部是同官詩書牆壁寧今日天地冰  
霜又歲闌幸託居停南北接公餘相得共盤桓

又

仲冬晴日亦淒淒閉戶長從陋室栖直以不材甘  
濩落翻憐折簡共招携詩探佳句君堪問齒較行  
年我欲齊朱長余賓主同心樂滋甚相將卽事賦

新題

周蓉湖招同李公凱赴報國寺集歸寓暢飲

至夜

詰朝曾作約乘曉詣香臺日出巢禽散鐘鳴佛殿  
開勅厨先辦餚命酒暫停杯說有慈仁集相將入

市回

又

忽覩亾書在狂夫喜不禁欲酬估客價強借主人  
金晚席還重過香醪泥共斟燭殘呼更續道故典  
何深

又

戶部稿卷五

八

周郎好意興相對感當年鬚髮看非故談諧只似  
前狂歌誰辨客爛醉不知天聽盡瑟瑟鼓言歸屢  
被牽

初雪

漠漠同雲合稜稜曉色寒三冬已過半六出始經  
看高下隨風勢稀疏點樹端偏憐應去時序停午

未曾開

雪中漫興

晨起北風急開門雪滿天見輕難到地畏冷欲添

綿占調思黃竹慳囊問酒錢無妨更三尺來歲卜  
豐年

又

雪裏披衣去輕盈撲面斜早知頭共白不分眼生  
花巢烏回休出遙山宛欲遮寒來何所避一冷笑  
官衙

沈方舟從 勤郡王筵上歸携孫雪峯到寓

催飲達旦

梁王晏罷梨園散相過茅堂月已移壺有香醪堪  
續飲座無雜客且論詩故交幸託忘年好新友翻

戶部稿卷五

九

憐見面遲不惜周行同示我老夫何德敢稱師

荅程姬田自揚州見寄原韻

陰雲拂地北風寒隱几沈吟日向闌病客心情愁  
雨雪故人書札問平安年侵敢厭形容老路遠空  
知會面難無那相思惟悵望一杯強把未能乾

又

長安來往最情親一別流光隔數春萬事傷心非  
昨日滿天飛雪又今晨吾文遽足傳千古前爲程

汝孝從知出衆人莫戀松楸緩行義程侯選五倫

並重是君親

張子宜同友人過寓畱飲子宜以事先歸

閒愁短景漫相催忽喜應門報客來肯犯嚴寒尋  
一老旋呼濁酒共深杯逢迎自得新知樂言笑還  
須故友陪何爲張憑鄰舍近未成薄醉趨先回

小至日招浦副工陳健夫孫雪峰徐元賓沈

方舟曹渭符張子宜集雪塢禪房得茅字

興發以良辰折簡集朋交何處堪幽尋祇園問大  
茅履冰柱來駕有携無佳肴苟非我輩人焉能免

譏嘲高禪寬酒禁許我開尊醪一斟復一酌情合

如漆膠起視天宇間北風猶膠膠殘雪凍不飛蒼

戶部稿卷五

松挺白梢倒景下空階寒鳥各依巢天地有正行

來往序無殺陰老陽自生如子脫其包愁窮寧來

日古謂至日爲愁窮一笑於此拋

至日書懷

積陰數已極初陽於焉起古者重此晨拜賀同歲  
始明發懷苦心獨有宦遊子大婦工裁襪小婦能  
織履履襪一時成無由赴鄉里緬想田舍兒作勞  
斯時止剝棗及烹葵承顏增惟喜邀榮違膝下豈  
復無甘旨瞻望萬種情依依何能已

丙子長至日呈大司農陳說巖先生十六韻

運際飛龍會材推晉國良家風尚忠厚子弟各翺

翔太史開先路司徒總大綱金來九牧伯粟入大

官倉小吏平鈞石羣僚奉典常策勲由歷試公望

滿岩廊處盛心逾下憐才分獨忘繫余原賤士獻

賦自長楊白髮慙將老分曹始拜郎迂疎真可厭

施惠轉多方言切書紳佩文畱秘枕藏公會以文

未知從屬吏何異託門牆至日通千載良辰會一

陽吹葭占氣候介酒上公堂列座金貂密徵歌磬

筦長早知崇世德奕奕接休光

晚過長椿寺同吳菽園朱玉汝飲周蓉湖寓

戶部稿卷五

舍

南郭纔歸踏凍塵良朋招約喜相親譙樓伐鼓千

聲壯佛閣懸燈百丈新豈有賓筵先長者各言地

主是鄉人笑談曾隔三年後來往連朝不厭頻

古銅瓶歌爲李龜公賦文勤相

寒林蕭索鳥雀鳴主人待客初初晴怪藤奇石驚

人眼書堂窈窕何幽清銅瓶五尺羅几右龍腹呶

然實百斗翡翠丹砂遍體生連環反嚙後貌口古

色騰光光欲馳滿堂物色增陸離曾是丞相廳上

物手摩目視心中悲我是丞相門下士千載文章

感知己皇天不欲天下平善類無依泰山北我身  
已老爾獨新我身非爾鑄成身虞翻飲恨消不得  
局促風塵似衆人趙氏連城紀侯珍重休今貪  
人見識者猶作典型看輕薄徒爲耳目玩丞相手  
澤于斯存世守不墜眞賢孫出入顧視念爾祖一  
體流光啓後昆

碧山堂觀揚州夢新劇率賦

嘻笑成文才地雄炎涼寫盡傳奇中雪宮曾許看  
眞本演出當場又不同

又

戶部稿卷五

三

表揚節義元人曲古調於今那更論一覺揚州夢  
初醒片時也使薄夫敦

又

義俠神仙雙度世大家命意自超羣近時多少翻  
新曲才子佳人總厭聞

又

搬演新詞上戲場鬧中指點意原長石巢綺語眞  
無賴燕子春燈入奏章

又

架花那許作花看總撮陳言上筆端本地風光當

行語國香信合是紅蕖

冬日書懷用瑁湖至日韻

夜漏沈沈睡未安擁爐高燭坐更闌荒年計口愁  
家食久客無衣怨歲寒賃舍不辭居陋巷隨班也  
說是朝官可憐乞米從鄰縣時差人赴武強縣告米書帖裁  
成自厭看

贈王郎麋照

忽有新編贈披吟一暢然詞妍同振綺思妙欲開  
天聞禮知家學成材得小年雙燈共老眼夜半竟  
忘眠

戶部稿卷五

三

又

通門依世好未面獨如何早慧人時有高吟汝更  
過學將敏能好才以用逾多相贈慚輕草聊爲託  
短歌

劈箋誤刀傷指志感

鄉信重將寄長箋取次裁搽刀原未學傷手果成  
災自怪粗疎甚頻招錯誤來官書省前過署中行  
警戒莫須哀

凍豆腐詩和沈洗馬東田有序

原唱用十三職韻韻險而詞工搜用字義已

盡不能別山故以七陽和之將謂學昔人用  
短者然終非善也

井水凝菽汁傳自淮南王作腐依古法取食出新  
方臘月天苦寒凍置令其僵截之以重刀沃之以  
沸湯盤絲密蛛網露孔小蜂房稍覺耐咀嚼清疎  
生餘香並美野人芹易名小宰羊芻豢能悅口癖  
性獨異常不謂有同好乃是沈宮坊服淡者知味  
廣喻成佳章我欲和其詩搜索窘枯腸才拙避險  
韻變調以自藏喜君白雪詞藪味何時忘

荅何公權見懷之作

戶部稿卷五

古

又接江南信開緘感慨深愁多能用老歲晚倍驚  
心流落才堪惜艱難道自任新詩見精進入夜短  
長吟

冬日感懷用公權韻

公餘任高臥有戶只長扃自用安真拙無將怪獨  
醒寒梅迎臘放高柳待春青來往看天運如環正  
未停

客囊

客囊金錯盡卒歲苦無郵老受春光逼貧憎食指  
多天時從可任人事獨如何不寐愁街鼓兒童有

放歌

孫樹峯招同人陪李公凱飲寓中漫歌紀興  
君不見草聖千秋孫過庭樹峯家法真典型又不  
見意氣當年李北海風流繼起得公凱文章道義  
通淵源孫君原出李君門有酒當爲先生饌金屏  
繡褥羅高軒招陪佳客及老醜兩君皆我同年友  
李余同名試綠蟻浮甕醅香珍錯如山謂大斗  
孫余同鄉試綠蟻浮甕醅香珍錯如山謂大斗  
座中飲量誰最強舊官祭酒身姓汪東川鯨吸爭  
先酌不及蒼頭狂走青童忙餘興猶酣譙吹起日  
趨虞淵快於駛揮戈郵可返斜暉張燈猶堪續短

戶部稿卷五

晷憶我初年來京師同人聚首交青絲青絲年多  
變白髮况乃臘盡垂茲時人世懽情以酒合師友  
及時共酬荅誰以狂飲笑吾曹大聖百觚賢百榼

除夕賦懷

莫得趨庭去重逢獻歲筵含情增一喜念別又經  
年諸弟團圍侍椒觴次第傳能無憐大于獨隔  
帝城邊

又

嬌女何時見痴兒昨日歸歲華重自改骨肉忍相  
違多病身先老長貧計總非鄉心驚爆竹南向獨



依依

又

遇節成吾痛松楸望轉遙有官徒益恨無母爲誰  
驕椒酒充陳設蘭燈照寂寥 慈魂來格否汨盡  
是今宵

又

殘臘忽焉盡香花強自陳居貧寧作我得歲念如  
人室有妻孥樂行看奴僕親來明說庚甲五十八  
新春

又

戶部稿卷五  
未遽一麾出開正兆已萌斯民能有濟刺史亦爲  
榮戀 闕憐明主將離惜友生朝元惟此會瞻顧  
不勝情

叢碧山房詩集卷之六

戶部稿

任丘龐堽雪崖著

元旦禮神

輝輝寶燭照元辰盂水爐香漫自陳百拜豈能酬  
降佑一誠或可告明神才微虛竊 朝廷祿道薄  
空慚 父母身幸貴餘生多病後他時還是報恩  
人

元旦同沈方舟李東序飲寓中

紅燈高燒待春臨盡室相依慰勞深三百六句日  
初紀十千一斗酒須斟人間喜見青陽轉頭上寧

戶部稿卷六

辭白髮侵身事隨緣誰在意依依獨有故園心

又

家家燎火照高空日出東方曙色紅臘氣全消歸  
軟節晉曹毗詩軟節暢宇宙香烟欲散逐和風居貧那惜辛  
盤費分歲僥憐好友同第一祈年息兵甲太平萬  
國慶時豐

又

香醺柏酒竟宵傾臘去春歸此送迎已喜他鄉同  
表弟重憐入室有門生好言各祝新年勝多病先  
驚老態成莫笑朝衫金縷暗廿回此日賀 王正

元日家祭有感

客邸香燈遙設位，獻年將饗供屠蘇。人間白日兒  
無母，地下黃泉婦有姑。烏哺末由悲國極，皇  
恩曾得慰冥途。辛酉草恩春來宿草重將綠，悵望  
松楸眼欲枯。追贈孺人

新正三日同徐華隱李公凱汪東川王珥湖

周稚樞寓中燕集

市鼓喧喧夾巷催，茅堂邀客共傳杯。新春又是三  
朝過，笑口初同一度開。繞樹香梅紅欲放，盈盤生  
果翠成堆。此時此會稱難得，痛飲何妨扶醉回。

戶部稿卷六

二

丁丑人日呈王少司農藻儒先生十六韻

大原推望族，繼世起嗣臣。丞相家聲舊，公荆石相公嫡派

司徒事業新高文。畱館閣正色侍，楓宸九府泉

刀轉中邦貢賦均。持籌歸大道，量用見精神。已助

陰陽理，還成菽粟仁。登庸時有待，平格數相循。星

紀回鵷首，鴻臚鼓大鈞。名賢原應運，生日恰逢人。

岸柳仍含凍，宮梅欲放春。懸燈羅綺席，酌酒序佳

賓。白髮馮唐老，捉禁原憲貧。無能長粥粥，旅進且

伉。伉儷豫同嘉，會荒唐顧此身。禮將百拜盡，愛託

風心親。醉飽懷明德，卮言愧莫陳。

安郡王筵上作

迎春承寵召，式晏裏衣裳。老至羞嘉客，尊前見古  
王。思柔儀自著，好善勢全忘。一遇傾懷抱，德音亦  
孔將。

又

鴻烈淮南解，多材家相身。從來貴介胄，原異等閒  
人。書畫工無敵，詩歌妙入神。腐儒思有贈，下調惜  
輕陳。

又

忝分稱親亞，嘉招此過從。情真非泛愛，禮簡荷優

戶部稿卷六

三

容。已領清言妙，兼叨異味重。鄒枚千古遇，何幸到

疎慵。

又

誰更無兄弟，王孫分獨隆。地封一體並，文雅大名  
同。來往交詞客，東西對雪宮。楊雄笑真怯，白首託  
雕蟲。交謂交且往來也古不問居西紅蘭室稍東故曰對

又

亦有開年會，蔬盤召友生。不爲貪小集，爭忍告先  
行。喜自中心結，春隨旣醉生。餘懷傾未盡，卜日侍  
前楹。

題禹尚基自寫卜居小像

人似子真好山疑谷口清  
畫圖親手作卜築幾時  
成有水還堪釣何田不可耕  
他年棲隱地應用禹  
爲名

元夕前二日同顧爾立徐芝仙沈方舟李鼐  
公東序飲寓中拈得先字

枯魚生菜亦登筵蒲椅繩牀簇簇連  
友有五人憐  
好會春歸兩日感流年  
是歲十一日立春  
花燈舊俗今宵  
京師燈節于十三日上燈  
絃索新聲別院傳  
如此風光那可去  
無妨醉向草堂眠

戶部稿卷六

四

又

忽忽開正句又遷流光如水劇堪憐  
春隨綵仗昨  
朝入月待燈輪後夜圓  
知已既逢休惜醉新詩卽  
事各成篇何須三五方爭賞  
行樂從來貴眼前

丁丑元夕獨坐成詩

三五長安夕花燈密似林  
有行慵獨往無酒欲誰  
斟人老輕佳節官貧淡賞心  
千門歌管沸晏坐夜  
將沈

又

街鼓千聲亂烟花到處張  
宵行欺日市月色讓燈

光同舍人皆出成羣走欲狂  
應憐老子高咏臥  
繩牀

勤郡王違和賦候

問候緣精進心知勿藥安  
加食防小愈護體戒輕  
寒草甲青將圻花苞紅可看  
兔園春色動隨從擬  
游觀

十七夜

九市笙歌息千門烟火收  
賞心當境盡佳節爲誰  
畱消息懸相待繁華過卽休  
龐公真老懶連夕祇  
牀頭

戶部稿卷六

五

送王思遠之唐山縣任

阮亭司農仲子

相送之官去青陽正月中  
雪殘蓬鵲北春到柏人  
東封壤鄉關近耕桑土俗同  
遙知行縣日疎翠間  
新紅

又

近地王圻內多時學道身  
慈心知有愛瘠土不憂  
貧世好好尤篤春風風更新  
吾田託公理赤子豈  
降人  
余邑地被圉受補于此

又

縣占春光好鶯花到處牽  
簿書從簡易山水喜幽

偏詩法從家學儒宗見魯賢興來應有作須爲故人傳

問博將軍疾

不見王孫久新年候若何一陽還太族百體得冲和見說加食飢兼聞起嘯歌狂談君自喜遲日擬相過

又

將軍意氣重東內使來時室遠仍相憶病閒且和詩青條驚初變白口喜春遲花事東東阜近東軍閣也同游預作期

戶部稿卷六

六

燕九日同人集飲李龍公宅中

追懽酬歲事燕九亦良朝情好託相熟庖厨何太饒謬稱先酌義偏作老夫驕古道雖增感懷慚正未消

又

晚席佳肴換深杯四座傳閒談寬一叟痛飲讓羣賢火樹當堦發花燈繞閣懸元宵如再接再少月仍圓

上春樂

四序分佳景吾光喜上春宮梅紅過半簷柳軟俱

勻稍覺綿裘重偏憐菜甲新韶光誰道淺已有冶游人

又

年向暗中換春從鬧處生拖鉤喧委巷賣酪放高聲過節能無酒邀懽各有情交游余信冷亦未絕逢迎

又

欲識春來處春來旭日邊烟團平野樹草發上陽田隩處上人皆散閒啼鳥可憐城南舊游地最好柳林前

戶部稿卷六

七

又

遲日洋洋放柔風婉婉興薄冰消細水新翠上枯藤貧喜苦寒過身防老困增郊行舒倦眼拄杖百錢能

贈毛會侯

嘆息毛公老清時阨此人學成期有用道直不防身著作才難盡經綸志莫伸行吟感知已千古是靈均

又

聞名從早歲識面自今春好學焉知老休官依舊

貧文爾先輩法風起後時人標散余何有相憐意  
獨真

招毛會侯李公凱過寓適有惠余葛仙米及  
鷓鴣腊者卽用作供詩以紀興

正愁待客無佳味嶺表分珍喜不禁白髮訂交誰  
道晚青春沾酒好論心羹炊勾漏洞中米腊熟黃  
陵廟裏禽更約淮南李供奉同嘗異味坐宵深

廿八日孔東塘民部晚過時趙子藏進士亦  
至相留同飲

卽看春色一分回悶倚方牀詎易裁門外忽傳高

戶部稿卷六

人

駕至齋中正值好花開人添笑語憐同社酒倒壺  
觴有舊醅此際放情宜盡醉厭厭良夜勿相催

正月晦日接李渭清書言客歲舉子今將爲

閩中遊感而有賦

晦日增愁愁欲摧封書有感寄金臺流年易得芳  
時過好友難逢懷抱開顧况以兄他日慟非熊戀  
父再生來如何不處房閨樂老向江湖亦可哀  
唐顧况老而喪子有日暮泣成血之句其子許  
夢再生其家取名非熊李二子一出嗣其兄一  
病卒李常痛之今  
舉幼子故用其事

遙送渭清入福建

聞君行李過仙霞離緒茫茫萬里賒垂老長卿方  
有後李來書引長卿何幸  
幕年方有後句自感依人王粲更辭家道存  
風雅誰同調地阻山川各一涯未卜此生相見日  
斷腸眼底是春華

送窮

送窮選日還乘晦事本昌黎文字與不是憎窮因  
送汝正緣汝故被人憎

又

我不畱行汝莫嗟車船隨意向天涯吾曹箇箇能  
文字此去休尋學士家

戶部稿卷六

九

節婦行

有序

毛氏浙之遂安人嫁同邑方氏子數月而歿  
氏誓以身殉自樓投下不死聞黃金入腹能  
殺人潛吞金環二又不死公姑以葬地未得  
爲勸故緩之十年卜地治壙畢乃絕食死可  
謂從容就義者已爲作此詩以傳風者  
松柏雜衆木歲寒人始知女子見節義亦在古難  
時遂安毛家女方氏仲子妻生小爲夫婦恩愛兩  
不疑

又



思愛何時解厲疾橫相攬君忍棄妾去妾復何聊  
生絲羅不獨立鱗鱗不單行黃泉無岐路及爾問  
前程

又

前程誰可問消息在高樓有生豈不愛薄義占所  
尤兩姓顧耶孃深恩何時酬仰面呼蒼天一墜焉  
能收

又

墜樓身不死吞金亦徒然十年墮域成一命從此  
捐節婦棺在後仲子棺在前兩棺同時出合葬南

山邊

又

骨埋南山邊事傳萬人口官府得聞之建祠依塚  
右夫者婦之天生死誰當負試看毛家女馨香長  
不朽

送張樸園學士視學江南十六韻

余本局方士自好不易身廿載長安道寂寞無與  
隣衆方嗤其愚君獨賞其真每是一相見呼我素  
心人有酒不獨酌看花同芳辰升沈雖自殊情好  
日逾新惟公起經術賢軌夙所遵屢遷至高位一

由我 至尊文章本家學 簡命膺新綸江南人  
文地暫往借陶甄車輿臨當發相送出城闌萋萋  
野草綠鬱鬱柳絲勻青春不可別執手徒遑巡道  
在視千秋千秋同今晨山川信隔絕精神遙可親  
君命分所重離緒焉足陳

題毛會侯白綾琴囊

囊成爲綠綺長短一相宜自取吳綾好非無蜀錦  
奇裁縫憐善手庶和著新詞韞匱同珍重知君待  
子期

又

愛此絲桐好新衣七尺裁緇塵應自隔逸響待時  
開尚白存深意分題到不才誰能輕下體  
余題囊尾故云  
吟報未須催

送左襄南提學粵東

古道誰堪託交情子獨真郎曹視草日僧寺看花  
晨官滿遷新秩春深別故人前程萬餘里回首一  
驚神

又

西郊好晴色啼鳥亂芳林亦有一尊酒偏牽長別  
心風塵燕市遠瘴雨日南深贈別裁詩句相思欲

一吟

又

崇山亦王土風景舊曾聞奇卉分多色珍禽各一羣官曹無俗務政事在論文隨意成幽賞離愁付酒醺

禹尚基約過寓偕訪雪上人毛會侯偶至早食訖相隨並往

相過曾約問香臺曉日蓬門待客開禹子念期應自至毛公不速恰能來且畱小食同粗糲正喜盈尊有醅醕醉飽相將前路去暢談拚取未朝回

戶部稿卷六

七

同會侯尚基過崇效寺李龜公亦至

翠柏青松一逕通春光澹宕滿花宮山房莫惜終朝坐好會難於此日同說法慚非昔臘老論詩喜得大毛公齋鐘忽報斜陽晚分手猶憐興未窮

雪後龜公招同沈方舟李東序齋中小飲

二月春光不見回雪花如掌轉相催沈吟難耐深房坐泥滑寧辭過市來連日愁懷須酒破同時笑口爲君開重訂園樹青歸後邀賞還登池上臺

喜晤李子方裁

數載不相見牽衣喜長成關情爲舅氏走馬出

皇城路遠經風雪厨貧只菜羹談言猶未盡吹角起譙聲

花朝雪次戶部張韋存韻

仲春春信尚遙遙飛雪偏憐應此朝弄色上林爭簇簇回風曲檻自飄飄呼尊恰值青錢盡閉戶惟增老困饒亦擬題詩仍未就讀君雅味意全消

烏夜啼

有序

爲遂安毛周尹暨妻王氏作也周父爲山賊所掠索贖貧不能應乃詣賊請父歸取金而身畱質金不至被害妻王氏守遺孤子孤子

戶部稿卷六

七

長領丁卯鄉薦余感其事而賦之云爾

樹上烏夜半啼翁遭難贖無貲父難不救生何爲一身可質賊可給心知父歸身不歸野死無親誰得知

解二

烏夜啼啼轉悲先啼者雄後者雌單栖不

雙守孤兒孤兒成名身已衰

解三

爲誰作此曲毛生

王氏夫與妻夫能死孝妻苦節千秋萬世當聞之

解四

春分前一口諸人釀金治具就寓齋晤飲得

文字

支離怪麗老謾語笑休文君信虛高駕吾仍愧謏

聞金成雅集末日得同羣何有相持贈雕蟲愧  
子雲

又

異地連高會風流各出羣主人寬作黍賢客取論  
文燕自今晨至是日春社春從後日分素心傾一遇言  
笑盡慇懃

又

未問滔滔者吾曹自可羣同行有孫楚雪峯也不與  
惱終軍朱其旋最少故云終軍怪雪片朝方歇鶯  
聲遠共聞眼看春一半莫謾惜餘醺

送卜其旋視學貴州

戶部稿卷六

古

萬里誰云遠三年自有期行臺依列郡文事領專  
司俗問龍番異山看銅鼓奇典型歸有道不獨是  
經師

又

蜀地專城舊黔南使節雄傳經原卜氏化俗借文  
翁蠻酒還能醉蠻花也自紅卽看絃誦起鄒魯許  
同風

寒食前三日李大司空醒齋招飲寓中看牡丹二首

聞月春遲寒未回尚書有約看花來自憐國色先  
時放肯受東風後至催飯可常食慚盛饌飲原無  
量負佳醅相逢俱是江南客取次題詩愧不才

又

牡丹價重長安少開放誰爭桃李繁尚緩三朝過  
寒食忽驚數朶照華軒題詩有喜先佳客倚和空  
慚對酒尊談笑斜陽看未極公餘還擬過君門

送汪貢五侍父南旋

停丹忽作別歸客喜焉如白髮將嚴父青山返舊  
廬寒輕換春服饌美有江魚前路饒安穩何時得

報書

戶部稿卷六

五

送張揚存視學河南

翠節南行好烟花三月過晴雲瞻太室高浪蹴長  
河江左儒宗出中原人物多遙知時雨化美譽起  
菁莪

又

賢勞念王事相送出城西法服中臺並學使服豸  
衣與御史  
同文名家相齊揚存爲荆江  
相國胞弟將離看柳色到處有  
鶯啼此地多佳士知君善品題

酬梅耦長見贈二首

獨處久無隣支離笑此身過門能好我沽酒爲何人得歲差同長開懷共一眞留懽取粗糲不厭阮家貧

又

一往就疎懶狂歌託性情自惟行我法誰欲競時名閨月花遲發開堦草旋生有懷取相贈佳句荷先成

送費滋衡歸揚州

正值春光好憐君促駕回長安難作客薄俗最輕才行色誰能挽離歌老易哀青青視楊柳欲折更

戶部稿卷六

六

徘徊

又

前路餘春在輕帆逐斷雲含桃紅欲滴江柳翠難分返舍開藏帙趨庭領異聞明知歸去好只有惜離羣

過孔東塘畱同蔡鉉升顧天石飲花下

孔侯有佳興郎署得朝閒移几安花下畱人坐樹間壺乾能自賈客醉不教還相得茅堂趣題詩笑老慳

有請辭賦詩者余戲阻之

招孔東塘梅耦長宋稚公陳健夫曹渭符李

龔公飲花下得東字

趨走獲朝暇邀懽得數公春過三月半花放小窓東供給庖厨薄開懷少長同殊方難此會歸去莫匆匆

一俘獲鳴兩丹子入京隨衆往觀志慶

羽林重發下天東赫赫車攻馬亦同會斬闕氏當陳上生禽孺子入籠中會觀北闕歌神武見說渠魁坐困窮欲乞皇恩貸要領急須面縛詣元戎

送宋稚公歸

行色蕭條返故津詩書道賤自今辰無媒莫灑窮

戶部稿卷六

七

途汨先達誰爲得意人簞筲纔生堪佐饌斑衣旋着好娛親試看乞米長安客辛苦還輸泌水身

樽同亭招同人集東臯花下分韻

花事三春好將軍意興豪移尊就芳樹携客上輕舸管有青童吹絃憑善手操

客有能彈阮者

城中久拘束

放眼白東臯

又

中林賞不盡香閣此重淹味喜庖厨美人憐少長兼醉醒各成趣調笑兩無嫌俱是風騷客題詩韻共拈

東臯花下用沈方舟所分韻再成二首

朝暄換春服散步繞晴江花放還同色禽啼各一  
雙狂歌老無賴畏飲氣全降忽聽齋鐘動東林見  
法幢

又

河水別成瀨涓涓一道斜魚苗穿細浪荻笋迸灘  
沙此地堪垂釣編茅易作家王孫先我志卜築託  
孤邪佩詩見  
周禮註

閏三月三日徐安士招同彭萊洲李公凱龍  
改菴沈東田周廣菴孫愷士陸默存碧山堂

戶部稿卷六

六

看花以池塘生春草園柳變鳴禽爲韻得禽  
字

春事今年勝繁花密一林閨歸仍上巳客到喜同  
心弄色看芳草啼聲辨乳禽聊當修禊事那復美  
山陰

又

命酒爭佳節看花愜衆心春光真我與白髮欲誰  
侵換席添珍果徵歌領妙音主人喜畱客斜景莫  
西沈

同徐華隱花間小酌和來韻

獨坐懷良友相招過舍南看花憐閨月酌酒賞微  
酣我自嫌真率君偏喜妄談早知才具妙投句比  
江淹

杜承三招同龍改菴飲寓中奉酬原韻

草閣拋書倦莫勝招邀地近興堪乘同人携手懽  
無那盛饌當筵愧不應鄉樹連行居自近通門舊  
好世相承殷勤更有瓊琚贈虛薄將何作報稱

陳健夫招同孔東塘金素公沈方舟李東序  
龍公兄弟寓中看菜花得野字

卜築依城隅幽偏似荒野是時已暮春景色猶蕭  
灑碧樹過牆頭菜花周籬下邀賞呼良朋壺觴聊

戶部稿卷六

六

共把談言涉微謔一笑中心寫卽事各賦詩比興  
託風雅得趣自吾曹此樂誰知者

招李公凱孔東塘王幔亭蘇茂弘劉文起梅  
耦長吳南林沈瑤田方舟李東序金素公慈  
仁寺看海棠

老愛看花狂不歇皇天爲我閨三月桃李開盡海  
棠開借地慈仁興勃發昨年舊侶仍在茲訂交更  
得新相知與少何如與衆樂招邀折柬來一時李  
杜作者呼不起風雅於今見數子更携山僧善雅



琴古調清音發妙指人生大數百年同流離病苦  
在其中一月幾回開口笑當前莫負好花紅趨賞  
恐落東風後倉卒草具誰嫌醜相逢意氣能作達  
賞心原不在杯酒長安富兒矜風流金尊玉竿羅  
珍羞號呶畧不涉文字醉飽一過懽娛休君不見  
金谷園荒蘭亭改流傳惟有詩文在分箋與君好  
自題期將勝事爭千載

慈仁寺看花和吳南林韻

春事關心趁早興慈仁就賞問山僧看花自喜新  
知共把酒饒憐老興增詩比少陵吾豈敢才追吳  
質子猶能齋鐘響絕斜陽回首紅樓見佛燈

戶部稿卷六

二十

勤郡王扇頭畫菊賜朱贊皇爲題二絕句

贈我齊紈曾畫菊投君畫菊在齊紈王孫不寫  
閒花卉應喜秋英耐歲寒

又

澹墨塗將數朶斜携來秋色裊中除獨憐兔苑  
親王子能寫東籬處土花

叢碧山房詩集卷之七

戶部稿

任丘龐塏雪崖著

立夏後一日過紅蘭室畱同顧爾立朱贊皇  
小飲得灰字

春分四十六夏景此初回芳草非全歇殘花尚自  
開已陪梁苑席更接小山杯是日古香齋午  
膳罷過紅蘭遙  
聽啼禽過斜陽宛欲催

又

令節宜高會經過偶爾來登筵慚右坐授簡畏羣  
才春向東方盡風從南陸回相畱情倍切言笑一  
徘徊

戶部稿卷七

又

羣屐諸賓散傳呼家弟來謂王弟  
雪齋也同心原樂善一

體得憐才老醜圖中識雪齋見余小像  
因欲識余故云談言坐上

開青春誰道隔花夢遙追陪

立夏後二日常羽士園中同徐華隱李公凱

王瑁湖汪東川沈臨士方舟吳南林李東序

瞿秩然賞牡丹

春分立夏四十六日日花開烟草綠桃李放盡海  
棠殘牡丹炫色驚人目長安牡丹種者稀應數天

壇常煉師連畦分栽數百本霞在錦葵光陸離此時勝賞誰能負苦少青錢謀沽酒相得弟子饌先生罷生代借具招邀集好友同心好友無嫌猜風流調笑從詠諧西院看花東院坐况有青山臨高臺繁華昔說洛陽道今時曹縣亦不少代殊地遠問不得未必能如仙洞好花開又是一年過吾曹白髮何其多富貴浮雲那足論直須飲酒高唱歌花前已盡今朝樂良游不可無佳作詩成與君重有期豐臺又將開芍藥

漫歌行題曹渭符小像後

戶部稿卷七

二

吾友曹生古雅士心期唯同許知己風雨不間相往還閒言緒語皆名理猶記前年重九時僧房泛菊同吟詩振筆一揮四韻就座中諸客驚新奇多材多藝歷時彥天子聞名特召見承恩供奉歸內庭從此故人稀見面見面雖稀心不孤時得傳言慰老夫昨朝重來投一頁乃是曹生行樂園白晝微鬚素所識照眼神氣仍溫克坐對菊花如昔時紗巾道服別粧飾郎署階級周歷完一麾吾將出長安他日江山增間濶一書一札知又難人世誰能相對老百年惟有心堪保寸心聊取寄圖中

題詩未識平生好

題高潤生煉師小象

高善琴

黃菊蒼松不染塵漆琴畱取伴閒身知音世上從來少古調休輕彈向人

周古椿鄭公望招同孫雪峰毛靖武雲門沈方舟館中看花得庚字

不到高齋久重來景物生盤回小山起掩映好花明竹許呼人面槐仍號馬纓招邀憐二妙客處費經營

友人以桃花一枝見贈色白而蒂綠呼爲白

戶部稿卷七

三

桃花索題余曰此碧桃耳其重瓣者乃傳枝所爲今人見重瓣者不分紅紫皆以爲碧桃非也賦短古以荅之

桃根桃葉同生植種處惟稀人不識別將綠萼標孤芳肯共嫣紅較顏色

同人釀飲北廊高潤生煉師花下

林深地僻足盤桓蕭散隨心倚石欄乳鳥學啼饒可聽名花猶在好須看狂歌聊盡今朝樂痛飲焉知來日難相得故人不遐棄追陪常願奉清歡

高煉師觀中看花肯爲彈琴兼出酒肴助歡

率題用誌感謝之意

仙家池館最幽深，貪看名花遠過尋。  
九十春光渾不住，百年華髮欲相侵。  
醇醪更得添瑤琬，古調兼聆奏雅琴。  
方外多情憐故友，笑談隨意夕陽沈。

寄老友安靜子二十一韻

昔我游濟南，與君初相識。  
攜手纔一笑，坦然露胸臆。  
其時當仲秋，青黃變秋色。  
籬菊吐霜花，草蟲鳴唧唧。  
寒溫氣候平，登臨宜此日。  
叶而諸侯非愛客，猶能供酒食。  
華不注峰高，趵突泉水派。  
朝登佛山頭，暮過峭湖側。  
更携鍾士季，來往一何劇。  
唱余以

戶部稿卷七

四

和汝從朝至日昃，客處難久畱。  
分手倏南北，從此隔山陬。  
十載無消息，昨逢君鄉人。  
聞君強筋力，今年交七十。  
鬚髮如前黑，天道有乘除。  
人事見豐嗇，懷才不一遇。  
將壽補亦得，慚余蒲柳質。  
頓覺老相逼，視聽減聰明。  
步履增欬仄，遇事每多忘。  
好友偏相憶，相憶此云何。  
末言矢嘉德，德音用不違。  
聊寄南飛翼。

送趙子藏宰粵西

青年與君交，白首情不移。  
悠悠三十載，幾經合與離。  
昔離阻鄉縣，相見恒有時。  
今離去萬里，後會亦

無期。五嶺插青天，江湖繚繞之。  
雁飛所不及，音書當付誰。  
王命茲有屬，前程焉敢遲。  
軒車明當發，念此令人悲。

又

朝出廣渠門，駕言遠相餞。  
來賓遐荒地，貧瘠託山縣。  
魍魎雜人居，侏僂語難辨。  
風土非素習，服食駭聞見。  
輯寧無異術，剛柔以時變。  
君子學道來，何懼澤不遍。  
獨憐一分手，言笑隔親串。  
親串何當言，王事義所先。  
叶先僉勉卽長途，離憂聊自遣。

又

戶部稿卷七

五

遠路行可到，荒裔自王土。  
男兒身許國，豈敢辭辛苦。  
嚴駕指灘江，南瞻望銅柱。  
葛仙令勾漏，敬于刺荔浦。  
陸續鬱林守，高登富川簿。  
前後相照耀，美名各千古。  
趙壹鄉國傑，才堪數子伍。  
行令桂林人，卽今見召父。  
有詩爲子歌，有酒爲君酤。  
壯行及此時，誰甘戀蓬戶。

謝一覺上人送芍藥

盈把分紅藥，山僧大有情。  
離離佳色見，冉冉妙香生。  
自識開根正，能令眼界明。  
豐臺卽此是，何必出層城。

孔東塘李爾公晚過小飲

正喜花開婪尾春忽傳好友過比鄰七朝辟穀今  
初滿四座分燈晚共親里語不經聊快意市酤雖  
薄亦醺人良游有約忻相訂願託籃輿逐後塵

孔東塘招同沈騶士顧天石李東序飲刺莓

園松下得真字

園荒徑僻絕風塵席地壺觴野興新松老橫身如  
就客花嬌弄色別成春無心自許羣山鳥高論休  
將駭世人何物微官能束縛清和游賞信良辰

又

戶部稿卷七

藥徑蔬畦色色新斜陽戀賞自清晨轆轤尚覺存

機械絃索真堪感鬼神樊生彈小忽雷樹底醉狂看我輩

塚中枯骨問何人

圖西二塚巍然

忍能對此不爲樂輕負

芳時綠正勻

自刺莓園歸便道過訪堽法師用前韻

龍泉寺內眼旋新刺莓園中跡已陳殘醉未消醺  
老子淪茗偏逢休上人流光一逝誰再與世事遼  
緣莫認真今日諸君暫分手逍遙別擬撰良辰

題計希深驢背吟詩圖

經過偏肯問柴關大雅從今識面顏怪得新詩盈

卷帙征途驢背不曾閒

送吳南林歸松江

留詩告歸去買棹託輕舟那以新知樂翻增遠別  
愁將離怨紅藥中路憶鳴蜩回首携觴地何時續  
舊游

黃自先足疾漸平喜賦用公凱韻

負創何事苦牽纏有喜聞人說漸痊未擬杖藜行  
戶外乍聞對客話牀前開編自可親書帙服藥生  
憎損俸錢并夜阿誰雙足健爲君持此問高天

送沈騶士旋里

戶部稿卷七

七

相見值春華新知樂孔嘉得閒同把酒到處共看  
花聚首曾無幾歸心何太賒感君畱別句一誦一  
長嗟

萬兆文自黔中還朝以丹砂詩扇見遺依

韻志謝

去夏臨荒徼今春返帝京歸裝無長物選士盡  
知名離合憐朋友虛公荅聖明何當損清惠把  
玩不勝情

又

使者空旋旆諸侯不寵行誰將望意氣君更作人

情大藥丹砂好新詩白雪清長吟消末日頓覺病身輕

初夏偶成和王瑁湖學士韻

綠滿高槐乳鵲喧居停地僻似山村蓬生石逕荒行跡雨過苔垣起翠痕幸有同人投雅味不勞殘客問閒門倦來一枕從酣睡更免訛言到耳根

又

風物清和四月中芳華未覺賞心窮嘗新果薦舍桃熟婪尾花看芍藥紅遣困園棋要客下無情名紙怪人通自公退後聊疎放焉川衣裳苦老翁

戶部稿卷七

八

鄭珠江太史假歸粵東有失握送追感成詩

珥筆承明客風霜老帝圻一官曾莫改萬里又空歸自處甘從拙人情直舉肥臨岐失相送悽惻恨余非

初夏偶成再酬瑁湖

繞逕蓬蒿蛙正喧幽居半落別成村烏皮几在惟攤帙白板牀畱有坐痕童子提壺能貰酒山僧問字亦過門科頭自愛依繁蔭吟倚空庭老樹根

又

炎風袞袞閉門中長日愁生愁不窮老去空然靡

草換夏回莫覓好花紅詩憐遣興同聲和居匪比鄰委巷通外事紛紛誰更問無能甘作信天翁

贈孫赤崖孝廉

但聞賈誼長沙去不見梁鴻海上還聖主憐才過漢帝教君生入玉門關

又

人生知己義難忘况是千秋翰墨場賓客兔園誰尚在白頭枚叟說梁三

又

辛苦曾經絕塞歸兒孫滿眼更相依賜環幾見收

戶部稿卷七

九

遷客不獨行年說古稀

首夏望前二日周蓉湖移居舊寓同王瑁湖袁杜少潘雪石龍雷岸飲借綠軒卽事用瑁

湖韻

竹欄藥逕周郎宅一去江東五載賒喜汝能來余又過賞心重看故時花

又

軒後蘆棚絕可憐闌干周匝似湖船主人賣弄能沽酒不受青銅三百錢

又



七尺圍牆舊日同只將南面改吟龍高槐垂柳天  
卿樹 趙玉峰少 分得青葱過院中

又

叢叢綠樹簇新條長夏宜人足未朝恰遇吾曹非  
飲客拈杯成汝竹王驕 竹王夜

四月廿四日戶部侍郎王阮亭刑部侍郎田

綸霞學士徐華隱王珥湖李公凱祭酒汪東

川太僕卿周雅樞中允袁杜少屯田郎中龍

改菴同集崇效寺用曲徑通幽處禪房花木

深爲韻得徑字

戶部稿卷七

十

久阻棗林遊忽憶棗林勝下有雪公室可以託幽

興高賢多清暇選日從吾請雨餘趣轉佳苔蘚鋪

香徑丹榴揚其葩青槐藹深靚四月垂欲盡恢台

感時令行膳出提携列坐依廣庭山僧愛敬客蔬

齋雜餽飮一談重一笑一觴復一詠長者寬禮法

誰當拘醉醒况乃聞大捷兇徒已就到神武仰吾

皇胡弗增惟慶

張玉山將歸淮上携詩過別畱飲並次來韻

淮南歸計决告別過幽居行色一帆遠鳴蜩五月

初新詩欲誰和好客繼今疎小住爲沽酒君無厭

菜蔬

又

世久怪吾直惟君喜共親舟船長往日唱和暫時  
人老別情偏苦貧交意自真一杯雖共把悄悄暗  
驚神

送郭梧園郡丞赴河間兼寄陸使君繼菴

久依瀛海居還佐瀛海郡 郭授屯靜海 郡中十七

屬曲折悉其隱爲政才具長况乃承家訓除目前

朝下先聲解吾慍離筵慚專設市酤非良醞感君

不相鄙恭人色逾溫 叶紆 簡書既有限 王程喜

戶部稿卷七

士

尤近府主陸士衡情好託舊分護持及漂搖 邑令

余公爲 相思改年運兩賢會相接爲余申一問

趙少宰玉峰招飲園中賦贈

九列起通貴七旬長鬢絲趨 朝仰元老戀母見

嬰兒 趙母時年 除吏有時暇詩書聊自怡多情憐

擁腫折簡更相期

又

吏部爲園好幽深隔市塵看花同故客借綠與隣

人 鄰人周 斟酌憐多旨言談任一真高林懸晚照

晴色倍堪親

又

高賢少俗務逸興託幽林大草從人乞新詩取自  
吟層軒消大暑高樹帶鳴禽不厭客來往披衣擬  
重尋

夏至祭方澤壇齋宿和萬兆文韻

陶陶仲夏應南薰葭琯旋看氣候分 天子未回  
巡守駕宗臣代舉告虔文明衣人共陪華省中夜  
心先接蕊芬更喜仙郎多逸興清歌一曲自超羣

同公凱杜少琯湖飲東川齋中

昨日禪房共蔬

牀據切

齋今朝對酒又吾儕松杉交

戶部稿卷七

七

徑涼偏好蘿薜當軒趣轉佳人喜能在無醉醒言  
從知己任詠諧披衣郵厭頻來往雨後埽塵淨六  
街

端陽有懷

當年此日在家鄉浴罷蘭湯上北堂角黍登盤黃  
可掬艾枝插戶遠聞香開筵祇候 雙親出進酒  
還先諸弟行一入京華成間阻南天翹首意增長

五日述舊呈李大司空

冬省分曹歲已遷風光回首尚依然疎狂偏得容  
司馬樗散何曾罵鄭虔艾氣侵晨驚令節崧高應

運計當年稱觴欲獻斷無物下里歌成第幾篇

又

休休風度自堪親水暑分曹四週春才薄偏蒙國  
士遇家貧羞說報恩人風塵將往知何地譙笑難  
忘是此辰醉倒筵前不能去高城漏下重逡巡

五月初八日李龜公招同孔東塘陳健夫顧  
天石飲園中

常年五月熱未強今年五月熱難當北鄰李子好  
池館招我飲酒兼乘涼草閣幽深得未有四面繁  
陰交槐柳座中俱是我輩人袒裊作達誰嫌醜諸  
君能和余能歌弄絃惜少樊花坡人間歲月如逝  
水當杯不樂欲如何獨不見菖蒲無色艾葉老回  
首端陽三日過

王珥湖席間同徐華隱李公凱汪東川周雅

楫袁杜少賦

每是招邀余早到閒庭幽爽喜徘徊山花弄色沿  
階放鄰樹分青過院來

又

兄弟何人早見知康熙丁巳在京師徐生未老龐  
生壯車笠訂盟自彼時

又

長篇大句競清新角奕拈杯各任真種種誰能均  
敵手天生李白對汪倫

又

長安乞米廿年強鬢髮驚看盡老蒼意氣誰能全  
不減風流跌宕有周郎

又

米顛相繼張崔逝不忍相思泪滿巾桑梓情親誰  
共在東明客與姓龐人

米紫來張武承花  
宗正皆北直人

又

王公大雅乃吾師不識杯鎗也自奇得酒偏憐看  
飲客閒談故事賦新詩

和陳健夫雨後見懷之作

離羣旋見憶情至託長吟自顧曾無取相憐何太  
深過雲帶微雨白日逗輕陰此際此時意增余感  
不禁

送客歌

送客喜送還鄉客傾廂倒篋窮搜索中金錠小東  
葛輕聊獻北堂慰晨夕高年充腹須甘肥高年  
當暑宜綌絺身無涼衣食無肉愧殺京華游宦兒

過徐子文畱贈

靜者意常閒家居從晏起日高不開關客來始巾  
履入門眼界清不似依城市草花周前除爐香安  
曲几自出所定文共賞增忻喜

時徐選昭  
代文遠

余亦負

對硯有感

米紫來  
致物

生出端溪水來從米翰林難忘當日贈真感百年  
心以涅知難免不磷自可珍光芒騰墨色長伴白  
頭吟

東工部員外杜承三

吾愛杜公子新詩隨意題家仍丞相舊官與少陵  
齊避暑思河朔乘涼憶柳隄城南須一出取次有  
提携

拙菴師書來索消息答之以偈

聖解凡情兩不知困眠饑食任人嗤總拚萬事隨  
他去也有不隨他去時

又

長夏耽饑冬耐寒廿年待漏在長安祇知龐老官  
貧甚不道身貧又過官

又

辛苦經年學道身擬將奇特出凡塵而今轉覺平常甚直得無言可告人

又

說向時人誰得知山河大地各參差直須拄杖成龍後自見一漚未起時

又

姓龐也合號龐公古代今時分不同若向其間問消息年年夏日是南風

用王摩詰贈吳官韻送錢又持歸嘉興兼寄

戶部稿卷七

六

朱竹垞

青林梅熟酒新煮一杯送客傷徂暑庭宇如蒸居者苦况當南路託行旅君家丈人朱仲卿海內論文共相許別來著述知又多附書遙訊胥江渚

送宮定菴巡撫閩中十二韻

副相韓長孺黃門向子平承恩辭北闕仗鉞指江城祖席傾朝出郵箋接驛迎鏡聲霞嶺動旗影劍津明漸覺提封近先令豪奪驚經綸學素具風草令初行任道能移俗矜才恥近名謳歌閭嶠起波浪海門清私好關鄉里虛懷眷小生殊榮知有

喜遠別免無情戀戀牽衣袂悠悠感旆旌南天看漸遠落日獨屏營

題汪紫滄兄弟割股救親卷

弟兄感動出情真念切天倫不顧身若謂毀傷非至行擾鉏德色又何人

朝過金素公承欵待畱題

下直歸仍早尋君偶過門家童掃幽徑膳宰熟蒸純朝食堪同飽新詩好細論更憐藏帙富坐久任披翻

素菴見過

戶部稿卷七

七

雨餘庭院靜翠蔭擁高槐忽喜同心友重尋一老來畱食出粗糲貰酒少佳醅長日論文好匆匆未忍回

友人以工部秋興八首書扇見遺

多君贈箋妙無倫細字如蠅筆筆勻杜老詩存饒近眼元規塵起免污人高吟未覺清秋遠搖動偏宜伏日新出入時時懷袖裏何愁炎汗被余身

徐竺村費茲衝過寓小飲

炎蒸無處避老困獨如何正想清談好偏憐二妙過晚風接餘善夕鳥放長歌共飲且休去壺中酒

尚多

杜員外謝醫禁食而疾果愈以詩謝余賦和  
兼訂觀蓮之約

昨朝趨訪過君門腹疾方當臥竹軒強起披衣對  
知已偏能辟穀用狂言身安益信中醫妙古語有  
常得中醫詩好堪從大雅論溪畔荷花開已遍相期同  
問祖家園

丁丑六月二日合朝文武官員士民軍校數  
萬餘人同赴 暢春苑再請上 尊號恭紀  
三章

戶部稿卷七

六

九州民物洽昇平又見邊塵奏永清共仰鴻功開  
震疊可無顯號答休明 至尊不伐高三讓羣下  
難安重一行爲說來朝宜早集衣裳坐擁聽嚴更  
又

喜赴 離宮夜漏催三更高喚禁門開衣冠朝士  
籠燈出笑語鄉耆扶杖來共獻微忱希有感不蒙  
俞旨未須回神堯亦受封人祝千古爲君稱大  
哉

又

簇簇人齊太液邊 龍樓鳳閣與天連宮鴉聲動

晨光起御柳晴分翠色鮮 聖主垂衣金殿上元  
臣引奏赤墀前願言 睿意無重却俯俟 綸音  
下九天

題王石谷所題虞修謨書

誰從畫苑著高名石谷今時皇甫生皇甫生  
謂玄晏寫就  
應須經一見齒牙不惜句先成

又題

老夫論畫似論詩不到天然未是奇解意猶憐有  
虞叟圖成雲起水流時

陳健夫生子走賀值雨承款待

戶部稿卷七

九

陳君一往苦單栖門內新來好事齊紫笋當階初  
解籜枯楊昨歲憶生梯畱人飯問厨中熟索贈詩  
從壁上題貪看欄花當細雨轉嘆歸路說衝泥  
又東健夫

曾憐花燭續新盟四十流年應甲庚仲子邨須三  
婦豔商瞿初報一男生芸編付託他時事繡祿裁  
縫此日情擬辦犀錢待彌月休辭湯餅費經營

李彥繩見枉投詩奉答來韻

居庭幽且僻逕草任縱橫斜日來佳客過門問老  
生常談愧無趣好句喜先成正苦綿綿雨高吟萬



咸平

送米與天石

聞君連日客囊罄減米分供媚金鎗未與指困爭  
意氣聊當裹飯見交情

戲贈陳子

依舊於陵叟城隅託隱栖河邊灌園水室內辟纈  
妻避客門常掩銜杯句自題從今增有事孺子待  
提携

西峰草堂阻雨

天雨來何驟畱人草閣西紅欹花不落綠重柳全  
低且飽中厨飯誰愁夾巷泥晚晴饒可喜野鳥數  
聲啼

戶部稿卷七

三

王昊廬先生招同袁杜少顧天石高涵三宅

中午飯

祇命趨函丈披衣觸熱來忽驚幽徑以添得好花  
開座客皆相識盤餐此共陪連篇展佳句同許彥  
先才

卽晚諸人散去 先生出自著獻 上詩命

余與杜少同讀

斜陽垂影下炎汗晚涼收好客趨先返及門重見

舊聞談淪佳茗露坐倚高樓說有新成草創將取  
共謀

又

自把一編出光芒照眼新未應私所好直恐愧當  
人當人指聖武篇中見聲靈象外陳從來有歌頌  
妙絕竟誰倫

又

涼風起庭樹白日宛西沈手筆還相忘身衣白可  
任誦詩欽正雅願學有同心一語焉能贊歸途喜  
共深

戶部稿卷七

三

雪法師自龍門歸同金素菴過訪不遇

見說山中返相尋引客來寧知隣寺去莫展笑言  
回翠色交新竹濃陰散古槐還閒須更過避暑亦  
悠哉

勤郡王舉子賦呈二首

遙傳王子晉緱嶺罷吹笙重應人間化還從貴族  
生小山知固有叢桂接新榮欲賀情何極寧辭觸  
熱行

又

德業 王門重生兒取象賢定由五老送來占九

維先 玉牒添公族犀錢散客筵白頭笑枚叟屢舞向尊前

戲成

郎署庸庸愧此身公餘一卷喜相親寡聞莫解談新事獨處惟知愛古人夾巷魚腥填早市斜陽絲竹動南鄰口堪大嚼耳能聽作我生涯那道貧

題鍾允菴桂下獨坐圖

獨坐秋山晚鬚眉淡有神誰將月中樹寫傍讀書人細朶聊相映清香自可親心期知有託郊子是前身

戶部稿卷七

七

同官朱潔蒼以淡墨禿筆寫荷花爲余作生

日覺公見而賞之取以相贈附偈于上

蓮花根性妙偶向幻中成是相卽非相見生原不生有無那可道人我又何爭持作一公贈須明麗老情

身世

悠悠身世任浮沈旅食艱難笑目禁瘦似維摩頻示疾鈍如羅漢不回心廿年鬢髮官中老三逕蓬蒿雨後深且喜公餘無外事科頭高味坐墻陰

叢碧山房詩集卷之八

戶部稿

任丘龐塏雪崖著

立秋日紀興

趨府侵晨束帶出沾衣汗漬雨餘收流光未盡銷殘暑爽氣旋驚入首秋沃野田禾看漸熟貧家飯爨莫深愁紛紛道路爭傳說更有 皇恩被九州

又

六月將終夏已回流年節氣早相催蕉衣乍爽新秋入草閣初晴故友來

陳健夫見訪

萬里威行收絕塞

九重詔下策羣才太平盛事堪歌咏相約旗亭

戶部稿卷八

問酒杯

送姜雪園之任仁和

爲客西湖憶昨春水光山色最情親如何偏得君恩重領縣還教作主人

又

嫋嫋輕帆向武林白蘋紅蓼喜秋深澄波萬頃西湖水重與姜侯照素心

酬費子見贈元韻

落托長安道悠悠二十春虛糜太倉米真愧具官臣主畫憑時貴攤書見古人優游自公出高味正

堪親

又

夙昔耽吟咏言情取一真自惟循古法非敢薄今  
人異地交偏晚同心分合親得君兄弟共風雅道  
堪振

又

愚極應成拙班行羈此身未知卑下位焉取近中  
人趨走期將滿風塵分漸親還愁一麾出道薄負  
斯民

雨不歇

戶部稿卷八

二

三伏三朝夏六月雨晝兩夜雨不歇風伯氣盡雷  
聲死天地混合橫汨汨屋漏下灌水浮牀誰家饑  
烟能出突蛟龍憤怒鬪逾酣農部老郎增咄咄寄  
言上告三足鳥急飛若木高處防沉沒

沈子以紅蘭主人所寫芭蕉梅花扇索題戲

爲長句

千秋畫師王摩詰會畫芭蕉伴冬雪才人意到無  
不可莫將物候拘常說紅蘭摩詰前後身偶然學  
畫畫入神芭蕉欲動梅花笑寫贈休文解意人

荅李蘊公雨中見懷元韻

一雨連朝暮街泥淖且深往來人共阻漏濕意難  
任老罷憑誰問詩成見汝心情詞兩俱妙愁破起  
高吟

東李丹壑

追陪侍從共昏晨一出西清漸不親筋力經年伴  
趨走鬚眉垂老向風塵將尋良晤無多日回憶同  
心見幾人氣爽晴歸新酒熟休辭談笑過南鄰

秋雨嘆

有序

浮淋不止米盡垣頽兀兀愁坐無以自遣偶

憶少陵秋雨嘆詩卽題次韻亦成兩章情感

戶部稿卷八

王

不同同一嘆而已

無日無夜雨紛紛排山沓嶂屯秋雲皆溜活活屋  
甕急千聲一槩焉能分長街水深巷泥黑步擔馬  
馱走不息寺僧午飯未開門璫徽朝官方下直

又

貧家百苦那堪數屋壁宵頽失一堵甕空疊疊坐  
自憐裏飯何人念淋雨近日京官大都寒就中詰  
屈誰更難臺郎有俸待不得乞糴仍須道路乾

初秋十日送浦副工歸浙中

西風蘋末動良友問歸程乍入悲秋候重驚送別

情啾啾草蟲起慘慘夕涼生輾轉爲君故披衣坐  
到明

又

連朝雨不息泥濘阻經過自近還相憶長離將奈  
何交秋變柳色先雁越江波有酒焉能醉臨岐激  
短歌

又

雲物首秋好分携惜汝賢情惟憐老疾語不厭狂  
顛遇節常同賞將詩每互傳誰堪一帆去萬事感  
從前

戶部稿卷八

四

送許虞庭赴臨洮太守任

廣武邊陲地今年始罷兵 朝廷憐赤子郡守選  
儒生有道惟先愛真清不賣名知君用經術德教  
自風行

又

兩載司徒省郎曹託比鄰署中常會草

廣西四川  
兩司分管

芻豆合

衆裏獨情親此出喜爲郡前行西入秦終

然惜長別分手感秋新

城南

不到城南久秋光倍覺賒水菰生黑米晚稻落青

花臺榭親王苑香燈乞士家舊時游賞地回首悵  
年華

過周蓉湖宅

愛汝西街別業好入門一笑脫衣冠依然夏木籠  
苔遲忽有秋花放藥欄筒發秦家蘇合彈棋開仙  
客橘中盤笑言不必愁昏黑泥水全消六市乾

王瑁湖見過

僑居地僻似山村長者高車更過門久雨蒿萊侵  
逕長新秋絡緯向人喧曾知飲酒非其好且喜吟  
詩肯細論相對可憐惟茗椀閒庭隨意到黃昏

戶部稿卷八

五

首秋博問亭招同孔東塘陳健夫葉季良東

臯小集傲齊梁體

東臯占地勢別墅好樓臺岡巒有單複林木非安  
排暇日承嘉招振步披蒿萊坐我河上亭心目豁  
然開水鳥嬉庭下漁艇繫門隈况有絲與竹可以  
寫中懷半酣去巾帶莊論雜以詠是時大火流芳  
草猶未摧野花作秋妍爛熳周林隈蛺蝶翅不息  
絡緯自相逐寓目各成趣愉悅增徘徊四時以成  
化寒暑迭往來宋玉感秋氣悲心似可裁

遭荒行

去歲吾邑遭水荒猶幸前歲薄收糧今歲水荒過  
去歲望洋那可填饑瘡白頭黃口向溝壑丁男健  
婦悲迷方有司坐視莫敢告勘災有費愁難償大  
邨人稀小邨靜卽恐城市爲鹿場我愧邑人官農  
部欲採無力增憂傷維魚有淵鳥有不人生焉得  
無家鄉嗚呼人生焉得無家鄉

拙菴大師賦詩寄贈并致五臺山游記銅如  
意用和來韻申謝

全身笑我十分露妙偈憐君四句新莫怪逢人難  
見面也勝見面不逢人

余與拙公筆札往來數年未獲識面

戶部稿卷八

六

又

澗轉峰回處處真五臺全體見精神風顛龐老從  
前在着龔佛頭也笑人

臺山記余爲作序

又

却從言句信吾真未面翻過見面親如意金剛經  
百煉可憐遙贈姓龐人

石林上人過訪余以出游失祇待賦謝

盤山會下多禪伯文雅偏憐湯惠休手曳孤筇問  
龐老口傳妙偈出青溝酒船有客邀同泛菡閣無  
人爲小畱惆悵題詩重有約蔬齋遙待話清秋

博問亭再招飲東臯同金素菴陳健夫

將軍好亭館有過不嫌頻置酒邀生客棧舟待故  
人烟光看一變詩態引重新相對增談笑全忘病  
在身

又

草蟲鳴漸急野卉色猶新白髮焉知老秋光不負  
人繁聲轉高調痛飲信天真行樂將何待堪爲達  
者陳

又

最愛河亭好重來未隔旬黃添簷外樹客異座中  
人大雅堪同論交情取共真匆匆誰忍別吹角動  
城闌

戶部稿卷八

七

杜承三比部招同徐安士寄園小集李彥繩

龍公俱在卽事成詩

園高陽師相建

比部多佳興尋秋携酒尊過門邀故客就賞借名  
園草密全遮徑桐高半出軒有來思在昔感慨欲  
奚言

又

曲折山多勝支離樹亦奇側身緣絕壁俯首避橫  
枝李子將家弟徐卿領小兒苔磯聊共憩訓笑索



吟詩安士幼子背誦  
唐詩清辨可喜

又

亭虛無壁廂山迴隔器塵就鳥憐喬木分風怯老  
身塞鴻終一去黃蝶暫相親節物看如此懷哉詎  
可陳

又

林州兼鳥語風景似山鄉棗熟堆盤赤桃鮮觸手  
香供養驚盛饌不飲恕寬觴老瘦真堪笑冬衣畏  
夕涼

又

戶部稿卷八

八

周戚聯甥舅

杜李之舅

通門託弟兄偶招成雅集相愛

出同情石砌蟲聲合長林秋色生晚涼宜飲酒負  
疾悵先行

韓鶴汀被難後五年不通消息忽然相見喜

慰特甚兼留佳作依韻奉酬

風波一起同心隔五載相思只自勞乍喜逢君如  
夢寐休談往事引牢騷室家毀盡無遺壁姻亞情  
多有贈袍毛羽幸存脫羅網飛鳴隨意向林阜

善病

善病有龐老居然調攝奇三食罷朝食七月改冬

衣對客仍高論臨窓且賦詩身輕能預定招友作  
游期

東雪法師

居士朝欲死文殊不問疾來卽有坐地莫小方丈  
室

七月盡日作

七月倏焉盡白露彌高天柔條各已勁弱草自相  
捐西風向我吹灑體一竦然念彼當暑時得此如  
得仙今者覺可畏昔者絕可憐不惜人情異惜此  
時序遷來朝仲秋交三五月華圓努力營斗酒儲

戶部稿卷八

九

作良夕傳流光不與我行樂欲何年

送史胄司學士奉命祭泰山東海

海嶽懷柔日天威震疊年報功存典制選使必

才賢御仗容臺領勅書內殿傳恩光照齊魯

秋色下幽燕祇命嚴星駕中途賞月圓山靈共呵

護龍伯一周旋波浪谷王靜雲霞泰時鮮寅恭學

士著牲璧有司虔瘞玉求封處乘槎想漢邊氣均

寒燠適地近往來便落葉東山下歸心北闕懸風

謠應遍採還獻至尊前

李蘄公餽菊花醬

小史北鄰至提携有所將看題知秘製啓識發秋  
杳不改東籬色能生五內涼清心及明目信合老  
夫嘗

承三晚過卽事

懶散稀人事蕭閒退食餘有時遭疾病亦不廢詩  
書野鳥啼相續秋花紅未疎應門通好客拋卷坐  
相於

又

數日不相見清談興輒除未須謀酒脯隨分出茶  
瓜聲勁簷前樹紅嬌簾外花聊當盡幽賞休論事  
如麻

戶部稿卷八

十

雨後過龍公健夫先在酌酒論詩懽然抵夜  
停午雨始歇餘瀝猶在樹李郎亭館佳就賞索幽  
趣入門得孟公一笑披情愫風雅道所存理象通  
回互作者不達意爭新在詞句晚交得二子望古  
從所務肴饌亦旣陳高談佐清醑座中聞飛鴻肅  
肅向南度時序不可畱同心不易遇相對一陶然  
誰知夜云暮

荅素公秋日阻雨寄懷之作

仲秋始肅殺涼風厲西顙飄零散木葉萎黃變庶

草相督成物化有生寧不老慰此長年心誰獨無  
風好一雨連三朝廣衢汗行潦悵悵街東人不過  
街西道况子阻重城何由展懷抱

杜員外惠米和韻奉謝

僭負累累問寓居忽令瓶盎起空虛多君自念通  
門好于我曾無乞米書脫粟色鮮憐土物香秔味  
美識官儲謀朝暫緩經旬計高味牀頭興有餘

柬王琯湖

我愛王夫子清吟興有餘相憐居處近翻得過從  
疎暑遠朝須入秋深病不除何當示新草把誦小

戶部稿卷八

十一

窓虛

過孫太史寓感賦

聞道移居近過從乘興來路生迷曲折室靜引徘徊  
話舊嗟吾老投閒惜汝才相看免牢落繞砌有  
花開

又

廿載論交地重逢尙帝鄉才名寧獲落生計且  
荒唐栽竹乍開逕借書猶滿牀安排用幽意滿澗  
趣彌長

又

關塞人初返田園事久非男兒寧浪迹故國欲何  
依好友時相見高吟興不違賣文能給酒取醉掩  
荆扉

又

秋聲朝漸急繞砌響寒蟲物色流年換他鄉表弟  
同斯文猶未墜吾道豈終窮有酒遙相待期君過  
巷東

長歌行送譚松亭歸楚

千林黃落散秋色草蟲露下聲唧唧長年對此有  
餘悲况送行人歸鄉國譚生風雅名家兒

友夏先生姪孫

戶部稿卷八

七

灌村太聰明秀發性溫克萬卷能讀祖父書落筆  
史之子往往見遺則少壯騏驥膂力強千里騰踏勢未極  
新知樂方深言歸增悽惻燕山楚水道路長忍能  
分手各南北南北一茫茫後會思不得我欲畱子  
住無策我欲送子行無力老病伏牀擬贈言百年  
意氣託胸臆待子白頭說故交北地龐老猶及識  
同人集東塘寓賦得燕知社日辭巢去

填填社鼓入朝聽海燕差池出戶庭好趁良辰無  
雨雪休看故壘太丁寧新添黃口堪偕往舊熟青  
山此再經聊借一盃爲爾餞主人有酒滿銀瓶

又

序轉春秋自有程燕飛南北亦未停青陽過眼渾  
泛泛金風刷羽忽泠泠人看西候非得已我知南  
地且須經避寒隨分栖泊得前路那復怨漂零

又

卽看燕子向林垌我作新歌四座聽直喜先寒識  
消息猶多故侶免令丁勞生那得來無往醇酒饒  
拚醉莫醒道路輪他太輕便歸時還及草芽青

中秋晚晴招孔東塘曹冲谷沈方舟寓中待  
月遲杜承三不至

戶部稿卷八

七

委巷泥深日向斜入門攜手興尤賒雲閒應得今  
宵月紅濕能畱小院花幸有青尊聯勝友那將白  
髮負年華樊川杜子多才客金玉何心悵獨遐

中秋後一日同健夫素菴飲蘆公園亭

有念同心好相隨二妙來追懽畱節物命飲出家  
醅露下黃蟲叫籬邊紫蓼開月圓仍未減餘興一  
登臺

送拙菴上人游五臺卽次拙菴送僧原韻

五臺有路驀直去不踏絕頂不肯住還防被他文  
殊瞞獅子窟邊日又暮上不至天行何難采采青

蓮眼中看君能移來作供養一寸心頭取次安

又

五臺有路休計里到日還從行日起人言文殊在此山拄杖行脚聊復爾四時分氣偏冬時六月春衣畧一披大好消息君自領雨雪莫厭歸來遲

拙菴以檳果製乾自山中見寄

檳果生成好山僧製作良多情遙見寄知味始教嘗片片畱佳色盈盈發妙香甘酸引津液消渴獲奇方

過友寓看佛桑花

戶部稿卷八

十四

聞道佛桑好深紅數朶開看花原有興扶病亦須來曉日宜相映繁霜莫浪催更憐門巷靜把酒一徘徊

咏佛桑花

密葉重臺起真紅剪作裳自惟羞間色誰欲競凡香影動西風晚枝團白露涼早知根性美記蒔託空王

送高江村詹事得請侍母歸平湖

板輿承寵命新秩接中台遙識九重意特教八座回前程郵吏待高唱水關開欲續南陔味偏慚

東哲才

又

夙昔同心友班行分地懸十年經契濶一面託離筵綵服搖晴色江魚薦小鮮菖蒲沿岸得獻節喜樓船

又

予告歸鄉邑皇恩真自隆不違將老母有待輔青宮黃喜籬邊菊紅憐簷外楓還家華髮健莫戀故山松

勤郡王惠茶賦謝

戶部稿卷八

十五

王門降信使玉札出親裁偏記蒼頭癖遙頒露茗來情從言下見香逐淪時開連日方消渴精神一啜回

曹冲谷携新作過訪依韻奉和

雨後凉生欺敝袍離披荒逕偃蓬蒿過門有贈憐長句作郡猶遲笑二毛市賣黃花知近節尊畱紫酒待登高人生行樂隨方得誰說長安少蟬螯

九月一日同田綸霞侍郎曹冲谷金素公過

崇效寺訪雪上人以王褒山秋菊葉黃爲韻

得菊字

季秋朔日交積陰散朝旭夙有棗林約言尋已公  
屋閨歲節氣早燦然見黃菊佳辰雖尚隔風光已  
滿日粗畧出提携觴豆雜相簇圍碁更代着奇文  
展共讀發興非一端卽事愜所欲薄暮聊復歸登  
臨期更卜

同人集金素公齋中得玄字

作郡看人去登筵任我先椰榆從一鬼唱和且羣  
賢對酒自知樂前程休問天伯倫直達道酒德著  
佳篇

又

戶部稿卷八

六

霽日明高館黃花照四筵題詩才向盡先飢禮猶  
傳景物歸吾黨風流憶古賢從今迄重九幾度醉  
離邊

寄金供九日家筵之需

小定中金寄莫遲 北堂應滿菊花枝青尊沽酒  
過佳節綵服齊行少大兒 白髮只愁家計薄皇  
天猶令一麾遲栖栖連日成多病強報平安慰遠  
思

重陽前二日間上人齋筵相招

處處探黃菊朝朝上客筵欲求彭祖術罷草子雲

玄盃酒非吾好狂游被世傳山僧昨有約雖遠亦  
須前

喜張杞園入都相見

憶別猶前日重逢尚此方那堪年屢改不分髮俱  
蒼缸面醅醅熟階前菊蕊黃離悰非易盡細話對  
斜陽

初八日招王幔亭張杞園及長郎卯君同飲

次幔亭韻

廿載京華客重逢離菊芳應爲遲良友故作戀班  
行自有紅萸酒誰愁青女霜登高來日會戲馬興

尤長

戶部稿卷八

七

又

迎辰延好客撫景惜年芳白髮誰偏老黃花共一  
行天晴得新月風急報先霜九日霜降不醉寧教去秋

宵漏正長

又

木落階前葉花添籬畔芳佳辰知又過勝處擬同  
行鶴老警宵露鷹騎得早霜明朝問洞壑仙掌幾  
枝長

九日擬游天壇不果同朱近菴馬衆瞻明園



表階六兄弟沈方舟飲寓中限陽字

仙觀失前約畱歡聚草堂聊斟桑落酒亦有菊花  
黃日霽收殘雨風涼散曉霜同人免拘束爛醉正  
無妨

又

採菊思元亮懸萸憶長房居然時物在翻怪古今  
忙一室堪同飲吾曹各異鄉何須高處去遠望使  
心傷

重陽後一日同人飲周蓉湖通政宅中

依舊黃花在風光未覺陳追歡邀故友泥飲續佳

戶部稿卷八

辰吹筒虛驚鳥投壺慣着人周好此二忘形雜調戲故戲之

笑何處不情親

重陽後三日同人飲王瑁湖學士宅中

九日忽焉過嘉招逐次來山花畱晚色家釀送深

孟幽景仍堪賞離心莫漫催笑言繼今夕更作幾

回開時袁杜少將歸

重陽後四日同人集徐華隱學士宅中

登筵不待速入戶那須迎禮簡存真氣室幽無俗

情添孟狂自喚啖餅戲相爭徐製椒鹽餅絕極晏佳客各取歸

今朝樂焉知後世名

重陽後五日同人集汪東川祭酒寓中

良筵不隔日隨分又君家喜近將圓月仍看晚發  
花角談通戲謔較殘起紛拏廿載長安會懽情此  
倍賒

重陽後六日同人集沈洗馬東田寓中

未厭同心會佳期當奈何詰朝行李迫合席主人  
合如九多合之合泛酒摘殘菊添燈續放歌莫愁歸路黑  
明月照坡陀

送袁杜少歸東明

行色匆匆急霜風故故侵鬚眉同用老去住各傷

戶部稿卷八

心後會寧堪問離盃強自斟山川隔千里有夢恐

難尋

又

秋來何意緒人事總難期死別腸猶痛龍改著新道生

離意轉悲關情惟梓里同病念庭羸回憶承恩日

誰堪見此時時同鄉名試者袁與余外張武承米紫來崔宗五俱物故

陳健夫張卯君小像各用梅花綴景合題二

絕句

張子東山陳北地寫真各取傍寒梅鬚眉未似風  
神似合味分題笑不才

又

陳子繪圖逢惲老惲壽平張郎補景有王公王穉登

人兩家畫手均勍敵卷後題詩也略同陳卷後惲題十絕句

張卷後王  
題四絕句

徐芝仙合三十家畫爲一卷按上下平韻分

題余得松樹用十一蒸

凡材不畫畫松樹愛爾禁霜有異能一體圖中看  
山上四時常見黛烟凝

田少司寇招同王阮亭先生張杞園曹冲谷

金素公雪塢法師飲念始戶部宅中

戶部稿卷八

三

烹鮮饌素別湯羹司寇開筵太用情相得方袍居  
上首終慚祭酒屬狂生經霜不改黃花色既望饒  
看秋月明主席歡同阿戎語尊前妙義各縱橫

李彥繩送菊

擬欲尋幽無處去忽來秋色到牀頭山房坐對增  
狂興短味狂歌夜未休

又

經霜猶有菊花開李子多情分惠來更喜劈箋題  
好句清吟把酒送深盃

博問亭手書游西山詩見示遂用來韻

携客登臨昨暮回過門忽遣使人來懸知青女秋  
深景定費將軍病後才佳句法書箋上得水光山  
色眼前開空齋吟賞堪過日轉惜勞生莫共陪

戶部稿卷八

三

叢碧山房詩集卷之九

戶部稿

任丘龐壇雪崖著

十月一日作

趨走栖栖託帝都爭先未敢問他途在官有祿聊中隱從政無權亦大夫歲月空從羈客老詩書真被古人愚寒衣未授初冬過朔吹愁聽向曉呼

東吳季舒

人生難得新知樂一見相思思未徂風雅喜同吾所好衣冠真與古爲徒居通城闕會非遠尊有家酷免更沽已擬論文宜永夜好須躡屐就狂夫

戶部稿卷九

首冬三日對月書懷

拳拳雲間月厥生天左側三四光漸顯二八光乃極斫桂本無根顧兔此何德上弦復下弦矢急流年易我本田舍兒來作金門客二百四十周速余成老洳跼蹐郎署間毫無補家國庶幾一塵出風塵展餘力以數斯亦過考時應無惑汝盈將有照汝虧亦自得盈虧望新春三度以爲則

寓中置酒同吳季舒金素公論詩

風人不復作六義竟沉淪黃鐘闕無響瓦缶鳴相喧吳君獨好古正始情所敦金子不適俗力謝朱

與元招邀撰良日並坐開西軒上探漢魏旨遙溯雅頌源道合心不逆一笑傾匏尊尊傾當更續語語重言言同聲弗相應彼驕誰與論

鼎望養疴村中歸而過訪話園塲事兼索余

近詩

應門忽有報倒履一迎君病起彌加壯吹歸曾未聞相留公子話旋煮野人芹鄰肆開清酒聊斟貰薄醺

又

近水東屯好于田大叔歸射魚真見怪網得一魚虎頭下耳

戶部稿卷九

鳴聲割兔信知肥我聽神猶壯身親趨豈稀一官

成束縛此樂久相違

又

舊識王孫貴還驚才具奇從禽能用武下馬更論詩安語情無厭寒齋坐不辭呼童問餘景門禁戒歸遲

北風

北風及冬發吼地聲崩騰木葉無片爾河腹凝作冰乘隙來尋人曲室氣稜稜豈無狐與貉鼯鼯莫能勝咳唾墮地碎慄慄拊吾膺九十運正長一往

欲何增幸哉畫刻短俛仰即春興

贈李廣文廕長

故人元素之子元冕之姪

逢迎笑真拙懶出畏人輕子惠敦先好吾尤感故  
情居官惟自學作賦早知名下問慇懃甚誰爲皇  
甫生

簡珪湖公凱兩學士

閉門未解傷岑寂王李同心託一時摩詰尋常傳  
妙偈青蓮來往送新詩菊花已逐三秋盡梅蕾偏  
憐十月遲何有句餘斷酬唱空齋雨雪使人思  
雪齋殿下親作水墨牡丹見賜

戶部稿卷九

三

一體尊謙勢盡忘寧王宅裏見岐王

前在紅蘭分室中得見

微敢附姻親末才薄仍慚應阮行何有兼旬違教  
旨直緣多病懶衣裳重承妙書來珍賜四壁生光  
照草堂

謝勤郡王爲友人作畫

寫意王孫妙莫過乞鄰自笑老無那得來別作人  
情與千古微生謂爾何

又

粉墨流光光莫收借觀未厭五城洲山松繭紙非  
奇物王子風神在上頭

懷汪東川

連日想佳勝高齋何所爲數經秋後而猶負夏前  
詩居近堪相就談諧不厭奇醅醕今熟未緩酌對  
圍棋

題劉支莊畫山水

淡墨塗成絕可憐亂峰雜樹擁秋烟劉郎山水尚  
書竹一體滄州許並傳

同州戴司農明說畫竹絕佳先帝賞之賜以圖書

漫成

晏坐從深室端然念我人身爲諸苦聚情是百愁  
因俯仰謀俱急庭羸病直親不緣奉堂請誰可玩

戶部稿卷九

四

茲辰

又

同氣看諸弟承懽念老親茲時方悟道晚計合  
憂貧誰可排饑渴吾當謝苦辛東西與南北悵望  
一傷神

時將轉外自憫羸疾故云

又

未覺秋光遠遄歸冬序新寒花禁雨雪老馬羨風  
塵小足旋當止能端莫認真

端謂可自端也

多求取多怨

瞰室畏明神

又

水部及民部分曹各幾春隣才感堂老遇我異常  
人作達狂原慣多言性莫馴未同須小檢或恐駭  
吾真

又

自直郎官舍艱難莫此晨倒罄空索米稱貸未逢  
人肉食彼誰子孤裘非我身古來從仕客果有北  
門貧

懷周蓉湖

周郎工跌宕相見使人懽象戲排楸局禽驚避彈  
丸高吟吾尚畏善言客能寬七發應思汝過門扶

戶部稿卷九

五

病難

又

夏首分題去悠悠入歲寒數言吟已就不見寄來  
看宿疾交冬發怪囊問藥難劈箋能示我一誦百

憂寬

東川移寓西河沿旬餘始知走筆奉簡

秋散沈郎席冬過雨不知舊官何日補新寓又重  
移御氣通河水春光待柳枝他時就高士川上  
共相憶

同劉支莊小飲夏少聞晚過喜賦

過門曾共約日暮不嫌遲正有滄州客同斟甲夜  
卮談深忘老病情欵感新知明月能相照歸途醉  
莫辭

和雪齋主人散步之作

高館諸賓退晴軒倒景遮閒情隨坦步逸興發秋  
花天迴寒逾碧風涼晚更加陳王才調捷吟就欲  
栖鴉

寄劉師退

一作長安別悠悠十二年吾衰應有分君少豈猶  
前劉少余有子兼慈母劉喪妻無秋問薄田同心

戶部稿卷九

六

莫能顧相望重凄然

過紅蘭室見作書初成余愛之竟以見惠再

謝

乘曉入城抵暮回雪宮竟日共徘徊白頭不戒食  
心在又向王前乞書來

大雪日喜雪

十月垂將盡元冥乍作威同雲連夜布大雪應期  
歸白亞堦輝滿寒禁鳥雀稀豐年知有兆停午更  
霏霏

又



飛雪知時候慘慘曉色迷隨風輕不定着樹密能  
齊終少客相過仍畱酒在甌獨斟聊復醉紀興託  
新題

咏雪

寒氣侵晨重漫空六山零和光同一色附物各隨  
形竹裏音相亂風前舞莫停直憐僵臥者過午未  
開局

雪中同汪紫滄李龜公小飲用紫滄韻

應候來新雪探尊有濁醪未堪供俗客只可對吾  
曹菊晚冬仍吐年侵氣轉豪慘慘無且止假譴說

戶部稿卷九

七

顛毛

朝回

風急雲寒寒莫當朝回獨坐坐茅堂尊傾市酒聊  
堪醉老放高歌也太狂斜日曛林開晚霽黃花載  
雪關餘芳相看且說來春瑞卒歲誰無舊褐裳

颶風

飛雪朝初罷颶風萬竅吹寒應偏着我怒者果其  
誰裴敝毛全脫年侵氣自衰大夫官不賤終宴信  
天爲

冬日雜述次汪東川韻

朝退家何事關門曉色深天寒歸大雪雲凍結重  
陰是物交冬貴行年畏老侵無聊問尊酒獨坐共  
誰斟

又

短景催時序悠悠歲欲更前途知有限晚計幾時  
成金又牀頭盡愁從夜半生衷懷誰可告高味到  
天明

又

老去安真拙貧來那怨天頗經終宴日猶笑北門  
賢曝背晴軒下攤書午膳前艱難吾道在不改直

戶部稿卷九

如弦

又

歲月聿云暮風塵未息機過門殘客少暗樹鴉禽  
稀白首慙郎署青山負釣磯朝來更趨府愁見雪  
花飛

又

十月寒偏重凌晨見雪花百行杭起高價一苦落  
貧家米盡與人說壺乾強自賒長安居不易行矣  
待春華

遣懷次東川韻

宣武門南巷幽偏小結廬誰堪十椽陋吾住五年  
餘拙宦添霜鬢流光送日車一麾行且去何地託  
新居

又

五十行年過成童未化心常陪趨走列不廢短長  
吟此去從勞吏當時託翰林隨緣中與外未枉尺  
將尋

又

西山經雪後雲裏白層層牧馬應歸櫪饑鳥自啄  
冰日纏陰氣重風送曉寒增誰問無衣客臨朝病

戶部稿卷九

莫興

又

朝來重雨雪邀客散銀船樂自歸吾有寒寧到酒  
邊何時須富貴得醉卽神仙不見流光速冬過又  
一年

送米與吳季舒

吾子不謀食亦取繼昏晨以我傾瓶米慰爾下簾  
人

又

君子不求飽斯饑詎可言無嫌升斗薄聊用佐餐

殄

田念始戶部過寓觀余近草及圖章暢談而  
返

篆刻曾知好風騷謬見推耽吟乏高調選石只凡  
材竟枉寒天駕慚無濁酒盃同心偏不厭言笑重  
徘徊

又贈田郎

農曹盛材傑年少不如君學自公餘進詩從獨立  
聞田爲給霞  
侍郎長子周詳酬庶事博愛著同羣世好權相  
得中心感倍慙

戶部稿卷九

冬至前三日龍公齋中同陳健夫金素公沈

方舟雅飲

乘興相尋出巷東應門趨報走青童不知好友先  
時在又喜清歡此會同雙鬢從添捩老至三朝旋  
過得愁窮至日爲  
愁窮日深房爐火消醇酒誰聽寒禽叫

朔風

又

消息風塵暗欲催相逢盛會喜追陪同心那得長  
相聚老我尤憐不速來未許當筵論去住且須剪  
燭侑尊罍朝明苒苒安緹室一見陽生冬又回

至日歸兒旋里爲 老親獻節物

令節開陽九看兒返故鄉  
賜隨車共轉愁與日爭  
長煖履難躬進中金只薄  
將何時介春酒雙酌獻  
高堂

過拙齋因公留贈

廿載長安道迂疎性莫移  
官從郎署老名愧上公  
知抗禮存謙德開懷出好  
詞東平真樂善千古見  
風期

又

分隆欽 帝胄才大壓詞林  
面自今朝識情由一

戶部稿卷九

杜

往深周旋無世法結構見  
精心坐愛冬之日流連

倒竹陰

又

愛此淮王室宮梅寫欲真  
回枝交隱几放蕊上承  
塵感發方迎臘晴煦宛入  
春坐觀詩興動有句愧  
清新

又

由房招客入嘗果異香分  
自得真茶趣何須旨酒  
醺長卿無授簡小阮且論  
文未盡新知樂乘閒更  
問君

目疾

官閒因目疾高味欲何如  
口授雖成韻人聽屢誤  
書店恫音滕猶可忍愁悶只難除  
那學三朝婦端然守一廬

又

畏風從曲室閉目意難舒  
性命知無害詩書苦自  
疎醫方渾不驗厭法涉全  
虛誰謂皮膚患拘牽失  
自如

招李公凱蘇茂弘劉文起小飲

朝閒因抱疾獨處悶難裁  
偏感同心友能爲草具

戶部稿卷九

杜

來圍爐從促坐戲語引深  
盃更喜東廂好平窓夕  
照開

卽晚孔東塘亦至

偶作蔬盤會憐君不速來  
交談更增口續飲好添  
盃水凝泉心動梅驚臘氣  
催題詩重有約相待報  
花開

汪東川過訪

一室端居厭客愁難禁離  
索憶同儔有來幸不防  
殘雪莫往寧爲少敝裘笑  
我目皮能作患憐君詩  
句久無酬相招預辦盈尊  
酒直待花開肯疾瘳

李渭清自閩中回寄示桐江舟中懷余之作  
賦用却寄

閩南遠出亦輕行鄉路七千盡水程歸客囊中無  
長物懷人江上有深情相招莫信來書誑貽贈偏  
憐得句清羈絆關心勞問訊一麾爲報待春明

次韻奉和渭清桐江舟中見懷之作

來往東山消息斷新詩忽接喜難勝憐君憶我嚴  
灘月添我思君丙夜燈趨走關心詢滯客風塵何  
地晤良朋壯心未已輕相試慚愧人看老驥騰

題耿君錫所畫牡丹爲金素公壽

耿東鹿人  
工寫花卉

細寫名花紅白分耿生爲我致殷勤朝來無物將  
稱壽幘首題詩以贈君

目疾未愈強用作書

懸疣仍在目愁坐莫由寬未覺吟詩苦直應作字  
難支離饒自哂脫誤怪人看益信心君貴司明合  
有官

某園七味爲鎮國公拙齋題

種玉峰

峰以種玉名聞者駭其異不見漢陽翁當年有此  
事

玉峰瀑布

靈泉吐山頂足練瀉飛流當前供幽賞何必廬山  
游

髯翁亭

蒼然何老叟幻木隱真形爾能保爾節吾以名吾  
亭

帶溪

待得來何處盈盈一道清雖無負舟力濯纓亦有  
情

片石橋

橫石跨澗水趾趾通人過往來無病涉得用何須  
大

印月池

渾水不見天清水能得月欲問祖師禪心印於此  
揭

承蓀軒

菁菁美林杜葉爾花亦然一花亦堪賞多花尤可  
憐

徐華隱筵上食餌甚美盡取以歸寄獻

父口號解嘲

陸郎懷橘幼堪奇餅取麗生未可嗤那論白頭與黃口供親各自是孩兒

偶成東諸同人

結髮登仕途廿載住京城久處習所安草木皆有情況我多賢友倡和如弟兄數日不相見問訊交同聲宦路分中外逝將舍此行是境皆陳迹夙好隔生平再來當何時何時言笑并先心入後際愁嘆中宵生愁嘆夫如何獻節方開正惟應多酤酒日夜醉相傾

荅蒙遠懷見贈原韻

蒙格圖字遠懷滿洲人時為諸生少年苦學

戶部稿卷九

五

不厭吾廬遠朝來更過門空增一日長何取老生言爐火禁殘臘魚羹出晚殮逢迎憐好士意氣一飛翻

又

之子方英妙吾衰有病羸忘年宜結友薄德詎堪師且用當前好無深向後思贈詩兼漢魏卽此是良規

又

曾顏能入聖游夏得登堂業自由勤廣貧寧與道妨辭家非浪迹取友盡賢行材大成應晚前途安

可量

又

懷抱何曾盡家童屢趣行斜風速歸騎暝色落層城小別猶堪悵流光倍可驚迎春詰朝至轉眼又新正

立春日招友人同飲和韻

暖暖烟光變關關啼鳥催春從東郭入客散早朝回邀友酬佳節分題屬上才香醪吾自有莫惜手中盃

又

戶部稿卷九

六

首節開殘臘高歌對故人那愁添白髮且喜得青春生葉聊隨俗枯魚莫笑貧古詩的醴焚枯魚流年難可住更作一回親

立春行樂詞

鳴騶京兆返排杖土牛歸官假存烏帽童頑學女衣連聲踏歌動匝地看人圍卜歲書雲物祥光啓曙暉

又

閨後得春早條風轉鵬晴是歲閏三月十二日立春勾芒現人面鵲火紀星名聲覺寒禽變烟看野樹生賞



心隨節序次第入新正

又

剝臚依然在青陽此日初金閨貼畫燕童子試風  
車氣煖催花發冰消放柳舒佳辰爭第一萬戶慶  
相於

又

凍色畱殘雪晴光轉嫩風纏枝蛾子鬧綴樹綵花  
紅味自辛盤改春從酒盞通狂歌依古調豎子笑  
家公

又

戶部稿卷九

十七

春事長安重何人興最賒腥魚驕馬客歌管沸侯  
家翠轉層欄竹紅交複室花欣逢太平日行樂趁  
年華

祀竈

東厨存祀典鄉俗用冬殘銀燭仍雙樹膠餠自一  
盤通誠從老婦拜揖免高冠取媚非難事蒼蒼有  
鑒觀

謝常煉師惠酒

紫府真官舊姓常別開天地在南廊名花無數從  
人賞仙酒多情送我嘗

又東常煉師

仙人樓閣貯烟霞載酒乘閒數看花爲說明年春  
色早看花重擬過君家

除前五日 安郡王賜諸食物賦謝

窮年愁獻節愛客感 賢王遠路來佳產分頒到  
草堂見鮮知雋美接果領甘芳盡室生顏色爭看  
走欲狂

又

承筐垂盛賜禮數荷尤寬分絕無呼爾儀多更遣  
官試烹驚金匱召客壯盤飧守歲畱餘在誰歌來

日難

又

果實分多色禽魚並一新未輕分孺子先取遺  
嚴親柏酒應堪佐辛盤竟不貧感深何以報高  
味入陽春

立春日同人小集和一峯韻

東郭迎春入和風應律吹烟光看一變物色欲全  
移紅綻梅爭發青歸柳自垂良辰兼好友爛醉莫  
須辭

除前一日接劉長馭書

時劉在  
南水

君函寄我從長至我啓君函已歲終音問浮沈難  
遠路形容彼此念衰翁方將去去從勞吏何異飄  
飄逐轉蓬願祝他時生計足同依田舍話籬東

又

小除舊歲剩今晨手把雙魚念故人莫以單身悲  
異國且將好<sup>上</sup>事祝新春充囊走馬君歸里善地  
腰章我問津便約偕行前路去時時唱和慰風塵  
同方一峯及門人沈用濟女夫邊淮寓中守

歲

誰家歌吹堪娛耳我用辛盤也暢情見對周親看

戶部稿卷九

半子寧辭白髮號先生一麾今日方將出獻賦當

年亦有名千古奇文難解處何何馬客唱來嬰<sup>用</sup>

<sup>中舞歌嬰當作櫻時</sup>  
有所感斷章取意耳

又

爆竹頻催節序遷一時一刻劇堪憐燈花不落猶  
今歲曙鼓纔交卽舊年身老獨看雙白鬢官貧長  
少一囊錢聊將蔬酌權親友樞馬從他誇勝筵

丁丑除夕內室燕

蘭膏亦有焰柏酒亦有香前軒筵未撤內室席重  
張妻妾各依次丈人坐中央宦况雖云薄肴果充

圓方昵昵胡不樂終憐非故鄉上念 白頭親下  
念諸弟行痴兒及嬌女一一遙相望柔腸四五牽  
把瓊不能嘗矧此非久居一麾待春陽勞人惟  
君命東西卜何疆今夕自不寐守歲良所當移時  
忽長笑意氣轉飛揚吾生原用天意計豈所量順  
天從所安何慮用不藏香燈照廣庭盥獻祝穹蒼  
朝衣莫去身奴僕伺我傍干官各已出邊喝動衙  
坊籠燈兼把炬赫赫何煌煌齊赴 金闕下朝元  
賀 聖皇

戶部稿卷九

叢碧山房詩集卷之十

戶部稿

任丘隴塏雪崖著

朝元歌

元會重逢一度回雞人高唱曙光開頭銜各把團

團立專待天卿小尹來

吏部司務收  
朝官職名

又

上公上相領頭班次第人依品級山五色春旗分

兩路太平 天子正中間

又

鑿齒雕題結東新窮販絕島各稱臣海波不起舟

戶部稿卷十

航穩來向中華看 聖人

又

南紀前年蕩遺孽北征昨歲捷親軍今時今代今

天子乃聖乃神乃武文

又

豈移有兆自秋前畱滯過冬也可憐戀 闕微臣

情最切朝正又得賀新年

又

亞亞鳥鳥向曙天昇平無取引弓弦小臣行作二

千石

聖壽還過一萬年

用射  
鳥詞

初三日招同人惟王珣湖李公凱見臨餘諸

君各以事阻

獻節貧家舊不遲開正三日作常期何當今歲春

盤會恰值諸君齊宿時飲酒只應看李白吟詩兼

喜得王維一燈莫厭三更坐爲說金吾禁已弛

又

美酒無多尚滿甌相逢莫惜醉如泥已歸好友誰

堪問見在同人到莫齊春色一分幾近眼詩篇百

首好同題宜塲我已分岐路不久風塵又解携

王珣湖招同徐華隱李公凱周蓉湖曹舞士

戶部稿卷十

沈東田李丹壑集寓中并朝蓉湖

新正接次成嘉會好友連行得共陪五日流光纔

自轉一番笑口又重開青絲縮筋憐生菜綠蟻浮

觴喜露醅何爲周郎頻問夜三更未下趣先回

同閭公度大行陳義馭舒吧懷兩舍人飲齊

中

有會申前好無將近貴人空名殊自貴冷宦合相

親歲往方增老春歸又過旬醉談各任意應解莫

余嘆

人日寓齊雅集

徐登達孫雪峰沈方舟顧爾  
立徐芝仙葉懷遠鍾允善王

宛虹宋紫  
佩劍晴川

不厭吾廬僻連翩接履帶談詩匪匡鼎問字愧楊  
雲欲作登高會偏宜濁酒醺稀疎小梅萼開坼散  
微芬

又

盡刻春仍淺茆堂易夕曛誰家爭度曲吾輩只論  
文不負人爲日眞慚菜是芹清懽展餘興俗客未  
應聞

雪法師齋筵有懷李渭清陸義山張子大馮  
方寅諸友

戶部稿卷十

三

並日逢春譙行行問所如還辭丞相召來就老僧  
廬野性防拘束貧人慣菜蔬筵前思故客懷抱獨  
踟躕

又

雪公開社地詞客舊相親有感今朝會都非前度  
人寒暄知又改聚散問何因余亦方將去風塵愧  
此身

同李公凱蘇茂弘孔東塘集陳義馭寓中

意氣元龍在春盤召所懽輕裘無熱客盛饌怪寒  
官遇節當爲樂遭時不道難花燈靈祐市約日更

同看

十四日招諸子飲寓中陳健夫吳楚三李  
兩詩李東序孫九儀金素公胡圓表脂人  
兄弟方一筆夏少聞沈方舟分韻得寒字

晏罷元朝興未闌又從元夕續清懽賞心忍待佳  
期過草具能邀好客食月魄將圓光燦燦燈輪初  
試影團團京師十三日宴爲繁華更說來宵勝火  
樹銀花儘意看

又

家貧那惜費盤食迎賞前期樂趣寬濁酒藏多爲  
過節白頭老罷更貪懽揮杯四座誰先返打鼓千

戶部稿卷十

四

門夜未闌故友新知盡詞伯高吟莫惜久槃桓

十五日黃自先招同李公凱孫文益蘇茂弘

陳義馭劉文起雅集

十五開正花火新黃公有召喜相親爭懽故趁元  
宵節作達從知我輩人簇案已憐三飯美張燈莫  
信一官貧遍看座上誰猶少盡醉休辭酒入唇

十六日沈東田程青懷並見招約程寓同官

團拜訖重赴沈筵紀興

十門急管促繁絲踏賞尤憐旣望時一過今宵無  
好節重逢高會有傳卮莫違東道郎官約忍負西

街太史期自念長安非久住往來更得幾追隨

十八日閻公度寓中雅集

望後開高會花燈分已徂不寧違節序故作續懽  
娛華饌兼魚膾香醪滿瓠壺千門歌管罷發興自  
吾徒

晚過田少司寇小飲讀盧德水傳

重來經幾日已作兩年分過節仍餘酒添燈且論  
文前賢見生面遺行得新聞好我情無厭歸遲那  
更云

方一峰招同孔東塘陳健夫吳鏡菴侯茂來

戶部稿卷十

五

金素公李鼎公雅集

一往多高興知君澹宕人身雖丞相後明相國方從哲曾孫  
家過阮生貧好客情無改交懽意甚真昨朝來折  
簡兼訂早相親

又

曲逕經過異長筵羅列新供食匪中饋假館自比  
鄰分減連朝費聊圖半日親誰能無盡飽敬愛感  
情真

又

時序不相待春過已二旬庭柯歸輟節座客有涼

中吳鏡菴改席重依次揮盃不記巡和風送懷抱  
誰忍負良辰

又

夕陽驚遠客吹角動城闌地有嚴關阻行防醉尉  
真分題還卽事立飲更泥人詩酒歸公等在談愧  
老身

韓祖招見召同閻公度蘇茂弘萬兆文劉元  
嘆雅集并呈座主慕廬先生

開正處處有逢迎今日過君倍稱情相得傾尊敦  
世好直慚入室號門生花知月令垂垂放鳥喜朝  
晴恰恰鳴侍側最憐春晝未和風徐引四筵清

戶部稿卷十

六

又

情深忍告日將闌好會當前各盡懽同學笑談原  
不忌先生禮數自來寬分籌亦美盃中趣列坐如  
從壁上觀有分只應聆善誨燒殘高燭共槃桓

送朱其旋歸里

綠波春水送江船見說歸期在隔年將子能來余  
已去相思携手向誰邊

又

慈幃定省阻江城暫別嚴親出帝京知子中途



定回首春風兩地總關情

招孔東塘吳季舒鍾聖與徐元賓吳鏡菴燕

集鏡菴留宿寓中

正月將殘日漸暄酬年始用啓茅軒親交有會懽  
相得魚菜何供意自存客不厭談留過夜余能貰  
酒重開尊園棋着罷听然笑世路輸贏此並論

題王宛虹孝廉小像

開卷見鬚眉適然展一笑翻怪寫像人寫君太神  
肖

又

戶部蕭卷十

七

王君湖海士豪氣輕爲客半酣狂興發題詩掃石

壁

又

子容我所識此圖誰所作我喚子可出子唱我月  
咏

花朝齋中小梅樹忽放數朵與成詩

年光物色遞相催漸覺春深二月來白髮從知隨  
分得梅花自解應時開厭聞外事安真懶喜託長  
吟信不材此際一盃寧可少疎枝冷蕊共徘徊

雨中招洪隆吉

陸義山家遵晦  
錦里朱筵間  
學士甥

有感

入朝不斷雨如絲共話翻憐值此時蔬食無珍殊  
強設市醕難醉那應辭故人莫觀憐甥似猶子相  
親忘去叔痴滿眼長安非昨日可堪回首重嗟其

東友人看梅花

小樹寒梅手自栽春歸花信早相催高枝弄色迎  
人放細蕊吹香盡室來待賞只應延好客畱懽早  
已撥家醅烏皮几在堪圍坐莫惜衝泥取醉回  
方一醉過同飲花下

應門忽有報一笑知君來坐倚烏皮几同斟竹葉

戶部蕭卷十

八

盆花憐時序早老厭髣髴不取當前樂勞生莫

太駭

偶感

郎署年深等素餐一麾遲速那須論任從高馬爭  
先路忍向中人乞與援直館舊隨丞相後獻詩曾  
感 帝王尊進身原自因書卷居易何常負聖言  
孔東塘汪紫滄同過花前小酌

寒梅二月競先芳細蕊繁枝照草堂看處饒憐春  
滿眼坐來那惜酒盈觴羣公久負豪能飲地主須  
知老更狂日落還應明月上醉歸前路晚無妨

合肥師相重召筵間感賦

政府朝開春正溫華筵羅列啓重軒兩朝事業皐  
藁上千首詩篇雅頌存新刻容齋失路自慚非好  
上士不材偏得託通門長安落托懷知遇廿載悠  
悠未報恩

又

折簡春盤憶昨朝采薪疾作苦難消誤疑避客方  
前命故引山房忝再招伎樂聲齊原絳帳花燈光  
散擬元宵從容侍坐陪懽賞既飽還深百感饒

又

郎曹局促愧當身丞相休休愛獨真不爲技能堪  
有好直緣迂拙轉相親言詩謬與從他日醉酒難  
忘是此晨一出京華羞俗吏曠依何地奉清塵

李蘊公筵上送陳健夫游江南

春入名園草色鮮主人有酒乍開筵無端好友稱  
離別滿眼風光一點然

又

桃花紅放柳絲垂送客偏憐用此時他日相違定  
相憶江南江北各題詩

又

我身亦是將離客不分君先別我行後會相期指  
何地眾中一倍愴心情時余將補外未所向故云

又

春風二月出皇州千里鶯花亦樂游說道閨中  
兒母憶江東雖好莫淹留

李先生挽詩

先生淮之山陽人諱鍵號懷菴侍讀學士鎧  
同母兄也少孤且貧事母篤孝以醫養爲鎧  
延師作務勞苦身任之俾專力制藝成進士  
鎧亦愛兄之至不別居以兄爲白民弗忍爲

戶部稿卷十

援例入太學考職刺史丞非先生志也丁丑  
冬病卒凶問至京鎧設位哭泣迫痛如古孝  
子其平時之友于可知矣近有兄弟別財錙  
銖不均爭至有司之庭者獨匪人哉余於先  
生兄弟益覺死者可哀生者可感爰賦挽詩  
以著懿德之好云

季世誰真士吁嗟乎李生伶仃依寡母辛苦託躬  
耕通國稱純孝開懷任一誠明知無舊分聞逝亦  
傷情

又

身許清門後田園本業疎養親仍賣藥友弟不分  
居嗣息生何晚官階事總虛浮生邁斯疾理數竟  
何如

又

繫余與令弟廿載託交親家事閒常說生平知最  
真衰遲食好善州府不輕身識面成虛願千秋隔  
此人

又

百行先門內于君何間然誰云曾未學我自許其  
賢白首嘗諸苦皇天靳大年爲詩贈身後好與未

戶部稿卷十

十一

來傳

招吳季舒李公凱汪紫滄訪一覺上人公凱  
他出金素公偶至同飲

春色招提好過尋趁早晨花苞紅欲放草甲綠初  
勻問法思禪伯論詩有故人入門心目豁蕭爽靜  
鷺塵

又

有招人未值不速客能來亦是同心好相將一笑  
開香厨供午膳行棹出家醅更喜懷春鳥閒啼上  
古槐

又

新除猶待 命故署且停趨此日閒難得同人興  
不孤深盃送遲日老馬向長途念別憐非久良游  
幾共俱

戊寅三月三日寄園讌集 有序

寄園在宣武門南里許相傳元時月張園故  
地喬木存焉國子先生趙恒夫購得修復之  
峰高澗折花竹豐茂宛有山林之致每節序  
延朝紳及四方知名之士飲酒賦詩于中往  
往數十人或百人不止丁丑七夕之會余與

戶部稿卷一

三

而未暇爲詩戊寅上巳再會屬余首唱勉成  
五言近體四章以應命焉爾

今日難愁坐華筵喜共陪故人先有約後命那須  
催春服隨時換山花向客開亭臺足幽折到處一  
徘徊

又

尚憶初秋會重來又暮春流光看物變宴賞逐時  
新倚樹思元代流觴想晉人觀生達斯理一醉樂  
爲真

又

天氣三春好烟花勝地偏迂疎來一老少長接羣  
賢聞酒醉堪笑吟詩鈍可憐何才屬先唱愧謝起  
當筵

又

嶺樹蒼蒼暗歸禽啞啞鳴青山渾欲暮白日太無  
情垂老憐時序將離戀友生蘭亭感今昔慨嘆誰  
能平

題張鶴千小像

老厭風波停泛宅松筠深處伴烟霞漁僮覓釣樵  
青採閒坐高畦看水花

戶部稿卷十

十三

又

仲蔚高風尚可捫蓬蒿滿徑長兒孫江南耆舊幾  
人在相訪還期過里門

後序

五經皆明道之書詩居一焉蓋皆發乎性情止乎  
禮義故興觀群怨無適不可而事父事君之道卽  
由乎此也今之爲詩者諱惑焉內不本於性情外  
不要諸禮義以湊泊之詞寫猥薄佻宕之意其於  
道非也又安問其爲詩哉我任丘龐夫子矢懷  
大道博極群書早失母氏處家庭之變而人不聞  
於父母兄弟之言由孝廉舉博學宏詞授官翰林  
左遷郎署義命自矢絕無殷憂憤懣愁苦抑鬱之  
意其於詩父之間誠有得於詩之教者也故形諸

吟咏凡贈送酬答之篇登臨賦咏之什語出自然  
而意涵廣遠一皆本性情禮義以出本立道生質  
極而文洵有然乎諱不敏受業於夫子非徒學夫  
子之詩將以學夫子之道也愧材力虛薄步趨之  
而瞻乎後焉幾欲公之海內諱獨力復不能任得  
工部賈青南宗藩鼎望兩先生暨同學諸子劇  
金付梓梓成校讐者則何子百鈞顧子玠也略是  
集一出庶讀吾夫子之詩者因以想見夫子之  
爲人明於性情禮義之旨將有裨於世道人心也  
寧風雅云乎哉休陽門人程履謙拜跋

序

任丘龐公莅建之明年政和訟簡民遂其生公餘之暇間爲詩歌并途中所撰著者名建州稿公自太史改中書舍人歷戶工部郎皆有詩皆以官名其集若干卷行於世公論詩最正法律最嚴有詩說若干篇大旨必上溯三百篇根底於漢魏取則於盛唐主於達意不爭字句以爲辭有盡而意無窮也今之爲詩者務求新於字句之間駢枝闕葉舍漢魏與盛唐而學宋元譬之山川然三百篇則崑崙星宿海也漢魏盛唐則西北之洪河大山也

序

宋元則閩之急灘峭嶺也守其小而忽其大沿其流而迷其源惡惡可哉今公之詩其遊歷吳越以至嶺灘諸什則刻畫盡致風景宛然其思親憶弟散見旁出孝友至性溢於筆端他如譙會贈答咏物諸作則情文相生一氣貫串句無閒字章無泛句不但直追初盛而且寢寢漢魏三百矣蓋公在朝二十年淡泊自甘富貴利達了無所動於心胸而好學深思窮撲風人之旨趨故其所造至於此也遠方北行辭灘嶺之嶽嶺由吳會而抵燕趙過公之廬觀洪河大山惜才微而筆弱縱有所作不

足以副其形勝公行部之下或過武彝泛九曲登幔亭而陟接笋諸峯其新作必多擬以北旋挑燈倒簋而畢業焉公其許我乎侯官後學張遠

序



敘

今海內之言詩者莫不奉叢碧爲宗師然究莫決其評品鹽城宋恭貽序 先生工部集云陶兩宋而鑄三唐獨踞少陵之室似已而未盡也我先

敘

少陵特先得我心焉耳顧以先生爲尚學少陵卽非知先生者也先生與少陵學問同源忠君愛國憂時閔事衷腸同熱登臨遊宴賦物懷人上下千百年寄託遙淡手眼同曠然少陵初仕水部繼補拾遺宜政紫宸瞻戀未幾旋越草莽垂老因人飄零阨塞且獻三禮不由制科先生則少魁鄉薦後膺辟舉優游省闕文學侍從與宴賦詩 龍渥特異今且樹勲建業如川方至少陵詩推宗匠然待久而論定故河嶽英靈與極玄集當時不載一詩先生之詩則蓋代無公戶誦家絃杜長於詩而不

敘

工文先生舉業風行區宇珥筆西清同館屈服笑疏碑板荅無虛日杜情爲境牽哀怨刺促致後之論詩者曰窮而益工先生精通禪悅清風穆如天海相遭青且無際卽歡愉之音何嘗不好世之學杜而不能爲杜耳食小生尊爲神聖而莫敢如何先生則能掩其瑕而蒐其疵是杜之方古人什伯過之先生之方杜又什伯過之也奚必工部同官而曰似杜也哉官工部而曰杜甫官翰林而曰李白官舍人而曰蘇頲白居易官戶部而曰劉禹錫官刺史而曰韋應物劉長卿李嘉祐先生笑不受也然則品先生詩者惟曰集羣賢之大成而以鳴一代之盛則國朝之麗詩而已方今天子右文超軼百代宜不可無曠古文人光輔其間則惟 雪崖先生足以當之夫豈苟焉而已余向親見其爲詩已精而益極精必數脫稿而後釋然嘗曰讀書作詩文莫要輕放了過去苟學士大夫而盡幾此豈惟風雅未墜實基是語卽爲上爲德爲下爲民事業勲名赫赫烈烈何莫非由斯詔也哉山陰盛唐百拜謹識

叢碧山房詩五集卷一

建州稿

任丘龐 塏雪崖著

前赴建州任出都日作

聞天南望意遲遲，尙憶蓬萊獻賦時。  
調轉雖經辭玉署，班聯終得近彤墀。  
山川敢厭前程遠，犬馬猶深戀

雨中就道李公凱學士周蓉湖太僕携酒相  
送詩以志別

未忍臨岐別，前行不告期。  
如何感好友，相送復茲時。  
離唱當筵發，陰雲向客垂。  
沾衣應未免，何用雨

如絲

詩五集卷一

行赴建州便道覲省未能久，停悲喜交淡

一麾赴甌越，三宿出帝京。  
所幸王程便得遂，

省覲情老親喜子歸，色笑何盈盈。  
諸弟互勞苦，

男女各隨行，生小半未識。  
稱名道所生，春酒介高

堂餅餌，散孺嬰。  
瞻視簷下竹，青翠交縱橫。  
自我不

相見，星霜九度更秋草。  
沿堦碧秋花，照眼明懽樂

意未極，離思忽來櫻。  
守土託命吏，簡書有定程

顧盼戀子舍，寸心增屏營。  
明發趨長路，搖搖逐旌

旌

畱別故鄉諸親友

領郡西甌遠，秋風辭故鄉。  
多情來寵餞，幾處接離觴。  
親族饒堪戀，田園詎久荒。  
君恩酬萬一，乞取共徜徉

泰山謠

泰山高高絕天四十計里，真虛傳我來放眼求邊際。  
一氣渾合纏雲煙，東嶽司命天長子，絳節高居凭玉几。  
紛總總此下土民，一一刻年注生灰，一生一灰相往來。  
慶吊多事從此始，吾將謁帝趨前陳。上帝仁愛不吾與，請毀符籙去其籍，不令鬼伯來

詩五集卷一

二

捉人老者常康強，少者常美好。  
可比泰山石，不比泰山草。  
泰山之草尙可燃，泰山之石永不燬。  
天皇兄弟雖云壽，一萬八千有盡年

中秋伴城村看月

一歲月華今夜好，千家茅屋伴城村。  
勞人未忍虛佳節，濁酒無肴送瓦盆

伴城阻雨

好月中宵隱，遲明雨不休。  
老夫畏沾溼，茅店且淹畱。  
飯煮紅杭熟，尊傾黃蠟浮。  
王程限將近，何日到西甌

過淮安不及訪丘季貞張毅文玉山兄弟

山陽南北道秋水接重圍爾室懸知近伊人分莫  
親穿城無港道橫索有官津橫索用巨繩橫急雨  
催孤棹依依欲損神隔以爲關防也

過楊子江

浩浩長江水秋高氣倍橫遙流爭海道蹴浪激雷  
聲畫裏金山出雲中孤塔生客舟停未得遙望一  
含情

金山寺

海湧一山出花宮結構牢丹楹交掩映碧水護週  
遭塔勢凌空上鐘聲隔岸高何時解朱紱來此避  
塵囂

泊姑蘇喜晤尤展成老友

間道姑蘇郡貪鮮仲蔚廬幽禽隱高樹秋草上前  
除各喜瞻顏色交携致起居同時獻賦客情好自  
相於

又

憶作長安別悠悠十載還當時已華髮今日轉童  
顏靜者氣恆實勞人分不閒余生後君子相對媿  
衰孱

又

返顧堅相謝通舟一板橫還應防蹭蹬不是嬾逢  
迎睽隔憎秋水瞻依戀及生幸饒投著作吟誦慰  
前程承贈所著詩古文全集

訪馮方寅不遇

未審先時出相尋更此行望門高興盡落日一愁  
生嫂氏勞通問篙工促去程思君感秋水宛轉繞  
吳城

道經姑蘇過候宋中丞牧仲留飲滄浪亭紀  
興五首

詩五集卷一

四

相國家聲重中丞節鉞身經過憶詞伯祇謁入軍  
門分隔功名薄情叨故舊存相留感真意懷抱矢  
無諉

又

還舟坐未定將命馬軍來佳脫連籠致名園待客  
開平橋跨碧水曲徑引蒼苔眼倦篷牕底登臨一  
快哉

又

滄浪歌調古亭子舊名奇闢草畱賢蹟濯纓動我  
思山花紅繞檻秋水綠平池到此生幽興誰能不

賦詩

又

廟貌斬王舊勳名開府新遺逢分異代風節擬前身鎮靜消多事幽尋引故人徐行爲指點領畧趣彌真

又

暮樹生寒色荒原叫草蟲牽衣今日別晏笑幾時同北闕思良佐江南借宋公西甌卑伏處吟望意何窮

滄浪亭上有懷宋山言卽用宋春晚滄浪亭

待五集卷一

五

四絕句韻

驛路南來秋水清姑蘇城外客舟橫故人宛在中  
央住相訪偏憐傍晚行

又

姑蘇海內繁華地盈耳聲歌落曉開不是貪尋作  
賦客老慵誰解下舟來

又

嵐煙水氣釀輕陰客路逢秋意不禁爲念故人一  
携手相思聊慰隔年心

又

前秋唱和在京師滿眼西風又此時有底相遇君  
不在滄浪亭上彈詩

途次嘉興朱竹垞人來言竹垞得余七月十  
六日出都消息赴江干遲余不至而返蓋不  
知余過里門淹留也寄示此詩并申感謝

遠任之閩海初秋出帝京經過畱子舍眷戀緩  
王程誤我從前信勞君久待情無由共攜手懷抱  
向誰傾

隄上

長隄兩兩起西湖前有白公後有蘇試令今時爲

詩五集卷一

木

太守尙能餘興及茲無

九日湖上登高

佳辰傳九日勝地說西湖旅次重相值幽尋幸不

孤移尊勢地主

陳步曼相招

邀客信狂夫

余令招翁尹若沈方舟作

陪極樂娛心目高吟安可無

又靜慈寺

古刹非王造神通有濟顛滄桑經幾變靈蹟尙依

然造寺木植乃濟顛師募化

名數存羅漢

共足五百之數

威儀肅梵天慚貪五馬貴虛負一乘禪

又孤山林逋墓

傑閣臨湖水朱垣護古墳有生終處士曠代遇  
明君風物憐時序離愁向夕曛栖栖吾自媿展拜  
欲奚云

又湖心亭

空際孤亭起荒闌引興長羣山分四面一水宛中  
央浪打殘荷折風傳野菊香行行吾欲採含棹問  
前岡

又靈隱寺

靈隱名從古奇峯簇一門風霜移節序雲日變朝  
昏仙栗原非種寺後栗樹數  
株異于常栗山花自有根老僧喜

詩五集卷一

七

畱客茗話坐層軒

又

湖山看不盡落日更徘徊有事終須去何時能再  
來風塵吾自媿歲月老相催只合拚沉醉惜騰泛  
棹回

題孫烈婦傳後

遂安毛會侯作

甘將一死謝狂且烈性難回近有無相得中丞重  
風化浙撫張公  
表其門芳名千載著通都

又

殉夫方嫂從前說方仲子妻毛氏會  
侯女也事見本傳拒暴孫娘近

有聞兩種遭逢同一死傷心應合感毛君

過杭州晤張中丞敬止情款周至感而有賦  
不憚趨軍府中丞吾故人經過由便道小住爲情  
親數問來何晚相關意甚真吹噓曾不吝感荷起  
前陳

又

幕府秋光好還隨折簡來菊黃花近眼竹碧酒盈  
杯愧用爲郎老愁無作郡才淡談永慰藉懷抱一  
時開

又

詩五集卷一

八

鎮靜消多務朝開命酒觴君偏憐故客吾更得同  
鄉幕中清苑  
王子出陪故事說難盡新歌聽轉長有行還自  
去此樂幾時忘

又

通家承世好貧賤辱相知儒自當年腐身緣多病  
羸一官慚負荷高義許扶持永矢將何報含情更  
咏詩

晚赴李子淵運使之招

西風城闕動高旌落日依依弄晚晴秋草乍看門  
館靜几座偏覺簿書清腐儒作郡慚無術良夜傳



觸信有情行政今時何急務祇將明誨待先生

王仲昭招飲

楓赤梧黃秋正賒故人相見且天涯宅存別業堪  
畱客節過重陽尚有花著述憐君才力健風塵愧  
我髭絲華含情只覺言難盡惆悵湖干日又斜

湖上畱別毛大可

十年京國君辭我九月湖干我別君信有流光催  
共老難堪好友數離羣浙江西望橫秋水梨嶺東  
來擁暮雲王事有程遲不得斷腸分手恨斜曛

途中得武彝茗遣役送張中丞

詩五集卷一

九

有客遺我茗云是武彝生武彝山九曲茶樹交縱  
橫獨有白鶴峯所產尤著名入手接幽芬欲試不  
忍烹開府擅風雅清新莫與京吟咏有時倦一啜  
精神清封識付馬軍賚送走兼程瓶小不三寸爲  
物母乃輕開府不鄙棄一笑輟然生冬曝可以獻  
從古有愚誠

舟中述懷別毛會侯十二韻

三老公會侯  
大可及余也

客舟經過處繫纜傍丹楓直喜秋光好偏憐勝友  
同江山得毛氏兄弟各文雄憶昨重陽會連行三  
老公裘裳泛湖上問菊到花宮美酒開家釀清歌

喚小童登臨情一放憑吊意無窮嚴限迫勞吏前  
程掛短篷同來方款款中路忽匆匆君向巖灘北  
吾趨梨嶺東霜林飛絳葉衰草叫黃蟲去去嗟分  
手斜陽更起風

江上偶成

一帆秋色掛長江竟日高吟坐板廳埃卒鳴鑼知  
近市舟人擊楫喜過龍碁年領郡心何取老馬前  
途志未降難免俗情聊復爾朱旂映水自雙雙

同璣垌兩弟赴建州過嚴陵釣臺仍用前韻

嚴限王程問大江石高水淺意全降西風似與千

詩五集卷一

十

夫力書舸忽過七里瀧俗云有風七里無風七十里長路同行  
携有弟白頭一老學爲邦前賢把釣臺仍在慚愧  
經過載碧幢

李渭清前歲有桐江望月見懷之作舟次經

過愴焉有感仍用原韻

月上澄江水似冰故人前歲泊舟曾同心遙憶各  
千里異地難逢共一燈南去官津重汎汎北來山  
色故層層新詩和罷憑誰寄獨臥長吟意不勝

暫住清湖携幕中諸友登小江卽山仙觀紀  
興

舟行厭漂搖陸處增怏倦湖村好風景選勝得仙  
觀奇石相拱峙殿閣紆迴轉仙真宛然在道士翻  
不見航亭製亦佳草木交茵蔕南中盛秋熱山風  
借餘善茶話携諸友旅懷同一散越中名勝多到  
處堪遊行他山不及問茲山獲眺盼人生感遇合  
山川各有緣

大士菴放生池上有感

聞有大士菴攝衣試登臨白光開金像丹閣俯江  
潯江流滙一曲湛湛何沉沉游魚亦無數戲逐相  
追尋魚既無恐怖人亦無害心世界盡如此法令  
欲焉禁感茲大悲力瞻仰意難任

江卽山

鬱確三片石駢連如弟兄傳有江氏子學仙同時  
成神通展游戲變化各崢嶸一往形不復執德何  
徑徑有身誰不朽聖者畱其名見石呼江卽一聲  
兩有情茲石萬古在江卽萬古生

遙嶺

昨日清湖水今日遙嶺頭嶺勢雖不高坳折使心  
愁飛泉百道出澎湃激長流幽谷吐陰氣颯颯送  
涼秋野菊強自放山果無人收四顧一悄然煌火

不可求還聞有諸嶺險峻增阻修我行猶太末何  
時到建州

仙霞嶺

拔地突兀起直上摩青天莫莫蒸氣出映日流蒼  
煙相傳宋史浩開逕達層巔三百六十級蛇蹤紆  
回旋絕頂有神宇翠拱亞朱椽山僧亦有趣結亭  
殿東偏竹竿密作林流水審爲淵行人登頓疲來  
此一息肩遭燬癸甲歲重構中西年形勝良有餘  
八閩此其咽一夫當關立萬夫焉得前當時李總  
制進取何輕便逆天理必亡地利無全堅我來太  
平後道路清且平果實綴野樹杭稻被山田逍遙  
聊寓目卽事紀斯篇

小竿嶺

回互四山高窺天如在井與人喘莫支屢息始達  
頂上有大士閣白法夙所乘余身現宰官何法爲  
要領民生如野草芸芸不可整勸善有多方疾頑  
毋一逞寬猛雖兩存寧壹在清淨瞻禮仰大慈應  
刹矢警省

梨嶺

梨嶺不可陟吁賦動長嘆蒼蒼引一氣瞻天際無

端下臨不測溪雷震關急滿昂首眩返顧歧行苦  
蹢躅蠻方長得夏九月暑未殘嶺下盛蒸熱嶺上  
滋嚴寒衣裳稍失御疾患卽時干我何乘此險守  
土領職官 君命既有屬焉敢辭路難家鄉踰萬  
里風煙浩漫漫引領望 老親五內增辛酸

楓嶺

楓嶺望不極緣崖隨曲折其地隸建州旁連賴輿  
浙路澁跋涉難行旅曠欲絕此州海嶠地蛟龍爭  
窟穴田少山水多俗貧用無節物產難出鄉民力  
久已竭受牧責有歸求芻詎易說分理問有司綱  
領在提挈化俗漸道薄催科念才拙 君民恐兩  
負憂心增內熱

建州境上作

遠任行亦及斯境乃吾屬土俗非所諳經行聊注  
目低斜高下田茅苦遠近屋遙知兵燹後生理未  
全復父老將兒童扶持出村麓寧爲迂上官實乃  
觀司牧繫余本書生負荷增慚慙愛人有本心名  
法匪夙服一往任質直行仁恐無術

又

此方經污染未盡滌遺俗司牧余有責開誠爲爾

告緬此佳山川生人秀可矧詩書與力田量力勤  
所服致禍由恃氣排貧宜守朴黽勉輸官糧孝友  
及端睦爾毋撓 王法吾寧忍鞭撻衣食禮義本  
今歲幸成熟與爾期相安無事以爲福

次浦城喜逢田子翼

南北同周道相逢一笑開余爲領郡至君作故鄉  
回水驛存公館行厨有酒盃白駒聊小繫永夕共  
徘徊

又

閩嶠荒殘後儒生出守年牧民身有託獲上問奚  
先迂拙儔人內躊躇知己前計功吾未敢何以幸  
無愆

同田子翼遊夢筆山

之官未受事可以聊優游矧茲逢勝友高興安可  
收云有夢筆山名緣江尹畱輕行屏騶從連步陟  
林坵炎方氣候異九月未成秋野花各弄色草樹  
青油油陳雨亦復佳洗出林巒幽吳歆揚妙曲家  
釀出新荔濟南名士多田子乃其尤參軍得鮑氏  
俊逸足風流勝迹無佳咏恐爲前賢羞誰能惜首  
唱瓊瑤取竝酬

過江文通祠有作

夢筆山色佳文通詞賦好遙想仕優時於此窮搜  
討一夕感精靈千秋擅文藻我來訪遺迹暗惜聞  
野鳥祠宇留空山不知何人造那無兩株樹不見  
十莖草九原此恨人如何寄懷抱

自浦城修書奉報 老父

已達浦城館之官有定期路逢良友便書報 老  
親知水喜江湖靜山經巖壑奇行人各安穩聊用  
慰弘慈

南浦送子翼北歸

詩五集卷一

五

一郡領蠻方萬里辭鄉土江路涉風波嶺道窮辛  
苦言語不相通有懷爲誰吐天外與君逢悲喜崇  
朝聚忍聞離歌聲肝腸慘如剖送君此何時落葉  
殘秋樹送君此何地消魂古南浦江淹賦送君南浦卽此地也  
有分託鄉書何時還鄉園北望擬余心涕零忽如  
雨

赴任入郡南浦舟中作

清晨發南浦宿雨水增波高灘放舟下矢發不可  
賊伏牛與臥虎齒齒橫壘峩秋毫誤審視一觸將  
如何振柁捷有神篙工巧力多忠信夙所安流俗

每善訛風浪無病涉談笑有干戈人險斯足畏天  
險語則那

七里灘

大灘此七里小灘此七里大小灘七里吁嗟彼舟  
子左右心力齊篙櫓一時起振舵準毫釐舟下忽  
如矢

蒲陀灘

浦底山峯崑崙灘高水復深刻石標大險念佛起同  
音誰能出險後長持在險心

回龍灘

詩五集卷一

五

噴吼復噴吼崩浪轉急灘前灘渡不易此灘渡更  
難舟人當知戒龍怒不可干

姬公灘

姬公夫如何怒浪激旋渦暗石藏鋒刃飛沫吼龍  
鼉卽防攝舟入容易莫相過

舟抵郡城卽事書懷

入境看僚屬郊迎各一班來朝應受事何日得還  
山領郡沾餘寵違親足赧顏古來稱舞綵捧檄可  
能扳

署中有懷

舉眼卽堂北何時到膝前山川萬里外天地一隅  
偏對食誰能飽看雲夜不眠消愁用盃酒此語恐  
虛傳

戲成

好趁北風便聊遵南去途從來有醜婦可怕見家  
姑

詩五集卷一

七

叢碧山房詩五集卷二 建州稿

任丘龐 塏雪崖著

延津舟中作用老杜曲江三章章五句韻

亂石磊磊瀧水高堆雪如山飛狂濤左撇右捩舟  
鴻毛此時能事誰可問長年三老伊其曹

又

南洲炎德自終古臘月纖纖青宿莽有似客愁不  
可數踰踏孤舟望故鄉親人一別傷如雨

又

人生祿命懸皇天居世不同上畱田辭家遠宦關

詩五集卷一

海邊三十領郡彼誰子白頭顧影慙當年

劔津

埋沒從何代騰氣出豐城何當化龍去猶取劔津  
名

汪梅齋方伯內召出省余方往謁遇于中途  
不勝故舊之感賦詩四首用遲太守韻

饒吹乘風下牙旗映水紅停篙依岸側東帶趨舟  
中祇訊經長別瞻顏喜暫同不才初領郡何以教

愚蒙

又



一同金馬詔廿載託深知自視無長技應持有不  
爲揚帆去與住把袂喜兼悲欲訴情難盡躊躇惜  
此時

又

此地惜輕別何年擬再逢行行君自遠悵悵我何  
從闕俗頑難化儒生道本庸愛情真曲到所事荷  
先容

又

去去趨魏闕依依出越鄉邦人說遺愛驛使接輝  
光再入清華列還親御座旁君王問閭事民

詩五集卷二

力困餘鯨

束帶

喧填吹角動束帶起清晨太守初分郡男兒學事  
人飛揚羨英妙擁腫厭衰身汎愛曾無擇應憐拙  
是真

讀遲屏萬近作

遲侯才具妙高咏有新篇輕薄無時態清新似昔  
賢同心託僚友列郡限山川焉得長携手連吟水  
石邊

登鰲峯作

峯在城東南隅鬼然直上倚傾峯  
山南臨大海相傳越王無諸宴遊

之虞昔人鵬鵬海天風  
四大字于上因取爲韻

奇石無倚薄直上鬱峻嶒老力不自惜人扶還須  
登連朝窮趨走局促意難勝憑高展一眺神氣暢  
飛騰蕩蕩天池水應有鯢化鵬一舉九萬里鸚鵡  
謂其能倘解逍遙遊齊諧猶可徵

又

孤石挺爲峯積水合成海浩浩流不息青青屹無  
改人非山海倫壽命焉長在高會問越王骨朽向  
千載富貴多誤人從政今時殆水處可以漁山棲  
可以採徜徉望古賢逝世得無悔

詩五集卷二

又

登高望遠海混合如無天連山湧白浪中有估客  
船蛟龍甘人肉性命博金錢揚聲發一嘆轉念竊  
自憐我行胡爲來母乃爲名牽宦迹易風波彼尔  
余亦然趨利誠小輩懷祿非高賢

又

上山還下山延佇望城中瓦屋勢若一爐火駿相  
同此中兵燹後誰致太平風制府善調濟威克與  
變通都屋有儲粟中澤無驚鴻文法清以靜索索  
和其衷式憲奉科條庶幾效薄躬

一駢

周歷臺即遍詩書與未孤一駢頗自許多口豈相  
誣奉法心常小防嫌道又殊無才逐能吏循分効  
區區

護國寺

城南護國寺臺殿敞清幽老罷餘高興人扶到上  
頭靈峯雄左峙湖水趨西流暮色饒堪賞殿風不  
可畱

玉皇宮

珠宮拔地起謁帝曉斜暉蛛網封靈衛蒼苔繡衣

詩五集卷二

衣空堂隨客入寒樹待歸不妄作威福香燈用  
是希

晤范筆山太守

校書曾共直爲郡復相鄰宦路因緣合儒生分義  
真離經年歲久會借酒筵頻省中諸公相招皆同席泊術看  
君妙還期教故人

一自

一自來都會衣冠常近身上官或存體小吏轉輕  
人日出無名費難邀半面春應酬龜用畢卽取返  
前津

自會城歸建寧舟中作

垂橐黃金盡窮年白日催人辭大府出舟趁晚潮  
開奇樹蒼蒼過遙峯冉冉來篙工喜歸去欲乃通  
相厓

又

此地難爲住囊空始作歸牽舟趨上水鼓枻盪斜  
暉亂石奇堪玩狂歌趣不稀署中憐兩弟携手候  
衙屏

又

有天同臘月寒煖去何賒北地應飛雪南方亂放

詩五集卷二

花歸與寧異城官在卽吾家誰謂庭幃遠時來共  
歲華

大小傷灘

大傷小傷俱灘名

傷哉大小灘白勃持何堅來借十人力去用百夫  
牽下流不覺易向上始知難此間有吾師意會非  
言詮

懷李公凱學士

竹碧花香宛欲春關中山木亦堪親可憐萬里無  
同調吟罷誰爲屬和人

又

予即風雅今作者纔下朝來便掩門別後新詩定  
無數雁生不在付誰論

又

學士官高冷似冰陽侯書札付予曾可憐不待西

江水相報猶能有斗升出都時託有轉致

灘上吟

無數巖巖石競秀出波瀾翻怪操舟急不得盡情

看

黯淡灘

人言此灘險往往壞客船下下如投井上上如升

詩五集卷二

六

天吾行往復回有險不盡然時人好妄語輕信誤

愚賢

書駭

不辭書駭號當年召入京日閉僧房坐承恩亦

有名

又

不辭書駭號書駭寧誰予八載贅詞林看人知貢

舉

又

不辭書駭號書駭故史官黃金黨人有佳傳未可

予有故都御史孫訥獻百金求莫入魏黨余力拒之

又

不辭書駭號書駭信有然曾染中書翰誰收潤筆

錢中書舍人書寫文武話命

又

不辭書駭號書駭情所安曾佐水衡丞囊少一錢

看

又

不辭書駭號書駭性所獨曾任陶正使至今無瓦

屋癸酉余監督兩版

詩五集卷二

七

又

不辭書駭號書駭未始非太倉自多米爲郎長苦

饑廣西司供大內米豆

又

不辭書駭號朝回日掩門時事無心問新詩共客

論

又

不辭書駭號詩書喜搜討秀才已爲官鎮如防歲

考

又

不辭書駿號余生信自駭京華無捷徑株守一麾來

戊寅臘月十九日 家君誕辰署中遙祝忽

家人北來報第二男生詩以志喜

黃華峯頂暖煙晴烏鵲巡簷動好聲看壽遙開今日安鄉書忽報一男生曾經異夢呈先光合取同姑作小名正值笙簫將進酒笑言四座各盈盈

乙巳癸亥子悲甚夢見太山神叩問傷一青衣曰待金雞抱虎與汝弗省也元配邊續室韓生皆不有癸亥置妾李十餘年不孕戊寅忽得子李已酉生金雞抱虎應在此耶家姊前戊寅生故取名同姑云

詩五集卷二

八

又

北地冬寒無寸青南國花開滿樹馨風景縱殊同臘月衙齋誰云非鯉庭萬里逢辰遙獻壽百年有喜更添丁人間盛事恰並得拚共諸君醉莫醒

又

得男趨報走家僮筵上披書笑乃公六仕階窮幾

傾郡部曹至即中曰京一年臘轉好稱翁入已卯

有生未信阿侯似弟里書云面所出翻憐絡秀同

妾李先已擬舟船遠迎取好隨兄母到甌東亦仕族

署中梅花盛開酌酒同兩弟

窮年暫得停公務印鎖朱甌且莫開愧比何郎爲刺史相同東閣有官梅花枝照眼渾堪賞詩興攻心設自裁莫信離憂能用老兄酬弟勸好傳盃

建州守歲

受事山城兩月餘年光如水背人徂官梅蕊放春將入爆竹聲喧臘旋除同氣弟兄原式好故鄉親友各相於笑談比日清閒甚迎歲無勞檢簿書

又

打鼓千門歲又更州人獻歲亦多情一尊紅酒堪時醉三寸黃柑詎忍輕自愧無功酬百姓還妨有

詩五集卷二

九

鬼瞰高明漢庭循吏收何武不取當前赫赫名

又

生菜堆盤五味香金屏華燭照黃堂他鄉不少賓盈座太守猶能酒滿觴利達誰求聊任運宦遊雖遠豈無方何當回首年華隔眷戀庭幃喜懼長

碧山房詩五集卷三

建州稿

任丘龐 塏雪崖著

元旦拜賀 龍亭

朝元禮重王正月僻在蠻方詎敢違擬觀 天威  
顏咫尺五更三點換朝衣

又

龍亭高設正中間日映珠旗曉色殷濟濟衣冠分  
兩列端城太守領頭班

迎春歸公堂宴賀有作

千峯嵐翠起朝開東郭春隨綵仗來雜奏笙簫喧

詩五集卷三

一

過市喬粧兒女戲登臺日熏黛色先沾柳風帶寒  
香已放梅喜見今晨雲物好豐年有慶酌金罍

立春日同幕中諸友賞花觀劇

郡署逢春第一回條風宛宛正東來謾看白髮千  
絲長且對紅梅滿樹開幕客無家何處散主人有  
酒好相陪高歌痛飲笙簫會誰聽樓頭曙鼓催

新正五日遊擊將軍楊松菴招同郡丞康別

駕王黃陳兩尹春讌中軍蕭霞城陪席

新春五日好風光式宴轅門興倍長恰得亞夫屯  
細柳堪容長孺臥淮陽清歌欲並鶯聲囀春酒新

餘栢葉香賓主分行各僚屬和調意氣喜相將

安靜子自山左寄詩見懷元韻賦荅

炎荒絕徼地萬里路途難不謂雲中扎能來天外  
看道情感珍重問客得平安攜手知何日低回起  
浩嘆

又

安君博雅士著述各成書

寄示新刻詩文集

一等看皆妙

千秋傳有餘風塵浪奔走歲月玩居諸讀罷增心  
愧輸君賦遂初

為安靜子先人題墓碑

詩五集卷三

二

題碑發潛德君子欲何如故索腐儒筆寧無草聖  
書途經萬里外情溢八行餘信不阿私好能徵或  
有諸安來書云長安非無鉅公名手以君文學  
德行足信于後世故不憚遠求君所耳

己卯人日登黃華山作

七日流光改歲華南中景色賞心賒東風不費剪  
裁力紅白能開滿樹花

又

一入閩中又隔年茫茫萬里間山川黃華高不出  
天外欲望家鄉何處邊

又



天南地履易成春桃葉桃花刺眼新此日風光誰  
不變閒遊未許避行人

又

佳辰何處堪乘興城背山高近可登半畝神宮荒  
蔓草數間板屋住殘僧

又

蒼蒼松老欲凌雲嬈嬈竹竿翠不分爲問當年誰  
種得吏人說有故將軍前建寧協鎮將軍謝所栽

開元寺

寺有開元勝風光近眼清奇峯分背出老樹併身

詩五集卷三

三

寺外兩樹生交抱如一佛日仍非相空華詎有情因緣方會  
遇未合謝浮名

開元寺卽事

古利木南寺危行趨板橋奔雷繚地底孤塔入雲  
霄浩蕩空門大充盈積貯饒州人知有賴三九信  
堪邀

贈無已上人

偶出城東去還過祇樹園遺風自麗老滴水認曹  
源乍入覺神爽相看喜道存化民余有責方便取  
何門

又

奉佛凝尤甚爲儒腐是真來從賢聖法偶現宰官  
身令節簿書暇空門道伴新茗柯遂閒趣半日坐  
相親

又

寺背黃華嶺堂依翠竹林時談不定法能見若干  
心春至花爭放晴歸鳥自吟此中有言句答話待  
知音

元夕前三日郡城居民喬扮村歌爭赴衙中  
獻技余樂其樂不覺俚俗之可鄙也聊成排

詩五集卷三

四

律十八韻以紀興焉

新正倏及望月上夜融融花火連夾巷人煙比日  
中太平宜有慶好事自成風劇欲公堂獻名先甲  
長通司閤例弗禁社夥語相調揚旗高閃閃打鼓  
亂逢逢爆竹喧雷動華燈映地紅跳達或如虎翻  
颺忽若鴻魚龍來水府獅象出珠宮觥戲虛交手  
胡旋屢折躬疑真驚姪女似鬼訝妖童種種無他  
異行行音杭又不同曲終兼致祝道薄取何功待詔  
金門客爲卽白髮翁一麾辭薊北三月守閩東如  
草薺羣庶何加問乃衷流膏喜春雨介酒醉歐公

願各安生事占年祈歲豐

建署儀門內東西二井西井久涸矣月前忽水生如東井吏人喧訝謬以頌余余戲荅一偈因呈無已上人

龐老心空別有情因緣時會建州城西江一口吸能盡何得衙前井水生

鄉思

底事成吾老沉吟點白頭官難兼內顧鄉遠阻書郵無日不懷土何天可寄愁古詩寄愁天上煙嵐怪五嶺有只嶂虞丘

詩五集卷三

五

病中有懷家姊及璽堦兩弟

炎方氣候只堪驚寒暑無端變雨晴百藥難調風土惡一官真悔別離輕女兄較長增衰老姊長余二年小弟關情太瘦生三載政成先自畫田園歸計可能成

病間過東書堂有感

書堂力疾出徐步踏蒼苔春色背人去炎風應候來空看靡草換無復好花開坐失芳時賞中心愴欲摧

東城見病人

城東此何人生與病爲徒一步三呻吟輾轉憇中途陰陽互煎迫色黯形骸枯有身原是患其誰知免夫

南城見老人

咄哉城南翁髮短鼻涕長弱足行屢欹皺面無復光日月不假人少壯安可常萬古同一轍觸目爲神傷

西城見故人

城西汝爲誰赫然遺其實生前託華屋沒後依荒草形神判已離薪火何曾了逝者難可作發心當

詩五集卷三

六

及早

北城見沙門

情爲病老因愛是速成具北門比丘徒清淨割情襟戒衣有定心齋鐘發妙悟再來非此身今生胡不度

飲蕭霞城別墅強招程馮二生相陪

衙署朝閒得自如招尋喜過子雲居好花弄蕊疑春在新竹抽梢識夏初自愛清譚消茗飲何勞豐膳出庖厨素陪一一要人客旋促羊求到砌除

其二

昨日高牙敘話回盛誇別館好啣盃不中戲語將  
軍出真惹疎狂太守來苔徑翠添新雨過楸枰間  
越綠陰開論文二妙忻相得返駕渾忘落照催

其三

松坪竹嶼自森森翠擁高齋幽且淡我愧杜陵檀  
詞賦君如何氏有園林青山近眼來佳賞野鳥非  
時送好音此後但逢公事暇披衣卽擬一相尋

陳陸來大尹以詩賀余舉第二兒依韻賦答

卽看寸葉發枯桐謾擬一枝出桂宮幹父誰能望

小子弄孫聊喜慰

家翁

家君望余  
生子甚切

詩五集卷三

七

又

天成迂濶老難除願祝兒生莫父如守拙一麾纔  
出守書傭半世苦耽書

偶感

一行辭故國秋去又春歸白髮渾如雪流光度若  
飛兒生猶未識親老忍長違誤用從前計寧知  
時事非

簡蕭霞城

郡小事乃繁回回纏案牘首夏氣微炎一室困  
東念我同門友別業城南隅支離數株松檀欒葛

竿竹砌花半結子靡草萎猶綠官閒得適性誰當  
問山谷枯棋寄靜思清琴理妙曲何時公務暇就  
君清耳目

制久不愈感賦

晨光照高榻伏枕歲時更惡說春花落空聞啼鴉  
鳴百醫渾不驗一創幾時平愁似灘河水千回萬  
轉生

六十初度

病見衰容早辰歸花甲圓幸無嗟短命翻得慶長  
年拄杖鄉閭內稱翁人客前曷歸奉二老戲綵

詩五集卷三

八

此先賢

余以己酉落厲疾自分於旦暮延今戊寅得稱下壽矣遠宦違親慶愧交集

初度致祭先恭人邊母于建寧署中有感

白頭初作郡萬里越東陞豈以蠻荒地能忘母

難時三年曾有愛五男只增悲欲養無由逮榮華

奚以爲

誕日宴諸親友于署中

庚辰四月十一日也

老子生能記炎風十日回紗衣隨節換綺席及晨  
開兄弟有家禮親朋介壽盃推班來妙伎扮演共  
登臺

又

簫笛繁音動金屏五綵新一官從出守萬里過生  
辰有祝連篇什何功及郡人相將白雲老談笑問  
前因是日無已上  
人過署中

又

天運交初夏人間喜晝長枝頭乳鵲噪檐外揀花  
香酒是成懽物歌爲引樂方何心當此際有祗憶  
家鄉

將赴福州感賦

有病非全可因公赴共城當歌翻不樂前路若爲  
情主席先人起征衣待旦更升舡應自具誰得惜

詩五集卷三

九

勞生

再經黥淡灘

一注從高下狂濤怒莫禁重過驚夏首前度憶冬  
淡灘水無成見行人有戒心往來念遺體結嘆果  
難任

舟次玩野園有感

泊舟聊出舟散步携諸友岸傍誰氏園竹扉啓其  
右周圍列桑苧連畦種松韭佛手半帶花橘子青  
如豆亦有數椽屋魚床陰疎柳蕪穢一以治安排  
非俗手文人及仲子此中古來有余本無宦情身

事迫出守田園荒不歸風塵老奔走幸不逢若人  
棲棲增吾醜

老生

領郡當衝路無才笑老生一惟安拙守不敢賣清  
名土物何知愛鄉風只好爭得情寧自喜離散感  
愚氓

侍讀學士李公凱篤行君子也文章道德方

諸古人一官自守八年不調矣頃閱京報陞

少詹事喜賦二詩

保傅 青宮重選除日下新遙憐 明聖意終用

詩五集卷三

十

讀書人正色思前哲周行取近身抄傳應不誤一

夜幾披陳

又

詹事視學士官階未甚懸聊將見知遇寧獨感陞  
遷崇論惟稽古邪蒿不上筵 重輪應有頌萬里  
好同傳

舟中卽事簡還屏萬太守

北闕 乘輿返軍門僕射還郊迎有公約並駕出  
前灣新綠千林合雜花兩岸殷牽舡趨上水倚檻  
閱連山身自行時任官因忙處閒鄰舟招並入知

已引同班豁達看賢傑迂疎笑老怪悠悠不遐棄  
欸欸許追扳弈局逢高手江南羅壺觴發少顏戲生善弈  
魚同發發啼鳥更關關斜日情仍戀長吟興未刪  
他時思盛會夢繞水雲間

舟行值雨口號

卽事因公出共城川流宛轉一帆輕雨來曾不愁  
沾溼始信舟行勝馬行

泊舟蒼峽紀興

朝聞翠節返餘杭濟濟舟停水一方官長禮寬容  
笑語時參政何公同泊同寮情熟免衣裳峯頭雲斂分晴

詩五集卷三

七

照峽口風回餞晚涼較射圍碁隨所作放情不覺

夏天長

竹枝曲

聞聖駕回鑾制府郭公歸閩隨衆出迎舟中紀興之作

聖主回鑾向朔方令公肆觀返餘杭相迎人衆爭

先渡帆影匆匆亂夕陽

又

尙書行政平如水聲色無勞以化民郡縣不聞豪

奪吏鄉村頻見買牛人

又

一從移鎮來閩海吏恪民懷一晏然惠愛應推聚

父父清貞可比古賢賢

又

皇帝聖神千古少尙書令德一時新特頒 內府珍

奇物先 賜東南鎖鑰臣

又

春來 聖主幸南州令下蠲租萬姓休直把今時  
憶前代可知夏諺祝王遊

又

驛亭小泊駐高旌趨候衣冠共一行博愛從來推  
長者尊前重問採薪平公過建時余患瘡未出相見垂問

詩五集卷三

七

福州端午

客亭亦有蘭湯浴浪迹如萍笑薄躬萬里鄉山看

地北一年月令又天中柳生近體於何惡時瘴患未痊

罄折隨人強且同欲放老懷須問酒啣盃獨對夕

陽紅

晤邵武太守顏北亭

一見還成笑吾身將爾身得年同屬相列郡亦比

鄰莫謂無知己終憐有故人時訛那可道尊酒尙

堪親

贈鼓山爲霖大師



久向南州老相看道自存心依賢聖法風感帝  
王尊今上遙賜扇額淨室畱新客香齋共午餐對君無  
限意欲問已忘言

題沈遠微小像兼寄朱竹垞太史

一遇初成好披圖益識真雪中作花樹古詩雪中能作花

月下荷鋤人詞賦看前輩神仙有後身翻怜竹垞  
老函丈日相親

讀爲霖禪師來書有作

寄去新詩寫素統報來書扎比琅玕好將出入依  
懷袖常作如來四句看

詩五集卷三

圭

又

言句披來字字真等閒相對擬相親從知佛法尋  
常事不把神奇誑俗人

又

昨送天書來上刹衣冠濟濟武兼文龐公舊有  
閒言句衆裏無由舉似君

又

山門客散似雲馳方丈重來謁大師萬古千秋原  
不隔天然龐老恰同時

又

入戶看君道自存香齋隨分供盤餐蒼松翠竹當  
前意不打葛藤舉剩言

東遲福州

君侯致疾由精進小省勞煩體自平欲就涼亭問  
秋弈荷花香裏好開枰

又

高亭窈窕水淙洞一度登臨一快哉六月南風無  
暑氣荷香鷗語四邊來

又

生平自喜耽幽賞但得微閒卽過君竹塢松棚淡

詩五集卷三

古

蔽日葛衣蒲扇細論文

康熙己卯夏以事至鼓山小憩湧泉亭上作  
千峯萬壑開靈境會合因緣此一時有底匆匆看  
不盡湧泉亭上獨題詩

懷蕭霞城

何處偏宜夏蕭齋水石間風生迤北樹雲出左方  
山久客渾無那思君不得閒莫由歸郡國茶話坐  
相板

福州度夏

閩中實炎德託處海東偏卑溼易爲雨重陰少見

天絳衣都似甲密樹自生煙入夜差宜臥蚊聲聞  
榻前

又

南土不宜暑炎雲熾欲燔老身愁束帶好客勿過  
門涼簾名全假寒漿飲半溫賣冰思帝里重價

那須論

又

屋上陰雲合昏昏失寢興北人常苦熱南地鎮如  
蒸有汗渾難禁多蠅亦可憎此時思故國風爽正  
堪乘

詩五集卷三

五

又

何謂長茲住炎炎客舍間好風翻礙竹赤日欲燒  
山飲水曾無度披衣自不閒熱中兼外錄愁莫放  
衰顏

鮮離枝

果園離枝熟到手擘朱房純白有佳色清甘領妙  
香南州矜美種北客喜初嘗故作十旬住貪饒笑  
老狂

食鮮離枝再用前韻

纂纂離枝熟悠悠客興長價由生處賤鮮得及時

嘗枝不隔宿隔  
宿則色味變汁列尤爽平口香清欲襲裳翻憐  
鄉路遠莫得獻高堂

咏玉真蘭

花出葉上絕  
素無紅點

根生幽谷中花出綠葉上馨香將無同素心獨見  
賞

述舊寄陳步旻

其子令既寧郎  
郡附郭邑也

山水越中好經過客興狂舟中厭拘束湖上且期  
翔商駕來者舊通名問草堂笑談如有素招約更  
相將選日當重九移尊上畫舫遊人互來往遠嶺  
各低昂黃菊搖佳色澄波引練光勾留貪小住迫

詩五集卷三

共

促赴周行領郡當衝要百為待舉張事來難可數  
食在總無遑蠻俗人情異勞生歲月忙流年旋自  
改知已永相望既越名原古元方才素長文移通  
簿領封守其城隍每是因公會必詢近履康佳辰  
得長夏壽酒介寬觴宛轉吳歎曲輝煌上客裳無  
由向前去言志託申章

六月廿四夜大風

颶風何處起中夜忽飛揚力拔千山動聲兼萬竅  
狂重扉關不定高燭篝難張亦有漂搖慮誰云是  
客堂

大雨

寸寸陰雲合泔泔雨氣堆從天一注下迸地四隅  
來乍觀盈淺沼旋看上砌臺無令禾稻沒民力信  
堪哀

詩五集卷三

七

叢碧山房詩五集卷四

建州稿

任丘龐 塏雪崖著

喜旋郡署舟中作

福州距建州往來通一川高瀧三十六龍雷噉相  
纏詭怪水中石萬狀莫由傳左右皆高嶺合沓連  
雲煙橋林泛遠香隨風時到船峽長足宛轉水逆  
有廻旋貪此幽多賞頓忘道路慳我出夏始交我  
返暑欲平郡舍吾所居引領心悠然提携兩舍弟  
親友亦在焉雖非東山歸懽情度一宣

漫歌行

照溪灘  
舟中作

詩五集卷四

瞿塘灩澦余未識此灘比之或亦得石濤澎湃聲  
絕天壯士當之亦變色漂搖簸蕩危哉舟咫尺吉  
凶那可測颶風捲地水層波救救力人聲訛手  
指可掬舟中多老夫散髮方高歌人命在天不在  
水白勃雖堅如我何

七月廿日

老母壽辰署中遙祝次日弟燧

歸

今晨今日憶 慈幃佳氣千山宕曉暉游子難忘  
家慶好行年尤說古來稀擬將進酒身仍遠愁見  
行裝弟又歸嘹唳不堪聞旅鴈西風獨向北天飛

感懷用陶貧士七首韻

游子戀庭幃夢魂常依依一身羈萬里何由奉音徽返景灼寒林有鳥鳴且飛鳥飛猶顧巢久客安忘歸匪朝直伊夕悄悄如調饑腹饑食可療誰療心中悲

又

朝上郡東樓獨坐開南軒松竹交近嶺橘柚熟山園村落遙相接嵐霧和人煙興來欲有賦未敢問筆研一身從俗吏風雅詎可言隨州亦多事道州取何賢

又

夙昔在家鄉一室擁書琴開卷知有益操絃發古音二三論文友杖履互相尋相尋卽相留濁酒取同斟託志于千秋朝榮詎所欽胡爲就羈繼垂老負前心

又

有目聊足視無爲須離婁妍蚩有定形物至聊相酬至人不用目所視靡不周漢治追三古網漏千吞舟餓麟不解噬毋用淡相求

又

利亦不可顯勢亦不可于勢利使人爭往往多在官惡衣可以煖惡食可以餐君子志謀道所憂寧饑寒飲食盡富貴妻妾有羞顏吾人有本心此外復何關

又

野草生不理散漫走蓬蓬秀才不知書作記何由工傭人以自代貽誚于葛龔楊雲與司馬生世各不同直用文相似尺籍後先通卜子曾有言仕優學可從

又

昔也參侍從今也領方州仕宦無良媒不如事田疇念彼田舍翁秋成倉困流斗酒當伏臘俯仰樂無憂繫余二十年尺願無寸酬三嘆感曷歸歸途仍阻修

鳩鳥謠

直人無矯飾讒言有訛者鳩鳥棲枋榆一拙安無巢呼晴兼呼雨有音徒譊譊

黃雀行

宿不從高簷棲饑不窺太倉粟飛鳴野田間羅網何相蹙敢辭供玉盤所媿無多肉

閏七夕和程銘野

秋雲行薄暮新月逗明河良夕餘分得歡情此會  
多時人重乞巧老我獨與歌萬里無家客書空嘆  
奈何

再和前韻

閏回重七夕牛女事如何運序真成巧流傳空自  
訛報章無實用蛛網只空羅一拙吾將汝同聲嘯  
也歌

讀魏志徐邈傳戲成

徐公無小飾嗜酒任天真豈不干軍令時仍中聖

詩五集卷四

人見孟知有趣得性詎能馴信合風騷客狂吟多

口辰

山東樊花坡者落托不羈士也精絃索在京

時每同人公會必呼與俱茲來建甯任旬日

命酒撥絃音調依然環顧四壁都無故客感

而賦詩遙寄孔李陳金諸子

樊生吾夙好前歲別京師萬里真能到三秋慰所

思明燈暖清夜善手動悲絲中曲微風發徘徊悵

此時

又

曲終重再鼓渺渺動余思歲月誰曾與髮蒼老莫  
疑懷來當以慨樂往自生悲始覺長安遠同心天  
一涯

蘭花線香準彌上人送

一星逗朱火蒸霧起精廬蘭澤渾渾疑近香風自可  
居聞思應有入觀相卽非虛有感殷勤贈無言亦  
起予

壺柑

一名柚一名文旦土人又呼曰匏亦準上人送

安名任所呼取相直如壺覓口何須有言者日無  
匏懷香信不無多情憐老衲分供到狂夫舉室生

詩五集卷四

秋色清吟晚未徂

奉和張宗亮使君自衢州寄懷原韻

先後同分郡衢州與建州山重知有阻水背不通

流對月長相憶題詩久未酬幸逢歸客便安穩報

清秋

秋日懷余紫巖使君兼寄章經歷雲章

南天秋老露爲霜滿眼蒹葭思正長他日拜恩同

御苑兩年領郡各封疆建溪水背無舟子梨嶺峯

高少鴈行幕下閒員亦燕客聲音猶喜接家鄉

鄭彤友聞余舉子賦詩相賀依韻奉荅



垂老生兒愧此身裁詩助喜感情親不嫌行政無  
良法翻說宜余有後人他日高門焉敢望當年舊  
夢記猶真遙聞家衆南來近待抱君前試笑頻

中秋遣懷

澹蕩秋光半已還中庭露坐一凄然身違故國五  
千里月歷今宵十二圓敢望家人終日對偏難書  
札應期傳何緣得遇浮槎便假道長河抵舍邊

寄示姪銓

銓生自有父弟璽十五長成時志學還應爾家風  
托在茲何須預吾事要取異凡兒出入多餘力勤

詩五集卷四

六

勤赴所期

示孫

孫兒甫七齡胎髮覆頭青見說就家塾旋聞讀孝  
經詩書原世業禮讓自門庭將汝能無忝他時見  
典型

得菊數十本列書堂足稱盛賞時延請章乾  
襲入幕置酒花前同刁谷王竝飲

忽漫秋光散一堂東籬興發使心狂六旬白髮應  
偏老九月菊花分獨香小吏迎辰先有獻主人待  
客晚無妨燈明酒熟良宵永故友新知好並將

重陽前一日懷京中諸友

明日明朝九日歸遙遙萬里憶京師山家池館都  
栽菊上苑仙郎盡解詩同氣同聲聯嘯咏半醒半  
醉互扶持一行讀如瘴雨蠻煙地縱有茱萸插共  
誰

九日黃華觀登高

古署溪居悶不勝重陽令節古來稱案頭文卷朝  
且置城內名山近可登自有同行陪茗話何須叅  
佐盛車乘入門笑問黃冠者學得長房法未曾  
又

詩五集卷四

七

秋老仙宮有佳色登臨興起趁朝來客身謾謂南  
天遠黃菊何殊北地開雨後山光看一變風前木  
落遙相催寸陰過眼非今日耐可禁寒坐不回

又

霜老黃華趣不稀秋光泥去聲客澹忘歸壺柑亞樹  
呀然大龍竹捎雲密自開忽有斜陽照雉堞徐聞  
流水蕩漁磯古來佳處誰長住卻笑牛山泪點衣  
九日置酒署樓凭欄北眺老親諸弟殷然  
有懷

蠻地菊花也自黃茱萸釀酒那無香空將六斗誰

能飲獨立高樓亦可傷萬里山川隨節序三秋愁  
病戀 耶孃斜陽極目憐諸弟介壽何由共北堂

準彌上人送蘭數枝賦謝

華華秋蘭花乃在空谷中紫莖挺高節綠葉轉光  
風將色豈隨衆懷芳信不同妙明得真賞采采出  
荒叢殷然感投贈紉佩在薄躬永言矢俱化兼之

謝準公

弟巖歸後望回音不到

自子北行去秋殘冬又來卽知到家久不見報書  
回鵲語多虛誑人聲屢誤猜悶懷無處訴一室強

詩五集卷四

徘徊

病得蘭花以幽賞生懸解不覺灑然喜而有

賦

蘭生於空谷娟娟寫幽靚不避霜露寒枝莖一何  
勁移植精舍中色淡香逾清色本非實相香亦無  
自性因緣相合和兩有交爲用山僧贈居士隱然  
託密證及爾弊真如何有於我病

借山上人同艾菴彭使君枉顧有贈奉荅

城下遙聞繫客舫相將有喜到山堂未殘時菊花  
經眼旋漉黃脂酒在觴絲髮饒看老逾壯萍蹤無

又

那慨當慷借山近借何山住偏得彭君共一行  
梧黃楓赤映蒼厓秋色離離亦復佳奉客主人宜  
對酒陪僧賢友恰當齋是日章乾築持齋知音一  
遇情堪託時事難言歌有懷行止由來俱定命浮  
生無用強去聲安排

古意遣興

採樵上山復下山山高路細多苦艱那得仙人借  
方便順風吹往順風還

又

詩五集卷四

山僧山中惟晏坐山鬼可憎及昏過遮莫伎倆窮  
萬端我無耳目汝則那

又

蟠腹小兒誇強飯拉還吞嚼爭大樹新病未成舊  
病發有金何處求盧扁

又

石家太尉生也愚驕奢不戒示貪夫奴輩信知財  
是利汝財何來獨怪奴

又

何常知樂獨不憂萬事從天信所授吾吾都取如

吾意焉能有辦無監州

中庭有黃菊

中庭有黃菊枝葉正豐妥亦荷天地生得時非陽  
和三春不放開秋晚獨如何強去能傲霜雪辛苦  
良已多

不寐

勞人晝不息入夜靜堪任何有三秋氣偏中萬里  
心別情牽倒轉老病橫追尋反側重幃內悽悽託  
苦吟

謝子超宗剪絲為菊賦詩以獻用來韻紀興

詩五集卷四

十

久已重陽過何由菊有開天工難可作善時汝能  
裁不受青霜如寧招黃蝶猜東籬餘興在日日對  
卿盃

十月六日

前歲是日抵任

建郡八閩善傳聞記載中流風多往哲謂西山考亭諸賢

遺愛有先公公諱精宋時為兵燹頻遭變民生日轉運使詳名宦

益窮期歸無計可受牧愧余躬

聞錦山病書示

老病不增愁翻為兒子憂傳聞知有樂欲往視無  
由食息宜加謹醫方莫亂投陽生氣來復計日可

全廖

又

攝生歸有道病在不妨身且緩籌家務休將憶老  
人一心無躁擾百脉自調勻擊楫江湖便南行待  
早春

張超然領解後過署讀余詩且為之敘

便道重相訪淹留雨雪時旋燒官舍燭肯序老夫  
詩自顧非其好無將阿所私定文匪知己他日欲  
憑誰

送張超然公車入都

詩五集卷四

十一

吾輩進身地文章道所先誰堪推作者汝合領羣  
賢氣壯同人內懽增盃酒前鄉書封已就前路好  
為傳

又

乍晤那相別公車分莫遲不成為適館翻與易行

衣泉脉隨陽動春光向臘歸是歲十二月題名無十五立春

取次重報老夫知

恭人韓副室李携眷口抵署有賦

已分經年別能來萬里途儂應遠兄弟吾且樂妻  
孀主饋應知重縫裳亦所須入門同一笑勞苦問

江湖

又

誰謂蠻方遠今朝好合俱老僉饒有室小婦亦從夫鼓瑟愁何在挑燈喜自于雙雙形對影誰唱采蘼蕪

又

家事還申問休嫌話語長大兒原善病尊老各安康空院新添屋澆田薄打糧客心寬一半內顧未全忘

見次兒同姑志喜

詩五集卷四

七

乳媪初開祿兒嬌就父携似曾頻見慣不作認生啼汝信由天性吾將承孝思暮年能有後那作長卿悲

劉長卿有何事暮年方有後舉家相對却沾巾之句

又懷大兒鎬

莫盡如吾意依回滿欲沉小兒纔見面大子倍關心官署不同入災疴分自禁樂來苦亦集兩感一無任

喜嚴再至并勞之

往來南北道萬里趨嚴程不憚風霜苦終憐兄弟情嫂衰時抱病兒小恐相驚調護窮心力俾余家

室成

晤甥邊激因懷姊氏及激昆季

江湖萬里道遠涉問山城衰病傷殊域親人見外甥瞻依增喜色款語愜心情借此聊相慰離憂減半輕

又

到來應有喜喜罷轉淒然伯姊余終遠諸甥汝獨前傳言通一一惜別自年年曷往同鄰舍兒孫互抱牽

見甥調小兒作示

詩五集卷四

七

渠孃及若父原本共胞生異姓分中表同行出弟兄方孩豈知識就抱解將迎式好遙相卜因憐肺附情

又

甥原稱似舅姪又喚同姑行輩原相竝庚年何太殊一親兒提抱遠送涉江湖連日白頭老庭前樂只且

陪舅氏暨姊子飲中有感

阿甥能遠訊家舅亦同來萬里周親合三冬雨雪催女兒遙可望母氏只增哀忍意將盃酒肝腸

已暗推

偶成

廉吏不可爲貪吏爲不可二者無中間君於何處  
坐此身猶外物子孫何加我苟得以爲福福中有  
隱禍

感興用陶荅郭主簿二首韻

桂生不作林獨立揚清陰清陰令人逸坐倚開吾  
襟或把一卷書或彈一曲琴俯仰宇宙間何古復  
何今今古時雖殊道在始可欽尊中有美酒斜日  
聊自斟飲亦不復醉歌亦無知音行年六十翁短

詩五集卷四

古

髮不勝簪胡爲此栖栖憂患徒自淡

又

志士惜當年賢人愛晚節歲暮衣裳薄涕下何清  
澈傍見巖間松青蔥獨秀絕霜雪豈偏黃後凋干  
翠列興起恆由我有待非豪傑欲惡去處間以道  
爲真訣前路已無多淵冰荅歲月

奉和高詹事江村見懷原韻

容易長安別煙霜五度除離憂堪用老歲月爲誰  
居問遠慚將物情淡感報書何當來雅贖一一比  
瓊琚

又

金門曾待 詔領郡又蠻方自顧一何鄙多君獨  
不忘非材承獎藉念故記申章出入常懷袖清吟  
與日長

又

令德惟詹事天倫樂莫過養親邀畫錦課子上賢  
科子與領浙架上藏書滿庭中好客多東山跂望  
切渺渺奈余何

別懷

北風未解陰宿禽猶戀樹從吏結束齊艤舟待前

詩五集卷四

五

渡老夫將起行徘徊增屢顧妻病復在床苦語兼  
嗟吁兒嬌不下懷亦恐阿爺去此際免有情一官  
覺無趣余本鄉里儒詩書由疾固舉動非時宜流  
輩嗤余度名豈余所希利亦非其素胡爲若栖栖  
往來長道路

哭遲太守

領郡當煩劇遲侯大可憐百年身未半一疾痛先  
捐下里歌誰嗣同人覺以賢與才偏斯壽孰與問  
高天

又



四十篇城守三年政教行神仍愁一直吏更畏眞  
清斯疾緣何有經時嘆不平捐金見交誼稍慰首  
丘情

又

猶憶西亭別相將說後期還從池上酌細論古人  
詩不謂重來日翻成痛哭時浮生看此際名利欲  
奚爲

一 自福州歸舟中述懷用陶移居二首韻

登舟情自適舟中豈安宅都會人事多應接填昕  
夕篷底足漂搖高臥免役役上水行須牽逆風休

詩五集卷四

六

張席峽折厭迴轉浪聒駭誰昔往來改冬春晴云

小離析

又

峽中山水奇可以賦新詩余情有萬端何從抒寫  
之悄悄傷俗態悠悠增我思我思惟古人尙寐彼  
何時義命苟不安何由示來茲人事信多违天道  
豈予欺

途中蜡日用陶韻

一歲功已成索饗若時和物候不相讓山梅各放  
花勞人感時節慷慨一何多悠悠波濤中獨聽榜

人歌

又

北地臘苦寒南地臘溫和越俗原尙巫迎神把山  
花吟蠻百靈會連蜺屢舞多未辨九章義徒聞鵠  
舌歌

署中述舊奉懷京華諸前輩

昔我仕京師廿年從淹蹇惡衣與惡食有顏曾無  
醜富貴看別徑執行不忍返同朝賞我愚下交傾  
尊顯別墅趨闥恭佳辰招把琰抗禮寧知非情款  
加親弗雖有日用苦未覺損游衍一從領茲州江

詩五集卷四

七

山迴分限外吏避忌多防嫌及背卷豈無半日閒  
封鐫情莫展庭花冬春開嶺雲朝暮變對景思所  
欽一一常在眼古人當此時賦詩聊可遣賦詩匪  
時務畏子實不敢誰能持此懷泪下不如泫

漫歌行

已卯歲  
除日作

今日之日歲云除甲子所窮吾六十之夫明日之  
日甲子來復余不乃始生之雛六十老夫尊主  
命守通都衆父父載赤子待哺吾能毋爲猛虎而  
何以能給牛羊之芻雛生可念怙恃勞劬胡不處  
懷遠託江湖江湖悠悠歲華重周眷戀高堂日月

其流易歸哉不寧卽喜吾之一喜而長此憂人之  
百憂者乎

古歌三章

見有東流之水無西返之波我生之辰望昏而過  
日月不畱嗟我如何

又

聞有老馬化而爲駒形骸如故日月其除白龍見  
首是耶非與老夫瞿瞿

又

去日之日六十之翁來日之日始孩而蒙新曆發

詩五集卷四

宋

端舊曆告終有生不化運數奚窮大人赤子渾然

降衷地轉天回此謂大訓

叢碧山房詩五集卷五

建州稿

任丘龐 燈雪崖著

建州元旦作

又向閩中度履端椒漿生菜強登盤六旬花甲侵  
晨過萬里庭幃直北看游子寧忘生處好宦場倍  
覺外方難寸心喜懼爭來往欲問行藏總未安

庚辰人日過準彌上人章乾襲程銘野盛元

白謝石公繼至

官暇開正宜自逸登高興起奈余何已公茅屋饒  
相近人日題詩許更過春草綠侵幽徑密好花紅

詩五集卷五

一

映短籬多相將其厭蒼頭癖至理由來在茗柯

又

龍宮地煖早成春野鳥羣啼向令辰過午恰炊香  
飯熟畱餐偏喜道情真鄉園久別原浮客甲子重  
回是老人忽對香爐開一笑甘從纏縛苦當身

又

爲問龐公何所聞辭鄉萬里越江濱不思我法從  
居士強學他家作使君之病日增殊可厭風塵自  
苦欲奚云良辰且與二三子對坐僧房話夕曛

盛子將赴山陰頗有家人日用之憂約月給

米三斗以慰其意

庭幃誰不戀游子欲何行以我懷歸意憐君反顧  
情官仍餘祿米居更託小城爲廣緇衣好分供及  
母兄

送盛元白還浙兼寄毛大可

新歲十朝過山陰千里行同心從此隔斜日若爲  
情溪柳慘慘綠春禽恰恰鳴憐君前去處有友在  
江城

又

尊酒亦不盡離歌漫欲終憑將八行字相問大毛

詩五集卷五

二

公筋力毋將減年光分自同新知兼故好岐路意

何窮

人日贈準公用陶癸卯歲始懷古田舍二首

韻

登高昨有約靈境期同踐愛此人日名俗情未能  
免準公宗門傑小澗增余緬况與二三子一一皆  
夙善此地亦城中到來覺心遠松竹延賞情久坐  
都忘返時聞入理談興復不淺

又

喜食香厨飯不厭香厨貧道人能好事聊與盡殷

勤憶自前世來吾宗多異人邈世與出世殊行後  
先新余亦抱微尚白法心所忻何日辭軒冕脫離  
要路津君前見古德不託有鄰願言從居士兼  
之謝山民

題蕭霞城竹間行樂圖卷後

將軍不徒勇鎮定惟所先自君防建州裘帶垂十  
年今簡朝多暇卜築宅南偏檀變手種竹一一綠  
叅天賞心從所翫日夕澹忘還徙倚若懷人晞髮  
小山巔偶爲畫師窺竊作圖象傳對君展一視神  
氣何宛然誰能戎旅內獨得靜者便人或賞其趣  
余獨仰其賢賢思有贈定非言所宜願託歲寒  
節圖窮志此篇

送王淪肌太守旋里

人世茫茫原戲局上場須有下場時送君今日輕  
身去一壑一丘好自怡

又

建溪春水綠層波嶺路萋萋碧艸多正是當年南  
浦地故人分手恨如何

潘稼堂檢討過建州訪贈詩喜和元韻

小郡山多日出雲連天苦雨白紛紛正當欲枕愁

將睡忽漫通名喜是君禮自外來誰定執人經遠  
別意偏勤相畱却慮厨薄久已潘郎不茹葷

又

湘江黎嶺各爭奇流覽忘歸信所之更棹輕舟由  
間道遙憐書札有前期卯秋寄書有過建之約笑言快接平  
生好投贈忻承絕妙詞官爲先公發潛德孫支永  
世感何涯時刻先曾祖所著經解潘爲序

又

十年聚散感金門無限悲歡對酒尊異地山川重  
此會同時兄弟幾猶存多岐世路毋淡詫不朽文

詩五集卷五

四

章好細論意氣經時消欲盡對君始得一飛翻

又

奇服如君自少儔脫身侍從任遨遊名山到處能  
畱記瀧水無驚喜放舟久信文人餘慧業重從佛  
法領風流龐公好去聲說無生話假館僧房願小畱  
讀施愚山先生遺集有感作示其孫質存

施公本先達不以下交嫌意氣心肝並文章師友  
兼老成悲一往世好恨去聲添徒覩遺書在幽光忍  
更潛

送施子旋里

施子名賢後少年分不同風騷見家法孝友出門  
風一見情相得長談意未窮如何衝伏雨告別忽  
匆匆

又

贈言古來有屢請意彌真自是通家好能知太守  
貧道庸差善政膽薄畏明神莫壯前途色題詩愧  
老身

質存歸以廣紗武夷茶寄獻愚山夫人李太

君

粵穀輕于紙閩茶賤似芹遙憐太史氏特寄宣文

詩五集卷五

五

君淑德刑于化耆年壺範聞聊因歸省便問訊展  
慇懃

準上人招同潘太史稼堂魏秀才煦齋筵卽

景

四山雲霧散輕陰晴日微開祇樹林香餌招餐傳  
素手清談入座有同心勞生已厭風塵苦白髮何  
堪老病侵幸得追陪值公暇斜陽興起一長吟

梅仙山同張別駕以滋蕭中領霞城程太學

銘野送潘稼堂太史歸里遲準漸不至

三年眼底見崔嵬攜客登臨第一回亦擬放情從

勝地可堪載酒是離杯金門舊侶方將遠鹿苑高僧更不來閩嶺吳江幾千里雲煙悵望使心哀

季子坦菴們過準公亦至依來韻成詩

公庭訟簡盡無諱雨後風光逸興賒好士談詩歸六義山僧說法引三車連枝灼灼開丹若當戶青

青長昔邪更喜流光節物好試嘗角黍煮新茶

小集

端陽前三日招謝石公季履旋準上人署中仲夏滔滔過誰能耐寂寥石榴紅不減菰竹翠偏

詩五集卷五

六

今朝

又

今朝好晴色蘭室最相宜長老能談法諸生舊學詩主賓無別席葦素有分匙把酒驚時令名丁詎

忍辭

感懷和陶雜詩十二首韻

龐公老轉拙浪出從風塵磬折不入時對衆自嫌身象恭或偶及枯朽寧堪親參差接比舍比舍非吾鄰梅天盛積雨白晝失昏晨寂寂夫何言端居思古人

又

暑氣蒸炎洲火雲屯瘴嶺莽莽何滔滔天中延長景解慍豈薰風被暘思八令水土良非宜憂與憂相永山魃依薈林射工伺水影危危欲何成蹙蹙終靡騁何如張仲蔚蓬蒿擁溪靜

又

六十行已過前途大可量遠宦依官署何如守山房兄弟分兩列二老坐中央跪拜介春酒戲舞何陽陽誰爲戀末榮憂畏迫中腸

又

詩五集卷五

七

歲月胡不居白日速人老壽命難可要富貴焉足保南中原卑溼北地自高燥遊子愛鄉土歸計當及早弱孫行可攜嬰兒嬌可抱保幼養殘年淡泊宜吾道

又

志士一明決庸夫多猶豫高舉視黃鵠千里歸一翥倦鳥安無巢有來終須去胡事長栖栖勞形敝思慮吏俗多牽拘行止知自如悠悠人世間白首幾時住田園幸未蕪親戚堪共處長嘯賦歸來何憂復何懼



又

黃金本無情見者自生喜喜生怨已伏爭奪起多  
事貪人以惛惛苟得仁必意意在焉盡償怨報終  
相值青松拱墓門白駒一何駛七尺非已有多積  
為誰置二怨字上讀去聲下讀平聲

又

老病不遑寧簡書行相迫一麾卽萬里三年此  
閩陌匡衡傳南以閩陌爲界才薄無善政守拙留清白人謂  
天網疎吾畏天網窄悖入亦悖出大年無暴客俗語  
未見作賊處八十忍受暮夜金而買陽羨宅

詩五集卷五

八

又

少小勤詩書生事薄耕桑饑寒不輟誦代燭夜燃  
棟宋顧歡然幸遇好文時躍馬濫持梁蔡澤躍馬持梁食肉  
金馮唐老卽署沒黯且淮陽耿介不變塞終窶亦  
何傷親老子更幼家遠天一方念此使心愁對  
酒不能觴

又

升沉非可定修短亦無常今我不爲樂日月儵焉  
遷南陔白鶴嶺北上黃華嶺諸生旣從游山僧重  
獻餐相憐萬里外時節同因緣獨有政未達興言

愧詩篇

又

方士好妄傳神仙本無靈弱水隔三千何由見洪  
崖當世有真人天地在襟懷鈞軸一氣轉浩然兩  
間彌散精爲日月光彩何離離揮斥八極外塵網  
焉能羈逍遙問莊生此道今未虧

又

四月已毒熱飲水不覺涼空房聚雷聲小蟲恣強  
梁攪我不得眠輾轉懷故鄉故鄉隔萬里一別移  
三霜誰謂吾無愁愁增長日長

詩五集卷五

九

又

松老如髯翁梧青似美子好風各自招翠蔭交堪  
倚此間有羲皇高臥得上理

王瑁湖學士因徐孝廉寄札相訊感賦

天遠殊風雨途長間水山情憐知己重書附及門  
還徐建寧人拙匪逢時技衰增醜士顏浪出爲何  
事相思泪點斑

又

世好情原切京華久共居三年傷還別萬里感來  
書情溢言辭外詩存唱和餘開緘何斜照一誦

愁予

讀瑯湖別後詩刻感賦

清華原自貴俗吏祗堪逐逐風塵苦回回簿領  
迷見聞一無趣吟咏指何題有作余偏少應憐分  
不齊

次韻荅尤展成見懷並寄武彝巖茶

一別西堂改歲華真驚白日似翻車歸曾無計空  
懷土病不離身強上衙老友關心偏有憶新詩出  
手自成家武彝信美乏奇產奇爾旗槍巖上茶武彝茶生巖上者味清而香生洲間者少遜

詩五集卷五

十

題畫冊

几上煙雲起蒼茫取象奇林巒紛錯莫茅屋有參  
差一一移佳境迢迢寄遠思自公逢暇日乘興坐

題詩

荅沈方鄴三首

沈名泌宣城人年七十矣讀書賦詩不絕度余詩形之吟

咏同年子高履公來建州沈附致書扇以不相面為憾作此奉荅兼以慰之云

沈翁讀書客居與敬亭鄰賦擬相如似詩看杜甫  
真逢時艱一遇垂老信以貧有客為余說相憐太  
息頻

又

尙友猶相託論交君莫疑問居雖異地生世自同  
時遠寄因良友情多屬妙詞長吟發淡感及爾訂  
心期

又

同氣合相求宜州望建州聞聲增有慕會面更無  
由五嶺官亭路三江賈客舟相憑通問訊來往附  
書郵

汪東川祭酒寄懷三章次韻奉荅

危病貫餘生遠別兼悲喜回首悵匆匆王命不  
獲已犬馬辭禁闥巖疆歸臥理建州非吾鄉山

詩五集卷五

土

川徒美美灘聲日夜交煙嵐朝暮起獨處誰與言  
馳情念之子

又

一入建州舍再度建州春口飲建溪水心念京華  
人京華看花會取次聯重茵名園及利觀風景宛  
俱陳境移不可追相思日日新有問等空函臨池  
切主臣

又

致書書既達報書詩並至淡知君子心不鄙塵俗  
更敘意託申章佩服宜永記我法惟質直幼學焉

忍棄其身恐未免孰堪問名位有譽無負君努力  
從所試

叙

往余與龐子同直史館論文無虛日龐子曰文所以載道也足乎理達乎辭無失乎六籍之旨斯已耳若夫頃挫疾徐悠然而可思蓬蓬然而莫可遏則所謂神而明之存乎其人非陳言故迹之所得而限也使必沾沾然取古人之文而步亦步趨亦趨曰此秦漢之文此韓柳歐曾之文縱極工古人之役焉耳其何以役古人龐子之論文如此余嘗是其說而進一解曰天下無一事可以自主所可自主而莫或助之莫或尼之者作詩文而已矣今

李序一

又委其權於古人我之自主者安在哉於是相視而笑志於心不怠蓋余之傾倒於龐子自論文之日始不獨以其詩也會余與龐子及羨門勉曾余舅西軒公余兄漁村相切磋爲詩歌月聚晤者三所汲汲商確而甲乙焉者詩而已於是與龐子論詩之日多論文之日少矣迨龐子梓其詩以行自賢公卿以及四方知名之士翕然傳誦一時諸龐子之廬問四始六義之學自此相錯也而龐子之文乃掩於其詩余則見龐子之文最早今一再披閱大都原本六籍而變化乎古人至其取某人某篇

而優孟之以取悅於今人則概乎未之有龐子之文何遽不若龐子之詩哉故特取而論次之俾與詩並傳而余因之有所感焉方余兩人論文史館甫強仕耳曾幾何時頭毛各種種矣六人者之約追憶之猶目前也今四先生南北各天求如曠昔之唱子和汝杳不可得歲月不居友朋聚散余兩人能無淡念乃龐子詩文日益進以有聲於時余則業不加修惟龐子有嗜痂之癖其又感而滋媿也歟山陽弟李鎰謨

李序二

叙

余前未識雪崖見其叢碧山房詩寄興淡遠小者數語大者千言一本世情無時俗屑濶奏泊之習遂定交幸居不相遠非余過雪崖卽雪崖過余余故質朴脫畧世法欲言卽言不計於心雪崖大槩相類不以爲狂也乃雪崖能以所學達人主爲朝廷侍從臣佐水部戶曹聲名爲後學所歸是則余之所不及也雪崖論詩以三百篇爲主每謂三百篇初無驚人語當時婦人女子能爲之而後世學士大夫反不能爲者以意不衷道而詞不達

金序一

意流入膚濶奏泊耳持論甚嚴用功甚密一歲之中所得不下數百篇至於文則不多作余近始獲見一二要如其詩不求世好而自取足於懷抱蓋今之所少者戊寅春以戶部郎中遷閩之建寧守因出所爲文示余曰余自少壯及老精力俱殫於詩文則其餘力爲之或迫於應人之求歲月所積汰而去者三之二他日將附於詩以行子其爲我序之余念數年求友所交數百人求如雪崖之古道爲心以勸規勵吾行以切磋成吾學者一人而已茲將遠離雖他日音問南北不至斷絕然終不

如相聚一室之有以兩相勉而交相慰也因書吾  
兩人交情序於卷首若雪峴之文義合於道辭取  
諸心他日要有識之者正不待今人之論定也雪  
峴告別余問所以治建者雪峴曰余本庸人以庸  
言爲詩文不求苟異今於建亦將以庸道治之嘻  
王道本乎人情自古無中庸以外之治執此以往  
寧獨可以安一郡哉余逆知雪峴治蹟當與詩文  
俱稱傳不朽也襄平金德純公謨

金序二

序

昌黎氏有言讀書以爲學繼言以爲文非以誇多  
而鬪靡也蓋學所以爲道文所以爲理耳觀此而  
文章之意趣盡是矣至論體格則未有如吾夫子  
辭達之說者也故凡發用作命陳謨奉議以至賦  
物銘器師旅會盟之辭朋友贈答之語無非此道  
無非此理若不得於道則姑傳會以文之不得於  
理則姑穿鑿以逆之如是而欲其文之達也能乎  
不知文之用也不離夫道不諄乎理始可稱達故  
典謨之則而能暢雅頌之婉而多風者達也卽變  
而詰曲聲牙之盤庚喬僻峭厲之齊秦亦莫非達  
今日之得此意而神明之者惟龐雪崖先生爲能  
先生起家史館回翔卽令政事之暇一以讀書爲  
務上揆六經下參左氏以及先秦兩漢唐宋大家  
之文皆熟讀暗誦晚年尤酷嗜黍園之書雖枕上  
輿中不離臂臆發爲文章質而不俚淡而不晦簡  
練而不煩繩削且好孤立行一意於古靡所取財  
卽一時之名公鉅儒亦靡所附麗畦徑盡絕生機  
流行清雋溫厚皆離離治世之音是可卜其吏治  
之循良矣先生自未遇時卽以詩名噪海內每有

張序一



題咏墨未及燥士女萬人更相傳誦二三同志競  
爲版行于世已高數寸獨其古文詞淡白秘惜不  
以示人余與先生別十二年丁丑秋日再游京師  
先生出文數軸屬爲之序未及爲而余歸杞城郵  
居明年先生亦出守建寧相去益遠問問益疏惟  
手斯編伏而讀之始得其爽朗易簡之樂隱得其  
倜儻超然之氣三復而得其正大和平之旨然後  
知先生之文不離大道者也不諱夫理者也毋愧  
於達者也更可用是而信其治行之循良也康熙  
三十八年上巳日安丘張貞謹序

張序二

叙

讀古人詩悠然感吾情動吾意而歌哭隨之非吾  
之情與意有是可歌可哭之事乃古人有是可歌  
可哭之事發乎其情與意而爲之也夫他人之事  
非吾事其感吾情與意猶若此况吾身親爲之人  
讀吾詩何以異于吾讀人詩不能使人歌哭隨之  
尚可以爲詩乎此言志發情之說爲古今作詩不  
易之旨歸然千百世作詩之人莫不持是以爲旨  
歸而能合者有之其不能合者比比而是千百世  
論詩之人莫不持是以爲旨歸漢魏以上論詩絕  
少而能合之漢魏以下論詩愈多愈密而愈不能  
合者比比而是詩日益多其流弊日益甚此無他  
良由論詩之失其傳而作詩之流弊如江河日下  
而不反夫是以詩之體格雖具而性靈不存不可  
以爲詩猶人之體格雖具而性靈不存不可以爲  
人也夫詩之爲詩非一成不變之物與古今風氣  
而日變之物也自離騷以迄詞曲莫不由變而生  
而各有其體格其至卑下者莫如詞曲今世俗所  
傳古本北曲文人才子擊節而歎賞之亦以此中  
有性靈存焉此可知詩之爲詩變而有不變者存

王序一

不可以時代之體格論之也乃近世論詩者徒執體格以論詩一如論時代者論之如濟南思追初盛排麗爭長而以膚澀詆之乃直取枯淡無味之詞爲性靈在是焉然則左徒托物比興璀璨陸離善讀者以涵涵清絕目之此何爲者耶如北郡規摹樂府奇拗矜能而以吞剝詆之乃自爲軟熟不倫之語爲性靈在是焉然則少陵上薄風騷原本漢魏善讀者不得以形似神似別之此何爲者耶夫詩之有濃淡猶人之有肥瘠也各就其才力之所及原在性靈存不存外論之雖欲易之不能易

王序二

也詩之有法則猶射之有鵠的也必端其趨嚮之所之亦在性靈存不存外論之雖欲廢之何可廢也其論詩苟如此其作詩亦可知竟陵之訾訾洽溟是已而竟陵之爲竟陵不過以已之所能爲抹煞絢爛二字其詩之位置應在何等不旋踵而又訾訾之者矣虞山之非薄空同是已而虞山之爲虞山不過以已所不能爲抹煞風格二字其詩之位置應在何等不轉盼而又有非薄之者矣余少而學詩老而無成嘗低徊古今作者之林其自爲能作而不能論者固無足怪惟自爲能論而未

可爲能作者未嘗不爲掩卷而三嘆也往與雪崖同辟于京師雪崖詩不苟作未嘗輕以示人余間從友人冊頁扇頭見之徒知其能詩而已比余授職罷歸杜門著書閒澗幾二十年戊寅秋雪崖出守建寧取道武林過余桂山草堂把酒論詩自晨及晡談者不倦聽者忘疲間與往復論難渙如冰釋相悅以解投余叢碧山房詩集而別以王程嚴迫翼日渡江南去余追送弗及置其集案頭凡四十餘日始卒業爲書以報雪崖吾今而始知天壤間乃有雪崖詩雪崖答書索余序以詩義固說二

王序三

冊示余他日友人坐次有舉雪崖詩問余余曰子讀雪崖詩當先讀其論詩姑舉其論詩大旨爲子言之自三百篇漢魏以來於晉則以元亮獨爲近古于唐則以子美得漢魏之遺夫元亮之平淡自然與子美之光茫萬丈近世學陶則以杜如別調學杜則以陶如別調辟猶兩人之子各父其父者然如雪崖則兼而取之猶一父之子其以平淡光芒如二子之分形有殊其以近古得遺爲一父之原本亦豈有殊耶故其爲詩出則學士大夫應制贈答之文入則父子昆弟歲時遊燕之作大則達

離鄉井羈人遷客登臨瞻望之愁吟小則依戀庭  
除釋子童孫瑣屑戲美之樂事莫不以其所謂今  
人刻意求新不知新在人心發動處者爲之言其  
事無事不與人同而其情自別言其時無時不與  
人同而其意自殊夫是以學陶而不必爲陶而不  
得以今人之擬陶而非陶者目之學杜而不必爲  
杜而不得以宋人之宗杜而非杜者強之能直接  
近古得遺而無愧者雪崖子之詩也世有爲國  
朝名家詩選如唐人才調諸集者必爲雪崖虛第  
一席而位置之矣因以因說一冊授之曰子毋其

三序四

說爲固非固也彼自以爲固也子毋以因說之論  
詩爲刻也非刻于論人乃刻于論已也于古人之  
一章一句其疵者可以刻求之其佳者雖連篇累  
牘亦可以恕存之者也苟於已之連篇累牘自以  
爲佳而恕存之固不可於已之一章一句不自知  
其疵不以刻求而以恕存之尤不可也子歸而求  
之而自有以得之耳明日爲綴筆而序次之噫嘻  
余不能詩安能論詩雖累千百言如一言亦惟曰  
吾今而知天壤間乃有雪崖詩乃有雪崖說詩

已卯仲秋錢塘王嗣槐拜撰

叢碧山房文集目錄

卷一序

懷古閣詩序

盛鶴田詩序

蔚上人詩序

勤郡王出塞詩序

柯巨川詩集序

徐芝仙出塞詩序

王琬瑚詩集序

承夢軒詩序

目錄

拙菴上人五臺游紀序

柯寓匏續集詩序

卷二序

西山紀遊詩序

爲張祀回再書贈詩序

朱贊皇集句序

傅夫異詩序

寶齋堂詩集序

映雪軒詩序

安靜子濟南詩序

滄浪詩稿序

邊善長近草序

程禹三詩序

族譜叙畧

秘氏族譜序

遊崇效寺詩序

梅耦長後序

卷三 序

送劉浴甫陞任序

歲暮族感詩序

目錄

祝孫明府序 代

趙子藏詩序

送叢木廬序

史記彙編序

陳太翁惠民錄後序

題高尚元小像序

半山園集序

中隱園詩後序

重刻好生錄後序

卷四 記 書附

墜馬記

重修藥王廟碑記

三皇廟碑記 代

題張禪二公去思碑記 代

荅拙菴上人書

卷五 傳

涼國公藍玉傳

鞏昌侯郭子興傳

武定侯郭英傳

安陸侯吳復傳

目錄

定遠侯吳弼傳

河州指揮楊廣傳

右軍都督府甯正傳

都督僉事袁義傳

都指揮花茂傳

卷六 傳

山西巡撫趙時春傳

河南巡撫胡纘宗傳

巡撫山西孫繼魯傳

都御史王應鵬傳

總漕都御史連鑛傳

刺史邊公傳

史孝廉傳

程毋吳太孺人傳

卷七 誌狀  
行述

真定令侯公合葬墓誌銘 代

歲進士葉君墓誌銘 代

資豐令胡公合葬墓誌銘

麗室李孺人墓誌銘

高平馮母張氏墓誌銘

目錄

四

宜人白氏墓誌銘

祥符令胡公墓誌銘

盛公荆筐墓誌銘

浙江布政使司布政使李公又白行狀

安人段氏行述 代

卷八 論

禮與其奢也寧儉

人不間於其父母昆弟之言

行已有耻

性相近也習相遠也

叢碧山房文集卷之一

任丘龐塏雪崖著

懷古閣詩序

詩者天地自然之聲發於人心之不容已者也體分興比賦而實以賦爲之主何也古人作一詩必先有一詩之意意之所感以辭發之是爲賦賦者所以達其意也意難直陳然後取之比興比興者所以通賦之窮而委曲以達其意者也由三百而漢而魏而唐體屢變而道不變然其道未易講矣必好學以廣其資精思以明其旨旨明則意專而

文集卷之一

無旁禱之虞資廣則言切而無委泊之陋內盡其理外盡其象夫然後可躋於作者之堂也而宋人乃爲不關理不關學之言濫中於後人之心取青妃紫求工字句之間以爲詩盡於此勇於自是而果於誣理雖有正論孰從而聽之無錫顧子好學淡思之士余居長安久不聞顧子名今年夏始識之見其詩爲之狂喜喜顧子之不爭字句爲詩而能用其意以爲詩也古詩取之文選近體取之唐人主客既明節次不亂求於近今蓋什伯而不一遇焉以超於什伯人之詩而名不出於什伯人之



上豈其道非耶抑自晦自秘而不屑與時競耶昔李北海文名盛於韓柳之前後人稱韓柳而李無聞王季友名不列於高岑王孟之次今其詩與高岑王孟並著鍾伯敬謂名之所在非詩文之所在余謂詩文之所在即名之所在也顧子能詩如此雖欲自晦秘不可得又何爭先後遲速之間哉余既喜顧子詩顧子復喜余悠謬之論俾余具述之爲其詩序噫昔人謂得一人知己即不足憾若余與顧子者兩相得可以兩無憾也已

宋人謂時賢詩有賦而無比興所以不及古人

文集卷之十一

二

蓋宋人用議論文字爲詩不惟失比興而所謂賦者已非矣此云以賦爲主而以比興通賦之窮真有得於風人之義而文之光焰尤不可一世毛會侯

議論精確至云名不爭先後遲速學者仕者皆當三復 李公凱

盛鶴田詩序

臨安盛子鶴田風雅之士也自入都以來與余交最先知最深往來唱和亦最多其爲詩以清新爲尚不泥蹊徑別自成家蓋學宋人之詩而善取裁者也宋承唐中晚之後風格一放取用益弘故其詩無所不有吾見夫今之學宋者矣以俗俚爲清真以淺率爲老放以粗豪爲雄健以用僻事難字爲奧博將所謂溫柔敦厚之旨神聽和平之音去之惟恐不遠而唐人益不足免矣余資性既鈍耳日甚狹未多見宋詩竊疑宋詩之不盡然也亦學之者之過也古書自六經而外不皆醇乎其醇將有美焉將有惡焉惡知美而好知惡是在學者之取裁耳史記紀事之書太史公必擇其言之尤雅馴者況詩以涵泳性情興觀羣怨之藉未有衝口直陳不雅不馴而可與於風人之義者也盛子雖學宋詩修意惟謹立辭以文擇其雅者馴者而用之其不雅不馴者去之如齊王之食鷄臠非是則無嗜也甚矣盛子之善取裁也余每得其一吟一咏輒流連三復而不能已又何嘗以爲宋則置之而必有取於衣冠優孟之唐詩哉故學宋詩必如

盛子而後可也果以盛子之學宋詩者爲學又安往而不可也

雪煙力主唐音而爲學宋詩人作序幹旋處具

見淡心大力

毛會侯

文最雅勁學之者之過真持平之論

李公凱

蔚上人詩序

西山崇化寺蔚亭上人禪者也而喜爲詩其禪得法於金山天竺老人而以詩與崇效雪法師相友善天竺老人天下之善知識也雪法師之學之詩又余所素畏者也不知其人觀其師與友雖未久與蔚亭交而蔚亭之人早已識之胸中矣客歲冬以其所爲詩因雪公問序於余蓋古文非余所長而詩則余性之所好故受而卒讀焉不誇多闢靡不嗜奇趨巧矢口而出不越日用眼前而循分自足瀟然漠然有道之氣見於言表余於是知蔚亭之能詩而因以信蔚亭之能禪也或疑禪定之學以詩文爲戒蔚亭禪者不宜詩此未通之論也嘗觀內典諸經有偈有讚有頌皆以五七字成文與詩爲類則詩未始不可作偈讚頌觀也彼教雖不立語言文字而究不離語言文字又何足爲蔚亭病乎崇化寺之西北數里有地名賈島峪卽島當年讀書處也島以苦瘦之詩與孟效齊名厥後李洞師其體尊爲賈島佛蔚亭才不減島誠以三年一吟之力成其所爲詩他時必將有好之者名其地爲蔚亭峪而亦以蔚亭爲佛如李洞焉余用是可

以報雪公蔚亭亦可卽是以報天竺老人已  
筆情瀟灑末引賈島略卽以爲規無限生趣  
公執

勤郡王出塞詩序

卜子之叙詩曰詩者志之所之也在心爲志發言  
爲詩則詩也者達其胸中所欲言而止而質立而  
文生故觀者足以興聞者足以感也自大道不明  
爲詩者以膚瀾爲正始以淺率爲清新立一題於  
此其意在依稀渺茫之間其言無淺深倫類之次  
各是其是各非其非而其流愈不可揀矣客冬偶  
得近選時賢詩一冊閱數紙弗善也及得王詩  
體樸而氣爽蓋能言其志者乃大喜特以不多見  
爲憾耳今年春友人朱襄來持一卷見示曰此

王出塞時馬上作也先生其序之夫王之詩旣  
爲壇所慕悅得多見斯已快矣况許繁之言以附  
不朽乎於是欣然喜者又肅然而敬何也塞上非  
樂游之地也山水雄而不秀風氣慘而不和有跋  
涉之苦無怡情娛目之觀他人於此必不暇爲詩  
卽爲詩而王事賢勞嘆將不免而王之詩凡四  
十餘章寫形勝紀歲時思故舊一皆忠厚之旨悱  
惻纏綿之情出入風雅非賢者不能爲也漢唐之  
代多賢正東平梁孝汝陽漢中皆表表者然東平  
樂善而未聞近風雅之士梁孝于枚馬汝陽漢中

于杜甫近風雅之士矣而未嘗自爲詩王則兼之  
不淡可敬耶堦伏而思焉我朝紀綱文物遠過  
漢唐故天潢本支之美有明道而立言如王者  
不亦宜哉不亦盛哉

空明澹漾中却復精切情事 毛會侯

文集卷之一

柯巨川詩序

山東李漁村深於詩者也京師十餘年考證得  
失審辨源流相爲長益者予兩人耳漁村每自戒  
不輕與人言詩因以戒余余用其戒不敢輕有所  
言亦已久矣獨至柯子巨川則不能不與之言而  
靳相爲長益也余固早知巨川深於詩頃者其兄  
寓匏以其詩授余俾序之其從子南陔復過門留  
詩重訂余因得盡讀巨川詩謀篇造句蘊藉風流  
不禁把卷流連以爲風雅之在今日未常無人也  
若今日之言唐言宋者余惑焉夫詩有源流非三  
百漢魏唐宋之謂也書曰詩言志志者其源而言  
其流也志無象故日新而不同言有迹故模倣而  
可得舍其富有日新之志而驚於摹仿形似之言  
言爲唐人所已言非新也言經宋人所已言又安  
在其爲新乎不探其源而爭其源無異乎桃梗土  
偶之相誚而未已耳巨川天才既逸學問過人  
門之內復有寓匏南陔相爲切劘故能吐棄一切  
卓然自立於風雅之林如此余固樂附之以言庶  
幾巨川因余之言而匡余以不逮余之得相益於  
巨川又何如也他日遇吾友漁村巨川出是集以

示之亦將把卷流連以爲風雅之有人信如余言  
必不責余輕犯言詩之戒也已

文品莫貴於真樸唯此作足以當之彼以弱聲

曼辭爲歐陽者當望洋思返

毛會侯

言詩極有源委文更淡宕可誦

李公凱

文集卷之一

十

徐芝仙出塞詩序

古詩三百昔人有感於意而作也意存美刺而詞  
必歸之溫柔敦厚以爲則此風人之義也漢魏去  
古未遠相師而守其義者也盛唐諸君子懲六朝  
之弊學古而通其義者也後人昧其義而襲其辭  
遂漸入於膚濶而不可止人見其膚濶也乃薄唐  
人爲不足學矣而又以漢魏爲不能學三百爲不  
可學而去而學宋矣學唐者果盡失乎學宋者果  
盡得乎則亦未嘗審辨其義而深長思耳徐子芝  
仙好學深思士也一日以其出塞詩見示徐子何  
爲而出塞也徐子爲

文集卷之一

十

安郡王世子授經師 王固好學稽古之賢王時

別廷用兵塞外 王屯軍歸化城徐子從之羽書糾紛

不廢倡和有雅歌投壺之風凡其身之所歷目之  
所接山川草木鳥獸之奇建置興革之感一一紀  
之於詩余讀之知爲厭薄膚濶而刻意爲新者然  
能用已意以爲詩於古有合焉其凌厲之氣刻鷲  
之思余尤畏之矣顧乃虛懷善下而求余言余不  
工爲詩而固於言詩者也爲舉漢魏盛唐及風人  
之義告之徐子持是以往用意而務達其自有之



意修辭而不沿於外鑠之辭又何難力追盛唐漢魏之作者而上溯風人乎哉昔人云學者讀書貴知大義好學深思如徐子其義蓋早已知之然余正爲徐子知之而故爲徐子言之也寧獨爲徐子言之且將以呈之王王淡於古者庶有以正余言之得失且以廣余所不逮也已

持論甚正足以破今談詩家肝膈之病而筆健氣豪能自達其所欲言文章之道盡於此矣

毛會侯

一氣清折盡流離渾脫之致

李公凱

文集卷之一

王

### 王琨湖詩序

志有所動而宜之言曰文文也者性情之端而道之所由託也古人有其志而形於言後人因其言以明其道由五經子史以迄辭賦百家之文未有志不中出言由外入而可以幾幸於傳者也堯典因樂及詩而曰詩言志則詩之大義從可知矣自風人既遠學詩者不知詩爲性情之端而以詩爲辭章之具而屑澗之習成矣人之所貴於學者謂學其淺淡虛實開闔實主相生相顧之法耳至其所以成此一詩者仍以我言明我志而非爭字句

文集卷之一

王

之形侶也乃今之爲詩者不曰學盛唐則曰學宋元淺淡虛實不相生開闔實主不相顧舛錯雜行識者掩口而同好者方且摘其一二言之似古人者以爲佳吾不知於義奚取也雲間王琨湖先生資既沉潛學復淹博研窮三百之義而沉酣于漢魏唐人之著作故其爲詩也辭本諸意而章軌于法辭本諸意故精以切也章軌于法故條以達也而質極而文遂覺光華發越而不可掩世有傳詩舍先生其奚傳哉余尋先生通門弟子之列比年以還居處相近唱和尤多然終愧才力不逮亦

步亦趨而噬乎後也茲刻其近詩如干首而屬序於余余因舉先生之詩之所以可傳者告之俾天下後世從事風雅者知所宗耳噫今人之詩之不如古人也則以不務言志而膚濶害之也然則今人之文之不如古人也不亦以不務言志而害於膚濶哉顧安得如先生之爲詩者而與之爲文哉雪畦自爲詩與其論古人勸今人總一指趣故於一二同志往往暢所欲言風雅之砥柱也李公凱

文集卷之一

十四

承華軒詩序

余固於爲詩者也以爲詩斷以言志爲本次序條理出之三百開其宗漢魏守其成如規矩方員之不可易也漢魏以來吾所取者陶杜兩公耳蓋兩公之詩皆能達其當前自有之志而不尙乎靡靡泛濫之詞者也自是之後其義寢失於是乎不以言志爲詩而以修辭爲詩而學唐學宋紛然起矣夫舍自有之志而學唐人之辭是優孟唐詩也梨園而演登科拜相之劇者也舍自有之志而學宋人是優孟宋詩也梨園而演擁雪走雨唱蓮花落之劇者也步趨不同同一膚濶而已而且情與景不相蒙也主與賓不相顧而前與後不相接也相唱爲詩而詩亾久矣安所得內求於志而不驚於詞者與之講三百之義漢魏陶杜之法乎丁丑夏門人顧卓過寓數稱親藩鎮國公拙齋主人有東平樂善之風善書法工詩與時之所爲詩不同余重慕之欲往見而未暇也冬盡卓再過相約乃晉接於書室體貌謙和一見如故談論之下出所爲初集示之紅蘭主人序首志山中發言無外假不規規於漢魏陶杜之辭而雅合於漢魏陶杜

之旨者也尚不屑步趨唐人况宋人之足挽哉余  
已喜得未曾有而公復出次集命序因述其始末  
源流以誌相得之雅如此噫余持此固說二十年  
來未遇同調茲乃遇同調如公者托於不孤有  
鄰之末故自以爲厚幸而不敢辭也若謂經高名  
於玄晏則有前集紅蘭主人之序在而非余之  
敢竊比也已

詩至今日雖亂極矣舉世爲詩而不知詩讀家  
雪壘此序而不悟則世無良藥已

弟璽

拙庵上人五臺游記序

余生平喜游山水近高僧憶家居時友人郁椒陵  
爲言盤山之勝任山者拙庵上人海內善知識也  
心嚮往之頃在京師客又有言五臺之勝者五臺  
山文殊大士道場也余辱居士後好禪觀因文殊  
圓通偈得悟入故嚮往之意愈切而皆未能至蓋  
因少賤無恒產則艱於裹糧及入仕屢任皆京朝  
官又局於文網以意所欲親之境不能造而問其  
名窺其象甚矣貧與官之累人也乙亥夏於馮大  
行勉曾家遇拙庵弟子通名訖言其師亦久知余  
自此通問寄我盤山志讀之如親至盤山焉丙子  
春復因孔戶部東塘以五臺游記及詩見示且囑  
爲序余又一一讀之見夫峯高谷下拔地出天梵  
刹之綺錯草木之天喬宛在目前又不啻親到五  
臺焉余不禁把卷畢然遙望而嘆曰夫游之有記  
也喜身之所歷而不忍忘之也然極古今作者之  
意不過刻畫形狀點染景色得趣爲佳耳拙菴不  
寧惟是向上機關西來大意往往潛託遙寄於語  
言之表可以作文字觀不可以徒作文字會拙庵  
其殆有以益我也余不敢以不文辭蓋俾余未至

盤山而親見拙庵未至五臺而親見文殊者此記此詩也身之所歷不忍忘而爲之記心之所契烏忍置而不爲之序哉然以此呈拙庵拙庵得無見而笑余之多言也夫

所謂簡而文溫而理者也

毛會侯

意緒綿密筆力正自勁拔

李公凱

家雪雉溪於禪故出言真切如此

弟璽

文集卷之一

六

柯寓匏續集詩序

嘉善柯君寓匏以詩雄東南頃在京師與余僑宇相接得讀其詩久矣因而序其令弟巨川詩又與其從子南陔相唱和一家之內風雅蔚起未嘗不嘆柯氏之多才也而寓匏志企古人不爭時尚尤余之所服膺者客冬持一卷過寓謂余曰此近作將擬續刻子曷爲我序之余受而卒業見其詩和平大雅一準唐人家法不異前集而老成縝密過之古人學問行業與年俱進置其然乎然亦特爲有志之士言之耳 國家不以詩取士則詩非吾輩本業急務可爲可不爲抑且時爲時不爲矣况經入仕以後官有常司一日之中所得者退食之餘耳而或以其餘用之奔走權勢用之酒食宴會用之關通情事以分膏潤往往以詩爲無益而弗爲卽爲之亦不過爲聲氣標榜延譽之資而已書曰功崇惟志業廣惟勤以不耑之業加之以不勤之功安望其崇且廣乎寓匏官中翰將十年簡於人事不驚交游自公來歸惟以吟咏讀書爲事故其成就卓然富於卷帙如此嘉善山水明秀之鄉其生人不同而弟若侄兼有巨川南陔者相切劘

安得不日益新而月益勝乎寓匏少吾十餘歲年  
力有餘其今日之詩之進於前也吾得而知之也  
其後日之詩之更進於今也吾不及知之而可卽  
其志與勤而卜之已

中多名言 李公軌

文集卷之一

千

叢碧山房文集卷之二

任丘龐塏雪崖著

西山紀遊詩序

士大夫官長安者日從事於朝會冠蓋之間往來  
於市塵塵壑之內其可登臨以暢觀覽者惟城西  
諸山西山之勝遠卽不論其在五六十里內者尋  
常可遊而遊者難焉官司職事迫之人事交際牽  
之貧者艱於車馬而結伴又閒忙不相齊故言遊  
易而往遊難也友人黃涵齋先生於秋間發興爲  
西山遊以一蹇載襍被兩僕步行相隨直抵潭柘

文集卷之二

自西迤東若龍門若香山若碧雲若水盡頭秘魔  
崖諸勝無一不至至皆有詩卽景卽事紀興抒懷  
各極其致涵齋去余未之知及歸以詩示余且述  
其出遊之狀乃知之也昔麻城劉侗人著帝京  
景物畧載明以來詩殊寥寥我朝文人才士過而  
畱題者多於前而佳者或少其多且佳未有若涵  
齋者也蓋涵齋一官旣閒交際復簡無人事之擾  
不飾尊楹輿馬之觀不驚賓客朋從之盛身無所  
牽行無所待故能行其志如此推此志也而寧獨  
可以遊覽乎哉武侯曰淡泊以明志寧靜以致遠



古來成功豎業未有不由於此者也涵齋外淡泊而內寧靜其性然也前佐大理時有功於民民賴之而權在太守不能盡於其志他日而自爲守其與除修舉當必有與古循良比績者余既喜涵齋之爲人而又好其詩故於序詩而并及之天下將求真才能堪爲朝廷寧人治事者當在淡泊寧靜而不在其他也

有嘲笑俗客不曾來之意而結語獨見其大毛會侯

本序遊山忽然發出絕大議論乃知雪崖文不

苟作李公凱

文集卷之三

爲張杞園再書贈詩序

余翰苑稿內有渭清筵上贈張杞園之作杞園山左人舉博學鴻儒遭患不就渭清亟稱其才品余心識之壬戌冬杞園來京師渭清延之寓舍而招余陪飲詩蓋作於此時也自是互相招約流連旬日訂交而去丁卯賢子卯君以明經赴順天鄉試則余已改官中書矣而渭清猶在翰林相與詢杞園平善迭用招陪如前日而終憾杞園之不同至也今年丁丑杞園卯君同至而渭清去翰林且五年人事升沉之感朋友會合之難如此噫計丁卯至今十年壬戌至今凡十六年追飲酒賦詩如且暮間事而卯君鬚已有一二莖白者則余與杞園可知也况余滿卽官俸行且補外此會幾何哉前此之別杞園望我於京師是猶有定方也今且不定矣我與杞園年未及中是猶未暮也今則垂暮矣以不定之方加垂暮之年過此以往其或更得相見與相見之早晚又孰從而問之孰從而卜之耶則今日晏笑爲權當何如其綢繆而不遺他時之憾也杞園父子有感於此俾余重錄此詩著之書室以當晤對其慇懃於余而不忍忘如此余又

何能忘杞園父子也余又何能忘我渭清也夫

文生於情一往纏綿永叔得意之筆也 李公凱

渭清先生與伯兄爲性命交故凡詩文一涉及

渭清便有許多感慨斯文爲杞園先生作而悲

涼惋惜實爲渭清增多也 弟璽

朱贊皇集句序

詞者詩之餘亦將以言志也以我言明我志而志無不達難矣近代文人乃有集古人成句爲詩詞者其必博學強記具明辨之識擅變化之才者與抑又難矣友人朱子贊皇天資過人又好學而強記一時號博雅者未能或之先也於詩詞無不工兼善集句節古人之句以就已志連綴成章若出一手而光芒璀璨幾將過於古人蓋選千狐之腋以爲裘而黃黃者莫與較美理則然也余愛之慕之擬一效之而有起無承有出無對輒廢然自止所以然者余資本中人而不能強記又出中人以下固於法而不能通其志讀其書而不能舉其詞故也然飛禽可悅不必自畜也笙簧可聽不必自鼓也贊皇所集一一深獲我心披之而喜讀之而快以此一則與海內文人共欣賞之足已安必美自已出爲尊龐子固於論詩而巧於避難乃爲此言以自飾贊皇聞之得無笑龐子不強於記而強於辭乎

今日詩文病處正在不能達意而條理錯亂耳况補綴成語又焉能如已意而條理出之用意

俱在言外而曲折婉轉令人諷咏不倦 毛會侯  
以自已相映帶故言言親切有味 李公凱

傅去異詩序

張壽傅子去異今之快士每公私譏會談論風生  
雜以諧謔無不各中情綮蓋本慷慨之性而一往  
而爲豪邁不羈之行者也頃出其所作詩相示則  
魚魚雅雅發性情而止禮義其歌也有思焉其哭  
也有懷焉殆將與古爲徒而不依附聲氣爭時之  
藻績以爲工者傅子之詩之所以可貴也其才分  
固殊與抑亦有所觀感激發而然也傅子初仕中  
州則瞻二室之尊高入川中則經劍閣崇關之奇  
險及乎踰山海躡韓坡則混同鳴綠之波濤長白  
緊無間之聳削邊風牧馬障霧秋笳咸足以發其  
壯思增其逸氣則得于江山之助者或足多也乃  
獨異焉者其性岸然自高而詩則一約之于法其  
行脫畧自放而詩則一引之于細其論滑稽自雄  
而詩則一軌之于正文殊不類其爲人豪傑之士  
又如是其不可測也獨是生平慕傅子之爲人而  
余歷任在京傅子屢任在外若風馬牛之不相及  
焉及入叅即署甫得訂交而考績報成又將擁麾  
以出矣夫以生平仰慕之人而思之而不獲卒一  
遇遇之而不獲久與處詩云毋金玉爾音而有遐

心傳子又何以教我

達而且峭絕無近時點染之習所以近古

李公凱

寶齋堂詩集序

寶齋堂詩集者中州張樸園先生之所作也余舊與先生有同官之雅周旋甚久先生坦易無城府耿介自守不爲假捷軒輊之行所居栽蒔花藥畜有魚鳥法書圖史環列室中朝起莊坐讀書吟咏而已香爐茗椀之外不多與人事也自丙辰館選迄今年辛未積十六年始一遷官平懷終始未嘗有忻戚之色以余之鈍滯慙拙不與時其棄而恆樂與遊其所尙蓋可知已間出其所著詩見示且命余評余何足以定先生詩然而竊有見焉卜子之序詩曰發乎性情止乎禮義三百篇之旨在是千百世作詩之要亦在是矣何也詩不本性情則塵飯土羹無味可尋不由禮義非蕩則詭好色而淫怨排而怒矣詩固未有不本性情禮義而能爲興觀羣怨之藉者也先生中坦易外坊檢夫固其性情之正而禮義之所貞矣故其詩和而不迫秀而不藏逸而不肆婉轉纏綿一寫其胸中之趣而未嘗借以宣其喜怒不平之氣所以可貴也源清者流潔根深者枝茂不其然哉中州天地之中山則太室少室王屋孟門之奇水則黃河伊洛沆瀣

淇漳之交注風土剛柔既得其正精氣所鍾代多  
偉人益之以梁園鄴下之風遠相漸摩宜先生之  
相繼以起也古今中州以詩稱者甚夥唐之岑參  
韓退之明之何大復最著先生詩絕近岑何本其  
性情之和出以禮義之正入而益淡曠而彌大變  
化焉而不失其極于以上叅西園之席下排岑何  
之壘有餘力焉補鞞太平鼓吹當代非先生其誰  
歸哉

文集卷之二

映雪軒詩序

雪洲先生當代風雅之宗其經術固足以經世者  
也乃所遭不偶至今猶以一令需次長安其懷抱  
可知已興會所至間發于詩乃其詩音純以亮氣  
恬而舒鬱鬱莫展之意不形于言而讀者往往于  
言外遇之斯乃云溫厚和平發性情而止禮義者  
乎卽未論上之何如古人而下終不流于近今靡  
靡之調所以可貴也豈昔受學于金鄉夫子而金  
鄉夫子實受學于先生淵源相接誼爲最切茲于  
京邸數侍函丈親承教誨景先生之行則慚步趨  
之後後奉先生之訓則仰昔趨之彌深管之然管  
持蠶又烏足測海天之淡廣而定其詩云乎哉然  
先生之詩實發于性情止乎禮義之詩也古者絃  
歌之治本于學道將受事名都惠洽民物皆本性  
情禮義以爲之先生風雅政事由茲俱遠矣

文集卷之二



安靜子濟南詩序

前余在都門與諸城李子渭清寓同巷官閒地僻步趾往來高談闊論晝則移晷夜或漏三四下不休也一夕偶及生平知遇李子盛稱周櫟園先生不惟詩文典型當代第一更好獎藉人物足迹所至汲汲延訪常若不及士能一藝相投量視所急周旋滿意此殆鄭當時李北海一流非尋常齷齪所可比論也其于青州所深賞者唯李子及李象先安靜子三人李子常稱象先之文靜子之詩皆足以雄視海內不愧古人時象先已老願養田園不可得見惟時時想見靜子爲人比于都門六年冀其一來卒不可得乙丑春皇上試詹翰諸臣于保和殿內余左調解官旋里今歲春復入都李子見余言靜子無恙嗣君甲乙連捷得館遇余庶常雪簣者是余深爲靜子喜然而靜子不知也已復歸于山左行渡濟水眺望泰岱華不注諸山插天礙日煙雲萬狀徘徊趵突泉嵒湖諸水之上時已仲秋木葉微脫蒲荒芡老左右無可共語者獨往獨來弗樂也旣乃得鍾子聖輿風流儒雅談論頗洽偶言安靜子亦在此余喜極卽命駕過訪

執手如故交從此登高則趾相錯臨水則影相接此唱彼和一時山川頓爲生色乃靜子之來意有所屬而所遇落落亦與余相若除余與鍾聖輿外更無與談及文字者嘻是安得不令人思櫟園先生也靜子將東歸出濟南近作如干首令余序大要其詩一如李子所稱而不屑拾宋元餘瀋希合聲氣以求合于今之所云作者余尤壯之序成余馬首亦北矣

淋漓激楚時遊歷下當有主人舍當前而盛追櫟園其遇合可知矣於以見龐公之忠厚

素公

滄霞詩稿序

唐以後無詩非無詩也夫人而學唐詩也蓋唐以詩取士聚數百年文人才士之心思構精爲之故其託物比類引興賦懷猶有風人之遺三百篇不可學善學三百篇者學唐人而已有明以來言詩者前有王李後有鍾譚門戶雖殊然其旨趣則同以唐人爲宗宋元諸家非不學唐學唐不得遂自成爲宋元今乃有舍唐人而講宋元者享敝帚以千金方謂得驪頰之珠而不知循流之失源也晉江丁子韜汝工于詩余常與定交于瀛海每讀其詩未嘗不快其秀艷斌婚如曉日臨湖新葉出水也別後五六年恨不復見茲忽越數千里馳寄一編余喜讀卒業覺向之濃者進而淡艷者進而朴斌婚者進而蒼老聲情調態一準唐人絕不矜琢雕績以希合時尚噫嘻丁子何以得此哉余惟古人詩文成就各有淵源如陳思之于魏武惠連之于靈運雲之于機父子兄弟自爲師友熏習漸染之功爲切而甚易耳丁子難兄雁水先生以詩名海內者二十餘年其問山諸編追蹤盛唐不屑爲長慶以後語一時能詩之士翕然傳誦以爲宗師

久矣丁子顧得與周旋唱和于家庭之間淵源成就固有自來與丁子方嗜進不已學日益博識日益遠惟其博故其取材也精惟其遠故其審擇也正唐風不墜令丁子其誰與歸

邊善長近草序

制藝開科以來士習制藝耳詩非本業急務也然而發抒胸臆託志寓諷流連宛轉以達其殷憂莫白之隱則莫善于詩故習之者恆不衰焉但其道弘而用廣理精而感深凡五經子史以暨方名物類俗諺里諺有字之書無不可引之爲詩而其工者往往感幽明而泣鬼神余謂詩有別才別趣而非關理與學非知詩者之言也古今推善詩者莫如杜陵而一則曰讀書破萬卷再則曰熟精文選理至出門流水在回首白雲多昔人謂其見道過

文集卷之二

七

于韓愈是豈空疎之才偶然之趣所得詩其窠臼哉吾邑邊子善長穎慧嗜學制藝之暇頗習爲詩余喜讀之邊子亦樂與余共論焉每賦一章必以相示自被徵入都不見邊子詩者三載于茲矣頃以應舉之便携近作過余共思益深其致益老蒼矣邊子讀書之有功也余今年四十有三論其年未當衰朽而顚毛漸白牙齒日疎加之病疴以耗其氣血應接喪其精神開卷所得置卷都不復記憶間有所爲較之夙昔無毫髮之進未嘗不悵然興嘆余衰之不可以有爲也邊子少余幾二十歲

氣力方剛聰明可用奮其有爲之才益勵而進千古以經史百家廣其識以漢魏開其宗以唐人正其歸道明而理著可以登作者之堂而建詞壇之幟矣邊子日進而余日退又烏足以量邊子之所至而定其詩哉

文集卷之二

七

程禹三詩序

客歲重九之辰同官登君宜之携客過余宿飲程子禹三與焉時木葉微脫籬菊半吐賓主興酣談鋒互起程子每發一言吐一論旨趣泠然出人意表余心異之然未知其能詩也夏杪友人顧適園出一卷見示曰此禹三庚午一歲所得詩也君其評次之蓋程子意也嘻何其虛而善下若此哉計詩一百五十五首風流駘蕩憂憂乎陳言之務去披閱之下恍對程子于斜陽尊酒間也余非能詩而性實好之歲有所得不過數十首輒自矜多真

文集卷之二

文

貧人千錢誇富不見太府之貫朽者也少壯騁

一日千里老馬十程旬弗能勝自愧衰老不足有爲而嘆程子之風氣日上矣其詩中所紀自越之吳之楚北歷中州燕趙以至塞上數千里之名勝在其胸中程子可謂壯于遊者古之善遊者莫如司馬子長而能文者亦莫如司馬子長其作五帝本紀曰其言不雅馴薦紳先生難言之以子長之才之學而擇言而言以正其歸名山大川以發其氣源委成就雄視百代宜爾程子天才既逸遊蹤復廣年富而功勤懷虛而善下擇言而言他日卓

然成家揚風屹雅振步作者之林誰獨曰古今人不相及哉爲語登君其亦以余爲知言否也

淡逸有致逢人勸讀書足見龐公盛心接引處  
杜少

文集卷之二

文

族譜敘畧

余聞之族長老曰吾邑舊無龐姓派出關外延慶州故明永樂中有兄弟諱永資永善者以軍隸保定大寧衛而授屯于任丘永資占居城西偏七里遂成村因名爲龐家營卽余始祖也永善占居城北三十里臨河而居遂名爲龐家臨河今族伯武進士枝茂其後也自是邑龐姓遂有兩支矣厥後三世叔祖諱者隨外家居城東大征村子孫家焉族曾族祖比部公濶其後也由是邑龐姓遂有三支矣永資公以軍功獲授百夫長明正統中土木之變歿于鶴兒嶺詔恤諸陣亡者許承襲始祖母梁氏愍其慘歿不欲子復爲軍官以其弟置其之終明之世由此得免荷戈服耒耜爲農以長子孫乃歷世益久生齒益繁水木源本漸不復析而又世代清貧不能譜記迄今在龐家營者已不能通曉况在大征臨河者乎以余去上世未甚遠有證于族中長老得畧識所自來五世以下始能詳焉時時欲譜記之乃衣食奔走卒愆忽以止夫不及詳者既不可記而及詳者又復以愆忽止之愈遠愈迷歷世以後其視予不有同于五世以上者

乎余悚然畏之急爲編敘誌記于冊在五世上者僅存其名五世以下者始詳書某出某人某爲某出使觀者開卷瞭然見其祖父之名想其屬聯之自敦敘雍睦之心可以油然而生矣然余能記其在前而不能記其在後也惟冀後世孝子慈孫踵此而增修之是所望也夫

不學前人普述套頭故妙

金素公



故城秘氏族譜序

族之有譜也所以通宗法之窮也非仁人孝子不能作也古者有封爵則有采地故家能立廟而大宗小宗之法士大夫皆得行之非獨天子諸侯厥後官非以世公卿半起田間采地不置而宗法廢於是仁人孝子不忍沒其先而亂其族乃爲之譜以紀之統系相接世次可考古意猶存焉然事非一人之事心非一人之心苟非實有感於親親之重不辭勞不惜費則築舍之謀未有能底於成者也故曰非仁人孝子不能作也故城秘仲負先生以進士累官水部郎與余往來甚密應事接物未見疾言怒色而感深風木聞人言庭闈之樂則慘形於顏蓋未常一念忘其親也故能推孝於伯父養生送死如其父焉推慈於舅氏解衣推食如其母焉且爲兄立後析產分財一無偏私今謝病家居憫族譜之缺畧有失敦本睦族之義不謀於衆而獨力爲之書成乃因賈君青南問序於余余按秘氏自通州遷故城十有二世矣年歲日益族生齒日益繁文學科第日益盛則編注非易而掛漏之虞或所未免今其世系所紀宗支所圖行誼官

資水木源本秩然具辨雖無大宗小宗之名而大宗小宗之法盡於此矣是譜也上以著承先之大孝也下以廣錫類之慈仁也仲負既作之既成之可不謂仁人孝子乎哉余家居時亦爲龐氏譜與此小有同異今復廿餘年偃蹇仕途未遑增補視仲負之急流勇退而能終成其惇敘之志不禁隱然增愧於中已

美秘氏以風天下最有名教文字惟雪崖仁孝故語語渙至

李公凱

遊崇效寺詩序

京師崇效寺在都市中有山林之趣僧爲雪塢法師造其境晤其人足以生靜思發吟興所謂已公茅屋下可以賦新詩者也自余識雪公時與張樸園徐華隱李渭清公凱袁杜少諸君往來唱和其間鉅公名士遂多問津者花朝前二日友人倪子仲佩過焉同行者九人李丹壑未至而他日曾至之追敘其故爲之擅場故得七言近體詩十首人自爲詩詩各有態而才情學力所至正交相敵焉余讀而異之昔蘭亭修禊卽有不必能詩而代爲之者金谷之會同遊者多詩亦不俱見茲則人能詩而詩同工者何也蓋合肥相國風流弘長爲海內文章大宗丹壑旣淵源家學爲詞林之望諸子又出相國門下而與丹壑遊學有師承詣皆超絕又何疑哉客歲蔣靜山曾以同人過崇效寺詩刻見示亦皆作什時則阮亭司農爲之擅場而諸子皆經司農指授者也後先輝映盛極一時而崇效之名藉以不朽仲佩試爲我告雪公崇效得詩之佳且多若此龐子鄉導之功詎可沒諸

梅耦長詩集後序

宣城自昔多詩人而本朝尤盛若施愚山之古雅高阮懷之秀潤梅淵公之清脫袁士旦之整栗咸足凌鏤詞壇而追蹤風雅者也余辱與諸君子交讀其著作聞其緒論受益實多數年以來後先凋謝聲氣之雅幾絕於宣城而不意於此復遇耦長也耦長以計偕來京訪余於署邸出其已刻未刻詩稿見示衆體俱備無言不工余快讀之雖後先趨向各殊而骨格氣韻若善手庖人烹鮮調素適口皆珍不暇問其爲新爲故也耦長天資旣高學尤博洽而與諸君子生於同方商訂切劘得之平日故能隨其所至而成家如此余得觀其正變而審其源流受益又何如哉噫余於耦長幸新知之樂而益不能無故舊之感也已

述舊感懷情淡一往

李公凱

夢碧山房文稿卷之三

任丘龐塏雪崖著

送劉浴甫陞任延安郡丞序

邑侯浴甫先生以康熙十一年來宰于任以十二年夏陞延安郡丞茲屆赴任之期車馬載途邑屬紳多士咸餞于郊從此行矣龐子辱在知己義不容無一言以相贈乃捧觴離席再拜而言曰居今之爲宰官者亦極難耳事上接下種種勞人盜賊錢穀獄訟稍一不謹吾見斥而去者矣吾見降而調者矣卽不然亦需之五六年或八九年始得一

文集卷之三

遷同官聞其出境咸歎美以爲登仙蓋甚難之也

先生之遷顧速焉若是邈何道以致之吾有見于先生之治吾任矣卯而視事盡已而退午而視事盡酉而退卽至瑣屑亦躬親裁決邑雖不古疲死多事今將之以慎出之以勤若此此所以事無纖弛內弊不生外變不起得與父老子弟相安無事也嗚呼其亦難矣先生體貌寬和中實嚴斷常除大患于指顧民膏像匪之又執法不阿至朴於人而正其罪以故任之民咸戴若父母神明焉長吏交章上聞得遷今任按定邊地屬延安去京師二

千里界在邊陲其民貧其俗悍有過于任者此行惟寬嚴互用勿狃于習勿牽于俗民將聚族而迎曰是固爲民除害而像而祀之者也是固法不貸於人而朴以及之者也貧者緩之以惠悍者束之以法法行則知畏惠至則知感感與畏交至害馬守下有倖事無專責其政易了而往往遂有以率易得過者願先生宏此遠圖無忘宰官之難而忽郡丞之易其治定邊一如治吾任時則陞而擢擢而速也亦罔不如治吾任時先生行矣其勿以余

文集卷之三

言爲嚆矢哉

歲暮旅感詩序

友人毛子煥文以所作歲暮旅懷詩見示詩依上下平韻凡三十章何其富也竟讀之或愴然以悲  
非然以怨間乃意兼笑樂若忘乃身之在客者甚  
矣毛子之善言懷而善自遣也余亦旅人日來情  
思鬱陶擬爲數詩寫之不得憶甲子冬與李漁村  
丘季貞諸人共賦此題檢閱之則感慨已甚益悵  
惘不能措一詞人之材力度量相越詎不遠哉夫  
文生於情者也情不至而強之則不達騫之則愈  
荒余於此可無作而讀毛子此詩余更不必作爾

妙有言外意

毛會侯

文集卷之三

年

祝高陽孫明府代

天下之治在民之安在吏國家設官分職凡以  
爲民也其最切於民者莫如令然而令難矣令比  
古于男之國境以內戶口錢糧簿書期會以及婚  
姻土田家人反唇之事皆於令待理而令之上復  
臨之以撫軍藩臬監司守丞之尊以揅其短長而  
毀最之其無真心愛民者毋論已卽心乎愛民而  
才不足以濟之才足以濟之或旁掣其肘往往不  
得自行其志而止甚矣令之難爲也而余邑侯君  
有異焉侯家三韓其地則山高而水淡故其生人  
多誠懇而朴實伉爽而敢任侯蓋出乎其性者矣  
其蒞余邑也月朔集諸生於學以講求爲政之先  
務有事於鄉必呼其父老子弟親問所苦或上命  
徵發不便於民者必指陳於長官一請不得而再  
再請不得而三長官皆以強項目之然諒其無他  
不之忌也前撫軍于公持下方嚴少有當其意者  
獨喜侯賦詩書扇以爲獎勵今撫軍格公亦許其  
廉幹爲諸縣首夫真難於爲令而侯獨見其易不  
見其難者何哉良惟侯有真實愛民之心有遇事  
能斷之才又所遇兩撫軍皆大賢故得爲所欲爲

以成一方之治此固侯之幸而實余邑士民之幸也茲值侯初度之辰闔邑薦紳多士丐余文以佐觴余備位政府有進退人材之責知侯之賢未能遽進於朝聊舉善政以示中心好之之意若夫多歷年所則魯論之稱仁者樂只之誦君子理有固然不足爲侯泛引也

簡潔不支 李公凱

文集卷之三

鹽山趙子藏詩序

鹽山趙子藏余忘形友也少以能詩文馳名而其時志圖進取用其全力爲制舉業取裁于先正余每讀之輒歎以爲不可及所爲詩則弗之善也蓋文者無韻之詩詩者有韻之文體裁雖殊而所爲淺深開闔錯綜變化之道一而已固未有工於文而不可以工詩者子藏之詩非其才不足力未備耳歲戊午子藏舉於鄉辛未成進士於是可以脩其力於詩矣數年以來余雖未見子藏之詩而逆知其必精進而工一如其文焉者於其才力信之也春三月舍弟信公歲試至郡子藏以詩一編寄余音調和平語根至性安貧樂道往往於庭幃兄弟三致意焉甚矣子藏今日之詩非猶夫昔日之詩也吾郡固文獻地自韓邢開其源而高達夫劉長卿皆以詩名於唐何後此之寥寥也豈今人之才必不可繼古人與亦以無篤好而脩攻之者也子藏旣篤好夫詩盡出其所以爲文之力而脩之於詩卽用其所以爲文之法而推之於詩其於詩之道思過半矣他日滄州瀛海間繼高劉而起者必子藏也已



無一語文飾待忘形友自應如是 李公凱

送叢木虛序

海涯之人習於沒者率以采珠爲業其入水也有一沒而得者矣有再沒三沒而得者矣有屢沒不得而徙其方易其處而後得者矣其有不得者必沒而不得而遂止不沒者也苟志堅而氣定則終有獲也吾輩之于制科亦然操三寸管魚貫入闈苦心研索以求一遇雖遇與不遇或遇焉而遲速不可知大要入則有得之理不入則必不得也亦視其志氣何如耳吾友如叢子積學有年文詞精瞻後生小子竊其緒餘以幸售者往往有之而已卒不一遇今髮且種種而齒動搖矣乃始以歲貢生試于廷因畱京師曰尺箠羸蹇蹢躅二千里不易來也吾聞北闕文式稍寬與省會不同縱一生無成當更應此一舉而後歸爾乃僦僧舍如料大上漏下溼日把敝書一卷吟誦其中饑則袖十餘錢入肆市餅餌爲食食已復讀雖甚風雨不輟也其志可謂堅而氣可謂定矣烏有攻苦如此而不一遇者乎吾立見叢子之有成也或曰遇不遇命也子以歸之叢子之志之氣何居曰天道遠人事邇天人一氣相爲感通其屢試不遇而志不衰

正天之陰誘其衷而遲遲以大其成也不然若采珠者一沒不得囊袋以去珠能自涌于岸以投其前哉叢子之于制科也比之采珠者之沒已不啻一而再再而三矣今且徙其方易其處矣持其必得之志奮其無前之氣必有火齊木難照乘徑寸之珠入其掌握寧僅尋常瑣屑蟻蚌之胎而已哉傳曰失之東隅取之桑榆吾將以北闕爲叢子之桑榆而觀其成也乃爲之序以送之

標志氣二字對制舉人言正當如此然天下之能事亦不外是文三段如貫珠所謂成章以達

者金素公

文集卷之三

九

### 史記彙編序

昔人謂學者讀書貴曉大義者何也蓋古人著書一書有一書之義苟得其義即數言之內而全旨已該固不必弘覽全書而記誦之無遺也茲讀江蔣先生史彙一書不禁畢然望而喟然歎曰是能知史記之義者乎其子長之功臣而春秋之羽翼乎夫子作春秋曰其義則丘竊取之矣太史公曰好學深思心知其義子長惟能達春秋之義而著爲全書先生能達子長之義而彙爲是編分門以統之辨類以晰之章斷而意益明詞約而理彌著俾學者不必讀史記之全而有以窮史記之奧何選擇之精而成志之端且央也余幼亦喜此書有行必携而恒以卷帙繁多充塞行笈爲苦欲節要成書而未能先生殆先得我心之同然也乃余志有存而念不專功欲成而力不勤卒悠悠以止實有愧於先生已先生以通經達史之學抱內聖外王之道知時不可爲肥遯以終江左中年人皆能言之余仰之慕之而嘆生晚之不及見猶幸於建寧署中得識令嗣存恕而讀其遺書不啻見先生焉嘻存恕何爲至閩哉爲先生遺書未得流傳

而費之以行庶幾有所遇而爲之刊布以成其志也存恕以一介布素不忍先集湮沒而思欲傳之思欲傳之而力有不能因思借力於生平知己以共成之遠涉江湖遙陟五嶺其事成不成未可必而志則有可感也余浮沉仕路二十年而先曾祖及先祖所著之書尚深藏篋笥而苦心幽光不聞於世誰之責乎客秋承乏建寧載稿以來可以有爲而簿書鞅掌猶未暇及則余不惟有愧於先生而兼有愧於存恕也已

陳太翁捐粟惠民錄後序

余平生喜談陰陽每有聞輒筆識之將爲書以勸世焉嘗與族兄錦里談鄉曲事錦里澤之高平人也盛稱其鄉陳太翁樂善好施人食其惠畧舉數事舉然增慕而恨其說之不詳歲丙子余備員農曹陳公說歲時爲大司農夙所聞陳太翁卽公父也政事之暇求觀家傳志狀因以捐粟惠民錄見示其所載輕財好施及焚券賑荒與所聞於族兄者畧同至流寇與姜壤之亂流毒三晉劫殺擄掠所至受害太翁傾貲散鄉人力捍村堡攻之弗下則昔聞之所未及者男禍莫倫於錦鑄女禍莫慘於汚辱兩遭寇而兩拒之其所全於老幼男女者又何如也漢鄧訓之言曰能活千人者其後必昌此陰陽之常理而天道人事之相影響者也今大司農位歷冢宰司寇司空四正卿子廉存少年甲科讀書中秘其徵矣而未也江湖之大始於盪舟合抱之材發於兩葉其源深者其流遠其根固者其枝長以太翁之德而得司農太史以爲子孫乃猶始達始暢之見端而寢昌寢熾正方興而未艾耳今按其書之所載記序詩文凡百四十餘家余

既喜讀之以補前聞之未備而又得窮覽詩文體裁之變以廣吾學何多幸耶因爲文附卷後而轉恨族兄錫里之不及同讀而共賞之也

陳言務去而文氣波折耐人咀嚼 毛曾侯  
序事得體起結映帶有情 李公凱

題刻工高尚元小像

昔夫子於易九三有取於恒及思君子善人不得又曰得見有恒斯可矣余少時頗疑待有恒遇重及閱歷既深感風會之日移人心之變詐然後知聖言之不可易也當今日而有其人寧以非學士之倫衣冠之族而少之哉江寧高尚元工剗剔之技北遊燕趙隨學使者所至刻試草以行余諸生時相識於河郡自後凡以試至郡元必進謁起居勞苦若家人焉或命之刻詩古文詞必盡心力爲之所償多寡無井市黠猾之態心頗愛重之及官京師每歲一至省視如在郡時歷今二十年所執不易業所存不易心真可謂有恒者矣剗剔之業此於巫醫此固聖人之所不棄也苟學士衣冠而變易其情猥黠其行余遠而避之又奚取焉昔韓昌黎於巧者王承福柳子厚於種樹郭橐駝皆爲之傳說以附不朽余文卽非韓柳寧惜一言以爲表著乎哉元妻劉氏亦賢能和其室事姑嫜以孝聞蓋劉之母守節和義爲當道所旌表其賢有自來不獨元刑于之化也元今年六十圖夫婦之像以示其子孫巧余言以爲識因爲斯文以贈之

持有恒以爲說最合 李公凱

文集卷之三

十五

半山園初集敘

威鳳芝草以爲用不如鳧之與稗然得之者輒稱上瑞紀其年月垂之史冊蓋天地靈秀所鍾自不同于常羽凡卉委棄彫零也惟文章之傳世亦然文章雖佳施之日用殊爲無補而人顧誦之稱之無翼而飛無脰而走仇怨不能阻劫火不能燒其文傳而其人與俱傳焉然則人亦貴能文而已不在遇與不遇也古來名公鉅卿以文章名家者不可勝數然貴盛有力足以自傳吾卽不論若一介寒士如唐之羅隱明之徐渭皆淹沒場屋困頓顛踣幾無以自立于世其抑鬱無聊之氣間發憤于詩文而人復掇拾瑕疵坐爲譏訕排之擠之甚且欲殺之以爲快而其中必有一人焉如錢鏐胡宗憲者憐其才賞其孤傲愛惜保護恐其中傷而其人其文卒賴之以傳此昌黎所以有感于先達之士也吾友金陵王子益也天資卓朗博極羣書工詩古文辭其詩婉摯真切不落窠臼文亦峭厲挺動卓然成一家言性簡易苦勁不苟悅人意流落不偶客宛陵數年客涇上數年客吾虞丘暨諸河者又各數年雖到處自有逢迎而排擠之者正復

文集卷之三

十六



不少故所居數不能久而一子矜微名亦以落拓棄去詩文至此卽益也亦自嘆無用而吐棄之不暇已大叅張淡明先生獨澹賞之延致幕中益也狂奴故態時作亦不介意曰昔人有方外司馬此亦我方外幕客也每念其懷才不遇輒爲扼腕嘆息欲傳其詩文于世而益也素嫻散隨作隨棄稿僅存什一亦無繕本惡褚毛書散置幾編敝篋中茲搜得雜著詩古文若干首屬余訂而敘之以付梓焉嗚呼益也半生坎坷諸念灰冷卽詩文一道亦在半浮半沉間將來寶龜腹擇鼠腸都不可知

文集卷之三

上

而先生顧急爲蒐輯登諸梨棗以垂不朽此真益也知己而益也亦可以無憾于天下矣余每讀其詩文披其光燄以爲可與威鳳芝草同瑞世間而又未常不心傷其有才無命不幸與唐羅隱明徐渭同類而竝傳之也然則士亦取其能傳後世而已寧在遇與不遇乎哉

斯文余幾欲刪之以益也下世不忍忘姑存之  
集中 自記

中隱園詩後敘

昔人謂于美夔州詩東坡海外文字奇趣天成爲有得于山川之助吾觀于吾友存士井君之詩而益信云存士高懷曠致不減古人耽于吟咏好揆奇勝遨遊吳越間東南佳勝久貯奚囊及筮仕以來佐治平陽則窮羊腸笠車之險改令永安涉洞庭浮彭蠡入地出天蠻煙瘴雨尋趙尉之荒臺攷銅柱朱崖伏波下海之故道皆足暢其高懷發其逸氣故自粵歸以後詩雖里社尋幽林亭覓句皆奇杰奧削若健鶴摩空長鯨收浪超忽震迅不可方物此亦于美夔州之詩而東坡海外之文與遇者再補與邑邑處萬山之中河流環繞自太原迤北山皆險惡而此獨秀麗可以眺玩唐人詩云一水護城將終繞萬山排闥送青來又云流水聲中視公事寒山影裏見人家雖不爲典邑咏實則典邑實錄也縣僻無迎送案牘亦簡得從容吟眺由此詩將益進而卷帙之積寧可量乎予行矣他時被內擢驛路經過余將俟諸里門要而讀之以聞所不聞焉丁巳十月望前一日跋

重刻好生錄後序

好生錄者吳興周思義之所彙集劉如金之所刊梓也其書源本蓮池大師放生集而刪繁就簡讀者易通信者易購稱捷要焉京師淨業菴弘音上人見而喜之以爲理實用廣道俗可行捐貲重刻印施以廣其傳而問序於余余因而有會焉天地之大德曰生而世尊之號一則曰慈氏再則曰能仁慈與仁卽所以生之之理人與物無殊焉華法師所以有天地同根萬物同體之論也人惟見物之異而不知其同往往戕之殺之烹炙燔以快口腹寧知貪生怖死情原無二苟爲反觀心則何忍今觀是書所載前賢之論辨報應之顯驗而念夫殺機之一動而難消冤對之相責而莫已自應有所動於中而知禁也是書也辭雖淺用而彌廣事雖約推而彌廣事或涉於有爲功實通於無漏苟由一念之好生而推之萬念由一事之好生而推之萬事久久精熟湛然圓滿其所成就可與古佛同量天地同德則謂一卷之書與三乘十二分教同一樞機可也又云佛法如海惟信得入讀是書者苟篤信而力行之行見彼岸之非遠已

叢碧山房文集卷之四

任丘龐堽雪崖著

墜馬記

乙亥二月初十日入朝趨事訖以事過勵令式卽命僕率其騎騎至由東關門沿紫禁城經景山東山頭晴日微曛紫翠交映擬紀以詩未竟遂至今式家談甚歡已而設饌余食素少是日倍之食罷日卓午矣乃詣表弟邊綬卿館舍主人他出而其家堅留款余以飽食辭爲設酒余不解飲舉杯而已是時日昃未辭歸入厚載門不數武有奔車自高而下風馳雷震蹴馬後馬驚不及防倒墜石上氣遂絕時從行兩僕倉皇無措道傍聚觀如堵有教以携身提掇者僕如言掇之數百氣始出衆歡呼曰生矣生矣扶之行毋坐蓋跌處卽赴令式家巷口也僕扶行返其家雖稍稍甦而魂驚眼睛不自知身之所在登床大嘔出血數升乃畧聞人聲問是何處何從來僕人云云亦不甚悉以車載還至中途復吐且衄右鼻孔涇涇下抵暮至舍面血模糊家人相向悲泣余揮止之坐經宿次日李大司空醒齋送山羊血至佐以降氣消滯

之藥服之坐如前越三日始去冠服見顛頂腫起寸許胸前青紫痕大於盂蓋墜時下頰所觸也噫余生平多災難而此難尤險首觸於石而骨不碎顛抵於胸而項不折雖經死而甦亦未大痛楚若鬼神護之者然念生平無善狀足錄或以祖父忠厚相承不令橫折其子孫耶抑以余廿載以來固窮安卑而硜硜不改特憐其愚而赦之耶 老親在堂以登高臨溪律之則余罪滋深爾因書以自警云

向讀陸馬詩爲之驚汗浹背讀此作益覺情景

文集卷之四

二

宛然過引之已善歸之親莫無怨尤仁人孝子

之言自是讀書學道有得處 毛會侯

極險難處卻寫得曲折盡致末歸於自警尤見

學力渙至 李公凱

重修鄭州藥王廟碑記

德大者食報於無窮不以氣數而息也志登者事成於一往不以艱鉅而阻也德處於無爲而志待於有爲其人必有毅然敢任之氣而無因以爲利之心而後艱者可舉鉅者可全雖當氣數之窮而挽回無難也吾邑鄭州城北有藥王廟按藥王姓秦氏名越人春秋時良醫太史公有傳以靈應後世尊爲藥王云其廟方廣數里以藥王爲主居東首中爲三皇又有文昌及太山行宮兩殿規制小狹分列三皇殿左右不知昉於何代其輝煌壯麗則明熹宗時奉敕重建者也歲戊午四月會期火發於夜神祠道房同時而盡道士薛及鄉耆周等發誓重修商於人皆曰廟當復計費需數萬金金安從出曰募之又曰此前朝敕建故用綠瓦今不奉 天子敕不得擅用奈何曰是可請於 今上也衆咸笑之諸鄉耆乃赴京師擬 上出幸面請之伺兩年不得便庚申值 上幸五臺回諸鄉耆露宿中野以待 駕至清道嚴又不得近乃入河跪淺水中高呼 萬歲 上恠問之衆云云 上嘉其誠許如舊式修葺衆乃歎服諸鄉耆之足以

文集卷之四

三

有爲而我 皇上之敬神恤民夫固史冊之罕觀者矣 上及 皇太子皆親幸其地 賜金又時遣中官侍衛布施之 兩宮亦各喜舍遠邇承風應者如響銖積黍累以備用焉而道士及鄉耆勞筋骨餓體膚奔走經營於冰霜風雨中者十餘年大功已成規模制度如前而加新焉嘻以藥王周游列國隨俗變易既活人於當時而難經一書施及萬世則報德之宇不宜燬其燬者氣數之偶然人之所不及防也然德不泯於天壤而重興之此又存乎人心之端一氣數不得而阻也甚矣德之足以感而誠之可以動也不然以地則荒村僻壤以人則窮老鄉愚何以上感 天子 儲君遠動四方人庶而成此鉅萬之功哉道士以余素與聞其事俾爲文以垂久遠因爲之記

簡而該淡而旨 毛會侯

文集卷之四

四

三皇廟碑記

代

嘗讀周禮外史掌三皇五帝之書然姓氏未著及考秦博士有天皇地皇人皇之稱無乃是與而漢儒孔安國又斷以爲伏羲神農黃帝云今遍觀各處廟宇塑像合之史傳所載伏羲神農黃帝狀貌大要今所崇祀者固從漢儒論也余謂太昊代近洪荒而畫卦爻以通神明之德造書契以代結繩之政制禮作樂渾敦之竅蓋已鑿矣議者謂文明之會肇基於此誠然迨夫炎帝興農事立蜡祭味草木創制顯庸又加盛焉有能繼之聰明直覺聖神文武受河圖以啓文章作甲子以配歲首協律呂以定樂章制車服以表貴賤他如畫州邑立井田著難經制器尙象彪炳蔚煥駸駸乎中天之盛已有以開堯舜之先嘉祥常發利及寰宇通陰陽習文字而民得不愚矣服農事治蘭絲而民得不艱矣閱本草讀難經而民得不天矣順時令謹服乘而民得不苦勞矣是今之所食者猶三聖之食也所衣者猶三聖之衣也所任用者猶三聖之制也揆生民之初思日用之義家爲像而戶爲祀匪過也乃吾邑故文獻邦邑城內外龍宮梵刹金碧

輝煌不一而足而所謂三聖廟者獨闕焉亦大非所以報本追遠之義已歲在戊戌邑人念生身立命之由始爲經營相地于西關外稍折而南占御路之東偏鳩工庀材墻垣周匝中爲三楹之軒北而南向像三聖于中或衣草木或服衣裳雖體狀奇異然神氣英爽對之肅然人獻其誠歲時致祭甚盛意也比來時和年豐民無天札物無疵癘其亦三聖有以默相之與事屬盛典欲勒之石以傳久遠因其巧余文余不能辭爰述其事以爲之記從功德立論便與起建淫祠不同敘次亦復有

法陳萬公

文集卷之四

六

監督琉璃黑窑廠務張禪兩公去思碑記  
國家設立兩廠招商墾墾以備官府修建之用其事甚煩其任甚重故官無常設大司空歲以省曹之廉能者上聞擢用及替而代不常官不久任所以慎其選均其勞也康熙庚申都水卽禪公張公奉命監督夫一事立則一弊生况厥務在乎用財尤叢奸之林而積弊之藪也受事之日兩公互相勸勉有必行之法有兼濟之權不辭勞不避怨釐奸剔弊公私之間咸仰其成事竣大司空以爲才特疏乞更畱一年報可兩公愈益砥礪如前秋九月事復竣諸商謀所以報兩公者而不得也競爲碧石紀功以爲去後思噫嘻其何以得此哉况兩公任事當朝命減價之餘而稽察催督不少貸夫物價減則虐商力之困也稽察嚴而催督急則虞商情之離也商力困則責辦難前商情離則諂諂易起兩公其何以得此哉余聞兩公之在廠也以一隸一童自隨日食自供不飲官中水而通假寅買不俟帑金發價不由吏胥輸送不煩本商其所以恤之者亦既至矣而且急公者捐俸以獎勸之寒暑疾病湯水醫藥以周給之其所以鼓舞勞徠



者又若是其周且至也夫繩之以法法立則人知  
所畏而器無惰緣通之以權權行則物力不竭而  
商不坐困上以省公家之費下以濟商人之窮此  
其才豈啻什伯于人哉而所以然者又由兩公有  
眞責任事之心有潔清自愛之意不以厥事爲厭  
事而家事視之不以商人爲商人而家人視之安  
于任勞而不厭其勞勇于任怨而不生其怨其心  
實有以大服乎衆人之心故能生其威若斯耳噫  
嘻使內外任事之臣盡得如兩公者于以佐

聖天子致太平奚難哉禪公名布滿州人張公名

文集卷之四

八

衡河間景州人辛丑進士碑斷公縣之左不惟頌  
兩公之德亦竝欲後來者有所觀感云

得體李公凱

答拙菴和尚書

豈再拜拙菴大德足下僕於文殊偈中眞見得本  
來無物大道同原儒釋殊名不殊心性而從不敢  
舉以告人蓋以今時大善知識道學先生勦襲陳  
言扭捏鼻孔果於自是而堅於誣理故寧自秘以  
省葛藤耳後見大德電光錄及諸志記正論別言  
皆歸一義語語自胸中流出不假外來一字始信  
禪自有眞也乃更作思惟吾宗先居士已証眞空  
而不辭與馬大師丹霞藥山諸耆德盤桓印証余  
卽不敢追蹤先居士而大德實馬大師出現於今  
時而丹霞藥山振響於斯地也苟不相印証卽爲  
不知拙菴將所爲自証者非也因微露於臺山記  
序中足下果來索消息僕呈以五偈足下不知痛  
喝來書示可兼印以詩竊自幸呈露之不在也僕  
昔讀儒書於一以貫之萬物皆備處解則解得出  
而會實會不來亦緣此偶得通其不敢告大善知  
識者今已告之大德矣至道學先生前終未敢告  
俟諸其人庶幾旦暮遇之哉小詩三章屬和來韻  
竝謝法貺布鼓雷門愧甚罪甚

笑盡今日道學善知識非躬行實得不能知也

數碧山房文集卷之五

任丘龐增雪崖著

京國公藍王傳

藍王濠州定遠人開平王常遇春婦弟也初隸遇春帳下勇畧過人摧敵陷陣所向無前遇春數稱于太祖太祖亦以遇春故特寵遇之初授管軍鎮撫以戰功累遷至都督僉事十一年同西平侯沐英討西番擒其會長瘦脖子斬獲以千計得馬二萬餘匹牛羊十餘萬頭論功封永昌侯十四年同穎川侯傅友德西平侯沐英率師取雲南擒故元平章達里麻于曲靖梁王把里剌瓦爾密走於大理鶴慶麗江建昌金齒車里平緬悉就蕩平地方萬里收入職方王之力尤多焉二十年 月從大將軍馮勝北伐偵知敵有屯慶州者王乘大雪輕騎襲之殺其平章果來擒其子不蘭奚并獲人馬而還師出金山納哈出遣使詣大將軍營請降王往受降納哈出以數百騎至王喜飲以酒納哈出不飲酬王王解衣與之曰請服此而後飲納哈出不肯服王亦不受飲爭讓久之納哈出乃覆酒于地顧其下咄咄語時常茂部下有解蒙古語者謂茂

曰是殆將脫去也茂直前縛之擁以見勝其衆驚潰王追至亦迷河悉降之上以勝在軍多不律召勝還卽軍中拜王征南大將軍討元餘孽至慶州謀元主脫古思帖木兒在捕魚兒海用王弼計合諸軍穴地而變不令敵見煙火疾馳薄其營敵始謂我軍乏水草不能深入不意大軍卒至乃大驚逆戰敗之殺其太尉蠻子等降其衆元主與其太子天保奴數十騎遁去王追千餘里不及獲其次子地保奴后妃公主百三十餘人梁王朶兒只將相官校三千餘人軍士男女七萬七千餘口寶璽圖書牌面金銀印若干牛羊馬駝輜重無算焚其甲杖軍器驅之以還過北平以名馬獻燕王王不受王慚歸見太子太子妃開平王女也因說太子曰殿下試觀皇上于諸子誰最愛太子曰鳩鵲之愛焉有厚薄王曰臣愚觀之殆燕王耳燕王英武得人心今其功名又盛近術者言燕地有天子氣臣幸託肺腑願殿下少留意故後論伐元功太子獨右晉王也前捷至上遣官賁慰勞擬封王梁國公會有訐王私元主妃者上大怒曰王無禮如此豈大將軍所爲哉遂中止及王入朝復面

文獻卷之五

二

責之王頓首謝雙喏良久乃封梁國公仍錫過千券二十三年施南忠建二宜撫司蠻叛王討平之又平都勻安撫司散毛等亂錫鈔三千五百錠金及文綺有差詔還鄉二十四年王與宋國公勝請討西番不許尋復命王理蘭州莊浪等七衛兵王至罕東土酋吟咎遁去追襲逃寇祀者孫弗及卽移師建昌討叛酋月魯帖木兒王遣百戶毛海以計誘之并縛其子胖伯送京師伏誅因奏四川之境地曠山險宜增置屯衛兼籍民爲兵上報許增屯衛不許籍民敕王還京遂班師上定東官官屬以至兼太子太傅王不樂居朝宋國公更大怒曰我獨不堪爲太師耶王長身類面性剛暴使氣臣恃勲伐高往往驕蹇自恣服用僭侈多蓄莊奴候子乘勢漁獵常占東昌民田民訴于御史御史按問不如意遂極逐御史夜度喜峯口關吏以夜不卽納王怒縱兵毀關入上聞之弗樂也數有奏請不盡從退謂所親曰上疑我矣錦衣衛指揮使蔣璚告王謀反獄具磔于市夷三族梟其狀示天下坐黨謀者幾二萬人方王之討越雋也與部將十餘人陸辭上與王密語呼諸將去三呼無應者王

文獻卷之五

三

舉袖一麾諸將遽起上心惡之故所坐皆從征將士也

功罪雜序兩俱井然如五代史郭崇韜傳

李渭

鞏昌侯郭子興傳

郭子興濠州人因與滁陽王同名避之止稱興與父山甫好相人太祖微時過山甫山甫一見大驚異治具結歡酒酣跽而請曰公天表異常他日貴不可言願公母忘之太祖去語諸子曰吾視若曹皆非田舍翁大者可封侯今乃知由此公耳汝曹謹事之相其女亦大貴後歸侍太祖卽寧妃也興有弟曰德成曰英英後封定遠侯自有傳德成仕至驍騎舍人興善拳勇有膽力上在滁陽甥館端征伐癸巳五月募兵于鄉里得壯士七百餘人濠州徐達及興兄弟同歸附焉上以興備宿衛數從征討畧定遠克滁州自和陽渡江取太平金陵授管軍總管從攻鎮江苗軍元帥完者圖出走上爲吳國公置各路翼元帥府陞總軍元帥從攻宣州江陰宜興常熟婺州皆下鄱陽之戰陳友諒連巨艦以進我師屢卻興曰舟大小不敵非人不用命也宜以火攻之上用其計以舟載荻葦乘風縱火焚其舟友諒敗死甲辰上進位吳王定官制罷諸翼元帥府改鷹揚衛指揮使從徐達取廬州援安豐下襄陽克高郵踣淮安剋吳興破蘇州每先登

陷陣身負重傷猶裹創力戰吳平陸鎮國將軍大都督府僉事戊申上卽皇帝位建元洪武命大將軍徐達北取元都雷興守潼關潼關三秦門戶也時哈麻圖據奉元李思齊張思道相倚角竄伺圖復興悉力守捍故不敢東顧及達北還遣興輕騎抵奉元哈麻圖棄城走遂下鞏昌與雷鎮焉洪武三年爲秦王武傅兼陝西行府僉事是年冬大封功臣乃封興爲鞏昌侯食祿二千五百石予誥券子孫世襲七年召還京師又十年以疾卒諡襄毅子振嗣振卒無子國除驍騎令人郭德成者與弟也性通敏嗜酒事上久兄弟皆已列侯成驍騎舍人如故上以寧妃故欲顯之成辭上不悅成頓首謝曰臣性耽蕪蕪庸闇不能事位高職司重事不治上殺我也人生貴適意但得多錢飲醇酒足矣餘非所望上稱善賜成黃金帛稱之寵遇益厚常侍晏後苑醉匍匐謝脫冠上顧見成髮種種禿落且盡笑曰醉風漢毛髮如此非酒之過耶成昂首曰臣猶厭之必盡薙始快上默然既醒則大懼觸忌諱遂佯狂自放剃髮衣僧衣號佛不已上謂寧妃曰始以汝兄戲言耳今果爲之真風漢

文集卷之五

六

文集卷之五

七

也後黨事起坐灰者相屬成獨以酒得免

德成不願貴顯得明哲保身之先幾豈醉風漢

耶明太祖乃爲所購

金素公



武定侯郭英傳

郭英者鞏昌侯子與季弟也生有異徵父山甫相英貴當封侯語在子與傳中英身長七尺勇健有謀畧年十八與子與同事太祖太祖尤親信之令直宿帳中呼爲郭四從上戰鄱陽湖陳友諒中流矢死或以爲英功上問英英對曰天威震殛臣何力之有上益重之友諒子理奔武昌上進軍攻之陳同僉者理驍將也僞捷善槩突入中軍上遽呼曰郭四爲吾殺賊英奮臂一擊賊應戈殞上解所御赤戰袍衣之比之唐尉遲敬德授驍騎衛千戶從征襄陽克淮安鳳陽安豐臨淮武將軍指揮僉事從大將軍徐達北定中原入元都遣英取通州英距城三十里浹溝高壘爲持久計衆請速攻英曰吾師遠來敵以逸待勞速攻非我利也宜出其不意破之翌日大霧英設伏道傍以精騎薄城下元將五十八國公率敢死士萬餘張兩掖出英佯敗敵追之伏起中截其軍敵衆亂斬首數千級擒元宗室亨羅梁王元王北遁遂取永平眞定定州從副將軍常遇春攻太原王保保軍城西英憑高眺望謂遇春日敵兵多而不整營大而無備可劫

文彙卷之五

八

也遇春然其計乃遣五十騎伏城東十里約舉火鳴砲爲應至夜英率十餘騎潛入其營火舉砲發伏兵應之敵軍駭亂自相屠戮遇春引軍繼之保棄城去洪武三年陞本衛指揮副使四年陞驍騎將軍河南都指揮使將赴鎮上命寧妃餞英于第寧妃者英女弟也上以英清儉賜白金二十畧廐馬二十四九年移鎮北平又四年進大都督府僉事更定官制改前軍都督府僉事十四年從穎川侯傅友德征雲南與陳桓分道進兵道甚險隘諸將欲深入英曰破敵貴先聲攻取自近始舍近圖遠豈善策耶乃先攻赤水河路驟雨久河水漲令諸軍斬木爲筏乘夜以濟比曉抵其營賊大驚戰敗之擒烏撒拜阿容等由是諸賊膽落前鋒所至無不披靡曲靖六梁越州關鎖嶺以次攻下至雲南攻倚子寨寨依山殊險固英以兵攻其前賊空壁迎戰乃以精騎數百由山後斬關入賊衆亂遂破之是年冬大理等處蠻民復叛同西平侯沐英征討明年復從穎國公傅友德平蒙化鄧川遂自金沙江濟取北勝擒其僞平章高生諸路悉平共斬首一萬三千餘級生擒二千餘人收精兵人

文彙卷之五

九

馬數萬船千餘艘十七年論平雲南功封武定侯  
食祿二千五百石予世券明年加靖海將軍鎮守  
遼東二十年從大將軍馮勝等北伐納哈出降旋  
召勝還卽軍中拜藍玉征鹵大將軍英征鹵副將  
軍進師慶州聞元主脫古思帖木兒在捕魚兒海  
英倍道疾馳抵其營殺其太尉蠻子元主驚遁擒  
咬咬司徒乃曩家太尉爽古達兒等降其衆獲珍  
玩圖書馬馱牛羊輜重無算班師賜白金千兩鈔  
八百錠綵帛四十匹遣歸鄉明年召入京命典禁  
兵及在京諸軍三十年川陝寇發勢甚張上謂英  
曰非卿無能勝其任者授征西將軍印往討平之  
時年六十餘矣英臨陣敢前不惜身命前後百餘  
戰于無錫傷脇于常熟傷足于安慶傷臂于高郵  
弩傷右膝于保安門傷手及足于塔兒灣傷膊于  
亂山傷面復及足于靖寧蠻寨傷左股于納哈出  
潰卒襲重傷左右脇金瘡遍體陰雨輒痛然每奉  
征討聞命卽行未敢以老疾辭永樂元年卒贈營  
國公謚襄武常召入便殿賜坐適有奏事者英欲  
避上曰坐朕自理事不關卿也家居不置田產上  
問之英曰臣淮上一布衣仰荷寵靈叨有封爵子

孫衣食充足安敢增益以啓侈心上稱善凡攻克  
州郡收圖籍封府庫未敢以一錢尺帛自私諸功  
臣將相率以驕奢敗英獨始終保全以此子男十  
二人鎮尙永嘉公主銘遠府典寶鏞中軍都督府  
右都督餘不盡載女九人二爲遠郢王妃孫男二  
十八人女孫十六人一爲仁宗貴妃銘所出也以  
妃故銘子玠得嗣侯永嘉公主爲其子珍爭之並  
停玠侯天順元年諸臣承詔言珍子昌係英嫡孫  
宜嗣許之昌卒子良嗣良卒子勛嗣勛後有傳  
敘戰功有法毛會侯

安陸侯吳復傳

吳復字伯起合肥人也沈鷺有識畧元末四方盜起左君弼據廬州遠近騷動人情洶洶莫知所歸復集里中諸少年語曰此輩與驪山囚徒等耳何能爲當與諸君其力保鄉曲遇真能命世之主乃歸之以顯功名于當世區區鼠竊徒溷人意無濟也衆曰諾因推復爲千戶結寨自固久之聞太祖英名率衆來附上亦推誠撫之以戰功授千戶陞萬戶屢遷管軍總管統軍元帥丁酉三月徐達等克常州以復協湯和守之明年張士誠率師奄至誓死來爭復躍馬大呼敵衆抄廐追奔至長興而還又明年士誠遣其將呼羅張來侵戰于高橋敗之繼復敗之于太湖再犯常州上命分兵忠節門拒戰又擊敗之以復屢著捍禦功賜金五十兩蟒衣驄馬各一仍守常州士誠數餉不勝憤乃悉衆圍劉福通于安豐復從上往援身先陷陣大摧其軍俘獲士馬車仗無數士誠爲之氣奪甲辰從徐達攻廬州久不下復子矛先登敗其驍將樓兒張左君弼出走再援安豐下漢沔荊州授鎮武衛指揮同知守沔陽乙巳從常遇春攻襄陽時元同僉

文集卷之五

十二

任亮立柵安陸擁兵肆號復將前鋒倍道疾馳自沔陽抵安陸破其寨生縛任亮以歸遂攻安陸衛指揮同知移鎮安陸洪武元年以平淮漢諸州郡功陞懷遠將軍安陸衛指揮使西達均房南暨辰豐凡恃險陸梁者悉就削平威行襄漢間三年調征陝西王保保敗走擒李區二平章獲兵士七百有奇馬馱騾是四月又敗王保保于秦州五月征西番至黑松林尋還安陸明年伐蜀又明年練兵河南七年召入爲大都督府僉事尋統神策衛軍巡視北平授世襲昭勇將軍指揮使從西平侯沐英再征土番有功封安陸侯食祿二千石世襲指揮使如故十四年從穎川侯征雲南克普定破西堡築城水西以復守之秋八月上遣使賫敕命復充總兵官勦捕諸蠻遂由關索嶺開箐道取廣西十六年克墨定苗梗塞至吉刺堡築安莊新城畱指揮曹貴爲守復還普定金瘡發遂卒上聞慟悼輟朝追封黔國公加祿五百石子孫世襲安陸侯兼封三代有差復結髮從軍臨陣敢前衝犯矢石體無完膚戰勝攻取所至著績每于衆中談論恂恂自處口不言征伐之事其謹厚如此前在普定

文集卷之五

十三

買妾楊氏年十七復歿慟哭不已視殮畢卽沐浴更衣自經歿事聞封貞烈淑人從葬復墓仍旌其門云復子男六人曰傑曰佑曰儀曰偉曰倫曰重喜傑以指揮使襲安陸侯建文中以事免永樂元年傑子瑾乞嗣不許國除

合涼國傳讀之安陸以謹厚免則知涼國之禍有以自取非盡明太祖之過也楊氏亦奇女子弟璽

定遠侯王弼傳

王弼濠州定遠人矯勇有膽畧善雙刀因號雙刀王元季江淮盜起弼結鄉里少年立寨三臺山以自保丙申率部下歸附太祖上知其才留備宿衛是年同華雲龍等攻破張士誠于霅州取池州石埭戊戌三月從鄧愈取婺源弼攻南門拔其城獲士卒三千餘人擢元帥下蘭谿金華諸暨紹興援池州復太平上戰陳友諒于鄱陽友諒敗移兵欲奔弼引軍于江口邀之友諒中流矢死進兵武昌平之克廬州援安豐破襄陽所至有功丙午從大將軍徐達伐張士誠敗張士信于舊館降其將朱暹遷昭勇將軍驍騎右衛親軍指揮使進攻蘇州久不下士誠困甚欲突圍決戰覘左方軍嚴不敢犯轉至閭門奔常遇春軍遇春乃分兵北據截其歸路士誠軍殊力戰遇春拊弼背曰軍中皆爾汝爲猛將能爲我取此乎弼曰諾卽馳騎揮雙刀奮勇擊之敵小却遇春乘之其軍大敗人馬溺死沙盆澤甚衆士誠馬驚走水幾不救肩輿入城勢益促吳旋平吳元年從大將軍徐達征中原克沂州益都濟南東昌由濟寧取浚儀河南洛陽陝州遂

抵潼關洪武元年夏四月從大將軍取元都下保定中山真定入山西王保保敗走自河中渡克陝西鳳翔諸郡至察哈兒罕及紅羅斷頭山殘元遺孽相繼敗歿三年進奉國將軍大都督府僉事世襲指揮使十一年從西平侯沐英討西番遂平納隣七站諸地俘獲人畜數萬有奇凱旋論功封定遠侯食祿二千石仍世襲指揮使十四年從穎國公傅友德征雲南至大理其城依點蒼山西臨洱海土酋段世扼下關下關者即南詔毘羅閣所築龍尾關也險而要弱以兵由洱水趨上關沐英綴下關爲犄角別遣一軍問道出山後緣崖而上立我軍幟賊衆駭亂遂拔其城段世就擒鶴慶麗江石門金齒車里平緬以次悉平捷聞上曰王弼先爲有功身受侯封今著功征南其加祿五百石子孫世襲定遠侯子誥券二十一年從大將軍藍玉北伐師至百眼井不見敵玉欲引還弼曰我等奉主上威德提十萬衆深入窮邊今畧無所得遽爾班師將何以報命乎時偵元主在海東北八十里弼獻計于玉令軍士匿火作食自將前鋒乘夜進師抵其營元主驚遁降其衆俘獲無算論功行賞

文獻卷之五

七

賜白金鈔錠文綺有差二十三年詔諸將還鄉弼以例歸又四年坐藍黨不食死國除子六曰倫曰俊餘失名女一冊楚王妃

精采 李公凱

文獻卷之五

七



河州左衛都指揮使楊傳

楊廣巢縣人勅事雙刀趙爲元帥以智勇聞丁酉四月自宣州歸附授左翼元帥副使十一月從徐達攻池州樅陽窘雙刀趙獲其兵戊戌復宜興先時宜興復叛上命達帥師討之未下達遣兵絕敵餉道廣等併力攻之城遂拔十二月下婺州己亥克諸暨紹興復還婺州庚子攻高郵月城賈勇先登辛丑策應濠州破江州陳友諒敗先遂下洪都晉廣守禦武昌平討熊天瑞于贛州降之南雄韶州胥附明年陞英武衛管軍千戶敗張士誠兵于

文集卷之五

六

湖州人之僞左丞張騏等以城降卽引兵向蘇州圍其城合攻之明年九月城陷俘士誠吳平論功賜綵緞遷鷹揚衛指揮使十一月取沂州至益都拔其城執老保白知院洪武元年平河南路檇潼關進階昭勇將軍渡河敗楊呂二平章攻漢中鹿臺鳳翔等處皆下三年子世襲誥九月奉旨統領官軍開設秦州衛明年從穎川侯傅友德平蜀八年赴京調驍騎左衛尋改和州左衛指揮使誥進昭武將軍設衛守禦十二年從西平侯沐英征洮州擒三副使廖胖子斬獲甚衆于故城遇賊與戰

爲流矢所中傷左脇未幾卒子潮襲與武衛指揮使數從征伐有功二十一年卒子海襲

文集卷之五

九

右軍都督府左都督竇正傳

竇正字正卿壽州人幼爲同里韋德成養子因冒  
韋姓正沈鷺有謀畧膽力過人元末隨德成以衆  
歸太祖從定江左州郡德成以戰沒詔贈中興元  
帥府副元帥京兆侯以正襲職即領其衆數從征  
有功授民兵千戶膺遷鳳陽衛指揮使從大將軍  
徐達取中原由山東河南趨通州元主北走遂入  
元都轉攻中山保定皆下洪武元年傅友德自真  
定畧平定以正守真定營壘二年復從大將軍達  
取西安鳳翔至鞏昌時馮宗異已克臨洮元將李

文集卷之五

三

思齊出降留正守臨洮及大將軍達圍慶陽王保  
保部將攻破原州相爲聲援達與宗異謀守衝要  
乃調正于邠州慶陽下復歸臨洮三年從鄧愈破  
王保保軍于定西進克河州時元鎮西武靖王卜  
納剌等擁兵猶衆正統兵擊之大見斬獲于是沙  
家里諸酋請降正親往諭以理勢衆感悅遂獻所  
部軍馬金玉印牌宣勅有差擢臨洮衛指揮同知  
尋置河州衛改河州衛都指揮使正上言西民轉  
輸其勞而布茶可以易粟若以茶與布給軍士俾  
自相貿易庶省西民挽運之苦詔從之方正之初

文集卷之五

三

至河州也兵燹之後城市榛生白骨交橫諸將士  
咸欲棄去正曰吾等受命守此當死生以之今去  
脫有不虞吾與若死且無地等死耳何若死于王  
事乎諸將士感悟今日惟公命正乃繕守禦招徠  
士民日夜拊循未幾人烟物色遂爲樂土七年改  
置南安行都指揮使司于河州以正爲都指揮使  
進階驃騎將軍提調柔甘烏思藏都尉明年復改  
西安行都指揮使司爲陝西都指揮司重調正任  
九年上降璽書慰勞進階龍虎將軍復本姓十一  
年從西平侯沐英討西番遣正追襲叛寇朵兒只  
巴獲其牛馬輜重而還尋以正兼領寧夏衛事至  
寧夏詳視地勢以河水可以灌田爲修築漢唐舊  
渠令軍大開屯數萬頃引水灌之食賴以足再從  
西平侯英北征擒元平章脫火赤知院愛足獲其  
衆一萬有奇經畧公主山寨殲其戍卒取全寧四  
部除四川都指揮使河西土官左丞刺兀蒙藏上  
等降唯松茂數州未服正調兵討之生擒賊首楊  
知府十九年列雲南爲郡邑設立軍衛以正爲雲  
南都指揮使與馮誠共守之二十一年百夷據險  
作亂西平侯英率兵進討遣正攻破于摩沙勒思

倫發憤甚悉其衆號三十萬象數百圍定邊欲  
報摩沙勒之辱英分兵三隊逆戰前隊馮誠領之  
正領左軍湯昭居右賊至乘象象皆甲背負樓櫓  
傍懸竹筒納短槩以爲擊刺我軍衝之矢石俱發  
象駭反走賊有背刺者最勇悍衆已潰猶力戰左  
軍小却正奮臂大呼直突其前士卒從之無不一  
以當百賊遂大敗斬首三千餘級生擒一萬餘人  
獲象三十有七思倫發遁去無何土酋阿資叛又  
從西平侯英與穎國公傅友德合兵進剿攻敗干  
昔安阿資走越州揚言曰國家有萬軍之勇我地

文集卷之五

五

有萬山之險豈能遠滅我軍其遺孤之其其  
大頭弁宗等阿資勢窮携其母出降二十五年西  
平侯英卒詔進正榮祿大夫右軍都督府左都督  
代英鎮守已復命爲平羌將軍總引陝兵討平階  
文張者之亂二十八年從秦王赴北州打魚溝剿  
捕番寇三月還京明年以疾卒子忠前軍都督府  
僉事

寧公有謀有勇所至有功當日何以不侯毋亦  
數奇耶 第壘

右軍都督府僉事袁義甫

袁義廬江人本姓張功臣德勝族弟也行四因以  
爲名初爲雙刀趙繼官守安慶敗趙同僉丁普郎  
于沙子巷左君弼門其勇遣人招之弗從也庚子  
間五月采石之役德勝戰死四始來附太祖命爲  
帳前親軍元帥賜姓袁名義人或呼爲袁張四爲  
人強幹有謀數從征伐所至有績擢興武衛指揮  
僉事從大將軍徐達取中原攻沂州益都濟南東  
阿以次皆下洪武元年取東昌陝州潼關折而東  
北取衛輝彰德磁州廣平臨清又北取長蘆直沽  
河西務敗原平章搆普達朵兒只進巴達陷通州  
入元都又折而東克永平迤西下保定入太原稍  
南畧澤潞擊敗賀宗哲詹同俘獲士馬有差定西  
京二年上以義所統軍士多山東人勇健好戰特  
勅諭之俾加訓練且令以俞通海爲法尋拔鳳翔  
鞏昌與諸將合攻慶陽張良臣迎戰以兵薄義營  
義堅壁不動徐察敵情稍懈乃突起衝之其軍亂  
遂大破之明年剋王保保軍于定西南出一百八  
渡取興元陞本衛同知又明年調羽林衛總領官  
軍防送馬督指揮渡海鎮遼五年入海捕倭十四

年從西平侯沐英征雲南克定曲靖善關大理  
楚雄等處留鎮楚雄時敵屢叛以軍逼西城義儲  
芻糗結堞壘且守且戰敵不得間始引去陞楚雄  
衛指揮使二十三年還朝上慰勞之見義髭髮皓  
然嘆息良久命太醫院傳藥使黑賜銀印一顆令  
回任蓋義威望素著上將借以鎮服遠人故不令  
見老狀也三十二年陞右軍都督府僉事卒于官  
子聚襲府軍左衛指揮使

都指揮使花茂傳

花英

花茂巢縣人元末從陳世光起兵丙申三月歸附  
從太祖定江左破張士誠滅陳友諒授威武衛百  
戶屢陞武宣衛副一戶神策衛指揮僉事調廣州  
左衛皆以戰功積之洪武十四年收捕清遠英德  
翁源博羅諸山寨及雷州海南叛蠻十九年東莞  
龍川興安各縣民作亂茂統兵剋平明年陞廣東  
都司指揮同知平電白賊破歸善等縣山寨陞本  
司指揮僉事尋遷本司都指揮同知賜諡子孫世  
襲廣州左衛指揮使二十四年征剿連川廣西湖  
廣徭賊三萬有奇茂有膽畧每臨陣雖矢石滿前  
奮不顧身二十六年正月以戰傷上疏乞休上念  
其功擢長子榮爲東勝右衛指揮僉事茂仍蒞事  
四月東莞笋崗賊何廸等復叛茂統軍討平之上  
言廣東沿海地方如東莞笋崗諸縣逋逃蛋戶附  
居海島遇大軍則稱捕魚遇番賊則同爲寇出沒  
無常難于防訊不若徙以爲兵庶皆有所約束可  
免劫掠之患又奏設沿海依山碣石神電等衛所  
築立城堡收集散處無籍諸軍仍置兵屯守要害  
以備不虞詔皆報可二十九年入覲上慰勞甚至

且曰 令次子英來朕將之茂回會番馬後  
山賊叛遣英同指揮憂忠捕之獲其首邵佛蔭等  
七十餘人英赴英茂卽任中擢本司都指揮使明  
年英入朝上命爲東都指揮僉事未幾 川賊  
作亂茂率指揮張春出討兵未交而疾作以英代  
之英設方畧殄滅賊首黃黑面等茂未幾卒英果  
毅有父風自以軍功陞本司都指揮使進階驃騎  
將軍永樂中屢建奇勲後致仕

發碧山房文集卷之六

任丘龐塏雪崖著

山西巡撫右叅知御史趙時春傳

趙時春字景仁平定人爲人嚴毅介特可任大事  
兒時嬉戲引同儕爲軍伍部署之居中指揮毫豁  
如也稍長讀書日記萬言凡天文地理山川要害  
天下軍馬口口錢穀之數暨海外奇詭不經僻姓  
隱名皆能識之年十四舉陝西鄉試嘉靖丙戌以  
進士第一人改翰林院庶吉士海內舉業之士爭  
購誦其文時春則獨好武講陣法習騎射每以邊  
方將士與儒爲憤或語及北事輒裂眦攘臂慷慨  
之氣形於酒談笑間嘗曰使吾得備偏裨領精  
兵五千人操強弓勁弩間以長鎗大斧卽俺離丘  
福寧足平哉改戶部主事調兵部武庫主事疏請  
禁諛佞正士風又疏錄用諫官明善惡闢異端七  
事下詔獄削籍旋起爲翰林院編修兼司經局正  
字校書又疏請正東宮朝會禮儀備官僚以崇國  
本復落職二十九年教人入犯游騎薄都城世宗  
用薦召起爲職方主事坐議馬市非策更以知兵  
爲仇鸞所忌得罪幾死屢陞山東按察司僉事按



察司副使陞都察院右僉都御史巡撫山西時春  
至晉斥貪墨省征徭嚴請託歲時於諸要路一無  
所餽遺曰吾不借府庫以自潤亦不借府庫以媚  
人晉中強宗豪宦斂手避之無敢撓其法者一  
時文章政事氣節凜然爲人所推許時春則曰此  
儒者之末事耳外敵之烽警未息祖宗之疆宇未  
復區區何足云三十三年敵人入犯時春禦之於  
代州擐甲冒矢石身先士卒追殺無算會總兵  
李浹恃勝深入陷伏中死詔解官聽調然非其罪  
也時春有經濟才偃蹇仕途屢用屢擯未究其用  
時論惜之

文集卷之六

巡撫河南右副都御史胡纘宗傳

胡纘宗字孝思陝西泰安人正德戊辰進士廷試  
三甲第一時有執政子二甲第一欲得館職倚中  
官劉瑾得傳臚俱翰林院檢討纘宗辭不獲後  
執政以瑾敗其子編管爲民註纘宗外補四川嘉  
定州判遷知潼川州俱有惠政十年陞南京戶員  
外尋陞南屯郎中十四年陞安慶府知府武宗駐  
蹕留都供御浩繁又經遘倭兵燹之後人民逃竄  
未復夏秋之間旱潦交作纘宗供應有方修舉荒  
政民賴以安嘉靖三年調蘇州知府蘇鉅郡也財  
賦益夥事務益繁纘宗經理屬劇尤詳於治院會  
錢穀政事之間裕如也時有詔守令久任故纘宗  
在兩郡幾九載始陞山東右叅政本年改浙江左  
叅政八年以不及調山西右叅政有平盜功賜金  
幣十一年陞右布政使以憂歸十四年補河南右  
布政使復以平鄆陵盜賜金幣明年轉左尋陞都  
察院右副都御史巡撫山東時魯府驕橫多不法  
纘宗抗疏以聞詔遣廷臣會勘有旨奪祿并革除  
護衛地方得以寧謐十七年改治河道明年世宗  
南狩纘宗迎於磁州改纘宗巡撫河南示中大饑

時疫流行死者枕藉續宗疏請賑詞甚激切同事者難之續宗曰豈得念吾屬而坐使斃中州數百萬生靈哉脫得罪身自任之不以累諸君也疏入詔發帑金二十萬大臣前往賑貸汴民以蘇時汴城屢火災及行臺引咎乞休得閒任有王懷者其父聯爲陽武令殺人續宗按其事坐絞策走京師乘長至日假朝衣隨班奏續宗以私毀故入人罪許其迎駕詩有穆王入駿飛空電湘竹英皇淚欲磨爲詛咒上怒逮續宗入京刑部尚書劉認御史屠僑大理寺沈良材會勘劾王誦死囚妄訴續宗詩詞頌美無譏訕上曰錄續宗美復云湘竹英皇何耶竟廷杖削籍

文集卷之六

四

巡撫山西右副都御史孫繼魯傳

孫繼魯字道甫號松山雲南右衛人嘉靖癸未進士初選澧州知州以事改國子監助教歷陞戶部郎中衛輝府知府歲旱多蝗繼魯禱於神雨隨降蝗不爲災調淮安府旱蝗如衛輝府禱之復應民以爲神咸尸祝之中官某奉命織造過淮大作威福繼魯抗不爲屈遂誣構械逮赴京時夏言方執政力持之其事得解或勸繼魯當詣夏謝繼魯不從然而所遇非霍謂也卒以此卹之調黎平府黎平苗境也苗性頑輕殺易爲亂控御少失宜往往激變繼魯嚴絕苞苴結以恩信境內帖服

文集卷之六

五

守將嘆曰徒選邊將設守兵不如得良二千石也屢陞湖廣提學道副使山西冀南道叅政山西按察使方其分守冀南也境內多宗藩武斷難治繼魯峻持概不寬貸宗藩側目及其陞按察使方出境宗藩百餘人要於路冀出私物以爲挾發其裝惟敝衣舊履而已嘆息曰我高皇祖登位迄今百七十餘年罕見此官也更載酒追餞而去抵任持法益堅明允大著晉中民自以爲不冤羣有原青天之謠兩臺交薦擢陝西布政使旋擢都察

院右副都御史巡撫山西會同西陽之警持議與  
總督翁萬達不合交疏爭論執政以前故特左翁  
下繼魯詔獄御史楊爵者先以言事忤旨左獄中  
兩人意氣甚相得也日相對作詩繼魯有詩云爲  
國爲民意已深諫章一上泪沾襟男兒至死心無  
愧留取芳名照古今爵亦有勸君努力加餐飯浩  
蕩乾坤在兩肩之句唱和獄無楮具破碗書壁因  
號破碗集讀書不輟時人哀之朝臣知繼魯者願  
以百口直之不得晉中宗藩亦抗章救難抗章者  
即前發裝肆挾者也執政意堅弗能解疽發於項  
遂卒隆慶改元言官疏其寃請恤典制可乃贈繼  
魯兵部侍郎謚清愍蔭一子子華祭製文諭祭其  
畧曰刻意操持有皎然不汚之節矢心樹立有毅  
然不屈之貞賢聲每著於在官清望雅歸於輿論  
特以籌邊之議恥於苟同乃來文致之辭陷於重  
譴式嘉素履特介新恩云云時論快之

文集卷之六

六

都察院右副御史王應鵬傳

王應鵬字天宇浙江鄞縣人正德戊辰進士初任  
嘉定縣知縣多善政風節自尚不畏強禦徐淮者  
魏國公弟也怙勢横行州縣無敢何者應鵬以法  
繩之不少假適流寇至狼山吏民駭竄應鵬諭安  
之繕城設備賊不敢犯擢監察御史有直聲如武  
宗徵行烏斯藏取佛大學士楊廷和奪情起復諸  
事各有諫疏疏繁不能載歲丁丑清戎閩中鎮守  
太監崔失其名與福州府四庫諸生構衆應鵬爲  
解紛既不失守臣體亦不傷諸生情時崔部下有  
平鎬鄭八暴橫殃民阻撓鹽課應鵬苦之應鵬遠  
治加法且作書戒崔崔亦感悟約束其下一時皆  
敏手以避王公庚辰巡按山東武宗南幸督蹕所  
經供應維繁應鵬籌畫辦具裕如也壬午督學冀  
天以府庠生多淹滯奏廣廩增額士咸德之出爲  
河南按察司副使旋擢大理寺少卿都察院會都  
御史巡撫順天整頓邊備上便宜數千言皆切時  
務律卒王朝相弄兵倡亂應鵬殲滅之以聞賜自  
金文綺璽書獎勵應鵬辭謝曰願陛下留以待有  
功其不伐知此晉中寇起晉不能制上震怒欲

文集卷之六

七

易置撫臣朝議非應鵬莫可任者乃改應鵬巡撫山西應鵬至修戰具設方畧合河南兵攻之俘其元惡方議功賞有忌之者格不行或以爲言應鵬曰臣職也求此心無媿而已敢言功乎尋以父憂歸服闋起都察院右副都御史癸巳下詔獄免官丙申以疾終於家

文集卷之六

人

總督漕運右副都御史之鎮傳

連鑛字伯金號明山直隸永年人嘉靖丙戌進士初任日照知縣改建平建平多豪健潘姓者其尤也以強娶娶婦事鑛案法究治無少貸一時羣豪咸斂避之又虞順挾妖術據五牙山爲亂鑛以計平之事上有紵絲白金之賜甲午陞戶部主事監稅崇文門有商匿稅當治其人大司農梁材卿屬也鑛曰此朝廷事也梁公且奈何卒坐如律梁公聞而嘆之謂其能執法也十四年薨諫闕人命擇部屬風力者爲之梁竟薦鑛授監察御史巡陝西茶馬條陳種馬牧地事宜皆見實用巡按山西議寢馬地圻輔八郡皆蒙其惠以條陳邊事語過直罰俸然而上以此益知其名癸卯陞浙江按察司副使已酉陞湖廣按察使庚戌陞布政辛亥擢都察院右副都御史總理河道是歲大雨決運隄阻後幫四千七百餘艘鑛自濟趨邳相視形勢躬督疏理至十一月水就下流乃上疏云北河漲秋濟寧地高而水易涸患在春月故啓泉門以濟之南河自徐州小浮橋引蒲河以濟運而清淮一帶橫流浩蕩犯之尤難必春夏未汜濫之前可循也

文集卷之六

九

運早過淮則南河免漂沒之虞北河當順利之勢  
識者以爲確論因請造船補軍夫先時徵兌早督  
過淮挑濬新庄等村以爲來春運地上卽命以原  
職督漕運是年五熟糧卽過淮六月新安房村隄  
復決阻後幫二千餘艘續往來兩地躬視疏埽至  
十月運事獲竣復請疏治房村淤塞及濬黃河下  
流使循故道方鎮之始至淮也值水方漲蕭徐邳  
宿之間滙爲巨津廬舍漂沒民露處數徙就高土  
貧民往往起而爲盜原野蕭條鎮爲奏免夏秋租  
稅發粟賑濟使民應募河工民賴以安及水降復  
命有司給牛種勸耕桑旬月之間頓爲生色未幾  
以事閑任鎮天性豪邁與人不苟合有私干者仰  
面不答其人自阻居家以孝友立朝以忠貞不欺  
爲本果於任事不辭勞怨惜未究其用所著有  
山疏畧燕山漫稿

文集卷之六

十

永康刺史邊公傳

邊大父字伯康號桂叢父輝中母曹氏先時所生  
多不育及得公且喜且懼有日者至今推之日者  
曰此貴人也但貧不宜有子公父曰問不及此所  
不天耳曰不天亦不壽公父殊未信稍長受業於  
先祖修子公未幾公父母相繼卽世公性謹厚且  
幼弱豪徒煽煽競魚肉之產遂落廢學家君勸令  
學自爲文授之讀歲餘補弟子員娶妻亦曹氏公  
母之從女姪也賢能安其貧公爲舉子業不嗜奇  
逞邊幅謹嚴類其爲人雅自負同邑王公篤族知  
之人弗善也邑自茂子後多不意舉米千錢生計  
益窘或隔日一舉火公擁被高臥而已不以告人  
間乃從人冒名代童子試試輒售遠近稍知名東  
鹿某乃延家塾歲丁酉舉于鄉或曰伯康得此亦  
幸矣須止此耳明年戊戌上春官不第又明年已  
亥國家以黔滇蕩平再行會試公與焉竟成進士  
初選得太原之徐縣縣有強暴率里中惡少年  
強淫某甲妻甲訴于公公悉捕置獄諸惡大恐緣  
吏暮夜以千金進公怒欲並治吏吏叩頭出血公  
之乃免悉實諸惡於法公素平愿言若不出諸口

文集卷之六

十一



人非常相見者見則面發頰紅而遇事能斷乃如此當公家居時貧無聊甚親族貴盛鮮相恤者公自矢吾貧賤不見恤於人吾富貴當恤人以故凡親知懷刺過邑雖平生所不足者亦優給之公私交際動以什百又庶謹無所取皆取諸帑徐澤歲課萬六千餘金縣小課固不多積十年傾歲之計無遺錙矣今上御宇之七年晉省督撫藩臬咸代以蒲洲人先聲烜赫爲吏者各彌縫所爲事矯飾以乞無過公惟痛飲或累日不視事或曰事迫矣公日飲酒不視事諸上臺至倘責問君以通課

文集卷之六

三

之故君將何辭以對也公曰唯業已盡之矣爲之奈何或曰庫吏某大蠹也家擁巨萬非竊諸公而何以法繩之可立辦公曰天道神明人不可枉吾持肉飼虎而責償于犬可乎吾誠自用責吾吾以身承之無患也旣而藩司達公以通課故召赴省庭鞠之意公當有所指即得執詞坐之公但謝自不謹死罪而已然無所及達公且笑且罵曰有是哉令之懦而騃也甘以身家受人過吾聞令貧甚無擔石儲萬六千金焉往吾知之矣竟以意分派從前諸長吏刻期責辦不逾一月逋盡完然卒非

公意前攝太谷縣事縣最饒或謂公當少取以補通課太谷人素仰公聞受署咸大喜人或香燭自太谷抵徐溝延袤七十餘里踵接肩摩以迓公公顧而笑曰是意何爲負居數月卒不持太谷一錢歸已而以久俸遷永康刺史永康屬西粵即害之所謂嶺南也地多瘴癘公至不習其水土遂病卒年四十八歲妻曹氏亦相繼沒鄉人示微以柩歸示微者邑小吏也幼不羈好呼盧公未第時亦癖好此戲常與之俱後以落拓棄家從軍隸粵鎮爲千夫長駐南陵南陵與永康近常過永康候公值

文集卷之六

三

公病知不起留微宿外舍夜半遽聞公叩其寢曰下兄睡耶余行矣微急起呼羣僕曰主君出主君出衆僕相顧駭然各言無有則聞內哭聲高矣微之所以不憚扶柩十萬里外者緣此也有子名純娶井氏平陽司李文安在女幼穎慧喜讀書甫成童即能通詩古文及書法先公歿士林傷之尤一適同邑庠生高鴻燁子龍子曰遵公爲先母同姓余諸舅屬也居與余相比余童時每過其家嬉戲見其夫妻相敬如賓士銓終日無烟怡如也恒人當窮困時多卑收比及通顯輒自尊大雖至戚

骨肉反眼若不相識者公特不然自爲諸生以迄  
作令謙退如一存恤親故旁及所不足者抑亦過  
厚矣治徐十年政尚廉平庶幾無大失德而所遭  
遇卒若此其于天道爲何如哉

有裁制筆滌氣堅史遷之遺也 李公凱

史孝廉傳

孝廉姓史諱以慎字眞常任丘人也幼穎慧日誦  
千言年十七中前庚午順天鄉試數上公車不第  
甲申後絕意功名頗其望曰粥若山房自號粥若  
山人讀書賦詩其中累旬日不出苦介寡合同邑  
惟劉常也心一兄弟及殷擴四李性符相友善聚  
則分題命酒言不涉世事晚慕竹林諸人高自盼  
畧使酒作達遇飲必醉醉必發狂或歌或哭擲跳  
拋擊傾盃倒瀋淋漓沾濡人厭避之呼爲酒怪或  
露頂行街市間逢人輒問我醉不或言醉則怒言  
未醉則曰與我飲一名同殷李諸人飲醉乘城見  
吏更卒大呼曰殺殺卒以爲賊也奔趨告邑令令  
倉卒偕數役弓刀來捕至城悄然唯聞鼙聲相和  
而已乃以燭照劉枕戶限臥李臥樓中吐痕宛然  
殷坐倚窓下公伏城堦垂頭向外而睡令曰飲何  
乃至此命役分扶歸舍他日過徐金吾呼酒昨釀  
熟未壓就甕挹而飲之公曰牛欺吾醉耶以糜作  
酒傾馬槽中卽坐槽上歌老驥伏櫪志在千里慷慨  
悲壯未有也又入張別駕舍延客未集陳設甚  
都主人望之避去公徑詣壚取酒獨酌數碗張僮

過強牽問客僅以某對公大罵曰往延史公不如  
是以彼位高多金耶掀衣出醜穢洒漉堂中而去  
其醉狂多類此不能悉也然性至孝事母劉孺人  
依戀如嬰兒家甚貧供母務求甘旨夜必上堂問  
孺人安侍婢答曰孺人安然後歸寢雖極醉不失  
常儀親友知其然值狂發謬以家嫗出呼曰孺人  
安君醉可睡去公輒俛伏移時成眠亦足見其天  
性矣歲荒家用不繼隔日一舉火未常告人邑令  
翁年奕賢者也聞而餽之粟公曰此活卑田院中  
人物也寧可入史公腹辭不受其介如此若史公  
者真無愧孝廉客哉歲乙巳以疾卒生平著作多  
乘醉爲之醒亦畧不收檢散失不存惟李性符齋  
中藏其弼若山房詩一冊雜文十餘首猶是壯年  
所得全椒吳國龍序其首

點次醉狂一一如活

金公

文集卷之六

七

程母吳太孺人傳

程太孺人吳氏休寧人父仲醇以理學名家太孺  
人方數齡聞父論說尚申一問輒當理其父曰若  
爲男子當以經濟六吾門然他日亦門楣光也年  
及笄程太翁鼎庵喪室求爲婚其父知太翁賢許  
之于歸後問內外食指幾何田產歲入幾何歲時  
饗祠人事周旋幾何提綱挈領內無冗食外無浮  
費家用以舒太翁性豪邁好游又好賓客居則車  
騎盈門巷飲食酒漿卒然俱備遊則千里數百里  
累月不歸家門內外秩如也丁亥營升唐士奇作  
亂太翁父光祿公在楚太翁在淮上人情洶洶太  
孺人設方畧授鄉人不時脫簪珥鬻牛酒爲犒并  
力捍禦得免於難不惟賢於閨閣而已其才智曉  
大義卽古奇男子寧復過之乎六人已出者三二  
爲前配遺一爲庶子衣服飲食視之均焉自太翁  
沒太孺人以母代父延名師課之不委以家事俾  
耑其心故諸子文藝行誼各有成就叔子瑞禴任  
西城兵馬司副指揮清廉名陞貴州布政司經歷  
季子瑞昉以邑令需次前在都中與余以詩相唱  
和往來甚洽儒雅厚重誠有得於母氏之教者也

文集卷之六

七

甲戌十一月太孺人卒乙亥正月計至瑞祔以不  
與含斂補不欲生余憂之舉毀不滅性以爲戒祔  
稍解乃述生平懿行乞余爲傳余感其孝誠將屬  
草矣突遭墜馬傷悶數月不痊故傳獨成於諸家  
之後也

張碧山房文集卷之七

任丘龐塏雪崖著

清故文林郎直隸真定府真定縣侯君肅公  
暨元配李繼室劉兩孺人合塋墓誌銘

代

襲家居爲諸生時卽聞大梁侯君名高才能文畱  
意經濟伉爽好義有北海風心慕其爲人而未獲  
見至辛丑會試榜出君名與余名相次且同出  
先生門下以生平相慕之人一旦爲雁行兄弟之  
好喜可知已君之學之才何難取高位立大功爲  
千秋不朽之盛而不謂其以一令終也生爲廉吏  
沒無餘貲身後有子困頓如左防兒故遲之又  
不能歸窀穸豈不悲哉其元配繼配後先卽世將  
合塋於先塋之次長子雲際持狀至京乞余文以  
志墳石余以遲暮之年佐司空煩劇之任文章之  
事久荒矣獨念君有才無命雖博一第卒未得大  
有建豎而百里之任循良之績又不使有聞於後  
世則知己之責也余何辭焉君諱殿邦字晉錫號  
肅公其先洪洞人遷穰封至孝廉公而族始大孝  
廉名慶冒姓姬中永樂丁酉鄉試始復本姓再傳  
生志德志德生思儉思儉生訓訓生守宗守宗生

鳴佩爲邑庠生事繼母以孝名君其仲子也君少  
俊邁書一過卽不忘其父愛之以爲可以繩孝廉  
之武也應童子試受知於儀封令黎君旋補博士  
弟子員父歿其兄自以才不及君家事自任令君  
志於學順治辛卯舉於鄉越十年辛丑成進士  
而其兄死君撫兄之子女不啻已出父所遺產盡  
付諸姪君無取焉兩姊一適張氏一適扈氏俱早  
寡君撫兩姓之甥婢皆成立宗族鄉黨至今稱之  
選得真定令邑當九省之衝供役維繁民不堪命  
君去其役之不惡者節其役之太甚者又地傍澤  
沱沙壓地若干畝民苦無田文集卷之七租君力請於上除  
之真定駢站錢糧今所食者猶君之餘耳上官交  
章推薦疾忽作乃告歸歸後二年而卒以覃恩  
贈父如其官母氏贈孺人元配李氏贈孺人繼  
妻劉氏封孺人李氏邑名家女結髮歸侯君性  
貞靜孝事公姑撫養諸姪及甥李之力實多焉李  
死劉繼之其賢如李皆君之刑于有以感之也銘  
曰其才未窮而遇有窮其生有窮而名無窮仇之  
儷之兆穴攸同嗚乎侯君妥此宮

歲進士葉君墓誌銘

代向邑郭生淵先生

葉公挹馨以客冬卒塋具成將以今年十二月二  
十四日啓祖塋之次伯子葉先期列狀越四千里  
乞銘于余憶余前赴漢興任時公餞我于郊握手  
殷殷殆不能舍余辭以年各未老相見有日也詎  
意自陝赴浙之後不四五稔而公竟以殂謝聞哉  
先時一夕余夢見君明衣淨帶如平時反手拊躬  
揖余而言曰以累公旣寤而悽然詰旦遂傳是狀  
至異哉華公之靈爽之不遺余遠方也以君之靈  
仲子之誠孝而余又忝公契厚固無容以鄙陋辭  
也爰採狀以爲之志曰葉公諱之讓字挹馨集先  
小興州人始祖肆自明永樂中遷任丘占居邑北  
古州村世以誦讀力田爲業代多名諸生至太初  
公乃以明經顯邑志孝子傳所載萬曆中可水木  
漲村垣皆沒忽有呼此葉孝子城不可入者水遂  
殺卽公父諱應元者太初其字也公剛果有才舉  
奸施予重然諾趨慕若鶩不畏險難十四而孤卽  
以成人自命讀父書與伯兄季弟後先補弟子員  
邑有狙獫子乘時煽煽魚肉公弟已置砧俎幾幾  
乎操刀相向公度不可以力爭謀曰奴志異得財



耳吾厚歟之而愚持其後必無不得志者依其計行之果免其難而真狙獐子于法已丑邑有潰池變禁旅出勦兩兄遺孤子擄焉公哀號不食先以弟故已落產之半至是謀罄之以救兩姪或言當留爲子孫計者公曰吾弟吾父之子也吾姪吾父之孫也寧忍爲吾子孫計而棄吾父之子若孫乎卒贖之同產王生名遴者以貧宛不能易具公聞之曰是余責也懷數金走大雨中哭于位爲置棺視殮焉性亢直好規正人過凡相與者初或不堪漸諒之久乃益敬作爲文章偶僦用氣不以字句爲工數考諸生優等而卒不得志于鄉稍騰進以爲治生術公素精心計努力勤儉饒過其初辛丑以食餼年例貢于廷時國家承平期門羽林子弟皆令讀書選明經士訓之三年後許選別駕令職蓋仕途捷徑也或勸公爲之公曰余而宜官也者余寧不可一第耶余知命矣遂乃以家務子諸子居則家人勸聚制甘齒肥出則鮮衣駿馬往來親故治酒交歡日人生行樂耳必貴顯何爲優游自足又十餘年而歿終公之身壽而不耄貴而不顯而居室與馬衣服供奉妻妾男女有上壽極貴

所不獲致者而公獨脩致之何與蓋葉氏代有盛德太初公孝動神人敦朴厚重濟人緩急不厭式廩而增大之未獲享而歿將以遺諸後也公又善繼述焉畜于彼者豐于此良有以哉公以萬曆庚戌八月二十二日子時生以康熙癸丑十月二十七日戌時卒卒年六十有四娶韓氏新城教諭諱公鑒男庠生演休女副室杜氏子四長 大寧衍學先公卒

勅贈文林郎寶豐縣知縣胡太翁湛如暨元配 勅封太孺人邊氏合葬墓銘

胡太翁湛如沒既葬一餘年矣太孺人嘗居在堂長君權爲寶豐令迎養任中又數年以疾卒今歲夏權扶觀歸里將啓窆與太翁合葬念太翁及太孺人高節淑風不忍湮滅欲誌諸金石以垂不朽持狀乞銘于余余先慈適太孺人與太孺人爲同族女兄弟入室孺人又太孺人再從姪女兩世周親里閭往來歲時通問不惟知太翁行事甚深而知太孺人尤甚詳塏雖弁鄙且不敢以不文辭按

文集卷之七

六

太翁姓胡氏諱永清字湛如其先世真定人高祖某遷任丘某生某其生聯科聯科生騰蛟中萬曆己酉鄉試累官按察司副使生三子長太學生沐澄又次辛丑武進士官鎮都司永泰太翁其中子也太翁偉幹豐頤虬髯方口負性慷慨能斷大事副使公尤鍾愛之類異秀發年十七補博士弟子員副使公一試郡邑三爲郡守所在有政聲皆太翁實左右之暨陞副使備兵荆南有退休之志作書寄家人爲營菟裘遂桂冠北上值暴兵爲亂道路梗塞不能歸太翁聞之憂思廢食寢促裝赴楚

或止其行太翁泣謝曰詩云脊令在原兄弟急難

言兄弟也兄弟且然況吾父乎雖危道路弗恤也

乃問關跋涉出入刀劍叢中屢瀕于危而志弗沮

卒迎副使以歸斯之寢膳必親問視意之所欲先

事承之副使歿擗踊哭泣如古禮人咸稱其孝云

與太孺人相敬如賓翕然有異缺之風尚義氣好

施予隣里親族待以舉火者凡數十家負貸者不

責其償御下甚寬而課子嚴嚴延師授業雖甚寒

暑不輟也癸卯權領鄉薦甲辰下第調權曰昔汝

祖急于仕者以汝曾祖高年耳吾年未暮汝必成

進士乃生仕履累如故未幾以疾卒太孺人曰

子望子成名歲切今既歿吾不以家務妨兒業吾

姑稱未仕人以王汝于成也太孺人爲誥贈奉政

大夫邊公繼奉女九歲失恃撫于繼母徐泰宜人

徐太宜人撫之以慈太孺人事之以孝人無間言

及并歸太翁太孺人雖出世祿之家而性安於素

事上接下門以內竟然也歲庚戌權成進士太孺

人喜不自勝曰吾養汝成進士喜有以成汝父

之志也戊午權授河南寶豐縣知縣同之官毋視

事退必問所治常否故權歷任七載無過失民俵

之如慈母皆太孺人之教也以軍恩勅贈太翁如權官封境母爲太孺人時康熙二十年十二月二十四日也已而患痢病將革權請遺言曰吾年過七旬不爲天食祿膺封不爲貧且賤夫復何言汝惟竭力以報朝廷吾與汝父含笑九原矣遂卒太翁生于明萬曆庚戌年五月十四日亥時卒于康熙六年丁未七月十二日未時享年五十有八太孺人生于明萬曆壬子年九月初九日亥時卒于康熙二十三年甲子十月二十四日辰時享年七十三子一權庚戌科進士河南寶豐縣知縣娶謝氏邑海豐知縣文煥孫生銘石女繼遷氏指揮使維藩男庠生大防女繼何氏大興高陽教諭詢女孫四長徵麟時庠生遷出娶李氏高陽武鄉知縣瑛長女繼遷氏邑貢士大任男庠生銘珣女次德麟聘邑安慶知府遷舉男廩生之錡女次寶麟聘邑翰林院侍讀學士李儀古姪庠生枚女次石麟未聘孫女一許字同邑汝寧通判遷之鉉季子何出曾孫一景曾未聘曾孫女一未字徵麟出史官龐澄曰盛德之後必達往往然也胡氏先世崇尚忠厚副使式廓之太翁又栽培灌既之

長君顯達有以哉長君爲清白吏有子四人皆能讀父書胡氏方興未艾也因爲之銘銘曰位雖未及行則孔修父顯子達抑又何求於赫寵命泉壤光流鹿門賢偶及爾同遊高風逸韻允矣千秋叙胡太公卒直以孺人喜曰四字接入不准出落無痕而聲音辭氣宛出紙上真奇文也

李清

皇清勅封孺人龐室李氏墓志銘

余龐姓爲畢公高之後自封建制廢散處諸方考厥所出天下無二龐也系本古賢代多偉人卽閨閣之內亦往往有賢淑如鹿門儼偶者氣之所承固然與粵西宗驥丁卯舉于鄉公車入都始以譜叙余爲叔驥父頴庚子舉人爲楚嘉魚令夏寇亂力保孤城請兵平賊全楚獲安以齒則余兄也辛未驥再上公車相見于京邸出其大母勅封孺人行狀俾余爲志余託猶子之列不敢以不文辭按狀孺人李姓陸川之龍溪里人也性貞靜知大

文集卷之七

十一

體童年卽請閨儀言笑不苟習女經一覽卽精父

森由明經選浙之諸暨簿路達子幼單身赴官孺人奉母家居母病孺人衣不解帶問視撫摩晝夜無間飲食醫藥必手奉之經年如常遠近有龍溪孝女之稱吾家月川公高其行爲子鳳裔公請婚焉于歸之後夫妻相敬如賓事翁姑動遵古禮及月川公沒孺人奉姑益謹日營其旨夜同榻婉容愉色無幾微拂姑意姑常指謂鳳裔公曰孝于母者孝于姑汝父爲汝擇婦良不誤耳明季羣盜竄起劫掠鄉邑孺人奉姑逃避山澤間扶掖致紆不

厭勞苦姑歿孺人哀毀弗勝負土而殯不以顛沛

遺終天憾我朝定鼎境內漸安孺人返故舍荒榛蔓草不辨門戶所在孺人率子女誅茅補屋旋置釜竈夫營于外妻勞于室歷年之後舊產漸復課頴讀書風雨昕夕不少寬貸庚子頴上賢書孺人喜甚謂之曰此上天之佑祖宗之福汝善承之卯辰歲逆藩變起頴素受知撫綏將軍傅鴻烈志殄國仇招集一旅効力行間未幾撫蠻敗頴爲僞帥馬承龍所執禍將不測孺人不以爲憂曰吾子以忠憤出死何妨然天哀義士非賊之所能害也

文集卷之七

十二

已而得脫人服孺人之先見十卯頴遇廣嘉魚

縣知縣每家人赴楚輒以頴作好官潔已愛民無負君恩爲訓明年值覃恩封頴父如其官母爲孺人報三孺人與鳳裔公望闕謝曰有子如此無忝我兩人所生矣庚午春病作覺胸脅氣滯醫弗效將卒之頃謂族孫元曰汝當持訃報吾父母以天年終君親不能兩全勿以不獲見吾爲痛孺人生于萬曆丁巳年正月十三日午時卒于康熙二十九年三月初四日戌時享年七十有四生于穎庚子舉人湖廣武昌府嘉魚縣知縣娶陳氏



邑庠生善言公女女一燈庠生李公于廷 孫三  
驥丁卯舉人娶陶氏兩廣總制陶魯公孫庠生坤  
女驥聘原任陸川尉李東聘公黎君長女駿聘內  
午孝廉申生李公女曾孫崑驥出幼未婚終日婦  
德維五孝爲之甚天性是篤何用不宜鬱鬱陵  
瞻懷令儀白楊蕭蕭鳥雀鳴悲千斯萬禩于孫保  
之

孺人之行不知果否然文有典型 金素公

高平馮母張氏墓誌銘

婦人從夫者也故不誌墓從夫誌也婦人而志墓  
變也變而志焉必身處乎變變而不失其常可傳  
于家可法于世者也則高平馮母可以志矣母之  
孫如異先職方兄錦里女夫也余于京師曾識其  
人茲爲其祖母走數千里求銘于余余按母姓張  
氏世爲高平人遼馮公鼎衡生子璜四歲而鼎衡  
歿時張年二十有一耳家甚貧寡姑幼子生計蕭  
然母家以不能俱存勸改適張曰女子而二夫豈  
人所爲吾始欲從夫以死其不處者正以老姑之  
故況馮氏世有此子豈可令絕嗣乎  
吾志已定餓死何恤乃蓬首敝衣紡績織紉夜漏  
三四下弗休閒以針工鬻值有所得卽致其膏奉  
姑姑食之餘以食子已惟粗糲而已雖甚勞苦弗  
見怨色姑沒痛不欲生負土成墳四時致祭必窮  
詣墳前哭泣之哀如新喪璜長娶婦生子名如異  
能讀書爲名諸生卽今來京求銘者也時如異復  
有子矣老病忽作家八進藥却之曰吾撫四歲小  
兒爲六十翁抱及曾孫吾事已畢可以見夫于地  
下矣遂卒享年七十有九歲居墳與鼎衡合葬焉



禮也子一璜庠生娶某氏孫如異庠生娶龐氏兵部主事太械女繼室某氏曾孫一幼未聘銘曰義于夫孝于姑保其孤于復生子孫生孫恒變如常志不渝賢哉馮母其殆敬瑜之友孟母之徒銘以示後焉可無

簡而盡 金素公

隨筆云之賢節具見不似他家強作聲勢學大家面目而自有大家氣文品之貴也 弟璽

文集卷之七

七

宜人白氏墓誌銘

宜人白氏故奉直大夫商州刺史劉公之儼也歿之三年兆域成將合塋焉長男鹽亭令懋特走京師請余求銘先時刺史公歿有陝西太史李公天生爲之銘故今者特具宜人狀請爲宜人銘宜人姓白氏河間君子館里人也先時曾爲吏部尚書郎又 同朝已丑進士吏部稽勲司郎中諱懋之從妹也父諱訢鉉母高陽王氏明駙馬都尉諱昂妹生而貞靜婉嫕方脫祿授之閨誠能即誦兼曉大義至于女紅組織繪繡之事尤臻精妙年十

文集卷之七

七

歸刺史公時公姑在堂宜人盡孝如古禮有所欲輒先意承之刺史公于兄弟行居四有三嫂兩妹宜人推甘任勞藹然相接一門之內皆稱其賢姑亦愛之一日私詔宜人出黃金一斤于之曰好收藏爲他日資勿令家人知吾私也刺史公好讀書適有弼甘一史者價百金刺史公欲得之甚形于嘆曰吾安所得百金而易甘一史哉宜人聞之出金子刺史公刺史公驚喜問所出乃言向者爲姑所賜爲君藏之久矣將買良田不如購異書耳其賢而不吝如此公姑相繼卽世含殯塋

贊襄左右纖毫無遺憾丁丑長男鑣生戊寅次男  
鑣生是年冬移居任丘旋遣兵娶蓄積一空刺史  
公又素不善家人業往來讀書清源廣川間宜人  
提携兩男分食而哺間歸依外家住弗怨也辛巳  
大饑斗米千錢人相食骨肉有無各不相顧宜人  
借十指針工給饘粥稍有餘仍備燈火以佐誦讀  
刺史公得成通儒以五經首選致身貴顯實內助  
之力也刺史公初任代州既而徙商宜人皆在署  
中退衙必詢所行政事相勸爲廉曰世人因官取  
財不顧陰陽往往爲不肖子所蕩徒爲郤里笑吾

文集卷之七

七

後藥業蕭然寓居蘇門刺史公好賓客過者必治  
具宜人時折簪珥以佐闕乏賓客權甚爲延譽以  
故梁宋四兒童走卒皆知劉使君名別室有子二  
人宜人愛猶已出鑣鑣娶婦各擇舊家女嚴于課  
誦無事不令入內鑣成名諸生有宦川中者入  
幕吳逆之變陷身川中人以爲憂宜人曰吾兒有  
濟變才或借以取功名他何慮焉未幾奮威將軍  
王進寶收復川中得鑣大喜奇其才題授鹽亭令  
冢信至宜人曰吾早知吾兒當有此矣後鑣解官

歸行李無蜀物自以洗腆爲歡宜人慰之曰爾清  
白無忝爾父吾以此爲喜菽水可妨年逾古稀耳  
目精明猶課家人作粉不輟病作鑣素精岐黃術  
請診候進藥宜人却之曰夫榮子貴身受國恩  
順受其正吾復何求含笑而逝宜人生于萬曆甲  
寅年 月 日 時卒于康熙戊辰年 月 日  
時享年七十又五歲其子孫男婦名氏詳刺史  
公志中此不更載銘曰貴而能貧順所受閨門之  
行丈夫守載勒金石傳不朽良牧之妻廉令母

文集卷之七

七

皇清賜進士出身勅授文林郎祥符縣知縣  
霞城胡公墓志銘

嗚呼余忍爲吾表兄霞城先生銘哉余與君外家同出于邊復同爲邊氏甥室君長余十有餘歲而知余最早嘗謂余曰我外家多兄弟能成字用者余與君耳時君已爲名諸生而余方壯也已而余與君先後同舉于鄉君以進士宰大縣余亦以博學宏詞備員翰林何其見之明而辭之決也自入仕後不相聞問者數年繼余罷歸君丁太孺人憂還里得一聚首余就補中垣尹亦起復笑補時則

文集卷之七

七

寄余寓中起居飲食言笑相依淡月平山所未有也憶一夕酒酣言志各擬粗酬身事歸里門步履往還歲時斗酒相娛孰意都門握別之日卽爲知己永訣之辰耶戊辰余以病歸適君喪自中州至得扶病哭君之柩假滿余入都又兩年君長子徵麟卜宅兆葬有日矣持狀丐余爲銘以余與君相知之深相與之切余不銘君誰復知君者獨念余與君交情三十年宦路漂泊數離數合而重以存亡之感鄉里往來之約既弗能逮而素車白馬之送復有慚于藉人也悲哉按君姓胡氏諱權字

文集卷之七

七

義公號霞城其先真定人始祖良遷任丘三傳生聯科補諸生高才負氣以忤田疇耕將害之乃避地高陽之王家莊居焉子騰蛟中萬曆己酉科舉人累官荊南道副使子三其仲永清勅贈文林郎寶豐知縣娶邊氏勅封太孺人卽君之父母也君生有異兆甫襁褓授之章句一過不忘稍長能文每遇先達所器重贈公常指謂太孺人曰有子如此所謂百不爲多一不爲少蓋君無兄弟故云憶癸卯君鄉舉後春闈被放贈公曰汝祖不第而仕以汝曾祖高年耳吾年可待汝必成進士乃仕未幾贈君以病卒君交臂下帷卒成其志君爲士第十二人可謂能成父志者矣戊午謁選得河南寶豐縣縣遭流寇之變受禍最慘田地荒蕪望榛莽狐狸率出入室廬中數十里內見炊烟輒色喜家人憂之君曰此何足憂民猶鳥也見食而集豈必土著土存不患無民也下車後指示招徠貸農器牛種以給食無力者察吏不相擾復時時行田間以行舉勸民果日集更以暇日召諸生督課之一二年間野多耕夫邑聞絃誦晏然樂國矣先時邑無公廨令編茅而處君以漸營治

之規模宏敞不勞民而辦獄公錢穀行以平恕不  
爲矯枉沽激之行長吏稱其才學命其邑陽和  
諸縣事咸有惠聲甲子分校豫闈所得皆知名士  
旋以太孺人憂解任歸邑民號送相接于路丁卯  
服闋再補河南祥符縣祥符古浚儀晉陞士德之  
所經理也地大而衝頗號煩難君赴任數月諸務  
井井除弊剔弊邑紳士交口誦之終以積瘁精力  
耗傷外不見疾而內患已成適以政事容太守歸  
至半途疾遽作卒于車中哀哉君天性亢爽遇事  
敢言有度量不記嫌怨事父母最孝兼能推母意

文集卷之七

年

以孝外紀母爲尤難焉君之叔過聽家言爲君  
難甚迨後其叔以武弁卒于官貧不能歸君迎致  
其遺骸妻繼歿君復爲營塋事君狀貌魁偉能騎  
射少時命馳馬試劍自豪非素識者以武夫目之  
而文章秀發沉鷲精嚴卓然成家自國家定鼎以  
來邑中先達郭司臬生洲王大尹拱北兩公外不  
多見也君生于天啓丁卯年十二月初八日巳時  
卒于康熙戊辰年三月初一日巳時年六十有二  
元配謝氏邑庠生銘石女贈孺人無出繼趙氏邑  
庠生大防女又卒繼何氏高陽教諭詢女封孺人

子四長徵麟太學生娶李氏武鄉知縣琛女三幸  
無出繼邊氏邑庠生銘珣女次德麟娶邊氏前安  
慶知府舉男宰生之珣女寶麟聘邑庠生李棣女  
石麟幼未聘俱何出女一許字汝寧通判邊之鉉  
季子何出孫一景曾聘庠生王茂遠女孫女二幼  
未字俱徵麟出銘曰白楊枯兮影離離蔓草折予  
寒風吹兮哲人予心孔悲才未盡兮時已移九原  
一去兮無還期信天道之福善兮余于君乎猶疑  
叙胡君交情宛惻足見龐公爲于親誼序狀貌  
處尤可想見胡君丰采 金圭公

文集卷之七

年

皇清勅封儒林郎盛公荆篴墓志銘

吳中盛君荆篴與四川霞山張、友善而霞山張君余之心交執友也。辛未冬霞山以膠州牧入爲部水員外郎，余亦旋自中書量移水部，十載聯違同堂共事，談今論昔，暢可知已。公務之暇，特以一帙示余曰：「此亡友盛荆篴之行述也。盛君今之特立士行，而弗顯德修而未達死且三年矣。今將塋次于孔卓，痛其父行之不彰，特一狀來京師，曰：『聞雪嵒先生名，欲得一言以志墓石。』」長安非無高爵尊秩大人先生者，以君行彪論篤足以序有道碑而發潛德之幽光也。君易名而銘焉，分未識盛君而素重霞山古云：「不識其人，視其友以霞山必無私阿所好。」則余于盛君復何慮有愧詞乎？君姓盛，名朝，字明紳，荆篴其別號也。其先系梁人，門初有起家封屋城侯者，數傳生福，四復遷華亭。至南昌，別駕新江公，而其族益大。新江生淡泉，淡泉生與交，與交生傑林，即君之父也。君生十月而孤，其母李鞠育辛苦不遺餘力，稍長自授章句課若嚴師焉。成童治舉子業，時脫簪珥治具，延知士與爲規摩，以故文藝斐然。補博士弟子員，遠近重

其文爭延致爲子弟師，而君亦借以供菽水養其母矣。同里楊宗伯方壺公子受業于君，宗伯自京師歸，君造門投刺，越徂未答，公遽束書將辭去。宗伯聞之，登門亟謝，乃止。耿介之風，今未有也。歲壬午，以時事日非，徙家避地，傍先塋而居，足跡不履城市，修族乘建宗祠，設祭器躬耕自給，有終焉之意。旣而「吾行吾志耳，五世書香未可自今而輟也。」乃聚子姪輩凡二十餘人，躬自教授講藝之暇，復說古人孝弟廉節以爲法，則子姪輩亦各遵其訓，每行下衢市彬彬秩秩人皆指而目之。曰：「此楊氏子弟也。」已亥沈文恪傳其大梁館君以聞，中丞聘修河南省志書成而中丞罷，又二十年詔修一統志，各省皆求河南志以爲式，庚申遭母喪未幾長子麟及元配王相繼而卒，將塋堪輿家薦其祖塋當易乃卜于吳門之烏龍山，遷其父骸與母合塋甫發阡壙中水溢出乃痛自責，泣悔其遷之不早，令父之不安于地下也。甲子君年七十有三矣，霞山張君補高序令慕君爲人禮更入幕君亦風似霞山長者忻然就之，爲經理政務如已事纖悉曲當霞山每嘆其謀人之忠而精力之老而



益壯也君平生儉約自持重然諾樂賜給見義敢  
爲不計利害外祖李翁老而貧嘗迎養于家李翁  
卒厚葬之更恤其諸舅于外舅王翁亦然甲申春  
自京師歸有所著北游見聞畧授梓或中以蜚語  
宗黨驚懼不知所出咸請匿之君曰匿之則得成  
矣乃出二帙獻太守陳君陳君受而讀之蜚語遂  
息丙戌以自頭賊黨連及吳姓京之弟其王  
君從姊婿也搜捕吳氏不獲株及嫫黨君方在家  
與客對奕而捕者入客驚避去君徐收碁訖隨捕  
者詣府力辨其事事自並免京之兄弟亦不憚于

文集卷之七

古

後難如仁康午冬患脚腫已復爲痢醫治效伏康  
贊從容命子嶠治後事至十二月初六日間殯後  
事具否曰具君曰吾事畢矣遂瞑目而逝時次子  
孔卓在旁酌遵例請得 誥封封君儒林郎將侍  
歸爲君八麥壽而君遽卒命矣哉君生于萬曆壬  
午正月初三日巳時卒于康熙庚午十二月二十  
日未時享年七十有九歲元配王氏 勅贈安人  
先君卒于三嶧邑庠生娶周氏東生公女次孔卓  
太學生考授州同 勅授儒林郎娶龔氏庠生宛  
楊公女早卒繼潘氏庠生文岳公女次嶠娶葉氏

文學勉之公女女五一適稚華陳公子慶一適君  
平吳公子天錫一適簡州知州等同周公孫文學  
楚樹子庠生圻俱王出四五幼未字孫三洽娶周  
氏庠生右王公女嶠出洙幼礪泗娶周氏庠生駉  
峰公女孔卓出孫女五一適友愷劉公子永貞一  
適太學生漢華公子太學生令昉一適右一張公  
子啓賢嶠出一適文學武宣公子邑庠生企丹  
一幼未字俱嶠出曾孫一棠幼未聘曾孫女一幼  
未字俱泗出銘曰公侯之後歟出異人范哉遺孤  
詩書道振孝能克家義不危身好德考終反朴還  
具幽光之著此茲貞現

文集卷之七

古

浙江布政使前工部左侍郎之白李公行狀  
資善大夫浙江布政使司布政使前工部左侍郎  
同邑李公歿之四年嗣孫鉉持一刺造我叢碧山  
房再拜俯興泣而言曰鉉不孝承嗣先大夫府君  
愛我有逾所生痛以承事未久遽捐館舍鉉不能  
以禮制情殯中堂者凡四移霜所以使先人久暴  
露者余不孝亦無所逃罪茲卜送諸北域惟是結  
山之石以納諸墓者將走乞大人先生倘念先府  
君之故許賜嘉言而善狀莫詳其何憑焉惟吾子  
先有述也夫以境之得附稱甥也誼相屬居相比

文集卷之七

美

曾辱過門諸聞見固以為知獨獨與之難且  
陋義無可述命惟大人先生取其行事畧其文辭  
以采輯而潤色之幸甚按公姓李諱士焜字用積  
別號又白其先小興州人遠祖伯成自明永樂中  
遷任丘遂家焉伯成生四四生海海生鵬鵬生穆  
穆生登登三子長泮嘉靖乙卯舉人常山知縣次  
汶嘉靖壬戌進士累官光祿大夫左柱國少師兼  
太子太師兵部尚書白鵬及登三世咸贈尚書妣  
為夫人以司馬公貴也次渭生杪守橫寧以是民  
進士歷官山西按察司僉事咸賓殉邑難鄉人高

文集卷之七

注

其節私謚為忠烈君即公父也初渭好學能文章  
無減伯仲而獨以布衣終人以為不于其身當子  
其子孫耳厥後果以忠烈君貴贈按察司僉事以  
公貴贈太僕寺正卿妣亦兩受贈蓋位不灌德積  
厚流光故猶左券也忠烈君丈夫子四人公居三  
天資警敏體貌寬和幼即具成人度弄物無所損  
壞同嬉者未常以呵言擊撞害其喜怒忠烈君  
暨太夫人尤鍾愛之謂其器宇似司馬公年未冠  
補弟子員未幾食餼天啓丁卯舉于鄉戊午丁內  
艱擢踊如禮甲戌成李青榜進士初授天津知縣  
將赴任過忠烈君前曰大人年以教士者乎忠  
烈君曰余復何教為河津民猶洪洞民也前政具  
在汝祗遵之勿墜家聲也受命在在有臬司更倚上  
官與民爭利者訟于公公杖而遣之臬司某初聞  
之怒曰何令敢杖我吏會須面呵之及見開陳情  
理辭氣嚴正為之改容重杖吏謝過折回冠履儼  
過邑城而垣墼卑淺不足以守公區畫濬築不旬  
日儼然有金湯之固巡撫吳公移軍駐境內糧食  
芻茭蓄積時然調停軍民各無侵犯吳公奇而薦  
之詔內擢適忠烈君殉難計至公踰泣奔喪灑血

乞卹奉旨建祠歲祀焉辛巳服闋擢工科給事中  
督漕中州歲大饑人相食道路屯者枕籍公曰此  
莫非赤子豈謂萬里何以知之乃疏奏其狀上爲  
動容詔相租賑資有差壬午遷刑科右給事中公  
素方介彈劾不畏強禦卒以忤要人出爲山西分  
巡河東道副使兼攝分守事時關寇熾張勢益  
逼公佩兩章運籌守禦不遺餘力賊亦相戒不敢  
輕犯出巡河干忽中流浮舟百艘營將欲擊公力  
止之曰此難民非亂民也彼以避賊來而吾擊之  
是堅天下從賊之心耳促招之營將不可公曰第  
招之脫有變吾任之不相累也諸難民皆附岸計  
男婦一千六百有奇咸羅拜泣下感再生甲申賊  
傳僞牌至署公立碁碑之斃來人于通衢吏民譁  
然謂公寧召禍各走散弗可禁公知事不可爲乃  
間道歸里及世祖入關驅除闖賊定鼎燕京吏  
科孫襄等交章薦公才可大用奉旨起兵利給  
事中轉刑科都給事中首疏請定律例以重民命  
又疏奏饑民爲盜不過苟且餬口冀緩壻溝壑耳  
誅之恐不可勝且情可矜憫乞盡捐畿內歲分錢  
糧發州縣贖贖資活衆則盜自息也又國初斷

文集卷之七

夫

決逃人有割脚筋之法尤爲慘痛公力請除之疏  
入晉中數日人爲公危之公曰以此獲罪固所甘  
心况聖上仁慈寧以見譴乎俄而旨下報允矣  
陞光祿寺少卿太僕寺正卿皆稱職未幾陞工部  
右侍郎即轉左汰冗員減濫費奉命監修泮殿  
規度稱旨工竣賜幣馬慰勞時新例均內外陞轉  
乃出公爲浙江布政使司右布政使加一級大將  
軍駐寧波師旅號然庚戌是急公措畫支應一如  
在河津時然而心血亦幾盡矣遂乞歸田里開一  
墅栽花蒔藥自號三山道人日與親故奕棋彈琴  
賦詩飲酒其中不聞門外事撫軍韓其六翁與公  
同年譜見公執子姪禮甚恭數手書起居公裁答  
寒暄而已卒未常以私干公兩兄俱早逝撫伯兄  
子經均仲兄子經該各成立爲名諸生兩值軍興  
得先後入太學晚年乏嗣不爲憂篤愛諸姪孫尤  
愛經均子鉉謂經均曰此子器宇廓然性情似我  
汝能割愛繼余耶經均乃體其意過房爲公後即  
今諸壇請狀者也公位望隆重又襲累葉貴顯之  
餘而朴素忠厚綽有古風性尤謙謹客過無少長  
咸禮接之故邑蒲鄉先生盛德者必首公春秋過

文集卷之七

无

古稀猶能書細字吟誦不衰秋冬之交率諸子姪  
出郊外騎控挽強射獵爲樂人以百壽期之偶疾  
延醫弗效遂卒所著有麟篆齋詩集刑垣疏草行  
世公生于故明萬曆庚子年八月初十日卒于康  
熙辛亥年九月初九日元配謝氏兵部尚書諱淮  
孫女繼室張氏河間衛指揮女贈淑人繼  
段氏封人皆先公卒嗣孫鉉時增廣生娶馬氏  
雄縣御史諱文學男之驥女繼室殷氏庠生四維  
女曾孫女一許聘安慶知府遼參男之錡子謹述

安人段氏行述 代錦里兄

嗚呼安人竟舍余而長逝也耶不向以天津爲家  
歲時歸祭掃信宿即返故里若蓬舍然安人獨留  
守先人墓舍余念離析欲接共居津門安人不允  
癸亥二月余既補官兵曹秋七月遣力相迎始束  
裝來京邸甫一年又思西歸爲兩兒娶婦時天氣  
漸寒朔風雨雪嚴沍難犯留待新春再作歸計孰  
意一疾竟舍余而長逝也耶余少憾阿安人歸余  
後困頓流離備諸艱苦幸末路振援資業豐饒兼  
荷國恩得沾一命自念余與安人年亦甚暮正  
可同事以償前艱而安人遽焉長逝矣公獨何心  
能不痛哉思其生平懿行淑德不忍泯沒無聞于  
世謹收汨序述倘大人先生不棄採擇庶足以慰  
安人于九原也謹按安人姓段氏爲高平皇族世  
居馬村里先代多衣冠叔祖諱梧仕至宣鎮郡丞  
父諱之炳邑庠生安人其中女也安人性端謹不  
苟言笑幼即有成人度外父特鍾愛之年十六歸  
于余時先君先慈在堂安人克盡婦道問安視膳  
日有常儀余家素貧安人晝則躬撻井日夜以蠶  
燈縫紉鼓二三下不休勞瘁不堪不惟無怨嗟之



言并無愁苦之色也。比余奔走四方歲終一歸省所得常不過數金。傾奉高堂無餘。私及安人亦漠然不介意。視余弟過其第。甘旨之餘。每分餉之。自食惟麤糲。弟娶婦于衣食。則推其善者。操作獨任其勞。且重者先。慈欲均之。安人曰。婦年幼未嫻家務。新婦承事久。故應爾。先慈尤憐愛之。客歲舍弟養病。因乞安人自京中親視者。再弟卒。安人悲泣不食者數日。其篤愛如此。先時先慈抱病。侍奉湯藥。晝夜守床。第衣不解帶。每聽呻吟。悲不自勝。若痛在己身者。及辛丑壬寅不幸先慈。君相繼

文集卷之七

七

見安人先後喪事。繼悉周到。盡哀。禮終。隣里咸稱之。且素性勤儉。年來家道漸豐。百倍曩時。安人衣不重帛。雖食蔬食。亦不兼味。家人以爲言。安人口不食。資生取不饑寒而已。縱有餘。尤當爲天地惜福耳。馬村去余鄉不二里。其弟姪時在來安人。絕不私子孫。粒親族之不足者。則不吝。周給其知大義。又如此。安人生子多不育。勸余置妾。且云。吾處故里。客邸飲食供奉失宜。此不徒爲嗣續計。且以代吾中饋之勞也。余因置仇氏李氏于津門。安人所出佳一女。而視。子嗣煊鍾愛過之。

不。煊旣娶而大兒。媳知義。誓不再醮。請爲煊止。嗣余與安人嘉其志。因以姪孫。爲嗣。煊後而。并過嗣。煊嗣。煊爲子三世同堂。安人顧復劬勞。慈平愛無少偏。溺居京師。年餘。善視兩妾。紀無忌。如喜靜坐。無事不出戶。外每見余。必整潔衣服。而後出其相敬。不啻如賓也。甲子九月再值。單恩得與封典。詔下之日。安人北向拜跪以謝。天恩喜動顏色。因謂余曰。夫貴身榮家。溫食厚受。享已足。余即死亦可以無憾矣。余頗怪其言。寧知其遽爲識兆也。耶。安人素善病。時作時愈。十二月。初四日。病。大。而。不。益危。將終之夕。神氣不亂。命兒媳取其新。遺齒髮納諸棺中。余問遺言。安人曰。吾無所憾。亦無所言。惟君節勞惜身上報。朝廷爲重耳。乃從容而逝。嗚呼痛哉。古人謂中年喪妻爲大不幸。况余垂暮之人哉。兩兒未娶。幼孫未成。乃倚安人爲料理。乃竟奄然而去。乎憶昔余爲怨家所構。安人憂恐流涕。寢食俱廢。後願佛前。誓終身茹素。以祈平善。從此三十餘年。每飯一蔬。肥甘滿前。未嘗沾。七箸。興言及此。余腸寧堪斷。安人生于故明。崇



禎祀巳年二月二十九日亥時卒于康熙乙丑年  
正月十三日辰時享年五十有七歲女一適沁州  
學正馮公姪庠生璜子如異時庠生先安人卒于  
三長嗣煊娶邑處士焦公冲女早卒次嗣煜聘邑  
庠生田公漪女時庠生次嗣煜聘韓公宗龍女時  
庠生孫一葵嗣煊出幼未聘室

敬碧山房文集卷之八

任丘電燈雪崖著

禮與其奢也寧儉

事有沿之而失其功者不爲正論以明之而爲婉  
辭以商之使末流之失可正而本初之意可復此  
聖人救世之微權也何也凡極重難返之勢始皆  
由於人心之好尚而漸乃成爲天下之風俗今取  
人解群好共尚之事而吾直斥以爲非彼且將共  
信以爲是我極詆以爲非彼愈將堅持以爲是則  
其習益不可破不若取其所羣好共尚之事與其  
所鄙夷不屑之事一衡其輕重較其得失而徐俟  
夫人之自悟則泥弊族可正而本初庶可返也說  
在林放問禮之本而子告以與奢寧儉是已人之  
所羣好共尚者何奢是也人之所鄙夷不屑者何  
儉是也以中正之規律之無論奢非禮卽儉亦非  
禮乃聖人不與明中正之規而斤斤焉酌量於二  
者之間而商其去取此其中蓋有微權焉夫禮何  
助乎禮生於性情之間而始於飲食之際故污尊  
而杯飲當時無禮之名而至禮於是存亦何其儉  
也迨世變日開文明漸啓聖人知一於儉之不可

以禮也於是爲之登降拜跪以降其文爲之筐篚玉帛以脩其物爲之垂綏珮玉以昭其儀以爲如是而始可以爲禮也以爲如是詳且盡而始可以爲禮也人徒見聖人制禮之詳且盡也遂襲其文以登降拜跪爲是禮也亦不思始之何緣而制是登降拜跪也遂豐其物以筐篚玉帛爲是禮也亦不思始之何緣而制是筐篚玉帛也遂飾其儀以垂綏珮玉爲是禮也亦不思始之何緣而制是綏珮玉也其守禮愈切而去禮愈遠其求禮愈繁而悖禮愈甚則甚矣奢之爲弊也今欲如率而歸

文集卷之八

二

於儉亦非必冠去章甫衣去綏掖宗廟去其俎豆草野去其爵觥而後謂之儉也惟是襲其文者去其文而存其質豐於物者去其物而散其情飾於儀者去其儀而篤其意凡人事之周旋器用之陳設羣相安於簡畧之中與使人羨其繁文毋寧使人訾其朴野與使樂其緝節毋寧使人誡其僣陋夫聖人制禮原以情文兼善者爲足貴在夫子亦非以朴野僣陋爲禮之中亦以朴野僣陋爲近於禮之本也云爾使夫子當日不言儉之足貴而徒言奢之爲非吾恐天下之習其尚者未必知所返

知所返者未必知所歸也惟輕斥夫奢而重與夫儉薄量夫奢之失而厚與儉之得則放得因夫子之言而悟儉爲禮之本而思去其奢則末流之失言而其悟儉爲禮之本而思去其奢則末流之失庶可正而本始之意庶可復也故曰聖人救世之微權也昔子夏疑素紉之詩而夫子告之以繪事子夏更曰繪事而悟及於禮後既有見於禮之爲後必有以知夫禮之有本也商其明於本者與故夫子以爲商可與言詩吾以爲商可與言禮

矩矱森然備文家開閣淺深之法而淵翻泉湧

文集卷之八

三

坐而言起而行斯醇儒有本之學

盛院戎車修

人不問於其父母昆弟之言

稱人者必不以情之所安而後受者可居而聞者足以感故君子稱人於家庭骨肉之際往往多微辭焉吾有感於孔子稱閔子騫一事古來孝子如舜如尹伯奇如申生類皆處人倫之變極一生之艱難困苦而後成其孝之名昔人之言曰父慈而子孝者不足言必父不慈而子孝其孝乃爲至孝此舜與伯奇申生之所以稱也閔子非亦處人倫之變者耶其一生之艱難困苦當不下三子孔子欲稱其孝何不直舉之以示天下後世使天下後

文集卷之八

四

世知親之不慈至是子且以孝名焉在不可以示勸乃頭透透從家人之陳與行路之辭以徵其孝者何也人子而孝人子之分所宜也吾盡吾分所宜而忽得天下之美名此非人子意也乃欲加其子以美名而先蒙其親以不美之名勿論非人子之所樂聞亦非君子之所忍出也觀閔子之不得於其母也愛少子者人之常情而婦人爲其况少者其所出而長者又非其所出者乎自其絮蘆一事推之其家庭日用之際當更有甚於此者此閔子所不欲白於其父而且恐其父之知之者也不

幸而引車不前及不幸而衣收絮出而其父遂奮然欲出其母子寒子單此閔子所不欲言而不得不言者也使當其時衣不敗絮不出則閔子亦終於不忍言以彰其母之惡而成其父之過其心若曰吾寧不得於親而使天下謂有不善承其親之子勿寧以不得於親而使天下知有不慈其子之父此閔子日夜圖維深恐父母知昆弟知以及外人知者也無端而事勢相迫以一言之哀感而令父母以爲孝昆弟以爲孝外人以爲孝此閔子所無可如何而姑聽之者耳彼方不欲有孝之名而

文集卷之八

五

我以孝稱之已非其本心况稱其孝而先歷暴其父母之過以實之不亦愈大傷閔子之心乎故孔子一泯其從前之事跡而第就後來之傳誦而曰人不問於其父母昆弟之言一但其父本慈父母本慈母昆弟本友恭之昆弟而恒慮夫一家之中私阿所好而汲汲乎取外人之言以爲証據者蓋不欲傷閔子之心而予之以可居也故曰微辭也夫稱人之子而先不滿其父母人將謂天下有不是之父母而不孝者且藉口於不慈稱人之子而並諱其父母之過人將謂天下無不是之父母即

不惑者尚可以孝格也百千萬世而後聞孔子此  
言者庶幾其有所感也夫庶幾其有所勤也夫  
從古人隱微處發議有特識卓見而波折起伏  
神行一氣有理有法此之謂論若今時所作仍  
是八股時藝無破題承耳 又云雪姪家庭所  
遭與閔子同此作道着自已心事故真切婉摯  
如此讀此論者當知雪姪之可重者又不徒文  
章之美也 李性符

行已有恥

爲天下得一無能爲之人不如爲天下得一能有  
爲之人爲天下得一無不爲之人不如爲天下得  
一有不爲之人於天下事而有所不爲蓋視我重  
而視物輕也我重而物輕則凡淫靡邪僻之事舉  
不足以中之而兢兢然務求全其爲我而後慊其  
爲心故大節昭然利有所不動害有所不辭榮有  
所不邀惡有所不避可常可變可窮可達而卒不  
可與易而天下於以推其制行之嚴而服其立念  
之不苟此夫子以行已有恥爲子貢首言士也夫  
恥者士人之所以自制而即聖人之所以相士故  
君子莫大乎其有恥也旣以身列於士舉道德名  
義之事忠孝廉謹之行皆已之所宜爲者也反是  
則皆已之所不宜爲者也宜爲者率皆不便於吾  
之情然行成而天下稱之不宜爲者率皆有以快  
吾之意而適吾之情然事舉而天下鄙之人非下  
愚豈有安意以爲不肖而甘爲人所鄙棄者哉其  
輕舉妄動而身犯天下之大不韙者則以縱情快  
意而無以制乎其心故也人之制行莫先於制心  
而制心莫先於知恥恥之一念較有所畏而加嚴

較有好而加切益畏極則思堯倖好久則生厭教也一事之失一念之僞自人視之若以爲無大輕重者而彼乃抑鬱憤憤中心婉沮而若無以自容於世此固僥倖之所不敢萌而厭教之所不敢生也居恒常以聖賢自待其已以聖賢之道自許其行非妄也蓋自視愈高則其守愈嚴其守愈嚴則其立念益愈不苟故事有憲典之所不能制者而衾影足以制之有大庭之所不及制者而屋漏得以制之懿德善行耻不自己出也邪妄滔淫耻不自

文集卷之八

八

已絕也細行不謹而累大德耻不能謹於其微也爲山九仞而虧一簣耻不能貞之於其永也豈好爲是勉勉哉蓋以盛名之下其實難副任天下之大事而成天下之大功斷非頑鈍無耻者之所能爲也吾以不愧不忤者養其氣於不縮而藏其才於不用始可以當大任而愉快矣乃知天下有相踈之豪傑而吾黨無粗踈之聖賢始以有所耻者勵其已終以無可耻者純其行夫然後可以爲天下士而下此者皆莫能及已

勢若峯峙思如泉湧望而知爲端士

齊麓記

性相近也習相遠也

論曰本乎天者謂之性成於人者謂之習君子履性習之旨不明而人且任性以安習也於是爲推原而分辨之何也性學之弊也起於恃性人過而認習不真恃性太過則或誘於習而不自知認習不真且以爲性也而安之而浸溺放潰而不可止聖人知其然故取其本乎天者明其大本之理卽以成於人者明其各異之勢而天下後世之謹習以復性者庶不迷於所往乃曰性相近也習相遠也意亦謂近者之不可恃而遠者之有可復乎雖

文集卷之八

九

然性在天命之初渾然至善無弗同也無或異也不可以近言也今日相近則是同之中有不盡同無異之中不必盡無異者無乃失性之本而昧性之端乎而非然也天之生人既予之理以成性卽與之氣以成形在理雖無異同之殊而在氣實有純雜之異理托於氣則其同而無異者不能不因氣之純雜以爲清濁然去天未遠而卽人未遠故清濁之致究亦無大差殊耳迨至情生欲動之後於是乎邪者正者倒者僞者賢而智愚魯而不肖者遂紛然淆然百千萬狀而不可窮也乃悉以歸



其故於天以爲性之相懸遂至是也嗚呼是豈性之過哉習使之然也而不觀夫月乎當其在空也一月而已及入乎川水之清者月與之俱明水之濁者月與之少昏然猶無甚懸也積而爲山之陰林之翳又加異矣夫月則性而入川之月則性之着夫氣質者也至山之陰林之翳又性之蔽於習者耳故曰其本乎天者言之可以榮類乎堯舜類乎舜盜跖類乎伯夷非見之謬也性固然也自其溺乎人者言之堯自爲堯桀自爲桀舜自爲舜桀自爲桀夷跖自爲夷跖其較然各異者非性之偏

文集卷之八

也習有然也曰性近習遠固已然近者遂可恃其近遠者遂可聽其遠乎是又不然性之於人不任功亦不任過者也習之於人可以有功可以有過者也人能慎乎習則可以爲聖可以爲賢始慎而終不慎則聖可入於狂而賢可入於不肖始不慎而終能慎則狂可返於聖而不肖可返於賢人惟慎習以盡性又安見近者之遂流於遠而遠者之不歸於近乎此孔子立言意也

率意疾書便是真論

李性符

明於性理故言之鑿鑿

文翁蔣虎臣先生

叢碧山房雜著目錄

卷一

詩義固說上

卷二

詩義固說下

卷三

題跋 銘附

目錄

叢碧山房雜著卷之一

任丘龍塏雪岷著

詩義固說上

古今人之論詩者多矣大要稱說於篇中之詞而未深求於言中之志所謂從流下而忘反者也試觀三百篇以暨漢魏其所爲詩內達其性情之欲言而外循乎淺深條理之節字字有法言言皆道所以諷咏而不厭也余每與同人論詩端主此說以爲如是則爲詩不如是卽非詩故口固說說雖固哉而畔道

離經從知免矣

古詩三千聖人刪爲三百尊之爲經經者常也一常而不可變也後此遂流而爲騷爲漢魏五言爲唐人近體其體雖變而道未常變也故欲學爲詩曰歎曰辭其體雖變而道未常變也故欲學爲詩者不可不讀三百篇也其體雖分風雅頌而其感於心而形於言由淺入深借賓形主不過如夫子所云辭達而已矣寧有他哉至其詞句蘊藉美刺昭然所謂溫柔敦厚而不愚者也詩有道焉性情禮義詩之體也始終條理詩之用

也無體不立無用不行相爲表裏如四時成歲五官成形乃天人之常也苟春行秋令日居晝上卽爲天變人妖矣爲詩而始終條理失倫用之旣乖體將安託故成章以達淺深次序之法不可不講也

喜怒哀樂隨心所感心有邪正則言有是非合於禮義者爲得性情之正於詩爲正風正雅不合禮義者卽非性情之正於詩爲變風變雅聖人存正以爲法存變以爲戒變雖非禮義之正而聞者知戒亦所以要之以正也故舉全詩而蔽之曰思無

邪

風雅頌其體不同用于鄉爲風用于朝爲雅用于廟爲頌不待用意而體自別卽如人說話對妻子是一樣對父母是一樣對君公大人是一樣致詞各別而體於是乎分矣

本之二南以求其端參之列國以盡其變正之以雅以大其規和之以頌以要其止朱子以爲學詩之大旨寃非作詩之本義也作詩本意在詩言志內辭達而已矣內方見得詩本性情前賢言不及此所以近人只在言語詞句上用工夫遂流於膚

潤而不其切也

漢魏詩質直如說話而字隨字折句隨句轉一意順行以成篇純是三百篇家法觀青青河畔草翩翩堂前燕高臺多悲風諸作可見晉詩不取達意而徒驚文詞堆砌排比雖多奚爲陶公獨爲近古然較漢魏氣稍疎味稍薄句意間有不完押韻間有不穩者然於聖人辭達之旨未遠故足尚也

初盛唐近體詩昌明博大盛世之音然稍覺文勝故學之易入膚濶五言亦和平有法但申說太盡無言外意子美近體真朴得漢魏之遺五言古別

雜著卷之一

三

爲一家佳者可入漢魏惟好率時事入詩遂有參錯不成章者不必論也太白五言純學選體覺詞多意少讀之易厭故李獻吉謂唐無古詩其語近是而已所爲古詩直是勦襲剝求似皮毛間耳至于究詩人之本義唐人之所以異於古者獻吉烏足知

七言古一涉鋪叙便平衍無氣勢要須一氣開闔雖旁引及他事別景而一一與本意暗相關會如黃河之水三伏三見而皆知一脈流轉如雲中之龍見一瓜一瓢皆知全身俱在此體當推少陵第

一如曹將軍畫馬王郎短歌諸作雖太白飲手尚岑讓步然時有硬插別事入詩與本意不相關遂至散漫不成章讀者不可不審

詩有題所以標明本意使讀者知其爲此事而作也古人立一題於此因意標題以詞達意後八讀之雖世代懸隔以意逆志皆可知其所感詩依題行故也若詩不依題前言不顧後語南轅轉赴北轅非病則狂聽者奚取自宋以還詩家每每墮此不省古人用意所在而借口云寄慨在無倫次處嗚呼無倫次可以爲詩耶

雜著卷之一

四

題目既定句以成篇字以成句五字七字必令意全句中不可增減而後謂之完足近見有句於此亦可小度其意之所在而覺句中少數字而不顯切又有三王字已盡本意而強增一二字以趁韵脚牽率矯強百醜具見何以爲詩作者須於一句之中首尾自相呼應一篇之中前後句相呼應相生相續以成章然後無背於古而可以傳也天地之道一闢一翕詩文之道一開一合章法次序已定開合段落猶須勻稱少則節促多則咏緩促與緩皆傷氣不能盡淋漓瀉楚之致觀古歌行

妙處一句是一句如高山轉石欲住不能以抵歸宿之處乃佳其法亦無一定惟斟酌得中爲主其開處有事物與本意相通者不妨層層開去只要收處斷得住一二句掉合本題自然錯綜離奇聳人心目

自有天地以來百千萬年矣四時百物方名人語經沿襲之餘皆故也今人刻意求新於字句間字句間安得有新哉所謂新在人心發動處及時中內人心起滅不停時景遷流不住言當前之心寫當前之景則前後際自己不同况人得而同之耶

雜著卷之一

五

不同於人則新也若在字句上求新一人出之以爲創衆人用之則成套何新之有哉三百篇能言當下之心寫當前之景於無字中生字無句中生句所以千古長新也韓退之云唯陳言之務去憂憂乎其難哉退之之文不過一洗六朝習句直陳胸中耳何字是古人不曾用過的流傳至今只覺其新不覺其故可以悟已

古人論樂以絲不如竹竹不如肉曰漸近自然唯詩亦然用字須活選言須雅詩成讀之如天生現成有此一首詩供吾抄出者則合乎自然矣烏得

不佳

梁武帝同王筠和太子懋悔詩押韻晚唐效之嚴滄浪以爲和韻始於元白非也和韻最害詩古人唱酬不次韻後人乃以此鬪工往復有八九和者叠出既多遂至牽率鄙俚不成語原欲見長反以出醜而不自知也

漢五言詩去三百篇最近以直抒胸懷一意始終而字圓句穩相生相續成章如一人之身五體分明而氣血周行無間不事點染而文彩自生也後人不知大意端以粉飾字句爲詩故舛錯支離愈

雜著卷之一

六

求工而愈無詩矣風雲月露行而性情禮義隱可嘆也至七言詩通首者絕少其散見於雜言者雖一句二句不可不熟玩而吟咏之以其用字峭緊爲句渾成矯矯有氣也若作七言古不學漢人練句雖湊泊成章非選輒則板滯矣唐以來惟杜老得此法

漢詩相梁詩宜全讀諸如雲光開曙月低河萬歲爲樂豈云多 青荷蓋挹葉直舒唯日不足樂有餘青絲流管歌玉鳧千年萬歲嘉難踰 欲征從之梁父艱 何以報之英瓊珩 天不可階仙夫

稚殷殷鐘石羽籥鳴河伯獻鯉純犧牲百未吉  
酒布蘭生泰尊柘漿析朝醒山出黃雀亦有羅  
雀以高飛奈雀何江有香草目以蘭黃鵠高飛  
離哉翻獲稊登五木香迷迭艾蒟及都梁  
鳴吐啣福翔殿側游行去去如雲除敝車驪馬  
為自儲後同鑒丹銀作床金瓶素綆汲寒漿  
少年窮窶句能賢揚聲出歌音絕天飯我豆食  
美芋魁何當獲者婦與姑丈夫何在西擊胡  
河間姪女工數錢以錢為室金為堂石上慊慊春  
黃梁家在長安身在蜀何惜馬蹄歸不數羊肉

雜著卷之一

七

千斤酒百斛令君馬肥麥與粟魏詩見西王母  
謁東君柱杖桂枝佩秋蘭誰能懷憂獨不嘆  
展詩清歌聊自歎白日曉曉忽西傾霜露慘悽  
塗階庭秋草捲葉摧枝莖翩翩飛蓬長獨征有似  
游子不安寧被我羽衣乘飛龍東上蓬萊採  
靈芝靈芝採之可服食皆宜常誦口頭以為煉  
漢詩出語自然朴妙無可議惟錄別詩以遺心蘊  
蒸字板魏詩徐韋長人靡下有初想君能終之  
維詩同然比目魚阮元瑜琴歌女為愛者阮  
不現郭遐周贈嵇康詩離別自古有人非比目魚

顯指之矣

雜著卷之一

八

說行行重行行

古詩十九首行行重行行非泛用起手也五字包  
括終篇蓋本詩人聊以行國來先有與君生別離  
一段在胸中語之不得舍之不忍行而又行不能  
自己故下即云云皆述行行時意興也末意以相  
思老人歲月不居勿以我為念當於前途努力加  
餐耳無可奈何強以相慰情詞可感

說蘇武別李陵詩

蘇武別李陵詩第二首黃鵠一遠別四句興而比



下二句比而賦言羽翼當乖何以遺懷唯歌可喻故云幸有絃歌曲可以喻中懷也此言歌而未及歌也歌辭甚多宜唱何曲故云請爲遊子吟遊子吟亦分別之詞其詞既冷冷然悲比之以絲竹更有餘哀也聽此歌至激烈處引動已懷故愴然悽然欲盡展此曲而念吾友之不得歸傷心淚下不能雙飛伊遠也原是淺深次第相生何常重複滄浪木解此而曰古詩政不以此論致後來學者以離亂之詞託古人自解嗚呼古人豈有無倫次詩文耶

雜著卷之一  
說曹子建吁嗟篇

九

陳思王吁嗟篇咏飛蓬也選詩合遺直作飛蓬篇其首句點明蓬字三四虛點飛字下接無休閒入東西南北從橫處說雲間沉泉從直處說當東反西忽亾復存從不定處說八澤五山從廣遠處說無一閒字無一閒句章法次序一絲不亂真三百篇之遺也又妙在回風驚飈二句不然方東西南北橫行何以上下也已沉泉已何由忽東西存亾也不乃脫支節乎無恒處繳無休閒根裝連嫩本根逝周旋回互其妙如此若讀此詩而猶不解作

詩之法所謂舉一隅不能反三隅者不足與言詩已今人作詩不點題一病也轉運不相關切二病也語無次第駢拇枝指湊泊取足三病也縱有一二佳句猶人五體不脩一官雖成何取乎故當惡以此藥之

說陳琳飲長城窟

孔章飲馬長城窟前半叙邊地之苦慮其妻不能自全故作書令嫁後半是妻報書邊地君今出語一何鄙數句報書中語也結髮行事君二句乃自明本意末云明知邊地苦賤妾何由久自全所以教便嫁莫爾住耶揔是舉來書中語作答其不肖嫁之意在言外從鄙字內看出以意逆之自知其妙

說杜鰲母丘儉贈答詩

杜鰲贈母丘儉詩以懷才不見用爲病欲求儉提拔儉答詩言當靜以待時不足爲病若燥動取行病則不治朋友相規古風可仰註體無纖疾四句云疑有錯互見未到工語語對針未嘗錯互也

說陶淵明咏貧士詩

陶公咏貧士詩引榮叟原生起樊牒不掩肘至末

俱單用原生榮叟竟無着落亦是踈畧處作者當知

叢碧山房雜著卷之上

雜著卷之一

十一

叢碧山房雜著卷之二

任丘龐堦雪崖著

詩義固說下

季弟璽性不喜與人事日把一編寒暑無間制藝之暇輒從事於詩時有所問因問而答隨筆記錄得十餘則論不出於一時故無前後次序與前說有複出者亦俱存之同志者或因端發悟庶幾見風人之本義云爾

聖賢立言以明道詩者立言之一體小序曰詩發乎性情止乎禮義者吾性之固有由性而有情由性而有詞夫子曰辭達而已矣作詩之道盡於此矣風人開其宗離騷漢魏守其緒宋之或易也晉人去魏不遠乃不以達意爲詞而以修詞爲詩意不中出而詞由外來詩遂亡其亡而不亡者有陶公以正其歸也下此又以纖麗失之至唐變爲近體沈宋王孟高岑諸公昌明轉大自是盛世之音未免文勝於質故當以子美爲宗子也下逮宋元漸迷漸失遂流入於粗淺鄙俚而不可救有明代起王李爭於氣格失也膚濶鏗譎矯以幽澹其失也淺弱總相爭於皮毛之外大似退之裘葛之喻

非中論也子欲學詩試卽性情禮義之旨求之風騷求之漢魏求之陶杜其體雖變而道實有合焉其合之爲是則不合者之爲非也是非既明則題舍正而可以無背於風人矣

射有的則決拾有準軍有旗則步伐不亂賦詩命題卽射之的旣之旗也近日詩家亦知立題而莫解詮題濫填景物生插故事章法次第漫不講焉譬若箭發不指的軍行不視旗其不爲節制家所誚者幾希矣

練句要歸自然或五言或七言必令極圓極穩讀

雜著卷之二

三

者上曰自覺矯矯有氣若一字不圓便鬆散無力近體詩今人往往有出句無對句或青黃紫綠外雖分偶而意實合掌其病在前非一氣串下若一氣串下則世之與對淺深不同矣得合掌耶

詩有與比賦賦者意之所託主也意有觸而起曰興借喻而明日比賓也主賓分位須明若貪發題外而忽本意則犯強客壓主之病若濫引題外事而畧本意則有喧客奪主之病若正意旣行忽添古人忽插古事則有暴客驚主之病故余謂詩以賦爲主興者興起其所賦也比者比其所賦也與

比須與賦意相關方無駁雜交馳之病而成章以達也

盛唐絕句聲調悠揚和平神態是其長處然寫情景處往往落禪家合頭語蹊徑故學者易於膚濶至一片冰心在玉壺只今惟有鷓鴣之類猶當避忌杜子美絕句乃是真性情所發得風人之旨後人不知他妙處何可言詩

韓退之南山詩如爛磚碎瓦堆壘成坵耳無生氣無情致無色澤宋人乃舉以敵老北征詩可怪之甚若以退之此詩爲詩則退之文將不可爲文有是理耶知退之之文之佳則知南山詩之不佳矣

雜著卷之二

三

宋人學杜者頗多而所領會不過是老妻畫紙爲棋局黃鳥啼兼白鳥飛林熱鳥開口梅熟許同朱老喫一花一草吾友於之類以爲寫真遂入粗俚惡道而杜之妙處絕不在此

中庸外無奇作詩者指事陳詞能將日用眼前人情天理說得出便是詩李長吉盧仝輩故爲險僻欺世取名所謂索隱行怪後世有述者有識之士不爲也

嚴滄浪以禪說詩有未盡處余舉而補之禪者云從門入者不是家珍須自己胸中流出然後照天照地詩用故事字眼皆從門入者也能抒寫性情是胸中流出者也

禪者云萬事引歸自己近時題咏詩多就軸上冊頭描模着語於已毫無關涉此詩作他何用必須寫入自己乃有情也

禪者云打成一片詩有實有土有景有情須如四肢百骸連合具體若泛填濫寫牛頭馬身參錯支離成得甚物亦須打成一片乃得

雜著卷之二

四

禪者云佛法事事現成唯詩亦然作一詩題前題後題內題外原有現成情景在只要追尋得到情景自出耳

禪者云莫將父母生身鼻孔扭捏作詩任真而出自有妙境若一作穿鑿失自然之旨極其成就不過野狐外道風力所轉耳

禪者云生路漸熟熟路漸生勦拉字眼塗抹煙雲詩家熟路也由志敷言即言見志生路也學者一意爲言志之詩不屑爲修詞之詩初時亦覺難入追琢既久自覺有階可升勦拉塗抹之途荒而持

意言志之途熟便可到家矣

節錄古人論詩

梁劉勰云大舜云詩言志歌咏言聖謨所悉義已明矣是以在心爲志發言爲詩舒文載實其在茲乎詩者持也持人性情三百之蔽義歸無邪持之爲訓有符焉齊其論最正卽卜子安乎性情止乎禮義之謂也

又曰八體屢遷

八體一典雅二遺興三精約四顯附五繁縟六壯麗七新奇八輕靡

功以學成才力居中聲自血氣氣以實志志以定言吐納英華莫非情性數語宜玩所謂性情真爲

雜著卷之二

五

其能適意也今人見一二語稍切實者曰性情語殆未解此矣

又曰情者文之經辭者理之緯經正而後緯成理定而後辭暢此立文之本原也昔詩人篇什爲情而造文辭人賦頌爲文而造情爲情者要約而寫真爲文者淫麗而繁亂而後之作若抹濫忽其遠棄風雅云云正中今日學者之病

又云自近代以來文貴則似窺情風景之上鑽貌草木之中吟咏所發夫惟深遠體切爲妙功在密持故巧言切狀如印之印泥不加雕飾而曲寫毫

芥故能瞻言而見貌印字而知時其說得半承物  
必推子美乃爲當家以其取義正不卽不離之間  
而寄託深遠也此是子美勝於古人處

文中子云謝靈運小人哉其文傲君子則謹沈休  
文小人哉其文治君子則典鮑照江淹古之狷者  
也其文激以怨吳筠孔珪古之狂者也其文怪以  
怒謝莊王融古之纖人也其文碎徐陵庾信古之  
夸人也其文誕孝綽兄弟古之鄙人也其文淫湘  
東王兄弟貪人也其文繁謝朓淺人也其文捷江  
總詭人也其文虛皆古之不利人也顏延之土儉  
任昉有君子之心焉其文約以則最可玩言之邪  
正心術關焉故觀其詩可以知其人

雜著卷之二

六

徐禎卿云情者心之精也情無定位觸感而興既  
動於中必形於聲故喜則爲笑啞憂則爲吁歔怒  
則爲叱咤然引而成音氣實爲佐引音成詞文實  
與功蓋因情以發氣因氣以成聲因聲而繪詞因  
詞而定韻此詩之源也然情實踟蹰必因思以窮  
其奧氣有粗弱必因六以奪其偏詞雖妥帖必因  
才以致其極才易飄揚必因質以禦其侈此詩之  
流也語亦在半離半合之間

又曰由質開文古詩所以稱巧由文求質晉格所  
以爲衰此語却是

叢碧山房雜著卷之下

雜著卷之二

七



叢碧山房新著卷之三

任正龐堽雪崖著

題跋

書羅桐皋草書歌後

曉巖張子出一卷贈余乃七十三歲翁羅君桐皋手書和余秋口感懷詩也余未識羅君讀其詩脫洒有道氣過余原唱遠甚至書法之妙直闢入晉人之室矣余竦然敬之昔衛武公行年七十賦抑篇以自儆古今稱其賢羅君過之三焉吟咏臨池不少衰如此有斐之思胡可讓也曉巖作草書歌贈之索余題附識於後

跋蒙木集後

歲丙寅余遊濟南與鍾子聖與往來嵒萃踞寒泉上飲酒賦詩唱和最多喜其清新刻至所謂穿天心出月勝者世未多見也別後十年不聞好音今春鍾子有事都門相見甚懽已而讀其家木集近詩詞進而益工調進而益老一時傳誦遍長安余愛之重之以疲於趨走不能用唱和若曩者不勝愧嘆云

題李漁村爲外家立嗣記後

噫嘻世道日降私貨財薄所生者往往有之矣况先遠之外家乎諸城李子漁村念母氏而因及母氏所自出爲之擇賢正後割田宅置祠祭俾七十年已斬之緒更得血食孝義之行求之古人當不多見余幼受外家恩最深壬申之秋始爲舅氏子成諸生餘懷其展披讀此記余之有讓於李子者又不獨學問詩文也已

李公凱曰雪崖至性人見人厚德事親喜談樂道而有而不居又共大遇人處

跋趙王峯少宰書法後

書有道焉以自然爲宗以真氣結聚爲主不離於法實不泥於法者也嘗見學書者依摹形體刻意求肖近眼粲然再觀索然矣以無真氣貫注而失自然之宗也先生此帖根柢二王參以虞褚用法而不局於法驚鴻游龍鬼起鶻落殆不足盡其致焉晉唐之風未墜於地蓋在先生矣聞先生於書行走坐臥未嘗暫舍指畫衣前被首不敝而壞几案成痕夫仁亦在乎熟之而已矣萬理萬事之所由成皆取諸此茲所謂道而進於技者哉

跋馬祖修近詩

古人之詩寫意後人之詩修詞意足感心其味長

詞以美觀其趣短以詞相尚詩日多而道日少矣  
友人馬子祖修能用其意爲詩氣清而和語圓而  
潤篇法井井視他家之姿泊蕪辭何啻霄壤哉丙  
子首夏馬子見示此詩余讀之曩服將以復古不  
能不有望於馬子也

書李公凱北征方畧記

節取經語成章古人亦有之但難於渾融無補綴  
痕耳李子鎔化煅煉以詞成文以文達意而開合  
頓挫一氣渾成古未有也良工集千腋爲裘節節  
素泊既成之後但見華美心知所成而不見成之  
之迹則其審材精而行針妙故也平淮西碑聖德  
頌有此氣象無此典與已

汪東川詩評

汪子以初盛之氣運中晚之詞不惟去僞唐人之  
塵腐抑絕遠宋元人之謬薄章法次序一絲不走  
作者用心正自不同耳近病得堂請五日臨牀展  
讀妍辭妙思引人入勝盡忘患苦之在身始知孔  
璋之檄子美之歌愈止瘡皆實有是事非徒借  
以贊詩文之妙也

自跋爲陳垣菴書東臯別墅詩卷後

東臯在東便門東北三十里許輔國將軍博公別  
墅在焉木無行列苑無垣牆因高就下以爲池臺  
謝公所謂卽事罕人工者也南臨通惠河帆檣往  
來時接於目葭菼叢蘢禽魚唼喋頗極蕭閒野逸  
之趣將軍索余題爲卽景繫詩得十二首坦菴陳  
比部讀而悅之命予書自携巨紙遇寓舍命之曰  
寬窄橫豎任意裁書以盡爲度偶負疾坐牀頭不  
能書長幅聊作橫卷時丁丑七月廿九日也

以三十字賦一題外盡其象內盡其理須一氣奔  
赴着不得一閒字閒句也以博君求之甚懇用全  
副精神爲之字句相生綿密成章時作者如林風  
影婆娑無當也因先生知音故者論及之如此雲  
崖再跋

題鍾文子傳後

京師鍾文子先生者有道士也博於學工於文而  
廉於爲吏五歷外臺囊橐蕭然自計食不可以沽  
京師占歷下風土之勝遂畱耕焉丙寅余過濟南  
得識令子聖與文雅翩翩蓋能讀其書者所居宅  
及園猶當年所置儉朴荒畧不稱方面之居先生  
之道與學可因文而見若其廉則於斯蓋信也

書雪塢所藏董文敏墨蹟後

余不工書故所見不廣未審京海先生何時人其書法何似也若文敏此書半神掩却有澤雪在霄舒卷自如之妙真寶物也詩則凌泊無真氣宋人大抵如此文敏稱之余所未解丙子冬雪公出以共賞因識其後

題雪坪文鈔

孔子云辭達而已矣孟子云不成章不達于古文字之道盡於此矣必規規秦漢八大家求似於聲音笑貌之間而真面目已失何取乎耦長文不事規摹意到而行意盡而止蓋成章以達者也猶猶韶秀之斐猶其餘事

題知我錄

世有愛人之恩而轉盼輒忘或小開利害齊之牛而下石者蓋多矣觀耦長所記錄一言之善一物之微永矢弗諼自是忠厚長者之道所謂世風之薄不肖自我薄之者也往與施高兩公同館面談及生平遭遇率多感德懷舊之言未嘗及嫌隙事宜城固多君子哉

李公親日題耦長錄及山阮侯雪崖不誤人善往延如此

跋拙菴上人懷淨土詩

僧以詩傳者多矣惠休生於六朝尚爲綺語皎然齊已起於唐季學六文人於第一義無法也惟對寒山詩透宗關肯不墜宗風而今僧之爲詩者弗省蓋知以詩爲詩而迷却來路者也盤山和尚得於真參實悟之餘行則皆法言即是道余久仰之茲以咏懷淨土詩見示其言近而旨遠比於對寒山皎然齊已非倫况惠休綺語耶讀者苟以深心會之可以透向上機關不啻抒寫性情而已

自題爲陳子文書近詩卷子後

五經各有本義道性情者風人之義也心有所感不得已而託之言以發其憤而已非以文詞悅人觀聽也漢魏及陶淵明五古盛唐人五七言近體皆體此意以爲詩故於風人爲近後此義漸失而驚於詞有爲莊麗之詞者有爲輕薄之詞者新舊交訐究之志不中出言從外來同一肩洞而已先生深心風雅今之有道故舉以就而正之以存余一說云爾

書枏梗賦後

古來文體不一要以意爲主詞取能達而已詞繁

則意隱作者無取焉近時詩文皆犯此病而或爲甚以體在駢麗流下尤易耳下評有道士久羈長安欲歸無力作桴梗賦以見意文以情生情緣文顯不泛不支而形容盡態是能明乎作賦之義者也陳思王吁嗟篇體格異而感悼同可以觀矣

張杞園或語集題詞

君子立言以明道也道統心理之同言不背於道則見者愜於心孟子所謂聖人復起不易吾言者匪言之不易而言之本於道之不可易也詩與文皆立言明道中事余常舉以論詩而人或河漢其語緣風人既遠作者之意不傳但襲取詞句以爲詩故積習難悟耳杞園見道人文不事雕績惟取曉暢大義而止而波折頓挫自然成章深得聖人辭達之旨喜其與余言有合也因附著數行以互相發明且將以使後來者之知所歸也

書漢魏詩彙編後 凡四則

漢詩無字不活無句不穩句意相生纏綿不斷而章法次第井然有章其三百篇之嫡派所謂質極而文淡而不厭者也魏詩多一分緣飾遂讓漢人一分然未甚相遠曹氏父子兄弟妙處可與漢人

爭席七子中仲宣最勝應劉諸人氣稍散緩押韻或不甚渾成遂有疎滯字句不及曹王矣外此稍阮猶可觀阮公咏懷詩賦至八十二首未免過多胸中安能有八十二種意旨耶故往往有複處率處滯處參錯處文選收取十七首然求其可入漢人而敵曹王者四五而已甚矣詩之取裁貴簡也

李公凱曰真讀書人自然細心麗子如此說詩那得不令人願解

又曰書云詩言志上子曰發乎情性情之發爲志而形之於言爲詩風人之義也後人不明此義但粉飾字句以爲詩烏得有詩哉漢魏之詩能言其志故學爲詩者不可不讀也余得此刻喜其簡便隨意批點好事者在在持新本易去丁丑仲冬淮上劉文冠見之又持此本求易余以案頭所存太狼藉故點次原本付之刻中差訛甚多天寒日短亦未暇改正也

又曰漢五言詩去三百篇最近以直抒胸懷一意終始而字圓句穩相生相續成章如一人之身五體分明而氣血周行無間不事點染而文彩自生也後人不知大意端以粉飾字句爲詩故舛錯交



離念求工而愈無詩矣風雲月露行而性情盡義  
隱可嘆也

李公真曰結語尚不似  
詩亦可以無化

又曰莫詩通首七言者絕少其散見于雜言者雖  
一句二句不可不熟玩而吟咏之以其用字峭緊  
爲句渾成矯矯有氣也若練句不學漢人不知用  
氣雖奏泊成句非選輒則板滯成章且不能而况  
爲興觀之藉耶

李公真曰羅子詩得力於  
漢魏故言之津津有味  
張李崆峒先生真蹟後

崆峒先生氣節自持大有後漢黨人之風非言官  
而以言得罪毋亦賢者之過與詩名傳播古今而  
絕不及書法知不善此也大其方于一舉偶得此  
卷乃先生自書詩草近體古風如千首果拙甚然  
一種矯亢難馴之氣見於毫端可想見此老崛強  
如昔云

書張杞園爲其伯叔立後記末

山東張杞園先生因李渭清使者寄示爲其伯叔  
立後記余讀之不覺三嘆云按杞園父明經伯孝  
廉叔侍御生平友愛有田廣姜肱之風孝廉沒無  
子時明經猶未生杞園也杞園生數歲侍御沒亦  
無子乃以杞園嗣之無何明經復沒杞園終鮮兄  
弟明經有子而無子矣略叔與父孰親固持父命  
爲人後而絕其本生不惟情有弗安卽禮亦有所  
不可也杞園歸宗宜已然念及父命出嗣之意世  
父猶子之情哀痛弗釋日叩天求子以爲分承地  
天果錫之三丈夫子皆長成而杞園之意可以稍  
慰也于是留長子侍養以承明經祀而以一嗣侍  
御更推明經未及之志以一嗣孝廉不惟兩全且  
三善已詩曰孝思不匱永錫爾類其杞園之謂乎  
因憶前李渭清爲其外祖父立後記余嘆其能體  
毋志復覽杞園此記益信兩君生託同侍居後近  
聖故孝義文章出于風土而成于天性如此哉誰  
謂季世無君子乎



銘贊類

墨銘

石同堅漆同黝腹不可無面不可

筆銘

伐毛戔旅活人惟汝陷人惟汝果汝乎余以問所

主

印式銘

其製如工  
師之尺

亦橫亦直圖書比之載其平直幹藻騰輝

方竹杖銘

無柴內無蠟外奚徃于圓而坦方之碍棱棱高節

相余不逮

召子硯銘

徑寸之石可以作研匪雕匪琢任質自然誰寧務

廣大而舍神堅

爐銘

好上士來朋名香來臭冥心見曉玩物無咎象

博山爲君子壽

茶碗銘

梵字周  
曆書也

挺直爲器周以梵書注若挹其樂只且余清飲  
而不食之人將與蟬爲徒與

帳銘

三君之幃以避忝民君子中望不惡人宵人

門銘

凡百爲室厥有戶存誰出不由孔聖有言知用門  
中出身身思身中出門

蓋銘

夏日之炎炎日余有蓋爾室有歎與暘同敗

扇銘

雖有烈日障扇可免雖有障扇行汚莫掩視爾則  
近興心則遠

几銘

烏皮之几可以橫琴有情無感焉託於音隱云隱  
云奚以知昔之非今

水盆銘

止水其審同有丞則官曠乃石田誰職其愆

筆筒銘

管子有城衆城成都紆朱拖墨與雪爲徒

筆床銘


四寸之床以供行書載毫載毛在案不濡資我腕  
力誠哉有諸

書錐銘

金剛爲體其鋒銛然處囊見小有鑽無堅君子博  
文百家所傳防逸人敢惟爾之賢

行硯銘

棱棱石研出端之津其體雖微有不礪用之大  
書摩窠或不足而出入篋笥介有便乎東西南北  
之人



叢碧山房集五十七卷附詩義固說二卷

內府藏本

國朝麗壇撰壇字齊公號雪崖任邱人康熙己未

召試博學鴻詞授翰林院檢討降中書舍人終於建寧府

知府是集凡文八卷襍著三卷翰苑稿十四卷舍  
人稿六卷工部稿十一卷戶部稿十卷建州稿五  
卷皆其所手自編定也壇爲詩主於平正冲澹不  
求文飾當王士禎名極盛時能文之士率奔走門  
牆假借聲譽壇獨落落不相親附故士禎亦不甚  
稱之惟記其病足詩切防美人笑蹙者春來不過  
平原門一絕而已然壇早歲所作頗得深婉清微  
之致晚年菁華既竭流於枯淡其舍人稿不及翰  
苑工部稿不及舍人戶部稿不及工部至建州稿  
以後頽唐益甚田雯爲作戶部稿序以白居易陸  
游比壇意頗愠然實箴規之言也末附詩義固說  
二卷論亦切實惟推衍嚴羽之說以禪談詩轉至  
於支離曼衍是其好高之過矣